

افتخار اسلام  
تاریخی















۵۵۴/۱  
او غلوم شلمانه یاده کارمه

مجموعه

# انتشار اسلام

## قاری

مترجمی

مؤلفی

کهیمبرج دارالفنونى (ماستر اوف آرٹس)  
رتبه سی اصحابندن  
چرکش شیخی زاده  
م . غلبیل خالدر

هندستانك عليكر مدرسه كبره اسلاميه سی  
فلسفه معلم سابقی  
لوندره دارالفنونى عربى معلمی  
ت . و . آر نولد

سبیل الرئاد کتبخانه سی نشریاتی

استانبول

یئکی طبعینا

مارغالی بخاده نیشنده رشید افندی خانینه







### مقدمه

اسلامك وعظ وتبليغى نام اثر معتبرك انگليزجه دن توركجه يه ترجمه سنى سبيل الرشاد بكا تكليف ايلدى . بوايشك كنج وداهاغيور بر كيمسه نك همته توقيف ايده جكنى بيلديكمدن تكليف واقى تلقى ده خيلى تردد ايلشدم . ترده دها مهم برسب واردى ؛ بو كتاب اوقونقدن صوكره آكلاشيله جنى اوزره غايت عالمانه بازلش ومدخلى كى مطالعات اختتاميه فصلى ده برچوق دقيق افكار فلسفيه يى محتوى بولنش اولديغندن اوافكارك لسانزه نقلي همچون كندمده كافى اقتدار بولماشدم . مع مافيه اترك صاحب ايمان هر وطنداش همچون جاذبه لى مباحثى حاوى بولنشدن طولانى عاقبت تكليف واقى قبوله جرأت ايلدم . بعض اصطلاحات دينيه و فلسفيه نك لسانزده كى مقابللريله بعض اسماء خاصه نك صورت تحريرنده ارتكاب خطا ايلش اولديغ بك محتملدر . بواثر عالشمول بونجه موادى حاوى اولديغندن ترجمه سنده برچوق تدقيقات و تبعاتنه احتياج بولنديغى دركاردر ؛ حال كه شو صيره ده او كى تبعاتنه بولنه جق فرصتله مالك اولديغ كى اساساً ترجمه همچون تعيين ايديلن اوچ درت آيلىق قيصه بر مدت او كى تحقيقات و تبعاتنه مساعد دخى دكلدى ؛ بوندن طولانى خطاى واقعه مك ارباب قرائت طرفندن عفو بويورلسى متمنادر . هر حالده ترجمه ده سهولت عباره التزامنه چايلشدم ؛ چونكه مؤلف بو اثرى آوروپاليلر آره سنده اكثر يتله ارباب اختصاصك قرائتى همچون استحضار ايلديكى حالده ترجمه سنده هر ديندار وطنداشك سهولته قرائتنه صلاحيتى نظر دقتدن دور طوتلامشدر .

مؤلف فاضل كتابى مندرجاتك هان هر فقره سى همچون براى استشهاد زير صحافده السنه متعدده اوزره بازلش مأخذلك اساميسنى كوسترمشدر . بن يالكز بوماخذلردن مهملرينك اسملرينى آلام واسامى مأخذك تكررينه بك ده ميدان ويرمدم ؛ زيرا مأخذ اوله رق كوسترين اسامى كتب ورسائلى ترجمه ده ايضاحاتى اوله رق نقل ايدلك لازم كلديكندن مأخذ اصليلرك عموميت اوزره نقلي لسانزده كى طبعى زياده سيله اشكال ايلردى .



بو اثری ایکنجی طبعندن ترجمه ایلام . برنجی طبعی ۱۸۹۶ سنه سنده یعنی بوندن  
یکرمی سکر سنه مقدم وقوع بولدی . مؤلفی ایشته اوسنه لوندرده طابعشدم . اووقت  
بو اثری حاضر لاق ایچون سکر سنه چالیشدیغنی سولمشدی ؛ فقط ۱۹۱۳ سنه سی وقوعه  
کلن ایکنجی طبع ایچون دهاا بر خیلی سنه لر چالیشمش اولدیغنی ظاهر در .  
اثرک وقایعی میلادی تاریخ اوزره قید ایدلیدیکندن بونلرک هجری مقابلرینی بولوب  
ایکی تاریخی ده یان یانه قید ایتم واستشهاد طریقله نقل ایدیان آیات قرآنیه ترجمه لوندن  
عبارة منیفه اصلیه لرینی بالفهم قرآن کریمده تخری ایلام وصحت اوزره نقله چالیشدم .  
امید ایدرم که بو یابده بویوک خطالرده بولمدم .

مؤلف فاضل محویت کوستره رک اثرینه « اسلام میسیونه لرکی تاریخی » دیکدن  
چکندیکی یازیور ؛ فقط بز اثری امشالسز بر تاریخ اوله رق بولدیغزدن تورکجه ده  
اسمنی « انشار اسلام تاریخی » قوبدق . کتابک حاوی اولدیغنی موادک تلخیصنده پک  
بیطرف بولمقله برابر محترم مؤلفک اسلامی خریستیان منقدرینه قارشنی یالکر صحت اوزره  
دکل ، برده جهد ومجتله مدافعه ایلیدیکی مندرجات کتابک قرائندن منفهم اولور .  
تحصیل عالیسنی که میبرج دارالفنوننده آتامدن سوکره هندستانه کیدن مؤلف هند  
مسلمانلرینک علوم وفنون حاضره ایچون باشلیجه بر مؤسسه تدریسیه لری اولای علیکر  
مدرسه سنده فلسفه معلمکی ایتمشدر . انکلتراهه عودتندن سوکره لوندرده کی هندستان  
نظارتی کتبخانه کبیرینه مدیر اولمشدی . بالآخره انکلتراهه کی هندلی طلبه نک امور  
تحصیلیه سنه نظارت الیش اولدیغنی کی لوندره دارالفنوننه عربی معلمی دخی انتخاب ایدلمشدر .  
خدمات عدیده سنه مکافاة « سیر » عنوانی ده بحق استحصال ایلمشدر .

چرکش شیخی زاده

م . ضلیل خالد

پیشینیزون افعال و اخلاق قرآنیه  
بجست آیدر اولامه کتاب



مدخل

میلادک ۱۸۷۲ تاریخده (وہ سمینستر) دہ کی بویوک کلیساده میسیونہرلک،  
تشبثاتی مناسبتیلہ وقوعہ کلن شفاعت دعاسی اجتماعندہ پروفیسور ما کس  
مولہر [۱] طرفندن ویریلن قونفرانس کونندن بری دنیاہ موجود اولان  
الٹی بویوک دینی «میسیونہرلی» و «میسیونہرسز» دیہ ایکی یہ تقسیم ایتک برقاعدہ  
عمومیہ اولمشدر . میسیونہرسز صنفندہ موسویت ، براہمان وزردشت مذہبلی  
داخلدر . میسیونہرلی قسمدہدہ بودا مذہبیلہ نصرانیت و دین اسلام بولنیور .  
ما کس مولہر میسیونہرلی دیندن مراد نہ اولدیغنی پک ایی تعریف ایشدر :  
« واضع دینک و آندن براز صوکرہ کلن خلفرینک نشرحقی وغیر مؤمنلرک  
ایمانہ کتورلسنی بروظیفہ مقدسہ مرتبہسنہ چیقاردقلری دینہ «میسیونہرلی»  
دین دینیلہ بیلور . بو بروح حقدرکہ او دینہ معتقد اولانلرک قبلرندہ  
موجوددر ؛ ہیچدہ ساکن قالہماز ؛ تاکہ فکرأ ، قولأ وفعالأ کندیسنی اظہار  
ایدہ . بویلہجہ امر تلقینی ہر فرد بشرک روحنہ ایصال ایتدکجہ راحت طورماز ؛  
تاکہ کندیسنک حق اولمق اوزرہ ایمان ایلدیکی شی بوتون اعضای بی بشر  
طرفندن حق و حقیقت اولمق اوزرہ قبول ایدیلہ . »

کندی دینلرینک حق اولدیغنی حقندہ کی شوقلرندن طولاییدر کہ مسلمانلر  
اسلامک بشارتی ہر کیردکلری مملکتہ کوتورمک وظیفہسیلہ ملہم بولنورلر ؛

[۱] پروفیسور ما کس مولہر آلمان ایکن قرالیچہ ویقتوریا دورندہ انکلترہ یہ کلوب  
توطن ایتمش ؛ انکلز لشمس و اوکسفورد دارالفنونندہ مہم برموقع تدریس احراز  
ایلشدی . منقد ، متفکر و مستشرق ایدی . سانسقریت لسانیہ و علم اشتقاق ایلہ زیادہ  
توغل ایلردی . « دنیا ناک مقدس کتابلری » عنوانی آلتندہ متعدد ادیانک کتب مقدسہ سنی  
حاوی بولنان انکلزجہ اثر عظیم آنک تحت ادارہ سندہ وجودہ کلشدر . مترجم



بوایسه آنلرک دینک میسیونرلک ادیانی آره سنده بر موقع طومسنی بحق التزام ایدر . ایشته بوتلقین و تبشیر شوقنک تاریخ حدوشی و آنک قوای الهامیه و صور اجرائیه سی صحایف آیهنک موضوعنی تشکیل ایلر . ایوم دنیانک هر طرفه طاغلمش بولنان برقاچ یوز میلیون افراد اسلامیه اون اوچ عصر ظرفده وقوعه کلن بو تبشیر فعالیتلرینک برهانیدر .

بودینک احکامی ابتدا یدنجی قرن ( میلادی ) ده عربستان خلقنه بر پیغمبر طرفدن تبلیغ ایدلمش و آنک لوای رسالتی آلتنده بو خلقک قبائل متفرعه سی بر امت حاله کلمشیدی . بویکی حیات ملینک انشراحى ايله و بر غیرت و هوس ايله - که اوردولرینه همان غیر قابل مقاومت بر قوت بخش ایلشیدی - بو خلق اوچ قطعاً عالمه فتح و حکم امليله آقین ایتدی . ابتدا سوریه ، فلسطین ، مصر ، شمالی آفریقا و ایران اونلرک مواجهه لرنده بر برر سقوط ایلدی . اسپانیاه قدر غرب و هندستان حدودنده کی سند نهرینه قدر شرق جهتلرینه طوغری روش تضییق آرتیردقلرندن پیغمبرک ارتحالندن یوز سنه سوکره آنک اثرینه سالک اولانلر کندیلرینی رومانک اوچ اقباله واصل اولدیغی زمانده کی امپراطورلغندن داها بویوک بر ملکک حاکمیری موقعنده بولدیلر .

واقعا سنین متعاقبه ظرفده بو بویوک مسلمان امپراطورلنی طاغیلدی و اسلامک قوه سیاسیه سی آزالدی . فقط فتوحات روحانیه سی بلا انقطاع دوام ایلدی . ( ۱۲۵۸ - هجری ۶۵۶ ) سنه سنده مغول سوریلرینک بغدادده عصب و غارت اجرا ایلدکلری و عباسیه خاندانک سونوک بر حالده بولنان شانی قانلر ایچنده بوغدقلری و ( له تون و قاستیل ) فردیناندینک اندلسک ( قرطبه ) جهتلرنده قالان مسلمانلری سوروب چیقاردیغی ( میلادی ۱۲۲۶ - هجری ۶۳۴ ) و اسپانیاده مسلمانلرک صوک موقع حصینی اولان غرناطه نک خراج و یرمکه مجبور قالدیغی زمانلرده اسلامیت صوماطرا اطه سنده و مالای جزایر مجتمعه سی ایچنده ترقیات مظفرانه به باشلا یوردی . تنزل سیاسی آنلرنده اسلامیت اک پارلاق فتوحات روحانیه سندن بعضلرینی اجرا ایلشدر . ایکی وقعۀ تاریخیه صره سنده طریق پیغمبری سالکلرینک بوغازلرینه باربار طائفه لر آیاقلرینی باصمشرلردی ؛ یعنی

سلجوق تورککری اون برنجی عصرده و مغوللر اون اوچنجی عصرده . بوایکی حالده دخی فاتحلر مغولبلرک دینی قبول ایلمشدر . کذلک کندیلرینه هیچ بر قوۂ حاکمیت معین اولمدیغی حالده مسلمان مبشرلری دینلرینی آفریقای وسطایه ، هند شرقی دینلن اظهله وچینه قدر ایصال ایلمشدری . حال حاضرده ایسه دین اسلام مراکشدن زنکباره ، آفریقای غربیده کی سیه راله ئوندن سربیا وچینه ، بوسنه وهرسکدن یکی ( کینی ) مستملکسه قدر توسع ایتمش بولمقدهدر . منحصرأ مسلمان بولان دیار و مملکتلرک حدودندن خیلی اوزاقده قالان چین کبی ، روسیه کبی مملکتلر کثرتلی اهل اسلامی حاوی اولدقدن باشقه رسول اسلامک طریق دینیسی سالکلرندن مرکب بعض جماعات صغیره داها واردرکه دین اسلامک غیر مؤمنلر ایچنده موجودیته مالکیتنی اثبات ایدر . اصلاً تاتار اولوب له لسانیه متکلم بولان و ( قوونو ) ، ( ویلنو ) و ( غرودنو ) کبی حوالی ده ساکن اولان ، امید برونی مستملکسه سنده فلمنکجه تکلم ایدن مسلمانلره غربی هند اظه لرینه وانکلتره ایله هولاندایه تابع کینی یه قدر دین اسلامی کوتورن هندستان عمله وخدامی کبی . صوگ سنه لرده اسلامیت انکلتره ده ، شمالی آمریقادده ، آسترالیاده و ژاپونیا ده کندیسنه سالکلر بولمشدر .

کره ارضک بو قدر واسع بر قسمنده بو دینک انتشار ایلمی اجتماعی ، سیاسی و مذهبی اولمق اوزره اسباب مختلفه دن ناشیدر . فقط بونلردن باشقه بر سبب داها واردرکه او حیرت بخش نتیجه نک استحصالنده اک قوتلی عامللردن بری اولمشدر . بوده کندیلرینه حضرت پیغمبری نمونه اقتدا اتخا ایدن و غیر مؤمنلرک اهتداسی ایچون وقف وجود ایلدن مسلمان مبشرلرینک طورمق بیلمز فعالیتلریدر . میسیونه رلک فعالیتی اسلامیتده صوکره دن دوشولمش برشی دکلدر ؛ حتی داها بدایتدن مؤمنلر اوزرینه واجب اولمش برایشدر . بوکا قرآن کریمک شو آیتلری ایله حکم اولنه بیلور :

« ادع الی سبیل ربک بالحکمة والموعظة الحسنة ( سورة النحل ) = ربکک یولنه انسانلری حکمتله و کوزل نصیحتلره دعوتده بولون . »



« فلذلك فادع واستقم كما امرت (سورة الشورى) = انسانلرى ايشته بوتوحيدہ دعوت ايت وامر اولونديغك وجهله استقامتده بولون .  
 « رقل للذين اوتوا الكتاب والامين اأسلمتم فان اسلموا فقد اهدوا  
 (سورة آل عمران) = كنديلرينه كتاب ويريلنلرله عرب مشركلرينه اسلامى  
 قبول ايتديكزىمى ؟ دى . شايد قبول ايدرلرسه ضالالدىن قورتولمشلر ديمكدر  
 « كذلك بين الله لكم آياته لعلكم تهتدون (آل عمران) = بلدكه طوغرو  
 يولى بولورسيكز ديه الله سزه بويله جه آياتى بيلديريور .  
 « فلا ينازعنك فى الامر وادع الى ربك انك لعلى هدى مستقيم (سورة الحج) =  
 ذبحه ايشنده سنكله اصلا منازعه ايتسونلر . (يعنى نزاعه ميدان ويرمه .  
 وربكك دينه دعوتده بولون »

« وان احد من المشركين استجارك فاجره حتى يسمع كلام الله (سورة التوبة) =  
 مشركلردن برى سندن آمان ديلرسه كلام الله ديكلمه مسى ايجون اوكا امان وير .  
 « فان تابوا واقاموا الصلاة وآتوا الزكوة فآخوانكم فى الدين (سورة التوبة) =  
 كفردن رجوع ايدرلرده نماز قيلار ، زكات ويرلرلرسه آرتيق سزك دين  
 قارداشليكزدر . »

بويله جه اسلاميت مباديدن برى عملى ونظرى اولمق اوزره ميسيونهرلى  
 بردين بولمشدرد ؛ چونكه بوتبشير حيات حضرت محمدده تمثل ايدر وغير  
 مؤمنلرقلبلرينه دينلرينى ادخاله يول بولان وبرقافله كثره تشكيل ايدن  
 مسلمان مبشرلرينك باشنده بالذات حضرت پيغمبر بولنور . بوندىن ماعدا  
 اسلاميتده كى ميسيونهرلك روحنك اماره لرلى مظالم جباردهده ويا متعصينك  
 شدت غضبلرنده آراميه جغمز كى برالنده قيليج ، ديكرالنده قرآن بولنور  
 برصورتده تخيل ايديلن شخصيتده ، يعنى مسلمان جنكاورينك تشبثاتندهده .  
 آرامامليدر ؛ او آنجق كره ارضك هربر جهتنده دينلرينى ادخاله چالیشان  
 مسلمان واعظيله تاجرلرينك ساكن ونمايشدن عارى اولان فعاليتلرنده بولنور .  
 بوكى غير متجاوز وصلحپورانه اصول وعظ وتلقين يالكز ايجابات سياسيه نك  
 جبر وشدتى غير معقول ويا غير ممكن كوسترديكى زمانلرده اتخا اولنمامشدر ؛

برده قرآن کریم او اصول تلقینک اتحادینی متعدد آیتلره امر ایدر .  
 « واصبر علی ما یقولون و اعجزهم هجراً جمیلاً (سورة المزمل) = کفارک  
 سویلدکلرینه تحمل ایت . و اونلره علاقه کی صورت جمیله ده کس »  
 « الا بلاغاً من الله ورسالاته (سورة الجن) = بنم المده اللهم و حیلرینی  
 تبلیغدن و رسالتلرندن باشقه بر شی یوق . »

« قل للذین آمنوا یغفروا للذین لایرجون ایام الله لیجزی قوماً بما کانوا  
 یکسبون (سورة الجاثیة) = ایمان ایدنلره سویله : اللهم شدتلی کونلرینک  
 کله جکنی او مایوبده کندیلرینه اذا ایدن کفاری عفو ایتسونلرکه بوصورتده  
 قازانمش اولدقلری حسنات یوزندن الله بر قومی نائل مکافات ایلسون . »  
 « قال الذین اشرکوا لو شاء الله ما عبدنا من دونه من شی نحن ولا اباؤنا ولا  
 حرمانا من دونه من شی كذلك فعل الذین من قبلهم فهل علی الرسل الا البلاغ -  
 المبین (سورة النحل) = مشرکلر دیدیلرکه الله ایسته مش اولایدی بزده ،  
 آنلرمزده نه اوندن باشقه سنه ظایار ، نه ده اونک حرام ایتدیکی بر شیئی حرام  
 ایدردک . کندیلرندن اول کلنلرده بویله پامشلردی . پیغمبرلر ایچون آچیق  
 بر تبلیغدن باشقه بر شی وارمی ؟ »

« فان تولوا فاما علیک البلاغ المبین (سورة النحل) = یوز چویرلرسه  
 سنک وظیفهک آنجق آچیق بر تبلیغدن عبارتدر . »

« ولا تجادلوا أهل الكتاب الا بالتی هی احسن الا الذین ظلموا منهم وقولوا  
 آمنا بالذی انزل الینا وانزل الیکم والهنا والهکم واحد ونحن له مسلمون (سورة -  
 العنکبوت) = ایچلرندن ظلم ایدنلری مستثنا اولمق اوزره اهل کتاب ایله  
 مجادله کزده اک کوزل طریقندن باشقه سنی طوتماییک ، و دیک که : بزله بزده ،  
 سزدهه ایندیریلن کتابلره ایناندق . »

« فان أعرضوا فما ارسلناک علیهم حیظاً ان علیک الا البلاغ = اعراض  
 ایدرلرسه بزله سنی اونلر اوزرینه محافظ کوندرمدک . سنک عهده کده تبلیغدن  
 باشقه وظیفه یوق . »

« ولو شاء ربک لآمن من فی الارض کلهم جمیعا افأنت تکره الناس حتی



يكونوا مؤمنين (سورة يونس) = ربك ايسته سەيدى ير يوزنده كيلرك هېسى  
 ايمان ايدردى . سن ، يوقسه مؤمن اولملىرى ايچون انسانلره جبرمى ايدە جكسك ؟  
 « وما ارسلناك الا كافة للناس بشيراً ونذيراً (سورة سبأ) = بزلى سنى  
 بوتون انسانلر ايچون آنحق بشير ونذير اوله رق كوندردك . »

« لا اكره فى الدين (سورة البقرة) = دينده جبر يوق . »

« واطيعوا الله واطيعوا الرسول فان توليم فانما على رسولنا البلاغ المبين (سورة-  
 النور) = برده ، اللهه ويغمبره اطاعت ايدى كىز . شايد اعراض ايدرسه كىز  
 ييغمبرمىزك عهدە سنده آچيق بر تبليغدن باشقه وظيفه يوقدر . »

قل يا ايها الناس انما انا لكم نذير مبين (سورة الحج) = اونلره دى كه :  
 اى انسانلر بن سىزك ايچون آچيق تبليغ ايدر بر نذيردن باشقه برشى دى كىم .  
 « انا ارسلناك شاهداً ومبشراً ونذيراً . لتؤمنوا بالله ورسوله وتعزروه  
 وتوقروه وتسبحوه بكرة واصيلاً (سورة الفتح) = يا محمد بز سنى شاهد ،  
 مبشر ونذير اوله رق كوندردك . تا كه سىزله اللهه ورسولنه ايمان ايله ييغمبرى  
 اعزاز وتوقير وجناب حقى صباح وآقشام تنزيه وتقديس ايدە سىز . »

« ولا تزال تطلع على خائنة منهم الا قليلا منهم فاعف عنهم واصفح ان الله  
 يحب المحسنين (سورة المائدة) = ايچلرندن بك آزدن باشقه سىزك داىما خيانتته  
 مطلع اولور طور ورسىك . كنىديرينه قارشى عفو وصفح ايله معامله ايت .  
 شهبه سىز الله ايبلك ايدنلرى سور . »

آيده كى صحايف بو آياتك تاريخده نصل ثبوت بولديغى وفعاليت تبشيره  
 اصولنك نه وجهله موقع اجرايه قونديغى ارايه مقصدينه خادمدىر . قارئلره  
 ابتداى امرده شونى آكلاتمق لازم كلوركه بو اثر ، مسلمان اجبار دينسىك  
 دكل ، مسلمان تبشيرينك تاريخى اولمق اوزره يازلمشدر . بناءً عليه تواريخ  
 اسلاميه نك اوتە سنده بروسنده بولنه بيله جك تلقين جبرى دين مثاللرينك تسجلى  
 مقصود دكلدر . اوروپا محررلىرى بو قىيل مثاللرى اعظامه او قدر اهتمام  
 ايتمشلردركه او مثاللرك اونوديله بيله جكى حقنده تلاش كوسترمكه محل يوقدر  
 و بو مثاللر قطعياً تاريخ تبشيرك دائره سى داخلنه كيرمىزلر . طيبى نصرانيتده كى

میسوونه رلکک تاریخنده شارلمانک قیلیج اوجیهه وافتیزه اجبار ایلسندن زیاده اعزهدن ( لیوجه ) ایله ( ویلهارد ) ک ساقسون مجوسیلری آره سنده وقوعه کلش اولان فعالیت تبشیره لری کوریلور ؛ دایمارقه نک حقیقی میسوونه ری ده بترستلکی ملکندن سوکوب چیقاران قرال ( قنوت ) دکل ، آنجق اعزهدن ( انسغار ) ایله خلفی بولنان ذواتدر . واقعا مناستر رئیس ( غودفریت ) وایسقفوس ( قریستین ) بترست پروسیالیرک تنصیری امرنده پک آز موفق اولدیلر ؛ فقط کندیلرینک اثرلرینی آتش و چلیک ایله اکمال ایدن « قیلیج قرداشلری » وسائر اهل صلیب داها حقیقی صورتده نصرانیتک میسوونه رلکنی تمثیل ایدرلر . ( اوردو فراتروم میلیتی قریستی ) عنوانلی مجاهدین عیسویه شواله لری ( لیوینا ) خلقی خریستیانلی قبوله اجبار ایلدیلر ایسه ده او مملکتده عیسوی دینک حقیقی میسوونه ری اولمق اوزره آنجق مناستر نشین راهلردن ( مانهارد ) و ( ته ئودوریق ) کوستریله بیلور . بعض احوالده ژه زوئیترک قوللانمش اولدقلری شدت وسائط ( فرانسوا ئه کزایویه ) یه وسائر دین واعظلرینه عائد اولان شرفی اکیسلده مز . ( امبونیا ) آطه سنه ۱۶۹۹ ده باش راهب برای تفتیش کلدیکی زمان او آطه نک بعض راجه لرینک وافتیز ایدمک اوزره جمع ایدلمسی حقده امر ویرلسندن طولای ( والانتین ) ک مبشر لکنه بکده نقیصه کلز .

کنیسای نصرانیت تاریخنده میسوونه رلک فعالیتک نوبتلر کچیردیکی ، حواریون غیرت لرینی آ کدیران کونلری قیدسزلق وکلال دورلری تعقیب ایلدیکی وکلام الله نامه دینه کوتورمک ایچون اولان موعظه لرک یرلرینی تجریم ایله تبدیل دینه اجبار سوتمش اولدیغی کوریلور . بونک کبی مسلمان ارشادینک تاریخ اسلامک ادوار متخالفه سنده هم طورغونلغی ، همده جوشقونلغی وقوعه کلشدر . فقط مادام که تلقین دین بو ایکی مذهبده هر برینک باشلیجه بروصفیدر ، احوالده هر برینک تاریخ تبشیری بر شعبه تبع اولمق اوزره تفریق ایدمک مناسبدرکه بوده حیات دینه نک سائر تظاهراتی بر طرف ایدلیوب آنجق کندینه مخصوص اولان بر شکلی اوزرینه دقتی حصر ایله اولور . بوندن ناشی پروباغاندا ایله



اجباراً سجالتی کرک کنیسای نصرانیتده اولسون ، کرک مؤسسۀ اسلامده بولسون ، آری اوله رق تابع ایدمک لازم کلور ؛ ولو که بویکی شق تلتین بعضاً بر بیله مزج ایدمش بولسون .

خرستیان دینی دائماً نور و چک جنوبنده کائن (ویکن) ده قرال (اولاف تریغودسون) ک یابدینی کبی - که بو آدم خرسیتیانلغی قبول ایتمانلری یا ایحای ایتس ویا اللرینی ، آیقلرینی کسدرمش ، یا خود تعذیب و تغریب صورتلریله (ویکن) ک هرجهتده خرسیتیانلغی نشر ایتدی - بر بولده انتشار ایلمه مشدی . کذلک (سن لوتی) نک توصیه سی وجهله ده انتشار ایلمه مشیدی که بو توصیه ده شو شکلده وقوع بولمشدر: «ا کر کلیسا ارکانندن اولمان بر کیسه قانون نصرانیت حقنده فنا بر سوز ایشیدیرسه او قانونک مدافعه سنی یالکز قیلججه ایتملیدر که بوده قیلجی کافرک قارننه کیره بیلدیکی قدر صوققله اولور . « ایشته بویله جه مسلمان مبشر لری آراسنده دخی دائماً صوک امویه خلیفه سی بولنان مروانک تبلیغ ظالمانه سی وجهله حرکت ایلمیلر بولمشدر . مروان « مصر خلیقی آردسندنه نیم دینه کیرمین و نیم کبی عبادت ایتمین و نیم اصول اعتقادیه می تعقیب ایلمیلری قتل ایدرم و چارمیخه چکریم » دیمشدی [۱] کذلک المتوکل ، الحکیم ، تیپو سلطان مسلمان ناشر دینک نمونه سی اوله رق آنوبده جاوایه اسلامیتی صوقان مولانا ابراهیم و هندستانده نشر اسلامیت ایدن خواجه معین الدین جیشتی و سائر اسلامه صرف وسائط لینه و مصلحانه ایله مهتدی قازانان بونجه و اعظلم حسابدن خارج طوتیله ماز .

فقط نتیجه تجریمدن اولان دینه کتورمک ایله اصول اقناعیه و سائطی وجهله هدایته جلب ایتمک آردسندنه بارز بر خط فاصل چکه بیلمکه برابر دینه کلنلرک بوکا کندیلرینی سوقدن مقصدنه اولدیغنی ویا میسیونه لرلرک صرف جان قازانمق محبتیله و یا خود بوفصلک برنجی فقره سنده مذکور امل عالی وجهله حرکت ابدوب ایتمک لرینی تحقیق قولای دکلدر . کرک نصرانیتده ، کرک اسلامیتده هر زمان ایچنده ارواح خالصه صاحبی کیسه لر بولنه کلدی که بونلرجه کندی مذهبلری حیانتک الکلوی حقایقندن ایدی . معنویات موادنده کبی بو جاذبه لی

[۱] مروانک بوسوزی خرسیتیان عرب مؤرخلردن ابن المغانک لاتینجه به Historia

Patriarcharum Alexandrinorum عنوانیه منقول اثرندن مأخوذدر .

علاقه دارلق معزز طوتیلان حقایقک تبلیغی و کندیلرنجه کامل صایلان اساسات و اصولک حکمفرما اولسی خصوصنده کی غیرتده تمثیل ایلدی که بوحال میسیونه رلک حرکاتنک قوهٔ احیائیه سنی تشکیل ایلر . کذلک بعض کیمسه لر بولندی که بونلر الحاح وقوع بولمق سزین او مبشر لرک دعوتنه اجابت ایلیه رک آنلرک شوقه نمائل برشوق ایله یکی دینه قاووشمشلردر . خرسیتیانلق کبی مسلمانلق دخی کندیسنه سالک اولانلر آراسنده او یله لرینه شاهد اولدی که بونلر ایچون مؤسسات کینسائییه محضا - یاغیر مستحسن ضرورتلردن اولمق ویا کندیلرینک بالذات تشکر ایتمک ایستمدکلری مسائلک الویریشلی صورتده حلنه یارامق اوزره قبول ایدیلور - برمسک ویا مؤسسۀ اجتماعیه اشکالک آتلرندن صایلمشدر . بویکی دیندن هر برینه داخل اولانلر آرسنده بومقوله لری چوق بولنه بیلور . بویله جه نصرانیت کبی اسلامیت دخی کندی سالیکلرینه - حقیقی تبشیره وجود ویره ن جانندن تشنه لک ایله هیچ مناسبتدار اولیان اصول اوزره و اجتماعی ، سیاسی ، اقتصادی احوال تحتنده - برچوق مهتدی علاوه ایلمشدر . بوندن ماعدا میسیونه رلک فعالیتک سجالاتی چوق کره قبولانی قید ایتمدیکی مهتدی لری تبدیل مذهبه سوق ایدن مقصدک تحلیله هیچ ده کیریشمز . بالخاصه مسلمان تبشیراتی تاریخنک بوبابده لازم اولان مواده مالکیتده کی فقری شایان دقتدر . زیرا کینسای نصرانیتک آنا محرره سنده سجالات اهتدائییه پک واسع یر اشغال ایلدیکی خالد ادبیات اسلامیه او خصوصده پک مستثنا بر فقر اراه ایلر . بناءً علیه اسلامیت فعالیت تبشیره سنک آتی ده کی تصویرنده کرک سیاسی ، اجتماعی و اقتصادی ، کرک صرف دینی اولان مقاصدک کشفی پک ده ممکن اولمامشدر .



## ایکنجی فصل

### اسلامک بر مبشری صفتیہ حضرت محمدک حیات

بوفصلده حضرت محمدک ذاتاً عددی کثیر اولان تراجم احوالنه بر دیکری  
داها علاوه ایدلمک ایستلمه مشدر ؛ بلکه داها زیاده آنک صفحات حیاتیه سندن  
یا لکز بر یسنک - یعنی حضرت پیغمبرک بزه بر مبشر صفتیه ویکی دینک انسانلره  
بر رسولی صورتیه حیاتک - تبعی مقصوددر . واضع اساس اسلامیتک و اسلامیت  
پروپاگانداسی مؤسسینک حیاتی بومذهبه کی فعالیت تبشیریته ک وصف حقیقیسی  
بزه ارئه ایلیه جکی بالطبع منتظردر . حیات پیغمبری علی العاده بر مؤمن ایچون  
معیار حرکت اولمغه خادم بولنجه مسلمان مبشرلری ایچونده عینله خادم  
اولسی لازم کلور . حیات پیغمبری بر نمونه در ؛ بناء علیه او نمونه کوره  
حرکت ایتمک ایستیناری مشوق اولان روح حقنده و امثال ایدنلر طرفندن  
اتخاذی منتظر بولنان اصوله دائر بعض شیر او کریمک امیدنده ز . زیرا اسلامیتک  
روح تبشیری تاریخ اسلامده صوکرده دن دوشونلمش بر شی اولمیوب دینه  
داها بدایتدن نفوذ ایلمش و بونک نصل بویله اولدینی و حضرت رسولک نه وجهله  
اسلام مبشرینک بر نسخسی بولندینی آتی ده کی تصویر ایله کوسترلمک آرزو  
ایدلمشدر . بناء علیه آنک تاریخی ورجلیت دورسه کلنجه یه قدر تابع اولدینی  
نفوذی تعریف ایتمک ویا کندیسینی بر رجل دولت ، بر رئیس جیش شکلنده  
تذکر ایلمک مقصودن خارجدر . بوراده او آنجق مبشر اولمق اوزره نظر  
دقتمزی جلب ایده جکدر .

حضرت محمد سورکلی اختلافات داخله دن و نیجه شورشلردن صوکره ملهم  
اولدینی وظیفه حقنده قناعت کتورمشیدی . ایلمک مساعیسی کندی عائله سنی

يکى مذهبك حقيقتى حقه اقامه معطوف بولدى . وحدانيت خدا ، مبعوضيت اصنام ، اراده خالقه تسليميت همچون انسانه ترتب ايدن وظيفه آنلر ك قناعت كتور ملرني ومتابعت ايلرني ايستديكى حقايق بسيطه دندر . ايلك اهتدا ايتيرديكى كيمسه كندى حيبه صديقه سى خديجه ايدى . اجرتلى بروكيل امورى صفتيله موفقيت اوزره تجارت ايلش اولان اقرباسندن بوفقيره خديجه داها اون بش سنه مقدم « عموجه زادهم بنمله اولان اقربالغكدن ، منسوب اولديغك خلقك سكا حرمتله نظر ايلرندن ، سنك ناموسكدن و اخلاقكده كى حسندن وكلا . مكده كى طوغريلقدن طولاي سنى سوهرم . » سوزلريله يد ازدواجنى تقديم ايلشيدى . خديجه آنى فقر حالدن قورتاردى و حق تولدينك توجه ايلديكى موقع اجتماعى ايله متناسب صورتده ياشامق اقتدارى بخش ايلدى . فقط خديجه نك بومعاونت ماديه سى آنك انديشه افكارينه اشتراك ايتمنه و نوميدي ساعتلرنده يك مشفقانه حسيات و تشويقاته ياردمده بولمنه نسبتله هيچ منزله سنده در . ميلادك ۶۱۹ سنه سنده ( هجرتدن اوچ سنه مقدم ) خديجه وفات ايلدى . بوآنه قدر كچن يكرمى بش سنه لك حيات ازدواجيه لرنده خديجه حضرت محمدك تعديات خصمانه معذب بولديغى و اشتباهات ايله ذهني اشكجه يه دوچار اولديغى آنلرده دائما آكا رحم و شفقت ارانه سنه مهيا بولنوردى . حضرت پيغمبرك ترجمه حالى يازانلردن ابن اسحق ديركه : « ايشته خديجه بويله جه جناب حق طرفندن آكا كلن الهاماته ايمان ايتدى و بو الهاماتك حقيقتنه شهادت ايدرك درعهده ايلديكى امرده آكا معاونته بولدى و بو وجهله جناب حق رسولنك تحفيص مشكلاتى ديله دى ؛ چونكه مواعظنك خلق طرفندن رد ايلديكى ايشيده رك مكدر اولديغى آنلرده خديجه يه مراجعت ايدر و جناب حقه ده او وجهله كنديسنه بخش تسليت ايلردى ؛ چونكه خديجه كنديسنى تطين ايدر و مسئوليت متعهده سنى تحفيصه و ناسك استهزالرينه تحمل اسبابى تسهيله چاليشوردى . »

ابتدا ايمان ايدنلر آره سنده بولنانلر اولاد معنوى اتخاذا ايلديكى زيد ايله على و يار صديقى ابوبكر - كه حضرت محمد آنك حقهده نيجه سنه لر « دينه دعوت ايلديكم كيمسه لر ايچنده ابوبكردن ماعدا تعجب ، تردد و شك كو سترمين



بولمندی و کندیسه اسلامیتدن بحث ایلدیکم زمان نه شاشدی ، نه ده تعلق کوستردی « بویورمشدر . ابوبکر الصدیق تجارتله مشغول اولور و تمامیت اخلاقیه سندن ، ذکا و اقتدارندن طولایی و طنداشلری طرفندن احترام تامه مظهر اولوردی . اهداسندن سو کره ثروتک قسم کلیسی - تبشیرات محمدیه به سلوکلرندن طولایی و لیلری طرفندن دوچار تعذیب اولان - اسیرلرک اشترا و آزادیسی امرنده صرف ایشیدی . ایلک مهتدیلردن بشی الک زیاده آنک نفوذی اوزرینه مؤمنلره منضم اولدیلر . بونلرده : ایرانک فاتح مستقبلی سعد ابن ابی وقاص ، حضرت پیغمبر ایله زوجه سنک اقرباسندن بولنان زبیر بن العوام و زوجه سی ، سو کرده دن جنکاورلرکله شهر تشعار اولان طلحه و تاجر ممول عبدالرحمن بن عوف و اوچنجی خلیفه عثمان در . ابتدا تعدی به معروض قالان ذات عثماندر . عموجه سی آئی یاقه لئس و باغلامش و « سن اجدادیکک مذهبی براقوبده یکی دینی می ترجیح ایدیورسک ؟ قسم ایدرم که سالک اولدیغک یکی مذهبی براقدقجه سنی صالحیورمیه جکم » دیشیدی . عثمان ایسه متقابله « اللهم قسم ایدرم که او دینی قطعاً ترک ایتیه جکم » یوللو جواب ویردی ؛ عموجه سی متانتی و ایمان ایتدیکی مذهبه مربوطیتنی کوره رک آئی براقدی .

حضرت پیغمبر رسالتک اوچنجی سنه سی ظرفده خاصه اسرا و فقرا طاقندن انضمام ایدن کیمسه لرله اطرافنه بر حزب سالکین طوپلامغه موفق اولمشیدی . حضرت محمد بوبابده کی مساعی خصوصیه نک موجب موفقیت اولسندن جسارت آلهرق دها زیاده تدابیر عملیه به وعلناً تبشیره باشلادی . اقرباسنی بر اجتماعه جلب ایله دینی قبوله دعوت ایلدی و « هیچ بر عرب کندی امته شو بنم کتوردیکم قواعددن دها قیمتلینسی کتوره مه مشدر ؛ دنیا و آخرت ایچون سزه مسعودیت کتوریورم ؛ آره کزده بکا یاردم ایده جک کیم وار ؟ » دیمش . بونک اوزرینه حاضرونده بر صمت و سکوت . یالکز کنج حضرت علی « یارسول الله بن سکا یاردم ایده جکم » ده نجه حاضرین برضحک مستهزیه قویاردقدن سو کره طاغیامغه باشلامش . حضرت محمد موعظه سنک بو سوء موفقیتندن طولایی مقصدندن کیری قالمدی . باشقه فرصتله دوشدکجه

دخى آنلره مكرراً مراجعتده بولدى؛ فقط تبليغ و اخطاراتى آنلردن تزييف و تذييلدن ماعدا برشى استحصالنه مدار اولدى. قريشيلر كرات ايله حضرت محمدك عموجهسى ابو طالبه مراجعت ايتديلر و محمدكده منسوب اولديغى بنى هاشم طائفه سنك رئيسى صفتيله آنى مذهب اجداده تعرضدن منع ايتمى ايچون اقناعه چاليشديلر و عكس تقديرده تدابير شديدده توسل ايدم جكلرينى سويلديلر. بونك اوزرينه ابو طالب حفيدندن بالذات نفسنه و عائله سنه فلاكت كتورمه مسنى نياز ايتدى. بونك اوزرينه حضرت محمد: «اكر شمس صاغ المه، قرصول المه اينر و جناب حق طرفندن اظهار هدايت اولمازدن اول رسالتك تركى ويا آنكله هلاكم آره سنده مخير براقيلورسم البته آنى ترك ايتم» ده نيجه ابوطالب متأثر اولدى و: «ايتديكك شيئى سويله؛ والله سنى هيچ بروقت دشمنلركك اللرينه براقام» ديه باغيردى.

قريشيلر يكي دينك انتشارينى كيت كيده داها زياده عدم خشنودى، داها زياده حس نفرت ايله تلقى ايدر اولديلر. سلوك ايلديكى طريقدن واز چورمك ايچون حضرت محمد حقنده گاه تهديدات، گاه مواعيد اجراسى ويا گاه تحقيرات ارايهسى، گاه شرف و اقبال دنيويه تقديمي مثللو تدابير ممكنه نك كافه سنى اتخاذ ايتديلر. وقوعه كلن تعرضاتك شدى الك مهم مهتديلردن عموجهسى حمزه نك كندى طرفنه كچمسنه سبب اولديغى روايت ايديلور. حفيدينك دوچار اولديغى حقارتلر و آنك بو حقارتلر قارشوسنده نصل صبر و تحمل كوسترديكى حمزه يه حكايه ايلديكى زمان حمزه نك وجدان جوانمردانهسى آنك حقنده آنى برصورتده شفقتله طولس و درحال برخاص صفتندن برسالك متجلد شكلنه تحول ايلشيدى. دوچار اولدقلىرى تعدياتدن طولايى مؤمنلرك چكدكلرى عذابى كورمكه آثار مرحمت كوسترن يالكز حمزه دكلدر. شهبه سز پك چوق كيمسه لر يكي دينى التزام ايتمشلر و فقط آنك يوم ظفري نك و رودينه قدر كندى ايمانلرينى اظهار و اعلان ايله مشلردر.

يكي دين سالكلرينك عددى آرتديغى كورنجه اهل قريشك آكا قارشو اولان عداوتنك شدى ده آرتمشدى. يكي تبليغك موفقيتى هم مذهب و عبادت



ملیه نك امحاسی ، همده محافظین كعبه ایچون قدرت و ثروت ضیاعی دیمك اولدینی آنلرجه تحقق ایتدی . حضرت محمد ابو طالب ایله هاشمیلرك حمایه سی آلتنده امین بر موقعده بولنیوردی . واقعا بونلر كندیلرندن بری اولان بوسولك تبلیغ ایتدیكى احكام حقنده بر محبت حس ایلیورلردی ؛ آنجق عربلره مخصوص اولان قوتلی قبیله حسی سائقه سیله آنی وقوعه كله بیله جك هر دورلو سوء قصددن صیانت ایلیورلردی . فقط مؤمنلر ایچنده فقیر و بیكس اولانلر پك غدارانه معاملات ایله معذب اولمشلر و دیندن رجوعه الحاح مقصدیله حبس ایدلمشلر و اشكنجه لره اوغرامشلردی . ایشته بوسرده ابو بكر الصدیق بلالی بالاشترا اسارتدن آزاد ایلدی . آفریقا اسیرلرندن بولنمش اولان بلاله حضرت محمد حبشستانك ایلك ثمره سی اطلاق ایلدی . مشركلر بلال حبشی نی آرقة اوستی یاتیرلر و قارنی اوزرینه بوبوك طاشلر قویارلر و كونلرجه كونشك یاقیچی شعاعلرینه بر ائق صورتیله ظالمانه اشكنجه لر ایدرلردی . « یا اولنجه یه قدر بو حالدله قالمق و یا محمددن واز كچوب اصنامه تعبد صورتیله قورئق آره سنده خیر » اولدینی كندیسه سویلندكجه ( لاله الاالله ، محمد رسول الله ) دیه كله شهادتی تكراردن باشقه برشی سویلردی . مؤمنلردن ایکیسی اشكنجه آلتنده وفات ایلشیدی . بر فاجنك ده كچیردكلری بلادن طولانی ثباتلری صارصلدی ایسه ده تعذیبات واقعه دیکر لرینك آنجق شوقنی ایقاده خادم اولدی . عبدالله ابن مسعود كعبه نك یاننده قرآن کریمدن بعض آیات تلاوت ایتك كبی شمدی یه قدر حضرت محمدك توابعدن هیچ برینك جرأت ایده مدیكى بر حر كته بولندی . اورایه طوبلانان قریشلر آكا هجوم ایتدیلر و یوزینه طوقاتلر آتدیلر سه ده آنی تلاوتدن واز كچورنجه یه قدر بر خیلی وقت كچدی . اوده رفقاسی زدینه دوندی . ایرتسی كونی ینه او وجهله دینی حقنده شهادت كتورمكه حاضر لنمشیدی ؛ فقط اخوانی « بوقدری سكا یتر ؛ چونكه سن آنلره استماعنی هیچده سومدكلری بریشی اسماع ایلدك » دیه آنی بوتشبتدن واز كچوردیلر .

اهل قریشك مخالفنده کی خشونت سببیه اولمق احتملدركه حضرت محمد رسالتك دردنجی سنه سی كندی اقامتكا هندن چیقوب ایلك سالكرندن الارقك

خانه سنده اقامت ایلدی . بوراسی مرکزی بر وضعیت مالک اولدیغندن حجاج و اهل غربت طرفندن چوقجه اوغرائیلوردی . بوراده سوال ایدنلره حضرت محمد سکونتله و بلا انقطاع احکام اسلامیہی تعریفه و دین اسلامی تبشیره مقتدر اولوردی . حضرت محمدك بو اوده او طورمسی اسلامیتك مکده انتشاری خصوصنده مهم بر دور آچار و برچوق کیمسه لرك اهداسی جناب پیغمبرك بیت الارقمده و عظ ایلدیکی کونلردن باشلار .

حضرت محمد تابعلرندن دوچار تجزیه اولانلری قورتارمغه قدرت بوله مدیغندن عاقبت حبشستانه التجا ایللرینی توصیه ایتدی . رسالتك بشنجی سنهسی ( میلادی ۶۱۵ ) اون بر ازكك و بش قادین حبشستانه کچه رك او مملکتده کی خرسیتان قرال طرفندن حسن قبول کوردیلر . بونلر آره سنده مصعب ابن عمیر نامنده بر ذات واردی که یکی بر مهتدینك چکه بیله جی آجی بلایی کچورنلردن بریسی صفتیله آنک سرگذشتی شایان دقتدر : سودکلرینك و بروقتلر کندیسینی سوه نلرك عداوتلرینه دوچار اولمق . بو ذات بیت الارقمده رسول اکرمك موعظه سنی دیکلمك صورتیله قبول اسلامه سوق ایدلمشیدی ؛ فقط وقعه اهدانك شیوع بوله جغندن قورقیور ایدی ؛ چونکه کندیسنه پك بویوک محبتلری بولنان والدهسی ایله قبیلهسی خلقی یکی دینه شدتله معارض ایدیلر و فی الحقیقه بو وقعهدن خبردار اولدقلری وقت کندیسینی طوتوب حبس ایتشلردی ؛ فقط خلاصی چاره سنی اجرایه موفق اوله رق دیار حبشه کیتمشدی .

قریشلر عداوتلرینی حتی ملتجیلری حبشستانده تعقیبه قدر واردیر مشلر و او مملکتك حکمدارندن بونلرك اعاده سنی طلب ایلک اوزره بر ایلچی کوندرمشلردی ؛ فقط حکمدار بولنان ذات باشلرینه کلن شیلری مسلمانلردن او کوندیکی زمان آنلر حقنده کی حمایه سنی کیری آلمقدن امتناع ایلمشدی . دینلری حقنده کندیلرندن صور دینی سواله آنلر طرفندن شو بولده جواب ویرلشیدی : « یا حضرت الملك ! بز ظلمت جهله مستغرق ایدك ، اصنامه عبادت ایلوردوق ، لاشه ییور ، شناعتلر ارتکاب ایدیور و رابطه قرابتی اخلال ایلوردوق . قومشورلرمزه سوء معامله ایدردك . اره مزده قوی اولانلر ضعیف اولانلری



یوتق ایستردی . جناب حق کندی آرد مزدن بزه بر رسول ویرنجیه قدر  
ایشته بویه بر حالدۀ ایدک . آنک طوغریلغنی ، شایان اعتماد اولدیغنی و حیانتک  
پاکلکنی بیلدی کمز قدر نسلنی ، اصلتی ده بیلورز . الله واحده عبادت ایتمه  
و آنک یرنده اتالرمزک تعبد ایلدیکی اصنامی ترکه بزی دعوت ایتدی .  
سوزلرمزده طوغری ، وعدلرمزده صادق ، ابونمزده شفیق ، قومشولرمزده  
لطفکار اولغنی و جنایتدن ، خونریزلکدن توقیی بزه امر و فسالقندن ،  
یالاندن ، یتیم حق یمکدن ، عفت نسوانی هتک ایتمکدن بزی نهی ایلدی . یالکنز  
الله تعالی یه عبادت ایلکی ، اوروج طومتغنی ، زکات و صدقه و یرمکی بزه فرض  
قیلدی . بزاکا ایناندق و جناب حق طرفندن کندیسنه مرسل اولان تبشیراته  
اتباع ایتدک ؛ فقط وطنداشلمز بزه قارشو قیام ایتدیلر و دینمزی بر اقوب  
بتپرستلکه و حیات سابقه نك شایعنه رجوعه اجبار ایچون بزه تعذیباتده بولندیلر .  
ایشته بویه جه بزی ظالمانه معامله یه و آجی صیقیتیلره دوچار ایللری و دینمزه  
مداخله ده بولملری اوزرینه بزده قالقوب سزک مملکتکزه التجا ایلدک . عدالتکزه  
اعتمادمز بولندیغندن دشمنلرمزک تعدیسندن ، بزی خلاص بویوره چنگیزی  
امید ایدیورز . « بعده بونلرک تضرعلری حسن تلقی ایلدی و قریش طرفندن  
کلن ایلچی فنا بروضعیتده کیری دوندی . ینه بوصره لرده مکده حضرت محمد  
ثروت و اقبال وعد ایدیلرک افعال تبشیرییه سنی ترکه اقناع ایچون تشبث وقوعه  
کلدی ایسه ده مشر اوله مدی .

حبشستانه کیدن هیئت سفارتک نتیجه تشبثی مکده بویوک برامیدله بکلندیکی  
برصرده بزاتک اهدتاسی وقوعه کلدی . اویله بزات - که بالاخره تاریخ  
اسلامک ایلک صفحه سنه اک نجیب اشکالده رونق و یرمشدر - اهدتاسی آنه  
قدر حضرت محمدک اک شدید دشمنلرندن بریسی کسپلرک رسالته صوک درجه  
تعند و تعصب ایله مخالفت ایدردی ؛ مؤمنلرکده کندیسنه اک قورقچ بر دشمن نظریله  
باقغه حقلری واردی ؛ ایشته بوزاتده عمر بن الخطاب در . برکون النده بر قلیچ  
اولدیغنی حالدۀ وهلة طوتلدیغنی بر حس غضب ایله حضرت محمدی قتل ایچون  
قوشیوردی . یوله اقرباسندن بریسی آکا او وضعیتده راست کلرک بزه

کیتمکده اولدیغنی صوردى . جواباً « محمدی بولمغه کیدیورم ؛ اهل قریش آره سنه تفرقه سوقان ، آنلری مجنون تلقی ایدن و مذهبیرینی تزییف ایله آلهلرینک شهرته خلل کتورمک ایستین او مرتد آدمی اعدام ایده جکم » دیدی . سائل : « نیچون داها لایق اولمق اوزره اقربا کدن فلان و فلانی تحریم ایله طوغری یوله کتورمیورسک ؟ » عمر بن الخطاب : « اقربامدن هانکیلریدر اولنر ؟ » سائل : « أنشتهك سعید و قیز قارداشك فاطمه اسلامه ککشلر و محمد تابع اولمشلردر » ديه اخبارده بولنجه عمر سرعتله همشیره سنک اوینه طوغری کیتدی . همشیره سنی و انشته سنی حضرت پیغمبرک تابعلرندن بولنان دیگر بر کیمسه ایله بر لکده اوطورر بولدی . حباب اسمنده اولان بو ذات فاطمه ایله قوجه سنه قرآن کریمدن بر سورده نک تلاوتی تعلیم ایتمکده ایدی . عمر همان ایچری آیلوب « او ایشیتدیکم صوت نه ایدی ؟ » سؤالی صوردى . « هیچ بر شی دکل » دیدیلر . عمر : « نصل ؟ بن سزی ایشیتدم ؛ محمدک سالکلرندن اولدیغکزی بیله او کرندم » دیردیمز سعیدک اوزرینه هجوم ایتدی و ضربه باشلادی . فاطمه ایسه ایکینک آره سنه آتله رق « اوت ، مسلمانز و الله تعالی ایله رسولنه ایمان ایده رز ؛ ایسترسه ک ایکیمزی ده اولدیر » دیدی . بو عربده اثناسنده همشیره سنک یاره لنه رق یوزندن قان آقدیغنی کورنجه درحال عمره حس رحم کلدی . و او قودقلری شیئی کورمک ایستدی ؛ لکن همشیره سی بونی آکا براز تردد ایله ویردی . بوده قرآن کریمک یکرمنجی سورمه سی ایدی (سوره طه) عمر آنی او قودقندن سوکره « آمان نه کوزل ، نه علوی ! » نداسنده بولندی . او قودقجه قناعت آکا غالب اولدی و « بنی محمد کتوریکیز تا که اهتامی آکا سویلیهیم » ديه باغیردی .

عمر بن الخطابک اهتداسی تاریخ اسلامده بر نقطه تحویل تشکیل ایشیدی . آندن سوکره مسلمانلر داها جرأتلی بر وضعیت آلمغه مقتدر اولدیلر . حضرت پیغمبر الارقک خانه سندن چیمش و مؤمنلر دخی کعبه نک اطرافنده جماعته عبادت ایدر اولمشلردی . بوندن طولای و وضعیت مکة اشرف و زادکانی ایچون بحق اندیشه ایله تلقی ایدلدیکی استدلال اولنه بیلور ؛ چونکه بونلر بعدما یالکز سفالت



و عجز ایچنده بر موجودیته اوغراشان بر آلائی مغدور خار جیلر ایله دکل ، بر اجنبی امیر ایله اتفاقه کیره دك حکومت موجوده نك دوامتی تهلكه یه قویه بیله جك و صاحب نفوذ اولان و طنداشلرك التحاقیله هر کون قوتلنه بیله جك بر حزب ایله اوغراشمغه مجبور اوله جقلردی .

بناء علیه قریشلر کندی بلده لرنده بویله بر حرکتك داها زیاده توسعنه میدان ویرمه مك اوزره قطعی تشبده بونمغه قرار ویردی لر . بنی هاشم — که رابطه قرابت سببیه حضرت پیغمبری حمایه ایدیورلردی — بر نوع آفوروز آلتنه آلدیلر و بونك نتایجندن اوله رق آنلره هر دورلو معاملات صهریت و تجارت اجراسنی قطع ایلك خصوصاتنده موافقت حاصل اولمشدی . بنی هاشمك اوچ سنه قدر — یالکز ماه مبارك مستنا اولمق اوزره — شهرک بر محله سنده محصور قالدقیری مرویدر ؛ استثنای تشکیل ایدن ماه مبارك ایچنده عربستانده کی غوغالره فاصله ویریلور و مذهب مدینك مرکزی بولنان مقدس کعبه بی بوتون قبائل حجاجنك زیارت ایده بیللمسی ایچون متارکه عقد ایدیورلردی .

حضرت محمد بوکی زیارت حجاج موسمنده مکیه و جوارنده کی پنایرلره افراد قبائل آقین ، آقین کلمسندن بالاستفاده آنلره تلقینات دینه ده بولنیورلردی . فقط بوکا پکده موفق اوله مازدی ؛ چونکه عموجه سی ابولهب آنک ایزینی تعقیب ایدر و آواز بلند ایله : « ساخته کاردر ، سزی آنالریکزک مذهبندن میدانه آتدیغی احکام باطله یه جذب ایلك ایستر ؛ ایمدی آندن ایراغ اولیکز و آنی دیکه میکز » دیه حایقیرلردی . بناء علیه افراد قبائل کندیسینی طعن صددنده : « کندی خلقك و اقرباك سنی داها ائی بیلورلر ؛ آنلر سکا نیچون اینانیمورلر ؟ » دیه مقابله ده بولنورلردی . سو قدرکه حضرت محمد ایله اصحاب و اقرباسنك چکدکلری ضرورت قریشدن بویوک بر قسم افرادك مرحمتنی جلب ایتدی و وضع ایدیلن آفوروز قالدیرلدی .

ینه بوییل یکریمی سنه دن بری رقیقه صدیقه سی ، ناصحه و معینه سی اولان خدیجه نك غیوبت ابدیه سی حضرت محمدی شدتله کدر و نومیدی یه دوشورلردی .

برمدت صوكره الك قوى و شاتلى حاميسى ابو طالبك وقوعه كلن وفاتى ايسه  
آنى يكيدن تحقيرات و تجاوزاته معروض براقدى .

اون سنه دن برى آز موفقيتبه تبشيراتى بلقينه اوغراشديفى همشهريلرى  
طرفدن تذييل ورده دوچار اولنجه كنديسى داها قولايقله استماعه جلب  
ايديله بيله جك سائر كيمسeler و تخم دينى اخذ ايله ثمره ويره بيله جك باشقه برير  
بولوب بولمديغنى تحرى به قرار ووردى . بو اميدله مكهدن تقريباً يوز يكرمى  
كيلو متره بر مسافه ده بولنان طائف شهرينه متوجهاً حركت ايتدى . بو شهرك  
باشليجه سكه سندن مركب بر اجتماعه اللهم و حدانيتى و رسول الله صفتيه  
تبليغ ايلديكى بشارت اوزره وضع ديانت ايلديكى ايضاحده بولدى وعين زمانده  
كنديسنه مكده جور و اذا ايدلره قارشو حمايه لرينى طلب ايلدى . طائفك  
بتپرست خلقنجه اساساً آكلاشيله ميان مدعيانى ايله اوباده كى عجزى و چاره سزلىكى  
آره سنده كى نسبت سزلك آنجق آنلك طعن و تزييفى تحريكه و طاشه طوتيله رق  
بلده لرندن چيقارلمسنه سبب اولدى . طائفدن عودتندن صوكره موفقيتتك امكانى  
اسكيسندن داها بعيد بر شكه كيردى . قلمبده كى آجيلر حضرت نوح نامنه  
وارد اولان كلام ميين آتى ايله تظاهر ايلر : « قال رب انى دعوت قومى ليلاً  
ونهاراً فلم يزدهم دعائى الا فراراً . و انى كلما دعوتهم لتغفر لهم جعلوا اصابهم  
فى آذانهم و استغشوا ثيابهم و أصروا و استكبروا استكباراً » [۱]

هر سه حج زمانى مختلف عرب قبائلك قرار كاهلرني زيارت ايتك و اوراده  
بولنانلره مسائل دينيه حقنده مكالماتده بولمق حضرت پيغمبرك اعتيادندن  
ايدى . اوراده كى قبائل افرادندن بعضلرى آنك كلامنى قيد سزلقه و بعضلرى  
طعن ايله تلقى ايدرلردى . فقط غير منتظر بر جهتدن كنديسنه تسليت كلدى .  
يدى سكر كشيلاك بر قافله به راست كلديكى وقت آكا قديم اسمى ( يثرب )

[۱] بو آيت سورة نوح دندر . مأل منيف :

نوح ديدى كه : يارب ، بن قومى كيجهلى كوندوزلى دعوت ايتدم ده نم بو دعوت  
آنجق حقدن قاجلرني آرتدردى . و بن اونلرى باغيثلامقلعك همچون نه زمان دعوت  
ايتدمسه بارمقلرني قولاقلرينه طيفاديلر ، لباسلرني اورتونديلر و كفرلرنده اصرارده  
بولونديلر . و قبول حقدن مدهش بر صورنده استكبار ايتديلر .



اولان مدینه دن کلدکلرینی بیلدیردیلر . « هانکی قبیله دنسکز ؟ » دیه صور - مسی اوزرینه آنلردن « خزرجدن » جوانی آلدی « یهودیلره دوست اولانلردن دکلکی ؟ » سؤالنده « اوت » جوانی آلدی . « او حالدیه براز اوطورمازمیسکز ؟ سزکله قونوشمق ایسترم » دیدی . آنلرده راضی اولدیلر . هپ برلکده اوطوردیلر . کندیسینی سوکره آنلره اسلامیت حقنده موعظه ویردی وقرآن کریمدن آنلره براز اوقودی . بو وجهله جناب حق اسلامیت لهنده خارق العاده بر عنایتده بولندی ؛ چونکه بونلر اصنام پرست اولدقلری حالدیه مملکتلرنده کتاب و حکمته مالک اولان یهودیلر دخی ساکن ایدیلر . یهودیلر بونلرک آنده چوق زحمت چکمشلردی . آره لرنده نزاع تحذت ایلدیکی زمانلر یهودیلر بونلره « یقینه بر پیغمبر ظهور ایده جک ؛ بز آکا تابع اوله جغز و آنکله برلکده سزی عاد وارم قتل عامی وجهله اتلاف ایده جکز » دیرلردی . ایشته رسول الله کندیلریله قونوشوب واجب الوجوده ایمان ایللرینی ایسترن بونلر کندی آره لرنده شو یولده تعاطی کلمات ایدیورلردی : « لاشک ، یهودیلرک بزه اخطار ایلدکلری پیغمبر بودر ؛ هایدی کندیسینه ایلك التحاق ایدن بز اوله لم » دیدیلر و بویله جه اسلامه کلدیلر و حضرت پیغمبره خطاباً « بزم وطنداشلمن چوقدن بری شدید ومهلك صورتده قان کودیورلر ، دوکوشیورلر . احتمالکه الله آنلری سنک دالتکله وتلقین ایلدیکنک احکام واسطه سیله بر بریله توحید ایلر . بناء علیه بز کندیلرینه حق دینی او کره دیر و بونی سندن تلقی ایتدیکمزی بیلدیریرز » دیدیلر و بویله بر اعتماد کامل ایله مملکتلرینه دوندیلر .

وقعه نك عنعناته مستند اولان تفصیلاتی بو وجهله در بو وقعه حضرت محمدك رسالتنده بر نقطه تحول اولمشدر . آرتق فکرلرینی ورسالتنی قبوله مهیا بر طائفیه راست کیش اولدی که آنلرک او صره لرده کی حالی کندیسنک خادم اولدیغی مقصده موافق دوشدی .

یثرب شهری خیلی زماندن بری یهودیلرک تحت اشغالنده بولنیوردی . بونلر ملی فلاکتلردن و احتمالکه امپراطور آدریانک تحت حکومتنده دوچار اولدقلری مظلمدن طولایی کندی مملکتلرندن چیقوب بوراده یرلشمشلردی .

فقط قافله حالده كزن بر طائفه مهاجرين ، يعنى اوس و خزرج قبيله لری افرادی ، يثرب و اصل اولمشلر و حصه حدوده اشتراكلرينه موافقت استحصال ايشلردی . بالاخره عدد نفوسلری آرتدجه بونارده يهوديلرك حقوق حاكميته تجاوزلرينی آرتيرمشلر و كيت كیده بشنجه قرن ميلادينك صوكنه طوغری شهرك اداره سنی تماميله اللرينه كچورمشلردی .

بعض عربلر موسويلرك دينی قبول ايشلر و شهرك بوسابق حاكملرندن بعضيلری ده كنديلرينه غالب كلنرك خدمتنده بولندقلری حالده اوراده ساكن اوليورلردی . بوجهله حضرت محمدك اورايه وصولی زماننده شهرحالا كثرتلی بر يهودی جماعتی احتوا ايديوردي و بوندن ناشی يثرب خلقی يكي بر مسيحيك ورود ايده چكي حقنده كي ذهابه واقف بولنيوردي . بناء عليه بو خلق حضرت محمدك رسول الله ديه قبول اولنق طلبنی ادرا كه مكه مشركلرندن زياده قادر ايديلر . بپرستلرايچون ايسه بويله بر فكر تماميله مجهول ایدی ؛ باخصوص بويله فكر قريشيلر ايچون پك مبغوض ایدی ؛ چونكه آنلرك سعادت دنويوه لری و بوتون سائر قبائله وجه تفوقلری كعبه نك حجره محرمنده طوتيلان ملی اصنامك ارثی محافظلری بولنلرندن ايلری كليوردي .

برده يثرب شهری بنی خزرج ايله بنی اوس آرسنده مستمراً وقوع بولمقده اولان قان كودمك مجادله سندن طولايی فلاكت زده بر حالده بولنيوردي . شهر خلقی مشكوكيت و معلقيت حاللرنده ياشامقده اولديغندن فرق متعارضه يني بر منفعت مشتركه ايله تأليف ايده چك هر بر فرصت بو شهر ايچون محضا بر نعمت اوله جقدی . قرون وسطاده شمالی ايتاليا جمهوريتلری معارض حزبلر آرسنده موازنه وجوده كتورمك و ممكن اولورسه تجارت ورفاه عامه يني خللدار ايدن داخلی غوغالرك اوكنی آلمق ايچون شهرلرينك باشليجه مقامات اداره سنه برر يابانچی انتخاب ايلدكلری كبی يثربيلرده كندی شهرلرينه بر يابانچينك وصولنی شبهه ايله تلقی ايليورلردی .

حال بو كه حضرت محمدك مدينه ده كرمی قلبی ايله استقبال ايدلسنه باشليجه سبب شو ایدی : مدينه خلقنك ادرا كي غالب اولانارنجه اسلاميتك دين اوله رق

اتخاذی هیئت اجتماعیه لرینک چکمکده اولدینی آلام اغتاشاشک رفمنه بر چاره ایدی . بونلرجه اسلامیت قاعده حیات خصوصنده کی انتظامی ایله وانسانلرک اغراضی هوسات شخصیه نك فوقده بر قدرته معین اولان قوانین (دیسپلین) ی آلتنه کتورمک صورتیله بر چاره تشکیل ایدیوردی . بو حقایق حضرت محمدک هجرتدن سکز سنه صوکره اون بیک کشیک بر قوتک باشنده اوله رق مقدما اون سنه قدر پک ضعیف نتیجه لرله چالشمش اولدینی شهره کیره بیامسنک حکمتی بالغاً مابلع ایضاحه کافیدر .

حضرت محمد یکی اهتدا ایدن خزر جلیلر ایله بر لکنده یثره کیتمک تکلیفنده بولندی ایسه ده آنلر کندیسینی بنی اوس ایله تألیف بین ماده سی تعین ایدنجیه قدر بوندن فراغت ایتدیردیله . « سزدن شونی نیاز ایدهرز ؛ بز خلقمزک نزدینه دونه لم ؛ حق تعالی دیلرده آره مزده صلح و سلم خلق ایدرسه ینه سکا کلورز ؛ کله جک سنه نك حج موسمی وقت ملاقات تعین ایدلسون » دیدیلر و وطنلرینه عودت ایتدیلر و همشهریلرندن یکی دینک قبولنی طلب ایلدیلر . بونلرک بر چوغی ایمان ایتدی ؛ او صورتده که یثرده پیغمبردن بحث ایتمین هیچ بر عالمه خلقی قالدی .

حج زمانی کلنجه اون کیشیسی بنی خزرچدن و ایکسیسی بنی اوسدن مرکب بر هیئت حضرت محمده تعین ایدیلن محله ملاقی اولدیلر و ارشاداته مطیع قاله جقلری حقنده سوز و یردیله . بو سوزلشمکه (رنجی عقبه تعهدی) دینلدی - که بوده کیزلیجه وقوع بولان تلاق محلنک اسمندن مقتبسدیر . تعهدک مالی شو وجهله در : « الله تعالی دن ماعدا هیچ بر شیئه عبادت ایلمه جکیز خرسزلق ایتیه جکیز ؛ زنا ارتکابنده بولنیه جغز ؛ جو جو قلمزی اولدیر میه جکیز ؛ افترادن ، بهتاندن اجتاب ایلمه جکیز ؛ حقلی اولان شیده حضرت پیغمبرک امرینه مطیع قاله جغز . » بعده بو اون کیشی اسلامک میسیونرلری صفتنده یثره دوندیلر . زمین ایسه مستحضر ایدی . بونلر او قدر غیرته وظیفه لرینی اجرا ایتدیلر که یکی دین اودن اوه ، قیلهدن قیله یه سرعتله انتشار ایدر اولدی . عودتلرندن صوکره مصعب بن عمیر آنلره قاتلمشدی ؛ آنحق بر روایت



كوره بو ذات طرف پيغمبريدن كوندرلمش . بو كنج آدم ابتداكى مهتديردن  
 برى بولنوب حبشستاندن يكي عودت ايلشدى . ايمدى بر چوق تجربه نره مانك  
 اولديغى كبي مشركلرك تعذيبات مسلكندن آمش اولديغى درس عبرت يالكنز  
 غيرته تمكين بخش اولمقه قالمادى ؛ برده تعذبه نصل مقابله ايديله جكنى  
 و اسلامتى - شامل اولديغى حقيقتى او كرمكه انتظار اتمكسزين - اتمام  
 ايدويورنلر حقنده نصل معامله ده بولمق لازم كله جكنى او كرمش ايدى . بوندن  
 طولايى حضرت محمد يكي مهتديلىرى تعليم و تربيه اتمك ، يكي اكيلمش اولان  
 شوق ايمان و عبادت تحملىرینه باقهرق ثمرات حصوله كتورملىرینه اعتنا ايلك  
 كبي مشكل وظيفه لزي بو ذاته بويوك بر امنيله توديع ايله بيلوردى . مصعب  
 اوراده اسعد بن زراره نك خانه سنه يرلشدى . بعضاً بوراده ، بعض كرده  
 شهرك او بر جهنده كندى عائله سى ايله عبدالاشهل عائله سنك مشتركاً اشغال  
 ايدلكرى محله ده كاآن و بنى ظفره عائده برخانه ده مهتديلىرى بر آرايه جمع ايدرك  
 عبادت ايتديرر و قرآن كريم او قوتديرردى .

عبدالاشهل عائله سنك او زمانكى رئيسلىرى سعد بن معاذ ، اسيد ابن حضير  
 ايديلر . بر كون تصادفاً مصعب بنى ظفرك بو اونده اسعد ايله برلكده او طوروب  
 يكي مهتديلىرى تدريس اتمكده بولنوردى . سعد ابن معاذ بونلرك او آنده  
 زرده بولوندىقلىرى او كرمك ايچون كيدوب ايچرى كيردى . ابن حضيره  
 خطاباً « بو حريفلىرى طيشارى چيقار ؛ بونلر بزم كندى اولرمزده ضعيف  
 العقل اولانلر يمزي مجنون يرينه قويمق ايچون كليورلر ؛ اكر اسعد ايله آره مزده  
 بولنان رابطه قرابت آ كا فالق اتمكدن بنى منع ايله مه مش اولسه ايدى بويله  
 بر زحمتدن سنى اسير كردم » ديدى . اسعد ، سعد ابن معاذك عموجه زاده سى  
 ايدى . بو سوز اوزرينه ابن حضير غارغيسىن آلوب اسعد و مصعبك بولنديغى  
 جهته طوغرى قوشدى ر باغيره رق « بوراده نه ياپيورسكز ؛ بنى ضعيف  
 اولان كيمسه لرى ضالته سوق ايدويورسكز ؛ اكر حياتك زده بر قيمت  
 بوليورسه كز بورادن دفع اولك » ديدى . مصعب ايسه - سكونتله - « براز  
 او طور وديكله ؛ ايشيتديكك شى سنى ممنون ايدرسه قبول ايت ؛ ايترسه براق »

ديه جواب ويردى . اين حضير غارغيسنى يرد صاپلادقندن صوكرده او طوروب مصعبك اسلاميت احكام اساسيه سنى ايضاح ايتديكىنى و قرآن كريمدن بعض آيتلر اوقوداغنى ديكه يوردى . بر آرز صوكرده حال وجده كلهرك : « بودينه دخول ايجون نه يايماق لازم كلور ؟ » ديدى . مصعبدن « صوايله وجوديكى ظاهر قيل و لاله الا الله ، محمد رسول الله ديه شهادت كتور » جوابى آلدى . ابن حضير در حال بوتلميات موجبنجه حركت ايتدى و كرات ايله شهادت كتوردى . معاذه ايماء « بندن صوكر اقناع ايديله جك بر كيشى داها واردر ؛ اوده قناعت كتورسه بوتون توابى آكا امثال ايدر ؛ كنديسنى شيمدى سزه كوندررم » سوزلرينده علاوه ايتدى و چيقوب كيتدى .

بوسوزلرله اورادن آيريلدقندن آرز بر مدت صوكره سعد بن معاذ كلدى . فقط مسلمان مرشدلرينه تشميل ايلديكى حمايتدن طولايى اسعده فارسو پرحدت بر حالده ايجرى كيردى . مصعب آندن « ديكلوب آكلامقسزين يكي دىني اتهام ايله مسنى رجا ايلدى ؛ اوده بورجاني قبول ايتدى . مصعبك بوندن صوكره سويلديكى سوزلر كنديسنه اوقدر تاثير ايتدى كه آنك قلبنده ده بر قناعت حصوله كلدى و قبول دين ايله مسلمان اولدى و بر آتس شوق ايله يانار صورتده طائفه سى نرينه كيتدى . آنلره خطاباً : « اى عبدالاشهك اولادلى ! بن سزك نه كز اولورم ؟ » ديدى . آنلرده « افندم سزك ؛ آره مزده اك شانلى ، اك شرفلى بولنا مئز سنسك » ديديلر . سعد بن معاذ ايسه « مادامكه اويله در ؛ جناب حقه و رسولى حضرت محمد اينامدججه هيچ بريكزله قونوشميه جغم » اخطارنده بولندي . او كوندن اعتباراً اولاد عبدالاشهك تاميله قبول اسلام ايشلردر .

تبشير دين امرى اويله بر شوق ، اويله بر صميميته ايلرى سورولمشيدى كه بر سنه ظرفنده مدينه عربلىرى ايجنده اعضاسندن بعضيسنى مؤمنلر ك عددينى آرتيرمق ايجون ويرمه مش هيچ بر عائله قالمدى . يالكز نبى اوسك بر شعبه سى شاعر ابوقيس الاسلطك نفوذى آلتنده اوله رق خارج قالدى . ايرتسى سنه حج وقتى كلنجه يكي مهتديلردن عددى يتشه بالغ اولان بر قافله

يثر بدن مكه كيدن بٲپرست همشهر يارينه التحاق ايلدير . بونلر رسول وريئس اولق اوزره حضرت محمده اتباع ايچون يمين ايتمكه كيديورلردى . عيني زمانده دشمنلرينك طاشقينلقلرندن اجتناباً آنك مدينه يه التجاسنى توصيه يده مأمور ايدلشلردى . داها اولكى حيج صره سنده حضرت محمده ملاقى اولمش بولنان ايلك مهتديلر دخى - باشلرنده معلملى مصعب اولدينى حالده - تكرر مكه يه كلشلردى . مصعب اورايه واصل اولور اولماز نزد رسوله قوشدى و وظيفه سنك موفقيتنى عرض ايتدى . والدهسى آنك مكه يه وصولنى ايشيدنجه كنديسنه شو خبرى كوندردى : « اطاعتسز اوغل ! والدهك ساكن اولدينى بلده يه داخل اوليورسك ده ابتدا آنى زيارت ايليورسك . » مصعب ده جوا بنده : « اوت اويله اولدى . فى الحقيقه رسول الله دن اول كيمسه يى زيارت ايتم » ديدى . بويله جه حضرت محمد ايله مشاوره دن سو كره والدهسى كورمكه كيتدى ؛ فقط او كنديسنى شو سوزلره قارشيلادى : « ديمك كه سنك حالا مرتد بولنديغكى فرض ايتلى يم ؟ » اوغلى : « بن رسول الله تابع ؛ دين حقه معتمد . » آناسى : « حبشستانه سياحتدن سو كره يثر بنده اقامت كى طوتديغك سر سر يانه يولدن منونيمسك ؟ » ديه صوردى . بوندن سو كره مصعب والدهسى طرفدن توقيف و حبس ايتديريله جكنى تيقن ايدرك : « نه ديمك ، سن بر آدمى مذهبندن چويرمكه اجبارمى ايده جكسك ؟ اكر بنى زندانه قاپاندير مق ايستيورسك هيچ شبهه ايمه كه طوتمق ايچون بكا ايلك ال اوزاتان آدمى قتل ايدرم » ديدى . والدهسى ده : « پك اعلا ؛ دفع اول يانمن » سوزلريله آغلامغه باشلادى . مصعب ايسه بوندن پك متأثر اولدى و « والده جكم ؛ كمال حس محبتله سكا بر نصيحت ويره يم : لا اله الا الله محمد رسول الله ديه شهادت كتور » ديه برتكليفده بولدى . والدهسى ايسه : « سنك دينكه دخول ايله كنديمى قطعياً جنون حاله قويه مام ؛ نه سنكه ، نه ده اموركله علاقه دار اولق ايستمم ؛ بن كندى مذهبه غير متزلزل صورته صاريلورم » سوزلريله مكله يى كسدى .

اهل قريشك شبهه سنى دعوت ايله مك و بناء عليه آنلرك عد او تلرينه دوچار اولماق ايچون اولكى سنه نك مهتديلرى ايله وقوعه كلن اجتماعك موقعى بولنان



عقبه ده یکی بر اجتماع خفی ترتیب ایدلدی . حضرت محمد ، عموجه سی عباس رفاقنده اورایه کلدی . واقعا عباس او صرده هروز بتپرستردن بری ایدی ؛ فقط جلسہ خفیہ آنی ده آلدیلر . اجتماعی مراسم مخصوصه ایله عباس آجدی وحنیدنی منسوب اولدینی قبیلہ نك الك نجیب اولادندن بری اولمق اوزره تقدیم ایلدی . عباس حضرت محمدك ارشاداتی شمدی به قدر رد ایتکله برار آنی حمایه دن کری قالمیوردی . آنک آرتق یثرب خلق آره سنه التجا ایده جکندن بحث ایله کندیلرینه برودیعہ اوله جغنی ، ودیعہ بی قبولدن اول عهده لرینه ترتب ایدن وظیفه بی ایی تأمل ایللری و وعدلرندن نکول ایتمه مکہ قرار ویرمش اولدقلرندن نکول وقوعی تقدیرنده اوزر لرینه ترتب ایدن مسئولیتی ایی ملاحظه ایتلری لازم کله جکئی آ کلاتدی . بوندن سو کره خزرج قبیلہ سندن براء ابن معرور حضرت رسولی حمایه خصوصنده کی قرارده ثابت بولندقلرینی سویلدی و کندیسنک نه آرزو ایتدیکنی بیلدیرمه سنی رجا ایتدی .

حضرت محمد کلامنه قرآن کریمدن برپارچه قرائتیه باشلادی و جناب حق مواجهه سنده و رسولی حضورنده ایمان ایلدکلی دینه صادق قالملرینی آنلره نصیحت ایلدی . بعده آنلردن زوجه و چو جقلرینی نصل حمایه ایدیورلرسه کندیسنی و احبابی ده اوله جه حمایه ایللرینی ایستدی . سو کره براء ابن معرور : « البته ، سنی رسول صفتیه کونده رن و واسطه کله حق و حقیقتی بزه کوستره نك نامنه قسم ایدرم که کندی وجود لر مزی نصل محافظه ایدیورسه ق سنده اوله محافظه ایده جکز ؛ سکا امیر مزی صفتیه تابع اولور ز . بز لر جنک اولادی وزره آدم لری یز که بونی بابا لر مزی خیر لی اولاد صفتیه توارث ایتدک » دیدی . بو وجهه جمله سی حضرت محمدك النی کندی اللریله طوته رق آکا بیعت ایلدیلر . اهل قریش بو کیزلی اجتماعدن خبر آلور آماز مسلمانلره قارشى تعذیباتی تکرار اجرا ایلکه باشلادیلر . حضرت محمد بونلره شهری همان ترک ایتکی توصیه ایلدی و « یثربه کیدیکز ؛ جناب حق او شهرده سزه بر چوق اخوان احسان بیورمشدر ؛ اوراده التجا ایده جک یر بولورسکز » دیدی . بناء علیه کیمسه یه سز دیر مکسزین برر ، ایکیشر چیقوب یثربه قاچدیلر . اوراده کی

دینداشلری بونلری قبول ایتک شرفه نائیت ایچون بربریه رقابت ایشلر  
 و محتاج اولدقلری شیلری تدارک ایشلردی . ایکی آی طرفده ایکیوز کشیلک  
 برکتله مؤمنه او وجهله قاجوب قورتلش ایدی ؛ موقوف و محبوس اولانلر  
 قاجغه فرصت بوله مدیلر . بونلر میانده بولنان صهب اسمنده بریسی واردی که  
 حضرت پیغمبر آنک حقنده « رومک ایلک ثمره سی » دیر ایدی . صهبه متعلق بر حکایه  
 نقل ایدرلر ؛ شویله که : اصلاً بروم اسیری ایکن و ایسی طرفدن آزادایدیلنجه  
 موفقیتله تجارته باشلار و خیلی ثروت صاحبی اولور . هجرت ایده جکی زمان  
 مکه لیلر آکا « سن بورایه احتیاج و فقر ایچنده کلدک ، ایچمزده یایدیغک ثروت  
 شوبولندیغک مرتبه سعادته کلنجهیه قدر آرتدی ؛ شیمدی ایسه کندک یالکز  
 کیتمیورسکده طولایدیغک ثروتی ده برابر کوتوریورسک ؛ والله بو ممکن  
 دکل « دیمشدر . صهب ایسه : « اکر املا کدن فراغت ایدرسم بنی کیتمکده  
 سربست براقورمیسکز ؟ » دیه صورمش . مکه لیلرده موافقتده بولمشدر . اوده  
 یالکز اشیا منقوله سیاه اورادن چیقمش . بو حادته حضرت پیغمبره حکایه ایدلدیکی  
 زمان « صهب کارلی برپازارلقده بولمش » دیمشدر .

شبهه سز احتیاجنک شهردن حرکتلری حقنده هیچ بر شبهه دعوت ایتمه مک  
 مقصدیه حضرت محمد کندی حرکتی تأخیر ایشیدی . وقتا که حیانه قارشو  
 بر سوء قصد مرتب اولدیغنی وداها فضلّه تأخیر عزیمتک موجب فلاکت اولابیله .  
 جکئی کندیسنه اخطار ایدیلر ؛ آرتق بو اخطار اوزرینه برتدیر خلاص بولوب  
 اوده قاجدی .

یثرب شهری — که بوندن بویله « مدینه النبی » اسمنی آلمشدر — هنوز  
 بر عبادتگاه مؤمنینی حاوی دکلدی . حضرت محمد اورایه واصل اولور اوناز  
 اک اهمیتلی ایشی هم جماعته عبادته کافی ، همده برای مذاکره اجتماعه صالح  
 بر مسجد یایدیرمق اولدی . مؤمنلر او آنه قدر شونک ، بونک اقامتگاه شخصیلرنده  
 طولانورلردی . غالباً یهودی اهلینک جلب قلبی امیدیه جماعت اسلامیه  
 ابتدالری نماز قیلارکن قبله اولمق اوزره یوزلرینی قدس طرفنه توجیه ایدرلردی .  
 حضرت پیغمبر — کتاب مقدسلرینه اشارت ایتک ویا حققرنده سربستی

عبادت و مساوات سیاسیہ تأمین ایلک کبی بر چوق طریقارله — یہودیبری تطبیہ چالیشیوردی ؛ فقط تکالیف ائتلافکارانهسی آنلر طرفدن استہزا واستحقار ایله قارشولنیوردی . امتزاج امیدلری کاملاً بیہودہ چیقوبده یہودیبرا کندی رسالتنه معارض بولنه جقلمی ثابت اولنجه حضرت رسول تابعلریہ نہ عبادت زمانی یوزلرینی مکده کائن کعبہ یہ چویرملری لازم کلدیکنی بیلدیردی ک و اوابده نازل اولان آیتی ذکر ایلدی [۱] عبادت ائساننده قبلہ کاهک تحویلی یکنظرده کوروندیکندن داها زیاده معنیداردر ؛ حقیقتاً بو حال اسلامده حیات امتک مبادیسی دیمکدر : قیود تاریخیہنک موجودیتندن داها اسکی بر زماندن بری عربستانک کافہ قبائلنه بر محل حج اولان کعبہ بوندن بویله بوتون مسلمانلرک بر مرکزی اولمغه باشلامشدر . ایفای حج دخی قدرتی بولنان هر بر مسلمان ایچون — هیچ دکلسه حیآنده بر کره اولسون — وظیفه دینه اوله رق تعین ایتدی .

قرآن کریمده بر چوق آیتلر واردرکه امت حسیات مؤسسہنک بومیہسینی استلزام ایدر وعربستان خلقنی کندی لسانلرنده وکندیلرندن بری واسطہسیله تبلیغ ایدیلن الهامات قدسیہنک بخش ایلدیکی ممتازیتک ماهیتی آکلامغه مدار اولور . بو آیتلردن بعضیلری بوجه آتی نقل اولنور :

سورة الزخرفده : « انا جعلناه قرآناً عربياً لعلکم تعقلون »

سورة الشوراده : « وكذلك اوحینا الیک قرآناً عربياً لتذکر أم القرى

ومن حولها »

سورة فصلتده : « لوجعلناه قرآناً اعجمیا لقالوا لولا فصلت آیاته »

اسلامک خطابی یالکز عربستانه دکلدر . مادامکہ الله بردر ؛ آکا کوره بوتون افراد بشر بومذهب آلتنده برلشمکه دعوت ایدملیدر . اسلامیتک بو جهانشمول اولمق وهر قومک افرادی اوزرنده حکمنی اجرا ایده بیلیمک حقتده کی طلبی حضرت محمد طرفدن ۶۶۸ ( هجری ۶ ) سنهسنده حکمداران زمانک

[۱] مذکور آیت کریمه شودر « ومن حیث خرجت فول وجهک شطر

المسجد الحرام ... الخ . سورة البقرة دن .



بويوكرينه يازلديغى روايت ايديلن نامه ده برصورت حقيقت اراءه ايدر . اوسنه امپراطور هراقليوسه ، ايران حكمدارينه ، يمن و مصر واليرينه يازيلان مکتوبك شو مآلده اولديغى مرويدر .

« بسم الله ... قيصر رومه . السلام على من اتبع الهدى . بعد ماوجب علينا ... سزلى اسلامه چاغرييورم . قبول ايدك ، جناب حق سزى ايكي وجهله مظهر مكافات ايلر . سزلى تكليف اسلاميتدن استنكاف ايده رسه كز اهاليكزك بوتون كناهلى اوستكزده قالور . اى اهل كتاب ! سزك وبزم ايچون دخى انساب اولان مذهبه كلېكز . اوده شودر : يالكز الله ايمان ايتك ، آكا باشقه سنى شريك طوتماق ، ديكر لرينه ( الله ) ديمه مك . اى اهل كتاب ! صاقين امتناع ايتيكنز ! بزسلمانز ، دينزه اسلام دينور .... » هر نه قدر بودعوت اوزمان آنى اخذ ايدنلره عجيب كورونمش اولسه بيله سنين متعاقبه آنك بوش بر هوس ايله تسطير ايدلمش اولمديغنى كوستردى . بومكتوبلر اسلاميتك جهانشمول اولمى حقنده كى طلبه داها صريح وواسع بر تفسير ويرمشدر : شو آيتلر بونى مؤيددر :

سورة يس : « ان هو الاذکر وقرآن مبین ، لينذر من كان حياً »

سورة الانبيا : « ان في هذا لبلاغاً لقوم عابدين . »

سورة الفرقان : « تبارك الذى نزل الفرقان على عبده ليكون للعالمين نذيراً »

سورة سباء : « وما ارسلناك الا كافة للناس بشيراً و نذيراً »

سورة الصف : « هو الذى ارسل رسوله بالهدى ودين الحق ليظهره على الدين كله ولو كره المشركون »

اسلاميتك بوتون بى بشر طرفندن قبول ايدلمسنه دائر بالاده كى آيات ايله

وقوع بولان طلب حضرت محمدك بلال حقنده « حبشستانك ايلك ثمره سى »

وصهيب حقنده « رومك ايلك ثمره سى » تعبير ايلسى كى آريجه اشارت نبويه

ايله ده كوسترلمشدر . ايرانى براسير اولان واصلأ خرستيان بولنديغى حالد

هجرتك برنجى سنى اهتدا ايدن سلمان فارسى يهده « ايرانك ايلك ثمره سى »

تسميه بويورلمشيدى .

ایشته بویه جه داها فتوحات مسلکنک اتخاژدن اول حضرت پیغمبر اسلامیتک یالکز عرب قومنه منحصر قاله میه جفنی صراحت ایله تعیین ایتشدی .  
 بوتون ملتله تبیین اسلامیت مقصدیله مبشر لر کوندرلدیکی حقنده آتی ده مندرج حکایه بودینک عالمشمول اولمق خصوصنده کی استحقاقنه اشارتدر . رسول الله اصحابنه « صاحبین هیکزده یانمه ارکن کلک » دییه تنیه ایتشدی . صباح نمازندن سوکره تحمید و تضرع ربانی ایله مشغول اولمق معتادی ایدی . سوکره آنلره توجیه نظرله بریسی شو جهته ، دیکرینی او بر جنبه ارسال ایدردی و « اللهم قوللریله اولان معامله لر کزده صادق اولک ؛ چونکه کندیلرینه تودیع اولنان وانسانیته تعلق ایدن امورده صداقت کو سترمینلره الله تعالی جنت قاپوسنی قبالی بولندیرر ؛ هایدی کیدک ؛ عیسی بن مریمک اصحابی کبی اوله یک ؛ چونکه آنلر یالکز یقینه بولنانلره کتیدیلر و اوزاقده کیلری اهمال ایتدیلر » دیر ایدی . بوندن ماعدا حضرت محمدک کوندردیکی ساعیلر زردینه کیتدکلری طائفه لارک لسانلرینه واقف آدملردن منتخب بولنیوردی . کندیسنه بو خصوصی ذکر ایتدکلری زمان حضرت پیغمبر : « بو خصوص جناب حقه - قوللرینک امورندن طولایی - مدیون بولنان وظائفک بویوکلرندن بری در » دیمشدی [۱]

اسلامیتک عالمشمولگی و هر قوم افرادی طرفندن قبول ایدلمسی حقنده کی طلبی بودینک انسانلر ایچون قوه قدسیه ایله موضوع اولسنه و آنلره - خاتم الانبیا اولان - حضرت محمد واسطه سیله منکشف بولمنسه مبتنی در . نته کیم ازمان سالفه ده کلن دیکر پیغمبرلر طرفندن ده بویولده الهامات وارد اولمشیدی . آتیده کی آیتلر بونی معندرلر :

سورة یونس : « وماکان الناس الامة واحدة فاختلّفوا ولولا کلمة سبقت من ربک لفضی بینهم فیما فیه یختلفون . »

سورة البقره : « کان الناس امة واحدة فبعث الله النبیین مبشرین ومنذرین وانزل معهم الکتاب بالحق باذنه والله یمهدی من یشاء الی صراط مستقیم . »

[۱] مؤلف بویاناتی ابن سعدک کتابندن نقل ایدیور . آندن اولکی روایاتی ده ابن اسحقندن التقاط المشرر .

سورة النساء : « ومن احسن ديناً ممن اسلم وجهه لله وهو محسن واتبع ملة ابراهيم حنيفاً . واتخذ الله ابراهيم خليلاً . »

زيبه حضرت محمدك مدينه ده بولونديغي زمانه ارجاع كلام ايده لم : هجرتدن صوكره آنك وضعيتني لايقيه تقدير ايجون عرب هيئت اجتماعيه سنك - هيچ دكلسه جزيره العربك بو طرفلرينه متعلق هيئت اجتماعيه سنك - احوال مخصوصه سني تحظر ايلك مهم بر نقطه در . بزم ازمنه جديده ده بر فكر حكومته مناسبته دار سايد يغمز تشكيلات عدليه و اداريه اوراده تماميه مفقود ايدى . هر قبيله ويا طائفه آرى و تماميه مستقل بر شخص معنوى تشكيل ايد يور و بو استقلال قبيله نك اعضاي منفرد سنه شامل اوليوردي . بونلرك هر برى ده كندى رئيسك آمريتنى يالكيز - كنديسنك ده مشترك بولنديغي - افكار عامه نك ترجماني شكنده طانيور ، فقط قبيله سى خلقنك متحداً و يرديكى قراره كوره حركتدن امتناع ايد يوردي . برده رياست مقامى بر قاعده مطرده تحننده دور ايد لمزدى و آنجق رئيس اوله جق ذات عموميله طائفه نك اك زنكين و صاحب قوت برعائله سنك اك ياشلى بر فردى اولمق و شخصاً تا مين احترامه اك زياده صالح بولمق و جهله انتخاب ايد يوردي . بويله جه بر قبيله نك عدد نفوسى تكتر ايتديكي تقديرده قبيله متعدد شعبانه انقسام ايلر ، هر بر شعبه آرى و مستقل بر موجوديته مالك اولور و يالكيز مدافعه موجوديت مشتركه ويا معتاددن خارج صورتده بر حرب سفرى اجراسى مناسبيله كافه سى اتحاد ايلردى . ايسته بو وجهله حضرت محمدك - كنديسنه رئيس و رهبر نظريه باقان كتر تلى و دائماً تكتر بر كتله طرفدارانك باشنده بولنديغي حالده - مدينه ده نصل يرلشديكنى و بو يرلشمه نك هيچ بر امنيت سزلك حسى او ياندير مقسرين ويا - بر يونان قديم شهرنده و آكا مشابه صورتده مؤسس باشقه بر هيئت اجتماعيه ده اولديغي كبي - آمريت موضوعيه قارشو هيچ بر تجاوز و وقوع بولمق سرين نصل حصول بولنديغي آكلارز . بو وجهله حضرت محمد بر امير مستقل صلاحيته مشابه صورتده كندى امتى اوزرنده بر قوه ماديه يي ده حائر ايدى ؛ شو فرقه كه مسلمانلر ايجون دين رابطه سى عالمه و عرق قيدنك يرينه قائم اولمشدى .



بناءً علیه اسلامیت - ولو که نظریاتجه اولسون - هم دینی همده سیاسی بر دستور شکنی آلمش و دائماً او یله جه قالمشدر .

برمدقق دیورکه : « محمد بر دین تأسسنی آرزوایتدی ؛ بوکاده موفق اولدی . لکن عین زمانده تمامیله یکی وصف مخصوصی حائر بدستور سیاستده وضع ایلدی . ابتدا یکانه آرزوسی وطنداش لرینی وحدت خدایه - اللهه - ایمان ایتدیرمک ایدی ؛ لکن بونکله بر لکده کندی مسقط رأسنده اسکی اصول حکومتک الغاسنی وجوده کتیردی و حاکم عائله لک اشتراکیله مصالح عمومیه یی اداره ایدن قبیله اصیلزاده لکی یرنده - کندیمی ( رسول الله فی الارض ) صفتیله رأس کارده اولمق اوزره - بر سلطنت قدسیه تأسیس ایلدی . »

وفاتندن اول بیله عربستانک هان کافه جهاتی آکا اتباع ایلمشیدی . اولجه بر تک امیره قطعیاً اطاعت ایتمه مش اولان او عربستان بر دنبیره بروحدت سیاسی کوستردی و او آمر مطلقه بیعت ایلدی . « یوز قدر مختلف قسمدن بر بریله بلا انقطاع عداوت متقابله ده بولنان بویوک کوچوک نیجه قبائلدن حضرت محمدک سوز لر یله بر ملت وجوده کلدی . بر مشترک رئیسک اداره سنده بر دین مشترکه مالکیت فکری قبائل متخالفه یی بر عضو سیاسی شکلنده بر برینه ربط ایلدی که بوده کندینه خاص بعض اوصافک شایان حیرت صورتده انکشافنی بادی اولدی . ایشته بویله بر نتیجه یی بویوک بر فکر حاصل ایده بیلور که اوده بت پرست عربستانده حیات ملیه پر نیسپی در . ایمدی اصولی تمامیله احما ایدلمد یسه ده - که بو ممکن دکلدی - برنجی دفعه اوله رق وحدت دینه حسیاتی آندن مقدم صاییلدی . بویوک تشبث موفقیتدیر اولدی و حضرت محمدک ارتحالی زماننده - یغما ، غارت و انتقام خصوصلرنده کی عشق لری معلوم اولان - عرب لک شمدی یه قدر هیچ بر وقت بیلمد کلری ربانی بر صلح عربستانک اک بویوک بر قسمنده حکم فرما اولدی . بو امتزاجی میدانه کتورن شی دین اسلامدر » [ ۱ ]

حتی وفات حالنده بیله اقبالق حقی بر طرف ایدیلور و « ارتباط قرداشی »

[ ۱ ] قوسین ایچنه آلمان صوک ایکی فقره « فون قیره مهر » نام آلمان مؤلفنک

Kultur geschichte des orientis عنوانی کتابندن مأخوذدر .

وفات ايدن آرقداشك كافه ملكنى توارث ايدر اولمشيدى . فقط بدر غزاسندن  
 صوكره طريق محمدى سالكلرى آره سنده اتحاد ايچون بويله صنعى بر ارتباطه  
 حاجت قالمدينى آكلاشيلنجه الغا ايدلشيدى . مسلملرك عددى آز اولدينى  
 و اسلاميتك شخصيت مجتمعه حياتى يكي بر شى بولندينى مدتجه بويله بر ترتيب  
 لاجرم ضرورى ايدى . بوندن ماعدا حضرت محمد - طرفدارلرينك سرعت  
 تزايدي پك زياده « قومونست » اولان بويله بر اصول اجتماعى يي همان غير قابل  
 تطبيق برحاله صوقمازدن مقدم - مدينه ده پك آز بر مدت ياشامش ايدى .

اساساً قريشيلره دوستانه كورونمه ين بر شهرده قرار قيلان ومكه ملتجیلرندن  
 مركب بولنان بر كتله سياسيه نك كيتدكجه بويومسى عاقبت ظهور مخصوصه منجر  
 اوله جنى البته بكنوردى ومعلوم اولدينى اوزره حضرت محمدك ترجمه حالى  
 يازانلر كتابلرينى اك زياده مؤمنلر ايله مكه قريشيلرى آره سنده كى اوافق چارپشمه -  
 لرك ، قانلى محاربه لرك تفصيلاتيله طولدير مشلردر . بو مختصات آنك ۶۳۰  
 ( ميلادى ، هجرى ۹ ) سنه سنده مظفرانه مكديه كيرمه سى و ۶۳۳ ( ميلادى ، هجرى  
 ۱۲ ) ده وفاتى آنه قدر متعدد قبائل ايله مناسبات عدوانده بولنسييله نتيجه لشمى .  
 بو سفر لرك تفصيلاتى ويرمك بو كتابك حدود معينه سى خارجنده در ؛  
 آنجق سالكلرندن بر حزب مسلحك باشنده بولندينى زمانلر - بعضيلرينك اعتقادى  
 وجهه - حضرت محمدك بر مشردن زياده النده قلنج هر راست كلديكنه كندى  
 دينى قبول ايتديرمك ايچون اجاره اوغراشور بر متعصب شكلنه منقلب اوليور -  
 مديكنى كوسترمك مهم برشيدر .

اوروپالى محرر لر طرفندن چوق كره ادعا ايدلمش اولدينى اوزره حضرت  
 محمد - مدينه يه هجرت ايتديكى و اوراده كى احوال حياتيه سنك تحوله باشلايدى  
 تاريخدن اعتباراً - يكي بر خلقتده كوستريلور . حضرت محمد بو محرر لر طرفندن  
 آرتق كنديسنه ملهم بولنان ديانتك حق اولديغنه انسانلرى اقناع ايدن مرشد ،  
 ناصح ، رسول الله دكل ، بالعكس مالك اولدينى قوتك ومهارت اداريه نك وسائط  
 كامله سنى نفس و افكارى ايلرى سورمك ايچون قوللانور جرأتلى بر متعصب  
 اوله رق كوسترلمشدر .

فقط مدینه‌دهه ایکن حضرت محمدک مبشر اسلام و مبلغ دین وظیفه‌سنی براقدیغنی ویا تحت امرنده بر اوردو بولنجه غیر مؤمنلری دینه دعوتی ترک ایلدیکنی فرض ایلمک خطادر . ابن سعد پیغمبرک مدینه‌دهه ایکن اولجه امرای اجنبیه کوندرمش اولدیغی نامه‌له مشابه قبول اسلامیت دعوتنامه‌لرینی عربستان قبائل مختلفه‌سی مشایخه کوندرمکدن خالی قالمدیغنی ذکر ایدر و آتی‌دهه‌کی صحایفده کوریله‌جکی اوزره بو عشاءتک اهتدای قبول ایتمین اعضالرینه برای اقناع بالذات مبشرلر کوندردیکنک امثالی واردر . بومبشرلرک بعض احوالده موفق اوله‌ماملری اوزرینه هیچ بوجه‌له تدابیر جبری‌یه مراجعت ایدلمه‌سی اوبابده‌کی مساعینک صمیمی تبشیر اوصافی حائز اولدیغنه دلالت ایدر . هجرتک دردنجی سنه‌سی ظرفنده بنی‌عمیر ابن صعصعه‌یه کوندرمش اولدیغی هیئت تبشیره‌نک عدم موفقیتی بوکا بر مثال مخصوص تشکیل ایدر . بو قبیله‌نک رئیسی حضرت محمدی مدینه‌دهه زیارت ایلمش و تلقیناتی دیکلمش ایدی ؛ فقط هدایته کلیمکدن امتناع ایتدی . بونکله برابر یکی مذهب مواجهه‌سنده مساعد بر وضعیت آلمش وحتی حضرت محمددن بعض آدم‌لرینی برای تبشیر نجد خلقی نزدینه کوندرمسنی ایستمشیدی . جناب پیغمبر بونک اوزرینه اکثریسی مدینه کنج‌لرندن مرکب و تلاوت قرآنده ماهر و کیجه‌لری بالاجتماع تدرس و اجرای عبادته اعتیاد کسب ایلمش قرق کیشی‌یی هیئت صورتیله اورایه کوندرمشدی . فقط بنی‌عمیر شیخی ابو برآر العمیرک ویردیکی اماننامه‌یه رغماً بو هیئت افرادی اهانتکارانه بر صورتده قتل ایدلمش و آنجق ایچ‌لرندن اوچی قورتیلوب عودت ایده‌یلیمشیدی .

مع‌هذا سلاح اسلامک موفقیتی هر کون - خاصةً مدینه‌یه جوار یرلرده‌کی قبائل مختلفه افرادندن - برچوق کیمسه‌لری جناب پیغمبرک طرفدار و تابعلرینک عددینی خیلی آرتیرر صورتده جذب ایتمکده ایدی . « مختلف قبائل طرفندن کلن هیئت‌لرک کندیسندن کوردکلری معامله نازکانه ، آنلرک آلامنه عطف ایتدیکی دقت سریعه ، آره‌لرنده‌کی اختلافاتی فصل خصوصنده کوستردیکی کیاست و تعیین حدود مسئله‌لرنده ابراز ایتدیکی تدبیر سیاست پیغمبرک نامنی مقبولیت عامه‌یه مظهر ایتمش و عالی‌جناب بویوک برامیر صفتیله شهرتک جزیره



العربده باشدن باشه شيوعنه سبب اولمشدر» [۱]

بعض قبائل افرادندن برينك ويا برقاچنك حضرت پيغمبرى كورمك مقصديله مدينه يه كلكدن صوكره اخوان قيله سنى اهتدايه سوق ايتك اچون مسلمان ميسيونهرى صفتده عودت ايلديكى نادراً وقوع بولمازدى . بويولدهكى اهتدالرك نمونه لرندن اولمق اوزره آتى دهكى قصه يه مصادف اولورز :

بنى سعد بن بكر طائفه سى ، اعضاسندن دمام بن ثعلبه نامنده بركىمه يى مرخص صفتيله نزد پيغمبرى يه كوندرمىشى . اورايه واصل اولنجه بو آدم دوه سنه مسجد اسلامك قاپوسى اوكنده ديز چوكيردى و اوك اياقلىرى باغلادى . بعده حضرت پيغمبرك احبابيله برلكده بولندينى او مسجده كيردى و بونلره يك يقين برنقطه يه ياناشارق « اچكزده عبدالمطلبك اوغلى هانكيسيدر » ديه صوردى . حضرت محمد جواباً كنديسى اولديغنى بيلديردى . « سن حقيقه محمد ميسك ؟ » سؤاله « اوت » جوابى ويرلدى . سؤال : « اكر مناسبتمز صايمازسهك سندن برقاچ شى داها صورده جم . سنك و حضور كده بولنانلرك و بالاخره سكا كله جكلكمك معبودى نامنه يمين ايدرك سويله : سنى الله بزلره . پيغمبر اوله رقى كوندردى ؟ » جواب : « اوت ، والله » سؤال : « كذلك عين وجهله قسم ايت ؛ الله يالكيز ذاته عبادت ايلمكلكمز ، كنديسنه شريك ياپمامقلمز و آتالرمزك عبادت ايدده كلكارى اصنامه طاپمامقلمز اچون سكا امرارسال ايتدىمى ؟ » جواب : « والله اوت » . بعده بو آدم حضرت پيغمبردن نماز ، اوروج كى اركان اسلاميه حقنده سؤال لر صوردى . سوزينك صوكنده « شهادت ايدرم كه لااله الاالله محمد رسول الله . اركان اسلاميه يى ايضا ايدده حكوم و منع ايلديكك شيلردن حذر ايليه حكوم و آندن نه فضله ، نه ده نقصان برشى ياپميه جم » ديه سلام ويره رك كيرى دوندى ؛ دوه سنك باغنى چوزدى ، طائفه سى نزدينه عودت ايلدى . افراد طائفه يى نزدينه جمع ايله آنلره ايتدىكى ايلك خطاب شو ايدى : « لات و عزى صنملىرى باطل شيلردر . » بونى دير ديمز جماعت : « صوص ! »

[۱] بوفقره نك اشارتلىر ايچنه آنان قسعى انكليز مؤلفى « ويليام موئير » ك و خاصة ايتاليان مؤلفى « قائه تانى » نك اثرلرندن آلمشدر .

جذام دن ، عقلگی غائب ایتمکدن صاقین « دیه رک بتله قارشو کفرک تولید ایده جکی فرض اولنان مصائی آکا اخطار ائک ایستدیلر . اوده : « عیب سزه ! والله اوتلر سزه نه خیر ، نه ده شر کتوره بیلورلر ؛ زیرا الله بر پیغمبر کوندردی و آکا بر کتاب ارسال ایتدی که بونک واسطه سیله سزله ضاللتدن خلاص بوله سکز . شهادت ایدرم : الله واردر ؛ باشقه جه اله یوقدر ، محمدده آنک خادم ورسولیدر . بونک نهلر امر و نهلر نهی ایتدیکنه دائر سزه خبرلر کتوردوم . » دیدی ؛ داها اقسام اولمازدن اول طائفه نک قرارکهنده اسلامیتی قبول ایتمین نه برارکک قالدی ، نه ده برقادین ... دیه روایت ایدرلر [۱]

مدینه ایله بحر احمر ساحلی بیننده کی محللرده ساکن اولان بی جهینه قبیله سنه منسوب عمرو بن مره دخی بو قبیل میسونه لرلر دن بریسی ایدی . هجرتدن مقدم هدایته کلن بو ذات ینه او سنه ( بشجی سنه هجریه ) صورت اهتداسی حقنده شو تفصیلاتی ویرمشدر : « طاپیغمز برصم واردی که بن آنک تر به سنک محافظی ایدم . پیغمبرک ظهوری ، خبر آدیغ زمان بو صنی پارچه ، پارچه ایتدم . قالقوب نزد محمدی به کیتدم . اسلامه کیردم و آنک حق اولدیغنه شهادت ایلدم . محمدک امر ویا نهی ایدلدیکنی سولدیکنی شیرله ایناندم ؛ بوکا ایسه شو مصر اعلم ایما ایدرلر : « شهادت ایدرم که الله حقدر . بن طاشدن معمول بتلری ترک ایدنلرک برنجیسی . . کمریمی بلمه باغلام . دوز و پروزی یوللری آشوب سزه ایریشدم . نفسی هم ذات هم نسل جهتلیله پک نجیب اولان ، عرشى بولو طرک فوقنده بولنان حق تعالینک رسولی محمدده ربط ایلرم . » حضرت پیغمبر عمرو بن مره نی تلقین دیانت ایچون آنک منسوب اولدیغی قبیله زدینه کوندرمشیدی . بو مبشرک مساعیسی او درجه موفقیتله توج ایتدی که قبیله ده - هر دورلو نصایحی دیکلمین واسلامه کلین - بر تک کیمسه دن ماعداسی اهتدایلیشدی .

هجرتک آلتنجی سنه سنده عقد ایدیلن حدیبیه متارکه سی مکه خلقی ایله

[۱] روایت . ابن اسحق دن منقولدر . ایتالیان مؤرخ قائه تانی ابن اسحقک بو

روایتی برآز شبهلی متابعدن آلدیغی قید ایدر .

مناسبات دوستانه تأسيسی دائرہ امکانہ کتورمشدی. بناءً عليه بوشهر اھالیسندن اولوب ايلك رسالتنده حضرت محمدك موعظه لرینی ایشتمش اولان بر چوق کیمسه لر - که آرہ لرندہ بویوک نفوذ صاحب لری ده واردی - قبول اسلام ایچون مدینه یه قدر کل دیلر .

مکه خلقیه ایدیان محاربات تمادیه اوشهرک جنوب جهتلرندہ کی قبائلی همان تمامیلہ دنیلہ جک بر صورتده یکی دینک نفوذی خارچنده براقشیدی ؛ فقط بومتار که آرتق جنوبی عربستان ایله مراسلاته امکان حاصل ایلدی و (بنی دوس) قبیلہ سندن اوفاق بر قافله یمک شمال حدودینی تشکیل ایدن طاغلردن کله رک مدینه ده حضرت پیغمبره التحاق ایتدی . ظهور محمدیدن اول بیلہ بوقبیلہ ایچنده بعض کیمسه لر واردی که بونلر قبیلہ لری آراسنده مرعی اولان بتپرسلکدن دها عالی بر مذهبک شعاعاتی شویله جه اوزاقدن کوریورلرودنیانک خالق اولمسی لازم کله جکی حقنده کندی آرالرندہ مناقشه ایدیورلر، فقط بونک کیم اولدیغی کندیلرنجه غیر معلوم قالیوردی . حضرت محمد بوخالقک رسولی اوله رق ظهور ایدنجه (طفیل بن عمرو) اسمنده بریسی خالقک کیم اولدیغی او کر نمک مقصدیلہ مکه یه کیتدی . واقعا قریشیلر حضرت محمد ایله مکلمه یه کیریشیورلردی . فقط آنک کندیسی اوزرندہ تهاکه لی صورتده اجرای نفوذ ایله بیلہ جکنی طفیل بن عمرو ده اخطار ایتدیلر . فقط طفیل بر کون جناب پیغمبری کعبه ده عبادت حالنده ایکن ترصددن سو کره اوینه قدر تعقیب ایلدی . اوه کیرنجه حضرت محمد آکا احکام اسلامیه یی ایضاح ایتدی . اوده یکی دین حقنده شوق ایله ملو بر حالده مکه دن چیقوب کیتدی . مملکتنه عودتنده پدریلہ زوجه سنی هدایته کتورمکه موفق اولدی ایسه ده قبیلہ سی خلقک اسکی صنمپرستانه اعتقاد لرینی براقق ایستمدکلرینی آکلادی . ارشادنده کی بو سوء موفقیتمدن مأیوس اولارق نزد پیغمبری یه دوندی و آندن بنی دوس خلقی اوزرینه لعنت اللهی دعوت ایلمسی نیازنده بولندی ؛ فقط جناب رسول آنی مساعیسنده نبات ایتدیرمک ایچون « منسوب اولدیغک خلق نزدینه عودت ایت ؛ آنلری ینه دینه دعوت ایله ؛ آنجق کندیلریله ملایمت اوزره معامله ده بولون » دیه تشییع دن سو کره « یاری ، بنی دوس خلقنه طریق حقدہ



رهبر اول « یولو بر دعاده بولندی . طفلیک بود فعه کی ارشاداتی اودر جهده .  
منتج موقتیت اولدی که هجرتک یدنجی سنه سی طائفه سندن یتمش ایله سکسان  
آره سنده اولدیغی تخمین ایدیلن و دین اسلام ایچون قازانیلان عائله لردن مرکب  
بر قافله ایله بر لکده مدینه یه کلدی و حضرت محمدک مظفرانه صورتده مکینه  
دخولدن سوکره ، اوزمانه قدر قبیله سی افرادی طرفندن صنم اولمق اوزره  
تقدیس ایدیلن ، بریغین اودونه مواجهه انامده آتش و یردی .

هجرتک سکزنجی سنه سی اون بش قبیله داها پیغمبره تابع اولدی : سکزنجی  
سنه سنده مککنک تسلیمندن سوکره اسلامک تفوقی تأمین ایدلدی . اولجه  
« براق ، محمد ایله آکا تابع اولان افراد قبیله بزمله جنک ایتسونلر ؛ اکر  
مظفر اولور لر سه اوحالده آنی حقیقی بر پیغمبر طانیرز « دیه اهدادان تباعد  
ایتمش اولان عربلر یکی دینه مطاوعت لرینی کوستر مکده آرق استعجال ایدیور لر دی .  
مککنک سقوطندن سوکره کندیسنه مراجعت ایدنلر آره سنده رسالتک بدایتنده  
آنی اک زیاده تعذیب ایتمش اولان بعض کیمسه لرده واردی ؛ فقط حضرت  
محمدک مسامحه و عفو نجیانه سی اوزرینه بونلر اخوت اسلامیه ده کندیلری  
ایچون یر بولدیلر . ایرتسی سنه - اولجه مسلمانلرک موقتیت سز لکله ضبطنه  
تشبث ایتمش اولدقلری - طائف شهری اها لیسندن ( عروه بن مسعود ) ک  
شهادتی وقوعه کلشدی . شویله که : بو ذات ینده بولمقده ایدی ؛ شهرک  
محاصره سی رفع ایدلکدن سوکره اورایه عودت ایدلدی . آندن ایکی سنه  
مقدم حدیه ده جناب رسوله تصادف ایلدیکی زمان آکا فارشو قبیلده درین  
بر حس تقدیس حاصل اولمشیدی . بود فعه یکی دینه کیرمک ایچون مدینه یه  
قدر کلشیدی . غیرت دینه سنک سوقیله طائفه دونمک و هم شهریلرینه اهدا  
تکلیفنده بولمق ایستدی . حضرت محمدک اولیه تهلکلی بر تشبثدن آنی واز  
کچورمک خصوصنده وقوعه کلن سعینه رغماً مسقط رأسنه دوندی و خلقه  
بپرستلکی براقدیغی علنی صورتده سویلدی و کندیسنه امثالاً اهدا ایللرینی  
ایستدی . بویله جه و عظ و ارشادده بولنورکن آتیلان براق آنی مخاطره لی  
صورتده یاره لادی . مع مافیله تسلیم روح ایدرکن بو شهادتی کندیسنه عنایت  
ایدن جناب حقه حمد و ثنا ایدلی

بو وقعہ دن تخمیناً بر سنہ صوکرہ اتباع رسولدن دیکر بریسی طرفندن  
 یمنده داها موفقیتله ابراز اولنان ارشاد فعالیتلری حقنده شو تفصیلات ویریلور :  
 رسول اللہک الحارث ایله حمیرده بولنان نعیم بن عبدالکلاله کوندردیکی نامه  
 شویله باشلار : ( الله تعالى ایله رسولنه ایناندیجه رحم وسلم اوزریکزدن ا کسیک  
 اولماز . الله بردر ، شریکی یوقدر . کندی اشارتیه موسای ارسال ایتدی ،  
 عیساییده کله ربانسی ایله خلق ایلدی ... الخ » بو مکتوبی غیاش بن ربیعہ -  
 المخدومی یه ویریرکن دیدی که : « آنلرک بولندیغی قصبه یه ا کر کیجه یتیشیرسهک  
 کیرمه ، صیاحی بکله . بعده آبدست آل ، ایکی رکعت نماز قیل و صوکره  
 جناب حقدن سنی اوراده حسن قبوله مظهر وموفقیتی میسر ایلمسنی نیاز ایت .  
 مکتوبمی صاغ الکه آل و صاغ الکه آنلرک صاغ اللرینه تسلیم ایله . بسمله دن  
 صوکره ( لم یکن الذین کفروا من اهل الکتاب والمشرکین منفکین حتی تأتیهم  
 الینة ) آیتی اوقو وسورة الیننهک باقیسنی ده تجوید اوزره تلاوت ایت . بیتور -  
 دیکک وقت آنلره دیرسک که : ( محمدہ ایمان ایدک ؛ بنده ایلک ایمان ایدن  
 بر آدم . ) آندن صوکره سکا ایده جکلری هر دورلو اعتراضله جواب ویرمه که  
 مقتدر اولورسک وسکا اوقومق ایستیه جکلری هر طمطراقلی کتاب ، آهنکنی  
 ضایع ایدر . ا کر سکا یابانجی بر دیلده خطاب ایدر لرسه ترجمه ایدلمسنی ایسته .  
 ( الله بکا وافیدر ، آنک ازال ایتدیکی کتابه اینانورم . بن سزک آره کزده  
 ابراز حقانیته مأمور ایدلم . الله تعالی هم سزک ، همده بزم ربمزدرد ؛ سزی  
 بزمه برلشدیره جک وهیمز آنک درکاه الوهیتنه رجوع ایده جکر ) دیدکدن  
 صوکره ا کر قبول اسلام ایدر لرسه برای تعبد اوکلرینه قویمقده اولدقلری  
 اوچ عدد دکنکی آنلردن طلب ایت . بونلردن بری بیاض وصاری بنکلری  
 حاوی در ؛ بریسی ده بوداقلی بر عصا کیدر ؛ اوریسی ایسه سیاه آبانوسدندر .  
 بونلری آل ، طیشاری چیق وپازار محلنده یاق .... » غیاش بن ربیعہ شویله  
 نقل ایدر که : بو تعلیماتی آلدقندن صوکره یوله روان اولدم . وصولده اورا  
 خلقنی بر بیرام مناسبتیه سوسلنمش بر حالده بولدم . بونلری ایجه کوره بیلیمک  
 ایچون ایلریله یوب یتشدم وبعده اوچ قاپو اوزرینه آصیلمش اوچ معظم پرده نک

اوکنه ایریشدم . اورته ده کی قاپونک پرده سنی قالدیروب ایجری کیردم و خلقی بنانک حولیسنده مجتمع برحاله کوردم . بعده کندیمی رسول اللهک ساعیسی اوله رق کندیلرینه بالتقدیم تبلیغاتی بیلدیردم . سوزلریمی دیکله دیلر . هرشی رسول اکرمک دیدیکی کبی چیقدی . « [۱]

محررتک طوقوزنجی سنه سی بنی عمیر بن صعصعه نك بر شعبه سی اولان بنی کلاب طائفه سندن اون کیشلیک بر هیئت نزد پیغمبری به کشش و تابعین رسولدن نحاك بن سفیانک کندیلرینه کیدرک تلاوت و تعلیم احکام اسلامیه ایلدیکنی ، وعظ و نصیحتنک بوتون قبیله خلقنی یکی دینه جلب ایتدیکنی اخبار ایشلردر . ینه بو قبیله نك باشقه بر شعبه سی بولنان بنی رعاص بن کلاب افرادی - کندی قبیله لری اعضاسندن بریسی اولوب مقدا مدینه یه کیده رک اهتدا ایدن بر کیسه طرفدن - هدایته سوق اولمشلردی .

ینه بوسنه ظرفنده و ذیله بن اسحق حضرت رسول ایله ملاقاتندن سوکره قبول ایتدیکی یکی دینه کندی قبیله سی خلقنی جلب ایچون چالیشمش ایسه ده موفق اوله مامشدی . کندی باباسی آتی : « والله سنکله آرتق ابدیاً قونوشمیه جغم » سوزلریله بالتقییح طرد ایشیدی . او ایسه کندیسنه او یه جق هیچ بر کیسه بولامامش و آنجق کندی همشیره سی ایمان ایشش و آنک مدینه ده نزد رسوله عودتی ایچون لازم اولان وساطتی تدارک ایشدر . بو طوقوزنجی سنه هجری یه ( ایلچیلر سنه سی ) دینلیدی . بوده اوسنه ظرفنده برچوق عرب بلاد و قبائلی طرفندن برای اتباع حضور نبوی یه هیئت مرخصلر کوندرلمسندن طولاییدر .

عرب هیئت اجتماعیه سنه ( اخوت اسلامیه ) شکلنده بریکی اصول اجتماعیه نك ادخالی اسکی قبیله مفکوره سنک - که او هیئت اجتماعیه بناسنک ( قان برلکی ) اساسی اوزرینه قورولمش اولمسیدر - قوه ربطیه سنی داها بدایتدن ضعفه دوشوردی . بر شخصک اهتداسی و آنک یکی هیئت اجتماعیه قبولی عرب حیاتنک قواعد اصلیه سندن برینک نقضی دیمک ایدی . اهتدانک تکرر وقوعی



قييله مؤسسائى اوزرينه بويوك بر قوه انحلاليه كى تاثير ايلدى و مسلمانلرك واصل اولدقلىرى پك شوقلى و قوياً منسوج بر ( حيات مليه ) قارشوسنده او مؤسسائى ضعيف براقدى . بوجهته عرب قيله لرني طريق نبوى يه سلوكه سوق ايدن شى حضرت محمدك صرف معظم بر قوه عسكريه رئيسى موقعنه كمسى دكل ، آنجق - ديكر كافه اشكال نظريه يي ضعيف و غير مؤثر بر حاله صوقان - يكي بر حيات اجتماعيه نظريه سنك مباني بولمسننددر . [۱] حضرت محمد كندى زماننده آنارشى حالنده بولنان هيئت اجتماعيه بر وحدت مليه حسي ويردى ؛ يعنى عربلر طرفندن اولجه حس ايدلمه مش صورتده بولنان - يكديكره قارشو حق و وظيفه يي ادراك - حسنى ادخال ايلدى . [۲] بوزمانه قدر بر بيله قان كوتمكه اوغراشان طائفه لرى اسلاميت ايشته بو طريقه توحيد ايدنيور و بويوك ائتلافك دائره سي كنيشدكجه عربستانده كى كوچوك طوائف ده كنديسنه جذب ايليوردى . عرب قبائلنك امر اهتداسنده « دشمنلرينه قارشو امين قاله جقارى حقده جانب پيغمبريدن - هر فرصت دوشدكجه - قبائله و عدلر و يريليوردى . ارتحال نبى خبريني ايشيدنجه عرب قبائلى رؤساسدن بريسي « ايواه بكا ! او صاغ اولدكجه سكونت اچنده دشمنلرمدن امين بر حاله ياشايوردم » ديه فرياد ايتمىدى . بويله بر فرياد او سرده ده عربستانك اك اوزاق حواليسنده ده ايشيدلمش اولسه كر كدر .

بعض عرب قيله لرنيك نه قدر سطحى بر صورتده اهتدا ايتمش اولدقلىرى ارتحال نبى عقينده بويوك مقياسده وقوعه كلن ارتدادلردن آكلاشيلور . بومقوله لرك اسلامى قبول ايللرى ايجابات سياسيه دن ايلرى كلديكي تظاهر ايدر . بونلر - بالاخره بويوك بر حركت مليه شكلنى آلان - جريانه كنديلريني قاپديران طاقدندرلر . ايلك اهتدا ايدنلرك بر طغيان اولان شوق و هوسلرى صوكره دن اسلامه كلن بوكيلرك حسابلى و احتياطلى وضعيتلرنده بولنه ماز . مع مافيه بونلر

[۱] بوملاحظات آلمان مؤلفلرندن ( ايشيره نغير ) نام ذاتك Das Leben und

die Lehre des Mohammed نام اثرندن آلتئمدر .

[۲] بوفره ده ايتاليالى ( له عون قائه تانىك ) Annali dell' islam عنوانلى كتابندن

مأخوذدر .

ایچنده بيله دين ايجون بر شوق صميمي ايله متحسس اولدقلری و - اولجه امثالی کوردیکمز وجهله - کندی اخوان جماعتلرینه تلقین دین ایتک غیرتيله فدای جان حاضر بولندقلری خالد صفوف مسلمه یی بویوتمکه کلنر بولنشدر . بونلر پیغمبرک حقیقی وارث معنویلی، اسلامک استقبال ايجون (حواریون) ی حضرت محمد واسطه سیله جناب حق طرفندن انسانلر ايجون وحی اولنان شیرک صادق امینلری ایدیلر . نبی مرسل ايله تماس دائمیلرندن و آکا اولان مربوطیت قلبیه لرندن طولایی بوذاتلر مقدا کورمش و اوکرنش اولدقلری افکار و حسیاتدن داها مدنی و داها عالی بولنان افکار و حسیات جدیده پیدا ایتدیلر و حقیقه هر برنقطه نظرندن داها ایی بر صورتده کسب تحول ایلدیلر . کیت کیده فتوحات حربیه نک . اک مشکل زمانلرنده بيله - رجل حکومت و رئیس جیش صقیله - حضرت محمد طرفندن اکیلن بر ارضک ثمره دار بولنه جغنی و پک قیمتدار بر زمره رجال وجوده کتورمش اولدیغنی پک علوی و ناقابل انکار بر صورتده اثبات ایلدیلر . بونلر قرآنک متن مقدسک محافظی ایدیلر و آنجق کندیلری آنی از بردن بیلورلردی . کذک بونلر پیغمبرک هر قول و نصحتی حاوی جمله لری ( احادیثی ) قصقانجلق درجه سنده بر دقتله حفظ ایلرلر و آنک میراث معنویسک امینلکنی ایفا ایدرلردی . بوذاتلر ایام استقبالیه ده ایچندن علما، فقها و محدثین کبی برنجیب زمره پچقاجق اولان سرمایه مقدسه اسلامییه یی تشکیل ایلدیلر . [۱]

آنجق بوکبی ذواتک موجودیتنددرکه اوقدر واسع بر حرکت مطرد و مربوط اوله رق بقا بوله بیلدی وینه بونلر بولنماش اولسه ایدی ارتحال محمدی اوزرینه حادث اولان تزلزلدن کندیسینی پک ده قورتارامازدی؛ چونکه - خاطرهدن اوزاق طوطیه جغنی اوزره - اسلامیت ، بت پرست بولنمش اولان عربستانده بوسوتون باشقه بر حرکت جدیده ایدی اسکی و یکی هیئت اجتماعیه اعمالی بررینه طبان طبانه ضد بولنیوردی؛ چونکه اسلامیتک عرب هیئت اجتماعیه سنه ادخلی صرف بر قاچ و حشیانه و انسانیتشکنانه اعمالک سوکولوب آتیلمسی دیمک [۱] بوفره عنوانی بالاده مذکور قابه ناینک اسلامیت حقنده کی کتابندن مأخوذدر .

دكلىدى ؟ برده اولدن برى موجود اولان مفكوره حياتيه لرك آلت اوست ايدلمسى ديمكىدى .

ايشته بونده تبليغات محمديه نك اساساً ميسيونه لرك صفتنى حائز اولديغنىك اك قطعى برهانتى بولورزكه حضرت محمد بويله جه يكي دين دستورينك مبلغى و اودين ايله عملك ناديسى اوله رق مواجهه عالمده ظهور ايدر . شرائط زمانيه يكي تشكيلات سياسيه احداثه نه قدر مساعد كورونمش اولورسه اولسون هر حالده حضرت محمد اوزمانكى هيئت اجتماعيه يي تلقينات دينيه سنك قبولنه حاضر لشمس ده قبلرده هنوز انكشاف ايتمين آرزولرى تيين ايديجى بر صدايه انتظار ايدر بر حالده بولمادى . ايشته بويله بر روح انتظار عربلرده - وحى تشبثات محمديه نك اك زياده معطوف اولديغى وسطى عربستان خلقنده - موجود دكلىدى . بونلر بر مرشدك - و هله كنديلرنجه اكلاشيله ميان ( رسول الله ) عنوانى حائز بر مرشدك - تبليغى قبوله هيچده حاضر دكديلر .

كذلك اسلامده كافه مؤمينك مساوى صاييلمسى و بوتون مسلمانلرك بر اخوت مشتركه لرى بولنمى - كه عرب اولسون و يا عربك غيرى بولنسون ، حر اولسون يا خود اسير بولنسون ، عموم مؤمنلر آره سنده بر فرق ممتازيتك موجوديته محتمل دكلىدى - عربك قبيله حسيانه باشدن باشه ضد دوشر . عرب ايسه مدعياتى اجدادينك شهرته مبتنى اولان ملاحظات شخصيه اوزرينه وضع ايدر و بونك سائقه قوتيله روحنك ذوق طويدنيغى اونهايتسز قان كودمك مجادلاتى اجرا ايدر كيدردي . فى الحقيقه تبليغات محمديه ده كى احكام اساسيه عربلرك اوزمانه قدر بك قيمتلى طوتدقلىرى شيلره قارشو پروتستو ماهيتنده ايدى . يكي هدايته كتوريلن مسلمانه اولجه حقارتله نظرايتديكى اوصافى فضائلدن تلقى ايتمى تعليم ايديلبوردي .

بت پرست عربيه كوره كرك دوستلق و كرك دشمنلق برقرض كجى ايدى كه آنى فائضيه تاديه يولنى آراددى . بويله جه فالغه قارشو فالقاه مقابله ايتمكده مفتحر اولور و بونك عكسى حر كنده بولنان بر كيمسه يه كوشك و آلچاق نظريله باقاردى . ايشته حضرت محمد بومقوله آدملره فالغى ايلك ايله قارشولامق



امرىنى ويريوردى؛ چونكه آنى قرآن كريمدن اقتباس ايديوردى :

« ادفع بالتي هي احسن ... الخ ( سورة المؤمنين )

« وليعضوا وليصفحوا الاتحجون ان يغفر الله لكم والله غفور رحيم »

( سورة النور )

« و سارعوا الى مغفرة من ربكم و جنة عرضها السموات و الارض اعدت

للمتقين » ( سورة آل عمران )

حضرت محمدك ايلك تيلغده بولنديغى عربلر عبادت تأسيسي استهزا ايله  
تلقى ايلدیلر . اجرات رسولك ك مشكل جهتلرندن بريسى ده اسلاميتك تلقيني  
وجهله ذهن مخلوقك خالقه قارشو وضع ديندارانهسى حقتده آنلرى اقناع  
ايتمكى ؛ بو ايسه مجوسى عربلره همان كلياً مجهول برشيدى . بويله جه نفسه  
كوه نمك و روح ديندن محروم اولمق آنلرى « نظر الهمى ده محترم بولنان ،  
اللهدن ك زياده قورقاندز » كلامنك تلقيسنه غير مستعد برحاله صوقشدى . كذلك  
بو مجوسى عربلر حدود حريتى آشان صور حياتيه لريني اسلاميتك تحديده  
چالشمسونه تحمل ايدمه مزدى . زمان جاهليتده عربك قلبنده ك معزز اولان  
شى شراب ، قارى و تغنى ايدى . حالبوكه بونلرك هر بيرينه دائر اولان اوامرك  
اجراسنده جناب پيغمبريك شدتلى طاورانوردى .

خلاصه ، اسلاميت داها مبادى ظهورنده بر ميسونهرلك ديني تمغاسنى  
حاوى ايدى . قلوب افراد بشرى قازانمق و آنلرى مؤمنينك دائره اخوتنه  
جلب ايتمك ايستدى . بدايته اولديغى كى زمانمزرده دخى بوبابده كى مساعى ده  
دوام ايتدى ؛ نته كيم صحايف آتیه بونى ارايه ايدر .

## آسيای غربى ده کی خرىستاندر آره منده انتشار اسلاميت

حضرت محمد سوريه اچون بر اوردو وجوده کتورمش ایدی . بو اوردو کنديسنک ارتخالندن صوکره ابوبکر الصديق طرفندن سوريه سوق ایدلی .  
 بوده بعض مسلمانلرک عربستان احوالی قاریشیق بولمىسندن طولايی اوردونک اورايه کوندرلامسى لازم کله جکی حقنده کی اعتراضه رغماً وقوع بولمشدی .  
 ابوبکر آنرک سرزنشلىرىنى شو سوزلرله کسديردى : « جناب پیغمبر طرفندن ویرلمش اولان ر امری کیری آلهام . مدینه حیوانات وحشیه یه سیدگاه حاله کله بیلور ؛ فقط اوردو آرزوی محمدی نی اجرايه مجبوردر . » عربلرک سوريه ، ایران و آفریقای شمالی یه آقین طرزنده یاپیلان شایان حیرت اسفار حربیه لرینک برنجیسی اولان شوسفر ، ایران قدیم دولتی ده ویردی وروما ایمپراطورلغنی الک کوزل اقسام ممالکندن بعضیلرندن محروم ایتدی . بو متعدد سفرلرک تاریخی تعقیب ایلمک کتایمزک احاطه ایدلیکی دائره داخله کیرمز . شو قدر که دین اسلامک عرب فتوحاتی تعقیماً انتشار ایلمسینه نظراً بویله بر توسع انتشاری دائره امکانه کتورن احوالی کشفه چالیشمق مهم بر کیفیتدر .

بویوک بر مؤرخ [۱] بوراده مواجهه مزه او مسئله نی پک ای بر صورتده وضع ایدیور : « عجبا خالص برشوق دینی - او آنده هر درلو صور ظاهره ایله ایلمک دفعه اوله رق آنکشاف ایدن دین قوتی - میدر که مظفرتی هر میدان محاربه سنده عربک سلاحنه بخش ایتدی و اوزمانه قدر دینانک کورمه مش اولدیغی بویوک بر ایمپراطورلغک اینانیمیه جق قدر قیصه بروقت ایچنده تأسسنی موجب اولدی ؛ حقیقتک بویله اولدیغنه دائر براهین مفقوددر .

[۱] بومورخ آلماندر . اسمی ده (دولینغه ر) در ؛ سوزلرینی حاوی اولان کتابک عنوانی ده :  
 Mohammed , s religion nach ihre entvic Klung und ihrem einflusse auf  
 das lebend er foelker

سربستجه و قلبی صورتده حضرت محمد و آنک تبلیغاته متابعت ایدنلرک  
عددی یک آز ایدی ؛ دیگر طرفدن دخی صفوف مسلمینه بر تضییق آخر  
ایله ویا دنیوی بعض شیرلر الده ایتمک امیدیه کیرنلرک عددی یک یوکسک  
ایدی . ( سیف الله ) لقبی احراز ایدن خالد « کندیمی کبی امثالی الله تعالینک  
هم قلبلرندن همده صاحبندن طوتوب اثر پیغمبری بی تعقیبه سوق ایلدیکنی »  
سویلمکله هم کندیسنک همده قریشلردن بر چونک اهداسنده اقناع ایله  
اجباردن مرکب بر حال بولمیش اولدیغنی کوزده چاربار بر صورتده اراهه ایلشدر .  
امین صورتده بول غنیمت قازانمق ، یکی دین ایچون حرب ایدرک آنجق یک  
فقیرانه بر معیشت تأمین ایده بیلن قوری و طاشلی چوللاره بدل نمادار و ثمراتلی  
سوریه ، ایران و مصر اراضیسنه مالک اولمق کبی جاذبه لر دها قوتلی اسبا بندرلر .  
عرب امپراطورلرغنک تأسیسی وجوده کتورن بو خارق العاده فتوحات البته  
اسلامیتک نشری امرنده یاپیلان مجاهداتدن منبعث دکلدنر . شو قدر که بوفتوخاتی  
تعقیباً خریستان دینندن تباعد ایله اسلامه کلنلرک آرتیمی مقصد فتوحات حقنده  
اولیه برطنی تولید ایلشدر . بوجهته خریستان مؤرخلر قلیجی مسلمان پرویا -  
غانداسنک آتی اولمق اوزره تلقی ایده گلشدرلر . بناء علیه کندیسنه معظوف  
اولان موفقیتک پارلاقغندن طولانی مسلمان تبشیرات خالصه سی باینده کی فعالیتلرک  
دلیللری مظلیمیت ایچنده بر اقلمشدر . فقط عربک ییزانس و ایران امپراطورلقلری  
سنورلرینه سیل کبی آقوب کیدن قوای استیلائیسه سی تحریک ایدن روحده  
قلوب اهتدا قازانمق ایچون مهیج بر شوق البته موجود دکلدی . عرب قومنک  
بو توسعی - آچلق و یوقمزلق ایله حال هیجانده بولنان غیور بر خلقک یک ده نمادار  
اولیان صحرائری بر افرق - قومشورلرینک داها زنکین و داها بختیار اولان  
اراضیسنی استیلا ایتمک ایسته مسنه اغلیتله عطف ایدیه بیلور . مع مافیله بو حرکتک  
دستور توحیدیه سی مدینه ده تأسس ایتمش اولان حکومت مذهبه ایدی و یکی  
دولتک تشکیلاتی و صایای محمدیه نک متولیلری - یعنی اصحاب صادق رسول -  
طرفلردن وجوده کتورلمشدی که بونلرک شوق و نفوذلری اسلامیتی - آکا  
سطحی صورتده مربوط قالان - برچوق غربلرک مبالا تسمزلقلرینه رغماً بر دین



رسمی اوله رق ادامه ایشدر . بوندن طولانی اسلامیتک سرعت انتشارینی  
اوانشاره قاپو اچان فتوحات اوردولرینک سجلا تئده دکل ، دها طوغروسوی ملل  
مغلوبه آره سنده اوزمانلر حکم سوردهن احوالده آراملی . [۱]

عرق اولان بو حرکات مهاجر تده بروصف ملی بولنسی عرب قومنک پک  
اوزاقلرده بولنان منسوبلرینی مذکور قوای استیلائییه طوغری چکدی . بوندن  
طولانی خرستیان بولنان برچوق بدوی عربلرک او بویوک حرکاتک آقینلرینه  
قایلوب کیتمه لرینه و عصرلردن بری نصرایتیه معتقد بر چوق طوائف عربک  
دینلرینی بر اقوب آرتق اسلامه کلمرینه تعجب ایدیه مز . بونلر آره سنده بنی غسان  
قبیله سی دخی بولنیوردی که بونلر ارض فلسطینک شرقنده و سوریه نك جنوبنده  
بولنان چوللره حاکم ایدیلر . بو قبیله نك افرادی « زمان جاهلیتک افندیلری  
واسلامیتک ییلدیزلری » تلقی اولنورلردی . هجرتک اون دردنجی سنه سنده  
وقوع بولان ایران اردوسنک انہزام کاملی اوزرینه فرات نهرینک ایکی جهتنده  
متوطن بولنان عربانه منسوب بر چوق خرستیانلر مسلمانلرک رئیس الحیشی  
زدینه کلدیلر و « بزدن اول اسلامی قبول ایدن قبیللر بزدن دها عقلی ایمشلر ؛  
شیمدی رسم قتل ایدلدی ؛ بز آرتق یکی مذهبی قبول ایدیه بیلورز » دیدیلر . [۲]  
کذلک شمالی سوریه نك فتحندن سو کره قبائل بدویه نك اکثریسی - بعض مرتبه تردد  
اثری اظهارینی متعاقب - طریق محمدی سالک لرینه التحاق ایدیلر . قوه جبریه نك  
اهداده بر عامل معین بولنمدیغنه مسلمانلر ایله خرستیان عربلر آره سنده موجود اولان  
مناسبات دوستانه ایله حکم ایدیه بیلور . بالذات حضرت محمد متعدد خرستیان قبیله لرله  
معاهده عقد ایلدیه رک آنلره حمایه و عدا ایتش و عبادت دینیه لرینی سبر بستجه  
ایفا ایلرینی و راهب لری نك حقوق و صلاحیت قدیمه لرندن بلا تعرض استفاده ده  
بولملرینی تأمین ایشدی . ینه بو مثللو حالاتدن اولمق اوزره بر رابطه اخوت  
اهل اسلامی - کندیلرندن دها اسکی اهل کتابدن بولنان - طوائف ایله  
مؤتلف ایتشیدی . بو غیر مسلم اهل کتابدن بر چوقلری کندی آرزولریله

[۱] بوفره ایٹالیالی مؤلف قائم تانیک کتابندن مقتبس در .

[۲] بروایت سیر و بیلیم مؤئیرک Caliphate عنوانی کتابندن مأخوذ در .

کلهرك مسلمانلرك يابدقلىرى اسفار حربيه يه ياردم ايلدكلرى كچي حضرت پيغمبرك وفاتى عقبنده بوتون عربستانده لواى عصيانك قالديرلسنى موجب اولان حركات ارتداديه ده - ينه او حس صداقت ايله - بيطرف قالمشردى . بيزانس امپرا -  
 طورلغلك صحرايه التصاق ايدن حدودنى محافظه ايله مكلف خرستيان عربلرك خدمت عسكريه تخصيصاتى امپراطور هراقليوس طرفدن قطع ايديلنجه آنلركده مسلمان اوردوسى طالعه اشتراك ايلدكلرى روايت ايديلور .

مجرتك اون اوچنجى سنه سنده كى جسر غزاسنده وخيم برمغوليتك وقوعى تقرب ايتديكى وبوزغونلغه طوتيلان عربلر فرات نهريله ايران اوردوسى آرد -  
 سنده صيقشوب قالدغى صردهه بنى طى قيله سندن برخرستيان امير - رجعت منتظمه يي تايمين ايدن تك بر كوپرينك مدافعه سنه ياردم ايجون - عرب قوماندانك يانه قوشوب ككشدى . وضعى قورتازمق ايجون هر طرفدن آقبن ، آقبن كلن يكي قوتلر آرسنده بيزانس امپراطورلنى حدودى داخنده ساكن اولان بنى نيمر قيله سندن برخرستيان طائفه سى بولنيوردى . متعاقباً وقوعه كلن ديكر بر معركه ده - طالع حربى كندى جهتلىرینه دوندورن صوك رهمومدن اول -  
 عرب رئيس الجيشى آتى خرستيان اميرك بولنديغى نقطه يه طوغرى سوره رك « سزده بزم قائمزدنسكز ؛ هادى بزمه برلكده هجوم ايديكز » ديمشدى .  
 ايرانلير بونلرك جوشقون هجوملرى قارشوسنده رجعت ايديلر ؛ بويه جه مسلمان ظفرينك شانلى فهرسته يكي برغله داها علاوه ايدلمشيدى . بوكونك اك قهرمانجه تشبثاسندن بريسنى ده صحرادن كلن خرستيان قيله لرندن برينه منسوب بركنچ اجرا ايلدى . بوكنج آرقاداشلىرى ايله - كه بونلر آت تجارتيه مشغول برطاقم بدويلردى - عرب عسكرينك تام صف حربيه ديزلديكى آنده آنلره التحاق ايلدى . همجنسلىرى ايله برلكده جنكه كيريشديلر وه صادمه نك اك شدتلى صورتده دوام ايدليكى برصردهه بوكنج ، ايرانليرك مركزينه طوغرى آتيلدى وقوماندانلرني قتل ايتدى . كرانبها نه كرى حامل اولان آتته تكرر ايندكدن صوكره مسلمانلر آرسندن آلقيشلره مظهر اوله رق آتى قوشديروب كچركن « بنى تغلبه منسوب ؛ دشمن قومانداننى اولديردم » ديه مظهرانه نعره لر آتدى .

بوکنجک منسوبیتیه افتخار ایلدیکی قبیله خرستیان قلمخی ترجیح ایلشیدی . حال بوکه بنی نیر و بنی قضاعه کبی عراقک دیگر قبیله لری اسلامه کلدیله . دها هجرتک طوقوزنجی سنه سنده بنی تغلب حضرت پیغمبره بر ایلچی هیئت کوندر . مشدی . بو هیئت مرخصه نك محوسی بولنان اعضاسی مسلمان اولمشردی ؛ فقط خرستیان اعضا ایله یاپیلان بر مقاوله موجنبجه - چوجقلرینی واقیز ایلهمک شرطیه - اسکی دینلرنده قالمیرینه موافقت ایلمشدی . بوشرط محمدک وضعیت معتاده مساعده کارانه سنه مغایر ایدی . یا اسلامیت قبولی و یا جزیه تأدییه سنی اتخاده بوکیلری سربست براقان وهیچ بر وقت جبری اهتدای تجویز ایتمین جناب پیغمبرک مذکور شرطی قومسی بعض بنی تغلب عائله لری طرفندن - فاحش تعمید مصارفندن قورتلق املیه - وقوع بولان براخطاردن ایلری کلدیکی روایت ایدیلور . طبری تاریخنه کوره بو قبیله ده خرستیانلغک اوزون مدت بقا بولمسی شرط مذکوره پکده اتباع ایلدیکنی کوسترر . خلیفه عمر بو طائفه افرادینک اسکی مذهبلرینی براقق ایستمدکلرینی آکلادیغی زمان آنلر اوزرینه بر تصدیق اجراسنی منع ایتدی و اجرای عبادتده از عاجاته دوچار ایدلملرینی امر ایلدی ؛ فقط کندی آره لرنده بعض اشخاصک مسلمان اولق ایستدکلری تقدیرده مخالفتده بولناملرینی و بویه منفرداً اسلامه کلنلرک چوجقلرینه تعمید اجرا ایدلمه سنی شرط قویدی . کندیلرندن جزیه تأدییه سی طلب ایلدیکی زمان مال و جانلرینک وقایه سی مقابلنده بویه بر ویرکو طرحنی شرف نفسلرینک تنزیلی کبی تلقی ایتدیله و مسلمانلرک ویرکولری وجهله مکفاته تابع طوتلرینی خلیفه دن استدا ایلدیله . نیازلری قبول ایلدی . عربلر ایچنده خرستیانلغه صادق قالانلر بولنمسی مسلمانلر ایچون بالخاصه موجب اغبرار اولیوردی . هجرتک اون ایکنجی سنه سنده بنی تنوخ قبیله سی اسلامه کلدی . بونلر خرستیان بولنان دیگر بعض طوائف ایله برابر خالد بن الولیده بیعت ایلدیله ؛ ایچلرندن بعض کیمسه لر آندن بر بوچوق قرن صوکره یه قدر اسکی دینلرینه صادق قالدیلر . تاریخ هجرینک ۱۵۸ - ۱۶۹ سنه لری آره سنده حکم سورن خلیفه المهدی بونلردن بر قسمک حلب جوارنده ساکن اولدقلرینی و خرستیان اوله رق



قالدقلربی او کرنبجه حدتله نرهك اسلامه كلملربی امر ایتمس و بونك اوزرینه بس بیکی اسلامه كمش و یالكنز بریسی دین دكیشیرمكدن ایسه ترك حیات ایلمكه تحمل ایلمشدر. شمالی عربستانك خرستیان بولنان قبائل عربیه سی آرهدسنده نصرانیتك غائب اولدیغی حقنده روایات تاریخیه ده تفصیلات مفقوددر. آكلاشیدیغنه نظر بونلر كندیلربی احاطه ایدن مسلمان هیئت اجتمعیه سی ظرفدن بر « نفوذ مصلحانه » جریانیه بلع ایدیلوب كیتمشلددر. اكر مسلمان حاكیمته بیکی كیردكلری زمان آنلری قوه جبریه ایله دینه اکتورمكه تشبث ایدمش اولسه ایدی خلفای عباسیه دورلرینه قدر بقا بونلری ممكن اولمازدی .

كذلك هیره خلقی خالد بن الولید ظرفدن اسلامی قبول ایچون وقوعه كلن اقناعاته مخالفت ایده كمشلددی . بو شهر عربستان تاریخنده پارلاق برموقع اشغال ایدردی . اسلامك بو شدیدالشكیمه قهرمانك ضنجه عرب قانی طاشیدقلربی اورا خلقنه خاطرلتمق طریق پیغمبری سالكیری آرهدسنه قاریشملری ایچون کافی ایدی . محاصره آتنده بولنان بو شهر خلقنك مسلمان جزالی ایله تسلیم شرائطی قرارلشدیرمق ایچون كوندردكلری ایلچیه خالد شو سؤالی صورتدی : « کیمسكز؟ عربیمسكز، بوقسه عجم می ؟ » هیئت سفارتك كلامداری : « خیر ، بزقانی خالص عربلرز ؛ دیکرلری ایسه عرب ملیته کیرمش کیسه . لردر . » خالد : « اكر دیدیکكز کبی اولسه بزه مخالف بولماز و مقصد مزدن تفر ایلزدیکز . » كلامدار : « خالص عربجه تکلم ایلمککمز نه اولدیغمزك دلیلدر » یولنده ادعاسنی تأیید ایدی . خالد : « پك ظوغری سویلیورسكز . شیمدی شو اوچ شیدن بریسی اتخاب ایتملیسكز . (۱) دینزی قبول ؛ اوخالده ایستر مملکتكزده قالیکز، ایستر دیار آخره کیدیکز، سزك حقوق ووظائفكز طبقی بزمیکی کی اوله جقدر . (۲) جزیه تأدیه ایدیکز . (۳) حرب و جنگ . والله بن بورایه اوپله آدملرله برلکده کلدیم که سز یاشامغی نه قدر آرزو ایدرسه کز آنلرده اولمکی او قدر خوش کوررلر » كلامدار : « بز سزه جزیه ویرمکی ترجیح ایده رز . » خالد : « یازقلر اولسون سز لره ؛ ایمانسزلق یولسز برچولدر ؛ برحقیقی عرب اوچولده بریسی عرب اولان ، دیکری اولیان ایکی رهبره راست

کلوئده برنجیسی براقور، ایکنجیسی رهبر یاپارسه حیفلر اولسون آکا! «  
سوزلرینی علاوه ایتدی .

مهتدیلك تعلیمی ایچون استحضارات مقتضیه اجرا ایدلمشیدی ؛ چونکه بوتون قبائلک او یله سرعتله دینه کلدیکی بر صروده کرک عقائده ، کرک ارکان عبادته متعلق وقوعه کله بیله جک خطالره قارشو تدیرلی بولمق لازم کلیوردی . بناءً علیه خلیفه عمر ( ر . ع ) هر مملکته تعلیم قرآن ایده جک ویکی دینک اجرای احکامنه نظارت ایله جک معلملر تعین ایتدی . قاضیلره دخی کرک کنج ، کرک یاشلی کافه مؤمنینک - خاصه جمعه ورمضان کونلری - جماعتله عبادت لرینه منتظماً دوام ایدوب ایتدکلرینه باقق ایچون امرلر ویردی . مؤرخ مسعودی یه کوره یکی مهتدیلك تعلیمی ایشنه نه قدر اهمیت ویرلدیکنه کوفه شهرنده خزینه دار دولت اولان ذاتک بو ایشله مشغول اولمسیله ده حکم ایدیله بیلور .

مظفر مسلمانلر طرفندن خرستیان عربلره هجرتک برنجی قرننده بخش اولنان و بطون آتیه ده دوام ایدن بالاده مذکور مساعدادن استدلال ایده بیله - جکمز اوزره خرستیان قبیله لر اختیار ذاتیلری ایله و سربستی آرزولری وجهله اسلامه ککشلردر . زمانمزه قدر اهالی اسلامیه آره سنده یاشایان خرستیان عربلر کورلمسی اسلامیتک اوبابده کی مساعداتک برهان مجسمنی تشکیل ایدر . ( سیر هانری له یارد ) بر اثرنده بحر لوطک شرق جهتلرنده کائن القراقده خرستیان دیننده عربلر کوردیکنی و بونلرک کرک قیافتجه ، کرک اطوار و عاداتجه مسلمان عربلردن هیچ ده فرقلی بولمقدقلرینی ذکر ایدر . [۱] بورقهارد نام مؤلف بورالر حقتده کی سیاحتنامه سنده طور سیناده ایکن راست کلدیکی مناستر نشین راهبلرک روایتلرینه عطفاً صوک قرنه ( اون سکرنجی ) قدر اورالرده خرستیان عائله لری قالمش اولدیغنی و بونلرک هیچ بر وقت قبول اسلامیت ایتک ایستمدکلرینی سویلر .

[۱] عثمانلی ایمرطورلغنک اجزای بعیده آسیایشه سنده چوق سیاحت ایدن ( سیر هانری له یارد ) برزمانلر باب عالی نرندنه پک نفوذلی برانکلیر ایدی . آثوریلره عائد مهم و کثیر آثار عتیقه بی سلطان عبدالعزیز دورنده لوندرده کی انکلیر موزه شهرینه نقل ایتدیرمش و فقط آلتلرینه برکله شکرانیت بیله قید ایتدیرمه مشدر .  
مترجم

طمار لرنده الك خالص عرب قانی بولان بی غسان قبیلہ سی افرادندن برچوق  
کیمسه لر دردنجی قرن میلادی ده نصرانیقی قبول ایتمشلردی . بونلر حلا  
خرستیان دینی محافظه ایتمکده درلر . بونلر بوندن تقریباً ایکی یوز سنه اول  
روما کلیسا سنه انتساب ایلدکری وقتدن بری دخی عبادت اثناسنده عرب لسانی  
قولانورلر .

بدوی عربلردن شهرلرک مسکون خلقنک ویا عربک غیرى اهالینک یکی  
دین مواجهه سنده کی وضعیتلرینی تدقیقه کچر سه ک اهدانک عرب فتوحاتی سرعته  
تعقیب ایلدیکی کورمیز . بیزانس ایمپراطورلغنک نواحی شرقیه سنده کی بویوک  
شهرلر خرستیانلرینک قسم کلیسنک دین اجداده صادق قالدقلمری آشکاردر .  
بونلرک مسلمان اداره سی آئنده کی حاللرینک شکلنی تعیین و آره لرنده تصادفی  
صورتده وقوعه کلن اهدالری موجب اولان نفوذی تقدیر ایده بیلمک ایچون  
عرب سلاحی قارشوسنده دائماً رجعت ایدن بیزانس ایمپراطورلغنک احوالی  
خلاصه تعریف لازم کلور .

اوزماندن یوز سنه قدر مقدم ( ژوستینین ) روما ایمپراطورلغنه بروحدت  
منظره سی ویرمشدی ؛ فقط وفاتندن سوکره او ایمپراطورلق بارچالان دینی صره لرده  
مرکز حکومت ایله نواحی مملکت آره سنده ملیت حسیات مشترک سی تمامیه  
منقود ایدی . ( هر اقلیوس ) سوریه نی تکرار حکومت مرکزیه یه ربط ایچون  
قسماً موفقیتلی بعض مساعی ده بولندی ؛ لکن تألیف بین باینده وقوعه کلن تدابیر  
عمومیه اختلافاتی تسکین یرنده آنجق تزییده خادم اولدی . عشق دینی حس  
ملینک یرینه قائم اوله جق تک برشیدی ؛ احزاب متعارضه آره سنده کی نزاعلری  
طور دیر مق ورافضی صاییلانلری اورتودوقس کلیساسیله حکومت مرکزیه یه ربط  
ایلک ایچون برواسطه مصلحانه اولمق اوزره بردینی نمایشه انشراح ویرمه کچالیشدی .  
لکن « صلح میانجیسی » اولمق ایستینلردن بر چوغنک طالعه هر اقلیوس  
دخی اشتراک ایلدی ؛ چونکه مباحثه یالکز داها قیزغین بر صورتده علولمکه  
قالمادی ؛ برده کندیسنک ملحد اولمق اوزره تلغینه دوچار اولسنه سبیت ویردی .  
و طرفین متعارضیدن ایکیسنک ده غضبلرینی کندی اوزرینه دعوت ایتدی .



فی الحقیقه کندی علمینده او یاندیردیغی حسیات او درجه شدید ایدی که روما  
ایمپراطور لنگ آنک زماننده فتح ایدیلن حوالیسی اورتودو قسلسرندن اکثرینک  
بیله عربلره خیر خواهلق کوستر مکه قدر کیتدکلرینه ایناتق ایچون اسباب قویه  
واردر . بو اورتودو قسلسر ایمپراطوره ملحد نظریله باقدیلر و وحدت ماهیت  
عیسی حقنده کی ذهابنی کندیلرینه قبول ایتدیر مک اوزره تعدیاته باشلیه بیله جکسندن  
قورقدیلر . بناء علیه کندیلرینه - ملحوظ اولان خطر قریب دن آزاده بروضعیت  
آلدقه - مساعدات دینه وعد ایدن و احوال مذهبیله لری ایله استقلال میلیری  
حقنده اوزلاشمغه میال اولان یکی آمر لری قبوله حاضر ، حتی خواهشکر بولندیلر .  
انطاکیه نک یعقوبی بطریق بویوک میخائیل اون ایکنجی قرن میلادینک  
نصف اخیرنده یازدیغی بر ائرده دینداش لری نک بو قرارینی تصویب ایدیور و حتی  
- بس قرن دن بری شرق کلیسالی رینک حاکمیت اسلامیه آلتنده کچوردکلری  
تجاریه رغماً - عربلرک فتوحاتنده جناب حقک عنایتی وقوع بولدیغنه قانع  
اولور و هراقلیوسک حکایه تعدیاتی تأکید ایتدیکی صروده شو سوزلری  
سویلیور : « . . . ایشته بوندن طولایندر که هر شیئه قادر اولان ، فانیلرک  
قوردقلری ایمپراطور لقلری ایستدیکی یولده تحوله اوغراتان و آنلری ایستدکلرینه  
ویرن ، دوشکونی مظهر ارتقا ایلین و - حاکم اولدقلری ممالکک هر جهتنده  
کلیسالمزی غارت ایله بزى مرحمتسزجه اتهام ایدن - رومالیلرک سیأته شاهد  
بولنان جناب حقک انتقامی - رومالیلرک الندن بزى قورتارمق اوزره - جنوب  
حوالیسندن اسماعیلک اوغللرینی جلب ایلدی . واقعا بز بوندن بعض ضرر لره  
اوغرادق . قاتویک کلیسالی رینی بز دن آلوب کلدانیلره ویردیلر ؛ چونکه  
شهرلر کندیلرینه تسلیم اولدیغی زمان کلیسالر مذاهب مختلفه سالکلرندن  
هانکیلرینک اللرنده بولنیورسه آنلره براقدیلر . ایشته اویله بر صروده ایدی که  
امسا و حران ده کی بویوک کلیسالر المزدن چیقدی . بونکه برابر رومالیلرک  
مظالمندن ، سیئاتندن ، علمهمزده کی فعالیت غدارانه لردن ، غضبلرندن قورتیق آز  
بر فائده دکلدی . » [۱]

جینس اسلام الشریعہ وادیسنہ واصل اولوبده ابو عیبه قرار کاهنی فیمنده  
قوردینی زمان اور انک خرسین اهالیسی عرباره یازدقلری بر مکتوبده سویله  
دیمشردی :

« ای مسلمانلر ! بیزانتیلر بزم دیمزده بولمقله برابر سزی آنده ترجیح  
ایدهرز ؛ چونکه سز بزه قارشو سوزیکری صادقانه طو دیکز ، بزه دها  
مرحتلیسکز ، بزه قارشو عدالتسزلیکدن اجتناب ایلسکز . سزک اداره کز  
آنلر ککندن البته دها ایدر . آنلر بزم اموال و بیوتیزی غضب ایتدیلر . » [۱]  
امسا خلقی قلعه قپولینی هراقیوسک عسکرلرینه قارشو قپامشدر و مسلمانلره  
« حکومتکزک عدالتی بزجه البته روملرک حقسرقلرینه مرجحدر » دیمشردی .  
۶۳۳ و ۶۳۹ ( هجری ۱۲ - ۱۷ ) تاریخلری آره سنده وقوعه کلن  
سفرلر ایله مسلمانلرک رومانیلر اوردوسنی سوروب چیقاردقلری صره لرده  
سوریه ده حالت ذهاب بویله ایدی . ( ۶۳۸ ) ده دمشق شام - یغمان مصون  
قالمق وسائر فوائد ماده تأمین ایتمک - صورتیله مسلمانلر ایله اوزلاشجه سوریه نک  
دیگر شهرلری آکا امتالده تأخر کوسترمیدیلر . حتی قدس بطریق عین شرائط  
ایله شهری تسلیم ایدی . آکلاشیددیغنه کوره ملحد بر ایمراطور طرفندن وقوعه  
کلن تضییقات مذهبییه نک دهشتی اسلامک وعد مساعداتی روما ایمراطورلری  
و خرسین حاکمیتی ایله رابطه دن دها جاذبه لی عدایتدیرمشدر . کچیجی راستیلا  
اوردوسنک ایلمک و یردیکی تلاش زائل اولدقدن سوکره عرب فاتحلری لهنده  
درین بر تحول حسیات وقوع بولیور .

فی الواقع شهامت اسلامیه ایله آلتان بیزانس ایمراطورلری ممالکنک بو خلقی  
( وحدت ماهیت عیسا ) یه اعتقاد ایلملرندن و نستوری بولملرندن طولایی  
عصرلردن بری کندیلرینه مجهول قالان مساعدات دینییه مظهر اولیورمشدر  
وبعض تقیدات مستتئا اولمق اوزره حریت ایله و بلا تجاوز بر صورتده ارکان مذهبه  
لرینی اجرایه فرصت بولمشردی . او تقیدات ایسه طرق رقیبه مذهبه آره سنده کی  
زاعلری منع ایتمک و مسلمانلرک حسیاتنه طوقونان علامات مذهبییه نک طنطنه لی  
[۱] بو بیانات عبدالله الفردی البصرینک ( فتوح الشام ) نام اثرندن مأخوذ .

صورتده تشهیریه تعصبی او یاندره جق حالاته میدان ویرمه مک ایچون وضع ایدنشدی . یدنجی قرن میلادی تاریخده کوزه پک چاربان بومساعدتک درجه شموانه فتح ایدیلن بلاد اهالیسنه ویریلان شرائط تسلیم ایله حکم ایدیه بیلور . بوشرائط ایسه تسلیم اولمق وجزیه تادیه ایتمک مقابلنده مال وچانک حمایه سی ایله اعتقادات مذهبییه رعایتدن عبارتدر . استیمان مقاوله نامه سنک تفصیلات حقیقیه سنی اوبابده حادث اولان بریغین روایاتدن تفریق قولای برشی دکدر ؛ احوال موثوقه دن بولنسون ویا بولنسون بونلرک ایکنجی قرن هجری مسلمان مؤرخلری طرفلرندن عنعنات تاریخیه قیلندن اولمق اوزره وضع نظر ایدلش اولملری معینداردر . اکر عکسنی معین براهین شامله بولمش اولسه ایدی بو عنعنات قولایلقه تأسس ایدوب کیتمزدی . بویولده بر مقاوله نامه نک نمونه سی اولمق اوزره قدسک خلیفه عمر الخطاب تسلیمی صره سنده یازیلان شروط تسلیمیه صورتی بورایه نقل ایدیلور :

« بسم الله الرحمن الرحيم . اللهم قولي ومؤمنك اميري بولنان عمر طرفندن بورا خلقنه ویریلن اماننامه در . امیر المؤمنین مریض اولسون ، تام الصحه بولنسون کافه ناسی مال وچان خصوصنده ویا معبد و صلیبلرینه و دینلرینه متعلق سائر کافه امورده تأمین ایلر . خلقک کلیساری تخریب ایدلیه جکلری کبی مسکن حانه ده قلب اولنیه جقلردر . نه حقوق مکتسبلری تنقیص ایدیله جک ، نه ماملکلرینه خلل کله جک ، نه ده مواد مذهبییه آنلر اوزرینه تضییقات وقوع بوله جق ونه ده ایچلرندن بری بوجهله اضرار ایدیله جکدر ... » [۱]

شهر خلقدن زنکین اولانلر اوزرینه بش ، اورته حاللی اولانلره دورت و فقیرانه یا شایانلره اوچ دینار خراج طرح ایدلدی . صوکره عمر بن الخطاب بطریق ایله برلکده محال مقدسه یی زیارت ایلدی . ( بعث ) کلیسایسنده بولونده . قلمی آنده بطریق حضرت عمره نماز قیلمسنی بر جمیه اولمق اوزره تکلیف ایلدی ایسه ده عمر بو تکلیفدن مدبرانه صورتده امتناع ایتدی و سبب امتناع اوله رق ادای صلاة ایتمسنی معینده بولنانلر کورنجه اوراسنی مسلمان مسجدی اولمش کبی تلق ایده بیله جکلرینی سویلدی .



ديگر بدينه منسوب بولنان تبعه حقه يه عين روح رحيم ايله خليفه نك جذام خسته لغنه مبتلا خرستيانلر ايچون بر مقدار پاره تخصيصى وارزاق اعطاسنى امر ايلديكى مقيددر . حتى صوك دقيقه حياتده كى وصيته احراز ايديله جك موقع عليانك وظائفى خلفى ايچون تعيين ايلديكى صروده زميلرى اونو تاممش و « اللهم عنايته و پيغمبرك صيانت روحانيه سنه مستحق اولان زميلرى آنك محافظه سنه بر اقورم ؛ دقت ايتسون ده عقد ايديلن مقاوله حكى مرعى قالسون و تحمللرينك فوقنده اولان تكليف عهده زمترينه يوكلدلسون » ديمشدر . خليفه عمر دن برخيلى بطن صو كره كلنلر خرستيانلر ك سربستى آيينى تحديدايدن نظامات وضع ايتديرمش اولديغى حقه عز و ياتده بولمشلر ايسه ده ( ده هويا ) و ( قائه تانى ) كى مؤلفلر بونك صو كره دن ترتيب اولمش رواياتدن بولنديغى شكدن عارى بر صورتده اثبات ايشلردر . مع مافيه مادامكه ادوار متعاقبه ده كلن فقها بو قبيل نظامات تحديديه بى حقيق اولمق اوزره قبول ايشلردر ، او حالده بو كى امرلر حاكميت اسلاميه البته كيرن خرستيان امور كنيسائيه سنك احوالى حقه بر حكم و يرمك ايچون اهميتى حائر بولنورلر . وضعى ، خليفه عمره اسناد ايديلن بو اوامرك شكلى آتى ده كى ورقه صورتدن استدلال اولنور :

« بسم الله . بو مكتوب ( فلان و فلان ) شهرلر ك خرستيان اهالىسى طرفدن خليفه عمر بن الخطاب معروضدر . بزه قارشو يورودى ككز شوز مانده سزدن نفسمز ، احقادمز ، ماملكمز و دينداشلمز حقه حمايه طلب ايدهرز . سزه شو شرطلر ك ايفاسنى تعهد ايلورز : كرك بلده مزده كرك جوارنده يكي دن هيچ بر مناستر ويا كليسا يا خود مغاره ويا خود چله خانه انشا اتميه جكز [ ١ ] بولنردن خراب اولانلرى يكي دن انشا و مسلمان محله لرنده قالانلرى تعمير ايله جكز . مسلمانلردن كرك كجه لرى اولسون كرك كوندوزلرى اولسون كليسالر مزه كيرمك ايسينلره مانغنده بولنميه جغز ؛ مسلمان سياحلر نى اولر مزه مسافره قبول ايله اوچ كون اسكان و اعاشه ايدهر جكز ؛ مسكنلر مزده ، عبادتخانه لر مزده جاسوس باريندير .

[ ١ ] بوباده كى ماده نظاميه نك كويلره عدم شموله فقهانك قائل اولدقلى نى ( كتاب

الهدايه ) ذكر ايدر .

میه جغز؛ مسلمان دشمنلرینی صاقلامیه جغز؛ خرسیتیان دینله نماینده بولمیه جغز؛ ویا ایچمزدن قبول اسلام ایتمک ایستینلر اولورسه ممانعت کوسترمیه جگنر؛ مسلمانلره حرمت ایده جگنر و ایچلرندن مجالسمزده بولمق ایستینلر اولورسه وصولرنده آیغه قالقه جغز، آنلری کرک سرپوش ویا صارق، کرک پابوش ویا چارق اکساسنده یاخود صاحپرک صورت تنظیمنده تقلید ایلمیه جگنر؛ آنلرک (سلام علیکم کبی) آشنالق تعیراتی قوللامیه جغز؛ یاوستنده نه کر بولنان حیواناته نیمه جگنر؛ قلیج قوشامیه جغز؛ یوزوکلرمزه عربجه عبارات حک ایتدیرمیه جگنر؛ شراب صامیه جغز؛ باشلرمزک اوک طرفده کی صاحچلرینی قازیتدیره جغز؛ بلیمره کمر باغلامیه جغز؛ کلیسالرمزک بالاسنده صلیب تشهیر ایلمیه جگنر؛ صلیلرمزی، مقدس کتابلرمزی مسلمان سوقاقلرنده، چارشو- لرده کزدیرمیه جگنر؛ کلیسالرمزک چاگلرینی خفیضجه چاله جغز؛ سوقاقلده برای آیین جماعتله کیدرکن چام آغاجی داللری ویا تصاویر طاشیمیه جغز؛ جنازه لرمزی دفن ایدرکن بلند آواز ایله دعا او قومیه جغز ویا مسلمان سوقا- قلرندن جنازه کچوررکن یاناروم طاشیمیه جغز؛ مسلمان تملکنده بولمش اولان اسیرلری اولریمزه آمیه جغز؛ هیچ برفرد مسلمی ضرب ایتمیه جگنر. ایشته هپ بوشراطله رعایت ایده جگمزی کندی نامزه و بوتون دینداشلرمز نامه وعد ایلر و سزدن بالمقابله حمایت بکلرز. اکر مقاوله شرائطدن بریسنی نقض ایدرسهک طب ایلدیکمز حمایه دن ساقط اولوروز. اوتقیدرده بزه دشمن ویا عاصی معامله سی ایتمکده حرسکنر» [۱]

بوورقه دن ایلمک بحث ایدن کیمسه هجرتک بشنجی قرنی او اسطنده وفات ایتمش اولان ابن حزم در. مندرجاتی ایسه بودوردن برخیلی زمان صوکره ظهوره کلش اولان ماملات حریتشکنانه یی تمیل ایدر. وفی الواقع هیچ بوجهله مطرد برحالده موقع اجرایه قونیه میان نظاماندنر؛ چونکه تطبیقاتی ایچون عمومیت اوزره برغلین تعصبه انتظار ایلمک اقتضا ایلشدر. حالبوکه فتوحات

[۱] انکلیموئلنی (غوت هیل) Zimmis And Moslims in Egypt عنوانلی

کتابنده بومقاوله نامه نک بربرینی ناقض نسجه لرینی قید ایدر.

اسلامیه نك ایام اولیه سنده خرستیانلرک تقييدات مذهبيه صدنده پك آزشکایتلری بولنديغنی کوسترر براهین بالغه موجوددر . واقعا اسکی مذهبلینه مربوط قالملری آنلری جزیه تأدیه سنه معروض براقدی . جزیه کلهسی ایسه اساساً عرب ایمپراطورلغنگ غیر مسلم تبعهسی طرفندن ویریلن هر دورلو ویرکیتره علم ایدی ؛ فقط بالاخره امرای جدیده نك اصول معاملات خزینه بی تعیین ایلدکلری صدرلرده مکلفیات شخصیه یه اطلاق ایدیلور اولدی . فقط صرف تبعه مسلمنه اوزرینه ترتب ایدن مجبوری خدمت عسکریه ایله قیاس ایدیلنجه بوجزیه تحمیلی مشکل بویوک تلقی ایدیه بیلیمک ایچون پك خفیف دوشر . واقعا اسلامه کلک بعض مرتبه فوآند تقدیه بی جالب اوله بیلوردی ؛ فقط محضا جزیه ویرمکدن استثنائیت کسب ایتمک ایچون اهتدا ایدن بر کیمسه اوزرینه اولکی دینک پك آز تأثیری بولنمش اولسی لازم کلور . بوندن ماعدا بر مهتدینک جزیه یه بدل آرتق بر نوع صدقه قانونیه دیمک اولان و هر سنه اموال منقوله و غیر منقوله اوزرندن آنسان زکاتی ویرمسی لازم کلوردی . [۱] برنجی قرن هجرینک صوکلرینه ضوغری ملاحظات مالیه عرب حکومتی مهتدیلمی - جماعت مؤمنین ایچنه قبوللرندن صوکره بیله - جزیه تأدیه سنه مجبور ایش بولنديغنی نظر دفته آننجه آغیر ویرکیلردن قورتولمق کبی بر جاذبه تقدیه یه اهتدانک واسطه اتخاذا ایدلمسی احتمالی پك اکسیلیور . دیگر طرفندن دخی دولتک یکی واردات بولمغه احتیاج حس ایلدیکی زمانلرده اهلینک صنوف غیر مسلمه نك صرف یکی مکلفات ایچون تضیق ایدلمک تهلمک سنه معروض قالدیغنی تحظر ایدلمک لازم کلور . ایلک دورلر مسلمان فاتحلری طرفندن طرح ایدیلن جزیه مقدارلرلنده بروحدت یوغیدی . بویوک فقه اماملرندن ابو حنیفه و امام مالک بونلرک اهمیتی داها آز اولان بعض تفصیلاتنده متفق دکلوردی .

هارون الرشیدک ( میلادی ۷۸۶-۸۰۹ هجری ۱۷۰-۱۹۴ ) طلمی اوزرینه امام یوسفک تألیف ایتدیکی ( کتاب الحراج ) دن مستخرج اولوب آتی ده

[۱] بوفیره محار مستشرق ( غولد چیهه ) نك muhammedanische Studieu عنوانی کتابندن مأخوذ .



منقول حالات خلفای عباسیه دور نرندد کی اصول ادارهٔ اسلامیہ نک بر مثالی اولہرق آلنہ بیلور : سنده زنگین اولانلردن قرق سکر ، اورتہ حالی بولنلردن یکر می دورت و فقیرجه صندن صایلانلردن ( ترالرده کی رنجبر ایله عمهٔ صنایع کچی ) اون ایکی درهم آلنوردی [۱] بوویر کو یالکر معلول اولیان نفوس ذکور اوزرینه طرح ایدیلور وقادینلر کچی صیلدرده آنک تأدیہ سندن مستنا طوتیلور لر ایدی . آرزو ایدلدیکی تقدیرده بوویر کیلر اموال اوزرندن عینده آلنوردی . مواشی ، اشیای تجاریه ، اثاث بیتیه وحقی دیکیش ایکنه لری بینه آچہ مقامده قبول ایدیلور و فقط مذکور ویرکی شراب ، طوموز ومیتہ اوزرندن آتمازدی . یاشامق ایچون جدا صدقه آلمغه مجبور اولان فقیرلریا خود یاشیلیق حسیله ایشلمکه قدرتی قلامش نعمت دوشکونی کیمسه لر دخی بالخاصه استنا ایدیلور لر دی . کذلک اعمالر ، طوباللر و قابل تداوی اولیان معلولار ، جنونلر مستنا طوتیلور لر دی ؛ مکرکه بومقولہ لک اصحاب ثروتدن بولندقلری ثابت اوله . بو استثنائیت زنگینلرک اعانه سیله کچنمکه مجبور اولان اماملر و درویشلرده تشمیل ایدیلور دی ؛ مکرکه بونلرک حالجه بولندقلری و راحتجه یاشادقلری ثبوت بوله . تحصیلدارلره ویرکو طوبلامق امرنده ملائمتہ حرکت ایتلری ایچون تعلیمات مخصوصه ویریلور ویرکونک عدم تأدیہ سی تقدیرنده تجزیهٔ بدنیہیه مراجعتدن اجتابلری امر ایدیلور دی .

بعض کیمسه لک قولی وجهله بوویر کو اولیه مسلمان دینی عدم قبوللردن طولانی برجزا اولق اوزره خرسیتیانلر اوزرینه طرح ایدلش دکلدی . آنجق اوردوده استخدا ملرینه مساع بولنیمان دیگر ذمی تبعهٔ دولت طرفندن دخی - سلاح اسلام واسطه سیله حمایه ایدملرینه مقابل - تأدیہ ایدیلن بر رسم ایدی . حیره اھالیسی کندیلرندن طلب ایدیلن پارہنی تأدیہیه موافقت ایلدکلری زمان « کرک طرف اسلامیاندن کرک آخر بر طرفدن وقوعه کله سیلہ جک تعدیاته

[۱] مؤلف زیر صحیفه ده بر درهمی انکایر آچہ سی رایجیله - محاربهٔ عمومیه دن اولکی رایج معنادیله - بش ( پنس ) یعنی یازم شیلیندن بر ( پهنی ) نقصان اولق اوزره حساب ایتدیکنی قید ایتر . آتون آچہ حسابله بزم یوز پارہیه معادل کیدر . مترجم .

قارشو مسلمانلر و رئیس‌لری جانبندن حمایه ایدلمکدکمز شرطیه بو جزیه‌یی ویررز « یولنده بر شرط قومش‌لردی . ( حیره ) جوارنده بولنان بعض قصبات خلقیه عهدنامه امضالاندینی سردهه خالد بن الولید شوسوزلری‌ده درج ایتدیرمشدی : « اگر سزی حمایه ایدرسهک جزیه الموق حمزدر ؛ ایده‌مز ایسهک او ویرکوی‌ده حق ایده‌مز . » [۱] بوقییل بر شرطک مسلمانلر طرفندن نه قدر بر صراحتله طاندینی خلیفه عمر ( ر . ع ) زمانه عاڈ اولان حادثه آتیه‌دن آکلاشیله‌یلور : مسلمان قوای مستولیه‌سنی کیری پوسکورتکمک ایچون ایمراطور هراقلیوس بویوک بر اوردو تشکیل ایشیدی . بونک نتیجه‌سی اوله‌رق مسلمانلرده منتظر اولان مصادمه‌یه قارشو بوتون غیرت‌لرینی صرف ایشلردی . بومناسبتله مسلمان رئیس‌الجیشی ابو عبیده سوریه‌ده‌کی بلاد مفتوحه والیرینه کوندردیکی تعلیماتده تحصیل ایدلمش نه‌قدر جزیه وارسه اسحاب تأدیه‌یه اعاده‌سنی امر ایش و خلقه خطاباً یازدینی تحریراتده بومسئله‌یه دائر شو بیاناتده بولنمشیدی : « بویوک بردشمن قوتنک بزه قارشو ایلرولدیکنی خبر آلدیغمزدن تأدیه ایتدیکنک جزیه‌لری سزه اعاده ایلوروز . آره‌مزده‌کی مقاوله‌یه نظرأ بو ویرکو مقابلنده سزی حمایه ایله‌جک ایدک . فقط شیمدیکی حاله نظرأ بو حمایه‌یی اجرا بزم قدرتمز داخلندن چیمق اوزره اولدیغندن سزدن آلدیغمز پاره‌نک هپسنی سزه اعاده ایلوروز . » بوتعلیمات موجبجه بیت‌المال دولتدن بویوک برمقدار مبلغ تأدیه ایدلدی . بوندن طولایی خرسیتانلر « الله سزی ینه بزه حاکم قیلسون و رومالیر اوزرینه‌ده مظفر ایلسون . اگر سزک یریکزده رومالیر اولسه ایدیلر بزه برشی اعاده ایتکمک شویله طورسون المزده نه‌وار نه‌یوق هپسنی آلورلردی » دهرک رؤسای اسلامک سعادت و موفقیتنه دعالمش ایشلردی . [۲] یوقاریده بیان ایدلدیکی اوزره بو جزیه یالکیز تام‌الصحه اولان ارککلردن آلدیغندن شاید بونلر مسلمان بولنمش اولسه‌لردی او پاره‌یه بدل فعلاً اجرای خدمت عسکریه ایچون چاغرمش اولورلردی . شایان دقت مواددن اولدینی اوزره

[۱] مسلمان امیرنک بوسوزی طبری‌دن منقولدر .

[۲] زوایت ابو یوسفک کتاب‌الحراجندن .

شاید خرسیتیانلردن اسلام آوردوسنده استخدام ایدیلنلر بولنورسه بوکیلر جزیه تأدیهسندن مستثنا طوتیلورلردی . آنطاکیه جوارنده ساکن اولان ( الجراحیه ) قبیلهسنک حرکتی بوکا برمثالدر : بونلر مسلمانلرله برصلحنامه امضا ایتشلر و بونک موجبجه کندیلرندن جزیه آلتماق و دشمندن آلتیهجه غنائمدن کندیلرینه برحصه چیقارلمق شرطلریله مسلمان صفرلنده جنک ایتمکی وعد ایتشلردی . هجرتک یکریمی ایکنجی سنهسنده عرب فاتحلری ایرانک شمالنه طوغری ایلرولدکلری صرهده - جزیهدن استثنائیت شرطیله - حدود عشائری ینه بویله براتفاقه کیریشمشلردی .

ویرکولرک اعادهسنک بر مثالیده تورک اوردوسیله تورک دونماسنده کورلشددر . شویلهکه : مغاریس نام خرسیتیان آرانوودلر یونانستانک قورنیت جهتی طاغلرینه التصاق ایدن کچدلرک محافظهسی ایچون قوای مسلحه ویرمک شرطیله ویرکودن استثنا ایدلشلردی . کذلک تورک اوردوسنک کیچهجکی بوللرله کویریلری تعمیر ایدن و اوردویه پیشدارلق وظیفهسنی اجرا ایلین خرسیتیانلر خدمتلیرینه مقابل خراجدن و کندیلرینه تبرع ایدیلن اراضینک ویرکولرینی تأدیهدن مستثنا طوتلشلردی . هیدرا اهالی خرسیتیانیهسی خزینئه سلطانییه ویرکوعاطاسی یرنده تورک دونماسی ایچون ایکی یوز اللی کشیکل بحریه افراندن مرکب کزیده برطاقم کیمجیلر ویررلر و بونلرک مصارفی واردات محلیهدن تسویه ایدیلورودی . [۱] ( آرماتولی ) دینلن ورومانیانک جنوبنده ساکن بولان برطائئه خرسیتیانیهنک ویرمش اولدیغی عسکرلر اون آلتنجی واون یدنجی قرنلرده تورک اوردوسنک پک مهم برعنصر قوتنی تشکیل ایلرلردی . [۲] ینه بوقیلدن اولمق اوزره استانبوله کلن صولرک کرلرینی محافظهیه مأمور روملر خراج اعطاسندن آزاده بر اقلمشلردی . کذلک استانبولک باروت مخزنلرینی محافظه ایدن خرسیتیانلرده بو معامله استثنائیه اجرا ایدیلورودی [۳]

[۱] انکلیز مؤرخ فیلهنک A History of Greece نام اثرندن

[۲] لازونکیهرک Histoire de l' Empire Ottoman عنوانی کتابندن مأخوذ

[۳] دوروستاموس نام روم محررینک آلمانجه مترجم Neuste Beschreibung

der Griechischen Christer in der Turckei عنوانی کتابندن .



حال بوکه مصر کویلی اهللسی مسلمان بولندقلری حالده آنلردن ده خرستیانلر کی ویرکو آنوردی .

خلفای قدیمه دورلرنده خرستیانلر - و خاصه شهرلرده ساکن بولان خرستیانلر - امنیت جان و ماله مالک اولهرق یاشادقبری اجلدن زیادهسیله کسب ثروت و سامان ایلمشردی .

مناویه ( میلادی ۶۶۱-۶۸۰ هجری ۴۱-۶۱ ) پک چوق خرستیانلر استخدام ایتدیکی کبی خاندان حکمداری اعضاسی ده آکا بوخصوصه امثال ایدرلردی . [۱]  
سرایده خرستیانلر مهم موقعلر اشغال ایدرلردی . الاخلل اسمنده برخرستیان عرب سرای شاعری نصب ایدمشدی . خلیفه معتم دورنده ( میلادی ۸۳۳-۸۴۴ هجری ۲۱۸-۲۲۸ ) سرایده امیرالمؤمنینک اعتمادینه مظهر اولمش ایکی خرستیان برادرلر بولنیوردی ؛ بولردن ( صلمویه ) اسمنده اولانی زمانمژده خارجه ناظری دینیلن مأمورک وظائقه مشابه خدمتلرده بولنور و هیچ بر فرمان حکمداری آنک امضاسنی ده حاوی اولمقصرین معتبر صایلمازدی . برادری ابراهیم ایسه مهر خاصی محافظه ایلر و بیت الماله نظارت ایدردی که تقوّه عمومیه نک ادارهسنی و صور صرفیهسنی شامل اولان بویه مهم بر وظیفه نک بر مسلمانه تودیی ضروری ظن اولنور . خلیفه نک بو ابراهیمه اولان دوستلنی اودرجهده ایدی که خستهلنی زماننده خلیفه کندیسنی زیارت ایتمش ، وفاتی اوزرینه پک مکدر اولمش و جنازهسنی سراینه جلب ایدرک اوراده خرستیان آیینی وجهله مراسم مخصوصه اجرا ایتدیرمشدر .

عبدالملک آطاناسیوس اسمنده برخرستیان عالمی برادری عبدالعزیزه وصی تدریس تعین ایلمشدی . عبدالعزیز مصر والیسی نصب ایدلدیکی زمان آطاناسیوس اسکی شاگردینه رفاقت ایتمش و مصرده بویوک بر ثروت طوپلامشدی . روایتی نظرآ آطاناسیوسک دورت بیگ قدر اسیری ، بر چوق کویلی ، اولری ، بنگچهلری ، آتونلری ، کوشلری واردی . بونک اوغللری عسکرلرک معاشاتی

[۱] هانری لایمانس نام فرانسز محرزینک Etude sur le regne du Calife

Omayyad Mo'awia عیوانلی اثرندن .

تأدیہ ایدلیدیکی زمان ہر برینک معاشدن بر دینار کسر لر مش . اوزمان مصرده اوتوز بیک قدر عسکر اقامہ ایدلمش اولدینی دوشونلنجه آطاناسیوسک مصرده اقامت ایدلیدیکی یکرمی ایکی سنہ ظرفده نہ قدر ثروت الدہ ایتدیکی حقندہ بر فکر حاصل اولور . طوقوزنجی قرن میلادینک صوکنہ طوغری ابو النوح الانباری اسمندہ بر خرستیان موصل والیسی ابو موسی ابن المصعبک مکتوبجیسی بولمش و حائر اولدینی قوتلی نفوذی دینداشلری نفعنه استعمال ایشدر . [۱]

المعتمد دورنده ( میلادی ۸۹۲-۹۰۲ هجری ۲۷۹-۲۹۰ ) ( انبار ) والیسی بولنان عمر بن یوسف خرستیان ایدی . خلیفہ بو مقامہ مقتدر بر خرستیان بولنورسہ آنک تعینی مناسب اوله جغنی وزیرا مذکور مقام ایچون یہودی ویا مسلمان اولان ویا خود زردشت مذہبنہ سالک بولنان بر کیمسہ دن زیادہ بر خرستیانک نصی ایچون اسباب ترجیحہ موجود ایدوکنی سویلشدی . الموفق - کہ برادری المعتمد دورنده عادتاً حقیقی حکمدار کندیسسی ایش کی بر نفوذہ مالک ایدی - اوردونک اداره سنی اسرائیل اسمندہ بر خرستیانہ تودیع ایدی . المقتدر دورنده ( میلادی ۹۰۸-۸۳۲ هجری ۲۹۶-۳۲۰ ) حربیہ اداره سنک رأس امورندہ بر خرستیان بولنیوردی .

ایرانک جنوبندہ و عراقده حکمفرما اولان ( بویہ ) خاندانندن عضدالدولہنک باش وکیلی نصر بن ہارون بر خرستیان ایدی . اوزون مدت دوائر حکومت و خاصہً مالہ دائرہ سی ایرانلیر ایله برلکده چالیشان خرستیا - نرله ملو کی ایدی . داها صوکرہ لری مصرده حال بو مرکزده بولنوب اورادہ خرستیانلر وقت بوقت دوائر رسمیه بی همان تحت انحصارہ آلہ حق درجیہ وارلردی . خرستیانلر بالخاصہ طیب صفتیلہ بویوک ثروت یاپارلر واکابر اسلامیہ قوناقلرنده خداقلری مقبول صایلیوردی . ہارون الرشیدک طیب خاصی جبرائیل اسمندہ بر خرستیان ایدی کہ بونک یالکز املاک ذاتیہ سندن

[۱] مؤلف ، ابوالنوح الانبارینک قرآن کریم و کتب سائرہ اسلامیہ علیہندہ بر اثر بازمش اولدینی ( رایت ) اسمندہ برانکیز مستشرقنک سریانی ادبیاتی تاریخی حقندہ کی کتابندن اوکرنیدیکی زیر صحیفہده معنیدار بر صورتده ایما ایدیور . مترجم

کلی واردات سکنز یوز بیک درهم طوتار و خلیفه یه اولان خدمت طبابتندن طولانی ده سنه ده ایکی یوز بیک درهم تخصیصات آوردی [۱] تجارتده دخی خریستانلر بویوک ثروت صاحبی اولورلردی . فی الواقع بونلرک بویه بویوک ثروت صاحبلری اولملری عوامک حرص حسدینی او یاندیردیغندن متعصبلر بو حسیات غرضدن بالاستفاده آنلره ظلم ایدرلردی . بو حالاتدن ماعدا جماعت خریستیانیه عادتاً براداره مختاریه مالک ایدی ؛ چونکه حکومت آنلرک جماعتلری امور داخلیه سنک مستقلاً اداره سنی کندی اللرینه برائس ایدی . بونلرک رئیس روحانیلری صرف کندی دیندا شارینه متعلق اولان امورده وظیفه عدلیه اجرا ایلردی . کلیسالیینه ، مناسترلرینه ده مداخله ایدلردی . آنحق بونلرک شهرلرده کائن اولانلردن بعضلری مسجده تحویل ایدلمشیدی ؛ بو تحویله ایسه خریستانلرک تناقصی و مسلمانلرک فوق العاده درجه ده تزییدی سیبلرندن طولانی اعتراض وقوع بولمازدی .

شامه متعلق حکایاتندرکه : عربلر بوشهری ضبط ایتدکلری وقت اوراده موجود کلیسالی مسلمانلره خریستانلر آرمسندہ متساویاً تقسیم ایتشلر و بر مسلمان قوماندانی عسکرینی الهه قلیج بر صورتده شرق قاپوسندن ایجری سوق ایتدیکی آنده دیگر بر قوماندانده غرب طرفده کی قاپودن شهر والیسنک تسلیم معامله سنی اجرا ایتدیریوردی . صوک زمانلرده اجرا ایدیلن تدقیقات و تنقیدات تاریخیه بوروائتک اساطیردن اولدیغنی اثبات ایلدی . كذلك اوراق تاریخیه ده یه مدققانه صورتده وقوع بولان تحریات و بویوک (سن ژان) کلیساسنک طوپوغرا-فیزی بو (قانه درال) ک بعض مؤرخین عربک روایتلری کی خریستانلره مسلمانلر آرمسندہ بر معبد مشترک اوله رق قوللانلدیغنک عدم امکانی کوسترمشدر . مع مافیہ مذکور مؤرخلر طرفندن بویه بر ترتیبک سکسان سنه قدر دوام ایلدیکنه اینانلسی کیفیتی خریستانلرک ارکان مذهبه لرینی و آیین دینلرینی اجراده کی خریستلرینک داها بدایتده تصدیق ایدلمش اولدیغنه برهاندر .

(۱) بو صوک روایت (فون قیرمه ر) ک اولجه عنوانی ویریلن مدنیت شرقیه تاریخندن مأخوذ .



بومشلهده فقهای اسلامیه دن اکثرینسک اقوالی الكزیاده حریتکارانه اولان مذهب حقی احکامه مخالفدر . احکام حنفیه کوره فی الواقع حدود اسلامیه داخلنده کلیسا ویا حاورا احدائی غیر جائز ایسهده داها اولدن موجود ایکن خراب اولمش ویا مشرف خراب بولمش اولانلرینک یکیدن انشاسی ویا تعمیری جائزدر . دیگر طرفدن دخی مسلمان آثارندن نشانه بولنمان کویلرده وکو- یجکلرده یکیدن کلیسا و حاورا انشا ایدیله بیلور . متعصانه اولان حنبلی مذهبه کوره ایسه بونلرک نه خراب اولدقدن صوکره یکیدن انشالرینه ونهده سقطلانقدن صوکره تعمیرلرینه جواز وارددر . بعض فقهایه کوره بو بابده کی امتیازات ، حقوق موضوعه معاهداته کوره مخالف ایلر . جبراً ضبط اولنان شهرلرده ذمیلر طرفدن هیچ بر عبادتگاه یایدیرلمسنه جواز یوقدر ؛ آنجق او بابده بر معاهده مخصوصه موجود ایسه کرک کلیسالر ، کرک حاورالر انشاسی سربست بر اقیلور . [ ۱ ] فقط مسلمان اهل تشریعتک گوشه انزواده اوغراشهرق چیقازدقلری دها بر چوق مطالعات کبی بو بابده کی احکام دخی ماده موجود اولان احوال ایله پک آز علاقه داردر [ ۲ ] مدرسلا اهل اسلام طرفندن تأسیس ایدلین بر بلدهده ذمیلرک بیت عبادت انشا ایتمه ملری حقنده متفق بولنه بیلورلر ؛ فقط مسلمانلرک مجدداً وجوده کتوردکلری قاهره شهرنده قبط جماعتی یکیدن کلیسالر یاشلردی . دیگر بر چوق مسلمان بلده لرنده دخی خرسیتیانلر کلیسالر و حتی مناسترلر انشا ایتملردی . بویله جه یکیدن کلیسالر انشا ایلدیکنه دائر هم خرسیتیان همده مسلمان مؤرخلر طرفلرندن قید ایلمش بر چوق امثال وارددر . شویله که : عبدالملک دورنده ( میلادی ۶۸۵-۷۰۵ ، هجری ۶۶-۸۷ ) آطاناسیوس نام زنکین خرسیتیان مسقط رأسی اولان ادسه شهرنده ( امرب ) ایچون اهدا ایلمش بر کلیسا ایله قرال آبغاره کوندردلیکی مروی اولان تصویر

( ۱ ) مستشرق مجارستانی موسوی المذهب ( غولد چیهر ) طرفندن نشر اولنان ( اختلاف المذاهب ) نام اثرک ترجمه سندن .

[ ۲ ] ادبیات شرعیة اسلامیه حقنده معلومات ایتمک ایستیلره مؤلف برنجی صحیفهده هولاندا علمای مستشرقینندن ( ایشنوق هورغونیه ) نام ذاتک کتابخی توصیه ایدیور .

عیسی شرفه بر تعمد خانه یاپدیرمشدر . ینه بو آدم مصردهده برچوق کلیسالر یاپدیرمشدی که بونلرک اک کوزلرندن ایکسی فسطاتده کائندر . عبدالملک کرداشی ومصر والیسی بولنان عبدالعزیزک مقربلرندن بعض خرستیانلر حلوان بلدهسندہ اعزه دن یوحنا نامنه بر کلیسا یاپدیرمشردی ؛ بو بلده ایسه اهل اسلام طرفندن تأسیس ایدلمشیدی .

۷۱۱ تاریخ میلادیسندہ بعض یعقوبی خرستیانلری ایچون انطا کیهده خلیفه الولیدک ( ۷۰۵ - ۷۱۵ هجری ۸۶ - ۹۷ ) مساعدهسیله بر کلیسا یاپدیرلمشیدی . ایکنجی یزید دورینک ( ۷۲۰ هجری ۱۰۲ ) برنجی سنهسندہ انطا کیهده یعقوبی بطریق مارالیاس معیتده پاپاسر وتارک دنیالر اولدینی حالده کندی یاپدیردینی کلیسایه کشاد دعاسی اجراسی ایچون مراسم مخصوصه ایله کیرمشیدی . ایرتسی سنه انطا کیه قربنده کائن سرمادا کوبنده انشا ایدیلن کلیسالرا ایچون تقدیس افتتاح مراسمی اجرا ایدرکن دوچار اولدینی مخالفت آنجق رقیب بر مذهب نصرانیت اصحابی طرفندن وقوع بولمشدر . میلادک ۷۲۴ سنهسندن ۷۳۸ سنهسندہ قدر ( هجری ۱۰۶ دن ۱۲۱ سنهسندہ قدر ) عراق عرب وعراق عجم والیسی بولمیش اولان خالد القصری خرستیان دینده قالمنی ترجیح ایدن والدهسنگ عبادتنه مخصوص بر کلیسا یاپدیرتمشدی . [ ۱ ] خلیفه المهدی دورنده ( میلادی ۷۷۵ - ۷۸۵ هجری ۱۵۹ - ۱۶۹ ) بیزانس ایمپراطورلنی ایله وقوعه کلن محاربات عدیدهده اسیر دوشمش خرستیانلر ایچون بغدادده بر کلیسا یاپدیرلمشدی . هارون الرشید دورنده ( ۷۸۶ - ۸۰۹ ، هجری ۱۷۰ - ۱۹۴ ) برای تأمین حایه، بیعت ایتمیش اولان سمالو خلقی طرفندن بر کلیسا یاپدیرلمشیدی . ینه او دورده بصره نك نسطوری بطریق شهر مذکورده بر عبادتخانه انشاسی ایچون مأذونیت آلمشیدی . حال بوکه بصره شهرینک تمللری ۶۳۸ ( هجری ۱۷ ) سنهسندہ خلیفه عمر ( ر . ع ) زماننده قورولمش ایدی . پیغمبران دن دانیال و ذکریا ( ع . س ) مک قبرلرینی حاوی اولان بابله دخی محتشم بر کلیسا انشا ایدلمشدی . خلیفه المأمون ( ۸۱۳ - ۸۳۳ ، هجری ۱۹۸ - ۲۱۸ ) مصره کیتدیکی زمان مقربلرندن ایکی کشی به قاهره

جوارنده کی المقطم تپه‌سندہ بر کلیسا انشاسی ایچون اذن ویرمشیدی . میلادک ۸۲۰ سنه‌سندہ وفات ایدن نسطوری بطریق تیموطوس تکریت‌ده بر کلیسا وبغدادده بر مناستر یابدیرمشیدی . مصرده کی فاطمیہ خلفاسنک بشنجیسی اولان الظاهرک دور حاکمیتده ( میلادی ۱۰۲۰ - ۱۰۳۵ ، هجری ۴۱۱ - ۴۲۷ ) جده‌ده بر کلیسا یابدیرلدی .

حقیقتده خرسیتیان کلیسالرینک انشراحی اهل اسلام حاکمیتک تأسسیله عارضیه اوغرامامشدر ؛ بالعکس نسطوریلر - کندی تاریخریله‌ده ثابت اولدیغی اوزره - حاکمیت مسلمین تابعیته کیرد کدن صوکره فوق‌العاده صورتده دینی حیات و غیرت فورانی کوسترمشدرلر . بو طائفه دن اکثریتک ساکن بولندیغی ایرانده حکمدارلر بونلری گاه اوقشارلر ، گاه ظلمه دوچار ایدرلرلر . ایران ایله بیزانس ایمپراطورلغی آره‌سندہ محاربه ظهورایتدیگی زمان پک تهلکلی بر موجودیت کچورمشلر و دشمنه مائل اولدقلری وسیله‌سیله ایرانیلر طرفدن پک زیاده خشونتله معامله کورمشلرلر . لکن خلفانک اداره حکومتده کندی مملکتلری داخلنده نائل اولدقلری امنیت مملکتلرینک خارجنده دینی میسیونه‌رلکی ایلری سوره‌جک درجه‌ده کندیلرینه بر قدرت بخش ایلش ایدی . بونلرک سکزنجی قرن میلادی ایچنده هندستانه وچینه کوندر دکلری میسیونه‌رلر ( نئسپوسلق ) مرتبه‌سنه قدر چیقاریلورلرلر . نسطوریلر مصرده آباق باصدقن باشقه بالاخره آسیانک اورتیه‌سنه قدر نصرانیق صومشدر واون برنجی قرن میلادی‌یه طوغری تانارلردن برچوقلرینی تنصیر بیله ایلشدرلر .

اگر دیگر جماعات خرسیتانیه بونلر قدر غیرت کوسترمه مشلر ایسه بوندن طولایی مسلمان اداره‌سنی اتهم ایتمه‌ک لازم کلور . حکومت مرکزیه اسلامیه بونلرک هپسنده مساوات اوزره مساعدتده بولنمش وختی داها ایلری کیدوب یکدیگرینه قارشو وقوعه کلکده اولان تعرضلرینی منع ایلش ایدی . بشنجی قرن میلادی‌ده (بارسوما) اسمنده کی نسطوری (نئسپوسلی) اورتودوقس کلیسای سالیکارینی شدتله تعذیبه باشلامسی ایچون ایران حکمدارینی اقناع ایلش واقناعاتی میانده نسطوریوسک کندیسنه دوست اولدیغی واحکام مذهبی‌سنک ایرانیلرک



احكام مذهبيه سنه مقارنتى بولديغى دليل اولهزق كوسترمشى . وقوعه كلن تعذيبات عذرايه ده ۷۸۰۰ اورتودوقس راهبرينك ورهباك غىرى كلتلى افرادك كىلدىكى مرويدر . هر اقبوسك ايران طويراغنى استيلا ائسى اوزرينه ايكنجى خسرو زماننده دخى اورتودوقس حقنده مظالم ياشمش و بوده يعقوبى مذهب نصرائيه منسوب بر كيمهك اورتودوقسلى بيزانه مائل كى كوسترمك ايجون ايران حكمدارينه وقوع بولان اقعاعلندن ايلرى كمشدر . فقط اسلامك مساعداات مذهبيه سى احكامى بو كى افعال عدالتكشانهنى منع ايدر . بالعكس خريستيان تبعهك كافه سى حقنده حقانيتبه معامله اتمكه چالشدىغى آشكاردر . يعقوبيلر بو حقانيتى معامله متساويه دن بالاستفاده مصرك فتحنى متعاقب بيزانس مأمورلرينك طرف ايدملرى كورنجه اورتودوقس كللسالرى غصبه قالمشملر ايدى ؛ فقط بونلر - ادعاى مالكيتلرى اثبات ايدلگلىرى تقدريده - صاحب حقيقرينه اعاده سى مسلمانلر طرفدن امر ايدمشدر [۱] .

اهل اسلامك اوائل حاكميتده خريستيان تبعه به بويه جه تشميل ايديلن حرير اعتقادييه نظراً قيجك اهتداده بر عامل اولديغى حقنده عموماً جارى اولان فرضيانك هيچده مقبول اوله ميه جفى تظاهر ايدر . بناء عليه اهتدا ايجون تعذيبن باشقه مقصدلر آرامغه مجبورتمز وازدر . مع الاسف مواجهه مزده بوباده يك آز تفصيلات عرض موجوديت ايدلگندن تخمينانه مراجعت لازم كيبور . عم الهياله متعلق محاكاتك رواجى زباده اولديغى عصرلرده ميل ذهبلرى كنديلرى وضعيت - الاميه بى قبوله حاضرلامش بر چوق متفكرلر بولنه بيلوردى . سكرنجى قرن ميلادى ده ايرانده بولان ( شهربكان ) يعنى املاك صاحبى بر طاقه افرادى او طرز ذهبنده ايدلر . بونلر خريستيان طائمش بولدقلىر حالده حضرت عيسى على العاده بر آده تلقى ايدلر و آكا آنجى پيغمبرلردن بى نظريه باقارلردى . بونلر - كنديلرى سبق بر طريق نصرائيه صواقغه چالشان - نسطورى راهبرينه آره صره خيلى مشكلات چيقارلردى ؛ فقط

(۱) بوروايت ( رهنه دو ) اسمنده بر فالسز مجريشك لانبجه اولهزق يعقوبى بطريقلى حقنده بازديغى تاريخون مأخوذ .

حقیقتده احکام نصرانیتی قبولدن زیاده اسلامیه مثل بولندقرندن ایران  
ایمپراطورلغنک عربلر طرفدن فتحی اوزرینه مسلمانلرک عددینی آرتیرانلر  
آرهنه قاریشمش اولدقلری پک محتملدن .

خرستیان الهیاتی علماسندن رچوقلرینک فرض ایتدکلرینه کوره او  
دورلرده شرق کنیسانک دوشمنس اولدینی اخلاقی و روحانی ذلتلر پک چوق  
کیسه لرک قبلرینی کوسدورمش و یکی برشوق ایمانینک قدرت کاملهنه مالک  
اولارق کلکده بولنان اسلامیتده دهامصفا هوای روحانی آرامغه آنلری سوق  
ایئشدر . بوفکره ذاهب اولانلره مثال تشکیل ایدن و یوکسک رتبهلی  
راهلردن بولنان (میلهن) نام ذات بوبابده بیانات آتیهده بولنیور : « محمدیلکک  
استیلاسنه ایلك معروض قالان حوالی ده خرسیتانلغک وضعیتی نه حالده ایدی ؟  
بر طریقت مذهبه دیکر طریقتنه ضد ؛ احکام دینیهنک منلق و مدفوق الطیعه  
نقاطی اوزرینه برهیئت رهبان دیکر هیئت رهبانه قارشو معارض ؛ اورتودوقسلر ،  
نسطوریلر ، یعقوبیلر تمزتوکنمز حصومتلرله برلرینی تعذیب ایتمکده ؛ مشترک  
خرستیانلغک مدافعهسی ایچون برلشهجک یرده بونلرک چوغی زقییلرینی  
دینسزلرک [۱] بویوندورینی آئنده کورمک ایستیهنک درجهده مباحثات  
متعارضهیی تذیل ایئشلردن ؛ بوده نه قدر شدتله اتهام ایدلسه آذر . لایققطع  
مباحثه کیم بیلور ایچلردن نه قدرینک اساسات ایمانیهنی صارصمشدر . معمدفیه  
شایان حیرتدرکه او خرسیتانلردن بیکلرجهسی شاشقینلق و کلال ایله او  
نهاتی کلین و ایچندن چیقلمایان جدالردن قورتللق ایچون - محمدک رسالتنی قبول  
بهاسنه اولقله برابر - بسیط بروحدانیت قدسیه حقیقتنه التجا ائمه مشلردن . » [۲]  
ایتالیالی مؤلف ( قاهه تانی ) شرق کلیسالرینه منسوب خرسیتانلر آره سنده

[۱] یوکسک صنفدن و اصحاب علمدن اولان انکلیر پاپاسلری هر خصوصده غایت  
مستحسن براعتدال صاحبی اولدقلری حالده اسلامیت علمهنده خشونت و غلظتله اداره  
کلامدن کندیلرینی زور آلورلر . تربیهلی و عقلی باشنده هیچ برمسلمان خرسیتانلره  
دینسز دیمز . مترجم

[۲] انکلیر علمای رهبانیهنسندن (میلهن) ک History of Latin Christianity  
عنوانلی کتابندن آئشدر .

اسلامیتک انتشارینہ روم روحیتی واسطہ سبلہ خرساتیان دینتہ ادخال ایدیلن طولاماجلی عقائدن حسیاتک تباعد ایلمنی سبب اولہرق کوسترر و شو یولده مطالعاندہ بولنور : « سادہ و واضح مدرکاتہ میلی زیادہ بولنان شرق ایچون روم حرث عرفانیسی - دینی نقطہ نظر دن - بر فلاکت ایدی ؛ چونکہ عیسانک سادہ و علوی تعلیماتی غیر معینک و مشکوکیت ایلہ مالی و غیر قابل تیقن پوروزلری حاوی بر مذہبہ تحویل ایدی . بو ایسہ درین بر حس حیرتک تولیدینی منتج اولدی و اعتقاد دینی کوکندن صارصدی . حال بو مرکزده ایکن عاقبت یکی بر الہامک خبرلری سخرا جہندن کلیمکہ باشلادی . او صرہ لردہ شرقک بو ییچلشمش نوع نصرانیقی داخلی فارغشہ لقلر ایلہ آلت اوست ایدنش بر حالده اساسلی عقائد ایچندہ یالہ اوروب طور ییور و ثبوتسز لقلر ایچندہ شاشیروب قالیور ایدی . آرتق یکی دینک جاذبہ لرینہ مقاومت ایلیہ میوردی ؛ اولہ بر دین کہ تک بر ضرر بہدہ اومسکینانہ شک و ترددلری سو پوروب آتیوردی و سادہ ، واضح بولنان و مختلف فیہ اولمیان عقائدیلہ برابر فوائد مادیہ عظیمہ عرض ایلیوردی . ایستہ شرق بویلہ جہ عیسایی پراقوب عربستاندن کلن رسولک آغوشنہ کن دیسنی آدی . »

کذلک الہیات علماسندن (تہیلور) اسلامیت حقندہ دیور کہ : « موسویتک اصلاحات کورمش بوشکلنک آسیا و آفریقادہ بر صورت سریعہدہ انتشار ایلمش اولدیغنی آکلامق قولایدر . سوریلہ و آفریقالی علما ، دین عیسوینک رینہ مغلق و مافوق الطبیعہ عقاید وضع ایتدیلر و زمانلرینک اخلاقیہ کوستردییکی مبالا تسز لقلرہ قارشو مجادلہ چارہ لرندن اولوق اوزرہ بکار قالمق کبی ہشتی صاییلان بر فضیلتی و ملکپسندانہ اولان باکرہ لکی ایلری سوردیلر . مقدسیتک طریق عالمدن ازوا ایتمک ایدی ؛ مناسرترشینلکک وصف میزی ایسہ عدم طہارت ایدی . ناس ایسہ عادتا بر آلائی شہدایہ ، اعزہ یہ ، ملائکہ یہ ظاپان مشرکلر کبی ایدی . بونلرک یوکسک طبقاتی قانجق خلقتلی و بوزوق اخلاقی ، اورتہ حالیلری ویرکولر آلتندہ ازیمش بر حالده ، اسیرلر ایسہ حال و استقبال ایچون امید خلاصدن محروم ایدیلر . طرف ربانیدن کوندرلمش بر واسطہ تطہیر



کمی اسلامیت کلدی و او اعتقادات باطله‌یی ، او سوء استعمالاتی سوپوروب آندی . بوحال او بیهوده الهمیات مباحثه‌لرینه قارشو برعصیاندن عبارت ایدی ؛ بکارلنی تاج تقوا کبی توقیر ایلمکه قارشو مردانه پروتستو ایدی . اسلامیت ، دینه اساس اولان عقیده‌یی یعنی عظمت و وحدانیت خدایی میدان قویدی و عادل و رحیم اولان جناب حَقِّ اراده‌سنه مطاوعت یعنی تسلیم و ایمان ایستندیکنی ، نفسک مسؤولیتنی ، یوم‌القیام و یوم‌المیزانی ، ضلالتک شدتله موجب عقاب اوله جغنی بیلدیردی و صلاة ، صیام ، صدقه اعطاسی و اجرای خیر مثللو وظائف تعیین ایتدی . جعلی فضائلی ، دین نامنه یاپیلان حیله و خفتلری ، تأویلی حسیات اخلاقیه‌یی و عقائد اوزرینه معارضه ایدنلرک اعوجاج قولیلرینی بر طرفه بر اقدی . مناسترنشینلک یرینه وظیفهٔ رجلیتی اقامه ایلدی . اسرایه امید حریت ، بشریته حس اخوت و یردی و طبیعت انسانیه‌نک حقایق اساسیه‌سنی مصدق بولندی .» [۱]

اسلامیت بر طرفدن ده ییزانس رهبانیتنه قارشو بر عکس‌العمل حالنده ظهور ایلش کبی تمثیل ایدیلور . بو رهبانیت ایمراطور ایله سراینه بر سمت علیاده بولنان حشمت قدسیه‌نک نسخهٔ دیگرکی ، ایمراطورک ذاته ایسه یالکر نصرانیتک اک‌علوی حاکم فی الارضی دکل ، برده امام اعظمی نظریله باقاردی . بودستور تلقی ایمراطور ژوستینیانوس دورنده هم رهبانیت ، هم ده آنک خارجنده بولنان صنفلر ایچون آهین بر ثقلت ایله تضییق ایدن بر استبداد شکننده تصلب ایلشدی . میلادک ۵۳۲ سنه‌سنده استانبولده کرک کلیسایه ، کرک دولته قارشو تظاهر ایدن عدم خشنودی ژوستینیانوس حکومتی علیهنده بر اختلال صورتنده باطلاق و یرمشدی که بو اختلال اوتوز بش بیگ کشینک اتلافندن صوکره باصدیر یله - بیلمشدی . یشیلر نامنی آلان غیر ممنونلر میدانقلرده علنی و شدید پروتستولرده بولندیلر . ایمراطورک تحکمنه قارشو « عالمندن عدالت غائب اولمش ، برداها بولنه میور ؛ بزیهودی اولاجغز ، یاخود داها اهونی بترستلکه عودت ایده جکر » دیه فریاد ایدرلردی . آرهدن یوز سنه قدر بر وقت کیچدیکی حالده بو کبی شدتلی

[۱] محرر (ته‌یلور) ک بوسوزلری انکلترده انقصاد اید کلن کلیسارلر قونفره‌سندن

بریسنده او قودینی بر لایحه‌دن مقتبدر .

بیاناتی دعوت ایدن خشنودسزلغك اسبابی زائل اوله مامشدی . ۵۳۲ سنه سنده  
بیزانس حكومتك ثقلت ضربه دستسی حادنهك تكررینه میدان برآمدی و غیر  
نمون طاقنی طاغیتدی . لکن ۵۶۰ تاریخده استانبولده کیزلیجه بتپرستك  
ایدنلر طوتیه رق نفی ایدلدیلر [۱]

مع مافیہ ایمراطورلغك پایتختدن اوزاچہ اولان حدودلرنده کی حوالی ده  
بوکی غیر نمونلر داها امنیتله ساکن اوله بیلورلردی . تعذیباته اوغرایان ملحدلرله  
دیگر بعض غیر نمون کیمسه لرده شرق حوالیسنه التجا ایلمشردی . اوراده  
ایسه یوز سنه مقدم خرسیتانلغی باشقه بر مذهب ایله دکیشمک ایستمش اولانلرک  
بو احقاد معنویه لری آرتق مسلمان اوردوسنك استقبال ایدلسنی آرزو ایدورلردی .  
خلافت ایمراطورلغنده و خاصه بونک شهر وقصه لرنده عربجه نك لسان  
عمومی اوله رق اتخادی و کذران ایدن ایکی قرن ظرفنده ممالک مفتوحه طوا .  
ثنك امت حاکمیه مخصوص عادات و اطواری تدریجی صورتده آلمری  
آنلری امت حاکمه نك حیات عمومیه سیله مزج ایتمش بو ایسه حمایه کیرن  
ادیان سائره اصحابنك حیات عرفانیه و مذهبی لری اوزرنده عکس تأثیری موجب  
اولمشدر . هجرتك ایکنجی قرنندن بشنجیسنه قدر عقائد اسلامیه علمنه پک  
چوق تأثیر ایدن حرکت عقلیه (ویا مادیه) غالباً خرسیتان متفکرلری اوزرنده  
اجرای نفوذ ایتمش و بونلری - او زمانلرده کی میل غالبی هر غیر ممکن اولان  
شیده ایمان ایتمک بولنان - بر دیندن چویرمشدر . دوردنجی قرن هجری محررین  
اسلامیه سندن بریسی بر (قبط) خرسیتانی ایله مکالمه سنی اسلاف ایچون محافظه  
ایلمشدر که بومکالمه او زمانلرده دیگر خرسیتان کنیسالری اصحابنك طرز ذهنیت  
عمومیه لرینه مثال اوله رق آله بیلور :

« خرسیتانلغك دین حق اولمدیغی مسئله سنده بئم سرد ایده حکم دلائل  
شونلردر که بودینك تبلیغاتندن بر چوقلری یکدیگرینك حکمنی متقابلاً تخریب  
ایدر و او امرندن بر چوغی یکدیگرینی نقض ایلر و حقیقه مر بوطیتسزلکدن

[۱] بوروایت (غفرورر) نام مؤلفك آلمانجه Byzantinische Geschichten

عنوانی بیزانس تاریخندن آلمشدر .

وتضاد متقابلدن طولایی بونلر عقله مردود کورینورلر و عرفانی عصیانه سوق ایدرلر . هیچ بر تأمل بونلری تقویه ایده من و هیچ بر مناظره اثباتلرینه خادم اوله ماز . آنلر حقنده نه قدر تدقیقآنده بولنورسه ق بولنه لم نه عرفان ، نه ده حواس التزاملری ایچون بزه بر دلیل کوستر بیلور . فقط بوکا رغماً علمه و صحت محاکمه یه مالک بر چوق ملتر ایله شوکتلی حکمدارلرک بیعتلرینی دین نصرانیه باغلا دقلرینی کوردم . بوندن طولایی شو حکمی ویریورم که بوتون بوتضادلرله برابر بونلر خرستیانلغی قبول ایلمشدر ؛ چونکه رموز و کرامات شکلرلرنده کنیدلرینه کوستر یلن برهانلری آلمشدر و آنلری قبولده مضطر قالمشدر . « [۱]

دیگر جهتدن ده شوراسنی تحظر ایتمک لازم کلور که زمانک تمایلات عقلیه و ماده سنک نفوذی آلتنده خرستیانلقدن مسلمانلغه کیچنلر علم الهمیات اسلامیه ده معتزله نیک ( حس قبل الوقوع ) فکرنده ، بوا یکی دینده دخی مشترکاً جاری ، بر چوق شیلر بولیدلر . بناء علیه مواد اعتقادییه و بر چوق الهمیات مسئله لری مواجهه سنده کی وضعیت عرفانییه نظراً بوانقلاب اوله فرض ایدلدیکی اورره جبر و شدتله وقوعه کله مشدر . حضرت پیغمبرک تبلیغ ایتدیکی دین حقنده پک از معلوماتی بولنانلره بیه آشکار بر چوق احکام اساسیه شویله طورسون صیقی بر رابطه نیک نتایجندن اولمق اوزره بی امیه خلفاسی دورلرنده و حتی آندن سوکره بیه شامده کی خرستیان و مسلمان علم الهمیات اربابی آره سنده بر چوق نقاط نظر حقنده اتفاق موجود ایدی ؛ بوجهته اسلامیتک ارکان عقائده سنک بر قاعده تحتنده تلقی و ملاحظه سی ماده سنک انکشافده بیژانس علمای الهمیاتی نفوذینک اماراتی بولندینی ادعا ایدلمشدر . لسان عربده اک اسکی بر دستور ایمانک شکل و ترتیبی آنک اعزهدن شاملی یوحنا و دیگر بعض خرستیان و لیلرینک او اصول ایمانه مشابه اولان اثرلییه مقایسه سنی خاطره کتورر . شهوات و هوسآندن تجرده مائل اولان اک اسکی بر عرب صوفیه طریقتی اک زیاده خرستیان تفکر آتک نفوذندن انبعث ایلمشدر [۲] بونفوذک ایزی بالخاصه معتزله دن

[۱] صورت مکمله ( مسعودی ) نیک اثرینک فرانسزجه ترجمه سندن منقول .

[۲] فون قره مبرک بالاده عنوانی مذکور کتابندن .



بعضرینک عقائدندہ بولنہ بیلور . بومعترزہ همان تمامیلہ بیزانس علمای الہیاتنک معتادلری اولان طرزده محاکمات یورومتشردر . (قادریہ) اصحابی حریت ارادہ قاعدہ سنی طوغریدن طوغری یہ نصرایتدن استعارہ ایشلردر . مرجئہ مذہبی اصحابی ایسہ مجازات ابدینک انکاری مادہ سندنہ - صیقی مسلمانلرک عمومیتہ قبول ایتدکلری ذہابہ مخالف اولہرق - کندیلرینی شرق کلیسانک او مسئلہ حقندہ کی تدریسی ایلہ متفق بولورلر . فقط اسلام ائمہ متقیہ سنک نفوذی دہ یکر می بیك قدر عیسوی ، موسوی و مجوسینک امام ابو حنبلک وفاتی اوزرینہ اسلامہ کلیورمہ لریلہ اشہاد ایدیلور . حنبلی مذہبی فقہای بنامندن ابو الفرج بن الجوزی - کہ زمانک ( میلادی ۱۱۱۵ - ۱۲۰۱ ، ہجری ۵۰۹ - ۵۹۸ ) اک بویوک عالمی ، اک بویوک واعظی و اک فعال بحرری ایدی - عین مقدارده کسانک کندی معرفتیلہ اسلامہ کلدیکندن افتخارلہ بحث ایلدیکی مرویدر .

برده سلاح اسلامک بیثال موفقیتانی حاکمیت مسلمینہ کیرن خلقک خرسیتیا - نلق حقندہ کی ایمانی صارصمش و بو خلق فتوحات اسلامیہ دہ ید ربانی کورمکہ باشلامشیدی . بونلر سعادت دنیویہی عنایت قدسیہ ایلہ قاریشدرمشلر ورب الحربک ، مظفرتی آنجق کندیسنجہ مقبول اولان قوللرینہ نصیب ایتدیکی ذہابہ دوشمشلردی . بناء علیہ دین اسلامک بر دین حق اولدینی مسلمانلرک موفقیتلریلہ استدلال ایدلمک ایستلدیکی کورلمشیدی .

اسلامیتدہ کی اخوت مؤمنین مقصدی بو دین ایچون قوتلی بر جاذبہ تشکیل ایشلدر . فی الواقع عربک تولد ویا عرق غروری ملت حاکمہ امتیازاتنک مہتدیلمہ تشمیلنی بر قاچ بطن قبولہ مانع اولدی ؛ فقط انتساب ایتدکلری مختلف قبائلک محمیلری صفتیلہ بونلرک ہیئت اجتماعیہ دہ وضعیت متساویہ لری کیت کیدہ مصدق اولدی و ہجرتک قرن اولی نہایتنہ طوغری بونلر مذکورامل اخوتہ عقائد اسلامیہ نظرندہ بروضعیت لایقہ و یردیرمشلر و بونک دولتجہ ، ولو کہ نظری اولسون ، قبول ایتدیرلمسنہ موفق اولمشلردر .

فقط خلفای مقدمہ نک تحت ادارہ سندنہ خرسیتیانلرک حالی پکدہ تحمل ایدیلہ بیلہ جک بر شکلدہ دکلدی . مؤمنلر نفعنہ اولہرق ذمیلر حقندہ بعضاً

مرجع تدابیر اتخاذ اولنور و بوندن مؤنلر ایچون فواید متفوقه اجتماعیه تأمین امید ایدیلوردی . ذمیلرک مقامات حکومتدن محروم طوتلری ایچون متعدد خلفا طرفدن تدبیرلر اتخاذ ایدلمشدی ، اما منتج موفقیت اوله مامشدی . خلیفه منصور ( ۷۵۴-۷۷۰ هجری ، ۱۳۷-۱۵۹ ) ، المتوکل ( ۸۴۷-۸۶۱ هجری ۲۳۳-۲۴۷ ) ، المقتدر ( ۹۰۸-۹۳۲ ، هجری ۲۹۶-۳۱۰ ) و مصرده فاضیه خلفاسندن العاصم ( ۱۱۰۱-۱۱۳۰ ، هجری ۴۹۵-۵۰۷ ) و کذلک اون دوردنجی قرنده مملوک سلطاندلی طرفلرندن بو خصوصده مقررات وضع ایدلمشدی . مع مافیه ذمیلری دوائر حکومتدن اوزاق طوتمق حقدنه کی بومقرراتک تکرر اتخاذی بو مثللو متغلبانه تدبیرلرک موقع اجرایه وضعده بر ثبات و اطراد بولمدیغنه علامتدر . حقیقتده بو اوامرک سببی یا بعض خرسیتیان مأمورلرک شدید و کستاخانه معامله لرندن تهییج اولان خلقک غضبنده و یا حاکمیت اسلا- میهنک ماهیت کلیه سنه مغایر صورتده حکومتی افعال غیر محققه اجراسنه سوق ایدن غیان تعصبده آرا ملیدر .

خرسیتیان تبعه نك داها زیاده خشونتله معامله کورملری هارون الرشید دورنده ( ۷۸۶-۸۰۹ ، هجری ۱۷۰-۱۶۹ ) باشلادی که بو خلیفه خرسیتیانلرک باشقه شکلده تلبسیرینی و دوائر حکومتده اشغال ایلدکلری مقاملری مسلمانلره بر اقلرینی امر ایلشیدی . بو امرلرندن برنجیسی برشی ارانه ایدر که اوده حضرت عمره عطف ایدیلن و صیادن بر یسنک اجراسنه درجه یه قدر مراعات کوستریله بیلمسینی و اوامر مذکورده نك خالص حسیات دینه دن دکل ، زمانک احوال سیاسی سندن منبعث اولسیدر . اسلامیت حاکمیتی آلتنده بولنان خرسیتیانلرک چکمش اولدقلری عذابلر اکثریا خرسیتیان دولتلرک مسلمان امراسنه قارشو بسلدکلری سوء نیتدن ایلری ککشدر . بودفعده بیزانس ایمپراطورلرندن ( نیه فوروسک ) براهاتی خرسیتیان نامنک هارون الرشیدک نظرنده منفور کورونمسنه سبب اولمشیدی [۱] مسلمان مملکتلرنده خرسیتیانلره قارشو وقوعه ککمش اولان تعدیاتک موجبنی یا اویرلی خر- ستیانلرک اجنبی خرسیتیانلره مسلمان دشمنی بولنانلرک دسیسه و مداخله لرندن وجوده

کلن صد اقسماً لکرنده و یا او خرسیان تبعه نك مسلمانره قارشو اولان خشونت و اهانتلرندن متحصل سوء حسیانده آراملیدر . مع مافیه تعصب دینی دخی چوق کره تعدیاتک سائقلرندن بولمشدرد؛ نته کیم المتوکل زماننده (۸۴۷-۸۶۱ ، هجری ۲۳۳ - ۲۴۷ ) سوق تعصب ایله خرسیانلر حقنده شدتلی تدابیر ظالمانه اتخاذ ایدلمشیدی . بو حکمدار کندندن اول کئش اولان امرانک تحت اداره سنده مؤسس سربستی اعتقاد میللرینی مروج مادیت جریانلری علیهنده قوتلی اتقا عکس العملاری حصوا فرصت عد ایددرک متقی مسلمان فرقه سنک حامیسی کیلمشیدی . بو فرقه یه ایسه یوکسک طبقه ناسک ضدینه اوله رق عوام ناس طرفدار اولمشیدی . بو فرقه اصحاب المتوکلدن اول کئش اولان حکمداران دورلرنده چکمش اولدقلری عذابلرک انتقامنی آلمه پک حریص کورونیورلردی . المتوکل بونلرک شدتلرینی اهل معتزله یی تجریم صورتنده انفاذ ایلمک ایستدی . بویه جه قرآن کریم حقنده هر درلو مناقشات تفسیریه یی منع ایلدی و مذهب معتزله یی رافضیق اولمق اوزره اعلان ایتدیردی . حضرت علی یی تقدیس ایدنلری ده حبس و ضرب ایتدیردی و حضرت حسینک کربلا ده کی تره سنی یقیدردی و اورایه اجرای حجی منع ایلدی . خرسیانلرده ملحد صایانلرک عذابلرینه تشریک ایدلمشلردی . بوندن طولانی کندی حاکمیتدن مقدم مسلمانلر ایله ذمیلرک اشکال لباسیه لرینک تفریق حقنده ویریلن قراری شدتله موقع اجرایه قویدیردی . و مصالح عمومیه یی رؤیت ایدن دوا ترده خرسیانلرک عدم استخدامنی امر ایتدی . و آنلر حقنده موضوع اولان ویرکولری ایکی قاتنه چیقارندیردی . ذمیلرک مسلمان کوله استخدام ایتلرینی و مسلمان حاملرنده یی قائلرینی نهی ایلدی .

شایان دقت موادندردک بو تحکما تندن اک زیاده معذب اولان نسطوری کینساسی مؤرخلری [۱] بو حالرک هپ یکی شیلر اولدقلرینی ، المتوکلک شخصیه قائم بولندقلرینی ، وفاتیه میدانن قالدقلرینی توضیح ایلشلردر . المتوکلک خلفلرندن المقدر بو باده کی نظاماتی تجدید ایتدیرمشیدی . احتمالک

[۱] زیری بن سلمان ، صلیبا بن یوحنا کی .



آردن الی سنه قدر بر زمانك مروری بونرك عملدن سقوطنی حصوله كتور مشیدی .  
 تعصبك فورانی کلیسا و حاورلك تخریبلرینی بیله موجب اولمشیدی .  
 بوتعدیاتك دهشتی خرسیتیان کینساندن تباعد آیدن اشخاصك عددینی آرتیردی .  
 فقط بوتعدیات اسلامیتك روح مساعده کارانه سنه و صدوری احادیث ایله حضرت  
 محمد حمل ایدیلان تبلیغاته مغایر ایدی [۱] فرقه متعصبه بوتدابیر زجریه نك  
 متمادی صورتده موقع اجرایه قومسنه بیهوده چالشدیلر . غیر مسلملری حقیردوشور .  
 مك مقصدینه خادم اوردن بو احوالی علما نظر مطالعهیه آیورلر ، سکون ایچنده  
 متأسف اولیورلر و بالکیز سرزنشده بولنیورلردی ؛ امرا ایسه بوسوء استعمالنك  
 او کئی آلمغه مقتدر بولندقلری حالده آکا قارشو کوز یومیورلردی . غیر مساملرك  
 اورته دن قالدیرلمیزی مقصدیله متعصب برهیت روحانیه طرفدن وضع ایدیلن  
 قواعد البته اداره ملکینهك معاملاتی ایچون بر معیار اوله رق تلقی ایدیه مز .  
 او مقوله مظالمك حدوتی یوکسك مقامات اداریه اشغال ایلمش بولنان غیر  
 مسلملرك بعض احوالده موقع رسمیلرینی سوء استعمال ایلملرندن ایلری کلدیکی ده  
 ذکر اولور . بو کئی خرسیتیان مأمورلر افراد مسلمه نك حقوقه تجاوز صورتیه  
 کندی علیهلرنده خیلی خصومت حسیاتی او یاندرد . ادعا ایدلدیکنه کورد  
 اشغال ایلدکلری مواقع رفیعهدن بالاستفاده مؤمنلری ازعاجه ، صومغه و آنلرد  
 خشونت و قبالق ایله معامله اتمک و حتی مالک اولدقلری نقود و اراضیدن محروم  
 ایلمک قدر وارمشلردی . بو باده کی شکایات خلفادن المنصور ( ۷۵۴ - ۷۷۵  
 هجری ۱۳۷ - ۱۵۹ ) ، انهدی ( ۷۷۵ - ۷۸۵ هجری ۱۵۹ - ۱۶۹ ) ،  
 المأمون ( ۸۱۵ - ۸۳۳ هجری ۲۰۰ - ۲۱۸ ) ، المتوکل ( ۸۴۷ - ۸۶۱  
 هجری ۲۳۳ - ۲۴۷ ) ، المقتدر ( ۹۰۸ - ۹۳۲ هجری ۲۹۶ - ۳۲۰ ) ایله  
 بونرك خلفلرندن بر چوغنه عرض ایدلش ایدی . بو خرسیتیان مأمورلرك  
 بعضیسی ده عباسیه خاندانه جاسوسلق ایتمک و ساقط امیه عائله سی طرفدارلرینی

[۱] بو حدیثك مآلری اشکال مختلفه ده محرر بولور ؛ شویله که : « برکیمسه  
 مقوله ده بولندیفی آدمه خلاف مقوله ضرر و بررسه و آکا تخمینك فوقنده شیلر یوکلدیرسه  
 بن آبی اتهام ایده حکم . » « برکیمسه ذمیلردن جزیه و یرن و مطیع اولان بر آدمی  
 اضرار ایدرسه بن آنک دشویم » و هکذا .

اولاً یوب ید تجریمه و یرمک کبی حرکتلرندن طولانی برچوق مسلمانلرک حس  
فرتی کندی اوزرلرینه دعوت ایتمشردی . دهاها صوکره لری اهل صلیب زماننده  
صلیبون دم لریله مخابره ایتمک کبی خیانت جنایتیه متهم اونمشلر و - هیچ  
بروجهه مظالم دینه قیلندن صایلمنه مستحق اولیه جق صورتده - کندی لری  
علپنده تدابیر شدیدۀ تحدیدیه اتخازینه وسیله و یرمشلردی .

مالک مفتوحه اهل سنک مقدراتی تحمل فرسا بر صورتده آرتدقجه آنلرکده  
بیتسه ( لاله الا الله ، محمد رسول الله ) کلامیه کندی لرینی سفالتدن قورتارمق  
میلی غیر قابل مقاومه بر صورتده آرتیوردی . دواتک پارهیه احتیاجی زیاده  
بولدیغی زمانلر - که بو احتیاج حال تزیادده ایدی - اقوام تابعه اوزرینه  
و یرکوزر یوکلدیلوردی . بویه جه غیر مسلمانلرک حالی تحمل ایدیله مز بر صورتده  
دوام ایدیور واسلامه کلکده او نسبتده آرتیوردی . بو صوکره کی دورلرک  
خرستیان مؤلفرینک صحایف تاریخیه سنی طولدیران بو قیل قسوتلی مظالم  
حکایه لرندن استفهام ایدیله جکی اوزره مذکور معکوس حالاتک تضحیه قارشو  
تحمله کافی درجهده قوتلی بر واسطۀ معنویه کشفندن خرستیان کینسالری عاجز  
ولیدورلردی . مظالم دینه یی تعقیب ایدن اهتدالر ایله خرستیانلقدن تباعد و قوعنک  
سببی - نسطوزی کینسالی مؤرخنی ماری بن سلیمانک دیدیکی وجهه - وظائف  
دینه نک اجراننده کی قیدسزلقده ورهبانک احوال حیاتیه سنده کی فسادده  
آراملدر . [۱]

خرستیان اهلینک آزالمسی ایچون آرانیه جق اسبابدن بریسیده اسیر  
صورتیه یاقه لنوب مسلمانلرک حرم دائره لرینه کتوریلن خرستیان قادینلرندن  
متولد چوجقلرک بابالری دینده یتشدرلملریدر ؛ برده اسیر صورتیه آنان  
خرستیانلره مساعدکار ولیرک اهتدا مقابلنده آزادیلرینی تکلیف ایلملری کبی  
چو قجه تظاهر ایدن جاذبه لردر ؛ فقط نه غیر مسلملری بر صورت غیر مظرده

[۱] اونجی قرن میلادینک صوکلرنده و قوعه کان بو اهتدالر مناسبیه نسطوزی

مؤرخنی ماری بن سلیمانک سولدیکی سوزلرک عبارة اصلیه یی شو وجهه در :  
« واسلم خلق کثیر و کان اصل ذلک تجوزالناس فی ادیانهم و قبیح سیره الکهنه  
فی المنبر و النبیع و بیوت المقدس »

تحتنده اهدایه اجبارا تمك تشبته دائر نهده خرسیتانلی اورته دن قالدرمق ایچون مظالم یابدینی حقنده هیچ برشی ایشیدلمشدر . اکر خلیفه لر بو ایکی شق اهدادن برینك تطیقتی تجویز ایلمش اولسه لردی فردیناند و ایزد بلانك اسپانیادن اسلامیتی سوکوب آندقلری و اون دردنجی لوئینك فرانسه ده پروتستانلی برجنایت عد ایتدیردیکی و یهودیلرک انکلتره دن اوچ یوز سنه تمامیه مطرودیته اوغرا- دلدینی قدر بر سهولت ایله ده خرسیتانلی ملکلرنده کوکندن قازیه بیلورلردی . آسیاده کی شرق کنیساسی عالم نصرانیتک دیگر کافه اقسامیه تشریک فعالیت دینه دن امتناع ایلمش بر حالده بولندیغندن کنیدیسی ملحد جماعتلر دن صایان عالم نصرانیتک مذکور اقسامنده معاونت ایچون هیچ بر تشبث ده وقوعه کجزدی . بناء علیه زمانمزه قدر شرق کنیسالرینک فعلاً موجودیتلری حکومت اسلامیته نك خرسیتانلر مواججه سنده عمومیت اوزره بروضیت مساعده کارانه التزام ایلدکلرینك بر اهین قویه سنندر . مصرده کی خلفادن الحاکم (۹۹۶-۱۰۲۰ هجری ، ۳۸۶-۴۱۱) واقعا ملکنده کی یهودیلرله خرسیتانلرک بیزانس ایمپراطورلنی ملکنه تهجیر اییدلمرینه قرار ویرمش ای دیسه ده بویه بر تغریبک موجب آلام و سفالت اوله جنی یولنده کی نیاز عفوی قبول ایده زک قرارندن و از کچمشدی [۱] یاووز سلطان سلیم ملکنده کی تشبث مذاهبه ختام ویرمک املیه قرق بیک شیعی بی قتل ایتدیرمشدی . وحدت سیاسییه خصوصنده کی تصوراتی اجرا ایچون ملکنده کی خرسیتانلری ده اویله بر عاقبت اوغرا ده بیله جک بر موقعه بولنیوردی ؛ فقط بو املدن فراغتہ اقناع ایلمکله امرای اسلامیته نك اکثریت اوزره خرسیتان تبعه حقنده اتخا ذ ایلدکلری وجه مساعده کارانه بی التزام ایتمشدر [۲] .

فتح اسلام ضره لر نهده آسیای غربی کنیسالری مندوبلرندن هنوز باقی قالان خلقک یوز اللی بیکی نسطوری ایدی . اکر دیگر کنیسالر منسوبلرینك بولنلر دن بعضیلرینی کندی مذهبلیینه جلب ایتمک تشبثی وقوع بولماش اولسه ایدی نسطوریلرک عددی داها زیاده اولوردی . روما کلیساسنه التحاق ایدن کلدانیلرک

[۱] مقریزنك مصر قبطیلری حقنده کی عربجه تاریخنك انکلیرجه به ترجمه سنندن .

[۲] انکلیر مؤرخ ( فینله ) نك اولجه عنوانی ایله یازیلان یونانستان تاریخندن .



عددی یتیم بیگ قدردر . ۱۸۹۸ سنه میلادیه سنده نسطوری نهپسقموسی ( مارجونان ) متعدد رفقای رهبانیه سی و اون بش بیت قدر نسطوری مذهبی سالکری ایله برلکده روسیه نیک اورتودوقس کینسانه التحاق ایشدر . انطاکیه نیک یعقوبی بطریق بواسی کینسا سالکری ن سکان بش بیگ اشخاص اوزرینه اجرای احکام روحانیه ایلمکده در . دیگر طرفدن دخی متحد یعقوبی جماعتی تشکیل ایدن یکر می بش بیگ عائله افرادی سوریه نیک قاتولیک بطریق بغنه تابعدر . روم اورتودوقس کلیسانه منسوب یکر می سکز کسور بیگ عائله افرادی انطاکیه بطریق بغنی و اون بش بیگ قدری ده قدس بطریق بغنی اداره روحانیه لری آلتنده بولمقده در . روم ملکی قاتولیک کینسانی منسوبلری یوز اوتوز بیگ نفوسه بالغ اولور لر . روما قاتولیک کینسانی ایله ۱۱۸۲ تاریخ میلادیندن بری متحد بولمقده اولان مارونی کینسانی اوچ یوز بیگ قدر سالکریه مالکدر .

بو طاعنق جماعتک بونجه خسارات حربیه ، علل ساریه ، قحط و غلایه معروض قالدقاری و عصر لرجه میدین جنک و جدال کسین دیارلرنده صره سیله تورکلر ، مغوللر و اهل صلیب طرفلرندن چکنندکلری و بوندن مانعدا - تحظر ایدیه بیه چکی اوزره - عددرینک تدنسیله وقوعه کلن آچینی باشقه لرینی کندی مذهب لرینه کتورمک صورتیه قاپاتمق خصوصنده کی تشبثلری مسلمانلر طرفدن قوانین وضعیه منع ایدلیکی حالده ینه بو قدر اوزون بر زماندن بری بقا بولملری خارق العاده برشیدر . عددرینک آزمسی اسبابندن اولمق اوزره شرقده منتشر مناسرت نشینک حیانتک مقاصندن بولنان امساک نفس ، خرسیتان اعتیادندن بولنان زوجة واحده اصولی ، اسایشسزک دن متولد حسیات و اسیرانه موجودیت خاطره کتوریلور .

بو خرسیتانلرک اسلامه کللرینک تفصیلاتی حقنده معلوما تمز مقفود کیدر . مملکتلرینک عربلر طرفدن ایلمک استیلاسی زماننده بولردن پک چوغنک طرف اسلامیانه چکدکلری آکلشیلور . مثلا عراقده وقوعه کلن ایلمک اهتدالر حقنده بر فکر ایدم ایچون حضرت عمر زماننده آلنان یوز یکر می

میلیون درهم ویرگونک عبدالملک دورنده قرق میلوئه دوشدیکنی ملاحظه ایلمیدر . وارداتده کی بوتزل محارباتدن متولد تخریبانه ویا عصیانلره حمل ایدیه بیلمکه برابر داها زیاده خلقت اسلامیتی قبول ایلمسی و بالنتیجه جزیه تأدیه سندن قورتمسی او تناقصه سیدر .

ینه اودورلرده خراسانده کی خرسیتیانلردن پک چوغنک اهتداسی مشهود اولمشدی که بونی معاصرین رهبانیه دن نسطوری بطریق ایشویابه نک ( یشعیبک ) ایرانده کی باش راهبایله ( دوردشیر ) متره پولیدی سیمونه خطاباً یازدیغی مکتوبدن او کره نیورز . هجرتک برنجی قرینده یازلمش خرسیتیان اورا قندن پک آزی محفوظ قالمشدر . بناءً علیه بو مکتوب یکی دینک مصلحانه بروجهله انتشارینه کوزه چارپاز بر صورتده شهادت ایلمسندن وازمنه متأخره مؤرخلری طرفلرندن پک از نظر دفته آلمسندن طولانی بوراده قسماً نقلی مناسب کورلمشدر :

« ... عربلر - که جناب حق شو صر دده کندیلرینه جهانگیرانه بردولت بخش ایلمشدر - شیمدی آره مزده بولنیورلر . آنلر خرسیتیان دینه تعرض ایتمیورلر ؛ بالعکس دینمک موجودیتی التزام ایلیورلر ، اعزّه ربانیه مزه ، رهبانمزه حرمت کوستریبورلر ، مناسترلر مزه کلیسالر مزه بخش فوآد ایلیورلر . او حالده سزک ( مرو ) ده کی خلقکمز نیچون عربلر وسیله سیله ترک دین ایلدیلر ؟ همده - مرو اهالیسنک کندی سوزلری وجهله - عربلر آنلری ترک دیانته اجبار ایلمدکلری و ماللرینک نصفی ویردکلری تقدیرده امین بر حالده بولنه جقلریخی سویلدکلری حالده ینه تبدیل دین ایلدیلر . کندیلرینه سلامت ابدیه کتورن بر دیندن فراغته بودنیای سربیع الزوالک اموالندن نصفنه صاردلر . او یله بر دینی ترک ایلدیلر که او دینی بونجه ملتر قانلری بهاسنه صاتون المشلردی و حالده آلیورلر و آنکه موجودیت ابدیه میراثی قزانیورلر . » [۱]

ایکنجی عمرک خلافتی ( ۷۱۷ - ۷۲۰ هجری ۹۹ - ۱۰۲ ) پک بویوک اهتدالر وقوعیه شایان دقتدر . بو خلیفه فعال بر حرکت تبشیریه تشکیلاتی

[۱] واتیقان کتبخانه سنک شرق آناری آره سنده بولنان آسمانینک کتایندن

وجوده کتورمش ، ممالک مفتوحه خاقنه اسلامیتی قبول ایتدیرمک مقصدیه هر دورلو تشویقاتده بولمیش وحق پاره دخی توزیع ایتمش ایدی . ( ۷۰۰ هجری ۸۱ ) تاریخنده اصدار ایدیلن و خزیندهده کی ضرورتک اوکنی آلمق مقصدینه معطوف اولان بر امرنامه یی النا ایتدیردی . بو امرنامه موجبنجه اسلامه کلنر جزیه دن معاف طوطیه جقلردی . اهتدای ترغیب مقصدیه بوتدیری اتخاذا ایدی . املاک صاحبی اولان مسلمانلردن خراج آلمیوب آنلر اوززینه داها آغیر اولان اعشار ویرکوسنی طرح ایتدیردی . بوتدایر ، امور مالیه نقطه نظرندن تخریبکارانه بولمقله برابر متقی ذهنیتلی خلیفه کندی آرزو ایتدیکی نقطه نظرندن موفقیات عظیمه یه مظهر اولمش و کثرتلی افراد غیر مسلمه یی مؤمنار صره سنده قید اولمغه سوق ایتمشیدی . [۱]

معافیه ملاحظات دنیویه نیک خرسیتانلری اسلامه سوق ایدن نفوذ محضه قیلندن بولندیغی فرض ایتمه ملیدر . معاصریندن شاملی ( سن ژان ) ک مباحثات دینییه دائر اولان اثرندن مستفهم اولدیغی اوزره او مؤمن غیور دلائل علمیه ایله ده خرسیتانلغک اساسی صارصمق ایتمشدر . بو باده کی جدالک الدیغی شکل محاوره - که « اکر مسلمانلر صورارلرسه ... اکر مسلمانلر شونی دیرلرسه ... آنلره شو یولده جواب ویریکز » طرزنده در - مباحثه یه بر شکل حقیقت ویرور خرسیتانلرک مسلمان قوم شولری طرفندن نصرانیت علمهنده کتوریلن محتلف اعتراضاته حاضرلمش جواب ویرملری مقصدیه ترتیب ایدلمش اولدیغی کوریلور . مسلمان مباحثه جیلرینک وضعیت تعرضه لرینک بو محاوره ده چونجه ایبری سورلمسی ایجاب ایتمشدر ؛ یوقسه یازدیغی شیئه مسلمانلق مدعیاتنک دلائلی قاریشدی رملق او بو یوک خرسیتان عالمک مقصدندن خارج قالور . شاملی سن ژانک شا کردلرندن نه پسیقیوس ( ته ئودور ابوکره ) دخی مسلمانلر ایله ایتدیکی مباحثه دائر محاوره قلقوشیلر یازمشدی . بو محاوره دخی طرفین مباحثین آره سنده مختلف فیه کافه مسائلی شاملدر . مسلمانلر - اولجه ده واقع اولدیغی کی -

[۱] ( میغن ) نام محرر طرفندن یازیلان Patrologia Graeca عنوانلی اثرندن



یودفعه کی دعوت جدالی در حال قبول ایشملر و مسلمانلق مقاصدینت اودورلرده نه دورلو بر فعالیت ایله ایلیری سوروبلدیکی حقتده بر فکر تحصیل ایچون مثال عرض ایشلردر. نه پستقوس : « مخالف مرکز کافه افکار و مساعیسی (لفضانله) ک قدسیتی انکاره معطوفدر » دیشیدی .

نسطوری طریق تیموطوس خلفادن الهادی و هارون الرشید حضور لرزنده مواد دینه اوزرینه مباحثانده بولنوردی که بومباحثاتی حاوی اولهرق یازلدیغی روایت ایدیلن اثر اغلب احتمال ضایع اولمشدر . تیموطوس کندی کنیسانی زهبان متفذه سنک مخالفت فعلیه لرینه رغماً بطریق انتخاب ایدلشیدی . کندیسنه اک زیاده معارض بولنان ( مرو ) متره پولیدی یوسف آکا قارشی خلیفه الهادی ایله برلکده اجرای دسائس ایشیدی . بو ذات بالاخره خلیفه نک اقناعاتی اوزرینه قبول اسلام ایلدیکدن اهتداسنک مکفاتی اولهرق قیمتی هدیه لر آئس وبصرده بر مأموریت حکومه ده تعیین ایدلشیدی .

هجرتک قرن اولنه عائد بو تفصیلات پک منلق و غیر کافیدر ؛ قطعی و معین وقایع ارا نه سندن زیاده دینه دعوت حقتده موجود اولان مساعی بی تحظه مدار اولور .

صرف میسیونه رلک صفتی حائر اولهرق زمانمزه قدر باقی قالان اوراق المأمونک خلافتی دورینه ( ۸۱۳ - ۸۳۳ ، هجری ۱۹۸ - ۲۱۸ ) عائد اولوب تولد اصیلانه صاحبی و سرای خلافتده ممتاز بر موقعه مالک و بالذات خلیفه نک احترامنه مظهر بر خرستیان عربیه خلیفه نک عموجه زاده سی طرفدن یازلمش بر مکتوب شکلنده در . [ ۱ ] خرستیان دوستنه اسلامیتی قبول نیازیله مراجعت شفیقانه ده بولنان صاحب مکتوبک طرز افاده سی اودورلرده مسلمانلرک خرستیان کنیسانسه مقابل آئس اولدقلری وضعیت مساعده کارانه بی پارلاق بر صورتده تصویر ایدر . بومکتوب اسلام تبشیری تاریخنده همان امثالسز دینه جک بر موقع اشغال ایلیر . بو اثرده خلیفه طرفدن اصل زادکان مجلسنده ایراد ایدیلن بر نطقدن بحث اولندیغی کوریلور که جناب خلیفه نطقنده صرف آمال دینویه و خود کامانه ایله اسلامیه

[ ۱ ] رسالة عبدالله بنی اسماعیل الهاشمی الی عبدالمسیح بن اسحق الکندی .

کلناردن غایت شدتلی بر طرز نفرت ایله بحث ایدیور و آنلری حضرت پیغمبره  
 ظاهرده دوست کوروندکلری حالده کیزلیجه اونک حیاته سؤ قصد ترتیبانی  
 یاپان منافقین ایله مقایسه ایلیور . فقط حضرت پیغمبر فالغنه ایملکه مقابله  
 ایتدیکی کبی خلیفهده جناب حقا آنلر حقنده حکم ربانیسی وارد اولهجنی  
 زمانه قدر کندیلرینه عفو و صفح ایله معاملهده بولنیور . خلیفه طرفندن وقوعه  
 کلن سرزنش قیدی شایان دقتدر ؛ چونکه اسلامه یکی کلناردن صمیمی و منافع  
 خسیسنه دن عاری بر ایمان بکنلدیکنه و منفعتجولوق ایله مقاصد نالایقهنک کشفی  
 کندیلری حقنده تعقیحات شدیده جلب ایده چکنه دلالت ایلر .

المأمون دین اسلامک نشرنده بالذات مساعی جذیله صرف ایده کلدیکندن  
 حتی ماورای خزرده کی فرغانه کی ممالکنک ال اوزاق یرلرنده ساکن غیر مؤمنلره  
 بیله دعوت اسلامیت کوندرمشیدی ؛ فقط قوای حاکمتنی سوء استعمال ایدرک  
 کندی دینی قبوله باشقه لرینی اجبار ایملک تشبثنده بولنمامشیدی . ( ماخینه )  
 مذهبی رؤسائندن یزدانخت اسمنده برکیمسه بغدادی زیارته کلش و اوراده کی  
 علمای فقه ایله مباحثاته کیریشمش و فقط دلایل قویه قارشوسنده قاهره سکوته  
 مجبور اولمشیدی . بونک اوزرینه خلیفه آنی قبول اسلامیت ایچون اقعاه  
 چالیشدی ؛ لیکن یزدانخت برای امتناع : « یا امیر المؤمنین ؛ کلامک ایشیدلدی  
 ونصیحتک تلقی ایدلدی ؛ آنجق سن انسانلری منسوب اولدقلری دینلری ترکه  
 اجبار ایدنلردن دکلسک » یولنده جواب ویردی . خلیفه بوبابده کی مساعیسنک  
 عدم موفقیتندن مغرب اولمق شوپله طورسون آنک متعصبین ناس طرفندن  
 ملحوظ اولان تحقیراتدن صیاتی ایچون عودتنده معینته محافظلر تعیین ایتدی .  
 رهبان ممتازده دن اسلامه کلنلر حقنده خرستیان مؤرخلری پک ناقص اشاراتده  
 بولنورلر . شوپله که : طوقوزنجی قرن میلادی اواسطنده بحرین نه پستقوسی  
 اولان ( جورجی ) مقام مذکورده بعض اسباب کنیسائییه طولایسیله خلع  
 ایدلنجه نصرانیق اسلامیت ایله دکیشمشدر . فارس متره بولیدی جبرائیلک  
 بر برادری ده اونجی قرن اواسطنده مسلمان اولمشیدی . بونک اهتداسی ده  
 محضا جبرائیلی نسطوری بطریقلغنه انتخاب صلاحیتندن اسقاط ایچون وقوع

بولش کبی ذکر اولنور . ینه بوقرن میلادی ظرفنده بت غرمه ( بیت غرمی؟ )  
 نسطوری نپسقیوسی ( تهودور ) اسلامه کشیدی . کلیسا مؤرخنی آنک  
 بودنمهسند اجبار وقوعنه دائر برشی یازمیور . جبر بولنسه ایدی شههسز  
 ذکر ایلردی . ( ۹۶۲ ایله ۹۶۶ ) سنه لری آرسنده آذربایجانک یعقوبی  
 نپسقیوسی ( فیلو کسنوس ) قبول اسلامیت ایشدر . تکریتده یعقوبی متره پولیدی  
 بولانن و او مقامی یکریمی بش سنه قدر اشغال ایلین ایغاتیوس - نام دیگر مارق  
 بارکیکی - ۱۰۱۶ تاریخنده بغداده کیتمش و اوراده خلیفه القادریک حضورنده  
 اسلامه کلهرک ابو مسلم نامنی ایشدر . خرستیان وقعه نویسی بو اوچ اهتدالک  
 شاعت اخلاقه حادثاتندن ایلری کلدیکنه ایما ایدرسده بورواتی دیگر براهین  
 ایله مؤید اولدیغندن شهیه معروضدر . نیته کیم پروتستانغی قبول ایدن پاپاسلردن  
 برینک دین دکیشدیرمسنی قید ایدن برقاتولیک چیقوبده بوکا مشابه برروایتده  
 بولنسه ایدی آنک روایتی ده بونککی قدر داعی شهیه اولوردی . یعقوبی  
 ونسطوری کبی ایکی مخاصم مذهبه منسوب اولان مذکور راهیلرک اهتدالری  
 لاجرم کلیساجه یوکسک مقاملر اشغال ایللردن طولایی واسطه تاریخ ایله بزه  
 نقل اولمش و فقط مهم اولیان دیگر پاپاسلرک اهتدالری حقدنه هیچ برشی ذکر  
 ایدلمه ایشدر . وقعه نویس ( بارهبروس ) ۱۱ کلیسا تاریخنی کندی زمانه قدر  
 کتوردیکندن بوکبی مهتدیله حقدنه داها زیاده تفصیلات ویرر . شوایله که :  
 اون ایکنجی قرن میلادی واسطنده یعقوبی مذهبی نپسقیوسلردن علی صورتده  
 تبدیل دین ایدنلری تسجیل ایدرکن خراسان شهری نپسقیوسی هارونی « بعض  
 اخلاقی خطالردن طولایی محکوم ایدلکدن صوکره مسلمانلغه کچدی ؛ صوکره  
 بوتبدیله ندامت ایدرک اسکی مرتبه روحانیه سنی تکرار الله ایتمک آرزوسنه  
 دوشدی ؛ بو آرزوسنی رد ایدلدیکنن استانبوله کیدرک یعقوبی مذهبک ( وحدت  
 ماهیت ) اعتقادی ترک ایلدی ؛ مع مافیله اوراده کوردیکی طرز قبولدن خشنود  
 قالمدیغندن ینه یعقوبی بطریقنه التجا ایتمک ایستدی و فقط ( بلا سبب ) ینه  
 طرف اسلامیه کچدی ؛ تکرار نادم اوله رق عاقبت ایامنی جبل لبنان ماروییلری

آرسنده آتام اییدی « یولنده خاصه ذکر ایار . بو مؤرخک معاصر لرندن - (اون ارجنچی قرن میلادی اواسطنده) - خبور (خابور؟) نه پستقوسی بولنان و علوم مادهده یدطولی صاحبی بولمقله معروف اولان دانیال حلب باش نه پستقوسلغنه تعین ایدلک ایستمش و فقط املنه نائل اوله مدیغندن نصرانی تی ترک ایتمش و خرستیان خلقک « حجاب و تأتری آرسنده » مسلمان اولمش و فقط جناب حق بو مأیوس خلقه تسلیت احسان ایدرک کدردن قورتارمش ؛ چونکه برفاچ آی صوکره او « مسکین مرتد » برکاروانسرایده سفالت ایچنده وفات ایلمش ؛ اسمی غائب اولمش و یادی بی یربینه مه مش کیتمش !

فقط بواهدالرک اوله صرف منفرد و نادرالوقوع شیرا اولدیغنه حکم ایچون عکا نه پستقوسی (ژاق دو ویتری) نك شهادتی بزه معین اولور . بو نه پستقوس ارض فلسطینده کی مشاهداتندن بحث ایلدیکی صروده (۱۲۱۶ - ۱۲۲۵) شرق کینسای حقنده شو یولده بیان فکر ایلمشدر : « ضعیف دوشمش ، آجینه جق صورتده طوزاغه طولمش ، داها طوغریسی « ساخته پیغمبرک اقناعات کاذبه سی » واذواق شهوانیه نك اغواسی ایله وخیم صورتده مجروح دوشمش ، چوکش ایدی . آل رنکدر ایچنده انکشاف ایتمش اولدی بی حالد چرکابه باتمش ایدی » [۱]

نفوذ اسلام منطقه سنده بولمقله توصیف ایدیلن خرستیان کینسالی شرق اورتودوقسلنی ایله آندن منشعب اولان و ملحد صاییلان جماعات مذهبه در ؛ فقط اون برنجی قرنک ختامیه سوریه و فلسطین اهالی خرستیانیه سنی یکی بر عنصر منضم اولمشدی که بوده لاتین آینه تابع اخزاب صلیبه در . بونلر اهل صلیک قدسده کی قرالیقی ایله دیگر دولتلر ممالکنده توطن ایتمش و ایکی یوز سنه قدر متزلزل بر موجودیت محافظه ایله بیلمشلردی . بو اجنبی مهاجرلر آرسنده مدت مذکور طرفنده اهتدا ایدنلر بولنیوردی . مثلا برنجی اهل صلیب دورنده (رهی نو) نامنده بر شوالیه نك قومانداسی آتنده آلمانلره لومباردیالیردن مرکب بر حزب نصلسه ضلیبونک قافله کیره سندن آیرلمش و برقلعه ده سلطان ارسلان سلجوقی طرفندن تحت محاصره یه آلمشدی . بر هجوم



چقیشی یا عمق بهانه سیله (رهی نو) و معیتی افرادی دیگر آرقداش لرینی ترک ایتمشر و تورکلرک طرفنه کچهرک اهتدا ایتمشردی [۱]

بدبخت ایکنجی اهل صلیک تاریخی دخی بوکا مشابه وشایان دقت بر حادته قیدایدرد. (سن ددی) مناستر نشینلرندن (اودو-دو-دوی) نام راهب یدنجی لوئییه کاتب خصوصی صقیته مذکور سفر صلیبی ده رفاقت ایلمشیدی. سفر مذکور حقتده یازدیغی مصورانه حکایه نیک مالمی بروجه آتی نقل ایدیلور:

« اهل صلیب محاربلری آسیای صغری طریقته قدسه وارمغه چالیشدقلری صروده (فریجیا) [۲] طاغرلینک کچدلرند تورکلر طرفندن وخیم بر مغلوبیته دوچار ایدیلر و فقط مشکلات عظیمه ایچنده انطالیه بلده ساحلیه سنه یتشه بیلدیلر. اوراده روم تاجرلرینک ایستدکلری فاحش اجرتلری ویره بیلنلر کمی بولوب انطاکیه ساحلنه کیده بیلدیلر؛ حال بوکه خسته لر، مجروحلرله بر آلائی حجاج اهانتکار متفقلری روملرک مرحمتنه عرض افتقار ایدر بر صورتده کیری قالغه مجبور اولدیلر. روملر حجاج افرنجه بر قوه محافظه ترفیق ایلمک وخسته لره - دیگرلرینی تعقیب ایده بیه جک بر حاله کلنجیه قدر - باقمق شرطلرله یدنجی لوئیدن بش یوز مارق آلتمشردی؛ فقط اهل صلیب اوردوسی حرکت ایدر ایتمز روملر حجاج چاره سز بر حاله قالدقلرینی تورکلره اخبار ایدیلر و آجلق، خسته لق، دشمنک اوقلری بو بدبختلرک قرار کاهنده خسارات و تخریبات مده شه اجرا ایلدیکی ائنده حسیاتدن عاری بر صورت سکونتله تماشاش ایلدیلر. بونلردن اوچ ویا دورت بیک کشیک بر قافله، سائقه یأس ایله قورتلغه اوغراشدیغی صروده تورکلر جانبدن اطرافی چوریلوب حاوی اولدیغی افراد پارچه پارچه کیلمشدی. تورکلر بو ظفرلرند دوام ایدرک قرار کاهی تضییقه باشلادیلر. اکر تورک مسلمانلرینک قبلری اوسفالت وفلاکتی کوره ک بر سکونت رحم کسب ایلمه مش اولسه ایدی باقی قالان قافله صلیبه نیک حالی پک یامان اولوردی.

[۱] دو گینگ نام فرانسز مؤلفنک *Histoires Générale des Huns, des*

*Turcs, des Mogols* عنوانی تاریخندن

[۲] انقره، بروسه وقونیه آره لرند کی حوالینک اسم قدیمی (فریجیا) در. مترجم

توركلر بو بچاره لرك ياره لرينه باقديلر وفقيرلريني آحيق الله بر سخاوتيه ضرورتدن قورتارديلر ؛ حتى بعض مسلمانلر روملرك تهديد و حيله ايله حجاجدن قوپارمش اولدقلري فرانسز سكه لريني اشترايدرك صليبيونك محتاجينه ويرديلر . همدن اولميانلرك بورحمانه معامله لري ايله دينداشملري بولنان و كنديلريني خدمات جبريه ده استخدام ايدن ، ضرب ايلين ، طولانديران روملرك حرڪاتي حجاج صليبيه نظرنده اوليه بر مقايسه يي موجب اولدي كه بولردن پك چوغني بالاختيار خلاصكاران مسلمه نك دينني قبول ايلدي . قديم وقعه نويسلردن ( اودو - ده - ديوكيلو ) بومناسبتله بيانات آتيمه ده بولمشدر : « كنديلرينه قارشو پك غدارانه طاورانان دينداشلردن اجتناب ايله غير مؤمن تلقى اولنان فقط حقلرنده رفق و شفقت آثاري كوسترنلرك آرسنه امنيتله كيرديلر و ايشيتديكمزه كورد توركلر چكيلوركن اوچ بيك قدرى آنلره التحاق ايلشدر . آه مرحمت ، هر دورلو اهانندن داها ظالمسك ! مسلمانلر آنلره اكمك ويرديلر فقط دينلريني غضب ايلديلر . في الواقع مسلمانلر بونلرك ايفا ايلدكلري خدمتله بالاكتفا هيچ بريسي ترك ديانت خصوصنده اجبار ايله مشلردى . »

خرستيانلرله مسلمانلر آرسنده آرمغه باشلايان تماسلر و اهل صليبيه مخاصملرك محاسنى حقنده تحصل ايدن تقديرلر - كه صوكره كي مؤرخين صليبيه ي ابتدا كيلردن نظره چارپار بر صورتده تميزه مدار اولور - و ارض قدسده وطن ايدن فرنكار طرفندن شرقك اطوارندن و طرق حياتيه سندن برچوقلرينك تقليد ايدلمسى كبي حلالر افكار دينيه اوزرنده متساويا نفوذ اجراسندن خالى قالماشلردى . بونفوذك الڤزايده شايان نظر ماهيتلردن بريسي ده خرستيان شواله لرندن برچوغنك اسلاميت حقنده آلدقلري موافق وضعيتدر . بووضعيت ايسه اهل كنيسا طرفندن بر شدت خشينه ايله تقبيح ايديلوردي . اسامه بن منقيد [ ۱ ] اسمنده سوريه يلى برامير برمتار كه ائاسنده قدسه كيمشيدى . اوصرده مسجد اقصى ديانتله عسكرلكي مزج ايدن ( تهميلار ) شواله لرينك

[ ۱ ] اسامه نك ( كتاب الاعتبار ) ناثرى ( درنيورغ ) طرفندن فرانسزجه يه

ترجه ايدلمش وپارسك السنه شرقيه مكاتبى نامنه طبع ايتديرلشدر .

تحت اشغالنده بولنیوردی . بونلر مسجده ملحق بر محفل عبادتی اسامه نك نماز قيلمسی ایچون تخصیص ایلمشردی . بو حال ایسه آوروپادن یکی کان صلیبون جانبندن بو مسلمان مسافرک امور عبادته مداخله سی طرزنده تلقی ایدیلهرک شدتله اعتراضی دعوت ایتمشیدی . صلیبونی ارض قدسه جلب ایدن و بناء علیه محاربات تمامیده بولملرینه سبب اولان شی دیانت بولندیغی ثابت ایکن مسلمانلرله افراد صلیبیه نك دوستانه تماسلر ایچون فرصت ظهور ایتدیکی وقتلرده دیانت حقنده مباحثاته کیریشمه مش اولسه لر بوکا تعجب ایتمک لازم کلوردی . بوکی فرصتله اوزرینه خرسیتیان علمای الهیاتنک بیه دین اسلام حقنده تخمینات صحیحه ده بولتمق اوزره مسلمانلرله رابطه شخصییه پیدا ایتمه لری و کندیلرنجه بوسبوتون یکی طرز تفکر اته صاحب اولملری ذهنلری صارصیور و قافله لرله اهل الحاد وجوده گلسنه سبب اولیوردی . بوندن طولانی آلدردن بر چوقلرینک دائره اسلامه طوغری منجذب اولملرینه تعجب ایتمک لازم کلور . اون ایکنجهی قرن میلادی صلیبونی نك قدسه کی محکمه لرینک اعلامات ساجلنده « ارتداد » حادثاتی کوزه چارپاجق قدر کثرتله بولنور .

بو یکی مهتدی لری قازانمقله مشغول اولان مسلمانلرک کیملر اولدیغی اوکرتمک موجب مراقدر ؛ آنجق او مبشرلر فعالیت ذاتیه لری حقنده هیچ بر قید بر اقامشلردر . مع مافییه بونلرک باشنده - ترجمه حالی یازانلر طرفندن « خرسیتیان مسافرلرینک مواجهه سنه محاسن اسلامیه بی وضع ایله آنلری اهتدایه سوق ایدن » دیه توصیف اولنان - بویوک صلاح الدین بولندیغی بیلیورز .

صلاح الدینک حیات و اوصاف قهرمانانه سنک زمانی خرسیتیانلری افکارى اوزرنده بر تاثیر جاذبه دار اجرا ایلمش اولدیغی ظاهر در . حتی خرسیتیان شوالیه - لرندن بعضلری کندینسه اودرجه منجذب اولمشلردی که طائفه لرینی و خرسیتیان دینی بیرا قهرق مسلمانلره التحاق ایله مشلردی . انکلیر ( ته میلار ) شوالیه لرندن ( روبه رت ) ک وقعه سی بوکا بر مثالدر : بو شوالیه ۱۱۸۵ ( هجری ۵۸۱ ) سنه سنده خرسیتیانلغی ترک ایله قوی بر مسلمان اولمش و حتی صلاح الدینک

حفيده سيله ازدواج ايشيدى [۱] آذن ايكي سنه صوكره صلاح الدين ابوبى قدسى استيلا ايشيدى . ( حطين ) محاربه سنده خرستيان اوردوسنى مهزم ايلدكن صوكره آلدغى اسيرلر مياننده قدس قرالى ( لوئى ) ده داخلى . بو محاربه نك عرفه سنده شواله لردن آلتى كشى - معاصر وقعه نويسلردن بريسك [۲] ديدىكي كجى روح ابلسه طوتلدق لردن - قرالى براقشدر و صلاح الدينك قرارگاهنه التجا ايشلردى . بونلر اوراده كندى آرزولريله اسلامه كمشلردى . ينه او وقتلرده صلاح الدينك طرابلس شام قوتى اوچنجى ( ره موند ) ايله بر مقاوله يه كيريشديكى و بونك موجبنجه مذكور قونتك كندى معيقى خلقى قبول اسلاميت ايچون تشويق ايلمكى متعهد بولندينى آكلاشيلور . آنجق قونتك خفته و فاتی بوتصورك اجراسنى آليقويمشدر .

قدسك سقوطى و صلاح الدينك موفقيتلىرى اوچنجى اهل صليب سفرى ايچون آوروپايى غلبانه كتورمشيدى كه بو سفرك اڭ بويوك وقعه سى عكانك محاصره سيدر . ( ۱۱۸۹ - ۱۱۹۱ ، هجرى ۵۸۵ - ۵۸۷ ) خرستيان اوردوسنك قحط و خسته لق يوزندن دوچار اولدينى مدهش عذابلر آنك افرادندن برخيليسنى آچلنك و اولومك نچه لردن قورتلق اميديله مسلمان اوردوكاهنه التجايه سوق ايشيدى . بوصوليلردن بعضيسى بر مدت صوكره عودت ايلش ايسه ده بعضيلرى مسلمانلره التحاق صورتيله اتحاب طالع ايشلردى . بو ايكنجى طاقم ايچنده اسكى دشمنلرينه خدمت ايتمكه برابر خرستيان دينته صادق قالانلر اولدينى ويكي آمرلردن خشنود بولمدقلى رويت ايديلورسه ده اكرئيسنك اهتدا ايلش بولنديبى معلومدر . بونلرك كندى قرارلرى ايله اهتدالرى مذكور سفر صليديه برنجى ريشاره رفاقت ايدن بروقه نويس طرفندن شو طرزده قيد ايدلمشدر: « مقدراتى ، ايم برحس تأسفدن آزاده صورتده نقل واستماع ايديله مين بو فراريلردن بعضلىر ايجى بر آچلنك شدته مقاومت ايدمه يرك جسملرينك

[۱] انكلتره نك قدیم وقعه نويسلردن ( روجه هوو دهن ) نام ذاتك لاتينجه محرر كتابندن مأخوذ .

[۲] زمان قدیم انكليز راهلرندن ( پيته بورو ) باش پاپاسنك لاتينجه بر اثرنده



سلامتی برای تأمین روح‌لرینه لعنت دعوت ایدیلر . چونکه مصائب خیلدن خیلی به زوالندن صورتور کلرک طرفه کچمشلردی ؛ مرتداولمقندن چکنمدیلر . مادی بر حیاتی بر آدیم داها اوزاتمق ایچون منفور بر کفر بدلنده موت ابدی اشترا ایتدیلر . آه هر دورلو تجریماتک آز کله چکی بی حیا حرکت ؛ آه کندیسنی غبی حیوانانه بکزه تن عقلسز انسان ؛ او آنده یالکیز ملحوظ اولان بر موتدن قاجوب قورتمق ایسترکن ابدی موتدن هیچ صاقنماز « [۱] اوزماندن اعتباراً ارض قدسده و شرقک دیکر مملکتلرنده سیاحت ایدنلرک محرراتنده بو «مرتد» لردن بحث ایدلرکنه نادراً تصادف ایدنر . (سن لوتی) مسلمانلر طرفندن یاقه‌لندقدن صورتور فدیة نجات و یرمک تعهدنده بولمغه مجبور قالمشیدی . اوصرده کندیسنی یاقه‌لایان مسلمانلرک مواجهه‌سنده ایتدیکی یمینک شکانی سابق پاپاسلردن بر مهتدی استحضار ایلشیدی . بوفدیة نجاتک تأدیسه‌سی معامله‌سی یاپلدیغی بر صررده فرانسه‌نک ( پرووونس ) حوالیسندده تولد ایتمش و بالاخره اسلامه کش بر کیمسه قراله هدیه‌لر تقدیمی ایچون اورایه واصل اولدی . بوفرانسز بر مدت مقدم قدس قرالی ( ژان ) رفاقتنده ۱۲۱۹ سنه‌سندده دمیاط سفیرینه کیتمشیدی . بالاخره مصرده یرلشمش و بر مسلمان قدین ایله ازدواج ایتمش و او مملکتده املاک و اسعه صاحبی اولمشیدی . ارض قدسه کیدن حجاج نصرانیه‌نک مسلمانلغه کچه‌بیله جکاکرندن نه قدر قورقلدیغی فرانسز شوالیه‌لری رؤ‌ساسندن ( آموری دولاروش ) نام ذاتک ۱۲۶۶ سنه میلادیه‌سندده یازدیغی ( خاطره ) عنوانلی اثردن صراحة آکلاشیلور . فقیر و یاشلی ارلانرایله سلاح طاشیمغه قدرتی بولمیانلرک فلسطینه کیتمک اوزره دکیزی کچملرینه رخصت و یرلمه‌سنی پاپادن و پاپالنک فرانسه و سرجیلیاده‌کی مرخصلردن رجا ایتمش و بومقوله کیمسه‌لرک مسلمانلر طرفندن یاقتل و یا اسیر ایدیه‌بیله جکاکرینی و یاخود « اژداد » لری محتمل بولندیغی سبب اوله‌رق کوستر مشدر . ۱۳۳۶ و ۱۳۴۱ سنه‌لری ظرفنده ارض قدسده سیاحت ایتمش اولان ( رودولف - دو - زوخه ) نام ذات اسلامه کش اوچ کیمسه‌یه

[۱] لاتینجه‌دن انگریزجه‌یه مترجم Chronicles And Memorials of the Reign Of Richard I عنوانلی کتابندن .

راست کلدیکندن بحث ایلر . بومهدیلر (مینهن) دائره رهبانیتدن کلهرك سلطان ایله دیگر امرای مسامه طرفلرندن مظهر احترام اولان وهستفالی شوالیهسنگ معیتده بولمشلردی .

شهبسز بوپراکنده اهتدا خبرلری خرستیانلقدن اسلامیه. دهاها واسع برمقیاسده انتقاللر وقوع بولمش اولدیغی و فقط حصوله کلن افعال اهتدائیهنگ قیودائی زمانزه قدر باقی قالمدیغی حقتده برمعیدارلغی حائردرلر . ایشته بووجهله اون بشنجه قرن میلادینک ختامنه طوغری قاهره شهرنده یکریمی بئس بیک مهدی بولمش اولدیغی ذکر ایدیلمور [۱] شرقدکی لاتین پرنسلکارینک زواللرندن سوکره ارض فلسطین قصبه لرنده دهاها برخیلی مهدی بولمش اولمسی ده پک محتملدر ؛ فقط اودورلرک مؤرخین اسلامیه سی امرانک ماجرای شهامتلیله و خاندانلرک تبدل طولالی ایله او قدر مشغول اولمشلردر که کسب معروفیت ایدهمین اشخاصک حیاتلرنده کوریلن تبدیل دین حادئه لرینه نظر دقت عطف ایدهمه مشلردر . آکلاشیلدیغنه کوره بومسلمان مؤرخلری مهتدیلمرک حالی کبی کندی دینداشلی آره سننده ظهور ایدن ارتداد حادئه لرینه دخی پک آز حصر دقت ایملردر . بوندن طولایی هم ارتداد ، هم ده اهتدا قضیه لری حقتده بزیا لکنز خرستیان محررلرک ویردکلری معلومات ایله اکتفایه مجبورز . بو محررین نصرانیه ایسه کندی دینلرینه کتوریلن اشخاص حقتده تفصیلاتلی و تقدیراتلی معلومات ویردکلری حالدده کندی هممده بلرندن اسلامه کلنلرک مقصدلرینی ممکن اولدیغی قدر فنا شکلدرده تصویر ایلرلر . مسلمانلغه دون بر خرستیانک ناموسکارانه وصمیمانه اعتقاددن طولایی ده اهتدا ایده بیلمسی احتمالی غالباً بو خرستیان محررلرک ذهنلرنده هیچ بروقت یر بولمامشدر . حتی بویله براحتمال آنلرک ذهنلرینه وارد اولمش بولنسه بیله آئی علناً ذکر ایله اهل کینسانک رعد تویحنه نفسلرینی عرض ایتمکدن صاقفورلردی .

بوکبی اهتدا وقایعنگ - استنا قیلندن اولمق اوزره - حقیقتی وجهله قید

[۱] بوروایت ابن بطوطه تاریخنگ ایالتانجهیه مترجم نسخهسنگ مقدمه سنندن

آلنمشدر .

ایدلش اولدیغنک بر مثالی صورتیه ۱۵۶۵ سنه سنده قاهرده بولمیش اولان (فورده - فون - هایم ندورف) نام ذاتک ویردیکی معلومات ذکر ایدیلور - بوذات لایزیغ شهرنده تحصیل کورمش اولان بر آمان علامتک صمیمی صورتده اهتداییش اولدیغنی لاتینجه اولهرق یازدیغی اثرده تصریح ایلر .

ایشته بوذکر ایدیلن منابع تاریخیه دن صمیمی مهتدیله ایه بونلری تبدیل دینه سوق ایدن تشبثات تبشریه حقنده پک آز معلومات استحصال ایدیه بیلور . اهتدایه الک زیاده عطف اولنان سبب تبدیل دیانت ایه جزای اعدامدن قورتلوق ایستیمی کیفیتیه در ؛ آوروپالی سیاحلر کتابلرند بوندن چوقجه بحث ایدرلر . بوقیلدن اولان روایتلرک مثاللرندن بریسی ده ۱۶۲۷ سنه سنده قاهرده بولمیش اولان برژه زوئیت پاپاسنک ویرمش اولدیغنی تفصیلاتدرکه - طمطراقلی برطرز لسانده یازمیش اولدیغندن - بالاتباب نقل ایدیلور : « مصرک قبط طائفه نصرانیه سندن برکیمسه قسماً فوران غضبدن ، قسماً ده احتیاطسزجه کوستریلن برغیرت دینه دن طولایی کنندی ایله کنندی قارداشی قتل ایتمشیدی ؛ چونکه قارداشی تورکلرک تعدیاتندن قورتلوق ایچون جینانه بر یولده حضرت عیسانی بر اقس و اسلامیه صامشیدی . بو زواللی آدم جنایتک تام حرارتلی بر آن اجراننده یاقه لاندی . ( مقتول مرتدک کنندیسنه برادر اولمغه لایق بولمیدیغنی و ارتدادی طولانیسه نامنه سورمش اولدیغنی لکئی کنندی قانیله بیقایوب چیقارمسی لازم کلدیکنی ) بر طور جرأتکارانه ایله اعتراف ایتدی . تبدیل دین ایلرسه قصاصدن قورتیله جغنی مجرمه اخطار ایتدیله . جوابنده خورستیان اولهرق اولمکه قرار ویردیکنی سویلیدی ایسه ده جلالدرک بر ای اعدام کنندیسنه عدارانه اشکنجه لر ایتمکه باشلاملری اوزرینه قرار ابتدائیسی که وشهدی وصولد دقیقه ده سبیل دیانت اخطارینه مجبور اطاعت اولدی . بو حال فلاکت کنندیسنی آن واحده معترف بر دینداردن بر مرتده ، بر شهیددن بر دونمیه ، بر ولیدن بر ملعونه ، بر ملکن حقیقی بر ابلیسه تحویل ایتدی . مسلمانلرک اصولی وجهه کله شهادت کتوردی وداها طوغریسی اعلان اهانت ایلدی . بونک اوزرینه سبیلی

تخلیه و نندی ؛ فقط بونکه اولاد رحمانک دکل آنجق اولاد خسرانک حریتنه مالک اولدی . بر مدت صوکرده عتاب وجدانیسی موجب ندامتی اولدیندن دین اصلی یه رجوع ایتدی . و بناء علیه مسلمانلر طرفدن قتل ایدلدی [۱]

مناسترنشین رهباندن ( بورخارد ) ۱۲۸۳ سئه میلادیه سنده یعنی اهل صلیبک صوکه تحصنکاهلردن طرد ایدلدیکی و شرقده لاتین حاکمیتک تاممیله زوال بولدینی صردلرده یازمش اولدیغی بر ائرده ممالک اسلامیهدن صاییلان یرلرک کافه سنده خرستیانلرک مسلمانلره عددجه فائق اولدقلرینی و - مصر ایله عربستان مستنا اونق اوزره - اهل اسلامک سائر کافه اهالی یه نسبتله یوزده اوچ ویا دورت درجه سنده بولندیغی ادعا ایلر . بو باده مبالغه ایله اداره لسان ایدلدیکی آشکاردر . بو ناموسلی مناسترنشین ، اهل صلیبک تحت اشغالنه کیچن یرلره اوفاق ارمی قرالغنده کورمش اولدیغی حالک شرقک دیگر اقسامنده دخی موجود اولدیغی فرض ایتمکه احتیاطمزلقده بولمشدر . فقط بو ذاتک سوزلردن استدلال ایدیه بینه چکی اوزره اهل صلیب دور حاکمیتی طرفنده اسلامیته واسع مقدارده دخوللر وقوع بولامش و مسلمانلر ارض قدس اوزرنده حاکمیتلرینی اعاده وضع ایلدکن صوکرده خرستیانلره اسکی مساعداتی تکرار اجرا ایتشلر و جزیه تأدیسی مقابلنده « سکون و سلامت اشتراسنه » راضی اولمشلردر .

یرنی خرستیانلر حاکمیت اسلامیهدی اهل صلیب اداره سنه البته ترجیح ایدرلردی . ۱۲۵۴ ( هجری ۶۴۲ ) سنه سنده قدس صوکه دفعه اوله رق مسلمانلرک انلرینه کچدیکی زمان فلسطین اهالی نصرانیه سنک یکی آمرلرینی حسن قبول ایلدکاری و سکونت و خشنودی ایله آنلرک اداره سنه تابع قالمش اولدقلری آشکاردر . مسلمان اداره سی آئنده حیات دینه نک امین بولندیغی حقهده کی بو حسیات ینه او دورلرده آسیایی صغری خرستیانلرینی هنوز ایلمولمکده بولنان ساجوق تورکلرینی خلاصکار صفیله استقباله سوق ایتمش ایدی . بو خرستیانلرا روم کنیسانه مخصوص اولان روح تعذیبدن نفرت ایتلدردی . حتی یدنجی میخائیل

[۱] ژدوویت پدرلردن ( کهرن ) نام راهبک Le Voyage en Ethiopie

عنوانلی سیاحتنامه سندن .



دورنده ( میلادی ۱۲۶۱ - ۱۲۸۲ ، هجری ۶۶۰ - ۶۸۱ ) آسیای صغرا داخلنده کی اوفاق قصبه لر اهاالیسی بیزانس ایمپراطورلنی استبدادندن قورتلق امیدیه تورکاری قصبه لرینک اشغالی ایچون دعوت ایملشدی ؛ حتی بو اهالی آره سنده زنکین ویا فقیر برچوق کیمسه لر او وقتکی تورک حدود منلیسی داخلنه هجرتی بیه اختیار ایملشدر .

آسیای غربینک دیکرایکی مؤسسۀ کنیسائییه سی حقنده ویریه جک تفصیلات دخی واردرکه بونارده ارمنی و کورجی کنیسالرینه تعلق ایدر : بوتون شرق کنیسالری آره سنده مسلمانلرک تزايد عددینه خادم الك آز افراد ویرن بر کلیسۀ واردرکه اوده ارمنی کنیساسیدر . عصر لرجه سورن محاربات ، تعذیات ، تعذیبات ، و تغریباته رغماً خرستیان دینه مربوط قالان ومصائب قاهره یه قارشو اوغراشوب کیدن معند ارمنی خلقنک حکایه جدالنده کوستریلن علاقه دارلغه [۱] رغماً بو کتابده ارمنیلرک تاریخ اسلام ایله اولان مناسبتری حقنده قیسه جوق برسوزله اکتفا ایده جکیز : ارمنی قرالغی عرب استیلاسنک صارصینتیسنه رغماً بقا بولمشیدی . طوقوزنجی قرن میلادی ده مهم بز دولت درجه سنه بیه ایریشدی و بغداد خلافتنک انقراضی زمانلرنده خیلی سعادت دخی کسب ایلدی . لکن ارمنستان اون برنجی قرن میلادی ده سلجوق تورکارینک استیلاسنه اوغرادی . بعض ارمنی ملتجیلری کوچوک ارمنستانی تشکیله موفق اولمشر ایدی ایسه ده اون دور دنجی قرن ظرفنده بوده اورته دن قالدی . ارمنیلر - ضیاع استقلالرینه رغماً - حیات ملیه لرینی محافظه ایلدیلر . تورکلر اداره سنده بولندقلری دورلرده یونانستانده اولدینی کبی کنیسا ارمنیلرک هوسلی و دواملی ملتپرلکلری ایچون بر منبع الهام و احیا بولنه کلدی . محرریندن ( تاوه رینه ) نك دیدیکی کبی

[۱] فی الواقع انکاتره و باشلیجه انکلیر دیپلوماسیسنک التزامیه بوتون عالم نصرانیت ارمنی احوالنده خیلی علاقه دارلق کوستره کیشدی . آنجق انکلیر امپریالیزی اوتهدن بری اله کچورمک ایستدیکی ولایات عثمانیه یه پنجه اغتنام آتدقدن و بردائرة اخونده بولنق ایستین بعض اقوام اسلامیه یی بربرندن اشکال مختلفه تختنده تبعید ایلدکدن صوکره ، باز پنجه سیاست انخاذا ایده کلدیکی ارمنی ملتک طالعنده کی علاقه دارانی اونودیر کبی بروضعیت آلیوردی . مترجم .

« منافع ديويه نك سوقيه قبول اسلام ايتس بعض ارميلر بولنه بيلور ؛ فقط ارميلر دنيانك اڭ معند آدمليدر » و واهمه دار بعض اصول قوميه قوتلى صورتده مربوط بولنورلر .

كورجى كنيساسى دورديجى قرن ميلادينك قسب ابتدائيسنده - روم كنيساسنك محصولاتندن اوله رق - تأسس ايتس و آنكه اولان مربوطيتنى خيلى زمان ادامه ايتشيدى . لکن ايكي يوز سنه قدر صوكره كورجى قاتونغيوسانى روم دائره مذهبيه سندن آيريلوب استقلاليتنى اعلان ايلدى . اختلافات داخله ايله انقسامه اوغرايان و بربرى آرقه سنه روم ، عجم ، عرب ، تورك و مغول هجوملرينه معروض قالان بو جنكاور ملتك تاريخى همان بلا انقطاع اجنبى دشمنلره قارشو محاربات ايله يرلى رؤسانك وحشيجه مجادلاتندن تركب ايدر . كورجيلرك هيچ بر اجنبى حاكميته تحمل ايدمهين روح استقلالپرورانلرى - نه اداره ملكيه لرني ، نه ده مذهب لرني كنديلرينه قبول ايتديردهين - همجوارلرى بولان مسلمانلرى چوق كره چيلغينلق درجه سنده حرصلا ندير مشيدى . ايشته بو حال ، يعنى تبديل ديانك ضياع استقلال سياسى معناسنى تضمن ايتسي ، دركه كورجى كنيساسى سالنامه و قايغنده يك چوق اسامى شهيدا مقيد بولمسنك سببى ايضاح ايلر ؛ حالو كه روم كليساسى سجالاتى عين دورلرده بو كى شرفلى قيودات اراهه ايدمهز .

آرقه لر نده ييقلمش كليسالردن ، مناسترلردن حصوله كلن خرابلر و بربرى اوزرينه ييقلمش انسان كله لر ندى متشكل اهراملر براهه مرق ايلر ييلين مغول اوردولرى ظرفدن استيلا ايدلدينى و عالم رهبانيتك - ينه بوفلا كتلر طولاييسيله - عددى آزالارق خلقك احتياجات روحانيه سي اوزون بر مدت تسويه ايديله مديكى بدور مصيبتدن صوكره كورجستانده خرسيتيانلق زمين غائب المكه باشلادى . حتى خرسيتيانلرده ثابت قالانلر آراسنده بيله بعض كيمسه لر كليسا و مناسترلره عائد اموال و اشيايى ينما و بو معابديك وارداتى كندى نفسلرى ايچون استعماان ايدرلك رهبانك آلام و اكدارينى تزويد ايتشدر و بويه جه ملكتده مذهب نصرانيتك زوال حكمنى تعجيله سبب اولشلردى .

۱۴۰۰ (هجری ۸۰۳) سنه سنده تیمورلنک طرفندن استیلا ایدمک کورجستانک  
 آلامنه یکی دهشتلر علاوه ایشیدی . واقعا برنجی علمکساندرک دور قصیرنده  
 بومملکت اجنبی بویوندریغندن قورتارلمش و مسلمانلر سوریلوب چیقارلمشیدی ؛  
 فقط آنک وفاتندن سوکره کورجستان ینه اوافق بکلکلره آیرلدی که متعاقباً  
 بو حالدن بالاستفاده تورکلر و ایرانیلر کورجستان استقلالنک صوک آثارینی  
 سوکوب آتدیلر . مع مافیله مسلمانلر کورجستانی - اک اوافق بر فرصت اوزرینه  
 بیله - اچیقندن اچیغه اختلال چیقارمغه حاضر و بلالی بر مملکت اوله رق بولدیلر .  
 کرک تورکلر ، کرک ایرانیلر اوراده اهالی تابعه نك مطاوعتی وسائط اهتدائیه  
 ایله تأمینه چالیشدیلر . استانبولده کی بیزانس حاکمیتک سقوطی و بناء علیه آسیای  
 صغراده تورک نفوذینک آرتمی اوزرینه اخصخه ایله آنک جوارنده ساکن  
 اولان خلق اسلامه کلدی . میلادک ۱۵۷۹ (هجری ۹۸۷) تاریخده کورجستان  
 پرنسارندن ایکی قارداش ایکی یوز کیشیلک معیت خلقیله و سفارت مخصوصه  
 ایله استانبوله کشلردی . اوراده کوچوک قارداش - کویا بویوکنک یرینه  
 کیچه بیلیمک امیدینه بناء - کندینه منسوب اولان معیت افرادیه برلکده  
 اهتدایتمشیدی . بوتاریخندن آز بر زمان سوکره تورکلرک اجرا ایلدکلری فتوحات  
 کورجستانک تام اورته سنده کی بواحی بی تورک حاکمیتی آلتنه کتورمش و بورالرک  
 خلقی ده فاتحلرک دینی قبول ایشیدی . آندن سوکره کورجستانک غرب  
 قسمی تورکیه نك برولاتی حاله کیردی . مع مافیله بورالرک خلقی ینه خرسیتیان  
 دینده بلا تجاوز دوام ایدیوردی ؛ لکن اورایه حاکم بولان خاندانک ۱۶۳۵  
 (هجری ۱۰۳۵) سنه سنده اسلامه کلمسی اوزرینه بر چوق امرا و اصیلزادکان  
 اوخاندانک اثر اهتداسنه امتثال ایلدیلر .

خرسیتیانلق کویلر اوزرنده ده برخیلی مدت حکمنی محافظه ایشیدی .  
 سامچرخه قاتوغیقوسنه بعض رهبانک تابع اولمامسی اوزرینه اهالینک احتیاجات  
 روحانیه سنه باقیله ماز اولمشیدی . داها اهتدادن اول بیله کلیسا املاکنی غضب  
 ایله کلش اولان اصیلزادکان مسلمان اولدقندن سوکره بالطبع صدقه و اعانه یی  
 کلیاً کسدکلرندن کلیسالر و مناسترلر حال خرابییه دوشدی و بونلرک یرلرینی  
 جامعلر طوتدی .

کوردجستانک نواحی باقیه سی ده تابع اولمشیدی . بالاده اسمی مذکور  
 (تاودزینه) اون یدنجی قرن میلادی اواسطنده بومدکتی زیارت ایلدیکی زمان  
 اوراسنی ایران ایمراطورلنک ملحقانندن اولمق اوزره ایکی پرنسلکه آیرلمش وداها  
 مقام رسمیلرینه کمزدن اول اهتدا ایش ایکی پرنس طرفندن اداره ایدیلور  
 برشکلده بولمشیدی . بو پرنسر ایران سراینده تعلیم و تربیه کورمشلردی .  
 (تاودزینه) کورجیلری مواد دینهده پک جاهل بولمق وپاسلرینی اوقویوب  
 یازمق بیلمز خیرچین کیمسلر اولمق اوزره توصیف ایشدر . کینسارؤساندن  
 بعضیلرینک خرستیان قیز و اوغلانلرینی تورکلرله ایرانلیرله صادقلرینی تحقیق  
 دخی ایشدر . او زماندن اعتباراً تبدیل دین ایدنلر - خصهً یوکسک طبقات  
 منسوبلرله ایران سراینک توجهی قازانمق ایستین کیمسلر آره سنده -  
 چوغالمشیدی . میلادک ۱۷۰۱ (هجری ۱۱۱۳) سنه سنده کوردجستانک باشلیجه  
 حکمداری بولنان دوردنجی (واختانغ) برخرستیان ایدی . حکومتک ایلک  
 یدی سنه سنی اصفهانده کچوردی . اوراده ایکن اسلامه کلی ایچون کندیسنی  
 اقتاعه خیل چالیشدیلسده موقعی غائب ایشکی «ارتداد» بهاسنه آنی محافظه  
 ایتمکه مرجح صایدیغنی سویلدی . روایته نظراً آنک کوچوک قارداشی بولنان واولجه  
 کوردجستانده بطریق بیله ایش اولان کیمسه اکر او مقام کندیسنه توجه  
 اولنورسه خرستیانلغی ترک ایله اسلامه کله جکینی تعهد ایش و بونک اوزرینه  
 صفت حاکمیت ایرانلیر طرفندن آکا ویرلمش فقط کورجیلر کندیسنی قبولدن  
 بالامتاع مملکتدن طرد ایشلر .

اون سکزنجی قرن میلادی وواخرینه طوغری کوردجستان قرالی کندینه تابع  
 اولان خلقله برابر روسیه چارینک حمایه سی آلتنه کیرمشیدی . اجنبی مسلمانلرک  
 استیلاسی آلتنده قالدقلرندن طولانی درین برحس ملی شیمدی به قدر خرستیان  
 دینی ادامه واحیاده بونلره معین معنوی اولیوردی . لکن شیمدی استقلاللرینی  
 غصبه حاضر لانان دولت خرستیان دیننده ایدی . بو حالک ملحوظ اولمسی مملکتک  
 شمالی قفقاسیا جهته دوشن حوالیسنده اسلامیت لهنده برتأثیر حاصل ایلدی .  
 طاغستانده درویش منصور اسمنده برکیمسه عشار مختلفه بی روسلره قارشو



حرکت ایچون اتحادده سوقه چالیشیوردی . دین اسلام حقیقده موعظه لر ویره رک  
طاغستان و ابوستان امرا و اشرافی هدایتبه کتورمکه موفق اولدی . بونک  
وعظ و نصیحه چر کس لرك بر چوغی اهدا ایله رک منفا و غربتی روس حاکمیتده  
قالغه ترجیح ایلدیلر . لکن ۱۷۹۱ ( هجری ۱۲۰۶ ) ده منصور روس لر طرفدن  
اسیر ایلدی . ایرتسی سنه ده کورجستان روس امپراطور لغی ممالکنه ضم اولدی .  
چر کس لرك اهداسنه چالیشان یالکز درویش منصور دکلدی . کوچوک  
قینارچه معاهده سی ( م ۱۷۷۴ هـ ۱۱۸۸ ) ایله قریم استقلالنک قبولدن یعنی  
قره دکزک روس کیلرینه آچیق بولغیسی ماده سی قبول ایلدکن صوکره  
حکومت عثمانیه روس لرك قره دکز سواحل شرقیه سنه ضوغری ده ، زیاده  
حرکات تحکیمیه ده بولنه جقترینی بالتحمین تلاشه دوشمش و چر کس لری مقومته  
تحریکه قرار ویرمشیدی . فرح علی نامنده برتورک ضابطی اداره عسکریه فی  
بر مستملکه تاسیسی ایچون آناپیه کوندرلدی . چر کس لره مناسبه کیریشن  
فرح علینک ایلک ایشی چر کس بکلرندن برینک قیزله ازدواج ایتک ایستسی  
وقیزک باباسنه قیمتدار اسلحه و حیوانات و سائر اهداسی اولدی . فرح علی  
دوکوتی مظنن مراسم ایله اجرا ایتدیردکن صوکره معیتده کی عسکری  
کندی ازدواجنه امتثال ایچون تشویق ایلدی و حتی جمله سنک مصارف جهه  
زیه لرینی تسویه بی تعهد ایتدی . بونک نتایجندن اوله رق برچوق چر کس قدینتری  
اوافق تورک مستملکه سی جماعته داخل اولدیلر و قوجه لرینک دینه کیردیلر  
ویکی مهتدیله خاص اولان برشوق غیورانه ایله قازداشلرندن ، پدرلرندن اسلام  
ایچون مهتدی قازاندیلر . بوندن صوکره فعال بر حرکت تبشیریه باشلادی .  
تورک مستملکه سی اصحابی ایله تماسه کلن چر کس لر بتپرستلک عقائدینی براقه رق  
دین قرآن مینی قبول ایلدیلر . اوراده موجود اولان ملالر تعلیم ارکان دیانت  
ایچون صوکره درجه برشوق ایله چالیشدیلر . عددی مزاید ایتکده اولان مهتدی لرك  
تسهیل معاملاتی ایچون استانبولدن معاونت ایستلدی ؛ فقط فرح علینک حیات  
فعالانه سی قیصه اولدی ؛ چونکه ۱۷۸۵ ( هجری ۱۲۰۰ ) سنه سنده وفات  
ایلشیدی . اوزمانلر قبری اعزده دن برینک تره سی ایش کی زیارت احترامیه لره

منظور اولدی . مع مافیه باشلادیغی ایش دخی کندیسیمیه برابر زائل اولدی .  
آتابه ۱۸۱۴ (هجری ۱۲۲۷) سنه سنده روسلرک اله کچدی . و ۱۸۶۴ (هجری  
۱۲۸۱) تاریخده چرکسلرک مقاومتی روسلر طرفندن تمامیه قیرلدی . آندن  
صوکره تورک طوپراغنه هجرت ایتیمس اولان چرکسلرک عددی یارم میلیونه بالغ  
اولدیغی مرویدر .

روسیه ادارهسی آتنده اورتودوکسلیقدن باشقه بر دینه دونمک قانوناً  
ممنوع ایدی . بناءً علیه مسلمانلنک دها زیاده انتشارینک اوکی آندی که بو حال  
۱۹۰۵ سنه سنده اعلان ایدیلن مساعدات دینیه قرارنامه سنه قدر دوام ایدی .  
بو باده کی امرنامه نک نتایجندن اولمق اوزره آبازه خلقی - که ظاهر حالده خریستیانلغه  
کتورلمش کورنیورلردی - آرتق او قدر کثرتله اسلامه کلمکه باشلادیلر که  
اورتودوکس هیئت رهبانیه سی بوندن طولایی تلاشه دوشدی و نفوذ اسلامیه  
قارشو جدال ایچون بونلر آرسنده پروپاگاندا اجراسیمه مکلف بر جمعیت تشکیل  
ایلدی . [۱]

[۱] فرانسز مستشرق متوفی ( یازیمه دو مه نار ) ک Un Document Turc  
Sur La Circassie عنوانلی برسالمه سنندن .

## آفریقاده کی ملل نصرانیہ آرمہ سندرہ انتشار اسلام

اسلامیت آفریقایہ ایلات دفعہ اولہرق عمرو ابن العاص قومانداسی آلتندہ مصری استیلا ایدن عرب اوردسی طرفندن ادخال ایدلمشیدی . او استیلادن اوچ سنہ صوکرہ بیزانس عساکری مصرک بونجہ کثرتلی اہالی خرسٹیانیہ سنی مسلمان فاتحلرینک انہ براقہرق اورادن تباعد ایشدی . مسئولیلرک موفقیت سریعلری اک زیادہ خرسٹیان اہالی طرفندن کوردکلری خوش آمدی سببہ مبتنی درکہ بو اہالی بیزانس حاکمیتہ قارشو یالکز اداره ظالمانہ سندن طولانی دکل ہمده - وباشلیجه اولہرق - عقائد مادہ سندن متولد کین وغرض سائقہ سیبہ نفرت حس ایدیورلردی . مصر خرسٹیانلرینک اکثریتی تشکیل ایدن یعقوبیلر بیزانس سراینک اورتودوقس طرفدارلری جانبدن بویوک برخشونتاہ معاملہ کوردکلرینی وتذلیل حیثیت ایدہجک حالاتہ معروض قالدقلرینی هیچ بروقت اونوتمامشلردی ؛ حتی بونلرک احفادی زمانمزہ قدر بونی اونوتمامشلردر [۱] . بونلرک بعضیسی اشکنجہ لره دوچار ایدلمش ، بعضیسی دکزہ آیلمش ، برچوغی بیزانس متجاوزلرینک اللردن قورتلوق مقصدینہ بطریقلری آرقہ سنہ دوشہرک سمت نفی وغربتہ قاجمش وبویوک برقسمی ذهاب عقائدیلرینی کیزلی طومتغہ مجبور قالمشیدی . یعقوبی خرسٹیانلری دینیلن مصرک بوقبط اہالیسی عصرلردن بری مملکتلرنده موجود اولیمان حریت دینیهی مسلمانلرک کتوردکلرینہ شاهد اولمشلردی . خراج تادیہسی اوزرینہ عمرو ابن العاص بونلری کلیسالرینہ مالکیتمده سربست براقمش و کافہ مواد کنیسیائیہنک

[۱] بوقفرہ فرانسیز مؤلفی ( آمہ لینو ) نام ذاتک Etude sur le Christianisme en Egypte عنوانی کتابندن .

اداره مختار روسی کندیلرینه تعهد ایتمس و بو وجهه حاکمیت سابقه آلتنده بونجه مزاج ایمی بی موجب اولان مداخله متادیه دن کندیلرینی قورتارمیس ایدی . کذلک کلیسا اموال و املاکندن هیچ برنی هیچ بر وسیله ایله ضبط ایتدیرمدیکی کبی معامله غصب و غارات ارتکابنده میدان بر اقامشیدی [۱] . حاکمیت اسلامیه نك صفحات اولیه سنده قبط خرسیتیانلرینک حالی بو وجهه خیلی مساعد و سربست اولدیغندن مملکتک هر طرفنده بر چوق کیمسه لرك اسلامیه کلمک ایچون ترك دین ایتمک ایستملرینی تعذیبات و قوعنه ویا تضیقات عدالتشکانانه اجراسنه حمل ایچون هیچ بر دلیل یوقدر . حتی اجزای مملکتک تماماً فتح اولمادی بی و مرکز حکومت بولنان اسکندریه نك هنوز مقاومت ایدوب طوزدیغی بر صروده بر چوق کیمسه لر دیانت اسلامیه جهته کچمشلر و بر قاچ سنه سوکره بونلرك کوستردکلری مثاله داها کثرتلی افراد نصرانیه اتباع ایلمشلردی . حضرت عثمانک زمان خلافتنده ( ۶۴۳ - ۶۵۵ ، هجری ۲۳ - ۳۵ ) مصر دن خراج صورتیله کلن وارداتک مقداری اون ایکی میلیونه بالغ اولیوردی . بوندن آز بر مدن سوکره یعنی معاویه دورنده ( ۶۶۱ - ۶۷۹ ، هجری ۴۱ - ۶۰ ) مصر لیلر آردسندله فعل اهتداتک فوق العاده صورتده آرتمسندن طولانی بو واردات بش میلیونه ایتمس ایدی . بالاخره واردات مذکورده داها زیاده ایندیکندن مصر والیسی بعدما اهتدا ایده جکلرك تکلیفات شخصییه ویر کوسندن مستنا طوئلاملرینی تکلیف ایلمشیدی ؛ فقط اوزمانکی متقی خلیفه « جناب حق حضرت محمدی حق و حقیقی طانیغه انسانلری دعوت ایچون ارسال ایتدی ، ویر کو تحصیلدارلغی ایچون کوندرمدی » دیه اوتکلیفه موافقتده بولنماشیدی [۲]

فقط سوکره دن کلن رجال حکومت بویله بر مسلکک موازنه خزینه اسبابندن طولانی دولت ایچون تخریبکار بولندیغی درپیش ایتدیلر واسکیسی کبی مهتدیلرك ویر کو اعطاسنده دواملرنده اصرار ایلدیلر . مع مافیله بویله بر مسلکده دوام

[۱] بومعلومات تاریخی یدنجی قرن میلادی ده یعقوبی نه بسقوسلرندن بوحنانک پارس کتیبخانه ملیسندله محفوظ ال یازیسی خاطر اتک فرانسیزجه ترجمه سندن آلتشدر .

[۲] بوروایت ابن سعدک الطبقاتندن آلتشدر .



تمکن اوله مدی وبالذات والیر مستبدانه و صورت غیر منتظمه ده حرکت ایدر اولدیلر. حفص بن الولید مصرده والی بولنورکن (میلادی ۷۵۴ هجری ۱۲۸) اسلامه کلن هر شخصک جزیه دن استنا ایدیه جکنی وعد اتمسی اوزرینه یکرمی دورت بیک قدر خرسیانک اهتدا ایلدیکی مرویدر. بومآله بر بیاننامه ده خلفای عباسیه نیک برنجیسی اولان السفاح طرفدن مقام حاکمته کلدیکی صروده (میلادی ۷۵۰ هجری ۱۳۳) نشر ایدلمشیدی. بویاننامه ده السفاحک «مالکنک هر طرفه کوندردیکی تحریرانده کنندی دینی قبول ایدوبده کنندیسی کبی جناب حقه عبادت ایدن هر شخصک جزیه دن آزاده قاله جفنی «بیلدیرمیسی اوزرینه زنکین ویا فقیر بک چوق کیمسه لر - موضوع بحث بولنان ویرکونک یوکسکلکی و تکلیفات سائر نیک آغیرلنی سببیه - دین عیسایی انکاره قدر کیندیلر. وفی الحقیقه مصر لیلرک چوغی دوردنچی قرن میلادینک مبادیسنده خرسیانانغی نه قدر سرعت و سهولته قبول ایتشلر ایسه آنی ینه اولیه قولایلق واستعجال ایله ترک ایلورلردی [۱] اولکی تبدیل دینک سرعتمدن بحث ایدنلرک تا کیدلرینه کوره «شرقک دیکر مملکتلرنده اولدینغی کبی مصر لیلر اولیه موعظه تبشیر واسطه سیله دینه کیمورلردی؛ بالعکس پاتیردیلی بر حمای هوس ایله و عیسای مسیحک اسمندن باشقه اتخاذ ایده جکلری دین حقنده برشی بیلمکسزین نصرانیتی قبول ایدیورلردی.»

یدنجی قرن میلادی طرفنده غالباً خرسیانانلق مصرک اکثر ناسی اوزرنده حکمنی بک آز اجرا ایده بیلورلردی. ناسک حسیات نفرت و مخالفتنی بیزانس علمینده تمییح ایچون رؤسای روحانیه طرفندن قولانیلان جاذبه لی کلمات دینه نی انلرک بک آزی ادراک ایده بیلورلردی. اسلامیتک عرب استیلاسی بدایتنده کی سرعت انتشارینی مصر لیلر آره سنده اهتدائی ترویج ایچون وقوع بولمش قطعی تشبثله دکل داها زیاده آنلر آره سنده موجود اولان شکل نصرانیتک بقایه عدم قابلیتته عطف ایتلیدر. یعقوبیلرک آیرنجیه بر طریقت مذهبه اصحابی اوله رق موجودیتلرینک اساسات عقائدیه سی و بونلرک اوزون مدت طرفنده نیجه امکلر

[۱] بسوزلر دخی فرانسز محررلرندن آمه لیتونک - Etude Sur Le Christiani-

sme en Egypte- عنوانی اثرندن آلمشدر.

وزحمتلر بهاسنه الدهه ایدمش اولدقلری ارکان دینیه - ماهیتی مغلق و مفوق الضیعه اولان - احکامده تجسم ایتدیلمش ایدی؛ وشبهه سزجه کیمسه لر او احکامه واساسات اطرافده حکم سورن نهایتسز مباحثه لر دن طولانی حیرته دوشمش و اوصانمش بر خالده اولیه بر مذهب جدیده طوغری دوئمشلردی که او مذهبک ماهیتی « وحدانیت ربانیه و رسالت محمدیه » نك ساده و قابل فهم اولان حقیقتنده خلاصه ایدیه بیلور. قبط کینیساسی اربابی آردسند بیه یکی بر حرکتک اماره سی مشاهد اولیوردی که بواغده آیققدن آچینه اسلامیه دلالت اتمسه بیه هیچ دکلسه آکا تقریبی اراثة ایدر و ایضاحه خادم آریجه تشکیلات کینیسائییه بولمیدیندن تراید اهتدایه یاردم ایش اولدیغی محتمل کورینور. اون ایکنجی قرن بدایتده نیل کنارنده کاش ادفوده اولیادن انطوانه نسبتله یاد ایدیلن مناسترده ( بلاطوس ) نامنده خرستیانلق ارکانه و حیات مزویه اتقا کارانه وظائفنه تاممله واقف و کلیسا قانونی احکامنده متخصص بر تارک دنیا وار ایدی . « ابایس آنی دوزاقلردن برینه دوشوروب یاقه ماشدی ؛ چونکه ازنیقده انعقاد ایش بولنان ( اوچ یوز اون سکز لر ) مجلس روحانیسنک تعلیم ایتدیکی شیلره مخالف افکار بسلمکه باشلامش و اورتودوقس مذهبی حتمنده وقوفی بولمیان بر چوق کیمسه لرک ذهنلرینی فساده اوغراشمیدی . نظرلنده بر نماز اولان عیسی ذی شانک علی العاده پیغمبرلردن بری اولدیغی ملوث آغزلیه تفوه ایدردی . مذهبک الک عادی طاقدن اولان سالنکلی ایه اختلاطده بولنوردی . مناستر نشین لباسی ده کیردی . هانسی دین و مذهبه تابع اولدیغی کندیسنه صور ولدقده الهک وحدانیتنه ایمان ایتدیکنی سویلردی » [۱]

برده پک قبا طرزده نفس اماره دن مجردیتده تجلی دن عبارت اولان بر نظریه نصرانیت - اسلامیتک اخلاقیات انسانیه سی مواجهه سنده - پک از جاذبه کوستره بیلوردی . زماندن زمانه بر کثرت متوسعه ایه اسلامه کللمردن طولانی اهل اسلام ، قبطاری دیگر مذاهب نصرانیه سالنکلردن زیاده اهتدایه مائل تلقی ایدراونشلردی . دفعاتله تعدی و تجزیه یه دوچار اولقله برابر هر حالده بوسیلردن

[۱] بوسوزلر ابوصالح نام شرقی برخرستیان پاپاسنک ( مصدره کی کلیسا و مناسترلر ) عنوانی اثرینک انکلیزجه ترجمه سندن آلمشدر .

طولانی دینلرنی ترک ایدن قبط خرستیانلرینک عددی آنردن کندی اختیارلریه تبدیل دین ایدنلره نسبتله پک آز ایدی . [۱] حتی اون طوقوزنجی قرن میلادی ده مصرکک زیاده مساعدات دینیله بحش ایدن بر مملکت اسلامیله اولدیغی اعتراف ایدیلورکن بیله هر سنه قبطلردن دین اسلامه کچن بر جوق کیمسه لر کورلمشدر . مع هذا وقتیه قبط خرستیانلرینک تنزیل عدد نفوسنده ظم و تعدینک خیلی دخلی اولمش و - کرک دیگر بر مذهب نصرانیت سالکالرینک ، کرک صوکرادن حاکم اولان مسلمانلرک الوردن - مصرده کی بو یعقوبی خرستیانلرینک چکمش اولدقلری عذابلرک حکایه سی پک خزین بولمش و بونلرک بر چوغی آغیر ویرکران و ناقابل تحمل حقارتلردن قورتلق ایچون دین اجدادی ترک ایتمشدری . قبط خرستیانلرینک حالیه سوریه ، فلسطین و اندلسده کی خرستیانلرک احوالی آره سندده کی فرق عظیمک ایضاحی قبطلرک اخلاقده کی شمانه حیلقده آرانور . غالباً اوزون بر مدت سورن - کنیسائی واداری - بیزانس استبدادی قبطلرک غیرت متعصبه اصحابی اولجه رومک و بالاخره عربک یابانجی اولان حاکمینه قولایلته رضا کوستره مین بر فرقه ملیه حاله صوقمشدر . میلادک ۶۵۶ ( هجری ۲۶ ) تاریخنده یکی حاکمیه قارشو وقوعه کلن بر قیامده قبطلر بر مدت ایچون عربلری اسکندریه دن طیشسازی پوسکورتمشدر و حتی شهرک قاپولرینی بیزانس عسکرلرینه اچمشدری . حال بوکه بیزانلر قبطلرک مقدا مسلمانلره کوسترمش اولدقلری حسن قبولی اونوده مدقلردن ایچری کیرنجه زواللی قبطلره دشمن معامله سی ایتمشدری . مذکور قیام ، فاحش ویرکولر سببیه تحدث اتمش اولان بر طاقم طغیان و عصیانلرک برنجیسیدرکه قبطلری مدھش انتقاملره معروض براقمش و مصرکک بو یعقوبی خرستیانلرینک طالعنی کرک او مملکتده و کرک سائر دیارلرده حاکمیت اسلامیله آلتنه کیرن دیگر خرستیان مذاھبی اصحابنک طالعندن داها الیم برشکله صوقغه سبب اولمشدر . فقط بوکجه وقایعک حکایاتی بو کتابدن زیاده مسلمان مظالمی روایاتندن بحث ایدن تاریخلره

[۱] بوفرنک مالی ( لیس ) نام انکلیز مورینک Manners And Customs of the Modern Egyptians عنوانلی کتابندن آلمشدر .

تعلق ایدر . مع مافیه قبضتک حالی دائماً مظلوم اوئش بر مذهب اجماعتک حالی کبی تاقی ایدنیه جکئی سویئک لازم کلور ؛ بالعکس بونلردن دولتک بویوک اهمیتی . حائر و تخصیصات بالغه اخذینه مساعد مقامات رسمیه سنه نائل اولانلرده کورمئشدر . دوائر حکومتده بر چوق میز و کاتب مقام برینده طولیدر مشلردی . ویرکو طرحنده چوق کره بونلر مأمور ایدیلورلردی . بعض احوالدهده شخصلری ایچون بویوک ثروت ادخارینه موفق اولمشلردی . کندی قیودات کنیسائیله ری راهبرندن بر چونک امرای مسلمه طرفندن بویوک لطفکارلقلره معامله کوردکلرینک امثالنی بزه ارائه ایدر [۱] بو امرانک زمان اداره لرنده خرستیانلر آسایش تامهیه مظهر اولورلردی . بر چوق خرستیانلری شخصیت معنویه مسلمینه مزج ایدن بر حالده کنیسانک ایشته بویله بر دور سکونت و آسایشده بولندیغی وقته عائددر .

صلاح الدین ایوبینک مصرده کی دور حکومتنده ( ۱۱۶۹ - ۱۱۹۳ ، هجری ۵۶۵ - ۵۹۰ ) خرستیانلرک حالی بو حریتپرور ذاتک سایه سنده یک مسعودانه ایدی . بونلر اوزرینه اولجه طرح ایدلش بولنان ویرکولرک بعضیسی تزییل و بعضیسی تمامیه الغا ایدلمشیدی . خرستیانلر کاتب ، مقید ، محاسبه چی صفتلریله دوائر عمومیه بی طولیدر مشلردی . صلاح الدینک خلفلری زمانندهده یوز سنه قدر عین توجه ، عین مساعدادن مستفید بولنیور و کندی هیئت رهبانیه لرینک دوشمش اولدیغی ذلت و منهکم بولندیغی سوء استعمالدن باشقه شکایت ایده جک برشیلری بولنیوردی . بو هیئت رهبانیت ، تجارت روحانیت ایله زیاده جه مشغول اولیوردی ؛ چونکه پاپاسلقلر جاهل و فاسق اشخاصه صاتیلیور و مقامات اعزه ذالبلری توجیه صفت روحانیه ایچون کندیلرندن ایستیلن آجه نی تادیه ایتدکلری تقدیرده - اهل والیق اوله بیلملری احتمالنه رغماً - طعن و تزییف ایله قوغیلور - لردی . بو حالک نتایجندن اولمق اوزره خلقت روحانی و معنوی تعلیمی تمامیه

[۱] بو صوک عبارلر ۱۷۱۳ سنه سنده پارسنده طبع اولنان و ( ره نودو ) نام کیمسه طرفندن لاینجه بازیلان *Historia Patriarcharum Alexandrinorum Jacobitarum* عنوانی کتابدن مأخوذدر .



مہمل بر اقلمش و حیات دینہدہ ایسہ آجینہ جق صورتہ بزوال کورنمشیدی . احوال کنیسائیہ او درجہدہ بر فسادہ او غرامشیدی کہ یتش دوردنچی یعقوبی بطریق اولان یوحانک ۱۲۱۶ تاریخ میلادیسندہ وقوع وفاتی اوزرینہ خلقنک اتخابی ایچون زقیب فرقه لردن هر برینک کندی نامزدینی ایلری سورمک خصوصندہ وقوعہ کلن حرصلی و ناقابل تألیف مجادلہلری یکرمی سنہ قدر سوردی . بوتون بو مدت ظرفندہ متعارضلر بو خیاسزجہ مجادلہلرک شناعت وخیمہ و ستایج مضرہسندن زیادہ عقورانہ و معندانہ اولان فرقه جلیق ہوسلرینہ عطف دقت ای دیورلردی . او وقتک مصر سلطانی فرق متخالفہنک آردسنی بولمق ایچون بر قاچ دفعہ چالیشمش و نفوذ رسمی تضیقہلہ آرزو ایدیلن نامزدی اتخاب ایتدیرمسی ایچون بش ، یدی و نہایت اون بیک دانہ آلتون آجہدن مرکب رشوت تکلیف لری زدا ایش و داها ایلری کیدہرک بر بطریقک تأدیہ ایلمسی معتاد اولان اجرت رسمیهی - مجادلہلری بر اقوبدہ بر موافقت افکار وجودہ کتوردکلری تقدیردہ - آلمیہ جغنی وعد ایش ایدی ؛ فقط بو مساعینک هیچ بری مقصدہ خادم اولدی . عین زماندہ بر چوق ٹہسقیوسلقلر منحل قلمش و بو فاصلہ صرہسندہ وفات ایدن مرخص و پاپاسلرک بر لری طوتہ جق کیمسہلر بولنہ . مامشدی . غربیہ نواحیسندہ کی ٹہسقیوسلق دائرہ ادارہ سنہ منسوب خرسٹیانیلر بویلہ جہ تمامیلہ مہمل بر اقلمش اولدقلرندن طولانی اسلامہ کشلردی . [۱] قبط کنیسائی حقندہ بو واضح معلوماتی ویرن مؤرخک بیاناتہ - مصر خرسٹیانیلری کندی دینلرینہ کتورمک ایچون مسلمانلر طرفندن قطعی اولہرق چالیشلدیغی حقندہ - علاوہ ایدہ جک معلوماتز موجود دل . بویولدہ مساعی صرف ایدلریکنہ دائر شہہ ایتمکہ پکدہ محل یوقدر ؛ علی الخصوص زقیب اولان ایکی دینک مزیت نسبیہلری اوزرینہ خرسٹیانیلر طرفندن مباحثات علیہ اجرا ایدلمش و مدعیات محررہ وجودہ کتیرلمش اولسندن طولانی اوکی مساعی اہتدائیہنک وقوع بولمش اولدیغی شکدن آزادہ قلور . بو اہتدالرک

[۱] بوفرہ ( وائس لہبن ) نام مؤلفک ۱۶۷۷ دہ پارسدہ مطبوع Histoire

de l'Eglise d'Alexandrie عنوانی کتابندن آلمشدر .

تصدیقات ظالمانه دن منبعث بولمادیغنی طوغریدن طوغری تاریخک شهادتندن آکلارز . شویله که : بطریقلغک مذکور دور زوالی مدتیجه جماعته عبادت ایچون حریت تامه وکامله موجود ایدی ؛ کلیسالرینی تعمیره وحقی یکی کلیسالر انشاسنه جماعت مذکوره مأذون ایدی ؛ اولجه آت واستره بنمکدن منع ایدمش اولدقلری حالده بو صروده ممنوعیت مذکوره اورتهدن قالقمش بولنیوردی ؛ مالک اولدقلری محاکم مخصوصه ده دعوالری کوریلنیوردی ؛ مناستر نشین رهبان خراج ویرمکدن استننا ایدمش و آنلره بعض امتیازات بخش اولمشدی .

بالاده مذکور حادثاتک قبض خرسیتانلری آرهسنده توسع اهتدایه نه درجهیه قدر یاردم ایتمش احوال دن اولدیغنی قطعیتله بیان مشکلدرد . بومهملیت کنیسائییه مشابه برحالده اون یدنجی قرن میلادیده مصر علیاده سیاحت ایتمش اولان ایکی (قاپوسین) طریقت نصرانییه سی میسیونره لرلی طرفندن ذکر ایدلمشدر . شویله که : بونلر لقصرده کی قبطلر آرهسنده هیچ برپاس بولمادیغنی کورمشلر واللی سنه دن بری نه اعتراف ذنوب ، نه ده عشای ربانی مراسم دینه سنک اجرا ایدندیکنی ده او کورمشلردر . ایدی بوکی احوال مواجهه سنده اقباط مصریه عددینک سبب تناقصی قولایقله آکلایشیلور [۱]

اسکندریه یعقوبی بطریقلغک زیاستنی - زمانمزه قدر حبشیلیرک طایدقلری مثللو - طائیش اولان نوبیا قطعیه سی (یعنی مالک بربری) کنیسانک دخی اوکی براهمال ، غالباً زوالنه یاردم ایتمشدر . بربریلر آلتنجی قرن میلادینک اواسننده خرسیتان دینه کتورلمشلردی . بربریلر استقلاللرینی مصرک عربلر طرفندن استیلاسندن صوکره دخی محافظه ایتلمشلردی . عرب فاتحلری بربریلر ایله بر معاهده عقد ایتلمشلردی که بونک موجبنجه بربریلر قرقی مصر والیسی ایچون اولمق اوزره هر سنه درت یوز اسیر ارسالنی ، عربلر دخی بالمقابله یاغ ، حموبات و ملبوسات اعطاسنی تعهد ایتلمشلردی . المعتصم دورنده ( ۸۳۳ - ۸۴۲ هجری ، ۲۱۸ - ۲۲۸ ) طرف خلافتدن بربریلره برهیئت سفارت کوندریلیرک معاهده مذکوره تجدید ایدمش و نوبیه قرالی مقر خلافتی زیارت ایدرک آلیش و مراسم

[۱] (توه نو) نام فرانسز مؤلفنک ۱۶۶۹ سنه سنده طبع ایدیلان Relations de Divers voyages curieux عنوانی آرندن مقتبسدر .

ایله استقباله مظهر اولمشیدی . بوقرال بالاخره کرانها هدیه لر آلهرق مملکتنه کیتدی [۱]

اون ایکنجی قرن میلادی ظرفده بربریلر حالاخرستیان دیننده بولنیورلردی و استقلاللرینی - مصردن کندیلرینه قارشو کوندلرلش اولان قوای سفریه نك تعرضاتنه رغماً - حالا محافظه ایدیورلردی . [ ۲ ] میلادك ۱۲۷۵ سنه سنده بربرستان قرانك یکنی مصرسلطانندن برقطعه معاونه عسکریه آلهرق عموجه سی علیهنه یورومشیدی . بو عسکرلرک یاردمیله عموجه سی خلع ایتدی و بوکا مقابل مملکتك اك شمالی بولنان نواحیسی مصره الحاق ایدلدی ؛ فقط اورا خلقی خرستیان قالغی اختیار ایلدکلرندن آنلردن هراړكك باشنه سنوی بردینارخراج آلدی . مع مافیه مسلمانلرک آمریتی چوق سورمدی و بربریلر استقلاللرینی تکرار الده ایتشلردی .

لکن بلاد بربریه ده داها عصرلرجه مقدم بر طاقم طوائف عرب توطن ایتش و نیل ازرق حوالیسنده بولنان عربلر اونجی قرن میلادیده نفوسجه او قدر تکثر ایتشلر و او قدر کسب ثروت ایتشلردی که عاقبت بربرستانك خرستیان قرانك پایتختی بولنان ( صوبا ) ده برمسجد انشاسی صلاحیتنی استحصاله موفق اولمشلردی .

اون اوچنجی و خاصه اون دردنجی قرن ابتداسنده ( نوبیه ) قطعه سنه مهاجرت شکلنده عربلر طرفندن عمومی بر دخول و خلول حرکتی وقوعه کلیوردی . بالخاصه ( جهینه ) قبیله سی او مملکتده تمکن ایلدکن صوکره افرادندن برچوقلری یرلی قادینلریله ازدواج ایتشلر و کیت کیده امرای مملکتك قوتلرینی قیره جق درجه ده کسب قدرت ایتشلردی . [ ۳ ] ابن بطوطه اون دردنجی قرن ظرفده بربریلرک حالاخرستیان بولندقلرینی فقط باشلیجه شهرلری اولان ( دونغولا ) ده [ ۱ ] ایشوق اسمنده بر ارمنی راهی طرفندن یازلمش قدیم بر تاریخك فرانسزجه ترجمه سندن مأخوذ .

[ ۲ ] مقریزینك قبط تاریخ مختصرندن .

[ ۳ ] بو روایت ( بهرگر ) اسمنده بر آلمان مؤلفنك Zur Geschichte Des Oestlichen Sudar عنوانی سودان شرقی تاریخندن مأخوذ .

اوطوران قرالک مصر مملوکبری امراسندن (ناصر بن قلاون) دورنده اسلامه کلدیکنی بیلدیرر . اون بشنجی قرن میلادیده مصر طرفدن کوندلمش اولان متعدد قوای سفریه دن هیچ بریسی فتوحاتی برنجی ساله نك جنوبندن دها ایلری یه کوتورده مه مشیدی . حال بوکه خرسیتیانلق نیل علیا اوزرنده بولنان (سنار) حوالیسنه قدر انتشار ایتمش بولنیوردی . نوبیه نك خرسیتیان قرالغی قسماً اختلاف داخلیدن ، قسماً ده حدود مالکنه عربله زنجیرک عجوملرندن طولایی زواله ایردی .

مع مافیہ بوتون بو زمانلر اسلامیت مسلمان تاجر و زائرلری طرفلرندن داخل مملکتده ترویج ایلمشدر . مقریزی ، اون بشنجی قرنک بدایتلرنده یازدیغی برارده ، عرب مؤلفلرینک آثارنده نادراً کوریلن برشیدن - یعنی میسیونرنک روایتندن - بحث ایدر . ابن سالم الاصوانی طرفندن نقل ایدیلمش بو روایت مسلمانلق پروپاگانداسی فعالیتلری حقتده مجسم بر تصویر بولمسنندن طولایی شایان مطالعه کورلمشدر . واقعا حکایه نك موضوعی اولان مهتدی اصلاً بربری اولمقدن باشقه خرسیتیان دخی دگیش ؛ فقط قصه منقوله اون بشنجی قرن میلادیده بررستانده وقوعه کتمش بر مسلمان تیشیری شکلی ارائه ایدر ؛ شویله که : ابن سالم الاصوانی نوبیه امراسندن برینک (مکاره) ده کی سراینده بر آدمه راست کلور که بونک مملکتی نیلدن حرکتله اوچ آیده واریله بیلن بر مسافه ده کائن ایتمش . دینی نه اولدیغی بو آدمدن صورلدقده « بنم و سنک ، کائنات ایله کافه بشریتک خالق اولان رب در و مکانی سماواتده در » دیمش . مملکتنده قحظ ظهور ایدر ویا خلقه مهلک بر مرض عارض اولورسه بوتون وطنداشلری یوکسک بر طاغک تپه سنه چیقارلر و رب تعالی دن تضرعه ده بولنورلر مش . نیازلری قبول ایدیلمش و دها طاغک اتکلرینه اینمزدن اول حاجتلیرینی تسویه ایلمش بولورلر مش . وقوعه کلن دیگر بر سؤال اوزرینه بو آدم کندیلرینه اصلاً بر پیغمبر ارسال اولمدیغی اعتراف ایتمش ، ابن سالم الاصوانی ایسه موسی ، عیسی و محمد مثللو پیغمبران حضرتانک نبوتلرینی و بونلرک جناب حقت معاونت الهامیه سیله کرامتله کورتمش اولدقلرینی آکا حکایه ای دنجه اوده « اکر



بوشیلری یا بمش ایسه لر حق و حقیقت آنلرله برابر مش ؛ بنده آنلره اینانورم «  
دیمشدر [۱] .

نوبیه خلقی آهسته و تدریجی صورتده نصرانیتمدن اسلامیه طوغری آقوب  
کیتمشدی . کنیسا دخی احوال روحیه جه بر درکهٔ اسفله دوشمش اولدیغندن  
واهل کنیسا ایچنده هیچ بر حرکت اصلاحات ظهور ایتدیکندن و حدود  
وطیه نك ایلریسنده بولنان دیکر کنیسای نصرانیتلر ایله تماشای غائب ایلمش  
بولندیغندن آمال روحیه نك تجلیسنی دین اسلامده آرامق ایستملری طبیعی  
ایدی . بودینك اصحابی ایسه چوقدن بری نوبیه لیلر آره سنده آنك پرحیات  
اولان قدرتندن نشانه کوسترمکده وداها او زماندن بعضلرینه آتی قبول  
ایتدیرمکده ایدیلر . میلادك ۱۵۲۰ ایله ۱۵۲۷ ( هجری ۹۲۷ ایله ۹۳۴ )  
سنه لری آره سنده حبشستانده سیاحت ایدن بر پورتکیز پایاسی بر بریلرک  
بولندقلری حال انقلابك سکانی بروجه آتی نقل ایتمشدی ؛ بوراهب دیمشدی که :  
« بر بریلر او زمان نه موسوی ، نه عیسوی ، نهده محمدی ایدیلر ؛ آنلر  
دیانتسز ، شرایعسز بر حالده بولنیورلردی و مع مافیہ خرسیتیان سکننده یاشامق  
ایستیورلردی . » فی الواقع بر بریلر کندی راهبرینك تقصیراتی سببیه قره  
بر جهالت ایچنده قالمشردی ؛ صوکره لری آره لرنده هیچ بر نه پستقپوس و حتی  
هیچ بر پایاس بیله بولنماز اولمشیدی . بوندن ناشی حبشستانه ایلچی کوندره رک  
اورادن پایاسلر ایستدیلر ؛ فقط حبش قرالی اسکندریه بطریقك رخصتی  
اولقمسزین بو قبیل معلمین عقائده کوندرمیه جکی جوابنده بولندی . آندن  
یوز سنه قدر بر زمان کیچدکدن صوکره نوبیه قطعه سننده « زهبان معلمه  
قالدیغندن طولانی » خرسیتیانلق تامامیه غائب اولمشیدی . مملکتك هر طرفنده  
کلیمالر کاملاً قابلی قلمش زوریوردی . نوبیه لیلر هر طرفدن کلیمکه اولان  
نئوز اسلامیتك جریاننه قاپلیدیلر . بو جریان ایسه شهسز عصر لردن بری  
نوبیه قطعه سننده سیاحت ایتمکهٔ اولان مسلمانلرک مساعی اهدائیه نرینك  
خیلی یاردمی طوقوندی . شمالد نیل بو نیجه ایلمریلین و او نهرک ساحله یقین

حوالیسندہ تأسیس اداره ایدہ کلن عرب قبائلی بولنیوردی . جنوبدہ ایسہ  
توبیہ لیلری حبشستانہ مربوطیتدن آیران ( بلوس ) نام قبیہ بولنیوردی .

اون آلتنجی قرن میلادی ہبادیسندہ بوبلوس خلقی اسلام دیندہ بولندقلری  
حالدہ حبشستانک خرسیتان قرانہ خرچگذار ایدیلر . بو خلقک بلیون طائفہسی  
اقسامندن عد ایدیلہ بیلملرینہ ومؤرخ ادریسی نک بلیونی یعقوبی خرسیتانلری  
اولمق اوزرہ ذکر ایلمسہ نظراً بونلرک او تاریخدن همان بر قاچ سنہ اول اسلامہ  
ککش اولملری احتمالی تظاهر ایلر . بونلر دخی اوزمان مرکز ادارهسی سنار  
اولان پک قوتلی بر حکومت اسلامیہ بہ التحاق ایملرلدی . بونک احمد غران  
قومندانسندہ کی اوردوسی ۱۵۳۴ ( ہجری ۹۴۱ ) تاریخندہ حبشستانی استیلا  
ایلہرک جنوبندن شمالنہ قدر یورودیکی صردلردہ - مملکتی سنار ایلہ حبشستان  
آرہسندہ بولان و مسلمان اداره بہ مالک اولمقلہ برابر حبش حکمدارینہ خرچگذار  
اولان مذاقہ سلطاننک اوردوسیہ برلشمش ایدی . بو سلطانک قوای عسکریہسی  
آرہسندہ اون بش بیک قدر توبیہ لی افراد بولنیوردی کہ ویریلن تفصیلاتہ نظراً  
بونلر مسلمان ایدیلر [۱]

توبیہ لرک اہتدالری حقندہ کی معلومات بو وجہلہ غیر کافی و طاعنق اولمقلہ  
برابر بو خلقک طبیعت استقلالپرورانہ لرندن و اوزون مدت دین نصرانیتہ شبانہ  
صارلمش بولندقلرن دن استدلالاً تبدیل دین ایلہ اسلامہ کلرینک اعصار عدیدہ  
ظرفندہ تدریجی صورتدہ وقوع بوئش اولسنہ حکم ایتمک لازم کلور .

شیمدی حبشیلر آرہسندہ کی انتشار اسلام تاریخنہ نقل کلام ایدلم : —  
حبشیلردہ توبیہ لرکی یعقوبی کنیساسی سالکلرن دن بولمقلہ برابر خرسیتانلغی  
آنلردن ایکی یوز سنہ قدر مقدم قبول ایملرلدی . عرب مهاجرتنک طائفہ لری  
سواحل غربیہسی حبش قرالغنی احتوا ایدن بحر احمری قبل الاسلام دکل  
آنحقی عربستانک اہتداسندن بر قاچ یوزسنہ صوکرہ آشوب کیتمکہ باشلاملرلدی .  
اوننجی قرن میلادی بہ قدر حبشستان ساحلندہ کائن قصبہ لردہ بالکز بر قاچ

[۱] بو تفصیلات ( عرب فقیہ ) دیہ تلفب ایدن شہاب الدین احمد نام بر مسلمان  
مؤلفنک فرانسزجہ بہ مترجم حبشستان فتحی تاریخندہ ویرلمشدر .

مسلمان عائہ سی ساکن بولنیوردی . اون ایکنجی قرن صوکارندہ ایسہ برعرب خاندانک تأسسی بعض نواحی ساحلیہ بی حبش قرالغندن آیرمغہ سبب اولدی . و ۱۳۰۰ (هجری ۷۰۰) سنہ سندہ ابو عبدالله محمد اسمندہ برمسلمان میسیونہری حبش ممالکی داخلہ کیرمتس و خلقی اہتدایہ دعوتہ باشلامش ایدی . ایرتسی سنہ بو آدم اطرافنہ ایکی یوز بیک کشی طوپلایہ بیامش و بعدہ (عمہارا) حاکمتنہ بالہجوم آنک قوتلریلہ مکرراً چارپیشمش ایدی [۱] حبش قرالی (صیفا ارعد) - کہ ۱۳۴۲ - ۱۳۷۰ (هجری ۷۴۳ - ۷۷۲) سنہ لری آرہ سندہ حکومت ایتشیدی - مملکتندہ کی مسلمانلرہ قارشی تدابیر عاجلہ . اتخاذا ایلدی و بونلرک خرستیانلغی قبولدن امتناع ایدنلرینی یاقتل عام ایتدیردی و یا مملکتندن سوروب چیقاردی [۲] بو عصرک صوکلرینہ طوغری محاربات داخلہ دن طولانی مملکتک گرفتار اولدیغی قارغشلق سواحلدہ متوطن طوائف ایچون بوتون ساحل بوینہ حاکم کسلیمکی و حبشیلری داخلہ طوغری قاچیرمغی دائرہ امکانہ صوقدی . قرال (باعیدا مریم) ک زمان حکومتندن اوزون برقسمنک مملکتک شرق حدودلرندہ عربلرہ قارشو محاربه ایتمکہ کچدیکی مرویدر . اون آلتنجی قرن مبادیسندہ حبشستان ایلہ بحراحمک منہای جنوبیسی آرہ سندہ کی حوالی دہ مؤسس اولان عدال حکومت قویہ اسلامیہ سی و دیگر بعض طوائف مسلمہ او خرستیان دولتنہ شدتہ محاصم بولندقلری حالہ دیگر بعض طوائف عرب دخی آنک اطاعتلی خرجگذاری ایدیلر ؛ یعنی مصوع جہتلرندہ بولنان عربلر حبشستان امراسنک حیوانلرینی بسرلر و محافظہ ایدرلر و اوتوزر ، قرقر کشیدن مرکب قافلہ لر حالندہ قاریلری و چوققلریلہ برلکدہ کوجہ لک ایلرلر و بو قافلہ لر دن ہر برینہ بر خرستیان بر نوع سر کردہ لکدہ بولنوردی . بعض مسلمانلر دہ خرستیان قرالک خدمتندہ مهم مقاملر اشغال ایدرلردی . بونلر دن بعضیلری مسلمانلغہ صادق قالدقلری حالہ دیگر لری مملکتندہ موجود اولان دیانت حاکمینی (خرستیانلغی) قبول ایشلرلردی . بو مسلمانلرک حبش نجاشیسنہ خرجگذار

[۱] روایت مقرزیندن .

[۲] علوم عربیہ متوغللرندن (رہ نہ باسہ) نام فرانسزک Etude sur l'Histoire d'Ethiopie, عنوانی کتابندن .

اولميرينك نه افاده ايتديكنى تعيين مشكلدر . ( هاديه ) مسلمانلرى خراج ايله برلكده هر سنه قراله بركنچ قيز اعطاسنه مجبور ايديلر كه بوقيزك دخى خريستانلغه كيرمسى لازم كلوردى . بو عادت ، زمان قديمده مذكور عربلرله عقد ايدمش اولان بر معاهدهيه مستند ايدى كه آنك موجبجه حبش حكمدارى - دها قوتلى و شوكتلى بولمق سببندن طولاني - آنلرى بو تعهدك اجراسنه سوق ايدردى . بوندن ماعدا مذكور عربلر سلاح طاشمقدن و حربيه ياراين آتاي اوزرلرنده بولنديرمقدن و آه بىندكلرى زمان نه كر قوللانمقدن منع ايدمشلردى . بونلر ، اوامر مذكورهيه مطاوعتلىرىك تشريح اسبابى صددنده : « تاكه قرال بى قتل و مسجدلرمزى تحريب ايتدريمه ؛ قرال خراجى طوپلاتديرمق وكنچ قيزى آلديرمق ايچون آدملىرى كوندردىكى زمان بز او قيزى بيقارز ، لباس ايدهرز و بر ياتاق اوزرينه قورز ؛ صوكره آنك باشى اوچندن امواتمرك روحنه دعالرفع ايدر وقرالك كوندردىكى آدملره تسليم ايلرز » ديرلردى [۱] . خراجه كسيان بومسلمانلر حبشستانك غربدن سناره متوجهاً امتداد ايدن شمال حدودنده بو قراليتك جنوب و جنوب شرقى طرفلرنده كورينورلردى . بومسلمانلرك - محتلاً ياشادقلىرى - خريستانلر اوزرلرنده نه كى بر نفوذ اجرا ايدكلرى و عصر حاضرده اولديغى كى اسلامه مهتدى قازانديروب قازاندير - مدقلىرى سويك يالكز تخميندن عبارت قالور . مع مافيه عدال طرفلرنده كى مستقل مسلمان اميرى احمد غرانك اصلاً بر خريستان راهبك اوغلى بولنديغى و پدرينك مملكتنى ترك ايله عدالده ساكن اولديغى ۱۵۲۸ ايله ۱۵۴۳ ( هجرى ۹۳۵ ايله ۹۵۰ ) سنه لى آره سنده حبشستانى استيلا ايمش بولنديغى و بونك اوزرينه برچوق خريستان رؤساسنك طائفه لريله برلكده مظهر مسلمان اوردوسنه بالالتحاق اهتدا ايمش بولندقلىرى محققدر . فقط بو وقايك دورينه معاصر اولان بر مسلمان مؤلفى [۲] بو اهتدالردن بعضيسنك نتيجه خوف اولديغى و يكي مهتديلردن بعضيلرينك بيعتلرنده كى صميميتدن شهبه ايدليكنى قيد ايدر . مع مافيه اهتدالرده كى بومشكوكيت ، عموميت اوزره مشهود دكلدى ؛

[۱] عرب فقيهك بالاده عنوانى مذكور حبش تاريخى ترجمه سندن

[۲] عرب فقيه .



بالعکس متعدد نواحی ده بویوک مقیاسارده عدد اهتدالر کورنمسی ماده اهتدالک بر حرکت عمومی شکلنده بولنمش اولدیغی ظنی ویرر . اسلامه کلن امرا - کندی مثالرینه اتباع ایچون - معیتلرنده کی عساکری اقناع خصوصنده بالذات اعمال نفوذ ایلمشلردی . اولجه حبش قرالک خدمتنده بولنمش اولان مسلمان امیرلر ایله مملکتلرینک مظفر بر مسلمان اوردوسی طرفندن استیلاسی فرصت صایه رق خرستیانغه مربوطیتی و خرستیان قراله تابعیتی همان ترک ایدیورن و مسلمان اولدقارینی اعلان ایلین کیمسه لر بو اهتدالره آلت مخصوصه کیلمشلردی . بو کیلردن برینسک ۱۵۳۱ ( هجری ۹۳۸ ) سنه سنده احمد غرانه یازدیغی مکتوبک مالی شو و جهله در : « بن اولجه مسلمان ایدم و مسلمان اوغلی م . مشرکلر طرفندن اسیر آلمش و جبراً خرستیان یالمشدم . مع مافیه قلباً دین حقه صاریله کلدیم . شیمدی اول الله ، صوکره پیغمبر و داهای صوکره سنک طرفکدن سخابت ایدنک اوزره التجا ایلورم . ندامتمی قبول ایدر و یامش اولدیغیم شیدن طولایی بنی تجریم اینز ایسه ک توبه ایدرک الله تعالینک حق دینه عودت ایده جکم و قرالک معیتنده بولنان عسکرلرینک دخی سکا بالالتحاق مسلمان اولملرینک وسائظنی بوله جغم . » فی الواقع امری آلتنده کی عساکرک قسم اعظمی آتی تعقیب ایتمشیدی . قادینلر و چوققلرده داخل اولدیغی حاده بونلرک عددینک یکریمی بیک کشیک بر قافله یه بالغ اولدیغی مرویدر .

فقط او وقتلر شرقده بویوک بر نفوذ و قوته مالک بولنمش اولان پورتکیزلرک یاردیمله حبشیلر مسلمان فاتحلرک بویوندیریغی آلتدن قورتلغه موفق اولدیلر . و ۱۵۴۴ ( هجری ۹۵۰ ) سنه سنده وقوعه کلن بر محاربه ده احمد غران قتل اولندی . مع هذا داخل مملکتده اسلامیت اویله بر صورتده کویک صامش بولنیوردی که اون آلتنجی قرن میلادی ده حبشستانده تجدد ایتمش اولان شورشلر آنک دوام موجودیتنه یاردم ایتدی ؛ زیرا بر برینه رقیب اولان خرستیان کینسالری دشمن مشرکلرینک احواله دقت ایده میه جک درجه ده بر بریله خیر پالشمقده بولنیوردی . برده ژه زوئیت و سائر قتولیک میسیونه لرلرینک کندی مذهبیرینه سالک قازانمقده کی موفقیتلری ایله پورتکیزلرک حبشستان امور اداریه سنه فعلاً

مداخله ایلمکده بولملری حبش خرسیتیانلرینک عوام ناسی آره سنده شدنه بر حرکت مخالفت او یاندرمشیدی؛ وفی الواقع بو مخالفت حسیاتی اوقدر آرمشیدی که بعض حبش رؤسای پورتکیزلرله متفق قالمقدن ایسه مسلمان حاکمیتنه تسلیمی ترحیح ایده جکلرینی علناً سویلورلردی. یاری دینی، یاری وظنرورانه اوله رق اورته یه کان حرکت مذکوره او یله بر مقیاسده توسع ایلدی که ۱۶۳۲ (هجری ۱۰۴۲) سنه سنده پورتکیزلرله ساثر اجنبی خرسیتیانلرینک مملکتدن کاملاً طردلرینه منجر اولدی. بوندن سو کره حبشستانک حالی مدھش بر سورش و تشوش کسب ایلشیدی. غللا عرقنه منسوب اولان قبیله لر بو حالدن بالاستفاده مملکتک مرکزینه طوغری طریق دخول بوله رق زمانمزه قدر اوراده قالمشدر .

او صره لرده اسلامیتک مظهر اولدینی درجه ترقی اون یدنجی قرن سیاحلرندن برینک شهادتیه تخمین ایدیه بیلور. بو سیاح دین اسلام سالکلرینک مملکتک هر طرفنده تکثر ایلدکلرینی و مجموع اهالینک نلتی تشکیل ایتدکلرینی یازمشدر [۱] آندن یوز سنه قدر سو کره طریق محمدی سالکلری اوتده بروده وقوعه کلن منفرد اهتدال واسطه سیله تدریجی صورتده آرمشیدی. مملکتده قوتلی بر حکومت مرکزیه بولمامسی مسلمانلره شدته مائل اولان بعض اوفاق و فقط مستقل رؤسانک عصیانلرینی مروج اولمش و بوده حبش امراسنک قانون مملکتجه خرسیتیان دینده بولملری معین اولسنه رغماً وقوع بولمشیدی. بعض مسلمانلر ایسه حبش اصیلزادکانی مرتبه سنه نائلیت ایچون اسلامدن قطع علاقه ایله خرسیتیانغی قبول ایلمش کبی کورنیورلر و بو طریقله والی اوله بیله جکلری خرسیتیان اهالی یه مالک حوالی ده انتشار اسلام امنیه سیله اعمال نفوذ ایلورلردی. بو دینک حبشستانده کی اسباب موفقیتک باشلیجه لرندن بری ده مسلمانلرک حبش خرسیتیانلرینه نسبتله مالک اولدکلری تفوق اخلاقی بولندینی آکلاشیلور. آلمان سیاحلرندن (ادوارد روپل) نام ذات « بر مقام حکومته پک ناموسلی و شایان اعتماد برکیمسه نک تعینی ایستلدیکی زمان اتخابک مسلمانانصاب

[۱] مانوئل دله بیدا نام مؤلفک Histoire de la Haute Ethiope نام اثرنده

ایلیکنی « حبشستانده کی سیاحتی صرہ سنده مکرراً کوردیکنی یازار [۱] و علاوہ دیرکہ : « مسلمانر داها فعال ، داها جہدلی اولورلر . هر مسلمان اوغلنه ویا اوغلرینه او قومق ویا زمق او کرتدیرر . حال بوکہ خرستیان چوجقلمری یالکز پاپاسلق مسلکنہ کیرمک ایستدکلری تقدیرده تدریس ایدیلورلر : »

مسلمانلرک خرستیانلر اوزرینه اولان بوتفوق اخلاقیلری اون سکزنجی واون طقوزنجی قرنلر ظرفنده اسلامیتک تدریجی اولقله برابر دواملی صورتده اسباب انتشارینی بالغاً مابلع ایضاحه کافیدر . خرستیان رهبانک عطالت وذلتی ، خرستیان رؤسانک تمز توکنمز عربدهلری مسلمان نفوذینی امین بر صورتده اجرای فعالیتده سربست بر اققشدر . ۱۸۴۴ ایله ۱۸۶۰ ( هجری ۱۲۶۰ ایله ۱۲۷۷ ) سنلری آره سنده حبشستانده انکلیز قونسلسوسی بولنمش اولان ( پلاو دهن ) نام ذات اوج قبیلہ به متقسم اولان ومصوعک شمال غربی طرفلرنده بولنان ( حباب ) طائفه سنک آنجق کچن صوک یوز سنه ایچنده اسلامه کلدیکنی ونسل حاضر دن ماعدا کافه افرادینک حالا خرستیان اسملری طاشید . قلمری و - بونلری اسلامه کتورن سبیلرک برنجیسی اوله رق - معاملہ تجاریه اجرا ایدہ کلدکلری مسلمانلر ایله تماس دائمی اوزره بولندقلرینی و بوندن باشقه بر برلریله بلا انقطاع حرب ایتمکله مشغول اولان حبش امراسنک او حوالیدن تباعد ایلملرینی « یازار [۲] عنعنات ایله ثابت اولدیغی اوزره حبش امراسندن ( جاوج ) اسمنده بریسی اسلام لهنه خرستیانلغی ترک ایتمش و بونده اسلامیتک انسانه بختیارلق کتوردیکنه و طول عمر بخش ایتدیکنه ذاهب اولسندن ایلری ککشددر . آندن صوکره کندی معیتده بولنان بر راهبه « شو تابوتی ( خرستیانلرک تابوت السکینه سی ) قیر « دبه امر ایتمش ، پاپاس ایسه « حضرت مریمک تابوتی پارچه لامغه جرأت ایدہم » جوانی ویرمش . بونک اوزرینه جاوج بالذات بالطهیبی اله آله رق آنی پارچه پارچه ایتمش . آندن صوکره اوراده کی پاپاسلرک هپسی ده اسلامه ککشدردرکه بونلرک احضادی زمانمزه قدر

[۱] Reise in Abyssinien عنوانلی حبشستان سیاحتنامه سنده

[۲] Travel In Abyssinia عنوانلی سیاحتنامه سنده

قبیله شیخلری بولنه کلمکده در [۱]

ینه او دورلرده حبش مالکنک حوالی شمالیه سنده بولنان دیگر اقسام اهالی اسلامه کلمشردی؛ چونکه پاپاسلر اورادن تباعد ایشمار واهماله اوغرایان کلیسارلرده کیت کیده خراب اولمشلردی. بوراده کی اهتدالر صرف خرستیانلرک کندی مسامحه لرندن ایلری کلمشدر؛ چونکه او حوالی مسلمانلری متعصب اولدوقدن باستقه خرستیانلر عداوتده بولمامتیه دخی معروف ایدیلر. اون ضوقوزنجی قرن مبادیسنده بوکامشابه اهتدالر وقوعنه سیاحلردن دیگر برذات داها شهادت ایدر [۲] بوذات افراد ناسدن برچوق کیسنه لرک فرداً بعد فرداً مسلمان اوله کلدکلرینی کورمشدر. حبشستانده برآرائق قرال درجه سنده نفوذ صاحبی کسینلر و نایب-السلطنه صاییلاناردن رأس علی مسلمانلری التزام ایدر، مأموریتلری برچوق اشخاص مسلمیه ویرر وحتی کلیسارلردن آشرمش اولان اشیایی آنلره هدیه ایلردی. آنک زماننده وسطی حبشستان خلقنک همان نصفی قدری دین اسلامی قبول ایلمشیدی [۳] بو دین حبشستانده اولیه درین برکوک صالمشیدی که آنک سالکاری همان بوتون تجارتی و خاصه اوفاق اصنافقلری اللرینه ایشمار، املاکه متصرف اولمشلر، شهرلرده کی بازارلرک وینایرلرک عادتاً آمرلری کسلمشدر و عامه ناس اوزرینه بوضورتلره اجرای نفوذ ایلمکده بولمشلردی. او مملکتده اوتوز بش سنه یاشامش اولان بر میسیونر [۴] داها ایلری کیدرک «مسلمان پروپا-غاندا جیلرک غیرت و موفقیتلرینه نظراً شاید بر احمد غران داها ظهور ایدوبده لوای محمدی بی آچمش اولسه حبشستانی تمامیه مسلمان یاپه بیلور» دیمشدی. مصر حکومتنک حبشستانه اختلافه دو شمسئ - که ۱۸۷۵ ده بر محاربه بی انتاج ایلمشیدی - مسلمانلق علیهنده تحول حسیاتی موجب اولدی. بر اجنبی مسلمان دولته قارشو

[۱] لیتمن نام آلمان سیاحتنک *Bemerkungen ueber den Islam in Abyssinien* عنوانی شمالی حبشستانده کی اسلامیت حقمده کی ملاحظاتندن .

[۲] بهق نام محررک *Routes In Aöysssstnia* عنوانی حبش یولاری حقمده کی کتابندن .

[۳] ته لیزه ردقلو نام فرانسز عالمک *Nouvelle Géographie universelle* عنوانی جغرافیای عمومه یسندن .

[۴] ماساجا نام ایتالیان راهی .



محاربه آچغه مجبور اولمق او دولتک حبشستانده بولنان دینداشلری علمینده برعکس عمل اجرا ایلدی و ۱۸۶۸ ده حبش نجاشیسی یوحن بر دیوان رهبان آچدیردی که بونده کندیسنه مذاهب ماده سنده ( حکم عالی ) صلاحیتی ویرلدی و مملکتده تک بر دین بولنسی قرار ی صادر اولدی . ملی کنیسایه انتساب ایچون مسلمانلره اوچ سنه مهلت ویرلدی . بونلرک اقتضا ایدن یرلرده خرستیانلر ایچون کلیسالر انشا ایتدیرملری و خرستیان پاپاسلری ایچون عشر ویرکوسی ویرملری امر ایدلکدن باشقه حکومت مأموریتلرنده بولنان مسلمانلره یا کندیلرینه و افیتز یاپدیرتملری ویا استعفا ایللری اخطار ایلدی . بوکبی ارتداده اجبار مسلکنک تأثیری بالطبع محدود اولدی ؛ دیگر ظرفدن دخی ظاهری خرستیانلق مسلمانلری حقی صورتده دینلرینه تابع اولمقدن منع ایده مزدی . حتی کلیسالرده و افیتز ایدلکدن سوکره چیقوب طوغریجه بر امامه مراجعت ایدن و و افیتزک تأثیرندن تطهرک چاره سنی آرایان کیمسه لر کورنمشدر . بو طوپدن تبدیل دین ایتدیرمک امری یالکیز ارککلره منحصر بر اقلمش اولمسندن طولانی ده تأثیرینی لایقیله اجرا ایلده مه مشدی . دین دیکشدرملری اهمال ایدیلن نسوان اسلامیه نیک ایسه دینلرینک حبشستانده انتشاری خصوصنده مهم پرویاغانداجیلق ایتدکلرینی ایتالیان میسیونه ری ( ماساجا ) ذکر ایلر . قران ( یوحن ) ک ۱۸۸۰ سنه سنده اللی بیک مسلمان ی و افیتز یاپدیرمغه اجبار ایلدیکی مرویدر .

فقط خرستیانلق نفعنه اجرا ایدیلن بوجبارانه تدابیر اون طوقوزنجی قرن ظرفنده اسلامیتک قوای انتشاریه سنی القویمغه مدار اولمامشدر . ( نقلس ) یعنی شجره عیسی ، ( هبتس ) تحفه عیسی ، ( تماریم ) هدیه مریم کبی اسملر طاشیان وبر وقتلر نصرانی بولنش اولدقلری بیلنن قبیله لر کاملاً مسلمان اولمشلردی . ( منسا ) قبیله سنک ایکی شعبه سی ده قسماً قرن مذکور اواسطنده و قسماً قرن حاضر بدایتنده کاملاً اسلامه کلشدرر . بونلری اهتدایه تشویق ایدن مسلمان پرویاغانداجیلرک غیرتلینی خرستیان راهب صنفک جهلی خلی تسهیل ایشدر .

شیمدی بجی - عربلرک فتوحاتی شمال سواحلی بونجه شمرقدن غربه طوغری ایلرلر تکلری یدنجی قرن میلادینک - آفریقا تاریخنه نقل ایدلم :

مصرک فتحی - مصر خلقنک بیزانس حاکمیتنه خاتمه چکمک خصوصنده کی معاونتلی ایله - قولایجه وقوع بولشیدی . فقط مصر دن محیط اطلاسی ساحلنه وارنجهیه قادار وقوعه کلن اسفار خونریزانه و سورکلی مقاومتلر - که حوالی شمالیهده حاکمیت تامه تأسیسی ایچون اللی سنه قدر بر زمان مرورینه توقف ایلمشیدی - مصر فتحیه قیاس ایدیله مز . قارتازک سقوطیه آفریقاده کی روما حاکمیتنک محاسی ۶۹۸ ( هجری ۷۹ ) تاریخندن اول وقوع بولماش و بربر [۱] طائفه سنک تسخیریه او مملکتده عرب حاکمیتنک کسب تفوق ایلمسی اللی سنه لک بر زمانه محتاج قالمشیدی . او بایده وقوعه کلن اسفار حربیه نک تفصیلاتی اعطا دکل آنجق اسلامیتک اوراده کی خرستیان اهالی آره سنده نه طریقله انتشار ایلمش بولندیغی تحری ایتمک املنده یز . مع الاسف او مقصده خادم اوله جق مواد هم طاغنیق همده نقصاندر . عالم نصرانیته بونجه اعزه ایله بوقدر اهمیت متخصی و یرمش اولان او مشهور آفریقا کینساننه عجبا نه اولمشیدی ؟ مذهب او غورنده بونجه تجربمانه تحملدن سوکرده موفقیتله اثبات موجودیت ایدن و قدیم خرستیانلغک مقاصدینه جسورانه رهبر اولان ( ته تولیهن ) ، ( سن سیپر یهن ) ، ( سن اوغوستهن ) کینسارلینک بورالردن بر سیس ایلمش کبی صیریلوب غائب اولدیغی کوریلور .

خرستیان اهالینک اورادن غائب اولوب کیتیمی - او بایده معلومات قطعیه بولنمامسندن طولای - بر معتاد مسلمانلر طرفندن وقوعه کلدیکی ادعا ایدیلن تعذیبات متعصبانه عزو اولنور . آنجق بو مسئله نک بویله درشت و شم التدارک صورتده تعییننه قارشو قونیه بیله جک بر چوق ملاحظات معدله واردر . اول امرده اویله بر ادعایه معین اوله جق بر اهین قاطعه موجود دکلددر . قتاللر ، تحریبات و بونلره مماثل دواملی و قائلی بر حربک انتاج ایتدیکی سائر شیلر قورقنچ و بویوک

[۱] آفریقای شمالیهده کی آجق رنکلی بر برلری نوبیهده کی سیاهی بر برلر ایله قاریشدر . مامق لازم کلور . جزایرده بو بر برلره قبیل دخی دینور . مترجم .

بریکون تشکیل ایدرلر ؛ فقط بالفعل مظالم تصدیقہ حادثاتی آنلرہ نسبتلہ اقل  
 قلیل مرتبہ سنددر . فتوحات عربیہ نك مبادیسندن سکز یوز سنہ صو کرہ یہ  
 قدر برچوق یرلی خرستیان کلیسارلینک محافظہ موجودیت ایلری - بویله بر  
 بقای موجودیتک امکانہ سبب اولان - مساعدات مذہبیہ شہادت ایدر .

شمالی آفریقادہ خرستیانلنک انقراضی وجودہ کتورن اسبابی امرای  
 اسلامیہ نك تعصبندہ دکل باشقہ یرلردہ آرامیدر . بواسبابی تعداددن اولیدنجی  
 قرن میلادی صوکلرندہ خرستیان اہالی عدد نفوسنک نہ قدار اوافق بریکون تشکیل  
 ایتدیکنی تحقیق ایلک مناسبدر . ایستہ بو حالدر کہ او خلقک حاکمیت اسلامیہ آلتندہ  
 دوام موجودیتی اهدای جبرینک معدومی خصوصندہ داہا معنیدار قیلار و اویله  
 بر فرضیہ یہ - عربلرک فتوحاتہ باشلادقلری زمان اورالردہ واسعاً منتشر و مترقی  
 برکنیسای نصرانیت بولمش اولدقلری تقدیرندن - دہا آز برلون حقیقت ویرر .

رومانک آفریقادہ کی ملحقانندن اولان و اہالی خرستیانیہ یی احتوا ایدن  
 یرلر جنوب جہتہ طوغری ہیچ بر زمان توسع ایلہ مشدی . صحرالر او جہتلردہ  
 بر عارضہ تشکیل ایلدکلرندن حوالی ساحلیہ طولینک تقریباً سکسان و بلکہ  
 یوز میل دن داہا زیادہ امتدادی ممکن دکل کبی در . فی الواقع واندال استیلاسندن  
 آز بر مدت اول بورالردہ موجود اولان نپسپوسلقلرک عددی بش یوزہ یقین  
 ایدی ؛ فقط بو نپسپوسلقلرک اہمیتسز قصبہ لردہ حتی کوزدن نہان کویلردہ  
 بیلہ تأسیس ایدملری معتاد اولدیغندن نپسپوسلقلرک عددی خرستیان نفوسک  
 مقدارینہ بر معیار طولغہ خادم اولہ ماز ؛ و ہلہ خرستیانلنک داخل مملکتدہ  
 ساکن اولان بربر طوائفی آرسنہ قدر انشار ایلدیکی روایتی پک شہہ لیدر .  
 یسنجی قرن میلادی دہ روما ایمراطورلنی حکمنک بورالردہ زوالہ یوزطوتدیغی  
 صرہ لردہ او بویوک بربر عرفنک مختلف قبائی جنوب جہتندن آقین ایدرک  
 ساحلدہ بولنان ثروت و سامانی حاوی شہرلری غارت و تخریبہ کلشردی .  
 بو مستولیلرک مجوسی بولنمش اولدقلرندہ شہہ یوقدر . لیبا قطعہ سنہ منسوب  
 اولان بو طائفہ - کہ عن اصل (سیردن) شہری [۱] اہالیسندن (سینہ سیوس)

[۱] بنغازینک اسم قدیمدر . (سینہ سیوس) ایہ او شہردہ بولنان یونانی برمستلمکہ  
 خلفنہ منسوب برشاعرک اسمی ایمش . مترجم .

طرفدن حزین بر صورتده فریادی دعوت ایلمشیدی - کلیساری یغما و بعده احراق ایتشدر و بونلرده بولدقلری اشیای تقدسیه یی کندی آیین مجوسانه لرنده قوللامق اوزره آلوب کوتورمشلردی . بنغازینک بو حوالیسی مذکور غارات و حسارادن هیچ بروقت کندیسینی طوپلایه مامش و خرسیتانلق - اغلب احتمال - مسلمان استیلا سندن مقدم اورالردن تمامیه زائل اولمشیدی . طرابلس غربده بولنان مراکشلی بر رئیس قبیله ، واندالرک قرالی ( توریسموند ) - که میلادک ۴۹۶ ایله ۵۲۴ سنه لری آره سنده حکمفرما ایدی - ایله محاربه ایتدیکی زمان واندالر طرفدن سوء معامله یه دوچار اولان اورتودوقس کلیسارلیله راهبلینه تعرضدن اجتاب ایلمشیدی . بورئیسک خرسیتانلقی قبول ایتوب بتیرستلکنی علناً بیان ایلدیکی صردهده « خرسیتانلرک الهی کیمدر بیلمیورم ؛ آنجق اوالله سویلندیکی کچی صاحب قدرت ایسه کندیسینه اهانت ایدنلردن انتقام آور و کندیسینی تقدیس ایدنلری صیانت ایلر » دیه جواب ویرمشیدی [۱]

کنیسای نصرانیتک بوراده کی نفوذینک دائره و سعتی نه قدر بویوک بولمش اولورسه اولسون هر حالده واندال تعدیاتی صرده سنده آلمش اولدینی ضربه احمادن هیچ بروقت کندیسینی طوپلایه مامشدی . حتی ( آریوس ) مذهب نصرانیتنه سالک اولان واندالر اورتودوقسلره یوز سنه قدر برعنف ستید ایله ظلم ایتشدر ، بونلرک نه پستقوسلرینی سورمشلر ، علنی عبادت ایلملرینی منع ایتشدر و بونلردن کندی طریق مذهبلرینه کبرمک ایستمنلره اشکنجه لرده بولمشلردی . ( بهلیساریوس ) ک ۵۳۴ تاریخنده آفریقای شمالیده کی واندال قوتی قیروبدده او حوالی بی روما ایمراطورلغی ایچون استرداد ایلدیکی زمان قارتازده انعقاد ایدن سینود مجلس روحا نیسنده کنیسا امورینک یکیدن اداره سنی اله المق ایچون طوپلانان نه پستقوسلرک عددی آنجق ایکی یوز قدر ایدی . او یله سورکللی وشدتلی تعدیاته معروض قالدقن صوکره خرسیتانلغه معتقد اولانلرک عددی طبیعی خیلی تناقص ایلمشیدی . بوندن ماعدا مسلمانلرک وصولدن تقریباً یوز سنه قدر مقدم مراکش جهندن

[۱] نیاندر نامنده کی انکلیر مؤلفنک A General History of the Christian

Religion And Church عنوانی کنیسا و دیانت تاریخی حقنده کی اثرنده منقول .



کلن باربار طائفہ لر رومالیبری شہر لردہ ، قصبہ لردہ قاپانوب قالمغہ مجبور ایدرک طاغری ، اووالری و آحیق حوالی بی ایدی ضبط لرنده بولندیر مشلردی .  
 بردہ قارغشہلق وسوء حکومت و خاصہً آلتنجی قرن میلادینک قسم ا-یرینہ الیم بر نشانہ قویان وبالر کبی بلالر و آفتلر تخریب نفوسی موجب اولمق ایچون یکدیگریہ رفاقت ایملشردی . ژوستینین ادارہ سی ایله بو ایمراتورک آچمش اولدینی حربلر آفریقا خلقدن بش میلیون نفوسک محوی انتاج ایلدیکی مرویدر . بروقتلر تجارت وزراعتی حال ارتقادہ بولنان وبالاخرہ تلافیسی ممتنع بر صورتہ حراب اولان او مملکتک زنکینجہ حاللیبری چوقدن دار و دیاری ترک ایملشردی . مؤرخ کیون بو بابدہ بیانات آتیہدہ بولمشدر :  
 « . . . آفریقادہ کی تحریباتک شکلی بویله ایدی . بر چوق حوالی دہ بر سیاح کونلرجه کزمش اولسه نہ بر دوست نہدہ بر دشمن یوزی کورہ بیلوردی .  
 قادیبری ، چوققلری داخل اولمدینی حالده بر زمانلر عددی یوز آلتمش بیك افراد محاربه یه بالغ اولان واندال طائفہ سی میدانن غائب اولوب کیتمشیدی .  
 غدرانہ صورتہ احما ایلدکلری آفریقالی خلقتک عدد نفوسی ایسه کندی عددلریله قیاس قبول ایتمه جک درجہدہ یوکسک ایدی . عینی تحریبات اورادہ کی رومالیلر ایله متقلری اوزرندهدہ - متقابلاً - اجرا ایلمشیدی . بولنردہ اقلیمک تأثیرندن ، کندی آره لرنده کی منازعاتدن و باربارلرک خشونت و جورندن ناشی محو اولوب کیتمشلردی . » [۱]

۶۴۶ (هجری ۲۶) سنہ سنده یعنی عربلرک حوالی مغربیہ یی استیلا ایچون مصر جہتندن مظفرانہ صورتہ ایلر یلسندن برسنہ مقدم احکام نصرانیٹی بوقدر جہد ایله التزام ایده گلش اولان آفریقا کنیساسی « وحدانیت ماہیت عیسی » اعتقادینہ قارشو بر تہیج ایله قہر جدالہ طائش ایدی . لکن قرتاژ باش تہسقبوسلغنہ تابع بولنان دورت تہسقبوسلق نواہیسنده - کہ بولنردہ موریتانیا ، نومیدیا ، بیزانسیا و آفریقا پرو قونسولکی ناملری آلتندہ بولنیورلردی -

[۱] انکلیز مؤرخ (کیبون) Decline And Fall of the Roman Empire

عنوانی روما ایمراتورنی انقراضی تاریخندن .

مأمور بولنان رؤسای رهبان، وحدت ماهیت عیسوی اعتقادی اتہام ایچون سینود مجلس روحانیسی عقد ایتدکاری وپا ایله ایمراطوره سینود نامنه مکتوبلر کوندره رک قارتاژده پایلان اجتماع عمومی بی بیلدردکاری وقت حاضر بولنان اعضادن آلمش سکزی آفریقا روقونسولکی حوالیسندن، قرق ایکسی بیزانسیا جھلرندن کشیدی. دیگر ایکی دائرہ روحانیہ دن کلن مرخصلرک عددی معلوم دگلدر؛ شوقدرکه بورالرده کی خرسیتان اہالینک، حکومت مرکزیه داها یقین یرلرده ساکن بولنان اولکی ایکی دائرہ روحانیہ خلقندن زیاده فلاکتلر کورمش اولدقلری معلومدر. حسیاتی بودرجه غلیانہ کتورمش اولان مناسبت مذکورہ اوزرینہ اجتماعہ کلین ساثرہ اعضالر دخی بولنمش اولسی احتمالدن پک بعیددر؛ چونکہ احکام نصرایتک ترویجی حقندہ کی غیرت ایله بیزانس حکومتی علمیندہ کی عداوتک اجتماع ایلدیکی مهم بروقعہ آئندہ استنکاف ایتک ممکن دکلدی. بناءً علیہ آفریقادہ کی ٹہسقبوسلرک بونقصانی عددی خرسیتان خلقک بویوک بر مقیاسدہ تناقصی کوسترر. بوندن ماعدا بر خلقک تناقص نفوسی ایچون آرانیلہ جق ساثر بر چوق اسباب دخی موجود اولدیغندن بالکز سینود مجلس روحانیسندہ حاضر بولنمش اولان رؤسای رهبانیہ نک عددی اوزرینہ عطف دقت ایلک پکدہ لازم کلز؛ چونکہ دائرہ روحانیہ لری هیچ مرتبہ سنہ اینہ جک قدر اہالیدن تجرد ایتمش اولدیعی حالہ ینہ بر خیلی زمان بعض ٹہسقبوسلق مقاملرینہ پاپاسلر تعیین ایدیلہ کشیدی.

بالادہ تعداد اولنان اسبابدن طولایی مسلمانلرک استیلاسی زمانی اورالردہ کی اہالینک هیچدہ کثرتلی بولنماش اولدیغی بالطبع استدلال ایدیلہ بیلور. عرب مظفریتک تیاغجی تأمین ایچون کچن اللی سنہ قدر برمدت ظرفندہ وقوعہ کلن محاصراتک تولید ایتمش اولدیغی تحریبات دخی خرسیتان خلقک عددینی ایندیرمشدر. طرابلس عرب شہری آلتی آی محاصرہ یہ تحملدن سوکرہ استیلا یہ قارشو طورہ میہرق یغما وغاراتہ اوغرامش وسکنہ سی قسماً قلیجدن کچورلش و قسماً اسیر اولہرق مصرہ کوندرلشیدی. صحرا یہ یاقین اولان دیگر بر شہر رومالی برقونتک قومانداسی آئندہ بولنان کثرتلی محافظلر طرفندن برسندہ قدر مدافعہ

ایدلمش ایسہدہ عاقبت قدرت مقاومتی قیرلمش و ایچندہ کیلرک ارککلری کاملاً قلیجدن کچورلمش ، قادین و چوجوقلری دہ حال اسبارتہ سوق اولمشیدی . بووجهلہ اسیر آلانلرک عددی اون بیکلرہ بالغ اولدیغی مرویدر . برچوق خرستیانلر قورتلشلر وبومثللو ملتجیلرک کیمیمی ایتالیایہ ، کیمیمی داها اوزاق یرلرہ قدر قاچہ بیلمشلردی [۱] فی الواقع رومالیرک بورالردہ بولنان بعض بویوک شہرلری خیلی زمان تامیلہ اہالیسز قلمش وبالاخرہ خراب اولوب کیتمشدی ؛ فاتحلر ایسہ برچوق یرلردہ کندی انتخاب ایلدکلری نقطہ لردہ یکی قصبہ لر وجودہ کتورمشلردی .

یدنجی قرن میلادی نہایتلرندہ حالا آفریقادہ باقی قالان و بر زمانلر پک مترقی ومسعود بوللمش اولان کینسای نصرانیتک اوتہدہ برودہ طاغنیق بولنان اجزاسنہ کلنجہ : اون التنجی قرن میلادی کبی اوزون بردورہدن صوکرہ کلن زمانلردہ بیلہ یریلردن خرستیان جماعتلری بولنمی حقیقتنہ نظراً او کینسای مؤسسائیک اورتہدن قالمسنہ تعذیبات دینہنک سبب اولدیغی فرض ایتک مشکلدیر . مراکشہ کندی نامنہ اضافتلہ یاد ایدیلن برخانداک مؤسسای بولنان ادریسک برحکومت تشکیل وتنظیمیلہ اوغراشمغہ باشلادیغی دورہدہ - یعنی ۷۸۹ ( عجری ۱۷۳ ) سنہسندہ - خرستیان و یہودیلری اسلامی قبولہ اجبار ایتمش اولدیغی سویلنور ؛ آنجق آفریقای شمالیدہ کی یرلی خرستیانلرک تواریخ کینسای - یئہسندہ بونک تکرر ایتدیکی حقندہ بر مثال داها بولنہ مامشدر .

بوکینسانک تدریجی صورتدہ انقراضہ یوز طومسی بیلہ مسلمانلر طرفندن مظهر مساعدات و مساعدات بوللمش اولسنہ شہادت ایلر . فتوحات اسلامیدن اوچ یوزسنہ صوکرہ حالا قرق قدرئہ پستقپوسلق مقامی باقی قالمشیدی [۲] . میلادک ۱۰۵۳ سنہسندہ ایسہ پاپا طوقوزنجی لئون - بر زمانلر انکشافات مسعودانہ یہ

[۱] بوقرہدہ کی روایات اکثریتلہ ( لہؤو آفریقانوس ) طرفندن بازیلان Della

Descrittione Dell' Africa عنوانی آفریقا تفصیلاتی حاوی ائردن .

[۲] ماس لآری نام فرانسز ررینک - Relations de l' Afrique Septent-

rionale Avec les Nations Chretieunes عنوانی آفریقای شمالی خلقنک خرستیان

ملتلرہ اولان مناسباتہ دائر ائردن .

مالک بولمىش اولان - آفريقا کينىسايى اچون يالکيز بش نه پىسقيوس بولنه بيلديکني تلهفه سرد ايلمىدي . بوندن اولكى روايتي نقل ايدن مؤرخ ( لاترى ) تونىسک ۱۱۵۹ ( هجرى ۵۵۴ ) سنه سنده عبدالمؤمن طرفدن فتحى صرهنده اهتداى جبرى وقوعندن بحث ايدرسده او بابده کي بياناتک داعى شهبه اولديغنى دخى قيد ايلر . کينىساده کوريلن بوتديلرک برسبى ده چند سنه مقدم داخل مملکته آقین آقین کلن عرب طوائفک هر طرفه طاغملرى و مملکتى انارشى ايجنه صوقلرى اولديى محتملدر [۱] . آفريقا کينىسايى ۱۰۷۶ سنه سنده کينىسا قانونى موجبنجه نه پىسقيوسلق مقاملرينه تعين اچون اقتضا ايدن اوچ نفر نه پىسقيوس نامزدى بوله مامشدى و پاپا يدنجى ( غره غوار ) قارتاز باش نه پىسقيوسلغنه معاون اولمق اوزره يالکيز ايکي نفر نه پىسقيوس نصبنه مجبور قالمىدي . حالبوکه اهالى خرستيانيه دها زياده نه پىسقيوسلقلر احداثه محتاج اوله جق قدر کثرتلى وامور روحانيه نک کثرتى اوچ بويوک راهبکک ايفاسنه متحمل اوله ميه جنى درجه ده آغیر ايدى . او تاريخدن ايکي يوز سنه سوکره کينىسايى نصرانيتک انقراضى دها ايلرى کيتمش و ۱۲۴۶ سنه سنده مراکش نه پىسقيوسلغى اورالرده کي يرلى خرستيان کينىسانىک تک بر رياست روحانيه سى اوله رق قالمىدي .

ينه بودوره قدر جزايرک قيبلىرى آره سنده خرستيانلغک بقاسنه دائر علائم مشهود ايدى . ( قيبلى ) طوائفندن بعضيلرى مقدا عقائد اسلاميه حقتنده بعض معلومات ايدنمشر ايسده بويکي مذهب آنلر اوزرنده پک آز نفوذ اجرا ايديه بيلمىش ايدى ؛ وحتى سنه لرکچدکجه بونلرک مهتديلرزمردسنده بولنانلرى ارکان عبادت اسلاميه دن نه اوکره نه بيلمىش ايسه لر آنى ده اونوتمشلردى . ( قيبلى ) لر جبالده کي مساکن حصينه لرينه چکيلمىش و استقلاللرينى قيصقانجلقله محافظه ايلمکده بولمىش اولدقلرى حالده عرب عنصرينک کيندى آره لرينه حلولنه قارشو موفقيتله مقاومت ايديه کلکده ايديلر . بناء عليه بونلرى طريق اهتدايه کتورمکده خيلى مشکلاته تصادف ايديليوردي . ساقية الحمراء کائن قادريه طريقتى زاويه -

[۲] اوغوست موللر نام آلمان مؤلفنک - Und - Der Islam Im Morgen

Abendland عنوانلى شرق و غربده اسلاميت حقتنده کي اثرندن .



نشیناری طرفدن بونلر آره‌سندہ تبشیرات دینیه‌ده بولمغه تشبث ایدلش ایسه‌ده او باده‌کی مساعی موفیقی موجب اوله‌مامشیدی . لکن بونلر آره‌سندہ دین اسلام ایچون بر باب دخول قازانمق شرفی ۱۴۹۲ (هجری ۸۹۸) سنه‌سندہ قرناطه‌نک سقوطی اوزرینه اسپانیادن سوریلوب چیقارلمش اولان اندلس مهاجرین اسلامیه‌سندن بعضیلرینه نصیب اولدی . بو اندلسیلر مذکور قادریه زاویه‌سنه التجا ایتمشردی . زاویه‌نک شیخی مریدلرینک مقدا و قوعه کیش اولان غیرت‌لرینه رغماً مئشر اولمان تشبثات اهدائییه دوامه بومهاجرلری پک‌اهل بولدی . بونلری اووظیفه دیندارانه‌یه سوق ایدرکن شیخ زاویه بیانات آتی‌ده بولمشدرد : « سعادت دینیه‌دن نه توارث ایتمشرسه آتی‌ده غائب ایلمش اولان اوکیده‌جک‌کنز محملرک خلقی آره‌سنه نورهدایتی صومق اوزرمزه مرتب برووظیفه‌در . بو بدبخت قییلر مکتبلره ویاجوجوقلرینه قوانین اخلاقیه ایله فضائل اسلامیه تعلیم ایده‌جک هیچ برواسطه‌یه مالک دکلر . بویه‌جه دینسز وربسز قالمشرده غیرمدردک حیوانات کبی یاشایورلر . بو حال پر مالاک رفعی ایچون سزک غیرت دینیه‌کزه ووقوف منوره‌کزه مراجعه قرار ویردم . اوجبال خلقنک - دینزک حقایق عظاماسندن ایمانه برجهالت سببیه - ضلالت ایچنده قالب کیمسنه راضی اولمازسکز . کیدیکز ، آنلرک آتس ایمانلرینی اوفلیه‌رک سونوک قیغیلجملرینه شعله نو ویریکز . مقدمکی خرسیتیانلق اعتقادلردن متولد تقصیراتدن کندیلمنده داها نلر قالمشسه ازاله ایدیکز . پیغمبرمز محمد علیه‌الصلاة والسلامک طریق دینسنجه - خرسیتیانلقده اولدیغی کبی - ناپاکلک نظر‌الهی‌ده معفو صایلمماز . وظیفه‌کزک مشکلاته مملو اولدیغی حقیقتی سزدن کیزلمک ایسته‌م ؛ آنجق ناقابل مقاومه اولان عزمکز ، شوق ایمانیکز - اللهک عنایتیه - کافه مشکلاته غلبه‌ده سزه معین اوله‌جقدر . کیدیکز اولادم ؛ جهالت و ایمانسزلق باطالقلرینه صاپلانمش اولان او بیچاره خلقی اللهک ورسولنک ایستدیگی طریقه کیری کتوریکز . کیدیکز یاوریلرم ، پیام سلامتی آنلره کوتوریکز . الله معینکز اولسون و سزی حفظ ایسون » بوخطابه‌ده ایما ایدیلن « خرسیتیانلقده کی ناپاکلک » سوزینی شو حال ایله برلکده محاکمه ایتملی که : ۱۵۶۶ سنه‌سندہ مادرید شهرنده بر دیوان عالی قورولمشیدی ؛

بونک اصدار ایتدیکی قرار موجبینجه اسپانیاده قلمش اولان اندلسلیلر بقایاسنک اصلاحاتی جمله سندن اولمق اوزره آنلردن هیچ بریسنک نه خانه سنده نه ده خارجه تغسل ایتمه سی و آنلرک موجود هماملرینک بیقیدیرلمسی امر ایدلمشیدی .

قیبلره ارسال اولنان بومیسیونه لرلر اوستلرنده اسکی عبا واللرنده عصا بولندیغی حالده بشر، التیشر کشیلک طاققرله مختلف جهت لریچون یوله روان اولدیلر. بونلر طاعلرک تنها و زیارت بنی آمدن همان همان معرا اولان نقطه لرینی بعد الاتخاب انزوا کاهلرینی مغاره لرده « قایالرک او یوقلرنده قوردیلر . بونلرک کفاف نفس خصوصنده کی ریاضت لری ، زهد عبادتده کی مداومت لری آز بر مدت ظرفنده قیبللرک مراقب لری تحریک ایلدیکندن کندیلرله دوستانه تماسه باشلادیلر. طبابتده ، آلات میخانیه ده وسائر فواید حیات مدینه خصوصاتنده کی وقولرندن طولای بومبشر لر یواش یواش آرزو ایتدکلری نفوذی قازانمغه باشلادیلر. مبشر انزوا- کاهلرندن هر بری معلومات اسلامیه تدریساتی ایچون بر مرکز حاله کشیدی . مملکته یکی داخل اولان بوذاتلرک مکتسبات علمیه لری ، خلقه تدریس لری اطرافنده طولایتمق ایچون بر خیلی طلبه جذب ایتمشیدی که بو طلبه بالاخره اسلامیتک مبشر لری صفتیله کندی و طنداشلری آره سنه عودت ایتدیلر و بو وجهه دین اسلام ، قبیل مملکتک هر طرفنده حتی جزایرک صحرا جهت لرینه وارنجیه قدر بوتون کویلرده انتشار ایلدی [۱] .

بالاده کی وقعہ تبشیر - تلقینات اسلامیه کی اولجده تلقینات خرستیانیه آلمش اولان - داخل مملکت قبائلی آره سنده اسلامیتک صورت ادخالنی تصویر ایدن بر مثالدر . فقط افراد قبائلک خرستیانلق حقنده کی وقولری آزاله آزاله عاقبت بعض اعتقادات باطله یه منحصر قالمشیدی ؛ چونکه بونلر عالم نصرانیتک اقسام سائر سندن تامیله آیرلمش ، خرستیان معلمین روحانیه سنک تلقیناتندن محروم قالمش بر حالده بولنیورلردی . بناء علیه مسلمان مبشر لرینک تلقینات مذهبیه لرینه قارشو قونه بیله جک معین خرستیانلق اعتقاداتنه پک آز مالک ایدیلر .

[۱] ترومله نام فرانسهز بحریرینک Les Saints de L'Islam عنوانی مسلمان

اولیای حقنده کی اثرندن .

شمالی آفریقاده کی خرسٹیان کنیساسنک زوالی حقندہ بورادہ علاوہ ذکر  
 ایدیلہ جک پک آز قیودسجلات قالمشدر . اون دوردنچی قرن میلادی مبادیسندہ  
 تونسک حوالی جنوبیہ سندہ کائن الجرید نام محلی زیارت ایتش اولان برمسلمان  
 سیاحی [۱] اورالردہ - مشرف خراب اولقلہ برابر - حالا اسکی خرسٹیان  
 کلیساری موجود اولدیغنی و مسلمان فاتحیرینک بونلری بیقیدیرمیوب آنجق  
 هر کلیسا قارشیسندہ بر مسجدا پایدیرمش اولدقلرینی قید ایلر . ابن خلدون  
 - اون دوردنچی قرن اواخرنده - قاستیلین حوالیسندہ خرسٹیان خلقی حاوی  
 کویلر بولندیغنی و بونلرک عرب فتوحاتی زمانندن بری اورالردہ بلا تعرض  
 قالدقلرینی بیلدیرر [۲] . اون بشنچی قرنک ختامی صره لرندہ تونس شهرندہ  
 یرلی برجماعت نصرانیہ بولنیور و بونک افرادی اجنبی تجاری اولان خرسٹیان  
 سکنہ دن تمامیله آری و فرقلی اوله رق کندیلرینه مخصوص بر محله ده اقامت  
 ایدیوردی . بونلر تجاوازانه اوغرامق شویله طورسون اورادہ کی سلطانک  
 عساکر محافظه سنی تشکیل ایدن افرادی ویرلردی . قرال بشنچی شارلک  
 ۱۵۳۵ سنہ سندہ تونس ضبط ایلدیکی زمان - نصرانیتی محافظه ایللرندن طولای -  
 تبریک ایلش اولدیغنی کیمسه لک ایشته بوجامت افرادی بولندیغندہ شہہ یوقدر [۳] .  
 شمالی آفریقاده یرلی خرسٹیان کنیساسنک بوقدر اوزون بزمان بقا بولمسی  
 مسلمانلر طرفندن جبری اهدالر وقوعه کتورلیدیکی حقندہ کی فرضیاتی حکمدن  
 خیلی اسقاط ایدر ؛ حتی اورادہ کی مختلف حکومات عربیہ امراسی جانبدن  
 کوستریلن روح مساعدا ت حقندہ باشقہ دلائل کافیہ بولنامش اولسه بیله .  
 حال بوکہ بو امرای مسلمہ خرسٹیان عسکرلر استخدام ایدرلر ، خارجدن  
 کلوبده ملکلرندہ تجارت و سائرہ سبیلرله تمکن ایدن خرسٹیانلرہ سربستی  
 [۱] تجانی نام ذات کہ ( آلفونس روصو ) نام فرانسز محوری طرفندن عربجه دن  
 مترجم : Voyage du Cheikh Et-Tidjani عنوانی ائردن آلمشدر .  
 [۲] دو ایسلان نام فرانسز طرفندن ترجمہ ایدیلن ( تاریخ الدول الاسلامیہ فی المغرب )  
 دن مأخوذ .  
 [۳] جزایرده فرانسز باش راہبی بولنش اولان قاردینال ( پاوی ) نک کلیات  
 آتارندن .

آیین دینی تأمینى باینده معاهده لر عقد ایلرلردی . حتی پاپالر یرلی خرسیتیانلرک حمایه سی حقنده کندیلرینه نیاز دوستانه ده و او خرسیتیانلرده مسلمان حاکمیرینه صداقت کوسترمک توصیه سنده بولنورلردی [۱] .

[۱] صوك فقره ده کی روایات بالاده اسمی مذکور ( دو ماس لاتری ) نام فرانسزک تاریخندن آلمشدر . بو پاپالرک اسملری : ( اوچنجی ئەنوسان ) ، ( یدنجی غره غوار ) ، ( طوقوزنجی غره غوار ) و ( دوردنجی ئەنوسان ) در .



## اسپانیا غریبانیاری آرهنده اسلامیک انشاری

عربار ۷۱۱ (هجری ۹۳) سنه سنده اسلامیتی اسپانیایه سوقشردی .  
 میلادک ۱۵۰۲ (هجری ۹۰۸) سنه سنده ایسه فریناند و ازابلا طرفدن  
 صادر اولان بر فرمان ایله بوتون اسپانیا قرالیتی داخلنده دین اسلام منع ایدلدی .  
 بو ایکی تاریخ آرهنده کچن اعصار عدیده ظرفده مسلمان اسپانیاسنده قرون  
 وسطانک اگ پارلاق صحایف تاریخیه سندن بریسی یازلمشدر . ایشته اومسلمان  
 اسپانیاسنک نفوذی ( پروونس ) طریقیله آوروپانک دیگر مملکتلرینه کچدی  
 و یکی بر شعرك سنوحنی ، یکی بر عرفانک حدوثنی موجب اولدی و آوروپانک  
 طالب علمی ( رنه سانس ) دورینه قدر فعالیت ذهنیه انشراح ویره جک نه دورلو  
 فلسفه و فنه مالک ایدی ایسه آنی ایشته بو اسپانیانلر المشیدی ؛ فقط حیات  
 مدینه نک بومظفرتی - یعنی شعر ، فن ، صنعت و فلسفه اکتسابی - بوراده خارج  
 مبحث صایله جق و نظر دقت یالکز مسلمان حاکمیتی آلتنده بولنان اسپانیانک  
 احوال دینه سی اوزرینه دعوت ایدیه جکدر .

مسلمانلر ، دینلرینی اسپانیایه ادخال ایتدکلری زمان اوراده قاتولیک خریستیانلغنی  
 - آریهن مذهبه غلبه چالدقندن سوکره - قوتلی صورتده تأسس ایتمش بولمشردی .  
 طلیطلده انعقاد ایدن آلتنجی دیوان روحانی تحته چیقان بوتون قرالیرک قاتولیک  
 مذهبندن ماعدا هیچ بر دین و مذهبک موجودیتنه جواز ویرمه ملری ایچون یمن  
 اتمه لرینی تحت قانونیته آلدی و قاتولیک مذهبه مخالف بولنانلر حقنده قانوننک شدتله  
 تطبیقنی قرارلشردی . سوکره دن وضع ایدیلن دیگر بر قانون ایسه مقدس قاتولیک  
 ورسالت کینساسنه ، مؤسسات انجیلییه ، آباء نصرانیتک توصیفاتنه ، سنن مقدسه یه  
 قارشورفع اعتراض و ارائه شک ایدیه بیله جک بر کیمسه نک مصادره اموال و حبس  
 دائمی ایله تجزیه سنی تعیین ایدلی . ره بان دخی کندی صنفلری ایچون اموردولتده

بر نفوذ متفوق‌الده ایتدیلر [۱]، نه سقیوسلرک و سائر رؤسای کنیسائیته‌نک - مهم امور دولته قرار ویرن، قرالک اتحاجنی تصدیق ایدن و قرارینه اتباعدن امتناع ایلدیکی تقدیرده آنی خلع اتمک ادعا سنده بولنان - مجلس ملی ده یرلری واردی. رهبان نصرانیه احراز ایش اولدقلری بوقوتلردن بالاستفاده اسپانیاده کثرتله ساکن اولان یهودیلری تعذیباته دوچار ایتدیلر و بولردن وافتیز ایدمک ایستمیلره قارشو غدارانه صورتده شدید قرارلر اتخاذا ایلدیلر. ایشته بویهودیلر صورکره لری کندیلرینی قورتاران عرب مستولیلرینی حامی و حلاصکار صورتنده قارشیلامشیر وضبط اولنان شهرلرده عرب فاتحلری نامنه محافظلر تشکیل ایشیر، و ایچنده بولندقلری بلاد مستحکمه‌نک قاپولرینی آنلره آچمشلردی [۲].

مسلمانلر اسپانیاده بولنان اسیرلر طرفدن دخی سرورایه استقبال ایدلمشلردی. بواسیرلرک حالی داها اول اسپانیاده اسکی جرمن قومنه منسوب برخلقک تأسیس ایش اولدیعی (غوتیق) حاکمیتی آلتنده پک سفیلانه و پک بدبختانه بولنیوردی. بولنرک خرسیتیانلق حقنده کی و قوقلری - کندیلرینه حریت و فوائد سپاژه قازاندره جق اولان مسلمانلرک طالعه اشترک آئنده - بادی تأمل و محاکمه برقوت تشکیل ایدمه جک درکده سطحی ایدی. اسپانیاده ایلک اهتدا ایدنلر ایشته پای تذلیل آلتنده طوتیش اولان بواسیرلر اولدی. میلادک ۶۹۳ سنه قدر موجودیتلری معلوم اولان مجوسی خلقدن نه مقدار اشخاص باقی قالمش انسه آنلرده اسیرلرک مثال اهتدالرینی تعقیب ایلدیلر. صوکره خرسیتیان اصیلزاده - کاندن بر چوقلری - یا حقیقی ایماندن و یا مقاصد اخرادن طولایی - یکی دینی قبول ایتدیلر [۳]. متوسط و داها مادون صنوف ناسدن بر خیلیسی ده اسلامه کلشیدی که بولنر - صرف ظاهری اعتقاد ایله دکل - بر ایمان صحیح ایله اهتدا ایشیرلر و رهبانی کندیلرینی جاهل بر اقمش، ایهال ایش، اغراض دنیویه ایله سالکیرینی

[۱] بودیسن نام آلمان محررینک Eulogius Und Alvar عنوانلی کتابندن .

[۲] اسپانیاده کی مسلمان خاندانلرینک تاریخی حقنده احمد ابن محمد المقری نک یازدیگی

کتابندن .

[۳] علمای مستشرقیندن (دوزی) نام ذاتک فرانسزجه یازدیگی Histoire des

Musulmans D'Espagne عنوانلی اثرندن .

یغما و تضییقه دوچار ایده کیش اولان بر دیندن یوزچویرمشرلردی [۱]. بو اسپانیا مهتدیلمی بر کره اسلامه کلد کدن صو کره دین متخذک الک خواهشلی طرفدارلری کسلیورلردی . بونلر - هم کندیلری هم ده عائلهلری - اهتدادن صو کره عرب اصیلزادکانی صنفجه متخذ اولان کلیشی کوزل اطوارک ، طنطنهک و اذواق حیاتیهک ضدینه اوله رق مسلمان اصحاب تقواسنک قوی و صیمی اولان مسلکنه اتباع ایدیورلردی .

خرستیان مؤرخلری، فتوحات اسلامیه صره سنده اسپانیاده کی اسکی (غوثیق) فضیلتلرینک تدنی ایتمش بولندیغی و بو اوصاف فاضلهک یرینی مؤثیت اطوار رجال طومش اولدیغی و بنا برین طرق سیأته طالب کیدنلره جناب حقک بر جزاسی اولمق اوزره حاکمیت اسلامیهک تجلی ایتدیکنی یازارلر ؛ فقط ازمئه جدیده تاریخنک شهادتی مواجهه سنده کینسنا مؤرخلرینک پک خاییده اولان بو کبی بیاناتی تلقی بالقبول ایدیله مز .

حقیقتاً زمان کیجدکجه احوالک سمت صلاحه طوغری کیدیکنک علائمی کوریه میوردی . او صره لرده خرستیان نه پستیپوسلری مسلمان امراسنک سرایلرنده کی مراسم مخصوصه ده عرض وجود ایدیورلر ، نه پستیپوسلق دائره لری صایتش ایچون مزایده یه قونیلور ، دینسز لکلرندن شهه ایدیلن اشخاص رهبر ناس اولمق اوزره بویوک راهب لکلره نصب ایدیورلر و آنلرده مقامات تالیه پاپاسلقرینه عادی و مزیتدن عاری کیمسه لری مأمور ایدیورلردی [۲].

پاپاسلرینک سیأت حیاتیه سیله سوء شهرت قازانمش بر دیندن دونن و موجودیت روحانیه و اخلاقیه ایچون حوزه اسلامیتده بر هوای موافق تنفس ایتک آرزو ایدن کیمسه لر یالکز (الویرا) خوالیسی خرستیانلرندن عبارت بولندیغی مذنوندر . اکر مؤرخین کینسنا ئیه یازمش اولدقلری کتابلرده قید ایلک ایستسه لر دی اسپانیاده دخی - پاپاس بودونک حرکته مماثل بر صورتده -

[۱] آوغوست موله ر نام آلمان محررینک بالاده عنوان اصلیمی مذکور اولان شرقده و غربده اسلامیت حقنده کی اثرندن .

[۲] صامسون نام اسکی بر اسپانیالی محررک Sagrada Espana عنوانلی مجموعه آنارده کی تاریخندن .

برچوق کیمسه لرك كنیسای نصرانیقی ترك ایلدکلرینك امثالنی بولورلردی .  
 (بودو) متقی لوئینك زماننده فرانسز سرای حکمدار یسنده بویوك رتبه لی  
 بر راهب رسمی ایکن میلادك ۸۳۸ ( هجری ۲۲۴ ) سنه سنده موسویته  
 دونمشدی ؛ تا که - کندی قولی وجهله - کناهکار بر طرز حیاتی براققله  
 تدریجاً قوانین الهیه وجهله حرکتیه مقتدر اوله . نفوذ اسلامیتک تأثیراتی  
 طور دیر مقصدیله سکزنجی قرنك صوکلرینه طوغری جنوبی اسپانیا خرسیتیانلری  
 آره سنه مأموراً کوندریلن نه پسقپوس ( نه جیلا ) اسپانیا پاپاسلرینی صاحبه الزوج  
 قادیلردن مستفرشه طوتمقله اتهام ایتمشیدی [۱] .

اسپانیاده ( آریانیزم ) دینلن مذهب نصرانیتک اسکی ( غوتیق ) ناسه  
 مخصوص اولان شکلندن هنوز باقی قالان احکام ، عربلرک استیلاسندن آز  
 بر مدت مقدم اسپانیا کنیسایسنجه احیاء موقع تطبیقه قولغنه باشلامشیدی .  
 بو مذهب دخی - خرسیتیانلق حقنده کی احکامی - کندی احکامنه مشابه  
 کورینن یکی مذهبی قبوله اذهان ناسی حاضر لاش اولسه کر کدر . آندن بر از  
 صوکره تبدیل دیانت ماده سنده بوکا مماثل بر حال مشاهده ایدلمشدی که اوده  
 عربلرک استیلاسندن مقدم آوروپای غربی ده وقوعه کلن اهتدا حادنه لرینك  
 برنجیسیدر . شویله که : میلادك ۶۳۶ ( هجری ۱۵ ) سنه سنده اسپانیانك ( سه ویل )  
 شهری نه پسقپوسلغنه ( سن ایزیدور ) ه خلف اوله رق کچن ( ته ئودیسقلوس )  
 اسمنده بر روم اهتدا ایتمشیدی . بوذوات حضرت عیسانك اوله اعتقاد ایدلد-  
 یکی کبی اب ایله روح القدسه توحیداً بر رب تشکیل ایتمدیکنی و آنجق جناب  
 حق طرفندن اوغل اتحاد قلمش بولندیغنی ادعا ایلمسندن طولایی باش نه پسقپوسلقدن  
 عزل ایدیلرک صفت روحانیه سی نزع اولنمشیدی . بونك اوزرینه ( ته ئودیسقلوس )  
 قالقوب عربلره التحاقه کیتدی و انلر آره سنده اهتدا ایتدی [۲]

فتوحات اسلامیه ابدالرنده نه تعدیات دینه ، نه ده جبری اهتدالر وقوعه

[۱] آلمان مؤفلرندن ( آدولف هلفریخ ) نام ذاتک Die Spanische Ketz

Geschichte عنوانلی کتابندن .

[۲] بوقسه اسپانیانك اسکی قیودات کنیسایه سی حقنده لاتینجه اوله رق یازیلان

آناردن مستخرچدر .



دائر هیچ بر حادته ایشیدلمدی . فی الحقیقه مملکتک اله کچورلمسنى الك چوق تسهیل ایدن بر حالده فاتحلرك نصرانیت مواجههسنده اتخاذا ایئش اولدقلری وضعیت مساعده کارانه در . خرستیانلرك یکی حاکم اردن یکانه شکایتلری کندیلرینک خرستیان اولمیان تبعه دن فرقلی صورتده ویرکو معامله سنه تابع طوتلری یعنی تکلیفات شخصیة معتاده وجهله زنکینلرندن قرق سکز ، اورته حالیلرندن یکریمی دورت وایشی صنفندن اون ایکی درهم ویرکو طلب ایدلمسیدر . بو ویرکو خدمات عسکریه بدلی اوله رق طلب ایدلدیکندن یالکز تام الصحه اولان ارککلردن آنور و صبیان ، نسوان ، فقیران ، مناستر نشینان ایله علیلر ، مریضار ، اسیرلر آنک تأدییه سندن استثنا ایدیلورلردی . بو ویرکو ایسه خرستیان مأمورلر طرفندن تحصیل ایدلدیکندن او قدر مزعج و عذابی کورونمزدی .

قوانین اسلامیه نك مقتضیاتنه تجاوز مستثنا اولمق اوزره خرستیانلردن مهم ومدعی علیه اولانلر کندی مذهباشلرندن بولنان حاکملر طرفلرندن کندی قانونلری وجهله محاکمه ایدیلورلر ودینی خصوصاتک ایفاسنده مداخله دن مصون قالورلردی . قاتولیکلره مخصوص اولان عبادات دینه دن برنوع (قربان آیینی) بخوردانلر یاقیله رق ، چاکلر چالینه رق وسائر مراسم عبادت اجرا ایدیلرک وقوع بولوردی . کذلک موعظه لار ویریلور ، مغنیلر طاقمی طرفندن الهیلر اوقونور و خلاصه کلیسا مراسمی بوجه معتاد اجرا ایدیلوردی . تنزیل صنف مقصدیله - سوریه و مصرده اولدیغی کبی - خرستیانلرك آریجه البسه اکتسانه مجبور طوتلدقلری آشکاردر . هر حالده طوقوزنجی قرنده رهبانک غیری خرستیانلر عربلر کبی تلبس ایدرلردی . بر زمانلر یکیدن کلیسالر انشاسی ایچون مظهر مساعده ده اولمشلردی . موجود و حال انکشافده بولنانلرینه ضمیمه تارک دنیالراچون مناسترلرك وتارکه دنیالراچون ازراخانه لرك - مسلمان مأمورلری طرفندن دوچار مداخله اولمقسزین - مجدداً تأسیس ایدلمش اولدقلرینی اوزمانک آثار تاریخیه سنده اوقوروز . [۱] مناستر نشینلر طریقتلرینه مخصوص اولان یوکللی انتاریلرله عمومی یرلرده کورینورلر و راهبلر مسلک روحانیلرینک

علاماتی صاقلامغه هیچ ده حاجت حس ایئرلردی . ینه عین زمانلرده اعتقاد دینلری خرسیتیانلری بویوک مأموریتلرله سرائلرده مستخدم اولمقدن آلیقومازدی . [۱]

قدرت سیاسیهرینک ضیاعیه ائتلاف حاصل ایده بیلن خرسیتیانلریچون موجب شکایت احوال یوق کبی ایدی . شایان دقت احوالدن اولدینی اوزره بوتون سکزنجی قرن میلادی مدتیجه تک بر عصیان تشبثی کورلمشیدی که ( بجا ) نام محله حادث اولان بوتشبتده عرب رؤساسندن برینک اثرینه اتباعدن ایلری کلشیدی . خرسیتیان حاکمیتی آلتنده یاشامق امنیه سیله فرانمز حدودی داخلنه هجرت ایلمش اولان خرسیتیانلر کیری ده براققلری دینداشلرنذن البته داها ایی بر حالدله بولنمورلردی . حتی شارلمان ۸۱۲ سنه سنده اسپانیادن رجعت ایلدیکی ائشاده اوردوسنی تعقیباً کلن خرسیتیان مهاجرلرینی ایمپراطورلق ضابطلرینک زورباجه ارتکابلرینه قارشو برای حمایه مداخله یه مجبور قالمشیدی . آندن اوچ سنه سوکره مقام حکمداری یه کلن برنجی - ویالقب دیکرله متقی - لوئی بو مهاجرلر لهنده بالخاصه امرنامه اصدار ایلدیکی حالده مهاجرین مذکوره کندیلرینه ویریلن اراضینک اشرف مملکت طرفندن غصب ایلمسندن طولانی تکرار عرض شکوایه مجبور قالمشردی . بوفنالیق آنجق برمدت ایچون توقیف ایلمش ایسه ده سوکره ینه باش کوسترمشیدی . کندی لهلرنده صادر اولان اوامر ، بیچاره ملتجیلرک حالی داها زیاده قابل تحمل ایتمکه مداراوله مدی . مسلمان حاکمیتندن قاحقله کندیلرینی خرسیتیان اخوانک آغوش مرحمتنه آتمق ایستین بوبدبختلری برکره داها سوء معامله یه معروض قالمش ومنفور صایلمش کوریرز .

اسپانیاده حکومت اسلامیهنک خرسیتیان تبعه مواجهه سنده اتخاذا ایلمش اولدینی مسلك مساعده کارانه وایکی دین سالکلری آره سنده سر بسته وقوعه کلن اختلاطلر بو ایی جماعت بیننده بعض مرتبه امتزاج حصوله کتورمشیدی . مسلمان فاتحلری علمهنده طعن و تشنیع یاغدییره کلن ( بجا ) شهرینه منسوب

( ایزیدور ) عبدالعزیز بن موسانک قرال ( رودریق ) دن طول قالان قادینه ازدواجی بلا مؤآخذہ قید ایلمشدر [۱] . بر چوق خرسیتیانلر عرب اسملری آلمشدر و - ولوکه ظواهره عائد اولسون - مسلمان قومشولرینک بعض احوالده عادتلرینی تقلید ایتمشلردی ؛ مثلاً بعضیلری چوجقلرینه ختان یایدیرلردی . برچوقلریده « واقفیز ایدلمه مش بپترستلر » دیه آد طاقش اولدقلری مسلمانلرک اکل و شرب خصوصنده کی اعتیادلرینه امتثال ایدرلردی .

عرب حکومتی آلتنده کی اسپانیا خرسیتیانلرینه اطلاق ایدیلن ( موزاراب ) تعیری - که مستعربدن غلطدر - اوباده تحصیل ایدن میلاره دائر بر معیندارلنی حائزدر . مملکتک هر طرفده لسان عربک تحصیلی لاتیجه تدریساتک یرینی سرعتله طومغه باشلامشدی [۲] . بویلهجه خرسیتیانلق آلهیاتک لسانی اولان لاتیجه اہماله و کیت کیده نسیانه اوغرامشدی ؛ حتی یوکسک مقاملی رهباندن بعضلری لاتیجهنک طوغریجه یازلوب اوقومسی خصوصنده کوستردکلری جهالت سببیله کندی کندیلرینی رذیل ایلمشدری . صفت روحانیہی حائز اولمیان کیمسه لرک بوکی موادک اکتسابنده رهباندن زیادہ سعی و اہتمام کوستره - بیللمسی ایسه البتہ انتظار ایدیلہ من . بوخالدن طولایی بر اسپانیا مؤلفی ۸۵۴ ده یازمش اولدینی بر اثرده [۳] خرسیتیان وطنداشلرینه قارشو آتی ده کی سرزنشلرده بولمیشدر :

« مسلمانلرک احکام مقدسه لرینی تدقیق ایلدیکمز و طرق فلسفیہ لرینی - داها طوغریسی تفاخرات حکمت فروشانہ لرینی - تعلم ایچون آنلرله اجتماع ایتمکده بولندیغمز و بونی ده آنلرک خطالرینی رد مقصدیلہ دکل آنجق لسانلرینک لطافت ، فصاحت و جاذبه دار نفاستی ایچون یاپدیغمز جالده اینجیلک تبغنی اہمال ایلوروز . کتب مقدسه مزک تبغنه طالمش اولان آباء لاتیہنک آثارندن بریسنہ نظر مطالعہ

[۱] لاتیجه اوله رق محور مجموعہ وقایعک Isidori Pacensis Chronicon قسمندن مأخوذ .

[۲] فون شاق نام آلمان مؤلفنک Poesie Und Kunst der Araber in Spanien عنوانی اسپانیا عربلرینک اشعار و صنایعنه دائر اولان کتابندن .

[۳] لاتیجه Alvari Cordubensis Epistolae عنوانی اثرده .

حصر ایدن عالم بر آدمی شیمدی زده بوله بیلورز؟ بول سوزلی، نازک طورلی خرستیان کنجلمز البسه لری، آراه لری ایله کوستریش یا مقده و یا بانجیلرک علومیه شهرت شعار اولمقده درلر. عربک فصاحت و بلاغتی ایله سرمست اولمشلر، مسلمانلرک کتابلرینی هوسله مذاکره ایدرلر و مندرجاتی حرص ایله بلع ایلرلر. بونلر کینسا ادبیاتندن هیچ برشی بیلمدکلری و طوغریجه جتدن آقوب کلن انهار کینسائییه اوزرینه حقارتله باقدقنری حالدہ آثار اسلامییه شیعه لی بر بلاغته مدح ایدوب کیدرلر. خرستیانلر کندی قانونلردن اوقدر جاهل بولمقده، لاتینلر کندی لسانلرینه اوقدر آز دقت عطف اتمکده درلر که بوتون خرستیان خلق ایچنده بدوستک سختی صوره جق قدر بیسط بر مکتوبی آکلاشیله بیلور صورتده طوغری یازمغه قادر بیکده برگشی آنجق بولنور. حال بوکه هر صنف ناسدن بونجه حدله عربجه نك ادوار بلاغتثارینک صحیفنی معلوما تفر و شلق ایچون قاریشدرر طورلر. بونلر - هر مصراعی عین حرف ایله بیتن - عربجه شعرلر دخی یازده بیلورلر و بونده بابانجیلردن (عربلردن) زیاده لطافت بلا پروازانه و مهارت قافیه پرورانه تشهیر ایلیه بیلور.

عربک پارلاق ادیبای زیاده سیله جاذبه حصوله کتوردیکی و هوسله تبع ایدلدیکی حالدہ خرستیان آثاری اوزره تعلیم کورمک ایستینلر پک از مواد تدریسیه یه مالکیدیلر؛ حتی عادی درجه ده معلومات ایدمک ایچون بیله لازم کلن معلملری مشکلاته بولیورلردی. زمان کیچدکجه بو احتیاجات تدریسه ده آرتیوردی. مستعرب دینلن بو خلق آراغون قرالی (آفونسو) یه کوندر دکلری براستعداده بیانات آتیده بولمشلردی: «بزلرده اجدادمز کبی شو آنه قدر بابانجیلر ایچنده یتشدک. وافتیز ایدلمش بولندیغمزدن خرستیانلغک اوامردینه سنی ایفا ایدیورز؛ فقط مقدس دینمز اوزره لایقیله تعلیم کوره بیلیمک ایچون قدر تمیز هر وقت تعلق ایتیمور؛ چونکه بونجه زماندر بزه ظلم ایدن کافرلره [۱] تابع بولندیغمزدن ناشی پاپاقدن ویا فرانسه دن معلملر ایستمکه اصلا جسارت ایده مدک. اورالرده کی معلملرده اطاعته مجبور قالدیغمز کافرلرک قورقوسندن طولای

کندیلمکلرندن کله مه مشلردی.



مسلمانلره بوقدر یقین تماسدن و آنلرک ادبیاتی بوقدر تبعدن آکلاشیلدیغی اوزره حتی ( الوار ) کبی پک متعصب براسلامیت معارضی قرآن کریمک محاسن و اعجازدن مرکب بولنمی حسینیه خرسیتیانلرک آنی اوقویوب تحسین ایملکدن کندیلرینی آلهمدقیرینی اعتراف ایلمشدر . بوندن طولای نفوذ دینی تأثیراتی بولنوب بولمدیغی تحری ایملکلکمزطبیعی کورینور و حقیقتاً آثار نفوذ موجودر . میلادک ۸۱۰ تاریخنده طلیطله ئەپسقیوسی بولمش اولان ( ئەلیاندوس ) نام راهب - که بنی آدمدن بولنان عیسانک طبیعت واسطهسیله دکل اتخاذ طریقله ابنالله اولدیغنه اینانان برعام و ( متخذین ) دینلن مذهب الحادک برشارحی ایدی - بوفکر الحاده مسلمانلره اولان صیقی و دواملی احتلاطی طولایسیله ذاهب اولمش بولمقله معروف ایدی . بویکی مذهب اسپانیانک برچوق قسمنده انتشار ایتمش و فالتونیا ئەپسقیوسلردن ( فلیکس ) دلاکتیه فرانسه حمایهسنده بولان ( سهپتایان ) حوالیسنه قدر بیه توسع ایلمشیدی . ئەپسقیوس فلیکس ، شارلمانک بالذات ریاست ایتدیکی بر دیوان رهبان مواجههسنه کتوریله رک حطاسندن طولای ندامت و رجوعه سوق ایلمشیدی ؛ فقط اسپانیاه عودتندن سوکره ینه اسکی الحادینه دوشمش ایدی که بوده مطلقا - اوزمان پاپا بولنان اوچنجی ( له ئون ) ک ادعاسنه کوزه - اعتقاد مائله مالک اولان کافرلره تماسندن ایلری کلشیدی . مسلمانلره اولان تماسک نفوذی اهل کیندانک باشلیجه لری اوزرنده بودرجه جاری اولنجه اوفنوزک سائر اسپانیا خرسیتیانلری اوزرنده کی تأثیرینک پک بویوک بولمش اولدیننه حکم ایدیله بیلور . فی الواقع میلادک ۹۳۶ سنهسنده طلیطلهده انعقاد ایدن دیوان رهبان ، عقائد نصرانیتک صافیتی افساد ایدرجک هر دورلو احتلاطلرک اوکئی آله بیهجک وساطتی تذکر ایلدی .

مسلمان ایمان و عملنک بونفوذلری - معین اولان اهتدا تشبثلرینه انضمام ایدنجه - صرف تماس و احتلاطک غیری برشیئ مستلزم اوله بیهجکی و عرب قانندن بولنمایان مسلمانلر دیمک اولان ( مووالاد ) لرک تزید عددینی وجوده کتوره بیهجکی آکلاشیلور . بو مولدلرک احفادی آزده سی چوق کیجمکسزین مملکتک بویوک ومهم بر فرقه سنی تشکیل ایتمشلردی . حتی بالاخره

اهالینک اکثریتی تشکیل ایدن مولداریک دها طوقوزنجی قرن میلادی بدایتده عرب حاکمیتی صارصغفه بیله تثبیت ایتدکاری و کیت کیده اسپانیا مسلمانلری ایچنده برفرقه ملیه اوله رق فعلاً اثبات موجودیت ایلدکاری آکلاشیلور .

بویکی مسلمانلرک تاریخ اهدالری حقنده تفصیلات یوق کیدر . بو اهدالرک امثالی حاکمیت اسلامیته صوک کونلرینه قدر کوریله کلشیدی . حتی ۱۴۸۷ ( هجری ۸۹۳ ) سنه سنده فردیناند وایزابلا اوردوسی مالاغای ضبط ایتدیکی وقت اوراده بولنان و خرسیتیانلقدن دوئمش اولان کیمسه لری سیوری او جلی قامیش چوبوقلری ایله اشکنجه صورتیله قتل عام ایتدیرمشدی . بوندن ایکی سنه صوکره ( پورجه نا ) نک تسلیمنی مؤدی اولان مقالوله ایله ( ارتداد ) ایتمش اولانلرک خرسیتیانلغه رجوعه اجبار ایدلمه سی ایچون بالخاصه وعد آلمشیدی [۱] .

مهتدیلردن بعضلری محاکم طرفدن تعین ایدیلن مجازات نقدیه دن قورتلوق املیه اسلامه کلشیلردی ؛ فقط اکثریتی اسلامیتک نفوذ غالبه معنویه سی قازانمشیدی . اونفوذ اسلامیت که اهداسی ملحوظ اولانلر مواجهه سنه پارلاق مدنیته تک آثار سحرانیه سی ، شعری ، فلسفه سی و ادراکی جاذب ، تخیلی جالب صورتده معین اولان صنایعی ایله تمثیل ایدلمکده ایدی . عرب فاتحلرینک کوستریش اولدقلری علویت قهرمانانه دخی اوصاف مردانه و فضائل نجیبانه نک انکشافی ایچون آچیق بر ساحه حصوله کتورمشیدی . بویله برمسلك ایسه اسپانیالی غیر مسلم تبعه ایچون قاپالی قالیوردی . کذلک مسلمانلرک علوم و ادبیاتنه قیاس ایدلدیکی زمان خرسیتیان علوم و ادبیاتی پک فقیر و ضعیف کورنمش اولمیلدر . مسلمان علوم و ادبیاتک تحصیلی دخی دین اسلامک اتخاذه آیریجه بر محرک مشوق خدمتی ایفا ایدیوردی . بوندن ماعدا اسپانیاده کی اسلامیت - باشنده متقی علمای عقائد بولندیفی حالده - دیندار ذهنیتلره صاحب عزم و اتقا برفرقه ناجیه نک مصفا جاذبه لرینی عرض

[۱] لی نام انکلیر محررینک *Moriscos of Spain ; their Conversion And Expulsion* عنوانیه اسپانیا مسلمانلرینک اهداویا تقریرلری حقنده کی کتابندن .

ایدیوردی . بو دیندار و خالص مسلمان حزبی امور دولت اوزرنده بر نفوذ متفوق اجرا ایدیور ، دینی و اخلاقی اصلاحات اجرایی اوغورنده صمیمتله مجاهده ایلوردی .

اسپانیاده کی مسلمان اهالینک آتشین برحس دینی به مالکیترینی و خرسیان خلقک اسپانیا حدودی ایلریسنده بولنان دینداشرلیله متفقاً اجرای دسائس ایله حکومت اسلامییه تیسیج و اغضاب ایده کلدیکنی نظر ملاحظه یه آلور ایسهک بونلره رغماً حاکمیت مذکوره آلتنده اسپانیانک تعدیات دینه دن مستثنا صورته آزاده قالمش اولدیغنی درک ایده رزه نفسی قصداً تجریمه دوچار ایتمک صورتیه گویا دین اوغورنده ( شهید ) کیدن اوچ ویا دورت حادثه استثنا ایدیلورسه مسلمان حاکمیتک بوتون زمان موجودیتنده تعدی مذهبی اطلاقه تقرب ایده بیله جک حالات بولماز ؛ بوده طوقوزنجی قرنده قرطبه شهرنده ظهور ایدن « بالاختیار شهید اولمق » مجنونلغنی منع ایچون حکومت اسلامیهنک اتخاذ ایش اولدیغنی تدابیر شدیده دن عبارت قالور . او زمان اسپانیانک بو حوالیسنده خرسیانلر آرسنده پک متعصب بر گروه پیدا اولمشیدی . بو حزب افرادی میدانده هیچ بر سبب یوق ایکن علناً مسلمانلرک دینلرینی تحقیر و پیغمبرلرینه سب ایدرلر و تعصب نصرانیلرینه سرسریجه بر جریان ویرمک ایچون قصداً کندی اوزرلرینه جزای اعدام دعوتنه چالیشورلردی .

اختیار ذاتی ایله قربان کیمکه اولان بو ابتلای عجیب ۱۵۰ ایله ۸۶۰ ( هجری ۲۳۶ ایله ۲۴۶ ) سنه لری بیننده بالخاصه پاپاسلر ، مناسترنشینلر و تارکه ایچنده خرسیانلق نفوذینک زوالنی وغیرت دینه نک غیوبتنی دوشونه دوشونه - کافرلر حاکمیتک حریت مذهبه حقنده کی مساعداتی سببیه - اللرندن چیقمش اولان تاج شهادتی اسلامیته و پیغمبر مسلمینه شدتلی صورته هجوم ایدرک تکرار قازانمق ایستمشلردی ! بو کیلردن ( ایساق ) نامنده بر مناسترنشین برکون حضور قاضی یه وارر و دین اسلام حقنده کندیسنه معلومات ویرلمسی آرزو ایدیورمیش کبی کورینور . قاضی آکا احکام اسلامییه حقنده ایضاحات

ویرنجہ اودہ بردنبرہ طاشقینقلہ شو یولده تفوہاتده بولنور : « .... سزہ یالان شیلر تلقین ایتمش ؛ اللہده آکا لعنت ایتمسون . سیآتہ ملو اولدینی حالده بونجہ انسانلری خسرانہ سوق ایلمش و جهنمک اسفل سافلینہ چکوب کتورمش . ایچنہ شیطان کیرمش و ابلیسپسندانہ حقہ بازلقلر ایدهرک سز لرده مرض حاصل ایتمک ایچون برقدح مهلک شراب ویرمش . جرمنی ابدی لعنت ایله چککچکدر . مادامکہ ذوی العقولدنسک ، نیچون کندیکی بونجہ محاطر دلدن تخلیصه چالیشمیورسک ؛ نیچون بو معلول احکام اعتقادیہ حیاتی دیشوب آتیورسک و دین عیسوینک انجیلنده سلامت ابدیه آرامیورسک ؟ »

باشقه بر زماندهده بو قبیل متعصب خرسیتیانلردن ایکیمی بر مسلمان مسجدینک ایچنہ طالار و دین اسلامه قارشو سب و لعنت یاغدیور و بونک آکا سالک اولانلر اوزرینه جهنمک آتش تخریباتی جلب ایدهجکینی سویلر لر . واقعا بومقوله اهل تعصبک عددی کثرتلی دکلدی . مع مافیہ حکومت اسلامیه بوندن تلاشه دوشدی و کندی ادارهسی علیهنده بو کبی تحقیرات اجر اسنک و سب و شتم حقنده کی قانونی بو قدر مهمسه مه مکک مسلمانلر آرسنده عدم خشنودی نی و عمومی بر قیامی تولید ایده بیله جکی احتمالی ملاحظه ایتمدی . بناءً علیه ۱۸۵۳ ( هجری ۲۳۹ ) سنه سنده برنجی محمد طایطه خرسیتیانرینه قارشو بر تأدیت اوردوسی کوندردی . روایتہ نظراً بو حکمدار اوراده کی خرسیتیانلرک قتل عامنی امر ایتمش ای دیسه ده خرسیتیانلر آرسنده عقلی باشنده بولنانلرک بو کبی شیلرده مدخللری بولمدیغی کن دیسنه آکلادیلنجه یالکز سب و شتم حقنده کی قانونک صوک شدتیله تطیقنی امر ایتمدی . اهل کنیسا آرسنده کی حزب معتدل ، حکومتک قرارینه مظاهرته بولندیلر ، نه پسقوسلرده فالغه سبب اولان متعصبلی آفروز ایتمدیلر . او حرکات تنکیلیه حقنده کی قراری تذکر ایچون ۹۸۳ ( هجری ۳۷۳ ) سنه سنده بر دیوان مخصوص رهبان انعقاد ایتمشدی . آندن سوکره دخی اوتدهده بروده بر قاچ شهادت اختیاریه حاده لری کورلمش ای دیسه ده اسپانیاده عرب حاکمیتک دوامی مدتجه بو حادثات تکرر ایله مشیدی .

فقط ( المرآوده ) نام برر خاندانی آلسنده و اون ایکنجی قرن میلادی



مبادیسنده مسلمانانك علوم الہیات اربابنك جوشغون قسمی آره سنده بر تعصب جریانی  
 حصوله كلدی . بو حرکت مہیجہ دن ناشی خرسیتیانلرله برلکده یہودیلر وحقی  
 مسلمانانك شاعر ، فیلسوف و منشی کبی حریت افکار صاحبیلری دوچار تعذیبات  
 اولمشلردی . شو قدر که بوقیبل حادثہ لڑ اسپانیاده کی امرای اسلامیه نك خرسیتیان  
 تبعہ مواجہہ سنده اتحاد ایدہ کیش اولدقلری قاعدہ مساعده کارانہ یہ امثالی آرز  
 کورلمش استئنالر تشکیل ایدرلر .

( موريسقوس ) دینیلن اندلس مسلمانلری بقیاسندن بر ذات ۱۶۱۰  
 ( هجری ۱۰۱۹ ) سنہ سنده مذکور مسلمانانك آرتق تمامیلہ مملکتلرندن سوریلوب  
 چیقارلدقلری بر صردهده ( انگریسیون ) مظالمی پروتستو ایدرکن کندی  
 دینداشلرینك وقتیلہ خرسیتیانلرہ بخش ایتمش اولدقلری مساعدات حریتپرورانہ یہ  
 اخطار مقامنده افادات آتیہده بولمشیدی :

« بزم مظفراجداد مزالارنده قوت بولندینی دورلرده اندلسدن خرسیتیانلغی  
 تمامیلہ قالدی رفق ایستدیلمی ؟ سزك اجداد کز آنلرک زنجیر حاکمیتہ مربوط  
 ایکن آنلر خرسیتیانلرک آیین دینیلرینی کمال سربستی ایلہ اجرا ایلمرینہ تحمل  
 ایتمدیلمی ؟ هر هانکی بر ملت سیف اسلام ایلہ دائرہ فتحہ کتورلمش اولسه  
 اومت افرادینك معتدل بر خراج سنوی تادیہ سی مقابلنده اعتقادات قدیمه سنك  
 - ولو که بو اعتقادات باطل بولمش اولسون - محافظه ایدلمسنی بزم پیغمبرمز  
 قطعیتہ امر ایتهمشمیدر ؟ اگر اوزمانلر اهتدا ایچون جبر وقوع بولمش ایدیسه  
 اوده ذکرہ دکمہ جک قدر اندر ایدی ؛ حتی بو اندر اوله رق وقوعه کلن  
 اجباریلہ قبلرنده مخافة الله و مخافة الرسول الله بولمیان کیمسه لڑ طرفندن ارتکاب  
 ایدلمشدی . بو کبی کیمسه لڑ حرکتلرینك ارکان واحکام اسلامیه یہ تمامیلہ ضد  
 اولدیغنی بیلهرک او ارتکابده بولمشلردر . نقاط اعتقادیه اختلافندن طولایی  
 سزك منفور ( انگریسیون ) کزہ مشابہ بر خونریز محکمہ رسمیه نك بزده  
 مثالی بولدینی ادعا ایدہ مزسکز . شہه سز دینغزی قبول ایتک ایستیلرہ بزم  
 آغوش اخوتمز دائما آچیق بولنور ؛ فقط قرآن کریم وجدان اوزرینہ اجرای  
 تغلب ایچون بزہ قطعاً مساعد بولماز . بزم دینہ کتوردیکمز کیمسه لڑ هر دورلو

مظاهراته نائل اولورلر و وحدانیت خدایه و پیغمبرمزمک رسالتنه شهادت کتورر کتورمز بلاقید و شرط بزوردن صاییلورلر ، قیزلرمزله تأهل ایدرلر و شرفلی ، فائدهلی و داعی اعتماد مقاملرده استخداوم اولنه بیلورلر . بز یالکز آنلرک بزوم کبی تلبس ایلملری و - وجدانلرینی تدقیق ایتمکسزین - ضواهره کوره حقیقی مسلمان گورنملری لزومیه اکتفا ایدررز . شو شرطله که آنار دینمزی آچقندن آچیغه دوچار تزینف و طعن ایتمسونلر . آنجق بویله بر حاله تصدی ایتمکلری تقدیرده اوکیلملری حقیقه تجریم ایلرز ؛ چونکه کندی رضالریله کلشلمر و جبراً کتورلمه مشلردر . « [۱]

اسپانیاده کی یرلی مسلمانلرک « ارتداد و اهانت » لردن باحث اولوق و مملکتدن طردلرینی توصیه ایتمک مقصدیه بلنسیه ( والانسیا ) باش نه پستقسوسی طرفندن تنظیم ایدیلوب ۱۶۰۲ ( هجری ۱۰۱۱ ) سنه سنده قرال اوچنجی فلیبه تقدیم اولنان مخطرده اسلامیتک بو روح مساعده کارانه سی باشلیجه بر ماده تشکیل ایلر . بو مخطرده تورکلرک و سائر مسلمان دولتلرک غیر مسلم تبعه لرینه حریت وجدان بخش ایلمکلری بالمناسه اعتراف ایدلمشیدی .

اسپانیا خلقنک قبلرنده اسلامیتک نه قدر درین صورتده کوک صالمش اولدیغنه شو حال ایله ده حکم ایدیه بیلورکه ۱۶۱۰ ( هجری ۱۰۱۹ ) سنه سنده ( موریسقوس ) دینلن یرلی مسلمانلرک صوک قافله سی طرد ایدلرکی زمان بو بیچاره لر یوز سنه دن بری ظاهراً خرسیان کورونمکه مجبور قالمقله برابرینه دین اجداده مربوطیتلرینی اظهار ایلمشردی . قرناطه نك سقوطندن بری وقوعه کلن مهاجرتلره رغماً موریسقوسلردن اک صوک طرد ایدیلن قافله لرک عددی بشیوز بیکه بالغ ایدی . شهرلر ، کویلر بوشامش و اولر ییقیلوب خراب اولمش ویکیلرینی یاپه جق کیمسه لر بولنه مامشدی . بو موریسقوسلرک طمارلرنده پک آز عرب قانی قاریشیق ایدی ؛ بویاناتی مؤید اولان دلائل بورایه نقل ایدیه . میه جک قدر اوزوندور . بو باده یالکز بر نقطه ذکر ایدم که اوده ۱۳۱۱

[۱] قدیم انکلیز محررلردن ( مورغهن ) نام ذاتک Mahometism Explained

عنوانلی کتابندن مأخوذ .

( هجری ۷۱۱ ) سنه سنده یازلتس بر مکتوبدن مستخر جدر . آکا نظراً قرناطه شهرنده ساکن بولونان ایچی بوز بیگ مسلمانک یالکز بش یوز قدری عرب عرقندن ایدی . باقیسی تمامیه اسپانیا مهتدیبری احفادنن بولنیوردی . خاتمہ کلام اوله رق شوراسنی ده قید ایدم که اسلامیت اسپانیاده کی موجودیتنک صوک کونارینه قدر مهتدی قازامشدر . بوندن طولاییدر که ۱۴۹۹ ( هجری ۹۰۵ ) سنه سنده یعنی قرناطه نك سقوطندن یدی سنه صوکره حادث اولان احوالی یازارکن بر مؤرخ شو حقیقته نظر دقتی جلب ایتشدر ؛ اوده اوپله بر زمانده بیله مراکشلیلر آردسینده یاشایان بعض خرسیانلرک حضرت محمدک طریق دینسنه سلوک ایلریدر . [۱]

[۱] انگلیز مؤلفلرندن ( استوراین ما کسوهل ) نام ذاتک Don John Of Austria

عنوانلی کتابندن .

## آلتنجی فصل

آرزو زیاده نور ککر اداره سنده کی خرسیتیاره ملنری

آره سنده انتشار اسلامیت

عثمانلی تورکلرینک نامی آوروپای غربی ده ایلیک دفعه اوله رق اون اوچنجی قرن میلادی بدایتنده ایشیدلمشیدی . بونلر اوصره لرده الی بیٹ کشی یه بالغ اولدقاری حالده مغوللردن قاچیورلردی . بالاخره قونییه سلطانک امدادینه یتشدیلر و آنک کرك مغولار و کرك روملر علیهنده کی سفیرلرنده خدمتلیر ایتدیلر . بوندن طولای آسیای صغرانک شمال غربیسنده کائن بعض حوالی کندیلرینه ویرلدی . ایشه بوراسی استقبالک عثمانلی ایمپراطورلنی شکلی آنان مملکتک محوری مثابه سنده ایدی ؛ او ایمپراطورلق که انقسامه اوغرامش سلچوق تورکلرینک مالک اولدقاری اوافق حکومتلری برر برر بلع ایتدکن صوکره آوروپا طرفه آتلمش و ۱۶۸۳ ( هجری ۱۰۹۰ ) سنه سنده ویانه قاپولرینک اوکنده داها زیاده توسعنه قارشو سد چکنجه یه قدر قراللق آرقه سنه قرالقلری ضمیمه مالک ایتمشیدی .

عثمانلیلر آسیای صغرا ده کی توسعلرینک داها ایلیک کونلرندن اعتباراً خرسیتیان تبعیه مالک اولمشلر و آنلر اوزرنده اجرای احکام اداریه ایتشلردی ؛ فقط ۱۴۵۳ سنه میلادیه سنده شرق ایمپراطورلغنک اسکی پایتختی اللرینه دوشونجه یه قدر حکومت اسلامیه ایله اوراده کی کنیسای نصرانیت آره سنده براساس معین اوزره قطعی مناسبات وجود بولمامشدی . استانبولک ضبطی و او شهرده آسایشک اعاده سی اوزرینه سلطان محمد ثانینک ایلیک اجرا آتی کندیسنی روم کلیساسنک حامیسی اعلان ایدرک خرسیتیانلرک بیعتی تأمین اولمشیدی . خرسیتیانلر ده تعدیات اجراسی پک صیقی صورتده تحت ممنوعیته آلمشیدی . یکیدن انتخاب ایدیلن بطریق ایچون صادر اولان فرمان کرك آکا و کرك خلفلرله تحت



اداره روحانیه سنده کی نه پستقوسلره امتیازات قدیمه لرنیک ، واردات لرنیک و دولت ساقطه زمانده مستفید اولمش بولندقلری استثنائیتلرک دوامنی تحت تعهده آلمشیدی . تورک فتحندن سوکره پطریق یاپیلان ( غنادیوس ) مقامنک علامت فارقهسی اولان عصای نکهبانی روحانیتی سلطان محمدک کندی لندن تسل ایلمش وعطیه اولهرق دوقه آلتونیه مملو بر کیسه ایله مزین طاقلی برآت - که پطریق معیت شاهانه ایله برلکده پادشاهک آرقهسی صره کیتدیکی زمان بینمک امتیازینی حائر دی - آلمشیدی . بورئس کنیسا خرستیان ایمراطورلر طرفلرندن بر معتاد کوره کلدیکی احتراماتک کافهسیله معامله کورمشیدی . بوندن ماعدا کندیسنه بر خیلی قوای اداره ملکیه دخی ویرلمشیدی . صرف روملر آره - سنده کی دعاوی بی فصل ایچون پطریقلق محکمهسی انعقاد ایدردی . بو محکمه جزای نقدی تعینندن ماعدا تحت استعمالنده بولنان بر حبسخانهده مجرملری حبس ایتدیرر وحتی جزای اعدام قراری بیله اصدار ایلر ایدیسهده آنک اجراسی دولتک مأمورین عأندهسی طرفندن موقع اجرایه وضع ایتدیریلوردی . قوای روحانیه وکنیسایویهنک مراقبهسی - که تورک حکومتی طرفندن بیزاتین حکومتک اصولی خلافه اولهرق هیچده دوچار مداخله اولمازدی - پطریقک ایستدیکی زمانده انعقاده دعوت ایلدیکی سینود مجلسنک ید اجراسنه بر اقلمشیدی . بویلهجه پطریق ، دولت طرفندن هیچ برمداخله وقوع بولمقسنین دینه وعقأنده تعلق ایدن مواد حقتده قرار ویرردی . دولتک طانمش بر مأموری صفتیه - عدالتسزجه حرکت ایدن - والی وسائر مأمورین ادارهنک افعالنی نظر دقت شاهانهیه عرض صورتیه ظلمدیده اولانلرک تحفیف عذابلرینه خیلی خدمتده بولنه بیلوردی . طشره حوالیسنده کی روم نه پستقوسلقلاری دخی خیلی اعتباره مظهر بولنورلر وروملره عأند برچوق مواد ملکیه یداعتمادلرینه بر اقلور ایدی ؛ بونلر دائرة رهبانیتلرنده اوطوران اورتودوقس اهالی اوزرینه ازمنه جدیدیه کلنجیه قدر عثمانلی والیرلی ایملر کبی اجرای آمریت ایتملردی وبویلهجه فاتحلر طرفندن احما ایدلمش اولان خرستیان اصیلزادکاننک مقامنه قائم اولملردی . مراتب مرتفعه رهباننک عمومیت اوزره روم پاپاسلری اولمقندن زیاده تورک

آژانلری کبی فعالیتده بولنش اولدقلری و پادشاهک حامی کنیسا اولمق ایچون بر جواز قدسی یه مالک بولندیغنی اور تودوقس خلقه تلقین ایده کلدکلری کورینیور . بالآ خره اصدار ایدیلن بر فرمان ، جامعه قلب ایدمک اوزره مصادره ایدمش اولان کلیسالرک استعمالنی تکرار اور تودوقساره تأمین ایتمش وعادات ملیه لری وجهله آیین دینی اجراسنه مساعدده بولمشدر .

ایمپراطورلنک آوروپا جهتده کی روملر عددجه تورکلره فائق بولمقکه برابر ویریلن مساعدات مذهبیه و تأمین ایدیلن مال و جان حمایه سی ، روملری آمرلینک تبدیلی ماده سنه پک آز بر زمان ظرفنده آلیشدرمش و پادشاهک حاکمیتی بوتون خرستیان دولتلرینک اداره لرینه مرجح کوسترمشدر؛ و فی الحقیقه روملر ، ییزانسه قارشو حرکتیه یونانستانه ملاصق اراضی بی تملک ایتک ایستین فرانکلرک و دیگر ظرفندنه و ندیکیلرک معاملات ظالمانه لرندن ییزار قالمش اولدقلرندن عثمانلی فاتحلری منجی و حامی صفتلریله بر چوق یرلرده استقبال ایدلمشلردی . بو خرستیان دولتلر آوروپانک اسکی دره بکلک اصولنی یونانستانه ادخال ایله اهالی بی بر حال اسارته صومقشدر و لسان ، عرق ، مذهب جهتلریله کندیلرینه یابانجی صایدقلری او اهلینک نضرتنی قازانمشلردی . بو خلق ایچون آمرلرک تبدیلی ، وضعیتی دها فنا برشکله صومقادقن ماعدا برده اصلاح احواله طوغری کیتمکه بر فرصت صاییلوردی . واقعا خلاصکاران منتظره دخی کندیلرینه یابانجی ایدیلر ؛ آنجق بوسبوتون باشقه بر دیندن بولنان تورکلری ملحد عد ایتدکلری قاتولیکلره مرجح طوتیورلردی . آمرلرک تبدیلی طوغریدن طوغری یه ییزانس سراینک اداره سی آلتنده بولنان روملر ایچون دخی آرزو اولنیه جق برشی دکلدی . ( پاله ثولوغ ) ک وجوده کتیردیکی سفالت و ظلم ، تصورک فوقنده مدهش ایدی . « فساده دوشمش اصیلزادکان ، کثرتلی و مستبد بر صنف رهبان ، سؤ تاویله معروض قالمش بونجه قانون و فرمان ، خلقی متصل صویار بر حکومت و دها فناسی او حکومتک انحصارلری ، اصول وارداتی و بر آوردو تشکیل ایده جک قدر چوق کمرک و ویرکو تحصیلدارلری سفالت ایچنده قالان خلقده نه حقوق ، نه ده فرصت صلاح و یا امید نجات بر اققش ایدی » [۱] بویولده

[۱] قلاروق نام مؤلفک آمریقاده مطبوع Races Of European Turkey عنوانلی

کتابندن مستخرج .

برحاکه نك طرفکیرلکه یورودلمس صایله بیلیمی احتمانه بناءً حالات مذکوریه معاصر اولان دیگر بر منبع معلوماته مراجعت ایدلم؛ اسکی بر روس وقعه نویسی استانبولک سقوطندن بحث ایلدیکی صروده اورانک حکومت ساقطه سنی عین صورتله اتهام ایدرده دیرکه : « قانون قورقوسی بولنیمان بر ایمپراطورلق، آغزنده کم بولنیمان بر کیلان کیدر . قسطنطین ایله سفلی کندیلرینه منسوب اولان امرای اهالی یی ازمک ایچون سربست بر ایشلردی . آرتق محکمه لرنده عدالت ، قبلرنده جسارت قلمامشدی . معصوملرک کوز یاشندن ، قانندن حاکم لر خزینه لر ادخار ایدیورلردی . روم عسکرلری یالکز اونیفورمه لرینک احتشامیه مفتخر اوله بیلورلردی . وطنداشتر ایسه خائن وطن اولمقدن آرتق عار ایتیمورلر ، عسکرلرده محاربه ده قاقچقدن اوتانیمورلردی . عاقبت جناب حتمک رعده غضبی بونالایق اهل حکومت اوزرنده طنین انداز اولدی . رب العالمین - عساکری معارکدن مسرور اولان ، قضائی ودیعه عدالته اهانت ایتمین - سلطان محمد ثانی یی میدانه چیقاردی » [۱] بوضوک فقره ده کی مدح ، دائماً تورکلرک مظالمه قارشو پروتستو ایتمه کندیلرنده صلاحیت بولان برنسل سیاسی منسوبلرینک قولاقلرینه پک عجیب برصدا عکس ایتدیرسه کر کدر ؛ فقط مؤرخین معاصره دنک صریح و متعدد شهادتلیله ثابت اولمشدر . استانبولک صورت ضبطی بزه حکایه ایتمش اولان مؤرخلردن او کر ندیکمزه کوره حتی خوشونتلی معامله لرینه معروف سلطان بایزید بیله خرستان تبعیه علوجناب و حریتپرورلک کوسترمش و بونلری حضورینه قبول ایتمه کله قبلرینی قازانمش ایدی . مراد ثانی امور عدالتک اداره - سنده کی دقتی و روم ایمپراطورلری آلتنده وجود بولان سوء استعمالات آثارینک رفعی و اصلاحات وضعی خصوصنده کی مساعیسی ایله تمیز ایتمش و تبعه سنه اجرای تعدیات ایدن مأمورلرینی بلارحم جزایه چارپمشدی . استانبولک فتحندن سو کره لاقول یوزسنه قدر دوام ایدن بر مدت ظرفنده متین و منتظم بر اداره ، مقتدر بر سلسله مأمورین خصوصانی تأمین ایلدیکندن ممالکک هر طرفنده سکونت و نظام حکم سورمش و شایان ثنا اداره ملکیه و عدلیه موجود اوله گلشدی . بونلر هم مسلمانلر

[۱] قارام سین نام مؤلفک فرانسزجه یه منقول Histoire De l' Empire de Russie عنوانی روسیه تاریخندن .

همده خریستیانلر ایچون تامامیله بیطرف بر اصول عدالت تأمین ایتمیش اولماقلا  
برابر هر حالده روملره ماسبقلا اصلا قیاس قبول ایتمهچک درجهده بر حال  
صلاح بخش ایتمشردی . خدمات شاقه ایفاسی امرنده روملر اسکینندن پک  
آز ترضیقات کوریورلردی . فوقالعاده ویرکولر اسکیننه نسبتله اندر صورته  
آلینور وعلی العاده ویرکولر ایسه فرانکلرک طرح ایتمیش اولدقلری نهایتسز  
دره بکاک تکلیفاتنه ویزانتین آمرلرینک حدسز حسابسز صورته خلقدن  
پاره چکمارینه قیاساً پک حقیف قالیوردی . اوزمانلر تورکیه ممالکی آوروپای  
نصرانینک اکثر ممالکنندن داها ایی صورته اداره ایدیور وداها زیاده رفاه  
وسعاده مالک بولنیوردی . اراضینک زرع واصلاحیله اک چوق مشغول اولان  
خرستیان اهالی ایسه پادشاهک حکومتی ادارهسند آوروپانک معاصر بولنان  
حکمداران نصرانیهسنک تبعه لرینه نسبتله داها زیاده حریت شخصییه مالک  
وداها زیاده مساعینسک ثمره سی تصرفه قادر بولنیوردی [۱] .

کذلک مملکتک فعالیت تجاریهسنه رواج کمشیدی ؛ اسکی زمان پادشاهلری  
تبعه ناک تجارت وسائر معاملات کسبیهسنه انکشاف تأمیننه دائماً مهیا بولنیوردی .  
برچوق بویوک شهرلر بیزانتینلرک مضیق و محرب اصول مالیه لرندن تورک فتو-  
حاقی طولایسیله قورتلدقدن صوکره بر فعالیت مرفهه دورینه کیرمشردی .  
اسکی رومالیلر کچی عثمانلی تورکلری دخی یوللر ، کورپیلر خصوصنده بویوک  
انشاآت اهلی اولدقلرینی کوستریورلردی ؛ بو ایسه ایمپراطورلرک تجارتی  
تسهیل ایدیوردی . بیزانس ایمپراطورلری زماننده روم تاجرلری اجنبی لیمانلرندن  
طرد ایدلمشار ایکن تابعیت عثمانیه کیردکن صوکره تورک بایراغی آلتنده بونلرک  
تکرار اولیمانلرده اجرای تجارت ایده بیلملری ایچون لیمانلرک عائد اولدقلری  
دول اجنبیه حکومتی اوزرینه تضیق وقوع بولوردی . بونلرده مذکورسنجاق  
آلتنده اسفار بحرییه چیققلری وقتلرده تورکلرک لباس و اعتیادلرینی اتخاذ  
ایدلر و بوضورتله قاتولیکلرک مقدا روم کینساسی منسوبلرندن دریغ ایلدکلری

[۱] مؤلف بو احواله برچوق آثاری اشهاد ایدیور . یونانستان تاریخی صاحبی  
( فیناه ) وروم سیاسیاتله مشغول ( ئهدهنی ) واون آلتنجی قرن آلمان محررلرندن  
( کهرلانج ) وسائر ناک آثارینه بنای قول ایتمشدر . مترجم



مراعاتی تورک صفتیه ملل غربیه افرادندن کوره بیلورلردی .

مع مافیه خرسیتیانلر حقنده کی بو مساعداته و بو حسن معامله یه یالکنز بر حال ، استثنا تشکیل ایدیوردی که اوده خرسیتیان چوجقلرینک دوشیرمه طریقیه عائله لرندن آلمسی ایدی . بو چوجوقلر داها پک کمنج ایکن ابوینک لندن زورله آینورلر و مشهور یکیچری قوای عسکریه سنه ادخال ایچون تعلیم ایدیورلردی . یکیچریلر ابتدا ۱۳۳۰ ( ۷۳۱ هـ ) سنه سنده سلطان اورخان طرفندن تنظیم ایدلمشر و بالاخره بر قلاچ قرن ظرفنده تورک پادشاهلرینک قوای استبدادیه لرینک مستند علمیه اوله رق قالمشرلردی . یکیچری او جاعی هر دورت سنه ده بر کره منتظماً و جبراً طویلانیلان بو چوجق ( ویر کوسی ) ایله ادامه موجودیت ایدردی . وقت معینی کلنجه ضباط سلطانیه دوشیرمه ویر کوسنه تابع بولنان حوالی مملکتی طولاشورلر ویدی یاشنده کی چوجقلر آره سنندن مناسب کوردکلرینی بعدالانتخاب ابویندن آیررلردی . بعض مسلمان اهل تشریعی بو مخالف انسانیت ویر کویی قرآن کریمک [ ۱ ] امیرلر ایچون قبضنی تعیین ایتدیکی غنائمک بشنجیسی اولمق اوزره تاویلر یلتمشرلدر . بونلر جبراً اهتدایه سوقک ممنوعیتی امرنده کی احکام مقدسه نک بو قیل چوجقلر حقنده دخی معتبر بولندیغنی تعیین ایتلمشر ایسه ده حساس برسنده بولنان اطفالک مسلمان معلملر معرفتیه تعلیمی ، او امر مذ کوره نک تطیقتی ماده کاًن لمیکن حکمنده بر اقور . آوروپای نصرانی ده بو بار بارجه آنان ویر کو علمنده اوتهدن بری حسیات خشیت و نفرت اظهار ایدیلر کلمش و شرقرده سیاحت ایدن نصارای غربیه طرفندن خراب اولمش آشیانه لر صاحب لرینک آغوشلرندن چکیلوب آلمش اولان چوجقلردن طولایی کوز یاشلری دوکن ابوینک حالی حزین بر صورتده تصویر اولنمشدر . مع مافیه یکیچری او جاعی ایلمک تأسیس ایدلدیکی زمان یکیچریلرک عددی خرسیتیانلر طرفندن اختیار ذاتی ایله ویریلن چوجقلرله داها زیاده آرتمشیدی . بو ویر کونک ابتدای تأسسنده کی وضعیت روملرک او خصوصه کوسترمش اولدقلری لاقیدی ایله کسب وضوح ایلر . ذاتا

مملکت اولجه وقوعه کلن محاربه لر سببیه خراب اولمش و نیجه عائله لر آجلقدن اولمکه معروض قالمشیدی . یکچیجری نامزدی اولق اوزره آلان چوجققلرک برچوغی ده یتیم ایدی که بولندقلری کبی بر اقلمش اولسه لردی احتمالکه پریشان وحقی هلاک اولور کیدر لردی . بوندن ماعدا اواسکی دورلرده خرستیانلرک اسیر صورتیه یاقه لنوب صائلماری احتمالی دخی موجود اولدیغندن دوشیرمه اصولی حال اسارته نسبتله اهون شرین قالیوردی . برده بو دوشیرمه اصولنک بیزانس ایمپراطورلنی حاکمیتی آلتنده جاری اولان احوال مماثلته نک دوامندن عبارت بولندیقی ده اونودلما مشدر [۱] یکچیچریلک ایچون چوجققلری طوبلامغه مأمور اولان ضابطلرک جبر استعمالنه حاجت کورملری اندر صورتده واقع اولوردی ؛ بالعکس ابون اکثر احوالده منونیتله چوجققلری بو خدمته ویرلر و برچوق احوالده آنلرک پارلاق مسالکه مالکیتارینی اعتمادله امیدایدر لردی . هر حالده پادشاهک اولاد معنویه سی کبی تلقی ایدیله جک اولان چوجققلرینک راحت ایچنده باقیله جققلرینی ، تعلیم و تربیه کوره جکلرینی ملاحظه ایدر لردی . اکر آرزو ایدن ابونینک بر مقدار پاره تادیه سی مقابلنده چوجققلرینی اوجاقدن چیقاره بیلدکلری روایتی طوغری ایسه بو حال ، مؤسسسه مذکوره یی نظرلره فرض ایدلدیکندن داها آزار بار اوله رق عرض ایتک لازم کلور . ابتدا استانبولده و بعده اسکندریه ده بطریق اتمش اولان ( متروفانهس کیریوتوپولوس ) ۱۶۲۵ تاریخنده یازدیغی بر ائرده خرستیانلرک بودوشیرمه اصولندن قورتلق ایستیلری طرفندن مراجعت ایدیلن مختلف خدعه لری ذکر ایلر . مثلاً : اسیر دیه صائیلان مسلمان چوجققلرینی صاتون آلورلر و کندی چوجققلری ایش کبی دوشیرمه مأمورلرینه تسلیم ایدرلر مش . بو مقوله مأمورلردن اخلاق دوشکون و بالذات نجات دوشکونی اولانلره رشوت ییدیره رک چوجققلرینی قورتارلر مش . محررین قدیمه دن ( طوماس ایسمیث ) ۱۶۸۰ سنه سنده نشر اولان کتابنده بو کبی رشوت مقابلنده قورتاریلان چوجققلر مناسبتیه دیرکه : « بعض ابون بر شفقت ایجابیه و یا حقیقی بر حس دینی سائقه سیله چوجققلرینک غضب ایدلمه لری و بناء علیه

[۱] داوید خیره ٹوس نام مؤلف قدیمک لاتینجه - Oratio de Statu Eccles

iarum Hoc Tempore In Graecia عنوانی کتابندن .

خرستیان دیندن محروم قالمق مجبوریتنده بولماملری ایچون اللی ایله یوز دولار آره سنده بر مقدار پاره ویره رک پاره جانلی تور کلرک طمعلرندن استفاده ایدرلردی . « [۱] استانبول کبی بعض شهرلرله بعض آطه لرک خرسیتیانلری تور کلره تسلیم اولدقلری وقت وضع ایلدکلری بعض شرائط موجبجه و اشترا ایٹش اولدقلری امتیاز حکمنجه بو ظالمانه تالی ای دیلن چو جق ویر کوسندن استنا ایدلمشاردی .

دیگر بر مسئله ده تورک ایمپراطورلنی خرسیتیان تبعه سنک یا کندیلرینه بخش ایدیلن حمایه مقابلنده و یا خدمت عسکریه بدلی اوله رق تکلیفات شخصییه تأدییه ایلریدی . قوانین عثمانیه نك بونک ایچون وضع ایلدیکی مقدار هر شخصک قازانجه ویا وارداتنه کوره ایکی بوچوق ، بش و اون غروش ایدی ؛ بوده آنجق سن ر شده بالغ اولمش از ککلردن آنور و فقط قادینلرله ره بان بوندن استنا ایدیلورلردی . اون طوقوزنجی قرن میلادی ده بو مقدار اون بش ، اوتوز و آلتش غروشله چیقمش ایدی . اون آلتنجی و اون یدنجی قرنلرک خرسیتیان محررلری - ( مارتن ، قروزیوس ، سانسوینو ، جورجویج ، شفه ر و سائره کبی ) - بوتکلیفات شخصییه نك ارکک باشنه بر دوقه اولدیغندن بحث ایدرلر . تأدییه ایدنلره بو ویر کونک نه قدر آغیر کلدیکنی طوغریجه تقدیر ایچون او زمانلر آغجه سنک قیمت اشترائیه سی حقنده تحقیقات عمیقہ یامق لازم کلور . هر حالده بو آغجه قیمتی ، تبدیل مذهب ماده سنده پکده معتبر بر اعتذار صایله ماز . ( تورن فورت ) نام ذات ۱۷۰۰ ( ۱۱۱۲ هـ ) تاریخنده یازدیغی بر ائرده [ ۲ ] قندیه لیلرک اهتداسندن بحث ایلدیکی صرده ده دیر که : « بومسکینلرک وجدانلرینی بش اون پاره یه صامش اولدقلرینی اعتراف ایتلیدر . دینلرینک مبادله سی ایچون الدقلری شی بر جبه ایله تکلیفات شخصییه دن استثنائیت در ؛ او ویر کو ایسه سنده بش ( قرون ) دن عبارتدر . « تورک

[۱] طوماس ایسمیثک An Account of the Greek church عنوانلی روم کنیساسی حقنده کی انکلیزجه کتابندن .

[۲] ۱۷۴۱ ده لوندره ده مطبوع A Voyage Into the Levant عنوانلی شرق سیاحتنامه سنده .

اداره سنده کی خرستیانلرک حالی ممکن اولدینی قدر زیاده مظم کوسترمک ایستین (شهر) نام محرر دخی اعتراف ایدرکه ارکک باشنه بر دوقه البته اوافق برپاره ایدی . بوندن طولایی یالکزخرستیانلرک ویرمش اولدقلری دیگر فوق العاده ویرکولرله تکلیفات جریه اوزرینه محاکمه سنی اهمیتله یورومتشدر [ ۱ ] املاک ویرکوسی مسلمانلر وخرستیانلر ایچون مساوی ایدی . مسلمان اصحاب اراضی طرفندن ویریلن عشر ایله غیر مسلملرک ویردکلری خراج آردسنده کی قدیم فرقلر عثمانیلر طرفندن معتبر طوتلامشدی . خرستیانلر هر نه اذا وجفا چکمشلرایسه اوده بولندقلری مقامات رسمیه دن بالاستفاده جرنقود ایدن اشخاص مأموره نك تحکمندن ایلری کمشدر ؛ یوقسه بوکبی افعال ظلمیه شریعت اسلامیه یه مخالف اولدقدن باشقه حکومت مرکزیه نك ضعفه دوشوبده طشره نك مأمورین محلیه سنی وقوعه کلن حقسنزقلردن وسوء استعماللردن طولایی تجریم ایده مدیکی زمانه کلنجه یه قدر اندر کوریلوردی . تورک حاکمیتک ایلك ایکی قرنی ایله آنک زوال کامله یوز طوتدینی زمانلر آردسنده خرستیانلرک احواله دائر شایان دقت بر فرق کوریلورکه اوده بو احوالک اک فنا بر شکل آلدینی وقتلرده اهتدالرک پک آز وقوعه کلکیدر . اون سکزنجی قرن میلادی ده خرستیانلرک حالی هر زمانکندن داها فنا بر رنک آلدینی صره لرده اهتدا وقوعه دائر همان هیچ بر قید یوق کیدر ؛ بالعکس او صره لرده تورکلر مذهبلرینک ترقیسی امرنده قیدسز بولنقله وشک وضاللات ایچنده پویان اولقله تصویر ایدلمشلردی . خرستیانلرک چکدکلری آلامک تعذیبات مذهبییه دن زیاده سوء اداره دن ایلری کلدیکنک . دیگر بر مثالی ده مسلمان وخرستیان افرادک عین وجهله ظلمدیده اولملریدر . مع مافیله خرستیانلر قانونی صورتده احقاق حق ایتدیرمک امرنده مواجهه لرینه موضوع بولنان مشکلات سببیه غضب وغاراته وسوء معاملاته داها زیاده معروض قالیورلردی . بوندن طولایی پک فقیر وعاجز بولنان بعض خرستیانلرک تبدیل مذهبه بر چاره خلاص بولمش اولملری محتملدر .

چوجق اعطاسی مسئله سی - که روملر پک آز بر مخالفتدن صوکره قبول



ایتمشاردی و بونک العاسی آنک دوامیله وقوعه ککش بر عصیان ویا قیامه دکل آنجق تورک قومنک تراید نفوسه واوردوی هایونه کیرمکده اولان مهتدیبارک تکثرینه مبنی ایدی - مستشنا طوتلدینی حالده عثمانلی پادشاهلرینک خرسیتیان تبعه حقنده کی معامله لری - هر حالده یونانستانک فتحندن ایکی یوز سنه سو کر دیه قدر - اویله بر مساعده کارلق ارانه ایدرکه آنک بر مثلی آوروپای نصرانی ده کورلمه مشیدی . مجارستانده کی قالوین مذهبی سالکری و ترانسیلوانیاده کی وحدت خدا طرفداری خرسیتیانلر متعصب هابسبورغ خانداننک نجه سنه دوشمکنن ایسه تورکلره تابع اولمغی بر خیلی زماندن بری مرجح کوریورلردی . [۱]

کذلک ( سیلیزی یا ) ددکی پروتستانلر چوقدن بری ترکیه یه طوغری باقیورلر وحریت مذهبه لرینی مسلمان حاکمیتی بهاسنده اولسه استعمال ایتمک ایستور - لردی . اون بشنچی قرن میلادینک صوکلرنده مظالمه دوچار اولمش بولنان اسپانیا یهودیلری کثرتلی قافه لرله یالکز ترکیه یه التجا ایتمش لردی . روسیه نک رسمی کنیساسی طرفدن دوچار تعدیات اولان و ( اسکی معتقدلر ) دینلن بر طریقه منسوب قازاقلر کندی دینداشلرینک دریغ ایتمش اولدق لری حریت مذهبه یی بمالک پادشاهی ده بولمش لردی . اون برنجی قرن میلادی ده انصا کیه بطریقی بولمش اولان ( مارقاریوس ) لهیلرک شرق اورتودوقس کنیساسنه منسوب اولان روسلره ایتدکلری قورقنچ مظالمی کوردیکی زمان شو سوزلری ایراد ایتمکده حق وارمش :

« اوایمانسز سفیلر طرفندن شهید ایدیلن بیکلرجه کشینک ضیاعندن طولای هب آغلادق . مقتوللرک عددی یتمش و احتمالکه سکسان بیکه بالغ اولمشدر . آه ، دینسزلر ! آه ، ملوث و حوش ! آه ، سزی کیدی طاش یورکلیر ! تارکه دنیلر ، قادینلر نه قباحت ایشلدیلرکه ؟ قیزلر ، اوغلانلر سزده نه فنانق یامشلردی ؟ بن بونلره نیچون ملعون لهیلر دیورم ؟ چونکه آنلر کندیلرینی - اورتودوقس نامنی دنیادن قالدیرمق خیالی اوزرینه خرسیتیانلره ایتدکلری مظالم ایله - اصنامه طاپان اهل ضلالتدن ده اشاغی دوشوردیلر . الله تورکلرک

ایمپراطور قلربی اید مدت ایلسون ! چونکه تورکلر ویرکونی آلدقدن صوکره مسلمان اولسون ویا خرستیان یاخود یهودی بولنسون مذهب نامنه کیمسه یه فنالق ایتمزلر . حال بوکه بو ملعون لهیلر خرستیان قارداشلرندن ویرکونربی ، عشرلربی آمله اکتفا ایتمدیلر ؛ برده آنلری عیسانک دشمنی بولنان مستبد یهودیلرک اداره سنه معروض براقیورلر . یهودیلر ایسه آنلره نه کلیسا انشاسنه مساعدده ایدیورلر ، نه ده سرائر حکمت دینی بیلن رهبان بولمیرینه رخصت ویریورلر » [۱] بوخرستیانلر ، بر دولت نصرانیه اداره سنده بولمقدن امیدلربی کسدکلری مساعدات دینی بی تابعیتنه کیرمکه بولمق ایستدکلری ترکیه یه طوغری انظار حسرت عطف ایدیورلردی [۲] واقعا بعض جرأتکار تورک مأمورلرینک ایدی عدالتشکنانه لری عثمانلی ایمپراطورلرنگ دور زواله کیردیکی زمانلرده بعض خرستیانلری تبدیل دیانتله اصلاح وضعیته سوق ایلمش اوله بیلور ؛ فقط تورک پادشاهلرینک مملکتلرنده اسلامیتک قلیج قوتیه انتشار ایلمدیکی آشکاردر . اهتدالردن اکثریسی آنجق تورک حاکمیتک ایلمک ایکی عصری ظرفنده وقوعه کلشیدی . شایان حیرتدرکه اوزمانلر عثمانلیلرده کوریلن نشر دین غیرتی آنلری کندی قانونلریله معین اولان حدود امتیازیه بی و مساعداتی تجاوزه اصلا سوق ایتمه مشدی . تورکلرک النده یکریمی ایکی سنه اسارته قلمش بر ذات آنلرک کیمسه بی ترک دیانته مضطر براقدقلرینه شهادت ایدیور [۳] بوبابده داها باشقه شهادتده بولنانلر وارددر . مثلا : اون یدنجی قرن میلادی مبادیسنده ترکیه بی زیارت ایتمش اولان برانکلیر « بوراده بر آدمک وجدانی اوزرینه اجرای جبر اندر اوله رق کوریلور » دیمشیدی [۴] او تاریخندن اوتوز سنه قدر صوکره یعنی ۱۶۶۳ سنه سنده « تورکن - شریف » عنوانلی اثری یازان ( شهفهر ) نام آلمان مؤلفی ده شو سوزلری قید ایلمشدر : « زوربالقدن زیاده قورنازلقله مهتدی

[۱] انطاکیه بطریق مارقاریوسک عربجه دن انکلیرجه یه مترجم سیاحتنامه سندن .

[۲] مؤلف بورواتی ایतालینجه خزینة اوراق عتیقه مجموعه لرندن استخراج ایتمشدر .

[۳] بو اشهاد Turchicae Spurcitiae Suggilatio عنوانلی بر اثر قدیمدن .

[۴] بوروات ( بلاونت ) نام بر محرر قدیمک A Voyage Into the Levant

عنوانلی سیاحتنامه سندن .

قازانورلر و بناء عليه انسانلرك يوركلرن دن عيسايي - ال چابوقلغني ايله - چكوب چيقارلر . في الحقيقه شيمديكي حالده هيچ برمملكتي شدت ايله ( ارتداده ) اجبار ايتيورلر ؛ فقط سائر اويله وسائط قوللانورلر كه خرستيانلغني كو كندن - حس اولماز بر صورتده - سو كوب آتارلر . او مملكتده كي بونجه خرستيانلره نه اولدي ؟ بونلر مملكتدن طرد ايدلميلر . تورك ديني قبول ايجونده اجبار ايدلميلر . بناء عليه او خرستيانلر كندي كنديلريني توركله كه قلب ايتمش اولاجقلر . »

توركلرجه بر آدم حقنده ايديله بيله جك مرحمتك اك بويوكي آني دين اسلامك دائره سلامتته كتورمكدر [۱] بو مقصدله تجربه ايتمك هيچ بر طرز اقناع براقازلر . اون آلتنجي قرن سياحلرندن هولاندالي بر ذات ، آياصوفيه جامع كيريني نظر تحسين ايله تماشا ايدركن حسيات دينه سي اوزرينه بعض توركلرك اعمال نفوذ ايتمك ايستدكلريني وحتي صنايع نفيسه حقنده كي ميلي اوقشامق ايجون « اكر دين اسلامه كلور ايسه ك بوتون مدت حياتكده بورايه هر كون كله بيلورسك » ديدكلريني حكايه ايلشدر . آندن يوز سنه قدر صوكره بر انكليز سياحنه بوكا مشابه بر حال واقع اولشدر . ( طوماس ايشميث ) نامنده كي بو زائر سياحتنامه سنده [۲] ديركه : « توركلر بعض كره - افراط غيرتدن طولايي - بر خرستيانه نازكانه صورتده ( بيجون اسلامه كلوبده بزردن بري اوليورسك ؟ ) ديه صورارلر . بويله برسؤال آياصوفيه نك قاپوسي او كنده بندن صورلشدي . بر كيسه نك دينلرينه داخل اولسني تبريك ايدركن توركلرك اظهار ايلدكلري مسرتلردن استدلال اولنه بيله جيكي اوزره جان قازانمق خصو - صنده كي آتش اشتياقلري بو آدملرك غيرتلي مبشرلر مياننده بولندقلرينه شاهددر . يكي بر مسلمان آت اوزرينه بيندرييلور وسوقاقلرده مظفرانه صورتده كزدرييلور . اكر يكي بر مسلمانك تبديل دينده كي صميميته و دائره اسلامته اختيار ذاتي ايله كيرديكنه قناعت حاصل اولور ايسه اهتداسي بويوك بر حرمتله

[۱] بو قول ۱۵۹۹ سنه سنده طبع ايديلن ( دوسا ) نام محررك De Itinere

Suo Constantinopolitano Epistola عنواني اثر قديمندن مستخرج .

[۲] عنوان سياحتنامه اولجه اصلي اوزره قيد ايدلدي .

قارشیلانور؛ محتاج بر مهتدی ایسه اسباب معیشتی ده تأمین ایدیلور .  
 اون یدیحی قرن انکلیز محرلرلندن (آلکساندر روص) ده شو بیاناده  
 بولمشیدی: «تورکلر جلب اهتدا خصوصنده پک خواهشیدرلر؛ داها طوغریسی  
 خرستیانلری دین حقدن - دین دیمکه دیلم وارمیان - دینلرینه چویرمک ایسترلر؛  
 خرستیانلرک (القرائی) قبول ایتملری ایچون معبدلرنده دعالر ایدرلر و بو مقصده  
 وصول ایچون تهیدیکبی، مماشات کبی، اعطای مکافات کبی تجربه ایدلرک واسطه لر  
 بر اقالرلر .»

مهتدی قازانمق ایچون وقوعه کلن فعالیت غیورانه - خرستیان هیئت اجتماعیه سنه  
 مخصوص اولان بعض احوال دن طولانی - داها مؤثر بر شکل آوردی . بو احوالک  
 باشلیجه سی روم کنیسانک دوشمش اولدینی ذلت ایدی . بیزانتین ایمپراطورلغنک  
 اداری استبدادینک یانی باشنده برده کنیساوی استبداد پیدا اولمش و بو استبداد  
 مواد اخلاقیه و دینه ده هر درلو مناظره یی منع ایدن بر عقائد جیلکک ثقلتی  
 آلتنده حیات عرفانیه نک کافه مساعیسی ازمش ایدی . بو بابده کی طور غونلغی  
 تحریک ایدن برشی و ارسه اوده عرق نقرتنک ، الهیات مجادله لرینک هر دورلو  
 شدتیه لاتین کنیساسی علیهنده اجرا ایدیلن محاربه لفظیه ایدی . خلقک  
 دیندارلغی اشکال ظاهریه نک کستاخانه بر صورتده محافظه سندن عبارت قاله جق  
 بر درجه یه ایمش و بیبایان اولان عبادتلی ده آنجق مریمه ، اعزیه ، تصاویره  
 طایفمه مجرالر بولمشدی . حیات روحانیسی بویله جه قعر مذله دوشمش اولان  
 بر کنیسادن یوز چویرمک ایستین برچوق کیمسه لر بولنیوردی . بو کبی کیمسه لر  
 روح القدس کبی ، ابدن ولده انتقال کبی اینجه نقطه لر اوزرینه جریان ایدن  
 نهایتسز مباحثه لر دن و یا تحمیدات ربانیه ده قوللانیلان اکمک قابوقلی می اولمی  
 قابوقسزمی کبی اوافق تفک شیلردن اوصانه رق اسلامیتک واضح ومدرک اولان  
 وحدانیت تبلیغی نمونیتله قبول ایلمشردی . بوکا متعلق اولمق اوزره بر مؤلف  
 بزه شونلری نقل ایدر: «یالکز طبقات عادیه دن دکل هر صنف ناسنک  
 اصحاب و قوفندن برچوقلرینک اهتدا ایلدکلری ، دین اسلامی قبول ایدن راهلر  
 و مناستر نشینلر ایچون تورکلر طرفندن اسباب معیشت تأمین و بناء علیه



بوكيلك اثريه امثاله باشقه لرينك تشويق ايدليكي كوريلوردى . « [۱] ادرنه هنوز توركلرك پايختي بولنوركن يعنى فتح قسطنطينه نك تاريخ ميلاديسى اولان ۱۴۵۳ سنه سندن مقدم اوراده كي سراي سلطاني مهتديرله طولو ايدى ؛ حتى بومهتديرك ، اشراف و اعيانك اكرتيني تشكيل ايتمش اولدقلى روایت ايديلور . بيزانتين پرنس لردن وسائر معتبرانن بعضلى طرف مسلمينه كچمشلر و مسلمانلر آره سنده مهيا برحسن قبول كورمشلردى . بوكي حادثاتك ا ك اسكي مثال لردن بريسي ۱۱۴۰ ( هجرى ۵۳۵ ) سنه سنده وقوعه كلشدى . شويله كه : ايمراطور ( ژان قومونه س ) ك بر حفيدى اسلامه كلس و قونيه ده حكمران بولنان سلطان مسعودك قيزيله ازدواج ايلشدى . [۲]

استانبولك فتحندن صوكره خرستيان هيئت اجتماعيه سنك يوقارى طبقه سنه منسوب بولنانلر احاد ناسدن زياته قبول اسلاميته مائل اولمشلردى . مهتديلر آره سنده بولنان برچوق كيمسه لر ساقط ايمراطور ( پاله اولوغ ) خاندانك نامنى طاشيورلردى . اصحاب علمدن طربزونلى ( يوركي آيروتزه س ) دخى حياتك صوك كونلرنده اسلاميته دخالت ايجون خرستيانلر ترك ايلشدى . بونلره مائل داها برچوق ذواتك اهتداسى مسجلدر . بونلرك قبولنه عرض ايديلن يكي دين كنديلردن يالكز شو ساده جه كله لر ايله طلب موافقتده بولمشدر . او كله لرده : « لاله الاالله ، محمد رسول الله » . بالاده اسمى ذكر ايديلن قديم بر خرستيان محررى بومناسبتله تفيدات آتیه ده بولمشدر : « بوتون مشكلات ايشته بوشهادت ايمانیه ده مندجدر . بناء عليه بر كيمسه برتك اللهه عابد اولديغى حقده كنديسنى اقناع ايدرسه آرتق ضاللتك زهرى دين شكنده احتفا ايله رك آنك نفسنه سرايت ايدر . ايشته مواجهدده برنسيان قاياسى كه آكا چارپان برچوق كيمسه لر خسران روحى ايله دوزاغه دوشمشلردر ؛ ايشته پك چوق كيمسه لك بويونلرينه طايقلان و آنلرى قعر نوميدى يه طوغرى طالديروب كوتورن دكرمن طاشى . ايمدى

[۱] بوروایت تركيه ده اسير حرب اوله رق بولتمش اسمى مستعار بر كيمسه نك اولوب

Turchicae Spurciciae Suggillatio عنوانلى اثر قديمى نك بولمشدر .

[۲] بوروایت ( قراوز ) نام آلمان مؤلفنك Die Byzantiner des Mittelalters

عنوانلى كتابندن .

اوده لیلر تورکلرک اصنامه لغت ایتدکلرینی و هر رسم و شکل حقنده - کویا جهنم آتشی ایش کبی - اظهار بغض و خشیت ایلدکلرینی و بناء علیه متصل تک بر الله بولندینی حقنده شهادت کتوردکلرینی و ووعظ ایتدکلرینی ایشدنجه آرتق ذهنلرند شهبه ایچون هیچ بریر قالماز . »

شرق کنیسانه مربوط اولوب داها خالص ، داها ساده حقایق اتخازینه آرزوی قوی کوسترمسندن طولایی برقاچ یوز سنه مقدم تدایر شدید اتخاذیه باصدیریش و حواریوندن عزیز پاولو نامنه نسبتله ( پولیسین ) تسمیه ایدلش اولان مسلك الحاده یکی بر حیات ویرمک ایستینر ایچون آرتق اسلامیت برملجاً اولیوردی . بو حرکت ایسه اورتودوقس کنیسانک اعتقادات باطه سنه ، تصاویر و اشیاى تقدیسه یه تبعده قارشو بر پروتستو و مذهبک ساده لشمسی ایله حیات متقیانه نك تأسسی اوغورنده بر تثبث ماهیتده ایدی . اون یدنجی قرن میلادی ده بو الحاد طرفدارلرندن بر چوققلری بولغارستانده بولندقلرندن مسلمان فاتحلری اوراده روم کنیسانک عقیده و عملندن طولایی مغبر اولش بر خیلی کیمسه لر کورمشلردی . ممالک غربیه ده پروتستان کنیسانک تشکله مساعد اولان احوال بوراده موجود اولمدیغندن بو افکار مخالفه اصحابی دین اسلام ساحه سنده داها او یغون بر هوانک وجودینی حس ایلورلردی . اون یدنجی قرنده روم کنیسانی پروتستانا لشدیرمق خصوصنده وقوعه کلن تشبثاتک موفقیتسز لکنک بوندن ایلری کلدیکنی ظن ایتک ایچون اسباب کافیه واردر . بو حرکتک رهبر روحی ( سیریل لوقاریس ) اسمنده بری ایدی که بو ذات ۱۶۲۱ ایله ۱۶۳۸ سنه لری آرده سنده بش دفعه استانبول بطریق انتخاب ایدلمشیدی . کنجکلنده پروتستان مقامات تدریسه سنده الهیات تحصیل ایچون ویتنبرغ و جنوره دارالفنونلرند بولتمشیدی . استانبوله عودتندن سوکره جنوره ، هولاندا و انکلترده بولنان مذهب معدلک ( پروتستانلغک ) ارباب اختصاصی ایله مخابره ایده کلشیدی ، فقط نه انکلیز کنیسانک نه ده ( لوتهر ) مذهبک احکامی لوقاریسک محبتی ( قالوین ) ک تعلیمی درجه سنده قازانه مامشیدی . بوندن ناشی قالوینک تدریساتی روم کنیسانه ادخاله چالیشدی ؛ او باده کی مساعیسی

جنورده کی قالوین سالکری طرفدن حار بر صورتده التزال ایدلی وحقی بونلر قالوین اصحاب الہیاتنک آثارینی روجہ بہ ترجمہ صورتیہ اومساعی بہ یاردمدہ بولمق ایچون (لہ ژہر) اسمندہ کنج بر الہیات معلمنی استانبولہ قدر کوندر۔ مشردی [۱]۔ کیریاقوس (ونام دیگر سیریل) لوقاریس استانبولہ کی پروتستان دولتری سفارتخانہ لرنده کنديسنہ دوستلر بولمش وبالخاصہ فلمنک وانکلیز سفیرلری اعانہ لر ویررک کنديسنہ سمیخانہ صورتده یاردم ایتمشلر ایدی۔ دیگر طرفدن دخی اورادہ کی ژہزوئیتر قاتولیک دولتری سفیرلرینک التزامیلہ قالوین مذہبنک روم کنیسانجہ اتخادی خصوصندہ کی تشبثی عقیم براقق ایچون الدہ ایتدکری ہر درلو وسائطی قوللانمشلر وحقی روم کنیسانندہ کی مخالف فرقہ رهبانک لوقاریس علمیندہ کی دسائنی فعلاً ترویج بیلہ ایتمشلردی۔ بو مخالفلر عاقبت بطریقک حیاتنہ قصد ایتمکہ قدر کیتمکدہ ایدیلر۔ لوقاریس ۱۶۲۹ سنہ۔ سندہ بر شہادت اعتقادہ نشر ایتمشیدی کہ بونک ہدف اصلیبی اورتودوقس کنیسانی احکامنک قاتولیک مذہبنہ مابیتنی تمیل ایتمک و بناء علیہ پروتستانق تبلیغاتی ایلہ بر ائتلافک ضرورتی کوسترمک اولدینی آکلاشلمشدی۔ بطریق لوقاریس قضا و قدرک، نجات وغفرانک یالکز دین واسطہ سیلہ وجود بولہ جنی احکامنی قالوین مذہبندن استعارہ ایتمش، کنیسانک لایحطیلکنی انکار ایلمش و اهل کنیسانک کتاب مقدسی تفسیردہ کی صلاحیتنی رد ایلہ تصاویرہ تعبدی اتہامدہ بولمشیدی۔ «ارادہ» و دیگر برچوق مسائل حقندہ کی ایضاحاتندہ اورتودوقس کنیسانی تعلیماتندن زیادہ قالوین مسلکنہ مائل کورونمشیدی۔ ریاست روحا۔ نیہ سندہ بولندینی کنیسانک اوامرنی تمیل ایدر صورتدہ نشر ایدیلن مذکور شہادت ایمانیہ روم راہلرینک ہیئت مجموعہ سنی حدت و شدتہ مخالفتہ سوق ایتمش و وفاتندن بر قاچ ہفتہ صوکرہ عقد ایدیلن سینود مجلسندہ سرد ایلمش بولندینی فکرلر دوچار اتہام اولمش و کنديسی آفروزلی اعلان قلمشیدی۔ استانبولہ ۱۶۴۲ تاریخندہ ینہ بو مقصدلہ بر سینود دیوانی داہا عقد ایدلمش

[۱] پیلر اسمندہ بر آلمان مؤلفنک شرق کنیسانندہ پروتستانق حقندہ کی Geschichte der Protestantismus in der Orientalischen Kirchen عنوانی کتابندن۔

و بونده کیریاقوس لوقاریسک شهادت ایمانیه بیاننامه سنک هر ماده سی تفصیلاتی صورتده رد ایدلکدن صوکره کندیمی اوزرینه شو طرز آتشین ایله لعنت یاغدیلمشیدی :

« آرزوی متحد ایله وقابل تقید اولمیان الفاظ شدت ایله بوتون بوشهادت ایمانیه بی مشحون الحد اولق و اورتودوقسلغمزه ضد بولمق صقتلرندن طولایی تقییح و اتهام ایده رز . شوراسنی ده بیان ایلرزه که او احکام شهادتی التقاط ایدن شخصک مذهمزه هیچ برعلاقه سی قالمیوب او آنجق مفتریانه صورتده (قانون) لکی بزم اوزریمزه یوکلتمک ساخته کارلغنده بولمشدر . آنک نشریاتی حقیقی و معصوم آتاردن عد ایدرک او قویان ویا محافظه ایدنلرک ویا خود قولاً وقلماً آنی مدافعه ایلنلرک کافه سی او شخصک شریکری و الحادینک سالکری وکنیسی نصرایتک مغفلری اولق اوزره دینداشلق دائره اجتماعدن طیشاری آتارز ، موقع ویا رتبه لری نه اولورسه اولسون کندیلرینی بتپرست تلقی ایده رز . بو کیلر دائمی آفروز آتنده قالسونلر ! کرک دنیا ده کرک اخرتده اب ، ابن وروح القدسن علاقهری منقطع بولسون ! مردود و ملعون صایلسونلر ! بعث بعدالموتدن محروم رخائب قالسونلر و مجازات ایدهدن قورتلسونلر ! »

بوشهادت ایمانیه نك مواد الحادیه سی ابطال ایتمک وروم کنیسانک اورتو - دوقسلغنی - کنیسی مذ کوری قانون عقائدیله تلویث ایدلمش صایانلره قارشو - تأیید ایلمک ایچون ۱۶۷۲ تاریخده قدسده بر اوچنجی سینود داها انعقاد ایلمشیدی . روم کنیسانی پروتستانلاشدرمق ایچون وقوعه کلن کافه تشبثاتک بو صورتلرله بیهوده یاپلمش اولدیغی تظاهر ایتدی . فی الحقیقه قانون احکام عقائدیه سی بو کنیسانک تبلیغات دینه سنه طابان طابانه ضد بولنیور و تلقین ایلدیگی مواد اعتقادیه اورتودوقس کنیسانک دکل بلکه اسلامیتک احکامیه داها آهنکدار کورینیوردی که مذکور کنیسا اربابی مسلمانلرله اولان مباحثانده او قبیل احکامه تعرض ایلورلردی . ایشته ذهاب مسلمین ایله اولان بو مشابتهت قریبه سندن طولایی درکه قانون مذهبه طوغری کوسترلمش اولان حرکت متبایله ، اسلامک انتشاری تاریخده مناسب بر موقع بولور . تصاویرم



تبعدي مقبوح ومكروه صايان ، رهبانيتك حكم وقدرتته وحتى تأسسنه معارض بولنان ، قضا وقدر مطلق احكامنى التزام ايدن ، اراده بشرده حریت تامه بولنديغنى انكار ايلين ، عهد عتيق وعهد جديد ايله مشاهمتدار قالوين لك روحنه طرفدار اولان بر آدم البته اون يدنجى قرنده كى روم كينيساسنده دكل بلكه دائره اسلامده بر هواى مناسب بوله بيلوردى .

اوقرن ميلادى ظرفنده اهتدا ايتمش اولانلر آره سنده قالوين مذهبنه ميللرندن طولايى مذهب اجدادن صوغومش كيمسه لك چوچقه بولنش اولديغنده شبهه يوق كيدر . كيرياقوس لوقاريس طرفدارلرينك مقدارى وروم كينيساسى اوزرينه قالوين مذهبنك اجرا ايدم بيلديكى نفوذك درجه وسعتى حقتنه قطعى معلومات يوقدر . اورتودوقسلى والحاددن مصونيتى - منسوبى طرفندن - تفاخرله مدافعه ايديله كلن بر كينيسانك محافظه شهرتى خصوصنده بك قيصقايچ كورينن و بناء عليه قالوين لك اشتباهندن معرى بولنان رهبان طاقى اوملحد يطريقى ذهبنده يالكز باشنه قالدى ديه ذكر ايلرلر ؛ لكن لوقاريس البته طرفدارلره مالكدى . حتى ملحدلكلرى استانبول و قدس شهرلرنده كى بويوك سينود مجلسلى طرفندن آفاروزه اوغرا ديلان كيمسه لردن مركب تشكىل ايتمش اولان رقيب بر سينود جمعيتنده لوقاريسك « شهادت ايمانيه » سى عيناً مظهر تجويز دخى اولمشيدى . لوقاريس طرفدارلرينك آفاروز ايدلدكلرى بيان اولنديغى حالده صوكرده آنك هيچ بر طرفدارى بولمىوردى ديمك البته معناسزلقدر . بو طرفدارلردن بعضيسنك اساميسى صحايف تاريخيه واسطه سيله اسلافه معلوم دخى اولمشدر . بونلر مياننده آنه متره پوليدى صوفرانوس ، مناستر نشين راهب لردن اولوب لوندرده دن استانبوله بر مطبعه طاقى كتوره رك الحاد رساله لرى نشر ايدن وبالاخره لوقاريس طرفندن خدمتته مقابله بر متره پوليدلكه نصب اولنان نيغو دموس مه تاراس ، فيلسوف قوريداله ئوس - كه استانبولده بر الهيات مدرسه سى آچمشدى - وطنداشلى آره سنه قالوين مذهبنى صوقوق مقصديله مخصوص بر علم حال رساله سى تأليف ايتمش اولان جرغانوس ، لوقاريسك رودوس اطه سنده منفى بولنديغى زمان بطريقلق ايدن و آنك منافدن عودتى اوزرينه بطريقلقنى

کندیسنه برامق ایچون استعفاسنی ویرن ایکنجی نه ئوفیتاس وسائره موجوددر .  
 لوقاریسک ۱۶۳۶ سنه سنده جنوره دارالفنوننه کوندرمش اولدینی برمکتوبده  
 مذکور دارالفنونک استانبولده مرخصی اولان و مترجمک ایدن ( له ژرر ) ک  
 یازیلری و وعظاری سایه سنده بر چوق کیمسه لری قالوین مذهبنه ادخال ایلدیکی  
 بیلدیرلمشیدی . لوقاریسه خلف اولان پطریق تونسہ نفی ایدلمش و اوراده کی  
 لوقاریس طرفدارانی آنی بوغدیرمشردی . قالوین مذهبی سالکلری لوقاریسه  
 خلف اولان برنجی پارتہ نیوس دیہ معروف پطریقدن پک بویوک خدمتیر  
 بکلیرلردی ؛ فقط آنک یا تسمیم و یانفی ایدلمک صورتیله وقوعه کلن ناکھانی وفاتی  
 بونلرک امیدلرینی بوشه چیقاردی . استانبولده ۱۶۴۴ دن ۱۶۴۶ سنه سنه قدر  
 پطریقلق ایدن ایکنجی پارتہ نیوس دخی قلباً قالوین مذهبنه مربوط ایدیسده  
 آنک احکامنی آچیقجه تعلیم و تبلیغه جسارت ایدہ میوردی . مع هذا کنڈیسک  
 اوبابده کی میلانت حس ایدلمسی خلعه و صوکرده نفی و احناقنه سبب اولمشیدی .  
 ایشته بویله جه قالوین مذهبک نفوذی لوقاریسک دشمنلری طرفندن وقوع  
 بولان اعترافدن چوق زیاده توسع ایلمشیدی . رئیسلرینی محکوم ایدن سینود  
 مجلسلرینک آفاروزینه بویون اکمکدن امتناع ایلین لوقاریس طرفدارلرینک -  
 کنڈیلرندن تجاهل ایدہ کلن اورتودوقس رهبانندن زیاده - مسلمان قومشولریله  
 حسیات مشترکه یه مالک بولمش اولدقلری بدیهیدر . واقعا ترکیه ده کی قالوین  
 نفوذینک مسلمانلغه دخولی تسهیل ایش اولدینی حقنده برهان قطعی یوقدر ؛  
 شوقدرکه باشقه اسباب تصریحیه نک معدومیتدن طولایی مسلمانلره اولان او  
 مقارنت حسیاتک روملر آره سنده - اون دینجی قرن واسطنده - کثرتله وقوع  
 بولان اهتدالرک عامللرندن بولمش اولدینی محقق صورتده تخمین ایدیلہ بیلور .  
 لاجرم اومدت ظرفنده متوسط طبقه دن وعوام ناسدن بولنان روملر آره سنده  
 کورلمش اولان اهتدالر دیکر و قتلرده کی اهتدالردن چوق زیاده ایدی . روملر  
 رهبان آره سنده - وحقی سابق رودوس متره پولیدی کبی یوکسک رتبہ لی  
 پاپاسلر آره سنده بیلہ - متصل « ارتداد » وقوعدن بحث ایدیورلردی .  
 یونانستانک قورینت جهننده ۱۶۷۶ سنه سی ظرفنده هرکون برقاچ خرستیانک

« تورك ضالنته » طالدقارندن وحقی اوج راهبکده تبدیل ایمان ایتدکلرندن شکایت ایدیلوردی . [۱] سلطان محمد رابعک اوغلی مصطفانک سنت دوکونی اجرا ایدلیکی زمان ( ۱۶۷۵ هجری ۱۰۸۶ ) اون اوج کون سورده عمومی شنلکرده لاقول ایکی یوز مهتدی موجودایدی . کذلک اودرولرده یازیلان آثارده دهاا برچوق اهتدا مثاللری کوریلور . معاصریندن اولان بر محرر ۱۶۶۴ سنهسنده مهتدیبرک حالت ذهنهلرینی شو وجهله تعریف ایلشیدی : « احوال حیاتیجه معتاد اولان تماسلر صرهسنده تورکلرله احتلاط ایدنجه بونلرک برای عبادت تلاوت ایلدکلری شیلر میاننده داود (ع . م) ک الهمیسی دخی بولندیغنی کورورسکز . تورکلر صدقه ویررلر وسائر امور خیریهده بولنورلر . حضرت عیسی حقنده فکر احترامیلری یوکسکدر . انجیلهده حرمتلری واردر . بوندن ماعدا اشک کبی برحریف ، بولندیغنی یرک پاشاسنه هدیهلر تقدیمه بر ناحیهیه کنیدیسی پاپاس بیله تعیین ایتدیره بیلور . اویله بر آدم ایسه خرستیانلق لوازمنی جماعته اخطارده پکده اصرار اتمز . بناء علیه تورك اولور ایسه کز سلامتته وصول بوله جغکزه اینانمغه باشلارسکز . ایشته بویلهجه مقدس اقایم ثلثه ، چارمیخه چکیلن ابن الله و - تنور اتمه مش عقوله باطل کبی کورینن - دهاا نجه سرائر دینه ذهنکزدن چیقار کیدر وخرستیانلغکز حس اولنیه جق بر صورتده تمامیه زائل اولور . بعده سزک ایچون خرستیان قالمق و تورك اولمق آرهسنده هیچ بر فرق بولندیغنه قناعت کتورمکه باشلارسکز . » [۲] او دوردن صوکره وقوع اهتدا قیوداتنه نادراً تصادف ایدیلور ؛ لکن بر فرانسز مؤلفی ۱۷۰۳ سنهسنده استانبولده تبدیل دین ایدن برخیلی خرستیانلر حقنده تفصیلات ویرر [۳] و بونلر آرهسنده بعض قاتولیکلر ایله بر فرانسز پاپاسی بولندیغنی وازمیرده دخی بر قاچ راهبک اسلامه کلدیکنی یازار .

[۱] بروایت هامهر تاریخندن .

[۲] اولجه عنوان اصلیدی ویریلن ( شهفه ر ) نام آلمان محرر قدیمک کتابندن .

[۳] دولاموتره نام نام فرانسز محررینک ۱۷۲۷ ده منتشر - Voyages En Euro-

pe, Asie Et Afrique عنوانلی کتابندن .

روم کنیساسی سالکترینک تناقص عددینی موجب اولان عاملردن بریسی ده واعظترینک - وخاصةً یوکسک مرتبه‌لی راهبرینک - فساد و ذلت حیاتیه‌لی ایدی . باش نه‌پسقیوسلقدر و نه‌پسقیوسلقدر مزایده‌یه وضع اولنور واک زیاده پاره تکلیف ایدنره ویریلورلردی . آنلری آلانلر ایسه ویردکاری پاره‌لی چیقاره‌بیلیمک ایچون هر وسیله ایله جماعتلردن پاره چکرلردی . بونلر بدبخت خرستیان اهالی اوزرینه علی‌العاده و فوق‌العاده صورتلره ویرکولر یوکلیرلر و آنلری وافتیز، اعتراف ذنوب ، تلاقی قدسی ، کفارت ذنوب و دفن نصرانی‌حق کی تقدیس سنن مراسمنی فاحش مقدارلره اشترایه مضطر بر اقولرلردی . بعض پاپاسلر یکیکچریلره بر نوع غیر مقدس اتفاق عقد ایتمشوردی ؛ حتی برچوق نه‌پسقیوسلره معیتری افرادینک اسامیسی یکیکچری اورتهلرینک لیسته‌لرنده مقید بولنور و امرای عثمانیه‌نک فساد اخلاقی سببیه دولت ایچنده بویوک بزور با قوتی وجوده کتورن بو جماعت عسکریه‌نک حمایه‌سی آلتنده حرکات متجاوزهلردن و جرملرینک دوچار مجازات اولمسندن مصونیتلرینی تأمین ایدرلردی . [۱] روم پاپاسلرینک حرکات غدارانه‌لردن او زمانلر خرستیانلرک چکمش اولدقاری اضطرابلر معاصریندن بعض شهود شخصییه طرفندن تصویر ایدلمشدر . بونلردن ( تورن فورت ) نام محرر ۱۷۰۰ سنه‌سنده وقوعه کلن بطریق اتخابندن بحث ایلدیکی صرده دیرکه :

« هیچ شبهه‌ایتمه‌لم که بطریق وقتی پک خوش کچوره‌جکدر . استبدادی ، بیع و شرای وظائف جرمی تعقیب ایدر . بطریقک ایلك یابدینی ایش باش نه‌پسقیوسلره نه‌پسقیوسلره و رهبان سائریه اراده پادشاهی‌نی تبلیغدر . اک بویوک وظیفه‌سی‌ده بویوک پاپاسلق مقاملردن هر برینک مقدار وارداتی بیلیمکدر . بونلردن هر بری اوزرینه رسوم وضع ایدر و آیرنجه بر مکتوب ایله پاره‌کوندر . منی صیقی صورتده تنبیه ایلر . بویوک راهبرده بوتجارته آیشمش اولدقلرلردن بو اضطرابک آلتنده قالمالزر ؛ آنلرده کوچوک موقعلرده کی پاپاسلری تضییق ایلرلر . پاپاسلرده دائره روحانیلرنده کی خلقه مراجعت ایلرلر و پیشین تأدیات

[۱] پت زی پیوس تام مؤلفک Eglise orientale عنوانلی کنیساسی شرق تاریخندن .



وقوع بولمادقچه بر طامله بيله ماء مقدس سر پمزلر . اكر بطريق فضله پاره يه احتياج كورسه او پاره نك تحصيلنى توركلره حواله ايدر . راهبر على العاده يكرمى بيك (قرون) تأديه ايدرلر كن توركلر يكرمى ايكي بيك قرون آلورلر وبيله جه خدمتلىرىك آجيسى چيقاريرلر وبطريقه عقد ايتدكلى مقاوله مو . جنبه تأديه دن امتناع ايدن نه پستقوسلرى مأموريت روحانيه لرينك اجر اسندن منع ايدرلر» [۱] خرستيان پاپاسلر دن بعضلرينك بو قيل كينسا آليش و يریشلرى ايچون پاره بولمق قصديه جماعتلى افرادينك چوجقلىرى قاچيره رق اسير ديه صادقلرى بيله مرويدر . [۲]

اون يدنجى قرنده وقوع بولمقده اولان بوجر نقود كيفيتى اون طوقوزنجى قرنده - آوستريا طرفندن اشغالندن مقدم - بوسنه و هر كسده عينيله تكرر ايلشيدى . بوسنه سراى متره پوليدى زواللى جماعتندن سنه ده اون بيك ليرا پاره صيزديرردى كه بومقدار اوراده كى تورك والى عموميسنك سنوى معاشك ايكي مثلنى طوتاردى . بو عظيم يكون چيقارلمق ايچون جماعت افرادى خيلى تضيق ايديلور و تورك مأمورلى بو خصوصه پاپاسره يارديم ايچون حكومتدن امر آلورلردى . بو يوك مقاملرده كى راهبر طرفندن ايستيلن آچه ي و يرمكن امتناع ايدن و يا ويرمكه قادراولميان باجمله كويلر، صوييلان شهرلر ك طالعزل كلرينه مشاركتله معذب بولنورلردى . هر فرصته خرستيان اهالى بي حمايته مكلف اولان رهبانك بو ناقابل تحمل مظالمى اهالى بي عصيانه بيله سوق ايدنيوردى . بناء عليه بو كى استبداد معاملاتندن قورتلق مقصديه برچوق خرستيانلر ك طرف مسلمينه كشمش اولميرينه تعجب ايله ميلدر .

مظالم كينسائيه نك باشقه بر دورلوسى ده سلانك ملحقاتندن ( نوآنتا ) نام محله وقوع بولمشدى . اوراده وقوعه كلن تضيقات اولاح طائقه سندن دورت بيك قدر افرادى حاوى بر جماعت اجدادينك اهتداسنه سبب اولديغى

[۱] ۱۷۴۱ سنه سنده لوندره ده منتشر A Voyage Into the Levant عنوانى

شرق سياحتنامه سندن .

[۲] غولتیه دو لهزلی نام فرانسزك ۱۶۶۶ سنه سنده منتشر L'Ambassade

à la Porte Ottomane عنوانى توركیه سفارتنامه سندن .

مرویدر . بو خلق آره سنده زبازرد اولان عنعنیه کوره اون سکرنجی قرنده استانبول پطریقلرندن بری تورک ایمپراطورلغی تبعه خرسیتانیه سی ایچنده یالکز روجه تکلم ایدنلرک دولته صادق اولدیغی حقدنه زمانک پادشاهی اقناع ایلمش ، پادشاهده خرسیتان تبعه نک یالکز روجه قونوشملرینی وعکس تقدیرده دیلرینک کسپله جکئی براراده ایله بیلدیرمش . بوخبر ( نوآنتا ) خلقنه واصل اولنجه برقسیمی قورقودن اورمانلره التجا ایله اوراده یکیدن کویلر احداثه مجبور قالمشالر ؛ قاچه میانلرده اسلامه گلشالر بووجهله لسان مادری محافظه ایده بیلمشالر . [۱]

واقعا نواحی ، قری و محلاتده کی رهبان ، هیئت مجموعه اعتباریله آمرلرینه عطف اولنان سیآندن مصون ایدیلر ؛ فقط بونلرده قاره جاهل دینه جک قدر کتابت وقرآندن محروم ایدیلر . اون یدنجی قرن میلادی صوکلرنده ترکیهده بولنان بوتون روم رهبانی ایچنده یالکز اون ایکی کشینک یونان قدیم لسانه لایقیله آشنا بولندقلری سویلنور . پاپاسلر ایچون قرائته مقتدر اولمق بویوک بر اقتداره مالکیت کبی صاییلوردی . حالبوکه بونلر دعا کتابلرنده کی الفاظ وتعبیراتدن برچوغنک معناسنی آکلایه مازلردی .

اوزمانلرده کی خرسیتان هیئت اجتماعیه سنده انسانی متنفر ایده جک پک چوق شی بولندیغی حالده تورکلرک حیاتنده انسانی منجذب ایده جک برخیلی اوصاف واردی . بناء علیه خرسیتان کنیسانسک رهبرلیله معلملرینه قیاس ایدیلنجه اسکی عثمانیلرده تظاهر ایدن وجه تفوق - روم اهل کنیسانسک سوء استعمالاتدن ، مذهب نامه چر جیلکندن ، خودکامانه امللرندن طولایی طغیانه کلن - افکار متقیه اصحابی اوزرنده بالطبع بویوک تأثیرات اجرا ایلردی . اسکی زمان خرسیتان محررلری تورکلرک حیات دینه لرنده کی صمیمت واحاطه بی ، دینک تلقین ایتدیگی وظائفک اجرا سنده کی شوق ، طرزحیاتده وتلبسه کوستردکلری حسن حالی ، محویت مشهوده بی هان هر مناسبتله مدح ایتشلردر . ایمپراطور برنجی ( له نه پولد )

[۱] بالقان محاربه سندن چندسنه مقدم بکرشده ( لازار اسمنده بری طرفندن آلمانجه اوله رق یازیلان Die Südrumänen der Turckei عنوانی کتابندن مستخر - جدرکه مؤلف فاضل بونک سیاسی پروباغاندا مقصدیله یازدیغی اشارت ایتمه مشدر . مترجم .

طرفدن ۱۶۶۵ سنه سنده باب عالی زدينه کوندرلمش اولان هيئت سفارتك  
 وقعه نويى ( غولتیه دو لهسلى ) نام ذات توركلرك بالخاصه امر عبادتده كى  
 مداومت زاهدانه ليرنى ثنا ايدر كن دير كه : « خرستيانلرجه تعجبي موجب اوله جق  
 صورتده شوراسنى اعترافه مجبورزكه توركلر دينلريله عملده خرستيانلردن  
 چوق زياده شوق كوسترلر . خرستيان ارباب اتقاسنده مشاهدهسى اميد ايديلن  
 هر شى آنلرده كوريلور : عبادت آنده هيچ بر فردك كوزى هيچ بر وجهله  
 برجهته چويرلنز ؛ هيچ بر كيمسه مقصد عبادتدن باشقه برشيئه ربط قلب ايتمز ؛  
 خالقنه قارشى كنديسندن بكنيلن حضوع كامل كوسترمين هيچ بر مخلوق  
 كورنمز » [۱] عسكرلرك اطوار و حركاتى بيله بو قيل مدح لردن بر حصه مناسبه  
 اخذ ايتمدر . ايكنجى شارلك زردپادشاهى ده كى سفارتنده كاتب بولنان بر ذاتك  
 بياناته نظراً مملكت داخلندن كچن بر اوردونك ينما كرلكى ويا قادينلره قارشو  
 سوء حركاتى كى اهلينك شكائتى موجب بر شى وقوع بولمازدى . اوردونك  
 كيچه جكى يوللر اوزرنده كى ميخانه لر و ايچكى صايلان ديكر محللر عسكرك  
 وصولدن اوچ كون اول قاپادير يولور و تمهير ايتد ير يولور لردى . عسكره مسكرات  
 صايلمسى جزاى اعدام تحتنده منع اولنوردى .

توركلر حقنده هيچ بر اثر محبت طاشيمان خرستيان محررلرى بيله آنلرك  
 مزيتليرنى خيلى تقدير ايتمدر لردى . بومقوله محررلردن بريى توركلرك مذهبي  
 حقنده فنا فكر لر بسليكي حالده ينه شو بيانانده بولنيور : « بنجه مقبول صايلما-  
 مقله برابر قرآنده بعض جوهر نصرانيت آثارى بولنديغنى بيلورم . حقيقتاً ،  
 اكر خرستيانلر مسلمانلرك تواريخ و قوانيننى اهتمامله او قوش اولسه لر مصادف  
 اولدقلى حالات مواجهه سنده كنديليرنى كوچوك دوشمش بولور لردى . او  
 حالات ايسه : اعمال طاعاتده صميميت و اهتمام ، اجراى تقوى و ايفاي خير ،  
 طهارت ، عبادتگاهلرده وضعيت احترامكارانه ، حقيقى علمائى دينه مطاوعت .  
 حتى بويوك تورك ( يعنى پادشاه ) مفتى الانام ايله مشاوره ايتمكسزىن بر شى

[۱] غولتیه دو لهسلى نام ذاتك فرانسزجه L'Ambassade à la Porte Ottoane

یابه‌ماز . هر زده بولنورلرسه بولسونلر ، ونه ایشله مشغول اولورلرسه اولسونلر کونده بش دفعه عبادت ایتکه نه قدرده بویوک بر اهتمام کوستیرلر . بوتون بر آی ظرفنده صباحك حولندن اول باشلایه‌رق آقشامه دکن نه قدر مداومته اوروج طوتارلر . حسب الاسلامیه یکدیگره قارشی خیر خواه و خیر پرور بولنورلر . خسته خانه لرنده غریبلر - فقرا دن اولسونلر ویا سیاحت حالنده بولسونلر - اعتنا ایله باقیولرلر . آنلرک عدالتلرینه ، حال مستیدن امساک نفس ایلدکلرینه وسائر مزایات اخلاقیه لرینه نظر ترصد عطف ایدرسه کندیمزک کرک طاعات و کرک خیرات خصوصنده کی حال باردیزی آکلایه‌رق محجوبیت حس ایده‌رز . اسلامک تعالیسنه آنلرک تقوی و افعال خیریه سنک سبب اولدیغنده شبهه یوقدر» [۱]

ازمنه متأخره محررلرندن بر مؤرخ ده اوباده عین نتیجه واصل اولمشدر . بو ذات دیرکه : « بزم آکلایه بیلدی کمزه کوره یوکسک استعداد و اوصاف اخلاقیه صاحبی بر چوق روملر ، مسلما نلرک وجوه تفوقیه لریله اودرجه متحسس اولمشردی که حتی - ویرکو مقامنده - خدمت پادشاهی یه ویرلمکدن قاجمش بولندقلری حالده بالاخره کندی اختیارلریله اسلامیه صارلمشردی . اون بشنجی قرن میلادی ده پک چوق وقوعه کلن اهتدالرده افراد مهتدیبه نك طول املی قدر عثمانلی هیئت اجتماعیه سی اخلاق متفوقه سنک دخی دخلی بولنمش اولسه کر کدر . » [۲]

تورک حاکمیتک آوروپاده کی انحطاطنه و تورک حدود ممالکنک متدایاً قیصالدیغنه شاهد اولان و « خسته آدم » دیه تورک شخصیت مغنویه سنک سریع بر زواله محکوم اولدیغنی ایشتمکه آلیشان برنسل ، عثمانلی ایمپراطورلغنک دور اعتلاسنده آوروپاده اجرا ایئش اولدیغنی تأثیراتی آکلامقده البتده مشکلات چکر .

تورک سلاحنک سرعتلی واحاطه لی صورتده وقوعه کلن موفقیتی انسانلرک ذهنلرینی حیرت وخشیت ایله طولدیرمشیدی . خرسیتیان قرالقلری بر برینی

[۱] آلکساندر روص نامنده دیندار برانکلیز محرر قدیمک ۱۶۸۸ ده لوندرده منتشر و قرآن کریم ترجمه سنی اوقومقده کی لزوم احتیاط ایله تورکرک تفاخرلرینه قارشو اخطاری معلن عنوانسز برکتابندو .

[۲] اولجه عنوانی مذکور انکلیز مؤرخ ( فینله ) نك یونان تاریخندن مستخرج .



متعاقب توركلرك ایدی تسخیرینه دوشیوردی؛ بولغارستان، صربستان، بوسنه، مجارستان استقلاللارینی آنلره تسلیم ایتشلردی. معظم و نديك جمهوریتی مالک اولدیغی قطعات اراضیدن برخیلیسنک لندن چکیلوب آلدیغی کوردی. حتی اوترانطونک ضبطندن سوکره بلده ابدیه (روما) بيله تهیدیه معروض قالمشیدی. اون بشنجه قرن میلادینک قسم اخیریله اون آلتینچی قرن ایچنده میدانه قونیلان خرستیان آثار محوره سی - تورکک روش مظفرانه سی طور دیرلمدجه - آوروپای نصرانینک مقدراتی تهید ایدیه جک اشکال مصائبک تخمینلریله طول دیرلمشدر. تورکک، جناب حقت - کناهکارلقدن و اخلاق دوشکونلکندن طولانی - قوللری تادیب ایچون یدربانیسنده برقیرباج اوله رق تمیل اولمش و یا خودریا کارانه صورتده قوللانیلان دین پرده سی آلتنده خرستیانلنی تحریبه چالیشمق ایچون ابلیسک سربست بر اقلمش بر قوتی اولق اوزره تاقی ایدلمش ایدی. فقط بوراده دها اهمیتله دفته شایان اولان نقطه بعض کیمسه لرك کندی کندی لرینه شو سؤللری صورملریدر: «عجبا اسباب محقه بولمقسزین جناب حق مسلمانلرك عددینی بویله حسابسز درجه ده آرتیرمغه راضی اولورمی؟ بیکلرجه افراد بشرک تک بر شخص ایش کبی ملعون و کناهکار اوله بیلیمسنی عقل قبول ایدرمی؟ بوقدر کثرتلی برجماعت بشریه نصل اولورده دین حقه (یعنی خرستیانلرجه حق اولان دینه) معارض بولنه بیلور؟ مادامکه حقیقت خطادن قوتلیدر و بوتون انسانلر طرفدن سویلور، او حالده بوقدر کثیرالعدد اولاد بنی آدم ایچون او حقیقه قارشو مجادله ایدلیکی احتمالی موجود دکلی؟ مادامکه جناب حق دائما حقیقته معیندر و آنی التزام ایدر، او حالده تورکلر نصل اولیورده حقیقته غلبه ایده بیلورلر؟ اگر دینلری اویله سویلندیکی کبی ضلالتک چوروک تمللری اوستنه قورولدی ایسه او حالده ایچون بویله خارق العاده صورتده توسع ایتدی؟» [۱]

آکلاشیله بیلدیکنه کوره بوکبی ملاحظات تورکک حاکمیتی آلتنده یاشایان خرستیان اهالینک اذهاننده یربولمش و خاصه تورکلره اسیر دوشوبده

[۱] بوجل استفهامیه ۱۵۱۶ سنه سنده پارسده انشار ایدن لاینجه Turcicae

Spurcittiae Suggilltio عنوانی اثردن مستخرجدر.

دوچار اولدقلری حال سفالتدن قورتلق و هوای حریت تنفس ایلک امید یولنمقیزین کلال و ملال ایچنده سنه لک کچوب کیتدیکنی کورن بدبخت خرستیانلرک ذهنلرینه داها قوتلی صورتده وارد اولمشدر . بناءً علیه بو اسیرلردن برینک کندی کندینه خطاب آتی ده بولمسنه شاشاملیدر : « ای نغم ؛ اکر الله سنک صاریلدیغک مذهبدن ممنون قالمش اولسه ایدی سنی بوخالده براقازدی ؛ بالعکس حریتی استحصالده ومذهبکه عودتده سکا معین اولوردی ؛ فقط مادامکه سکا قارشو آزادینک هر یولنی قاپامشدر ، اوله جق بويا ، سنک اومذهبی براققلغک مقدردر و التحاق ایده جکک طریق دینی ده واصل سلامت اوله جقسک ؛ الله بویله دیله مش اولمی . » پک آهسته کچن اوزون سنه لر کندیسنه واسطه خلاص کتورمه مسندن طولای ذهنده حاصل اولان شکی بووجهله تعریف ایدن خرستیان اسیر شهسز دیگر بر چوق اسرای نصرانیه نك اذهاننه - برصورت غالبه مصرانه ده - وارد اولان ملاحظاته دخی ترجمان اولمش وعاقبت اسکي مذهبه اولان رابطه لری قیروب آندن آیرلمش واسلامه کلشدر . قرآن ایله قلیجدن برینک انتخابی تکلیف مخینه معروض قالسه لر دین نصرانیت اوغورنده شهادتی درحال انتخاب ایتک ایستیه جک اولان کیمسه لر اوزون سنه لر اسارتدن صوکره افکار واعمال اسلامیه نك نفوذلرینی متراید برصورتده حس ایلکه باشلامشدر ایدی وشدت اجبارک موفق اوله مدینی رده شیمه انسانیت مهتدیله قازانمشدی . واقعا خرستیان اسرادن بر چوغنک طالعی پک آجینه جق صورتده تجلی ایتمشدی ؛ فقط برقسمی ده اشخاص منفرده نك خانه لرنده برر موقع طوتمشدردی . بویله لرینک حالی آوروپانک سائر مملکتلرنده کی خدمتکارلرک حالندن البته داها فنا دکلدی . شریعت اسلامیه جه معین اولدیغی اوزره حال اسارت ، ترکیه ده اک عذابلی اشکلندن تجرید ایدلمشدی . هر حالده اوراده - آفریقای شمالیده کی قورصان حکومتلرک اداره سنده اولدیغی کبی - باربارلق وغدارلق ایله برلکده جاری اولیوردی . او مملکتده کی اسیرلر سائر افراد محلیه کبی حقوقه مالک اولورلردی وحقی - روایته کوره - براسیر سوء معاملاتندن طولای ویلسنی قاضی حضورینه جلب ایتدیره بیلور وعبد ایله مولانک عادات

و اخلاقی احدهما آخره ضد اولوبده کچینمک احتمالی بولمندیفی کسب ثبوت ایدنجه قاضی مولایه اسیرینی باشقه بر کیمسه یه صاتمسی ایچون امر ویره بیلوردی [۱].

خرستیانلردن قاپیلان اسیرلرک وضعیتلری بالطبع بولندقلری مملکتک احوالنه واسیرلرک کندیلرینی زور بر حیاته اویدیرمق خصوصنده کی قابلیتینه کوره تخالف ایدردی . یاشیلیر ، راهبیر ، مناستر نشینلر ، اصیلزاده نر داها چوق معذب اولورلردی ؛ حال بوکه اطبا و اهل صنعت کندیلری اوزرینه صرف ایدیلن پاره نیک مقابلی لایقوله ادا ایدن خدامدن بولمندرین طولانی داها ایی معامله لره مظهر صاییلورلردی [۲].

غالونلرده قوللانیلان اسراک زیاده دوچار زحمت و عذاب اولورلردی . بولنلردن بحث ایدن بر مؤلف دیرکه : « تورک حرب کیمسند باغلی طوتیلان بوزواللی اسیرلرک حیاتی علامت صلیب آلتنده اسیرتجارتی ایله مشغول آروروا غالیونلرنده کی اسرا حیاتندن نه داها اھون نه ده داها اشد ایدی . ایکی تقدیرده دخی اسرا ایچون مقدر اولان شی چتین ایشلر ، بدبختلق ، آجی ضربلر ایدی . ساحلده مثلا برتورک ویا جزایرلی حبسخانه سی بلکه بارسلون ویا ناپولی ده کی زندانلردن پیسلک وقرراکلی جهتلریله صحت ایچون داها مهلک ایدی ؛ فقط دکزده - اکر سفالتی درجانه آیرمق لازمسه - تورک کیمسی زنجیرینه باغلامش اولان اسیرلرک حالی اھون شرین قالوردی » [۳].

اسراپی کندی مذهبلی و جهله اجرای عبادتده سربست براقق معتاد ایدی . استانبولده کی حکومت حبسخانه سنده اسیرلرک کندی پاپاسلری و کندیلرینه مخصوص عبادتخانه لری بولنوردی . غالیونلرده کی اسرایه تسلیت اعطاسی و تلقین دیانت اجراسی ایچون پاپاسلره مساعدده ایدیلوردی . خرستیان اسیرلر آره سنده اسلامی قبول ایدنلرک عددی پک یوکسک ایدی . بولنلری بعض احوالده دین

[۱] مه ناوینو نام قدیم برایتالیان محررینک ۱۵۷۳ ده وندیکنده مطبوع Vita et Legge Turchesca عنوانی اثرندن .

[۲] استانبولده نجه امپراطورلنی سفارتنده بولنش اولان (فون دهن دیریش) نام ذاتک ۱۷۲۳ ده مطبوع Historische Nachricht Von der Gross - Botschaft عنوانی اثرندن .

[۳] سیر ویلیم ایستریلیغ نام انکلیز مؤلفنک Don John of Austria عنوانی کتابندن .

اصلی‌رندن رجوعه سوق ایچون اجبار وقوع بولدیغی تاریخاً مقیددر؛ فقط ولیلر اصول جاریه‌دن بولندیغی اوزره اسیرلری ترك دینه سوق ایتزلردی. اسارتك ایلک سنه‌لرنده او باده بعض تضییقات وقوعه کلور ایدیسده کیت کیده مذهبلرینی تعقیده اسرا تمامیه کندی حاللرینه براقیلورلردی. بناءً علیه اهتدا ایدن اسرانتك چوغی کندی حریت اتخابلری اوزره تبدیل دین ایملرلردی. استانبوله کیدن خرستیان دولتلری سفراسی، معیترنده کوتوردکلری وضدش خدمتجیلرینك کونلردن برکون اهتدا ایتیه جکلرندن پکده امین بولمازلردی. بوندن سهولتله استفهام ایدیه جکی اوزره مملکتلرینه عودت امیدینی تمامیه غائب ایدن و بولندقلری محیطده کنجلك آئنده آلمش اولان تعلیم دینی تقویه و اسکی ارکان دینیه دوام ایچون پک آز فرصت بولان اسیرلرک معروض قالدقلری نفوذده تابع اولملری و یکی بردینه، یکی برهیتت اجتماعیه دخیوللرینه پک آز مانعه بولملری بدیهی ایدی. اون یدنجی قرن انکلیر سیاحلردن (طومس ایسمیث) بالاده اسمی کچن اثرنده بوقیل کیمسه‌لردن بحث ایدرکن دیرکه: «بوکی کیمسه‌لردن پک آزی وطن اصلییه عودت ایدرلر. بونلرک آله‌بیلدکلری تدریسات پک عادی، مالک اولدقلری معلوماتك اساسی ایسه پک ضعیفدر. بناءً علیه بونلرک بعضی صبرسنزلقدن طولای تالاش ایله ویا خدمت اسارتك آغیرلغدن منفعول اوله‌رق تورکلک صفتنه کیررلر؛ بعضی ده شریعت محمدیه‌نك مساعد اولدیغی الطافك جاذبه‌لرینه قایلورلر ویا بولندقلری حلی تبدیل دین طولایسیله اصلاح ایتك وسعهً حال بولمق امنیه‌سنه دوشرلر. قورتولایش امید قالمینجه شفاعتجیلردن (یعنی عیسان) ده، خرستیانلقدن ده وازکچرلر وچابوچه وطن اصلیلرینی اونودرلر. بونلر آرتق یبانهجی دکل یرلی صاییلورلر.»

بوخصوصک تعیینی علی‌الاکثر اسیرلرک ماهیت شخصی‌لرینه توقف ایدر. بوندن اول کتابندن التقاط فقرات ایدیلن واوزون مدت اسارتده قلمغه او باده بیان افکاره صلاحیتدار بولنان مستعار بر مؤلف بو مقوله اسرانی اوجه تقسیم ایدر: «برنجی صنف پک بسیط برحیات کچورمک ولیلرینك دینلرینه دائره‌یچ بر شی اوکرنمک زحمتنه قاتلانمیانلردر؛ بونلر - کندی حسابلرینه کوره -



توركلرك ( كافر ) اولدقلىنى بيلمك كافي ايدى ؛ بوندن طولايى حال اسارتك مساعد اوله بيله چكى قدر توركلركله وآنلك عبادتلىله علاقه دار اولمقدن اجتناب ايدرلر و بو وجهه تبدل دين ( خطاسنه ) سوق اولمقدن حذر ايدرلر و علم و اقتدارلى درجه سنده خرستيانلق ازكانى ايفايه چاليشورلردى . ايكنجى صنفدن بولنانلر توركلرك اعمال و افعالى تتبع و تدقيق مراقبه دوشلوردى . اكر بونلر اللهم عنايتله توركلرك محرم اولان حاللىنه مطلع اوله بيلورلر و آنلى تدقيق اچون كافي درجه ده ادرا كه و تدقيق ايدكلرى شيرى ايجه تفسير اچون نور عقله مالك بولنورلر سه دوچار اولدقلى حالدن يالكز ضررسز چقمقله قالمازلر و برده ايمان اصيلرى تقويت بولوردى . اوچنجى صنف ايسه لازم كلن احتياطى حائر اولمقسزىن دين اسلامى تحقيه كيريشلىرى احتوا ايدرلدى كه بوكيلر يالكز آنك قعرينه وصول خصوصنده عدم موفقيته دوچار اولمقله قالمازلر و بلكه مغفل اولورلردى . بونلر توركلرك ايمانلرنده كى خطايى حقيقت سانورلر ، كندى مذهبلىنى ضايع ايدرلر و اسلامك ( ياكش ) مذهبنه سالك اولورلردى و بويه جه يالكز كندى خرابيلرى وجوده كتيرمكله قالمازلر همده باشقه لرينه سوء مثال عرض ايدرلردى . بوكيلرك عددى لانتحصى ايدى » [ ۱ ] .

اسلامه كلمك - بعض محررلك ادعالى كى - مهتديلىرى اوليه حال اسارتدن قورتاروبده حر آدم وضعيته صوقامشدر ؛ چونكه امر آزادى صرف و لينك يد اختيارينه بر اقلمشدر . . و ليلر ايسه - اكثريت اوزره - اسيرلره اسلاميتى قبول ايتدكلرى تقديرده هيچ بر بدل مقابلى اولمقسزىن آزاد نامه ويره جكلرىنى وعد ايدرلردى .

خرستيان اسيرلىرى كى محيط و مقربىن اوليه لرندن آيرلمش داها بر خيلى كيمسه لر واردى كه بونلك رابطه اصليه لرى تماماً منفك اولمش و كنديلرى بوسوتون بر طرز نوده دىنى و اجتماعى آمال ايله متحرك بر هيئت اجتماعيه نك اورته سنه آتلمشردى . اون بشنچى قرن ميلاديه كلتلى مقدارده خرستيان

[ ۱ ] بو اقوال ( دو صون ) نام مؤلفك Tableau Général de L'Empire

Ottoman عنوانلى كتابندن مقتبس بولنان ففرائدن مستخر جدر .

عمله‌سی تورکلر طرفندن فتح ایدیلن یرلردن قالقوب طولاشه طولاشه ادرنه‌ایله دیکر بویوک تورک شهرلرینه کلیورلر واستخدام ایدیله‌جک ایشلر آریورلردی. بونلر توطن و قبول اسلامیت ایچون قولایلقه اقناع ایدیلورلردی. کذلک سلطان محمد ثانیگ آروپاده فتح ایتدیگی بلاددن آناطولی‌یه سوق ایتدیردیگی خرستیان عائله‌لرینک مسلمان اهالی هیئت مجموعه‌سی ایچنده هیچ‌ده حس اولماز صورتده مخلوط و ممزوج اولوب کیتدکلی ملحوظدر. نته کیم برنجی شاه عباس (میلادی ۱۵۸۷ - ۱۶۲۹، هجری ۹۹۶ - ۱۰۳۹) ازمیلری ایران داخلنه سوق ایتمش و بو طائفه ایکنجی بطنده مسلمانلغه منقلب اولوب کیتمشیدی.

اون سکرنجی و اون طوقوزنجی قرنلر طرفنده تورکلر آره‌سنده روح تبشیرک زوال بولدیگی کورلمشدر. فقط سلطان حمید ثانیگ صوک سنین سلطنتی مسلمانلق پروپاگاندا سنک بعض مرتبه احیاسنه شاهد اولمش و تورکجه غزته‌لر اهتدا و قعه‌لرینی اهمامله قیده باشلامشدردی. اودورده کی تبدیل دیانتلردن کز یزاده نظر اعتنا ایله تالقیه شایان صاییلانی یوز سنه دن بری خرستیان بولمقده اولان جبل لبنانلی شهاب عائله‌سندن اون سکرز امیرک اهتداسیدر. شهاب عائله‌سنک اهل قریش احفادنن بولندقلری مروی ایدو کندن تورکلر بونلری امت اسلامیه دائرة اخوتنه ارجاع ایچون خیلی چالیشمشلردی. بو عائله افرادندن اولانلر تورکیه‌نک خدمات ملکیه‌سنده طولغون معاشلی مقاملره تعیین ایدلمشدردی [۱]. آتی‌ده کی صحیفه‌لرده آرنائوودلق، صربستان، بوسنه و کریده‌کی خرستیان اهالی آره‌سنده انتشار اسلامک صورت و قوعنه دائر معلومات مخصوصه و مفصله ویرمک ایسترز؛ چونکه بومملکتلردن هر بری عثمانیلر طرفندن فتح اولندقدن صوکره اسلامیتک توسعی تاریخنده برر ماهیت مخصوصه ارائه ایدر:

آرنائوودلر - یونانستانده تمکن ایدن برقمی مستتا اولمق اوزره - آدریاتیک دکزینک شرق ساحلی بونجه امتداد ایدن و قره ظاغ ایله (نارده) ویا (پره‌ویزه) کورفری آره‌لرنده بولنان حوالی جبالیه سا کندرلر. بونلر آروپانک اک

[۱] بو روایت (جه‌سوپ) اسمنده بر ذاتک آمریقا ده منتشر Fifty - three

Years In Syria یعنی سوریه‌ده الی اوچ سنه عنوانی کتابندن.

اسکی عرقلرندن برینه منسوبدرلر و نسللری ( آریهن ) دینلن قسم بشرک ( پهلأس ژیق ) شعبهسنه اسناد اولنور .

آرناوودلق تورکلر طرفندن برنجی دفعه اولهرق ۱۳۸۷ ( هجری ۷۸۹ ) سنهسنده استیلا ایدلمشیدی ؛ فقط آندن آز برمدت صوکره تورک قوای استیلائیہسی اورادن چکلدی . پادشاهک حاکمیتی آرناوودلر طرفندن ایلک دفعه اولهرق ۱۴۲۳ ( هجری ۸۲۷ ) سنهسنده طانمشیدی . آرناوودلق اسکندر بک نام اسلامبسی آلتنده معروف اولان ( جورجی قاستریوت ) ادارهسنده برمدت ایچون استقلالنی استرداد ایدہ بیلمشیدی . اسکندر بک داها چوجوق ایکن تورکلر طرفندن رهن صورتیه نصل آندیغی و آنلر آرهسنده نصل تعلیم و تربیه کوردیکی و توجه شاهانهیی نصل احراز ایتدیکی حقنده کی حکایاتی صوکه زمانلرده ایدیلن تحقیقات تاریخیه زیوفه چیقارمشدر . بوبادہ تحقق ایدن وقایع شووجهلدر : اسکندربک کنجلکنی طاغلق اولان مملکتنده کچورمش و تورکلره قارشو اولان محارباتی ۱۴۴۴ ( هجری ۸۴۸ ) سنهسنده کی مظفرتی ایله ابتدا ایتمشیدی . آنلرک قوای مستولیهسنه قارشو یکرمی سنه دن زیاده شدتله و موفقیتله مقاومت ایلدکن صوکره ۱۴۶۷ ( هجری ۸۷۲ ) سنهسنده وقوع وفاتی اوزرینه تورکلر آرناوودلغی تکرار تملک ایتمکه باشلامشدردی . قاستریوت عائلهسنک مرکز حکومتی بولنا، قرویا (؟) ده اون برسنه صوکره اللرینه کچدی . آندن صوکره آرناوودلغک مطاوعتی ینه تماماً وقوعه کلدی و عصیانلر تکرار ایتدی طوردی ایسهده مملکتک هر طرفه شامل اولوق اوزره تشکیلات عمومیهیی حائر بر مقاومت کورلدی . مع مافیہ ساحلده کی شهرلردن بعضیلری خیلی زمان تسلیمدن امتناع ایلدیلر . دراج شهری آنجق ۱۵۰۱ ( هجری ۹۰۷ ) ده ضبط اولندی . حال بوکه آرناوودلق ساحلک اگ شمالی بر نقطهسنده بولنان آنتیواری ( باراسکه سی ) ۱۵۷۱ ( هجری ۹۷۹ ) سنهسنده آنجق تسلیم ایدلمشیدی . شرائط تسلیم شونلردن : شهر محاکم و قوانین قدیمه سنی محافظه ایتک ، خرستیان آیین دینیسی سربست و علناً اجرا ایدلک ، کلیسالر و اوافق عبادتخانهلر تعرضدن مصون قالمق و خرابه یوز طوتدقلری تقدیرده یکیدن انشا ایدلک ، اهالی اموال منقوله و غیر منقوله لرینه

متصرف بولمق و آنلر اوزرینه رسوم منضمه تحمیل ایدلمه مک .

تورک حاکمیتی آلتنده آرناوودلغک دائماً نیم مختاریت براداره یه مالک اولدیغی و بعض عشائر و طوائفک فتحدن اول اولدیغی کبی اساسلی صورتده حفظ استقلال ایدلکلی آکلاشیلور . پادشاهک وصاتی آلتنده قالمقه برابر بو طرز بیعتک امور داخله لرینه تورک مأمورلرینک قاریشمی درجه سنه وارسنه اصلا راضی اولمامشردی . تورک حکومتک آرناوودلق اهالی اصلیه سندن اولیان هیچ بر مأموری و حتی آرناوود بولندیغی حالده شهرتی سلاح ، مسلک و یا عائله روابطی واسطه سیله قازانامش اولان کیمسه لری او مملکتده والی ویا متصرف تعیین اتمه مش اولدیغی ظن ایچون اسباب محقه واردر [۱] . آرناوودلرک عرق تقاخری پک بویوکدر . اگر بر آرناووده نه اولدیغی صورلسیه مسلمان ویا خرستیان دیننده بولندیغی بیلدیرمزدن اول ( ایسکیهدار ) ایدوکنی سوبلرکه بو تعبیر ترجمه جهتیله قایالق سکنه سندن بری اولمق اوزره ایضاح ایدیله بیلور . شکل هویتک بو وجهه بیانی حسیات ملیه نک فوق العاده بر نمونه سیدر ؛ زیرا عثمانلی ایمپراطورلغک اقسام باقیه سنده بو ایکی مذهب اصحابی آرهنده حکمفرما اولان قیزغین بر افتراقی بر طرف ایلر . مسلمان و خرستیان آرناوودلر عین لسانی قولاندقلری کبی عین عنعنات بسلرلر و عین عادات و اطواره مالکدر . ملیت مشترکده کی افتخار ، افرادامتی ایکی به آیران تحالف مذهبی تأثیراته میدان ویرمه جک درجه ده قوتلیدر [۲] تورک فتوحاتندن سوکره تأسس ایدن حکومتک محافظه آسایش و تأمین اداره خصوصارنده باشلیجه استناد ایلدیکی عساکر غیر منظمه صفرلنده خرستیان و مسلمان آرناوودلر یان یانه خدمت ایده کیشلردی . بو ایکی مذهبدن اولان آرناوودلر تورک ایمپراطورلغی داخلنده کی عامه ناسک اک جسورلرندن صایلدقلرندن آرناوودلقده کی پاشالرک معیتلرنده دائماً خدمت بولورلردی . قریم محاربه سنده خرستیان آرناوودلر عثمانلی اوردوسنده خدمت

[۱] لیک نام انگلیز محررینک Researches In Greece عنوانلی یونانستانده تدقیقات علمیه یه دائر کتابندن .

[۲] برلین معاهده سنک عقدی صره لرنده واصا افندی نامنده برذاتک آلمانجه اوله رق نشر ایتدیکی Albanien Und Die Albanesen عنوانلی اثر دن .



عسکریه ایفا ایشلردر . واقعا خرسیتانلر مسلمانلردن دها ساکن و زراعته دها مائل ایسه لرده آره لرنده کی فرق ینه آذرر . خرسیتان آرناوودلر سلاحلرینی وعادات جنسکاورانه لرینی دائماً محافظه ایشلر و دائماً عین وجهله غیر قابل مراقبه ، مفتخر ، خیرچین بر روح ملی ارائه ایشلر و اسلامه کلن وطنداشلری درجه سنده برحس ملیتله متهیج اولمشلردر [۱]

آرناوودلرده اسلامیتک صورت انتشارینی تعقیب ایچون بالاده کی موادک ملاحظه سی مهم بر کیفیتدر ؛ چونکه بوانتشار مملکتک اهالی اصلیه سی طرفندن تدریجی صورتده وقوعه کتورلمشدی که بوده خارجک هیچ برتضیقنه معروض قالمشدی . بو باده کی حرکت تبشریه حقنده المزده بولنان تفصیلات محدوددر ؛ زیرا آرناوودلق تاریخنک صحابینی اون بشنجی قرن میلادیدن تپه دلنی علی پاشانک ظهورینه قدر کچن اوچ یوز سنه ظرفنده همان بوش قالمش کبیدر . بناء علیه مدت مذکوره ظرفنده بطی فقط دواملی صورتده وقوعه کلش اولان اهتدالر حقنده الله ایده بیلدیکمز معلومات مختلف دوائر رهبانیه ده کی کلیسالر وقایعنامه لرندن وزماندن زمانه پاپالغه کوندرلش اولان لایحه لردن مستبظدر . مع مافیه - بیان حاجت اولمدینی اوزره - بومابعک ماهیتی آنلردن استخراج اولنه جق معلوماته - وبالخاصه اهتدایه عز و اولنان مقصد خصوصنده - کفایتسزلک صفتی ویرر . اوزمانک اهل کینساسندن بر کیمسه ایچون قبول اسلامیتده بر مقصد صمیمیتک موجودیتنی تصور ایتک بیله غیر قابل ایدی ؛ وهله آنک مافوقنده کنه یازدینی شیلرده اوله بر مقصد صمیمیتک موجودیتی حقنده بیان فکرایده یلمسی عقلک هیچده قبول ایده میه چکی برشی ایدی .

فی الواقع اون آلتنجی قرن ظرفنده اومملکتده اهتدایه جریانی طغیانه باشلامش ایدیه ده اسلامیت پک آز ترقی ایش کبی کورینور . میلادک ۱۶۰۰ ( هجری ۱۰۱۹ ) سنه سنده آرناوودلرده کی خرسیتانلرک مقداری مسلمانلر ککندن بره اون درجه سنده فضله ایدی . کویلرک اکثریسی خرسیتانلرله مسکون اولوب بونلر آره سنه تک توك مسلمانلرده قاریشمش اولسنه نظراً اهتدالرک دها زیاده

شهرلرده تکرر ایتمش اولدیغی آکلاشیلور. مثلا آنتیواری شهری خرستیانلری جواردده کی ممالک نصرانیه یه هجرتی اختیار ایلدکلرندن کیریده قالانلرک - کرک یوکسک کرک آشاغی طبقه ناسدن اولسون - اکثریسی جهت اسلامیه کچمشلردی و بووجهله اوراده کی خرستیان اهالی کوندن کونه آزامش و مسلمانلرک عددی آرتمش اولدیغندن بعض کلیسالر مسجده تحویل ایدلمشیدی [۱]. فی الواقع بو حال شرائط موضوعه احکامه مخالف ایدسه ده اورانک یرلی اهالیسنک دین د کیشدیر - ملریله عبادتخانه د کیشمسق محق صایلمشدر . مؤلف فارلاتی نک روایتنه کوره باش نه پسبقوسک قوناغنده وضع ید ایدلمسی شکایتی موجب اولمشیدی . حال بوکه بو قوناق سکز سنه دن بری بوش طور مقده ایدی ؛ زیرا باش نه پسبقوس ( امبروسیوس ) احتیاطدن زیاده افراطه تابع اوله رق اسلامیه قارشو تهاوزانده بولمش ، سب نبی ایتمش و آنک طریق مذهبیسنه « احکام شیطانیه » تسمیه سنه بیله جرأت ایتمش اولمسندن طولانی فراری برتدیر مصیب بولمشیدی . ۱۶۱۰ سنه سنده یالکز مکتب وظیفه سنی ایفا ایدن ایکی کلیسا قالمشدی . بونلرده لاتین خرستیانلرینک یداستعمالرینه کچمشدی ، فقط اوراده قالان خرستیان جماعتک احتیاجنه کافی کلیوردی . بو احوالک نه دورلو بر معیندارلنی حاوی اولدیغی ( مارقوبی زی ) نام مؤلفک شو سوزلرندن آز چوق استدلال ایدیله بیلور : « اوراده آلتی یوزخانه واردرکه بلا تفریق مسلمانلرله لاتین وروم اورتودوقسلری جانبدن اشغال ایدلمکده در . عددجه مسلمانلر خرستیانلره ، لاتینلرده اورتو - دو قسلره فائقدرلر . »

مسلمانلر ایله خرستیانلر آره سنده کی رابطه اجتماعیه دائر مالک اولدیغمن تفصیلاته و بو ایکی جماعتی تفریق ایدیجی هیچ بر خط فاصل بولنماسنه نظر آ کینسانک غیرت و حیات روحانیتک تدنسی نسبتده مسلمان نفوذینک نه صورتله . مهتدی قازاندیغنه واقف اوله بیلورز .

خرستیان ابوینک قیزلرینی مسلمان ارککلره تزویج ایللری و خرستیان

[۱] فارلاتی نام ایطالان مؤلفنک Illyricum Sacrum عنوانلی مجموعه آثارده کی

سوزلرندن مأخوذ .

قاديئرلر كده بوييه برتاهله نمانعت كو سترمه ملر ي پك چوق دفعه وقوع بولوردي . بو مختلط ازدواجلردن طوغان ار كك چوجقلمر مسلمان اوله رق يتيشورلرد ي ؛ قيزلر ك ايسه خرستيان ديننده بويودلملرينه مساعده ايديلوردي ؛ فقط بوييه برمساعده خرستيان اهل كنيساسنك او كبي قاديئرلر كليسالردن خارج طوتملر ي و آيين مقدسلره اشترا كدن منع ايتلمر ي سبيله حكمدن ساقط بولنوردي . واقعا اوافق يرلرده كي كليسالر ك پاپاسلر ي بوباده بويوكلرندن آلدقلمر ي امرلر ي اجرا ايلزلرد ي ؛ لكن خرستيان قاديئرلر حقنده كي معامله آنلردن بر چوغني زوجلرينك ديني قبوله سوق ايدرد ي . بونكله برابر ينه بر چوق قاديئرلر و افتيز خصوصنده بعض اعتقادات اصليه بسلرلر و چوجقلمريني و افتيز ايتديرمك ايسترلر و بو واسطه يي جذام خسته لغنه ، سحر بازلغه ، قوردلر ك هجومه قارشو مؤثر بر چاره فرض ايلرلرد ي . خرستيان پاپاسلر ي ايسه چوجغني و افتيز ايتديرمك ايستين بر مسلمان زوجه يه تصادف ايدنجه آنك او بابده كي ظن باطلني تقويه ايچون مهيا بولنورلرد ي .

بو ايكي مذهبك سالكلاري آره سنده كي حسيات حسنه خرستيان اعززه سي ايچون اجرا ايديلن مراسم ديننده مسلمانلر ك حاضر بولنملر يله ده تظاهرايلرد ي . بو مناسبتله مؤلف ( مارقوبي زي ) « آرناوودلر ك بالخاصه احترامده بولندقلمر ي حضر الياس كوني كلساده خرستياندن زياده مسلمان كورينور » ديمشدر . حقي روايته نظراً زمانمزده بيله مسلمان آرناوودلر حضرت مريمي تقديس ايدرلر ، اعززه نصارايه حرمت كو سترلر و بونلر ك تره لريني زيارت ايلرلر مش . ديكر طرفدن دخي خرستيانلر مسلمانلرجه او ايلادن عد اولنلر ك تره لرينه - نذرلرينك انجازي و خسته لقلمرينك دفعي مقصديه - مراجعت ايدرلر مش . [۱] آلمش خرستيان و اون مسلمان عائله سنك ساكن اولديغي ( قاله واكي ) قصبه سنده اكثر يتله خرستيان زوجه صاحبي اولان مسلمانلر اورانك پاپاسنه ياردم مقصديه اعانه يه اشتراك ايدرلر مش . مارقوبي زي بو تقصيراتي اوج وجهله ايضاح ايتك

[۱] انكليز محوره لرندن ( ميس غارنت ) ك Women Of Turkey And Their

Folk - Lore عنواني كتابندن .

ایستمشدر : اولاً - فواید دنیویہ جاذبه سی ، ثانیاً - خراج تأدیہ سندن قور تلمق آرزوسی ، ثالثاً - اہالینک احتیاجات روحانیہ سنی ارضا ایدہ جک کافی مقدارده قابلیت رهبانک فقدانی . اہتدارک وقوعی علی الاکثر خرسیانلر اوزرینہ مو - ضوع اولان ویرکولرک ثقلتنہ عدم تحملہ اسناد ایدیلور و بوویرکونی ویرمہ مک ایچون بعض کویلرک تمامیلہ « ارتداد » ایلدکلری سرد اولنور . بو خصوصی توضیحاً تفصیلات ویرلمدیکندن وقوعہ کلن شکایت ایچون حقیقتاً اسباب کافیہ بولندیغہ ویا سابق دینداشیرینہ برنوع معذرت عرض ایچون دین دیکشدر نلرک بوحرکتلرینی تأویل ایتمک ایستدکلرینہ ویاخود اسباب معقولہ اوزرینہ اسلامیتی قبولک قطعاً عدم امکاتی ادعا ایدن اهل کینسا طرفندن واقع اولان برمالغہ دن عبارت بولندیغہ حکم ایتمک ممکن دکلدیر . محضاً بر ویرکودن - تعبیر دیکرلہ بر جزای نقدیدن - آزاده قالمق ایچون دین اصلینرینی ترک ایدن انسانلر حقیقتده اودینہ غایت آز مربوط بولمیش اولسه لر کر کدر . برده آناوودلقده حالا کثرتلی خرسیان اہالی بولنسی ویرکولرک آنلری تبدیل دینہ سوق ایدہ جک درجہ ده آغیر بولمامش اولدیغی کوستر .

اگر « تورک استبدادی » حقدہ عمومیتلہ مبہم اولہرق ایدیلن شکایاتدن داہا بویوک برشی الہ ایدہ بیلسہ ایدک بونک کندیسنہ عطف اولنان نفوذ متفوقہ بی نہ درجہ یہ قدر اجرا ایدہ بیلدیکنی تعینہ مقتدر اولوردق ؛ فقط روایۃ کتوریلن براہین اویلہ بر نتیجہ بی قولایلقلہ تأمین ایدر کورونمہ مکدہ در . اطراف مملکتدہ کی مأموریتلری اک زیادہ پارہ ویرہ بیلنرہ صاتمق کبی سلطنت عثمانیہ طرفندن تعقیب ایدلمش اولان عادت فاسدہ و بوکبی مأموریتلرک مدت دوامی حقدہ کی غیر معینک اکثریا آنلری اشغال ایدنلرک ہر دورلو جرنقود وسائطیلہ ممکن اولدیغی قدر بویوک بر ثروت یا پیغہ چالیشملرینی انتاج ایدردی . آنجق بوکبی یوکلرک ثقاتی خرسیانلر کبی مسلمانلرک دہ عہدہ تحمللرینہ بندیرلمش اولدیغی معلومدر . معافیہ طمعکار و حقسز بر مأمور البتہ مسلماندن زیادہ خرسیانہ غدر ایتمکی دہا قولای بولوردی ؛ علی الخصوص خرسیانلرک وندیکیلرلہ وسائر خرسیان دولتلرلیہ مخبرات خانانہ دہ بولمقلہ متہم اولدقلری



و یا نیت عصیانگری حقیقه شبهه تحصیل ایتدیگی زمانلرده .

ولوکه کیفیت او یله بولمیش اولسون هر حالده اسلامده کی فعالیت غیورانه و حیات مجاهدانه نك جاهل و عاقل بر خرستیان هیئت رهبانیه سی مواجهه سنده اجرا ایش اولدیغی نفوذ حقیقه شبهه یه پکده محل بولنه ماز . اکر اسلامیت آرناوودلقده - مارقوبی زى نك مسائل دینه اوزرینه مباحثانده بولندیغی و صمیمت ، نزاکت ، دوستقلرینی مدح ایلدیکی - ملالره چو قجه مالک بولمیش ایسه او مملکتده کی ترقیسی بحق اجرا ایش اولسی لازم کلور . خرستیان رهباننك قسم کلیسی جاهل کیمسه لردن عبارت ایدی . واقعا بعضری براز او قویه بیولرلر و فقط یازیدن آکلامازلر مش . بونلر وظیفه روحانیه لرندن او قدر بیوقوف ایمشلر که کفارت ذنوب دعاسنی از بردن بیله او قویه مازلر مش . جماعته عبادتده . لاتینجه معین و معتاد اولان دعالری تلفظ ایده بیولرلر سده ایچلرنده اولسانی آکلا یه بیله جک پک آز کیمسه لر بولنه بیولور مش . مذهبلرینك حقایقه دائر عنعناته مستند و پک مهم بعض معلوماتدن باشقه بر شیئه مالک ذکلر مش . مذکور مؤلف بوفالقلردن مملکتک نه بسقیوسلق مقاملرنده کی کفایتسز لیک مسؤل بولندیغی فکر نده در . کذلک عدد رهبانک نقصانیتنه و موجودلرک وظائف روحانیه ده کی جهلرینه و بر چوق خرستیانلرک تصدیق ایمان دعای رسمیسنی تلقی ایتمکسزین بویوبوب اولدیکنه و هر یرده « ارتدادلر » وقوعه دخی او مقاملری مسؤل طوتار و بونلره چاردلر بولندقجه مملکتده خرستیانلرک منقرض اوله جغنی تخمین ایلر و بر چوق پاپاسارک سر خوشلقله و او طه لاق طوتمقله مهم اولدقلرینی سویلر .

بومناسته ذکره شایاندر که آرناوودلق راهبلی - تورک ایمراطورلرنگ باشقه جهتلرنده کی اورتودوقس رهباننك بولندیغی کبی - آمال و هوسات ملیتپرووراننك محافظ و امینلری دکلدیلر . دیگر اورتودوقس پاپاسلری آره سنده پک چوق جاهل کیمسه لر بولنقله برابر آنلر مثلاً روم حیات ملیه سنک محوری تشکیل ایدن خرستیان دینه صارملق وظیفه سنی دائماً جانی برشکلده محافظه ایتدیلر . آرناوودلر ایسه بالعکس حسیات ملیه یی ایمان دیندن تمامیه آری طوتدیلر . تورکلر مواجهه سنده ایسه - اسکی دره بکلک روحه صداقتدن

ناشی - مادامکه آنلر مملکتک حاکمیری بولنیورلردی او حالده ویره جکلری اوامره اطاعتک لزومه قانع ایدیلر .

اهالی ایله رهبان آره سنده مناسبات دوستانه بولنماسندن طولانی وقوعه کلن براهتدا حادثه عجیبه سندن بحث ایدرلر؛ شویله که : زمان قدیمده آرانوودلنگ هنوز تمامیه خرستیان بولندینی بردورده اشقودره شهرنده مریم آنانک غایت کوزل برتصویری واردی . بونک موضوع بولندینی ترهیه اطراف بلاددن بیکلرجه عباد کلور ، تقدیم هدایای خیریه اولنور ، نیاز و تضرع اجرا ایدیلور ، دردلره درمان آرانوردی . شو ویا بوسیدن ناشی خلق ایله رهبان احدها آخره معارض بی آمان اولمشردی . کونلردن برکون افراد ناس جماعت حالنده کلیسایه کیرمشلر و- اکر رهبان کندیلرینک تسلیم عنان آرزولرینه مطاوعتی اظهار و بیان ایتزسه - جمله عیسایی فراموش و محمدی در آغوش ایده جکلرینی بیلیدریدیلر . هیئت رهبان - خطا و صواب - قرار اولده مصر قالدیغندن جماعتده کردن و کوکسده معلق نه قدر تسبیح و صلیب وارسه پای غضب آلتنده یاره لیدیلر و طوغریجه الک یقین اولان مسجده واردیلر . امام مسجد ایسه آنلری همان مؤمنین حقیقه صفتنده استقبال ایلدی [۱] .

خرستیان رهباننک اهمالردن و قیدسزقلردن طولانی هیئت اجتماعیه ایچنده خیلی سوء استعماللر و نظامشکنلکلر جریان باشلامشدی . کنیسا نظامانه مخالف اولان بو حاللردن بریسی - کلیسا مأمورلرینک جواز ودعای رسمیی بولتمقسزین ازدواج عقد ایتک - تاہلی روحانی دکل مدنی عد ایدن شریعت اسلامیہ ایله متقارب کورینور . بو حاله برچاره بولمق املیله زوج و زوجه کنیسا قانونی و آیین مؤسسسی وجهله حرکت ایدنجهیه قدر جماعتدن خارج طوتیلوردی . اون یدنجی قرن ظرفنده موجود اولان احوال اجتماعیه وبالاده اشارت ایدیلن عوامل سائرہ ثمراتی بولجه کوستردی : خرستیان اہالینک عددی سرعتہ اکیلمک باشلادی . اوتوز سنه کبی برطائفه ایچون قیصه صاییله جق بر زمان ظرفنده یعنی ۱۶۲۰ دن ۱۶۵۰ (هجری ۱۰۳۰ دن ۱۰۶۰) سنه سنه قدر اسلامه

[۱] زوایت انکلیز مؤلفه سی میس غارنٹک بالاده عنوانی مذکور کتایندن .

کلیس اولان آرناوودلرک عددی اوچ یوز بیکه بالغ اولدینی مرویدر [۱] . بوتون آنتیواری دائره رهبانیتنده ۱۶۲۴ سنهسی یالکزایکی بیک قاتولیک بولنیوردی ؛ شهر داخلنده ایسه یالکز بر کلیسا قالمش و او عصر ختامه ایرمزدن اول بو کلیساده خرستیان عبادتی ایچون قوللانیملاز بر حاله کلمشیدی ؛ چونکه شهرده یالکز ایکی عالهدن باشقه خرستیان بولنماز اولمشیدی . بر آز سوکره یعنی ۱۶۵۱ (هجری ۱۰۶۲) ده عمومیت اوزره مملکتک اکثریتی نسوان تشکیل ایدیوزدی . کیت کیده حال خرستیانلق ایچون داها فنا بر شکل آلدی . قاتولیکلر عددجه مسلمانلردن داها آز کورنمکه باشلادیلر : نسبت بره همان ایکی درجه سنه ایندی . خرستیانلرک رجال طاقمی کثرتلی صورتده رد نصرانیت وقبول اسلامیت ایشلردی [۲] . حال بوکه آندن یوز سنه اول خرستیانلر مسلمانلره نسبتله بره اون درجه سنده کثرتلی ایدیلر . دراج باش نه پستقوسلق دائره روحانیتنده کی خرستیان اهالی یاری یاریه اینمشیدی . (قیرویا) دائره رهبانیتنده بولنان دیگر بر شهرده اوتوز سنه ظرفنده خرستیان اهالینک کافهسی ده مسلمان اولیورمشدی [۳] . اوافق پاپاسلر رهبان آمرهنگ تلمیاتی خلافه اوله رق بر طرفدن ارکک خرستیانلره تقدیسات یسوعیه دعاسنی اجرا ایدوب طوررکن دیگر طرفندن ده آنلرک مسلمانلقرینی اعلان ایللرینه اعماض عینده بولنورلردی . بونک بر نتیجهسی اوله رق اوکی کیمسه لرک چوجقاری کنیسی نصرانیت ایچون ابدی صورتده ضایع اولوب کیدیورلردی . کذلک خرستیان بولنان ابوین قیزلرینی مسلمان ارککلرینه تزویج ایتدکلری حالده ینه محلات وقری پاپاسلری وقوع بولان بو ازدواجلرده کوز یومویورلردی و او وجهله ازدواج ایدن قادینلره تقدیس یسوعی مراسمنی اجراده دوام ایدورلردی که بو حال

[۱] دی یومیدهس کیریاقوس نام محرک شرق کنیسیاسی تاریخی حننده آلمانجه Geschichte der Orientalischen Kirchen عنوانی کتابندن .

[۲] (مارقو قریزی یو) نام بر آرناوود پاپاسنک ۱۶۵۱ ده یازدینی وروماده کی Bibliotheca Chigiana عنوانی کتبخانه آثارده مندرج اثرندن .

[۳] آنتیواری باش نه پستقوسلنی ایتمش اولان (زیمه وین) نام محرک ۱۷۰۴ ده منتشر وروماده کی Bibliotheca Barberina عنوانی کتبخانه آثارده مندرج اثرندن .

بویوک رهبانك تلغینانه رغماً پاپاسلرك آرزوسنه تابع اولوب کیدیوردی . آشاغی رتبهده بولنان پاپاسلرك اکثریسی رذیلانه بر حیات سورمکهده اهام ایدیلورلردی . بونلر اعتراف ذنوب آینهده نادراً کیدرلردی و حتی ایام مخصوصهده پاپاسلغه تخصیص ایدیلن اقامتگاهلرده عشرت عالملری ترتیب ایدیلوردی . کلیسا املاکی ساتارلر ، چوق دفعه خدمت روحانیلرینی براقوب بر طرفه صاویشرلردی . بوکی حاللردن طولایی مسئول طوتیه بیه جکلرینی آکلارلرسه تورکلرك حمایه سنه التجا ایدرلردی . خلقک احتیاجات روحانیه سنی ایفایه مأمور ایدیلرک کوندریلن تعلیم کورمش (فرانسیسکن) پاپاسلری ده کندی آرهلرنده غوغا ایتمکن و بعضاً محکمه یه دوشه جک قدر مجادله یی آزدیرمقدن کبری طورمازلردی ؛ بوده خلقک حجاب و نفرتی مواجهه سنده و وظیفه نك اهمالی بهاسنه اوله رق وقوعه کلوردی . پوللاتی دائره رهبانیتی اوتوز سنه ظرفنده تک بر نه پستقپوس یوزی کوره بیلمشیدی . حال بوکه اوراده آلتی بیک قدر خرستیان ساکن ایدی . حتی داخلده کی دواثر رهبانیه دن بعضیسی قرق سنه قدر تک بر پاپاسه بیه مالک اولمامشیدی . عاقبت بو حاللره قارشو تدابیر اتخا دی . ایچون دورت فرانسیسکن پاپاسی کوندرلمشیدی . بونلر مرکز روحانیه تقدیم ایتدکلری راپورده مملکتی طولاشدقلری و وظیفه لرینی ایفا ایلدکلری زمان تورکلر طرفندن هیچ بر مانعه یه دوچار ایلدکلرینی بیلدیرمشلردی [۱] اشقودره نه پستقپوسنه هم خلق همده کندی اداره سی آلتنده بولنان پاپاسلر بر مستبد نظریله باقدقلری حالده مومی الیه موقعی تورکلرك یاردیمیه محافظه ایتک ایتتوردی . اهل کنبسناک فرمان هایون موجبجه اداره روحانیلرنده کی خلقدن عائدات آله کلدکلری آکلاشیلور . آیتواری ده ۱۵۹۹ ایله ۱۶۰۷ سنه لری آره سنده باش نه پستقپوس بولنان کیمسه هر خرستیان عائله سندن ایکی وهرایلک ازدواجدن اون ایکی وایکنجی ازدواج وقوعی تقدیرنده یکریمی دورت و اوچنجی دفعه اوله رق ازدواجی ممکن اولان شخصدن قرق سکز ( اسپر ) خرج قوپاریبور

[۱] فرانسیسکن میسیونر لکی حقنده Fra Bonaventura عنوانیه منتشر



ایدی . هر دائره رهبانیتده بو خرجلرک تحصیل ایچون اقتضا ایدنجه تورک مأمورلرینک معاوتی استحصال ایدیلورمش .

بوتون آرناوودلق داخلنده تک برخرستیان مکتبی بیه موجود دکلدی . بالذات پاپاسلر جاهل ایدیلر . واقعا بونلردن بعضیمی برای تحصیل ایتالیا یه کوندرلشدی ؛ حالبوکه آنلرک اورایه ارسالی مضرت انتاج ایددی ؛ چونکه تحصیل علم ایچون کیدن پاپاسلردن بعضلری ایتالیا ده اها ای بر حیات کچورمکه آلیشدقلرندن مملکتلرینه عودتدن امتناع ایدیورلردی . رهبانیت بودرجه جهل ایچنده بولندجه ، وظیفه سنی یا مقده بو قدر متکاسل اولنجه عوام ناسک اساسات دینه سندن بیوقوف قالسنه تعجب اتمه مک لازم کلور . بناء علیه آنلر آرسنده وقوعه کلن بونجه سوء حالات و فسادات ایله - او وقتک بویوک بر رهبانک قولنه کوره - آرناوودلقده کی « باغ ربانی ده اک بویوک تخریبات » وجوده کلدی . برچوق خرستیانلر سنه لرجه او طهلق قوللانورلر و بعض کره تعدد زوجات اصولنی تطبیق ایدرلردی . بو حاللره رغماً پاپاسلرینه او مقوله حرکاتی کوریلن کیمسه لری تقدیسات ربانیه اینلرینه قبول ایلرلردی . تعدد زوجات ماده سنده مسلمان و خرستیان جماعتلرینک امتزاجی کوریلورکه بو اختلاطک موجودتی مسلمانلرک بعضاً واقیز مراسم مذهبه سنده شاهد صقیله قبوللری واسکی بر اعتقاد باطله مبتنی اولمق اوزره مسلمان چوجوقلرک واقیز ایدلسی اعتبار ایله ده آریجه تظاهر ایلر .

اون یدنجی قرن میلادینک صو ک قسمنده آرناوودلقده کی خرستیان کنیساسنک حالی ایشته بویله ایدی . خلقک علی العموم تبدیل دین ایده بیامسنه اک اوافق بر محرک بیه کافی ایدی . ینه او قرن ایچنده اختلال ایدن قاتولیکلرک تأدی کندیلرینی اسلامه طوغری جلب ایدن میلانی تزئید و کنیسای بصرایتدن واسع مقدارده مباحثتی تکمیل ایچون بالغا مابلع وافی اولان عواملدن بولنیوردی . بوراده اشارت ایدیلن اختلال آتیوازی باش نه پستقوسی جورجی - که ۱۶۳۵ ایله ۱۶۴۴ سنه لری آره سنده مقام روحانی ده بولنیوردی - طرفندن تحریک ایدنشدی . جورجی دراج ، اشقودره ، آلاصونیه نه پستقوسلری واسطه لریله

خرستیان رؤسائی تورک حاکمیتی علیهنده بر حرکت فسادیه اجراسی و مملکتک  
 جوار حکومت نصرانیه سندن بولنان و نديک دو جه لغنه الحاقی ایچون اقلعه  
 چالشمشیدی . اوزمان و نديک جمهوریتی تورکلرله حال صلحده بولمقده  
 اولدیغندن بو فسادک اجراسی ایچون داها مناسب اولان فرصت آنجق ۱۶۴۵  
 (هجری ۱۰۵۵) ده تورکیه ایله و نديکلیلر آره سنده ظهور ایدن محاربه صره سنده  
 حاصل اولمشیدی . و نديکلیلر تورک فتحندن اول اوچ یوز سنه قدر کندی  
 لارنده بولنمش اولان آتیواری بی استرداده چالشمشیر ایدیه ده اوتشیلرنده  
 موفق اوله مامشیر ایدی . خرستیان ارن اوودلرایسه دشمن طرفی التزام ایتش و کیزلیجه  
 آکا یاردم ده بولنمش اولدقلرندن شدتله تجریمه مستحق کورولمشیر و حائر  
 اولدقلری امتیازات قدیمه دن تجرید ایدلمشیردی . حال بوکه روملر - و نديک  
 حاکمیتک اوراده تکرار تأسسندن قورقدقلرندن و بناء علیه تورک حکومتنه صادق  
 قالدقلرندن - مظهر تقدیر اولمشیر و مملکتکینک خلاصکارلری میاننده بولنلرندن  
 طولایی مدح ایدلمشیردی . بو صره ده برچوق قاتولیکلر اسلامه کیشیر و یاروم  
 کنیسانه التحاق ایشیردی . روملره التحاق کیفیتی معینداردر ؛ بر قوم افرادینه  
 محضا خرستیان بولنلرندن طولایی تعذیبات اجرا ایدلمدیکنی و اسلامه کلرینه  
 اجبار ایچون بر تشبث و قوع بولدیغنی کوسترر . مسلمانلغنی قبول ایدن قاتولیکلر  
 تشبثات فسادیه لرینک عدم موفقیتندن طولایی دوشدکلری فنا وضعیتدن قورتلق  
 مقصدیه تبدیل دین ایشیردی . بولنر تورک حکومتجه رسماً طاینان و اووقت  
 آتیواری ده داها زیاده کسب مقبولیت ایتش اولان روم کنیسانه التحاقله  
 عین مقصدی استحصال ایده بیلورلردی . ایمدی اووجهله حرکت ایش اولنلرندن  
 طولایی دیانت نصرانیه یه پک کوشک صورتده مربوط بولنمش اولدقلری استدلال  
 ایدیلور . عین ملاحظه سنین متعاقبه ده اسلامه کلن برخیلی کیمسه لر حقنده دخی  
 وارددر . بالاده اسمی مذکور مؤلف ( ذیمه ویچ ) بو کیلردن بر چوقلرینک  
 خراج و یرمکدن قورتلق نیتله دین دیکشیدیردکلرینی یازار ؛ فقط اولجه ده  
 ایضاح ایدلدیکی اوزره بونک بر مقصد مجبر اولمسی پک غیر محتمل کورینور .  
 میلادک ۱۶۴۶ سنه سنده بر عصیان داها سرزده ظهور اولمشیدی . بو حرکتک

مشوق ینه بر باش نه پستقپوس یعنی ( ژوزف بونالدو ) نام راهب ایدی . آنتیواری ، اشقودره و سائر بعض شهرلر خلقنک ایلری کلنلری بلده لرینک قاپولری و ندیکلیره آچق ایچون خفیاً قرار ویرمشاردی ؛ فقط مقصد عصیان ینه وجود بولدی . تورک عساکری عصیانی باصدیرمش و بونده اهالی خرستیانیه آره سنده ارباب اختلاله مخالف بولنانلرک یاردیمنی کورمشدی . بقای نفوذلرندن مضرت ملحوظ اولان برچوق آرناوودلر ترکیه نك داخل ممالکنه تغریب ایدیلدیلر ، اوچ بیک قدری ده حدودی آشهرق و ندیک طوپراغنه کچدیلر ، کیریده قالانلری ایسه خوف و خشیته دوشدیلر ، خشنودسزلغه اوک آیاق اولانلرده آغیرجریمه لر تأدیه سنه مجبور قالدیلر .

سزای تأسفدرکه تورکلرک غیرمشروع خراجلر و تضییقلر ایله آرناوودلری تعذیب ایلدکلرندن و بویله جه آنلری تبدیل دینه سوق ایتدکلرندن بحشده بولنان خرستیان محررلری آنجق پک چوق تکررایدن تعیراتی یکیدن استعمال ایدوب کیتمکده درلر . بو محررلر ، شکایتلرینک وقایع ایله ثبوت بولوب بولدیغنی حقنده بزه تفصیلات ویرمیورلر . ( زیمه ویچ ) ایکی بیک کشینک تبدیل دیانت ایلمسی حقنده کی بیاناتنه ویرکولرک و خرستیانلره تحمیل ایدیلن تکلیفات سائر نك تعدادیله باشلار ؛ فقط شونی ده اعتراف ایدرکه بوتکلیفاتک شخص ویرکوسندن ماعداسنی مسلمانلر دخی تأدیه ایله مکلف ایدیلر . بوشخصی ویرکونک ده بر ارکک ایچون سنه ده آلتی ریال اولدیغنی یازار و بیاناتی شو صورتله نتیجه لندیرر : « ملت بو ویرکولرله اک نازک طرفدن جرح ایدلدی ؛ یعنی منفعت دنیویه جهنتندن . بومنفعتی ملاحظه ایسه یاضر ورتدن ناشی ویا برسائقه طبیغیه ایله مستثنای بر صورتده مائل ایدی و خراج تأدیه سنه معروض قالماق اوزره دین حقندن دونن ایکی بیک جان ایچون الم چکمکده حقی واردی . » بو محررک بیاناتنده اهتدالرک برچوغنی خراجلردن قورتلغه حمل ایدلدیگی حالده قاتولیکلرک تأدیه سیله مکلف اولدقلری پارلرک ترک دین ایتدیره جک قدر ناقابل تحمل اولدیغنه دائر هیچ بر دلیل کورنمز . خرستیانلردن مهتدی قازانمق ایچون مسلمانلرک نه کی تشبثات فعلیه ده بولتمش اولدقلرینی بیلدیرمک اهل کنیسان اولان بر ذاتک راپورلرندن انتظار

ایدیه منز . یالکز نواحیدن برنده تورکارله [۱] تماس ایتملرندن طولای « کافر لک سیآتنه کرفتار اولدقلری » حقدده اشارتلی کوریلور . بونلرک « خرستیانلقدن سقوطلرینه تورک قادینلریله عقد ازدواج ایملری » دخی آریجه برسب اوله رق کوستریلور . بورالرده اسلامیت نفوذینک قوتله جاری اولمش بولندیغده شبهه یوقدر . کذلک ( بیسقاشیا ) و ( بازیا ) دینلن محملرده بیک قدر نفوسدن عبارت اولان مختلط اهلینک « رهبر دینی اوله جق پاپاسلر بولنمامسندن طولای تبدیل دین ایلمک تهلمکه محققه سنه » معروض قالدقلری حقدده ده اشارتلی واردر .

( زیه ویچ ) آتیواری جوارنده متمکن اسکی اصیلزاده عائله لرندن برینک اوزمانلر باشنده ایکی قرداش بولندیغنی و بونلرک بویوکنه محل مذکورده کی مسلمانلر ایچنده بولنان اقرباسنک تبدیل دین ایچون « نیاز » ایلدکلرینی ذکر ایدر و کوچوک قرداشک پاپاسلق تحصیل ایتمک ایستدیکنی و او مسلکه استعدادی بولندیغنی ادعا صدندده دیرکه : « عائله سی تورکلر طرفندن ممدوح کورولدیکندن و کندیسی صاحب ثروت بولنمامقله برابر احراز خدمت ایلمش بولندیغندن پاپاس صفتیه خرستیانلره خیلی یاردیمی طوقونه بیلیر . « البته بوسوز دخی مسلمانلرک خرستیانلره - محضا خرستیان اولملرندن طولای - فنا معامله ایتمدکلرینه دلالت ایلر ؛ مکرکه اوخرستیانلر کندیلرینی سیاست مضر کوسترمش اوله لر . زیه ویچ اصلاً آرناوود ایدی . دیکر بعض نه پسقپوسلر کی وندیك طوپراغنده توطن ایتموب مملکت اصلیه سنه دوتمش واوراده یرلشمشیدی . اوراده بولندیغنی مدتجه یالکز تورک مأمورلری طرفندن دکل ، حتی آرناوودلقدده کی اک بویوک پاشا جانبدن بیه فوق العاده رعایت و نزا کتله قبول ایدیلورمش . پاشا آکا دیواننده بر موقع شرف ویردکن باشقه زیارته کلوب کیتدکجه قاپویه قدر کندیسنی تشییع ایدرمش . « تورکه دکل ، بلکه علوجناب صاحبی برخرستیانه بکزدین بو باربار » مسلمان پاشاسی باش نه پسقپوسک رجاسی اوزرینه دورت

[۱] اسکی فرنک محررلرینک تورک و مسلمان کله لرینی یکدیگرینک یرنده استعمال ایله ملیت تفریق ایتمدکلری و بالآخره عثمانلی ایمپراطورلرینک اهلای اسلامیه سنه چوق کره علی الاطلاق تورک تسمیه ایتمدکلری معلومدر . مترجم



مختلف قصبہ اہالیسنہ سنہ آتیہ ایچون آلتان ویر کولرینک اعادہ سنی امر ایتمکله  
 خرستیانلر حقندہ کی حسیات رحمانہ سنک داہا مادی بر اثرینی ابراز ایلمشدر ۔  
 اکر رهباندن بری تورکلر طرفندن خوشونتلہ معاملہ یہ دوچار اولور ایسہ اودہ  
 اکثر احوالده تورک دشمنلریلہ مخابرہ خائنانده بولندیغی شہہ سندن ایلری  
 کلوردی ۔ رهبان طرفندن ایٹالیایہ اجرا ایدیلن سیاحتلر چوق کرہ حقلی  
 اولہرق بوشہہ لہرہ میدان ویرردی ؛ یوقسہ رهبانک مسلمانلر طرفندن سوء  
 معاملہ کورمش اولدقلری حقندہ کی شکایتلرہ ایناندرہ جق اسباب یوق کیدر ۔  
 زیمہ ویلج حتی اوافق بر کلیسا پاپاسنک بیلہ تورکلرک ایلری کلنلری طرفلرندن  
 زیادہ سیلہ مظهر محبت اولدقلرندن بحث ایلرکہ بونک بر مثلی دہ بوسنہ ولایتندہ  
 ( ترہ یچہ ) دائرہ رهبانیتندہ کورلمشیدی ۔ اون سکزنجی قرنندہ اورادہ بولنان  
 بر پاپاس مسلمانلرلہ اولان تکلیفسز اختلاطندن طولای قیبول اسلامیت نیتندہ بولندیغی  
 شہہ سنی دعوت ایتمش و بناء علیہ تابع بولندیغی ٹہسقیوس طرفندن تحت الحفظ رومایہ  
 کوندرلمشیدی ۔ آرناوودلق تاریخندہ اون یدنجی قرن میلادی دہ کوریلن کثرت اہتدائی  
 صورکہ کی دورلردن ہیچ بریسی کورمہ مشدر ۔ مع مافیہ منفرد و متفرق اہتدالر  
 زمانمزہ قدر واقع اولہ کلشدر ۔ طوسقہ مملکتی اولان جنوبی آرناوودلقندہ  
 مسلمان عددینک تفوق خرستیان اہالینک تحدید منافعی موجب اولہ کلشیدی ۔  
 ( پوغونی یانی ) جوارندہ اوتوز قدر کوی خلقندن مرکب برجماعت تشکیل  
 ایدن ( قارہ مرتدلر ) اون سکزنجی قرن نہایتنہ قدر خرستیان دینندہ بولنیور ۔  
 لردی ؛ فقط قومشولری بولنان لسقوویک اہالی اسلامیہ سنک مہاجات دائمہ سنی  
 طرد ایچون کندیلرندہ کافی قدرت بولہ مادقلرندن برکون کلیسایہ طویلائمشر  
 و خلاصلری ایچون اعزہ نصاری ارواحندن استمداد دعاسندہ بولنمشلر ؛ پاسقالیہ  
 کلوبدہ معاونت معنویہ تجلی ایدنجیہ قدر پرهیز طومتغہ عہد ایلمشلر ؛ پاسقالیہ  
 حلول ایدر فقط بکلینلن کرامت ظهور یافتہ اولماز ؛ بوندن مغبر قالان خلق  
 ایسہ خرستیانلغی بر اقوب اسلامہ کلورلر و اہتدائی متعاقب اللرینہ اسلحہ دخی  
 کیچدیکندن لسقوویکدہ کی اسکی دشمنلرینی بالہجوم قتل ایدرلر و اراضی لرینی  
 تملک ایلرلر ۔ آرناوودلقندہ بین العشائر قان کوتمک دعواسندہ اشتراک دیانتک

نائیری یوق کیدر. حتی اون طوقوزنجی قرن میلادی به قدر آناوودعشیرتلی و کوبیلیری پک اهمیتسز اسباب انفالدن طولانی مذهب دیکشدرمشلردی . خرستیان عشاردن برینک بر قسمی اسلامه کلیورمشیدی ؛ چونکه کندیلریه برابر بر قاپچ کویه خدمت روحانی ده بولنان وابتدا کندیلرینه اوغرایان پاپاس صباحک مناسبتسز جه سنه ایرکن بر ساعتده جماعتک برای عبادت طوبلانماسنده اصرار ایشیدی .

ازمنه اخیرده آناوودلقدده کی اهل اسلامک عددی بر میلیون وخرستیان اهالینک مقداری یاریم میلیونه یقین تخمین ایدیلور ؛ فقط بونلرک عدد صحیح اولدقاری پکده مثبت دکلدر . ( مره دیت ) طائفه سی تمامیه خرستیان بولمقدده در . بونلر کندی حدود مسکونه لری داخلنده هیچ بر مسلمانک تمکن ائمه سی شرطیه پادشاهه بیعت ایشلردی ؛ فقط بویکی مذهب سالکلری دیگرعشیرتلرک همان هپسندده بولنه بیلور . وسطی آناوودلغک تمامیه دینه جک قدر مسلمان بولندیغی ذکر ایدیلور . شمالی آناوودلق خلقکده یوزده آلتشنی مسلمانلر تشکیل ایدر . خرستیان خلق ایسه جنوبی آناوودلقدده وبالخاصه اورانک یونانستانه همجوار بولنان حوالیسندده اک بویوک نسبت عددیه بی احراز ایلرلر . شیمدی صربستانده کی تبشیره کله م :

صربستان قرالنی عثمانیلره ایلک دفعه اوله رق ۱۳۷۵ ( هجری ۷۷۷ ) سنه سنده خرچکدار اولش و ۱۳۸۹ ( هجری ۷۹۲ ) ده دخی قوصوه هزیمت وخیمه سندن صوکره استقلالنی غائب ایشیدی . قوصوه معرکه سنده تورکلرک پادشاهی ایله صربیلرک قرالی ترک حیات ایشلردی . بو مخاصم حکمدارلرک خلفلری ایسه دوستانه مقاوله عقد ایشلردی . کنج صرب پرئسی استفان تورکیه نک صربستان اوزرنده کی وصایتنی طانیدی ، قیز قارداشنی ده سلطان بایزید تزوج ایلدی وبناء علیه بویکی حکمدار آره سنده برآفاق اخوت حصوله کلدی . تورکلره استانبول حوالیسندن ماعدا بالقان شبه جزیره سنک تملکنی تأمین ایدن نیکبولی معرکه سنده ( میلادی ۱۳۹۴ ، هجری ۷۹۷ ) صرب قوای معاونه سی متردد اولان طالع حربک تورکلر طرفه دوئمسنه خادم اولش

ایدی . آنقره اووایی معرکه سنده تورک قوتلرینک تیمورلنک طرفندن اخی  
 ایدلیکی و بایزیدک اسیر دوشدیکی صرهدده (میلادی ۱۴۰۲، هجری ۸۰۵) استفان  
 صرب قواسنک شحیعانه حربنده حاضر و انشته سنک فلاکتنه ناظر ایدی .  
 تورکرلرک مغلوبیتندن اتمهاز فرصتله استقلالنی تأمین ایده جک یرده استفان تعهدنده  
 صادق قالدی و پدرلرینک غائب ایدلیکی تحتی استرداد ایدنجه یه قدر بایزیدک  
 اوغلاری ایله دوستلقدن آیرلمدی . استفانه خلف اولان جورجی برانقووویچک  
 اداره سی آئنده صربستان برنوع نیم استقلاله مالک بولنیوردی ؛ فقط بو آدم  
 ۱۴۳۸ ده لوای عصبانی قالدیردینی زمان تورکرلر صربستانی بر کره داها پای  
 استیلا آئنه آیدیلر . آندن برمدت صوکره صربستان مجارستانک وصایتنی طایمغه  
 مجبور قالمشیدی ؛ فقط ۱۴۴۴ سنه سنده ژان هونیادینک وارنده وقوعه کل  
 مغلوبیتی اوزرینه صربستان بر کره داها ترکیه یه خرچکدار اولدی و عاقبت  
 ۱۴۵۹ (هجری ۸۶۴) سنه سنده تورک ایمپراطورلغنی حوالی ملحقه سندن بری  
 حاله کیردی .

قوصوه محاربه سندن صوکره صربیلر آره سنده اهتدا ایدن کیمسه لر غالب  
 آندن یوز سنه مقدم مجارستانده بولمش و تمامیه قلع وازاله ایدلمش اولان اوافق  
 برمسلمان جماعتنک مقدراتنه واقف ایدیلر ؛ زیرا تورک حاکمیتنی مجارداره سنه  
 ترجیح ایتلرنده بووقوفک دخلی بولنماق ممکن دکل کیدر . بوجامت مسلمنه نک  
 ماجراسی شووجهله در : یاقوت حموی ۱۲۲۸ (هجری ۶۲۶) سنه سنده حلب  
 شهرنده ایکن قرون وسطی آروپاسنک بووافق جماعتنه منسوب بعض کیمسه لر  
 تصادف ایلر . او باده ویریلن تفصیلاته کوره بومسلمانلرک صاحب لری کبی یوزلری ده  
 قیرمزی یه مائل بررنکده ایمش . کندیلرینه باشقیر افرادی تسمیه اولنورمش .  
 حلبده امام ابو حنیفه (علیه الرحمه) مذهبی وجهله فقه تحصیل ایدیورلر مش .  
 یاقوت آنرله اولان مکالمه سنی نقل ایتدیکی صرهدده دیرکه : بونلردن پک  
 ذکی کورینن بر کیمسه یه مملکتلری حقنده بعض شیلر صوردم ؛ اوده تفصیلات  
 آتیه ده بولندی : « مملکت مزاستانبولدن داها اوتده مجاردینیلن فرنک اقوامندن  
 برینک قرالغنه تابعدر . بز مسلمانز و آنلرک قراللری تبعه سندنز . ساکن

اولدیغمز حوالی قرالغک حدودی قریبده در. هرینه بر اوافق قصبه دینه جک قدر بویوک اوتوز کوی اشغال ایلوروز. آنجق مجار قرالی عصیانمز و قوعی احتمالنه ذاهب اولدیغندن قصبه جقلمزک اطرافنده دیوار انشاسنه مساعده ایتیمور. خرسیان مملکتلرینک اورتسنده تامایله صیقیشمش بر حالده بولنیوروز. شمالده اسلاولر وار و جنوبمزه پایلق؛ اوپایلق که ایوم بوتون فرنکلرک رئیس و آنلر نظرنده مسیحک ناییدر. غربمزه اندلس دیارینه ملصق حوالی و شرقمزه روم اراضیمی ایله استانبول ملحقاتی کائندر. لسانمز بر فرنک لسانیدر و آنلر طرزنده تلبس ایده رز، آنلرله برابر اوردوده خدمت و آنلرک دشمنلرینه برلکده هجوم ایلرز؛ زیر محاربه ایتدکلری طائفه لر اهل اسلامکده دشمنیدرلر. « بوندن سوکره کندیسندن بویله غیر مؤمنلر آره سنه صیقیشمش بر دیارده نصل اولوبده اسلامه کلدکلرینی صوردم و شو جوانی آلم: « پدر و جدلرمزک برچوقلرندن ایشتدیکمزه کوره زمان قدیمده بولغار دیاری جانبدنیدی مسلمان کلش و ایچمزه توطن ایتمش. بولر خطالریمزی غایت رفق و نزاکت اوزره اخطار ایدرلر و دین اسلامک طوغری یولنی بزله کوسترلرلمش. سوکره حق جل جلاله رهبرمز اولمش، قبللریمز شرف ورود ایمانه آچیلمش، جمله مزده اهتدا ایشمز. بز بو شهره فقه تحصیلنه کلدک. مملکتمزه دونجه خلقمزدن اعتبار کوره جکز. آنلر بزی امور دینه نیک اداره سنه توکیل ایده جکلر. » [۱]

اسلامیت مجارستانده بولنمش اولان بوباشقیرلر آره سنده ۱۳۴۰ (هجری ۷۴۱) سنه سنه قدر محافظه زمین ایده بیلمشیدی. اوتاریخده مجار قرالی بولنان (شارل روبه) هنوز نصرانیه کتورلمه مش اولان بو تبعه سنی یا خرسیان اولغه ویا مملکتی ترک ایلمکه اجبار ایتدی.

صربستانده کی مسلمانلرده خرسیان وطنداشلی کی مجار حاکمیتی آلتنه کیرمکدن قورتلشردی. شویله که مجارلرک قاتولیک اداره سی ایله تورکلرک مسلمان حاکمیتدن برینی اتخابده مخیر قالدقلمی زمان - صربی خرسیانلرک

[۱] یاقوت حمونیک (ووسته نفلد) طرفندن آلمانجه یه Jacut's Geographisches

Wörterbuch. عنوانیه اولان معجم البلدانیک ترجمه سندن منقول.



روم اور تودوقس کینسانه مربوطیت قویه لری بولمغله - مسلمانلرک مساعده کار اداره سنی لاتینلرک غیر مؤتلف اولان و تلقین جبری دین روحیه ملو بولنان طرز حاکمیتلرینه ترجیح ایملردی . اسکی برقصه آنلرک او زمانکی حسیاتتی شو یولده تصویر ایدر : تورکلرله مجارلرک حل حربده بولندقلری بر زمانده صرب حکمداری ( جورجی برانقوویچ ) مجار قرالی هونیایدن : « اکر مظفر اولورایسه کز بزه نه معامله ده بولنه جقسکز؟ » دیه صورمش و « قاتولیک مذهبی تأسبس ایده جکز » جوابی آمش . آندن سوکره پادشاهه مراجعت ایله « حربی قازانورسه کز دینز حقنده نه تدبیر اتخاذا ایده جکسکز؟ » سؤالی وضع ایتمش و آندن ده شو جوابی آمش :- « هر مسجد قربنده برده کلیسا بولنه بیله جکدر ؛ هر کس ایستدیکی کبی عبادتده حر اوله جقدر . » آندن برمدت سوکره بعض صرب پاپاسلرینک کیزلی دسیسه لری سببیه بلغراد محافظلری قلعه بی تورکلرله تسلیمه مجبور قالمشردی . آندن بر خیلی مدت سوکرده طونه او زرنده کی سمندره قصبه سی صرب اهالیسی ده تورک عسکرلرینی استقبال ایتمش ، تورکلرده آنلری قومشو بولنان قاتولیکلرک تحکمندن قورتارمشردی .

اسلامیتک صربیلر آره سنده انتشاری قوصوه محاربه سنی متعاقب باشلامشدی . اسکی دره بکلک خاندانلرینک او حربدن صاغ و سالم چیقه بیلن و یا جوارده کی ممالک خرستیانییه التجا ایتملرندن مهم بر قسمی - امتیازات مخصوصه لرینک خللدن صیاتی مقصدیه - بالاختر مذهب محمدییه سالک اولمشردی [۱] . مع مافیه پادشاهلر او وجههله اهتدا ایلدکلری سویلنن اصلزادکان آره سنده اسلامیتک نشری ایچون اک غیرتلی پروپاگانداچیلر بولمشردی ؛ فقط صربستانده افراد ناسک قسم اعظمی هر دورلو مشکلات واضطراباته رغماً اسکی دینلرنده ثابتقدم قالمشردر . اسکی صربستان - که تورکلر زماننده کی آرناوودلغک شرقی قسمی تشکیل ایدردی - اهالیسی آره سنده خیلی اهتدالر وقوعه کلدی . اسلامیت بوراده دخی اون یدنجی قرنه قدر پک یاواش برروش ایله ترقی ایدیوردی .

[۱] بوسوز ( قانیچ ) نامنده بر محرک ویانه ده منتشر بر رساله شهریه یه یازدیغی Die Fortschreitende Muhamedanisierung Alt - Serbiens عنوانی بر مقابله دن المشر .

او زمانلرده اوسترياليلر صربيليرى عصيانه تشويق ايتمشلردى ؛ فقط توركلر بوقيامى باصديرنجه بطريق اوچنجى ( آرسه نيوس چهنوويچ ) قرق بيك قدر صرب عائله لرياه مجارستانه كچدى . اون بش بيك عائله يى حاوى ديكر برقافله مهاجرين دخى ۱۷۲۹ سنه سنده چيقوب كيتديكندن مملكتك بو جهتي اسكى اهاليدن همان پك آزينه مسكن اوله رق قالمشيدى .

جنوبدن كلن آرناوود مستملكه جيلرى بوشامش اولان اوحوالى يى اشغاله باشلامشلردى . بو آرناوودلرك حين وصوللرنده همان كافه سى ده قاتوليك مذهبنده بولنورلردى ؛ فقط اسكى صربستانده توطن ايلد كدن صوكره تدريجاً اسلاميتي كنديلرينه دين اتخاذايتمكه باشلامشلردر . صوك زمانلرده قاتوليك آرناوودلرك بقاياسى عددجه اقليت صغيره تشكيل ايلبور ايديسه ده زماندن زمانه جبال جهتندن كلن افراد مهاجره ايله نفوسلرى آتمشدى . مع مافيه بونلرده كنديلرندن اول كلن خريستيان آرناوودلرك كوسترديكلرى مثاله برمعتاد تابع اولمشلر و كيت كيده اهتدا ايتمشلردى .

بو آرناوود مهاجرتندن صوكره او مملكتك صرب اهاليسندن باقى قالمش اولانلرى آرسنده اسلاميت سرعتله شيوع بولمشيدى . اوراده كى صرب پاپاسلرى غايت جاهل كيمسه لردى ؛ عبادت كتابلرينى مشكلاتله او قورلردى ؛ ايجلرنده يازى بيلن همان يوق كچي ايدى . بونلر خلقه وعظ ايده مزملر ، علم حال ده او قوده مازلردى . بوندن طولايى بوتون كويلرده مناجات ربانيه يى ويا اوامر قدسيه نك عدديني بيلن تك بر آدم بولمق بيله مشكلدى [ ۱ ] ميلادك ۱۶۸۹ ( ۱۱۰۱ هـ ) سنه سنده وقوعه كلن برعصيان اوزرينه باب على اينك قصبه سنه يكي بر صرب بطريقى نصب ايتديرمشيدى ؛ فقط ۱۷۳۷ ( ۱۱۴۰ هـ ) ده حادث اولان ديكر بر قيام اوزرينه اينك بطريقلى قطعياً لغا ايدلمش و صرب كنيساسى

[ ۱ ] اوامر انجيليه عددينك اون اولدينى و « شونى يايمة جقسك ، بونى يايه جقسك » طرزنده ايراد ايلديكي معلومدر . انكليزلر آرسنده بعض نكره كو كيمسه لر بوكا برامر داها علاوه ايدرلر . اون برنجى امر دينلين بومصنع سوزك مالى شو ووجهله در : « نه ايسترهك آنى اجرايت ؛ فقط يايديغك شيلرى زهار كيمسه يه سويليمه جقسك » رباكارلق احتياطنك توصيه سنه عايد براطيفه !

استانبولہ کی فناز روم پطریقانہ ربط اولمشدی . بوندن صوکرآ آرتق صرب کلیساری روم پاپاسرلیہ طولغہ باشلامش ، بوپاپاسرلہ تورک بکلری و پاشالری ایہ مشترکاً زواللی خرستیان اہالینک قانی امکہ قویولمشردی . صربی خرستیانلر عبادتہ لسان میلرینی استعمالدن منع ایلمشردی . اسلاوجہ یازیلی اسکی عقائد ودعا کتابلری دہ طوپلاتدیریلوب استانبولہ کوندرلمشیدی . بوہاللر تحتندہ وبو مقولہ پاپاسر ادارہ سندہ اورادہ کی خرستیانلغک تدنیہ اوغرامسنہ تعجب اتمہ مک لازم کلور . پرزینہ تابع غور نام محل دخی مهاجرت سابقہ دن صوکرہ مسلماناشمش ایسیہ دہ ینہ متفرقاً قالان بعض خرستیان عائلہ لری کنیدیلرینہ پاپاس کوندرلمسی ایچون پرزیندہ کی روم ہئسقیوسنہ دفعاتلہ استرحامدہ بولندقلری خالدہ ظہلری اسعاف ایدلہ مشیدی . بناء علیہ اورادہ کی صبیان واقیزسز قالمش ، ازدواج اجراسی وجنازہ قالدیرلمسی کلیسا تقدیساتدن محروم براقلمش ومقامات مبارکہ ناس خراب اولغہ یوز طومشیدی . (اوپولجہ) حوالیسندہ ایوم موجود اولان طوقوز بیک قدر اہالی اسلامیہ غالباً اکثریتلہ اورالرک اسکی اسلاو خاتی احفادنددرلر . اون یدنجی قرن بدایتندہ (مارقوبی زی) یاقووہ شہرندہ یوز یکرمی قاتولیک عائلہ سیلہ ایکی یوز نفر روم واو قدردہ مسلمان بولندیغی یازار . یوز اون سنہ قدر بر مدت صوکرہ او شہردہ بولنان ہر خانہ خلقی مسلمان صایلیوردی ؛ چونکہ عائلہ رئیس اسلامہ ایمان ایدیوردی ویالکز قادینلرلہ بعض چوجقلر خرستیان نامی آلتندہ قالیورلردی . اون سکزنجی قرن اواسطندہ (چورہس) قریہ سی خلقی قاتولیک مذہبندہ ایدی . حال بوکہ ۱۸۶۳ (حجری ۱۲۸۰) سنہ سندہ بونک طوقسان عائلہ سی مسلمان ویالکز یکرمی بش عائلہ سی دہ خرستیان بولنیوردی . بالاخرہ کرک بوقریہ و کرک قرای متجاورہ اہالیسی خرستیانلغی تمامیلہ ترک ایلمشدر . یقین زمانہ قدر کویلردہ اسکی خرستیان عاداتدن بعضلری - مثلاً میلاد عیسی یورطیسندہ اورماندن بالخاصہ کتوراش کوتوکی تبرکاً یامق کبی شیلر - کورلمکدہ ایسہدہ آنلردہ یواش یواش زائل اولقدہ درلر .

قوصوہ محاربہ سندن و صرب قرالیتنک سقوطندن صوکرہ تورکرہ تسلیم

اولمق ایستمین و استتلایتی محافظه قیدنده بولنان صربلی افراده قاره طاغک حوالی مرتفعه وحشیه سی التجاکاه اولمشیدی . عصر لرجه سورن جنک وجداله روحانی وملکی صفتلری نفسنده جمع ایدن بر رئیسک اداره سنده - دوام ایتمک و همجسملرندن بولنان بونجه کیمسه لک حاکمیت اسلامیه آلتنه کیرملرینه رغماً جبالده بر خرستیان حکومه تی یاشاده بیلیمک مثللو احوال غالبه و قوای قاهره یه قارشو اوغراشمش اولان بو جسور طائفه نیک تاریخی بوراده محاکمه یه کیریشمک مقصود دکلدز . بونلرک بر ملت صفتیه موجودیت فارقه ومستقله لرینک اسالاساسی خرستیان دینه اولان مربوطیت متینه لری بولندجه اسلامیتک آنذر آره سنده سهولت دخولی بالطبع انتظار ایدیه مزدی . بونکله برابر اون یدنجی قرن ظرفنده قاره طاغلیلردن حدودده ساکن بر خیلی کیمسه لر مسلمان اولمشلر و حدوده جوار یرلرده بولنان تورک پاشالرینک خدمت لرینه کیرمشلردی . لکن ۱۷۰۳ ( هجری ۱۱۱۵ ) سنه سنده قره طاغ رئیس حکومتی بولنان نه پستقپوس پتروویچ بوتون عشائر ارکانی بر اجتماعه چاغیره رق - مملکت لرینک ومذهبلرینک بقاسی ایچون - آره لرنده بولنان مسلمانلاری احمادن باشقه چاره قالدیغنی بونلره سولیشیدی . بناء علیه اسلامیتدن واز کچوبده خرستیانلغه عودت ایتمین قاره طاغیلر بر میلاد عیسی عرفه سنده صوغوق قانلیق ایله برر برر قتل ایدلمشلردی [۱] .

بوسنده ده کی تبشیر اسلامیه کلنجه :

تورک فتوحاتندن اول او مملکتده کی احوال دینه واجتماعیه دقت مخصوصه عطفنه لایقدر . اوراده کی خلقک اکثریسی ( بوغومیل ) دینلین بر خرستیان طریقت الحادیه سنه منسوب دیلر . بومذهب الحاد اهلی اون اوچنجی قرن میلادیدن بری پاپلرک تعدیاته دوچار اولمقده ایدیلر . حتی پاپلر بونلره قارشو دفعاتله جهاد اجراسنی توصیه ایلمشلردی . پاپا یکریمی ایکنجی ( ژان ) بوسنه قرانه یازدیغنی بر مکتوبده شو یولده بیاناده بولنشیدی : « سوکیلی اوغلمز بوسنه پرئسی نجیب استفان . سنک کینسانک بر صادق اوغلی اولدیغنی بیلوروز ؛ بوندن طولانی

[۱] قلاق نام محرک ۱۸۷۸ ده نیویورقده مطبوع - The Races Of Euro

pean Turkey عنوانی کتابندن منقول .



ملککده کی ملحدلرک ازاله وجودلرینه توسلکی وانکیزیسیون مأمورمن فایوسه معاونتده بولمقلغکی بکلرز؛ چونکه مختلف ومتعدد جهاندن کلن رافضیلر بوسنه نی سالم بریر عد ایدرک اورایه طوبیلا تمشلرده ضلالت شنیعه لرینک تخمینی صاحبی ایستورلر. بو آدملر ابلیس قدیمک دسائسیله مألوف و کندی ساخته کارلقلرینک زهریبه مسلح بولندقلری حالده جعلی بر وضع سادکی ارانه سی و ظاهراً اسم نصرانیت انخادی ایله قاتولیکلرک اذهاننی افساده چالیشمقده درلر. بونلرک خطا بلری ینکیج کبی سورینور، کندیلری ده مسکنتله سرفروده بولنورلر؛ فقط کیزلیجه قتلدن کیری طورمازلر. آنلر قوزی شکنه کیرمش قوردلردر. وحشت حیوانیه لرینی عیسانک ساده دل سوریلرینی آلامق و اولامق ایچون ستر اییلورلر. »

اون بشنجی قرن ده ( بوغومیل لرک چکدکلری اضطرابات او قدر غیر قابل تحمل بدرجه یه وارمشدی که آرتق خلاص ایچون تورکلردن استرحامده بولنمشلردی؛ چونکه بوسنه قرالی ایله رهبانی تعدیلرینی اولجه مثلن هیچ کو- رولمه مش بدرجه مفراطیه واردیریورلردی. بولردن قرق بیگ قدری بوسنه دن قاقوب جوار مملکتلره التجا ایلمشلردی؛ قاقه میانلر ایسه زنجیر بند اوله رق رومایه کوندرلمشلردی. مع مافیہ بومدهش تدابیر بوسنه ده کی بوغومیل نفوسنک تناقصنه پک آز خدمت ایده بیلدی؛ چونکه ۱۴۶۲ ( هجری ۸۶۷ ) سنه سنده بوالحدک حالا قوتلی بر صورتده موجود بولندیغنی روایت ایدرلر. ایرتسی سنه سلطان محمد ثانی بوسنه نی استیلا ایلدیکی صروده اورانک قاتولیکلری قرالیرینی ترک ایدیورمشلردی. مقام قرالینک بولندیغنی ( بو بواج ) شهری قلعه سنک آناختارلری بوغومیل سالکلرندن اولان والی طرفندن تورکلره تسلیم ایلدی. دیگر شهرلرله قلعه لر بونک اثرینه اقتفا ایلدکلرندن بر هفته ظرفنده یتمش قدر قصبه پادشاهک ید حاکمیتنه کچدی. محمد ثانی دخی بوسنه نی فتوحات سائرهنه ضم ایلدی [۱]

[۱] اسوٹ نام انکلیر محررینک ۱۸۹۰ تاریخنده منتشر An Official Tour Through Bosnia And Herzegovina عنوانیه بوسنه و هرسکده کی بر جولان رسمی حقنده کی کتابندن .

بوزماندن اعتباراً بوغومیلرر حقنده برشی ایشیدلمز اولدی . تورک فتحندن  
 صوکرده بونلرک کثرتلی صورتده اسلامه کلدکاری ملحوظدر . قاتولیکرا کثرتیه  
 جوار مملکتلردن اوستریا و مجارستانه هجرت ایشلردی ؛ کیریده قانلردن  
 بر چوقلرینکده اولکی مهتدیلرک مثالرینه اقتفا ایلدکاری مضموندر . بعض  
 اوروپالیلر تورک فتوحاتی مبادیسنده بوغومیلرک کثرتیه اسلامه کلمری استقبالا  
 بر فرصت دوشونجه مذهب مخصوصلرینه رجوع ایتک نیتدن ایلری کلدیکنی  
 فرض ایشلردر ؛ بوادعايه دلیل اولمق اوزره مقدا دوچار اولدقلری تضییقات  
 سببیه مذهب اصلیی قصداً انکار ایدیویرمکلک یولنی ای اوکرمش اولدقلرینی  
 کوسترلر ؛ وداها ایلری کیدرک مأمول ایدیلن فرصت رجوعک ظهور  
 ایتمه مسندن طولایی عاقبت نیت اولیهنک اسلاف طرفدن اونودیلوب کیتدیکنی  
 ذکر ایلرلر . بوکبی بر فرض ، علی العاده تخمیندن باشقه برشی دکدر وبردلیل  
 قطعی ومعینهده استناد ایده مز . کندی اعتقادلرنده کی برچوق نقطه لری ایله احکام  
 اسلامیهنک مشاهبتدن طولایی بوغومیلرک افراد ناس مسلمین ایله مزج و خاطه  
 کندیلرینی مائل بولمش اولدقلرینی دها قوی برسبب اولمق اوزره تلقی ایده رز .  
 بوغومیلرر مریمه تعبدی ، وافتیز مؤسسسه سنی و هر دورلو اشکال رهبانیتی رد  
 ایدرلردی . برعلامت دینه اولمق اوزره صلیبه بغض ایلرلر و اشکال و تصاویر  
 مذهبییه ایله امانات تقدبسیه و اعزه مواجهه لرنده اتکای تعبدیه نی بتپرستلک  
 صایارلردی . قاتولیکلرک نالایق صورتده مزین و مرسم اولان کلیسالرینک ضدینه  
 اوله رق بونلرک عبادتگاهلری ساده و تزیناتدن آزاده بولنوردی . مسلمانلرک کلیسا  
 چاکلری حقنده کی فکر تقبیحلرینه اشتراک ایدرلر و اوچاکلره « ابلیسک بوریلری »  
 تسمیه ایلرلردی . عیسانک بالذات چارمیخه چکلمیوب آنک یرنده برشکل مخیل  
 وضع ایدلمش اولدیغی ذهابنده بولنورلردی و بوجهته کندیلرینی قرآن کریمک  
 اوبابده کی تبلیغه قسماً موافق بولورلردی [۱] . شرابی تقبیح ایلملری ، طرز حیاتده  
 ریاضته اعتنا کوسترملری اطوار خارجیهده شدتله ساده لکه مائل بولنملری

[۱] بوراده اشارت ایدیلن آیت قرآنیه شودر :

وقولهم انا قتلنا المسيح عيسى ابن مريم رسول الله وماقتلوه وماصلوه ولكن شبه لهم

الخ (سورة النساء) .

بوغومیلرک اسلامیتله عقد رابطه ده بولمق ایستملرینه خادم اولان حالاندن ایدی . بونار کوندوزین بش ، کیجه لری دخی بش وقت عبادتده بولنورلر و دفعاتله دیز چوکه رک تحمیدات ربانیه عرض ایدرلردی . بناءً علیه بونلرک جامعده کی عبادتله اشتراکی پک اوافق برتبدل بولمش اولملری محتملدر .

بوغومیلرک مذهب الحادنده بولنان و تبلیغات اسلامیه یه مشابهتی اولان بعض نقضه لری بوراده جمع ایلم . مع مافیہ بوغومیل عقائدنده احکام نصرانیت شکلرینی حائر نقاط دخی واردی که متقی مسلمانلرجه هیچده شایان قبول صایله مازدی . فقط نقاط مشترکه بو قدر متعدد بولنجه بوغومیلرک اهل اسلامه مبغوض کورینن دیگر اعتقاداتی تدریجاً ترک لرومنه قناعت کتورمش اولملری استنتاج ایدیله بیلور . ( مایحیه ن ) مذهبک خالقین اعتقادینه مشابه ذهابده بولملری دخی مسلمان عقائدیه قابل توفیق دکل ایدیسه ده اسلامیت دائماً بوکی محاکمات عقائدیه یه مساعد اوله کاشدر ؛ شو شرطله که بو محاکمات اعتزال اصدار اتمیه .

توزکلر دینلرینی بوسنه لیلره مقبول کوسترمک ایچون - معلوم اولان اعتیادلری وجهه - هر دور لومساعدات و منافع مادیه و معنویه عرضیه اقباعاتده بولمشلردی . اسلامه کلنرک جمله سنه ماملکلرینی محافظه حق تأمین ایدلمش و اصحاب زعامت ویرکولردن معاف طوتلشیدی [ ۱ ] احتمالکه مسلمان اولانلرک چونغی املاک و زعامت اصحابی قدیم اشرافدن بولندقلری حالده قاتولیک مذهبنه قارشو بر مذهب الحادی التزام ایلملرندن طولایی مقدما حقوق تصرفیه لرندن محروم طوتلشاردی . آرتق غالب اولان دینه متابعتله اسکی ماملکی استرداده فرصت بولمشلردی . بوسنه مسلمانلری قومیلرینی محافظه ایتمشلر و شمدی یه قدر صرب اسملری طاشیمشلر ولسان ملی تکلم ایده کلمشلردر . عین زمانده دینلرینه ده دائماً بر شوق غیرت ایله باغلی قالمشلردر . زمان قدیمده بوسنه مسلمانلرینک اصیازادکانی طور جنکاورانه لری ، اسلامیتله مربوطیت متقیه لری ، نفوذ و قدرتلری ایله استانبولده

[ ۱ ] اولوی یه نام فرانسز محررینک بوسنه وهرسک حقنده کی La Bosnie Et

L'Herzégovinie عنوانی اثرندن .

دائماً بر اعتبار ممتازه مالك ايديلر . بونارك بعضيسنه مواقع مهمه رسميه بيله توديع ايدلمشيدى . حتى ۱۵۴۴ ايله ۱۶۱۱ ( هجرى ۹۵۱ ايله ۱۰۲۰ ) سبنه لرى ظرفنده اصلاً بوسنه لى اولان طوقوز قدر رجال دولت وزير اعظملىق مقامى اشغال ايتمشلردى .

عثمانلى فتوحاتنىك اى صوك قازاندىنى ملك كريد آطه سيدر . بو آطه ۱۶۶۹ ( هجرى ۱۰۸۰ ) تاريخنده قنديه نىك اوج سنه قدر نوميدانه محاصره ومضاربه دن صوكره ونديكليلردن ضبطى اوزرينه ونديك جمهوريتى وتركيه كى ايكي رقيب دولت آردسند يكرمى بش سنه سورن بر مصارعه نتيجه سنده تاميله توركلرك اله كچمشيدى .

كريد آطه سنه نقل كلام ايدلم :

كريد آطه سى بونكه يالكنز برنجى دفعه اولمق اوزره مسلمانلرك اللرينه دوشميوردى . طوقوزنجى قرنك ابتدا سنده اندلسدن كلن برفئه سر كذشتجويان بو آطه يى ضبط ايتمشيدى . آندن صوكره يوز سنه قدر مسلمانلرك اللرنده قالمش وآطه اهاليسنىك همان كلينى اسلامه كچمشيدى . كلسالرده خراب اولمش ويا مسجده قلب ايدلمشلردى . لكن كريدده بيزانس ايمپراطورلغنىك حاكميتى اعاده ايدلدكدن صوكره آطه ليلر - برارمى مناستر نشينىك مدبرانه وعظلمى سبيله - اولكى دينلرينه عودت ايتمشلردى . آندن صوكره آطه ده خرستيانلقدن باشقه ايمان ايديلن باشقه بر دين قالمامشيدى [۱] بيزانس ايمپراطورلغنىك تقسيمندن صوكره كريد آطه سى ( مونت سهررات ) دوقه سى بولنان ( بونيفاس ) ك حصه سنه دوشمش ايدى . اون اوچنجى قرنك ابتدا لرند ونديكليلر بو آطه يى اشترا ايلديلر وبر دست آهين ايله اوراده اجراى حكم ايتديلر . غالباً اورايه تملكى يالكنز حكومت مركزيه نىك ومأمورين محليه نىك منافعه خدام بر مبايعه ماده سى ديه زهابده بولمشلردى . اداره لرى غايت مستبدانه وظالمانه اولديغدن متعدد اختلاللر توليد ايلدى وبواختلاللر بر شدت بى رحمانه ايله باصديرلدى . بو

[۱] قورنارو نامنده برايئاليان محررينك ۱۷۵۵ ده ونديكده مطبوع Creta Sacra

عنوانلى كتابندن .



تجریماتدن بریسنده لاسیتی واسفا کیه حوالیسی عادتا اها لیسز قالمشیدی. بو طرفلرده بوغدای اتمک اعدام جزاسی آلتنده منع ایدلمشدی. بناء علیه حوالی مذکورده اراضیسی یوز سنه قدر غیر مزروع و خالی بر اقلیدی [۱] اون آلتنجی قرن بدایتنده وقوعه کلن بو اختلاللردن بریسی باصدی رفق ایچون وندیك سناتوسنك ویردیکی مدهش قرار ظالمانه بدبخت کریدیلیرک ذاتاً موجود اولان حال سفالتلرینه یکی بردهشت علاوه ایلدی. بونلرک مقدراتنک نه قدر قورقنچ بر شکل آلمش اولدیغی وندیك سناتوسی طرفندن برای اجرای تحقیقات آطیه کوندریلن بر قومیسونك راپورلردن آکلاشیله بیلور. بوراپورلرده ذکر ایدلدیکی اوزره وندیك اصیلاذکانی پک بویوک تضیقات و استبداد غدارانه آلتنده کویلیلری ازیورلر و بودره بکی طورنده کی افندیلر آنلری اسارتدن داها فنا بر حالده طوتیورلردی. بو کویلیلرده اسرا کی دوچار اولدقلری حقسنر لقلره قارشو شکایت ایدمه جک بر وضعیتده قالمشردی. هر کویلی ویا نخبیر دره بکی ققللو افندیسی ایچون سنهده اون ایچی کون بلا اجرت ایشلمکه مجبور اولدقن باشقه افندیسی آکا - زمانمز رایجنه کوره - آلمش، یتمش پاره کی اوافق کوندهلک ویرمک اوزره ایستدیگی قدر اوزون مدت ایشلر تحمیل ایدمه بیلوردی. هر باغ صاحبی کویلینک باغی محصولاتندن اوجده بری جریمه ایش کی الندن آنلور و بونکله برابر - حیله ایله زوربالغک اتحادندن طولایی - محصولات مذکوردهنک اوجده ایکیسی آنک یدتصرفندن چیقاردی. او کوزی ایله قاطری ده آمری بولنان دره بکی طرفندن قوللانیلوردی. والحاصل اودره بکی بیك دورلو وسیله ایجادیه بچاره کویلی بی تضیق ایدر کیدردی. کریدیلیرک بو بدبختانه حاللرینک اصلاحی و اصیلاذکان طرفندن وقوعه کلن ظلم و تعدیلره نهایت ویرلمسی حقنده تحقیق قومیسوننک وندیك سناتوسنه کوندردیکی پروتستولر تاثیرسنر قالیورلردی. سناتوایسه جمهوریتک کریدده کی مأمور مخصوصنک بو مستملکه تبعه سی حقنده ۱۶۱۵ سنه سنده کوندردیکی توصیه نك قبولی مرجح کورمشیدی که او توصیه ده شو مآلده ایدی: «اگر

[۱] پهروو نام فرانمز محررینک ۱۸۶۷ ده بارسده مطبوع کرید آطیه سی

حقنده L' Ile de Crète عنوانیه منتشر کتابندن.

بومستملکه نك افندیلری مالکانه لرنده کی کویلا اوزرنده اجرای تحکم ایدیورلر سه بونک ایچون اتخاذا ایدیله جک الك اپی تدیر آمرلر ایله تابعلری آره سنده مرحمت مسئله سی بولندیغنه انماض عین ایلمکدن عبارتدر « [۱] عین منبعدن کلن دیگر تحریر اتدن » کریدلی روملرک امرای حاضره لرینک تبدلنی شدتله آرزو ایتمکده ، تورکلره تابعیتده هیچ بر باس کورمه مکده و چونکه عرقداشلرندن بونجه جماعتک باشقه یرلرده تورک تابعیتی آلتنده کی رفاه حاللرینی کوزلری اوکنده نمونه اوله رق طوتمقده » بولندقلرینی اوکریمک تعجبی موجب اوله ماز . فی الواقع کریدیلردن بر چوغی وقت بوقت فرصت دوشدکجه ترکیه داخلنه فرار ایدرلردی . بولردن کلیتلی بر قسمی ده مصره التجا ایتمش و اوراده مسلمان اولمشیدی . کریدیلرله بالخاصه فنا طوقونان شی حقوقاً روم کلیساسنه عائد اولان اوقافی لاتین رهباننک تصرف ایلمری و آطه نك اونده طوقوزینی تشکیل ایدن روم خلقنک آیین دینلرینه متعلق هر شیئی مذکور رهبانک تحقیره لایق کورملری ایدی . حال بوکه دیگر طرفده تورکلر روم هیئت رهبانیه سنک قدرت اداریه سنی اعاده ایتمکله روملره استالت آناری کوستریورلردی ؛ بو ایسه - وندیکیلی بر محرر معاصرک بیاننه کوره - طرز آتی وجهله وقوع بولیوردی : « حانیه پاپاسلردن بری تورک قوماندانی قاسمه مراجعتله اکر کریدیلرک دوستلغنی قازانمق و وندیکیلرک نامنه نفرت جلب ایتمک ایسترسه بر جمعیت مدنیه بی سقوظدن محافظه ایدن الك قوتلی رابطه نك دین بولندیغنی بیلیمی لازم کله جکنی و کندیسی ایچون مقتضی اولان تدبیرک وندیکیلردن تمامیه باشقه بر صورتده حرکت ایلمک اوله جغنی » سویلر . حال بوکه وندیکیلر روم مذهبنی کوکندن سوکوب آتمق و آنک یرینه روما کنیساسی احکامنی وضع ایتمک ایستیورلردی . بومقصدله آطه ده هیچ بر روم نه پسقپوسی بولندیرلماسنه قرار ویرمشلردی . خلقنک اهل و مقبول بر چوبانی دفع ایتمکله متفرق حالدده قالان سوری بی کندیلری طوپلامق ایستیورلردی . او قرار عزل کریدیلرک اذهاننده او قدر بر یأس حصوله کتوردی که هیئت رهبانیه لرنده کی اصول سابقی اعاده ایده جک هانیک بر یکی

[۱] پهللی نام برانکلیز محررینک ۱۸۳۷ ده منتشر Travels In Crete عنوانلی کرید سیاحتنامه سندن .

قوة حاکمیتی بمنونیت و اطاعتله استقبال ایتک ایسترلردی ؛ چونکه او اصولک اعاده سی عبادت مقدسه نك لایقیله اجرایی ایچون آنلرجه ضروری ایدی . حانیله می پاپاس ، خلقک کوکافی المق ایچون آنلرک امتیازات قدیمه دینه لرینک تأمیندن ماعدا یکیدن امتیازات ویرلمسی مناسب اوله جغنی ده علاوه توصیه ایلمشیدی . پاپاسک سرد ایتدیکی دلائل ، قاسم طرفندن شایان تصویب کورلدیکندن کیفیت درحال استانبوله یازلمشیدی . اورا حکومتی ده بونی بالتصویب روم بطریقخانه سنه ایتدیکی برتبلغده کریده برباش نه پسقپوس ارسالنی و بوکا دائرة فعالیت اوله رق قندیه حوالیسنگ تعیننی امر ایتدی ؛ بومتره پولیدلکک اداره سی آلتنده یدی نه پسقپوس نصب اولندی [۱] .

تورک فتحنی متعاقب کریده کثرتلی و سرعتلی صورتده اهتدالر وقوعه کلش اولدینی تظاهر ایدیور . کریدیلیری نزدلرندن اوزاق طوته کلن و آنلره اختلاطی ناقابل عفو بر ذالت صایان و کندیلرینه دائماً تبعه محکومه صفتیه مادونیت حسی القا ایتدیرمه چالیشان و ندیکلی امرای اجنبیه آلتنده دینلرینه مربوطیت خصوصنده آطه لیلرک کوسترمش اولدقلمر حمت ، یکی آمرلرک دینه میلدن کندیلرینی آلیقویماش اولسه کرکدر . یکی آمرلر کریدیلیره تابع دکل ، مساوی معامله سی ایتشلر و آنلره کندی مملکتلرینک حیات سیاسی سنده و تدویر مصالحنده برحسه فعالیت چیقارمشلردی . کریدیلر آره سنده واسع صورتده وقوعه کان اهتدالرک اسبابی هر نه اولورسه اولسون - مخاصم بر اجنبی مذهبی نامه ایدیلن بونجه تعدیاته رغماً - عصر لرجه دینلرینه مربوط قالان برخلقه جبر و شدتک تبدیل دین ایتدیره بیه جکنه اینانیله ماز . کریده کی مسلمان صفرینک یویومسنه سبب نه اولورسه اولسون فتحندن تقریباً اوتوز سنه صوکره آطه مسلمانلرینک اکثریتی مهتدیلر ایه مهتدیلردن طوغان چوجقلرک تشکیل ایلمش اولدینی ذکر ایدیلور . یوز سنه یی متجاوز بر زمان کیچد کدن صوکره ایسه کرید اهلینسنگ نصفی مسلمان بولنیوردی . مسلمانلر آطه نك یالکز شهر و قصبه لرنده دکل ، باشند باشه داخلک کویلرنده و حتی جبالده کی کویلرده بیه

[۱] چارلس ادوه ردرس ناندنه بر انکلیز محررینک ۱۸۸۷ ده مطبوع Letters From Crete عنوانی کرید مخبر اتندن .

متمکن بولنیورلر و اشکال و عاداتجه روملردن هیچده فرقلی کورنیورلردی .  
 آطهده بولنان ترکی الاصل بعض کیمسه لر بیه لسان عمومی اولان روحیه یی  
 اوکره نورلردی و حتی فرمانلر و حکومتک قرارلری روحیه یه ترجمه ایدلر کدن  
 صوکره ناسه تبلیغ ایدلمک اصولدن ایدی .

مسلمانلره خرستیانلر آرسنده پیدا اولان حسیات شدیدۀ عدوانه ، اون  
 طوقوزنجی قرنک کرید تاریخنه حزین بر شکل ویرمشدر . حال بوکه یونان اختلال  
 واستقلالندن اول بوایکی مذهب سالیکلرینک مناسباتی هیچده بویه کوردیکمز  
 کبی زهرناک دکلدی . ارتباط اجتماعی بوایکی جماعت افرادینک یکنسق طرزده  
 تلبسلریلدهده تظاهر ایلردی ؛ اودرجهده کی جوار آطه لردن کریده کلن روملر  
 چوق کره مسلمان ایله خرستیانی بر بردن تفریقده یا کیلورلردی . [۱]

صوک دورلرده کی حادثات سیاسیہ کریدده کی اهالی اسلامیه نک عددینی  
 خیلی آزالتمغه سبب اولمشدر . بونلرک عددی ۱۸۸۱ سنه سنده یتش دورت  
 بیکه یقین بولندیغی حالده ۱۹۰۹ ده مهاجرت متادیه سببیه مسلمان عدد نفوسی  
 اوتوز اوچ بیک درکه سنه اینمشیدی . [۲]

[۱] ایسپراط نام انکلیز سیاح ومدقق علیسنک ۱۸۶۵ . مطبوع Travels And  
 Researches In Crete عنوانی کتایندن .

[۲] بومهاجرتک باشلیجه سائق کسینلش اولان ظلم و قتل آرتدیجه عدد مسلمین  
 اکسینلشدی . تعصب متزاید یونان خیالات توسعیه سی . منضم اولنجه آطه روملری داها  
 جبروتی برکین وحشیانه یه طولکشلردی . قسماً مختل الشعور اولغله معروف کریدلی برعائله  
 افرادندن بولنان و فقط ساخته ایجه لکلر وریاکارانه قول وطورلر ایله فرنگلره کندیسنی  
 برداهی سیاسی کبی صاتمک یولنی اوکره ن برشارلاتان یعنی وه نیزه لوس بی رحم و بی  
 اذعان دینداشلیغی داها زیاده قودورتش ایدی . کرید آطه سی دولتدن قطعی صورتده  
 انفکاک ایتدیرلر کدن صوکره آوروپانک ایمپریالیست دولتلرندن بعضلری کرید مسئله سنی  
 آرتق حکومت سابقۀ عثمانیه یی تضییقه بروسیله اولارق قولانغنه احتیاجدن بری قالدقردن  
 آطهده یک صحابتسز و پک بچاره قالان مسلمان بقایاسنک فریاد تظلملرینی دیکلمز اولمشلردی .  
 بر وقتلر روم مظلانک انکلیز مطبوعاتنه عکس ایتدیرلمسی ایچون بر چوق کرید معتبران  
 اسلامیه سنک آرزوسیه ناچیزانه خدمت ایتش بولندیغمدن طولایی بالاده کی صحیفه نک  
 ترجمه سی صره سنده بوخاطره ایله بالحاصه متأثر اولدم . مترجم .



## ایرانه در آسیای وسطاوه اسلامك انتشاری

انتشار اسلامك آسیانك اورته سنه طوغری آلدینی مجرای تعقیب ایچون نظر مزی بر کره فتوحات عربیه دورینه ارجاع ایتلی یز . یدنجی قرن میلادی اورته سنده ساسانیان خاندان معظمی ساقط اولمش و دورت یوز سنه دنبری رومانك ویزانيسك سطوتلرینه قارشو طوره کیش اولان واسع ایران ایمراطورلغی آرتق مسلمانلره میراث قالمشیدی . اووقت دولتک اوردوسی انهزامه اوغرامش ، عامه ناسده پک آز اثر مقاومت کوستره بیلمشیدی . ساسانیان خاندانی مثلین اخیره سنك دور سلطنتلرینك قورقنج بر آناشی ایچنده کچمش اولمشی و برده دین رسمی دولت اولان زردشت مذهبی رهبانك تجریم مسلکنك حکمدارلر طرفدن التزام ایدلمسی خلقک آنلر حقنده کی توجهاتک زوالنی موجب اولمشیدی . زردشت راهبرلی امور دولت اوزرنده پک بویوک بر نفوذ اجرا ایدیورلر ، حکمدارک مجلس خاصنده اک قوتلی اعضادن بولنیورلر وحتی اداره ملکیده بر حصه متفوقه فعالیت استحصاله قالدیشیورلردی . استحصال ایتدکلری موقعدن بالاستفاده - اوزمانلر ایرانده بولنان وکندیلرندن اعتزال ایدن - متعدد جماعات سائره مذهبییه تعدیادن هیچ کیری قالمیورلردی . ایران مذهبک اشکال قدیمه سنه معتقد برچوق طریقترلرندن ماعدا اوراده یهودیلرله خریستیانلرک و ( صابئی ) دینلن نجومپرستلرک وکذلک غنوستیق ) مدرکیه ، ( مایخیین ) انبعاث نور وظلمت مذهبلی اصحابک وبودا مذهبی سالکلرینک محاکات عقائده لرینی تمثیل ایدن طرق عدیده موجود ایدی . تعدیات واقعه بونلرک جمله سندهده مذهب مؤسس رسمییه و آکا معین اولان خاندانه قارشو آجی برحسن عداوت اوپاندرمش وپو حال ایسه عرب استیلاسنه بررنک نجات

ویرمیشدی [۱] بو مختلف اشکال مذهبیہ نك سالیگری - خفیف بر خراج تادیہ سیلہ - کندیلرینہ حریت ویرن و خدمات عسکریدن مستناطوتان بر حاکمیت آلتندہ آرتق سر بستجه تنفس ایدہ بیلہ جکلردی ؛ چونکہ شریعت اسلامیہ خراج تادیہ سنی و بناءً علیہ مساعدات مذهبیہ مالکیتی یا لکزی یہود و نصارایہ دکل ، ہمده زردشتلره ، نجومپرستلره عابدین صنم و نار و اججاز اولانلره تأمین ایدیوردی [۲] حتی زردشت مذهبی اصحابنکده اهل کتابدن اولان موسویلر و عیسویلر و جهله معامله کورملری و بناءً علیہ کندیلرندن جزیه آلمسی و بوکا مقابل حمایہ مظهریتلری حقندہ طرف پیغمبریدن تعلیمات صریحہ ویرمش اولدیغی ذکر ایدیلور [۳] بو باده کی حدیث شریف هجرتک ایکنجی سنہ سی وارد اولان احادیثدن بری بولمق کر کدر . عربلرک فتح ایتمکده اولدقلری ممالکده متمکن بالجمله ادیان و مذاهب مختلفه اصحابنه مساعدات اعتقادیه بخشی حقندہ وقوعه کلن مراجعت اوزرینہ او باده کی جواز نبوی صادر اولمشدر ؛ ولو کہ او غیر مسلم بولنان مذاهب افرادی اهل کتابدن اولسونلر .

مذکور تبدل حاکمیت ، ساسانیان حکمدارلرینک ظلمندن قورتلق ایچون ایرانده خطر و حیرته دوچار اولان کینسای نصرانیت اربابنه امید بخش اولمشدی ؛ چونکہ طرق مختلفه مذهبیہ اصحابنک بر بریلہ چارپیشوب طور مسندن متولد قارغشہ لغه یعقوبیلر ایله نسطوریلر آرسنده تحذث ایدن و مذکور حکمدارلر طرفندن تحریک اولنان مجادلات شدیدہ دخی انضمام ایدیوردی . آندن مقدمکی تعدیات حقندہ اولجه اشارتده بولمشدق . ساسانیان خانداننک بر انقراض متقرب ایله جان چکشیدریدیکی صرہده مقام حکمداریده بولنان ایکنجی خسرو ، هراقلیوس کی بر خرستیان امپراطور طرفندن مغلوب ایدلمش اولمسندن غضبیلوب ملکنده کی خرستیانلرک تجزیہ و تنکیلیرینی امر ایتمش و بوندن طولایی خرستیان

[۱] غوبینو نام فرانسز مؤلفنک آسیای وسطادہ کی مذهبیره و فلسفه لره داغر  
Les Religions et les Philosophies dans l'Asie Centrale عنوانی کتابندن .

[۲] امام یوسفک ک: اب الحراجندن .

[۳] امام احمد ابن یحیی ابن البلاذرینک هولاندالی مستشرق ده هویہ طرفندن

لا اینجه به منقول اثرندن .

مذاهب مختلفه سی اصحابنک کافه سی ده ظلمدیده اولمشدی . ایسته بو احوال مدهشه انسانلرک اذهانی تبدل مذهبی بی تسهیل ایدن بر تحول شدید ایچون حاضرلمشدی . دولتده کی سیاسی قاریشیققلرله برابر خرستیانلرک اذهانی طولدیران برده معنوی هرج و مرج موجود ایدی . فلاکتلرک بو قدر اجتماعدن و کندی آرده لرنده کی بونجه احکام متعارضه نك شدت تصادمیله وقوعه کلن عذاب معنویدن متحیر و ملول قالدقلری حالدّه - شاشقینانی موجب اولان هرج و مرجی سوپوروب آتمق ، عقیده بی وهیئت اجتماعی بی بر اساس جدید اوزرینه تکرار بنا ایتمک ایستمک کی - یکی بر دینک قولایلقه احداث ایلمه بیله چکی عجیب بر طرز ذهنیته میل ایتدیلر . تعبیر آخرله ایران خلقی و بونلر آرده سنده کی اقوام سامیه افرادی اولیه بر حالت ذهنیه ایچنده بولنیورلردی که بو حالت کندیلرینی انقلابات اسلامی بی حسن استقباله ، جدید و بسیط اولان یکی دینی قبوله سوق ایدیوردی ؛ اولیه بر دین که مکمل و مردانه ساده لکی ایله مظلم سیسلری بر صدمه ده سیلوب سوپوردی و روحی یکی ، جاذبه لی ، قابل ادراک امیدلره آچدی ؛ سفیلانه بر حال اسارتدنه خلاص عاجل وعد ایتدی [۱]

دین اسلام شهرلر خلقی ایله اصحاب صنایع و اعمال طرفلرندن داها زیاده خواهشله استقبال ایدلمشیدی . نوع اشتغاللرندن طولایی بوصف ناس ذردشت مذهبنجه ناپاک صاییلوردی ؛ چونکه صنعت و مشغولیتلرینک مقتضیاتدن اولمق اوزره آتشی ، طوپراخی ، صوتی تلویت ایدیورلردی . بویله جه قانون نظرندّه مردود اولدقلرندن و بناء علیه بر صورت خسیسه ده معامله یه دوچار ایدلرکلرندن کندیلرینه در حال حریت کتورن و اخوت مذهبیّه دائره سنده موقع مساوات بخش ایدن بر دینی خواهشله قبول ایلشردی . ذردشت مذهبی جانبدن کلن اهل اهتدا پکده از کوزه چارپه جق مقدارده دکلدی . معبد ملینک بناسی - شیمدی یه قدر آنی طوتان - خاندانک خراب کلیمی صره سنده چوکمشدی . صیغینه جق باشقه بر مرکز قالدیغندن ذردشتیلر اسکی مذهب ایله یکی کلن دین آرده سنده متعدد نقاط متشابه کورمک صورتیله اسلامیته انتقالی قولای و ساده برشی بولمشردی ؛

[۱] بو ملاحظات ایتالیالی مؤلف فائده تانینک Annali Dell Islam عنوانی کنابندن

چونکه ایرانلیر اسکی مذهبلی احکام اساسیه سندن برچوغنی - کاملاً باشقه دورلو اولقله برابر - قرآن کریمده دخی بولدقلرینه قانع اولیورلردن. (الله) وابدیس ناملری آلتنده اسکی (آهارامازدا) و آهرمانه ، جهانک آلتی دورده خلق اولدیغنه ، ملائک و شیاطینه ، بشرک معصومیت ازیله سی قصه سنه ، جسمک بعثنه ، جنت و جهنم اعتقادلرینه تکرار تصادف ایدیورلردی [ ۱ ] اسلامه کلن ایرانلیره کونده بش وقت نماز امر اولنمسیله بو حال اسکی کتاب مقدسلرنده یعنی ( آوستا ) ده دخی کونده بش کره عبادت ایلملرینک اصلاح کورمش برشکلی کبی کلیوردی . ساقط کینسانک کندیلری ایچون تشکیلات رهبانیه اجرا ایتک ایستمنه قارشو شمالی ایران عشیرتلرینک شدت مقاومتلری اسباب آتییه مبنی اولق اوزره کوستریلور ؛ شویله که : هرکس کندی خانه سنده برهاب اولدیغدن باشقه برینه احتیاج یوقدر ؛ بر موجودیت علویه و روحک لایموتلغنه ایمان ایتلری ؛ بر کیمسه نک قومشوسنه ابراز محبت ایتسی و اغراض نفسانیه سنه غلبه چالمسی وجوبی بیلدکلری ؛ داها مرغوب بر طرز حیات التزامه چالشملی . ایشته بو اعتقاداته مالک اولان عشائر مذکوره افرادی طریق محمدییه سوق ایچون امر اقلعه اولان حاجت پکده بویوک دکلدی . اسلامیت - خرستیانلق نفوذی آلتنده کی - بعض ایران طرق ملحدده سی اصحابیه داها زیاده تماس نقطه لرینه مالک بولنیوردی .

اسلامیتک ایرانده سرعت انتشاری ایچون بالاده تعداد اولنان اسبابه علاوه شوراسنی دخی تحظر لازم کلور که حسین ابن علی (رضی الله عنه) حضر تلرینک ساسانیان خاندانک صوک حکمداری اولان یزدجردک قیزی شهبانو ایله ازدواجی یکی مذهب اصحابنه مملکت مفتوحه اهل یسنک توجهات سیاسی و ملیه لرینی قازاندیرمشیدی . ایرانلیر شهبانو ایله حسینک احفادینه دائماً اسکی قرالیرینک خلفلری و عنعات مایه لرینک وارثلری کبی نظر ایده کلشلردی . بو بابده کی حسیات ملیه ایرانلیرک حضرت علی سلاله سنه اولان مربوطیت عظیمه معنویه لرینک اسبابی ایضاح ایدن مواددن اولق اوزه کوسترلمشدر .

[ ۱ ] هانه بهرغ نام آلمان مؤلفنک اسلامده کی احکام جهاده دائر - Das Mus

limische kriegsrecht عنوانلی آئردن .



بوراده کی اهتدالرك جبروشدتدن ایلری کلدیکنه ، اسکی مذهبلرینه مربوط قالانر حقنه تشمیل ایدلش اولان مساعدات اعتقادیه ، شهادت ایدر . حتی زم نمزده بیه ایرانک بعض نواحیسنده آتشرستلرک موجودیتنه مساعدده ایدیلور . واقعا صوگ دورلرده آتشرستلر بعض مرتبه تعدیاته دوچار اولمشلردی ؛ فقط بونلرک اجدادی هجرتک قرون متقدمهسنده شایان حیرت بر درجهده حریت مذهبییه مالک بولنیوردی ؛ آتشدکلری ده مظهر حمایه اولیوردی . حتی خلیفه المعتصم دورنده ( م ۸۳۳ - ۸۴۲ ، ۵ ، ۲۱۸ - ۲۲۸ ) ایرانده بولنان بر مسلمان قوماندانی آتشدکلردن برینی یقیدر روبده یرینه مسجده یاپدیرمش اولان بر امام ایله بر مؤذنی فلقهیه اوردیرمشیدی [ ۱ ] اونجی قرن میلادیده یعنی ایرانک فتحندن اوچ یوزسنه صوکره عراق ایرانی ده ، فارسده ، کرمانشاهده ، سیستانده ، آذربایجانده و یعنی ایرانک همان اکثر اقسامنده آتشدکلرک موجود بولنمش اولدقلری محققدر [ ۲ ] خاصه فارس نواحیسنک آتشدکلر ایله کاهن ساخر بولنمیان بر قصبهسی یوق کبی ایدی [ ۳ ] حتی شهرستانییه نظراً اون ایکنجی قرن میلادیده بغداد جوارنده بر آتشدکلر بولنیوردی .

بوکبی حقایق مواجهه مزده بولنوب طوررکن ذردشتیلرک فاتحان مسلمنه طرفندن شدت استعمالی اوزرینه اهتدایه سوق اولندقلرینی ادعایه امکان بولنه ماز . عرب حاکمیتک مبادیسنده اسلامه کلن ایرانیلرک مقداری پک یوکسک بولندیغی بالاده کی ایضاحاتدن آکلشیلور . فقط بونلرک اسکی دینلرنجه صوکره دن وجوده کتوریلن آثار حیات و موجودیت واعصار متابعه ظرفنده تصادفی صورتده وقوعه کلن منفرد اهتدالرك قیوداتی ، قبول اسلامیتک هم مصلحانه همده بالااختیار حصوله کلش بولنمشی احتمالی ارائه ایدر . سکزنجی قرنک ختامنه طوغری بلخ شهری اصیلزادکانندن سامان نام ذات خراسان والیسی

[ ۱ ] بوروایت مسعودیدن .

[ ۲ ] خی وولسون نام مؤلفک آمانجه اوله رق ( صابجی ) قوم و مذهبی حقنده کی Die Ssabier

Und Ssabismus عنوانی کتایندن .

[ ۳ ] اصطخری نک ( کتاب المسالك والممالك ) عنوانی اثرتیک هولاندالی ده هوبه

طرفندن لایتیجهیه اولان ترجمه سندن .

اسعد ابن عبدالله طرفدن کوردیکی حمایه بناء قبول اسلام ایش اوغلنک اسمنی حامیسنه نسبتله اسعد قومشدی . ایشته بو مهتدین ۸۷۴ ایله ۹۹۹ ( ۲۶۱ ایله ۳۹۰ ) سنه لری آره سنده حکم سورن آل سامان خاندانی وجوده کلشیدی . طوقوزنجی قرن ابتداسنده کابوسییه خاندانک برنجی حکمداری اولان کریم بن شهریار اهتدا ایلدی . ۸۷۳ ( ۲۶۰ ) سنه سننده ( دیلم ) ده ناصرالحق ابو محمدک نفوذیله برچوق آتشرستلر اسلامه کلشردی . بحر حزرک جنوب سواحلنده ساکن علیه خاندانندن اولوب علم و عرفانی و مذاهب مختلفه اصحابنک افکار دینه لری حقنده کی و قوفی ایله معروف حسن بن علی ۹۱۲ ( ۳۰۰ هـ ) تاریخنده بتپرست بولن، ویا دیگر اعتقادات ضالهدن اولان طبرستان و دیلم خلقنی اسلامه دعوت ایلشیدی . بونلرک برخیلی افرادی اهتدا ایلدی ایسه ده برقسمی اسکی ایمانسزلقلرنده دوام ایتدی . میلادک ۱۰۰۳ و هجرتک ۳۹۴ سنه سننده دیلم خلقندن ابوالحسن مہیار نام شاعر معروف آتشرست ایکن کندیسنه استاد شعر و انشاد اولان و شعرای مشهوردن بولنان شریف الرضا طرفدن اسلامه سوق ایدلمشیدی [۱] .

ینه بو دورلرده جغرافیا حقنده کی علمیه مشهور ابن خردادبه نک بویوک پدری دخی برمکیلردن برینسک اجرا ایلدیکی نفوذ اوزرینه قبول اسلام ایلشیدی . حال بوکه بونک اجدادی بلخ شهرنده کی نوبهار آتشدن سنک کاهنی و باش راهی ایدی .

بو اهتدا معلوماتی نقصان و محدود اولقله برابر هر حالده بالاختیار تبدیل دین ایلدیکی و ذردشتیلرک عباسیه سلطنتی ختامنه قدر آیین مذهییلرینی اجراده مظهر مساعدات اولدقلری آشکاردر . بونلرک تاریخلرنده مغوللرک استیلاسی اوزرینه ظلمتلی بردور آچیلمش و ایران مسلمانلرینک چکمش اولدقلری سفالتلر کیت کیده حریتشکنانه بروح تعصب حصوله کتورمش و بوایسه وقت بوقت ذردشتیلرک ظالمانه تعذیبلره معروض قالملرینی انتاج ایتشدی .

سکزنجی قرنده - اسلامده کی میسیونه رلک نقطه نظرندن - ایرانده شایان

تدقیق بر حرکت ظهور ایتشدی ؛ بو حرکت ده اسماعیلیه مذهبه متعلقدر . بو کتاب ، اسماعیلیه مذهبنك تاریخنه ویا آنك سالکارتینك آلمش اولدقلری وضعیت عقائدییه ویا خود بو مذهبه مدار تقویت اولان عوامل اجتماعیه و سیاسییه جای تدقیق دکلدرد ؛ آنجق بو مذهب - انتشاری خصوصنده اتخاذ اولنان شایان دقت پروپاگاندا دن طولایی - بوراده نظر دفته آنجق ایستلمشدر .

طبیعت بشر حقنده کوستردیکی مدنظر ، احکامنی متخالف سوء ظنلره و قابلیت تفهمیله توفیقده کوستردیکی مهارت مجربه ایله ژدزوئیت طریقتنه برقیب اولان اسماعیلیه مذهبی تشکیلاتنك مؤسسعی عبده بن میمون طوقوزنجی قرن میلادی بدایتنده اسماعیلیه لیلره یکی برحیات تلقیح ایتشدی . بو آدم چوق کره درویش ، صوفی ویا تجار و اصناف کبی اشکال آلتنده ستر هویت ایدن میسیونه لرلینی هر طرفه صادر میشدی . بونلره ویریلن تعلیماتده هر شخص ایچون هر ایستیلن ایشه یارامق ، بو طریقت مذهبه نك شیخ اکبرینه متابعت ایچون صنوف مختلفه ناسک قلبنی قازانمق ، بوکا وصول ایچون هر فردك ماهیت خلقیه سنه موافق صورتده و تکلم ایتدیکی لسانده سوز سولمك ، تلقیناتی سامعلرك استعداد و ذهاب متخالفه لرینه اویدیرمق موادی ذکر ایدلمشیدی . بو میسیونه لرلره کرامت قیلندن اولمق اوزره قبول ایدیلن برطاقم خارقلر ابرازی و مراقی تهییج ایدیجی اسرار آمیز کلمات تلفظی ایله جهله ناسی تسخیر ایلشردی . متقی اولان کیمسه لره فضیلت اخلاقیه نك و شوق دیننك بر نمونه سی کبی کورونورلردی . متصوفه دن بولنان کیمسه لره ناسه مخصوص اولان تبلیغاتده کی معانی مضموره نی ایضاح ایدرك آنلری - استعدادلرینك اشکالنه کوره - محرمیت مسلکنك مراتب مختلفه سنه ادخال ایدرلردی . اوزمانك ادیان مختلفه سی احبابی طرفندن عمومیتله بر صاحب ظهور بکنلمسندن بالاستفاده مسلمانلره امام مهدینك ، یهودیلره مسیحك ، خرسیتیانلره ناجی قدسینك قریب الوصول اولدیغنی سویلرلر فقط بونلردن هر برینك آمالی آنجق (علی) نك منجی اکبر اوله رق قبولیه حصول بوله نیله جکنی کندیلرینه تلقین ایلرلردی . اسماعیلیه پروپاگاندا جیسی شیعلر مواجهه سنده کندیسنی شیعه عقائدینك اک خواهشلی طرفداری کوستر

وسیدلک حضرت علی ایله اوغلارینه ایتدکلی حقیقتدن ، ظلمدن دم اورر  
 وسنی خلیفه لر علیهنده بولجه تلغینانده بولموردی . زمینی بو وجهه حاضرلدقندن  
 سوکره اسماعیلیه طریقتک داها باطنی اولان احکامنی شیعه مذهبک تمه ضرور .  
 ریه سی ازله رق تلقی ایتدیرمک ایستردی . یهودی بی کورنجه هم خرستیانلر  
 همده مسلمانلر حقنده تحقیر آمیز سوزلر سویلر و مسیحک منتظر اولان ورودینه  
 دائر اقعاع و جذب ایلمک ایستدیکی یهودی ایله کاملاً موافقت افکارده بولور  
 و مع مافیہ انتظار ایلمکی مسیحک اسماعیلیه اصول عقائدنجه اک بویوک مسیح  
 اولان علی دن باشقه بریسی اوله میه جغه ایمانه آنی تدریجی صورته سوق ایلمکه  
 اوغراشوردی . مذهبی ایچون قازانمق ایستدیکی مرید شاید خرستیان ایسه اووقت  
 یهودیلرک عنادی و مسلمانلرک جهلی حقنده سوزه کیریشور و خرستیانلرک  
 باشلیجه احکام ایمانیه سی حقنده کی حرمتنی تأمینه قویولوردی . مع مافیہ طائلی  
 سوزلیلمک ایله بو احکامک رموزدن مرکب اولدیغنی و بنا برین داها درین  
 مفاهیمه دلالت ایلدکلرینی ایما ایله بولنرک انکشافلرینک مفتاحی اسماعیلیه  
 اصول عقائدیه سننده بولنه بیله جکنی اقعاعه چابالاردی . ینه اهتمام ایله و داها  
 احتیاطلی صورته خرستیانلرک ( پاراقت یعنی شفیع مرسل - تعبر آخرله -  
 روح القدس حقنده کی احکامی خطالی صورته تفسیر ایلدکلرینی و حقیقی  
 شفیع مرسلک صفتک یالکز علی ده بولنه بیله جکنی ادعا ایلردی . کذلک  
 اسماعیلیه میسیونه لرلی هندستانده طریق دخول بولمشر و عقیده مذهبه لرینی  
 هندو مذهبی اصحابی آره سنه صومغه چالیشمشلردی . آنلرده غربدن کله جکی  
 مواعید قدسیه دن اولان ( ویسنو ) نک اونجی ( آواتاری ) علی بولندیغنی  
 سویلرلردی ؛ حتی هندولرک ( واماقرین ) لرینه یاخود صول ال ( ساقتا )  
 لرینه تشبیهاً الهیلر تنظیم بیله ایتمشلردی که بولنرده مندج اولان تصوف هندولرک  
 فکرینی اسماعیلیه احکام باطنیه سنک قبولنه داها مبادیدن استحضار مقصدینه  
 خادم ایدی .

امل حقیقیسی آنجق بر قاج کشی به معلوم اولان بوتشبی ایلری سورمک  
 ایچون مختلف مذاهبه منسوب کلیتی افراد بشر توحید ایلمشیدی . عبدالله بن



میمونک اقصای املی صرف سیاسی بروجهیه معطوف کورنیوردی؛ فقط کنیدیسی دینی واسطه لرتخاذا ایلدیکندن وسالکیرینی بربرینه باغلامق ایچون قوللانیلان رابطه مشترکه دخی امام مهدینک ورودی حقنده بر ایمان دینی ایله انتظاردن عبارت بواندیغندن بوکتابده اسماعیلیه طریقی تاریخچه متعلق اولان میسیونه رلک ذکره مستحق کورولمشر [۱].

شمالی ایران ایله آسیای وسطایه کلنجه :

بوملکتکرده کی انتشار اسلام تاریخچی میسیونه رلک فعالیتک پک نقصان صورتده وقوعه کلش اولدیغنی کوسترر . قتیبه بن مسلم سمرقنده کیر دیکی زمان اوراده پک چوق اصنام کورمشیدی . بتپرستلر بو اصنامه بروجهله تجاوزه جرأت ایله بیله جک کیمسه نک محو اوله جغنی ادعا ایدرلردی . بوکبی بر اعتقاد باطل ایله مقید بولنیمان مسلمان فاتحی درحال بتلره آتش ویردیروب یاقدرمشیدی . آندن سوکره برطاقم کیمسه لر اسلامه کلدیله . مع مافیه اسلامیتک اورته آسیا داخلنه طوغری ایلک حلولی تاریخنده بو قبیل اهتدالر حقنده کی معلومات پک محدوددر . برده او مملکت خلقندن پک چوقلرینک بر مدت ایچون مسلمان اولمش کبی کورندکلری حالده عساکر فاتحهنک عودتی متعاقب یوزلرندن پرده اهتدای قالدیردقلری و خلیفه یه بیعی رد ایلدکلری کورلمشیدی . قتیبه بن مسلم بخارای دوردنچی دفعه جبراً اشغال ایتدکن سوکره اورانک خلقی فاتحلرک دینی اتخاذه مضطر قالمشردی .

بخارا و سمرقنده یکی مذهبه قارشو کوستریلن مخالفت او قدر شدتلی و او قدر معنده صورتده وقوع بولمشدی که ارتق یالکز مسلمانلی قبول ایدنلرک سلاح طاشیملرینه مساعده ایدمش ویکی مهتدیله بری ترصد ایچون خفیه لر نصب اولمش و برچوق سنه لر اهل اسلام جامعلره وسائر مواقع عبادته سلاحسز اوله رق کیتمه کجسارت ایدمه مشدی . فاتحلر مهتدی قازانق ایچون وسائط متنوعیه مراجعت ایتمشلر و حتی جمعه نمازنده حاضر بولمغه تشویق ایچون مکافات نقدیه بیله وعد

[۱] فرانسز مؤفلرندن ( سیلوه ستر دو ساسی ) درزیرله دائر اولان Exposé

de la Religion des Druses عنوانلی کتابنده اسماعیلیه مذهبی حقنده تفصیلات ویرر .

ایشلر ومالی جملهیه معلوم اولمق ایچون قرآن کریمک عربجه تلاوتندن ماعدا ترجمه فارسی ده دخی قرائته رخصت ویرمشلردی . [۱]

اسلامیتک ماوراالی النهر جهتلرنده پک آهسته برحاله توسع ایلدیکی محققدر . اورالرك بعض خلقی ۷۱۷ ایله ۷۲۰ ( ۹۹۵ ایله ۱۰۲ ) سنه لری آردسندده حکمدار اولان ایکنجی عمرک وقوعه کلن دعوتی اوزرینه اسلامه کیشلردی . خلیفه هاشم دورنده ( م ۷۲۴ - ۷۴۳ ۱۰۶۵ - ۱۲۶ ) سمرقنده خدمت تبشیره باشلایان ( ابویدا ) نام ذات طرفندن پک چوق کیشلرهدایتیه سوق ایدمشلردی . شوقدرکه المعتصم دورینه ( م ۸۳۳ - ۸۴۲ ، ۲۱۸۵ - ۲۲۹ ) کلنجهیه قدر عمومی صورتده برحال انتشار کوریلدهمشدی [۲] تعمم انتشارک بو دورده باشلامسنگ باشلیجه اسبابندن بریسی ده خلیفه نك اوردوسنه التحاق ایچون آقینارله کلن تورکلر واسطه سیله اوزمان عالم اسلامک اک مهم پایتختی بولنان بغداد ایله صیقی بر رابطه تأسس ایتمسی اولسه کرکدر . اسلامیت تورک عشیرتلی آردسندده بو سیبیه کوک صالقدن صوکره اونجی قرن میلادی واسطنه قدرینه برسرعت انتشار کوسترمه مش و فقط اوزمان آسیای وسطی امراسندن بعضلرینک ده اسلامه کلی ( اوزوپا قطعده سنک شمالنده کی باربار قرالردن بعضلرینک خرسیتیانلغه دخولی کبی ) دیکر عرقداشلری ده هیئت مجموعه صورتیه امثاله سوق ایلمشیدی . بویولده کی تبدیل دیانت مادهسندده قیودات موثوقه تاریخیه نك یرینی زاهدانه قصه لر طوتیور . مثلا : خیوه شهری معکوس بر وضعیت آلیور ؛ زیرا اوراده اولیای اسلامیه دن بری صفیه ساکن اولان برپهلوان خوارزمک مجوسی حکمدارینک خدمتده بولندینی صروده هندستان حکمداری آنک شهرتی ایشیدییور وکندی سرانی پهلوانی اورایه کوندررک خیوه ده کی زاهد مسلمان پهلوانی مصارعه یه دعوت ایتدیریور . کورش ایچون برکون تعیین ایدیلیور و بوتون خیوه اشراف و خاندانی مصارعه یی کورمه ک حاضرلانیور . اولیدان بولنان پهلوان جامعه کیدوبده عبادتی اجرا ایلدیکی صروده برقادین

[۱] محمد نارشاخی اسمنده بر مؤلفک فرانسه مستشرق متوفی شه نهر طرفندن مترجم

Describition de Boukhara عنوانلی بخارانک توصیفی حقنده کی اثرندن .

[۲] بوصوک ایکی روایت البلاذری ایله طبریدن مأخوذ .

سیسی ایشیدییور . قادی ن : « یاربی اوغلمی بورانک جهان پهلوانه مغلوب ایتدی رمه ؛ دنیاده تک برچوجغمدر » دیه نیاز ایدیورمش ؛ چونکه کور شده مغلوب کیم ایسه قفاسی کسلمک لازم کلیورمش . زاهد پهلوان قادی نک بونیازی نی ایشیدنجه متأثر اولمش و آکا مرحمة اوغله قصداً یکلمش . بوندن زیاده سیله غضبه کلن خوارزم حکمداری کندی پهلوانک قفاسنک اوچورولمنی امر ایدیور . فقط تام اوآنده بئدیکی آت اورکهرک کندیسنی تهلمکلی براوچورومه طوغری کوتوررکن پهلوان ولی صیچرایوب آتی یاقه لیور وقوتیله ضبط ایدرک حکمدارینی محقق بر اولومدن قورتاریور . حکمدار دخی متدارلغنی کوسترمک ایچون پهلوانک دینی اولان اسلامیتی قبول ایدیور . وبوموقفیت اهتدا طولایسیله مسرورالقلب اولان پهلوان سحراده ازوایه چکیلیور . [۱]

کاشغرده ایلیکخان خاندانک مؤسسی اولان صاتوق بوغرا خالک اونجی قرن میلادی ازاسطنده وقوعه کلن اهتداسی مناسبیله ده غریب بر حکایه نقل ایدرلر . آل سامان عالمه سندن خواجه ابوالنصر ساندنی نام امیر، اداره مملکت خصوصنده کی استعدادینک موقع تطبیقه قونمسی ایچون میدان فعالیت بوله مدیغندن غیر مؤمنلر مملکتلرنده دین حقک انتشارینه خادم اولمق مقصدیله تجارته کیریشمکه قرار ویرر . فعالیت تجاریه سی ثمراتیه ادخار نقود ایده جک یرده قازاندیغنی تمامیه اهتدا مساعیسی اوغورنده صرف ایدر . برکیجه رؤیاسنده حضرت پیغمبری کورور و آندن شو امری تباع ایلر : « قالدی ده هندستانه کیت ، صاتوق بوغرا خان هدایته کلک ایچون سنک دلاتکی بکلیور . » تصادفات مائله دن اولمق اوزره بو کنج حکمدار دخی تعلیم دیانت بمقصدیله زدیینه برکیسه نک ورود ایده جکی حقنده رؤیاسنده براخطار تلقی ایدر و برقاچ کون صوکرده ابوالنصر سامانییه ملاقی اولنجه تباع دیانت مهیا برصورتده آنک بیاناتی دیکلر و صوکرده اسلامه کلور . بو قصه اسلامیتک آل سامان مالکی طریقیه همجوار اولان ترکستانه نفوذ ایلدیکی حقنده کی حقایق

[۱] لهئون قاثون نام فرانسز مؤلفنک آسیاده کی تورک و مغوللر تاریخنی حقنده کی Introduction à l'Histoire de L'Asie عنوانی کتابندن .

تاریخیه اوزرینه بنا ایدلمش کبی کورینیور . مذکور حکمدارک مثال اهداسنه طائفه سی خلقی دخی سالک اولمش و ۹۶۰ (هجری ۳۴۹) تاریخنده ایکی یوز بیگ قدر چادیر خاقتی - که بوغرا خانک ممالکی اها لیسنگ قسم اعظمی بولندیغی محتملدر - اسلامیه ایمان ایلشیدی . قصص مرویه بوغرا خانه عطف ایدیلن بعض خارقه لری دخی احتوا ایلر ؛ شویله که بو خان اهداسندن صوکره مجوسیلرله وقوعه کلن محاربه ده آغزندن قارشوسنده کی دشمنی احراق و امحا ایدن برعلو پوسکوررمش و دشمنه طوغری صالادیغی برقلیح اوتوز قدم ایلری یه قدر اوزانورمش ؛ طوقسان یاشنی بولدیغی زمان بو آدمک دهشت سیفی جنوبده ام دریا کنارلرنده و شمالده قره قوروم حوالیسنده بولنان غیر مؤمنلری ایمانه کتوردیکی و بالذات اسلامیتی طور فان جوارینه قدر نشر ایتدیککی دخی دوران ایدن حکایه لردندی [۱] حال بوکه بودا مذهبنده بولنان خوتان مملکتی ایله وقوعه کلن تاج و تخت غوغاسی مناسبیله بو قهرمانه اسناد ایدیلن مذکور جاذبه لی حکایاتده کی موفقیات اون دردنجی قرن دن اول حصول بولمامشدی . ساتوق بوغرا خانک موفقیاتنگ نه قدر محدود اولدیغنه شونکله ده حکم ایدیله بیلورکه : ایلیک خانیلردن بولنان خلفلری ۱۰۲۶ (هجری ۴۱۷) تاریخنده محمود غزنوینک عاٹله سنه منسوب امیره لر ایله ازدواج طلبنده بولندقلری زمان محمود غزنوئی آنلره کندیسنگ مسلمان اولدیغی و کندیلرینک بتپرست بولندقلرینی و بناء علیه مسلمانلرجه همشیره لرینی و قیزلرینی غیر مؤمنلره تزویج ایتک عادت اولدیغی و شاید اسلامه کلورلرسه مسئله نک تذکر ایدیله چکنی جواباً بیلدیرمشیدی [۲] .

تیبیت مملکتنده یاشایان و هنوز مجوسی بولنان بعض تورکلر ارسلان خان بن قادر خانک اداره سی آلتنده رفق و عدالت حکمفرما اولدیغی ایشدکلرندن آنک .

[۱] ترکستان و تیبیتده کشفیات علمیه ده بولتمش اولان (غره نار) نام فرانسزک La Légende de Satok Bogra Khan et l' Histoire عنوانیه تاریخ قارشوسنده . ساتوق خانک قصه لری اوزرینه اولان اثرندن .

[۲] روایت منهاج الدین ابو عمر عثمان الجرجانی نام مؤلف قدیمک (طبقات ناصری) عنوانیه آسیاده کی مسلمان خاندانلرینک تاریخی حقنده کی اثرینک (راودرتی) طرفندن انکلیزجه ترجمه سندن .



ملکنده توطن ایچون ۱۰۴۲ ( هجری ۴۳۴ ) سنه سنده رخصت استحصال ایلشردی . بالاس کون جوارینه واصل اولدقلری زمان ارسلان ، اسلامیتی قبول ایلیرینی تکلیفده بولندی ؛ فقط قبولدن امتناع کوستردیلمر . مع مافیہ ساکن ومطیع تبعه دن بولنه جقلری آکلایشیلنجہ سربست بر اقلدیلمر . مرور زمان ایله بونلرک اهدالری وقوع کئش بولنسه کر کدر ؛ لکن صورت اهدالری حقنه قیودات موجود دکدر . هر حالده ایرتسی سنه اون بیگ غیر مؤمن چادیر خلقی بر تورک طائفه سنک اهداسی حقنه کی قید تاریخک آنلره دخی شمولی فرض ایتمک ایچون پکده معتمد دلایل کوستریله مز ؛ چونکه بو اون بیگ چادیر خلقک اهدادن پک آز بر مدت مقدم مسلمانلر اوزرینه آقین ایدرک غضب وغاراتده بولنمش اولدقلری ذکر ایدیلور [۱] قاره خیطایلرک ترکستانی استیلا ایلمری اسلامک اوراده کی قوتنه وخیم برضربه ایندیرمشدی . اورالرده سیاحت ایتمش اولان آوروپایلرک ویردکلری معلوماته کوره اون اوچنچی قرن میلادی ایچنده حالا بودا ، مایخیبهن و نصرانیت مذاهی اصحابندن مهم مقدارده طائفه لر ساکن بولنمقده ایدیلر .

سلچوق تورکلرینک اهداسی اسلامیت ایچون فوق العاده بر اهمیتی حائزدر . آنجق سلچوقک ۹۵۶ ( هجری ۳۴۵ ) سنه سنده ترکستاندن قالقوب توابعیله بخارا حوالیسندہ یلشمش اولدیغی واوراده کندیسیله طائفه سنک مسرتله قبول اسلامیت ایتدکلری حقنه کی تفصیلاتدن باشقه صورت اهدالری حقنه الده معلومات قانماشدر . ایشته نیجه محاربات وفتوحات ایله سلاح اسلامک سونمکده بولنان شانی یکیدن پارلاتمش و آسیای غربی ده کی مسلمان امارتلیرینی بر ایمراطورلق شککنده توحید ایتمش بولنان مشهور سلچوق تورکلرینک اجدادی بونلر ایدی .

اون ایکنجی قرنک صوکلرنده سلچوق ایمراطورلغی ضیاع قدرته اوغرامش وحکمی آنجق آسیای صغرایه انحصار ایلمش ایدی . محمد غوری ایمراطورلغی خراساندن هندستانک شمالنه طوغری تمیدده باشلادیغی صرهدده افغانیلر آره سنده دین اسلام بویوک بر قوه حیات بولمش وافغانستان عربلردن وهندلی مهتدیلردن

[۱] وصف بخارا مؤلفی محمد نار شاخینک فرانسزجه یه مترجم کتانبندن .

مرکب واعظ و مبشر لرله عادتاً استیلا ایدلمش و بومبشر لر شایان حیرت بر جرأتله تلقین دین وظیفه سنه قویولمشلردی . [۱] اسلامیتک مملکتلرینه صاح و سگونت ایچنده ادخال ایدلدیکنه دائر افغانیلر آره سنده بعض عنعنات زبازددر . کذلک افغانیلر هجرت نبویه نك ایلک سنه سنده هرات شهرینک شمرقنده بولنان (غور) دیارینی ضبط ایتدکلری و خالد ابن ولیدک اورایه کلوب کندیلرینی اسلامیتدن خبردار ایدلکینی و آنک آلتی کشیک برافغان هیئت مرخصه سی ایله نزد پیغمبری به کوندردلیدکینی و هیئتک عودتدن سوکره عشیرتلی افرادینک اسلامه کلمکه باشلادیغنی دخی روایت ایدر لرسده بوروایات اساسات تاریخیه دن تامیله مجرددر . اسلامیتک افغانستانه دخولک ایلک مثال موثوقنی خلیفه المأمونک دورنده کابل حاکمک اهداسی تشکیل ایدر ؛ فقط بو حاکمک ده بالاخره بودا مذهبه رجوع ایتدیکی مضموندر ؛ چونکه آل صفویه نك مؤسسسی اولان یعقوب بن لید ۸۷۱ ( ۲۵۸ هـ ) سنه سنده فتوحاتی کابله قدر ایلرولتدیکی صره ده اورانک حاکمی بپیرست بولمش و کابل شهری برنجی دفعه اوله رق حقیقی صورتده اسلامیه کلمکه باشلامشیدی . افغانیلرک صاحب جلادت بولنان یعقوب بن لیدک اوردوسنده خدمته خواهشله کیرمش اولدقلری محتملدر . مع مافیه اسلامیتک افغانستانه باشدن باشه تأسسی آنجق سبکتکین و محمود غزنوینک فتوحاتندن سوکره وقوعه کلشیدی . ایران و آسیای وسطاده کی انتشار اسلامیت تاریخنه دائر اولان دیگر تفصیلات فصول آتیله مندرجدر .

[۱] ( به ليو ) نامنده برانکلیر محررینک افغانستانه کی طوائفه دائر Races Of

Afghanistan عنوانی کتابندن .

مغولر و تاتارلر آره مندره انتشار اسلام

تاریخ اسلامده - تدهیش و تخریب ماده لری نقطه نظرلرندن - مغول استیلاسیله مقایسه ایدیه جک حادثات بولنه ماز . چنکیر خانک سوریلری شواحق جبالدن قوپوبده آشاغی طوغری خیز ایله یووارلانان تپه پارچه لری کبی اسلامک معموره حراثت و مدینتی چیکنیوب کیچمشلر و آرقه لرند - اولجه اطرافی باغچهلر و محصولی ترلار و بستانلرله محاط بولنان - سرای معلاری ، شاهانه کاشانه لری حاوی یرلری چول و یا یچیمسز خرابه بیغیلری حالرینه کتورمشلری . مغول اوردوسی هرات شهرندن چیقوب کیتدیکی زمان اورا خلغنک بقیه السیوف اولان قرق قدر اشخاص صاقلانه بیلمش اولدقاری قوغوقلردن سورینه سورینه چیقمشلر ، پریشان و مدهوش برحاله کوزل شهرلرینک خرابه سنه نظر حزن و الم دیکمشلردی . او بلده معموره نک یوز بیک قدر نفوسندن یالکز بوقرق کشی قالمشدی . برخیلی اصحاب علم و آقانک مقری بولنقله معروف اولان بخارا شهرنده مغوللر مسجدلرک مقامات مبارکه سنی آخور حاله قویمشلر و پارچه لانان نسح نفیسه قرآنیه نک یاپراقلردن حیوانلرینک آلتلرینه یاتاقلقلر یامشلردی ؛ اهالیسنک قیلجندن کچورلمه مش اولان قسمی ده اسیر صورتیه سوریلوب کوتورلمش و شهر کول بیغینتیبی حالنده براقلمشیدی . سمرقند و بلخ کبی آسیای وسطانک برچوق شهرلری عین وجهله مقداراته دوچار اولمشلردی ؛ اولیه شهرلرکه مدنیت اسلامیه یه شان و شرف بخش ایدیورلر ، نیجه فاضل زاهدلرک مقری و نیجه تدریسات جدیده نک مقامی بولنیورلردی . عصرلردن بری عباسیه خاندانک پاتختی بولنش اولان بغداد شهری ده عین طالعک سیاتنه دوچار اولمشیدی .

بو محوف حاللرک حکایه سنده هر مسلمان مؤرخنک توکلری اور پرسه کر کدر .

ممالك اسلاميه داخله مغوللرك اجرا ايتمش اولدقلرى آقنلرى تعريف صره سنده ابن الاثير ديركه : « بو حادثاتك شاعت عظيمه سندن ونم آنلر حقدنه حس ايلديكم نفرتدن طولاي برخيلي زمان اوباده تفصيلاته كيريشمكدن چكشمدم . شوآنده دخى او ايشه ايستكه كيريشميورم ؛ چونكه مسلمانلرك وحق اسلاميتك جنازه آلھيسنى ترنم ايتمكى قولاي برشى صايغھه - تعبير ديكرله - بوقصه نك حكايه سنى ايتمكه كيم مقتدر اوله بيلور ؟ كاشكى والدم نى هيچ دنيايه كتورمسه ايندى : بر كلام ميبين وجهله « كاشكى بوندن اول فوت اولوبده نسي كللى ايله اونوديلوب كيدهدم ! » [۱] دوستلرم بو ايشه مباشرت اچون بكا الحاحده بولنشاردى ؛ آرتق بوندن صرف نظر ايتمكده برفائده كورمديكمدن آكا تشبث ايلورم . شيمدى اويله قورقنج حادثاتك ، اويله محيرالعقول مصائبك تعريفنه مجبور اوله جغمكه بونلرك امثالى اولجه نه ايام ونه ليال زمان حصوله كتورمه مشيدى . بونلر باجمله طوائفه شامل ايدى ؛ فقط اهل اسلام بالتخصيص مصاب اولدى . داها ايلرى كيديلوبده جناب حقك نى بشرى خلق ايتديكى كوندن برى دنيانك بوكي حادثاته شاهد اولمدينى سويليلورسه حقيقتدن باشقه برشى بيان ايدمش اولماز ؛ زيرا تاريخ عالم بونلره - ولو كه تقريباً اولسون - بجزر قيوداتى حاوى دكلدر . تاريخك بيلديرديكى اك بويوك فلاكتلردن بريسى بخت النصرك اولاد نى اسرائيل آردسنده ارتكاب ايتمش اولدينى قصابق ايله بيت مقدسك تحريرى در ؛ فقط بولعينلرك خاك ايله يكسان ايتمش اولدقلرى مملكتلره نسبتله قدس شريفك نه اهميتى اوله بيلور ؛ اويله مملكتلرك هر قصبه سى قدسدن داها بويوك ايدى . بوقصبه لردن هر برينك حاوى بولنش اولدقلرى اهالى اولاد نى اسرائيلدن داها كترتلى ايدى ؛ ايمدى مغوللرك كشمش اولدقلرى انسانلره نسبتله اولاد نى اسرائيل قاچ كشيدين عبارت قالور ؟ آرتق انسانيتك بونك برمثنى داها كورمه سى اچون دعا ايددم . » [۲]

مع مافيه اسلاميت بو خرابه لرك طوپراقلى آردسندن ينه ترفعه باشلامش

[۱] سورة مريم ده كى « ياليتنى مت قبل هذا و كنت نسياً منسياً » آيت كريمه سنه

مترجم

اشارت

[۲] ابن الاثيرك ( تون بهرغ ) نام مستشرق طرفندن ايديلن لاتينجه ترجمه سندن .



او و وحشیلری کندیسنی قبوله جلب ایلمش ایدی . اسلامیتک غیرت تبشیره سنه ترتب ایدن بو وظیفه - کندیسنی ایچون میدانده ایکی رقیب مذهب بولمسندن طولای - پک مشکل ایدی . بودا مذهبی ، نصرانیت و اسلامیتدن هر برینک - بو اوچ میسیونه رلی مذاهب سالککرینک بوغازلرینه قلیجلیرینی باصمش اولان - او خشین مستولیلری کندی طرفه حکمک ایچون دیکر لرینه غبطه ایدرجه سنه چالیشمی تاریخ عالمده مثالی کورلمه مش برمنظره تشکیل ایدیوردی . بومساعی رقیبانه نك ایضاحنه کیزیشمزدن اول آنی تعقیب ایدن وقایعی لایقیه آکلامق املیه جنکیز خانک وفاقی اوزرینه مغول ایمپراطورلنک سقوطنه و آنک دورت اوغلی آره سنده انقسامنه شویله قیصه جه بر نظر ایلمک مناسبدر .

جنکیزی - خاقان صقیله - اوچنجی اوغلی اوغوتای استخلاف ایلمش و ایمپراطورلنک شرق قسمی آنک حصه سنه دو شمش ایدی که بالاخره قوییلای خان بوتون چین مملکتی آکا الحاق ایلمشیدی . ایکنجی اوغلی جغتای ممالک متوسطه پی اخذ ایلمشیدی . جنکیزک جو جیسنک اوغلی باتو دخی آلتون اوردونک خانی اولمق اوزره غرب جهتلیر بلادینه حاکم اولمشیدی . دوردنجی اوغلی طالوی دخی ایرانی آلمشیدی که ایلمخانیلر خاندانی تأسیس ایتمش اولان هلاکو آکا آسیای صغرانک برچوق یرلرینی الحاق ایلدی .

موغوللرک مذهب ابتداییلری (شامانیزم) ایدی . بومذهبه بویوک برانه طانندیغی حالده آکا عبادت ایدلمز و فقط داها کوچوک بعض قدسیاته و علی - الخصوص قوای شرتندن قورتلوق اوزره کندیسنه قربانلر و یریلن (روح خیث) ایله اخلافک حیاتلری اوزرینه اجرای نفوذ ایلدیکی فرض اولنان ارواح اسلافه تعبد ایدیلوردی . سما و عالم ادنانک بو قدرتلرندن امین قالمق ایچون شامانلره یعنی سحر بازلره ، اوفوریحیلره مراجعت ایدیلور و بونلر عناصر اربعه ایله کچمشلرک ارواحی اوزرنده اجرای تأثیره قادر فرض اولنوردی . مغوللر اقوام متمدنه ایله بر کره تماسه کلوبده آنلرک نفوذ اصلاحیه لرینه معروض قالنجه و بناء علیه کوچیه حالنده کچن باربارلنی براقغه باشلانجه تابع اولدقلری مذهبک - احتیاجات عقلیه پی ارضایه قادر و عقائد معینه ایله تشکیلاتی حائر و اعظلمه

مالک اولان - برتبشیر دینیک مساعیسی قارشوسنده اوزون مدت بقا بوله بیله - جکی ملحوظ دکلدی . تصادف قیلندن اولمق اوزره مغوللرک ایلك تماسه کلدکلری اقوام آره سنده پک چوق بودا مذهبی سالکلری ، خرستیانلر و مسلمانلر واردی . بو میسیونه رلی اوچ بویوک مختلف مذهبک سالکلری مملکتلرینک مستولیلرینی کندی طریق دینلرینه جذب ایچون رقابته کیریشمشلردی . مغوللر - اسفار جنکجو یانه لرنده کوریلن - تخریب و تذلیل جنت عقورانه سنه کندیلرینی قایدیرمادقلری زمانلرده باشقه مذهبلر مواجه سنده شایان حیرت بر صورتده مساعده کار بولنورلر ، او مذهبلرک راهیلرینی ویرکودن معاف طوتارلر و عبادتلرینک حریت کامله ایله اجراسنه مأذون براقورلردی . چنکیز خانک حضورنده بودا راهیلری شامانی کاهنلر ایله مباحثات عقائده یه کیریشور - لردی . مانغو خانک سراینده و قبیله سی افرادی آره سنده بودا و نصرانیت راهیلری ایله مسلمان اماملری مظهر صحابت حکمداری اولورلردی . [۱] مانغو خانک زمانده چینده بولنان مغوللرک - محیطلرنده کی قوتلی بودا نفوذی قارشوسنده - سرفرو ایتمش اولدقلری و اون دوردنچی قرن بدایتده بودا مذهبک آنلر اوزرنده تامیله اجرای حکم ایلمش بولندینی آکلاشیلور . بودا مذهبک قبول ایتمدیلمسی امرنده تیت مملکتک ( لاما ) دینلن باش راهیلری خیلی مساعی صرف ایلمشلردی . زمانمزه قدر مغولستان اهالیسی و کذلک اون یدنجی قرنده روسیه داخلنه هجرت ایتمش اولان قالموق طائفه سی بومذهبه مربوط قالمشلردر .

فی الواقع مغول امپراطورلغک شرق طرفلرنده بودا مذهبی کیت کیده کسب تفوق ایلمش ایدی ؛ فقط کینسای نصرانیتک نفوذی دخی آزدکلدی ؛ حتی مغوللرک بو کینسایه انتسابلری حقنده بویوک امیدلر بسلنیوردی . یدنجی قرن ظرفنده نسطوری میسیونه رلری ، دین نصرانیت حقنده کی وقوفی آسیانک غربندن چینک شمالنه قدر امتداد ایدن یرلره ایصال ایلمش اولدقلردن اون اوچنجی قرن میلادی ظرفنده اوتوده بروده طاعینق خرستیان جماعتلری بوله

[۱] بوروایت ( روبراق ) نامنده بر سیاحک ۱۲۵۳ و ۱۲۵۵ سنه میلادیه لری ایچنده دنیانک شرق طرفلرنده کی سیاحتی محتوی لایتیجه یازیلان اثرینک انکلیزجه سندن .

کلیشیدی . اسمنک اطرافنده قرون وسطایه متعلق برچوق قصه لر دوران ایدن مشهور ( پرهسته جون ) ک بايقال کولنک جنوب جهتلرنده ساکن اولان وخرستیان دیننده بولنان ( قره ایتلر ) نام تاتار عشیرتنک رئیسکنی ایتدیکی فرض اولنور . جنکیز خان بو عشیری ربقه اطاعته آلدقندن صوکره عشیرتنک ایلری کلن عائله لرندن برینک قیزیله ازدواج ایلشیدی . اوغوتایک اوغلی ( قایوق ) خرستیان دینه کیرمه مکله برابر بو دین حقنده متوجه بولنوردی . کندیسنک باشلیجه وکیل اداره سی ایله کاتبی خرستیانلغه انتساب ایلشردی و سراینده ده نسطوری پاپاسلرینه احترام کوستریلوردی . کندیسنه پاپا دوردنجی ( نه نوسان ) طرفندن کوندرلش اولان ایلچی حسن قبوله نائل اولمشیدی . [۱]

شرق و غربک خرستیان دولتلری مسلمانلرله اولان محاربه لرنده مغوللرک یاردیمی نیاز ایدرلردی . هلا کونک قومانداسی آلتنده بغدادی یغما و تخریب ایچون برقوه سفریه ارسالنه مانغو خانی اقناعه اک زیاده ارمنستان قرالی ( هایتون ) چالشمشیدی . [۲] هلا کونک خرستیان زوجه سی خرستیانلر و خصوصیه نسطوریلر حقنده جلب توجه ایچون بویوک بر نفوذ اجرا ایلردی . ارمنستان و کورجستانی استیلا ایتمش اولان مغوللردن برچوقلری او مملکتلرده واقفیز ایدلمشلر و خرستیانلغه سوق اولمشلردی . [۳] شوکت و حشمتی قرون وسطا آوروپاسنک خیالاتی تحریک ایدن عجیب ( پرهسته جون ) ماصاللری مغوللرک خرستیان دیننده بولندقلری حقنده بر ذهاب تولید ایتمش و بو ذهاب مختلف مغول امراسنک خرستیانلغه دخوللری و آنک ترویجی خصوصنده کی غیرتلری صدندنه آوروپایه کلن ساخته خبرلرله تقویت بولمشیدی . بو ذهاب سخیفک تأثیراتندن طولایی ایدی که فرانسه قرالی ( سن لوئی ) بالاده اسمی مذکور فلمنکلی ( دو روبراق ) ی خرستیانلق

[۱] فرانسز مؤرخلردن ( دوکین ) نام ذانک *Histoire Générale des Huns, des Turcs et des Mongoles* عنوانی هونلر ، تورکلر و مغوللر تاریخندن .

[۲] شرقک فلاکتی موجب غمازلنک یکی برشی اولدیغنه ایشته بر مثال داها . مترجم

[۳] فلاپروت نام محررک *Aperçu des Entrprises des Mogoles en*

*Géorgie et en Armenie* عنوانیه مغوللرک کورجستان و ارمنستانده کی اجرا آتی حقنده کی اثر دن .

حقنه کي همت مفروضه سنده برآي تشويق سفارته خافان نرينه کوندر مشيدى . مع هذا آره سى چوق کي کي مکسزین بموقوله روايتلرک اساس سز لقلرى تظاهر ايتمش وحتى بو ايلچي خرستيان ديننک مانغو خانک مرکز سلطنتنده يالکز مظهر مساعده اولديغنى بيلدير مش و بويوک موفقيت تنصريه حقنه خرستيان پاپاسلرينه بويوک اميدلر ورن تبديل دين وقعه لر ينک ده آنجق محدود عددده بعض مغولره منحصر بولنديغى آکلا شلمشيدى . لاتينلر ، روملر ، نسطوريلر وارمنيلر نصرانى عقائدى خصوصنده کي اختلافلرينى تامغول قرارگاهنک اورته سنه قدر کوتوردکجه خرستيانلغک توسعى حقنه کي اميدلر البته پک محدود قالوردى . فى الحقيقه خرستيان مبشرلرى آره سنده موجوديتى لازم کلن اتحادک مققوديتى مغوللر ايجنده کي تبديل ديانت تشبثلرينک کافي درجه ده متيج موفقيت اوله مامسنه برسبب ايدى . ايمدى مذکور پاپاسلر کندی آره لرنده اختلاف عقائد غوغالريه مشغول اولورلرکن هم بودا مذهبي همده دين اسلام مغوللرک اورته سنده کوک صالحه باشلامشدى . روماده کي بويوک مثل روحانينک عظمتفروشلغى دنيا ناک ياريسنى ضبط ايتمش اولان مغول فاتحلرينى - اولجه پاپالق مرخصلرينه کوسترمک ايتسدکلرى - توجهاتى بيله آرتق دريغ ايتمکه سوق ايتمش وديکر بعض احوال دخى پاپالق طرفدن کيدن هيئتلرک افلاس همتلرينى موجب اولمشيدى .

اورالرک ميدان تبشيرنده ايلک ظهور ايدن نسطوريلره کلنجه : بونلر پک دوشگون برحاله کيرمشلر و اللرينه کيچن فرصتلردن کافي درجه ده استفاده ماده سنده عاطل طاور اتمشلردى . (سن لوئى) طرفدن کوندرلش اولان ايلچييه کوره بونسطوريلر پک جاهل کيمسه لر مش وکنديلرينک سريايجه اولان دعا کتابلرينى بيله آکلايه مازلر مش . مذکور ايلچي بونلرى سرخوشلق ، تعدد زوجات اجراسى ، حرص و طمع گي شيلرله دخى اتهام ايلدکن صوکره بودا مذهبي راهلرى ايله آره لرنده برمقايسه ياپيور و نسطوريلرى پک آشاغى بوليور . باش نه پسقپوسلر بوپاپاسلرى اندر اوله رق تفتيش ايدرلر مش ؛ بويله جه امرلر طرفدن ياپلسى لازم کلن تفتيش بعضاً اللى سنده برکره وقوع بولور مش ؛ باش نه پسقپوسلر دخى ايتسدکلرى کيمسه لره وحتى بعض دفعه چوجقلره بيله



پاپاسلق رؤسی توجیه ایدرلر مش و اوافق پاپاسلر موقعلرینی صاتون آلورلر مش؛  
ایین دینلر اوزرینه برنوع تجارت وقوع بولور مش؛ حاصلی نشر دیانتدن زیاده  
جر نقوده اهتمام ایدیلور مش .

مسلمانلره قارشو اولان محارباتده و قدسک استردادی ماده سنده خرستیانلرک  
یاردم بکلدکلری بو یکی مغول قوتنک غرب جبهه لرینه نقل کلام ایدلم : واقعا  
خرستیانلر ایرانده حکم سورن ایلخانلرله اتفاق عقد ایملریدی؛ فقط بو اتفاق  
چوق دوام ایتمدی . مصرک کولمن سلطانی ایله برکه خان آره سنده تعاطی  
ایدلمش اولان اتفاقنامه ایسه ایلخانلیری یالکز کندی دردلیله مشغول اولمغه  
مجبور ایلدی . ایرانده کی بومغول خانداننک صحابتنه مظهر اولدقلری زمان شام  
و دیگر شهرلرده کی خرستیانلرک شمارقلقلری آسیای غربی ده خرستیانلرک  
موقعلرینه خلل کتورمشیدی [۱] .

نصرانیت و اسلامیت سالکلرینک میدان تبشیرده کی رقابتلرینک انتاج ایلدیکی  
محاصمه صره سنده ایکی طرف منسوبلری ده خیلی غدارقلر ارتکاب ایلمکله  
مهم بولنملردر . بونک اون اوچنچی قرن اواسطنده وقوعه کلن بر مثالی  
مؤرخ الجزجانی طرفندن نقل ایدلمشدر . جزجانی بو حکایه یی دهلی شهرنده  
سید اشرف الدین اسمنده بریسنک لسانندن ایشتیکیکی یازار و حکایه سنه شویله جه  
دوام ایدر :

« بو محترم سیدک نقلنه کوره سمرقند خرستیانلرندن بریسی اسلام ایله  
مشرف اولنجه دیندارقلری پک قوی اولان بلده مذکوره اهالی اسلامیه سی  
اومهدی یی اعزاز و اکرام ایدرلر . اوصره ده چینک متعظم مغوللرندن بریسی  
آکسزین سمرقنده واصل اولور . صاحب نفوذ و قدرت بولنان بوملعون مغول  
خرستیانلغه مائل ایمش . سمرقند خرستیانلری درحال بومغول متنفذینک حضورینه  
کلورلر و ( مسلمانلر چوققلریمزی خرستیانلقدن چیقاریورلر و عیسایه خدمتدن  
بویله جه منع ایتمکدن صوکرده محمد مصطفانک مذهبنی تعقیه سوق ایلورلر .  
بو کیدیشه بوتون قاپولر بزه قاپالی قاله جق و احفادمن خرستیانلقدن اوزاقلا-

[۱] مقریزینک (کاتر مهر) طرفندن فرانسزجه یه مترجم تاریخندن .

شدریله جق . سن بزم بو حقمزی مدافعه ایچون قدرت و صلاحیته مالکسک ، دیر لر . بونک اوزرینه مغول متنفذی اهتدا ایدن خرسیتان کنجنی حضورینه کتورملرینی امرایلر . خرسیتانلر نیاز و شفقت ایله ، پاره و نعمت لر و عدیله او کنجی ارتداده سوق ایلمک چالیشور لر ؛ فقط مهتدی تکلیف ارتدادی ردایدیر ؛ قلب و روحی کسوه پاک ایمانی آتمق ایستمز . مغول حاکی بونک اوزرینه غضبنور و شدت تجریمدن بجه باشلار و قدرتی یتدیکی قدر کنج مهتدی بی تعذیب ایدر . لکن مهتدی فرط غیرت اسلامی سی سببیله ارتدادی قطعاً قبول اتمز و ملاعین کفارک ضربه لر یله دیانتک لقمه لذیذنی لندن براقق ایسته مز و مشر کینک مواعیدی کبی تهدیداته دخی اهمیت و یریه رک امتناعده مصر قالدیغندن و مغول لعینی آنک اک شدید صورتله تعذیبی امر ایتمش و اجرا ایتدیرمش بولندیغندن عاقبت تبرک ایمان ایله ترک جهان ایلر . بونک نتیجه سندن اوله رق سمرقندک جمعیت اسلامی سی یأس و خشیتته دوچار اولور . بناء علیه بوتون مسلمان جماعتی اعضاسنک امضالرینی حاوی بر عرضحال حاضر لتدیرلقدن صوکره برکه خانک قرارگاهنه عازم اولمش ایدک . و وصولزده سمرقند خرسیتانلرینک مسلك و وضعیتلری حقنده کندیسنه تفصیلات و یردک . دین مینه انتسابی بولنان بو حکمدارک فیکرنده غیرت اسلامییه بلوردی و حقت مدافعه سی آنک وضعیتی اوزرینه اجرای حکم ایلدی . براقچ کون صوکره برکه خان بوسیده برچوق آثار حرمت کوستردی و بربلوک تورک محافظلریله مسلمان معتبرانندن سائر بعض کیمسه لر انتخاب ایلدی و بونجه شنیع تجاوزلرده بولنان مذکور خرسیتان جماعتی قتل ایله جانلرینی جهنمه کوندرمکی امر ایلدی . بو امر آلدقدن صوکره اجراسی او مصیبت جماعتک کلیساده طوپاندقلری بر زمانه براقلدی . وقت معین کلنجه جمله سی ده طوتولدی ، جهنمه کوندرلدی و کلیساده طوغله ییغیتیلی حالنه کتورلدی . « [۱]

مغول دورینک بدایتلرنده بودا مذهبی و نصرانیت کبی ایکی قوتلی رقیب ایله مسابقه یه چیقیشمق اسلامیت ایچون نومیدانه برتشت حکمنده ایدی ؛ چونکه

[۱] منهاج سراپ الجزائی و طبقات نصیری عنوانلی کتابک ناصولیز نام انکلیز محوری

طرفدن ایدیلن ترجمه سنک کلکته ده مطبوع نسخه سندن .

مغول استیلا سی فورطنه سندن اك زیا ده اهل اسلام صار صیلمشیدی . اوزمانلره قدر اسلامیتك آسیا ده کی علومك مرکزی و تشکیلات روحانیه سنك نقاط تقویه سی بولنان شهرلك چوغنی رماد حاله کتورلمشیدی . علمای فاضله و فقهای متقیه یا اتلاف ایدلش و یا اسیر اوله رق کتورلمشیدی . بوتون دینلر حقنده غایتله مساعده کار طاورانان مغول امراسی آره سنده اسلامیه درجات متزایدده عداوت کوسترن بر چوق کسان وار ایدی . جنکیز خان مسلمان قواعدی وجهله حیوان ذبح ایدنلرک اعدامی بیله امر ایلش ایدی . بو امر بالاخره آنك طائفه سی طرفدن دخی موقع تطبیقه قولمشیدی . بو باده اخباراتده بولنه جق کیمسه لره مکافات وعد ایدلدیکندن مسلمانلره ناحق اذیتلر اجرا ایدیلوردی . بوحال تعذیب یدی سنه دوام ایلدی . برچوق ذو کورد کیمسه لر وعد مذ کوردن بالاستفاده حاضر برواسطه معیشت تأمین ایتك ایستدیلر . اشخاص اسلامیه انده بولنان اسیرلر مغوللره اخباراتده بولنمق تهدیدیه ولیلرندن آزادلرینی استحصال ایلرلردی . امور حکومتی تمامیه ایکی خرسیتیان ناظرک اللرنده براقان قایوق خان دورنده ( میلادی ۴۸ - ۱۲۴۶ ، هجری ۴۶ - ۶۴۴ ) مسلمانلر بیوک عذاب واضطرابه دوچار اولدیلر .

بووقایعک زمان حدوشیه معاصر اولان مؤرخ جزجانی برمسلمان فقیهك قایوق خانك نزد حکومتنده معروض قاله بیله جکی صورت معامله حقنده تفصیلات آتیده بولنور : « شایان اعتماد ذواتك بیاناننه کوره بودا مذهبی راهبلی مسلمان اهالی حقنده تعذیبات اجرا ایتدیرمك ایچون قایوق خانی متدایاً تحریک ایدرلردی . او مملکت مسلمانلرینك او قومشلی آره سنده نورالدین خوارزمی اسمنده برامام واردی . برطاقم خرسیتیان پاپاسلری و رهیانك غیری نصرانیلر ایله بتپرست راهبلی قایوقدن بوامامک جلبنی و حضورنده آنکله مباحثات دینه یه کیریشملرینه امر ایلسنی و امامک - اسلامک تفوقیه حضرت محمدک رسالتی اثبات ایده مدیکی تقدیرده - اعدام اولمنسی استدعا ایلرلر . قایوق بورجایی قبول ایلش و امامی جلب ایتدیرمشیدی . حضرت محمدک دعوا ی رسالتی ایله دیگر پیغمبرلره قیاساً طرز حیاتی حقنده بر مباحثه آچیلدی . کافرلرک دلائلی ضعیف و قوه

حقیقتن مجرد اولدیغی ایچون اعتراضه دوامدن فراغت ایلدیلر و مسئلهیه بر طرز ملعنت و یرمک غرضیه امامه سجده ایتدیرمسنی قایوق خاندن ایستدیلر. قایوق بونی امر ایدنجه امام اوراده بولنان دیکر بر مسلمان ایله برلکده طرز معتاد و جهله نمازه باشلادی. بونلرک سجدهیه واردقلری آنلرده حاضر و نندن بعض کافر لر باشلرینی یاقه لیوب قوتله زمینه چارقمق مثللو از عاجاته قویولدیلر و دیکر منفور تجاوزات ارتکاب ایلدیلر. بو ایکی مسلمان تجاوزاته تحمل ایله عبادت لرینی هیچده کسمکسزین ا کمال ایتدیلر و جانینه السلام علیکم اشارتی یابدقن صوکره قالدیلر و بالاستیدان چیقوب کیتدیلر .»

ایلدخانلیلرک دوردنجیسی اولان آرغون ( میلادی ۹۱ - ۱۲۸۴ ، هجری ۹۱ - ۶۸۳ ) مسلمانلره بر چوق مظالمده بولنمش و عدلیه ایله مالیه دائره لرنده آنلره هیچ بر خدمت و یردیره مش و کندیلرینی دیواننده بولنمقن منع ایلمشیدی . مع مافیله بوتون بومشکلاته رغماً مغوللر و آنلرک اثرینی تعقیب ایدن عشائر و حشیه [۱] آیاقلری آلتنده چیکنمش اولدقلری اهل اسلامک دینه عاقبت متابعت ایلمشلردی . بو باده وقوعه کلن فعالیت تبشیریه حقنده تاریخنک بزه و یردیکی معلومات مع الاسف تنویر فکاره کافی دکلدر ؛ یالکز بعض معروف مهتدیلرک صورت اهتدالری حقنده بعض تصریحات مقیددر . مغول ایمپراطورلنی ایچنده آشاغی یوقاری طاغینق بر حالده خیلی مهتدی بولنیوردی . بر چوق کیمسه لرک مجهول و فقط موفقیتهلی صورتده یکی مهتدیلر قازانمغه چالیشمش اولملری ده ملحوظدر . اوغوتای دورنده ( میلادی ۴۱ - ۱۲۲۹ ، هجری ۳۹ - ۶۲۷ ) ایرانده مغول والیسی بولنمش اولان ( قورغوز ) ک عمرینک صوکره سنه لرنده بودا مذهبنی ترک ایله هدایته کلدیکی تاریخده مذکوردر . تیمورلنک دورنده ( میلادی ۲۸ - ۱۳۲۳ ، هجری ۲۸ - ۷۲۳ ) قوبلای احقادندن اولوب چینده ( قان سو ) دیاری نائب سلطنتی بولنمش اولان آنندا بر مسلم غیور ایدی . بو ذات طانغوت حوالیسنده بر چوق کشیلری هدایته سوق ایتدی و امری [۱] بالاده مذکور ( آسیا تاریخنک مدخلی ) نام اثرک مؤلفی ( له تون قاتون ) بو عشاثرک ثلاثنک تورک اولدیغی ادعا ایلر .



آلنده بولنان عسا کرک بر قسم کبیرینی اسلام ایچون قازاندی . بو ذات فعالیت اسلامیه سندن طولایی برای استیضاح امپراطورک سراینه چاغرلمش و بودا مذهبیه رجوعی امر ایدلمش ایسه ده امتناع کوستردیکندن حبسه طقیامشیدی ؛ فقط کندیسنه بغایت مجلوب اولان طانغوت اها ایسنک اعتراض وعصیانندن صاقینلدیغندن بر مدت صوکره سبیلی تخلیه ایدلمش ایدی [۱] .

(منتخب التواریخ) صاحبک ادعاسنه نظراً آنندا ، خانبالغ - (پکین شهری) - ده دورت جامع انشا ایتدیرمشیدی . بوجامعلر جمعه نمازنده بر میلیون خلقی استیعاب ایده جک قدر واسع ایدی ؛ فقط مؤلفک نه بوروايته ، نه ده اسلامیتک چینه کی صورت انتشاری حقه ده کی بیاناته عطف اعتماد ایدیه مز .

ایلك اسلامه کلن مغول امیری ۱۲۵۶ دن ۱۲۶۷ ( ۶۶۵ - ۶۵۴ ) سنه سنه قدر آتون اوردونک باشی بولنش اولان برکه خاندن [۲] ابو الغازینک روايته کوره بوحکمدار اسلامیتی تحتیه چیققدقن صوکره قبول ایشدر . برکون بخارادن کلن برکاروانه راست کلور . بونلر آره سنده بولنان ایکی تاجر ایله برای مضاجت برکوشه یه چکیلور واحکام اسلامیه حقه ده آنلردن ایشیتدیکی شیلره دائر سؤالر صورار . تاجرلر دینلری حقه ده او قدر مقنع صورتده توضیحاتده بولنورلر که برکه خان کمال صمیمیتله او احکامی تلقی بالقبول ایلر . اهتداسنی ابتدا کوچوک قارداشته سویلر و کندیسنه امثالده بولنسی ایچون اقناعانه کیریشور وبالاخره بیکی دین حقه ده کی ایمانی علناً اظهار ایلر . [۳] مع مافیه آسیا خانلری تاریخی یازان جزجانی یه کوره برکه خان ایام صباوتنده مسلمان اوله رق یتشدرلمش و قرآنه قادر برایشه کلنجه خوقند شهری علماسندن بر ذات واسطه سیله کندیسنه

[۱] فضل الله رشیدالدین نام ایرانی بر مؤرخک لوندرده مطبوع ( جامع التواریخ و تاریخ مبارکی غازان ) عنوانی کتابندن .

[۲] بالناسبه ذکره شایاندرکه نجم الدین مختار الزاهدی نام فاضل برکه خان ایچون تصنیف ایتدیکی اثرده رسالت قدسیه نبویه نک ثبوتنی تشریح ایتمش و خرسنیانلرله مسلمانلر آره سنده کی مباحثات حقه ده ایضاحاتده بولنشدور .

[۳] ابو الغازی باغا تورک ۱۸۷۴ ده پترسبورغده مطبوع شجره سنک Histoire des Mogoles et des Tartares عنوانی فرانسوزجه ترجمه سندن .

تعلیم قرآن ایدلمشیدی . تاریخی هنوز برکه خان بر حیات ایکن یازان بو مؤلف . آنک اوردوسنک کاملاً مسلمانلردن مرکب ارلدیغنی سرد ایدر و او باده کی بیاناتنه دوامله دیرکه : « شایان اعتماد کیمسه لرك شهادت لرینه نظراً برکه خان اوردوسنده کی سواریلردن هر برینک یاننده اوافق برسجاده بولنوردی ؛ تا که مشی و حرکت حالنده اوقات خمسه دن بری تصادف ایدنجه سواریلر براز آدن اینهرك ادای صلاة ایله بیلورلردی . اوردوسنده کی نفراتدن هیچ بری هیچ بروقت آغزیننه مسکراتدن برقطره بيله قویمازدی . مجالسندنه مفسرین ، محدثین ، فقهای متقیه دن مرکب بویوک علما عصری بولنوردی . سراینک مراسم دائره سنده علوم شرعیه اوزرینه دائماً مباحثات جریان ایدردی . برمسلمان صفتیه اعتقادنده پک صیقی وزاهدانه بولنوردی . »

برکه خان مصرک مملوک سلطانلردن رکن الدین ایله صیقی براتفاق دوستانه یه کیریشمشیدی . بو اتفاقک مروجی اولان رکن الدین آلتون اوردو افرادندن ایکی یوز کشیک برطاقم عساکری مسافر صورتیه مصره جلب ایشیدی . بو عسکرلر کندی خانلری ایله بغدادی ضبط ایدن هلاکو آره سنده آرتقمده اولان عداوتی کورنجه او مستولینک اوردوسندن سوریه یه قاجمشلر و اورادنده مکرمانه صورتده مصره ارسال ایدلمشردی . بونلر قاهرده اسلامه سوق اولنمشلردی . رکن الدین دخی او صروده هلاکوايله حال حربده بولنش و حتی آرزمان اول آنک قوای مستولیه سنی سوریه دن طرد ایتدیرمشیدی . بومغول طاقتدن ایکی کشی یه ترفیقاً برکه خان نزدینه برهیئت سفارت کونوردی . بو هیئت ارکانی برکه خانک پایتختنده هر امیر و امیره معیتده بر امام ایله بر مؤذن استخدام ایدلدیکنی روایت ایشلردر . رکن الدین ایله برکه آره سنده تحصیل ایدن بو مناسبات دوستانه بر چوق مغوللرک مصره هجرتلرینی انتاج ایلدی . بومغول متوطنلری مصرده اسلامه کلدیلر .

هلاکونک ایلیخان خاندانی تأسیس ایلدیکی ایرانده بولنان مغوللر آره سنده اسلامیت پک بطی صورتده توسع ایلوردی . مصر سلطانی ایله برکه خانک متحداً هجوم ماجوظلرینه قارشو موقعی تحکیم ایچون هلاکو خان ارمنی قرالی

کجی شرق خرسیتیان امراسی و اهل صلیب ایله اتفاق قبول ایلشیدی . هلا کونک  
 اک سوکیلی زوجہ سی خرسیتیان ایدی ؛ بوقادین قوجہ سنک فکر توجہنی  
 دینداشلیری طرفه جلب ایلردی . اوغلی آباقا خان استانبولده کی امپراطورک  
 قیزیله ازدواج ایتدی . واقعا آباقا خان خرسیتیان دیننه کیرمه مشیدی ؛ فقط  
 سراینی خرسیتیان مأمور و مستخدم لرایله طولدیرمش و بعض آوروپا حکمدارانہ  
 سفارت مخصوصه هیئتلیری کوندرمشیدی . مسلمانلر علیهنده حرکت ایچون  
 اتفاقی طلب ایتدیکی حکمدارلر فرانسه قرالی سن لوئی ، سيجایا قرالی شارل ،  
 آراغون قرالی ژان ایدیلر . ینه بو مقصدله ۱۲۷۴ ( هجری ۶۷۳ ) سنه سنده  
 لیون شهرنده انعقاد ایدن دیوان رهبان نزدینہ اون آلتی کشیک بر مغول هیئت  
 سرخصه سی کوندرمشیدی . اوراده ایکن هیئتک ناطقه پروازی ایله بعض اعضاسی  
 خرسیتیانلغه سوق اولمشلر و وافیز ایدلمشلردی . بالذات آباقا خانک ده تنصری  
 ایچون بسلینلن امیدلر بیهوده چیقدی . کندیسنی استخلاف ایدن برادری  
 طاقدار ، ایخان خاندانی ایچنده اسلامی قبول ایدن ایلمک ذاتدر . طاقداره  
 معاصر اولان خرسیتیان محرینک افاده سنه کوره کندیسنی « ایام صباوتنده  
 بر خرسیتیان صفتیله یتشدرلمش و حتی وافیز بیله ایدلمش واسمی نيقولا قومئشدی ؛  
 فقط بو بودکن صوکره پک سودیکی بعض مسلمان دوستلرله تماس نتیجه سندن  
 اوله رق خرسیتیانلغی ترک و اسلامی قبول ایلش و بالاخره محمدخان نامنی ایلشیدی .  
 بو ذات تاتارلرک طریق محمدی یه سلوکلری ایچون مالک اولدیغی بوتون نفوذ  
 و قدرتی استعمال ایلشیدی ؛ آنجق اونلر تعند کوستردکلرندن کندیلرینی اجبار  
 ایتمک ایستمن طاقدار خان رتبه لر ، هدیه لر ، احسانلر و یره رک اهتدایه جذبہ  
 چالیشمش و بناء علیہ زمان حکومتنده بو طریقلرله بر چوق تاتارلری دائره  
 اسلامیته سوقش ایدی . بو امیرمهتدی ، مصر سلطاننه یازمش اولدیغی بر نامه ده  
 بوجه آتی حکایه اهتدا ایلشیدی :

« جناب حقک عنایتنه حمد و ثنلر اولسون . نور هدایتیله بزى صیانت ایتدی .  
 الوهیت و وحدانیتک طریق و قوفنده - داها ایام شبا بمزده ایکن - رهبر اولدی .  
 آنک رسول اکرمک نبوتنه شهادت ایدرم و اولیای زاهدینی تقدیس ایلرم .

جناب حَقِّك دليل اولمق عنايتنده بولنديغي هر قلب بشر اسلاميته آچيلور. [۱]

شوكتلى پدرو برادر مَرْك ملكنى استخلافدن برى دينك ترويجى واسلامك تعاليسى ايله مسلمانلرك صلاح حالى ايجون قلمزك ميلاننى قطع ايتمك . الله تعالى كمال مرحمتندن اوزرمزه شان وشوكت ياغدير مق خصوصنده دريغ عنايت بويورمدى آنك الطافى بركاتيه اميدلر من تحصيل ايتدى وينه آنك عنايتيله عنان حكومتك صورت استعمالى بزه منكشفت اولدى . قورلتاي يعنى ديوان عام عقدايديله رك بونده اخوانمز ، اولادمز ، اكابر اشرافمز وامراى عسكريه منز طوپلاندى . بونلرك كافه سى ده بويوك برادر مَرْك وصيتنى اجرا قارارينه موافقت ايتديلر : يعنى بوراده عظيم بر اوردو تحشيد ايتلك خصوصنه ؛ اويله بر قوت كه ارض بيله - وسعتنه رغماً - آنك افرادينى استيعابه طاركله و آنك دهشت آور و جوشقون هجوملى انسانلرك قبلرينه خشيت ايراث ايله وشجاعتى مواجهه سنده شواحق جبال اتكاده بوله وعزمى اِك قاتى قابالرى بيله يوموشاته بيله . آرزوى عامه يي افاده ايدن بوقرار اوزرينه دوشوندى و فكر مزده طوتديغمز مقصده توافقنى استنتاج ايلدى ؛ اويله بر مقصده كه احكام اسلاميه نك تقويه سنه معظوفدر . بز سفك دمانك منعه ، انسانلردن فالنگك سلبنه مدار اوليان و هواى صلح و رفاهك كافه ممالكده اسمسنه ياره ميان بر امر اصدار ايتلك . اللهك بوتون قوللرى ايله حسن مناسباتده بولمق ايتلك و مناسب بر طريق تسويه كوندردكجه همان سلاحه صاريلو برك ايتمه مشدك . . . . . : باش قاضى قطب الدين و آتابك بهاء الدين كى سلطنت مسعوده نك ايكي معتمدينى حسن نيتمى و اتخاذايده جكمز خط حركتى تشریح ايتك اوزره زديكزه مأموراً كوندردك . « كندى ملكنده اجراءات حسنه وخيره ، امر عدالت ، علم و معرفت خصوصاتنده كى اصلاحات مفيدىي ذكردن سوكره مصر سلطانك اتقافنى طلب ضمننده شوسوزلرى ده يازمشيدى : « تاكه بوملكتلكر ؛ بوشهرلرينه ساكن اوله جق خلقى بوله لر ، مدهش فلاكتلكر آرتق اوكلر كچيله ، قليج قينه تكرار صوقيه ، بوتون انسانلر صلح وسكونت ايجنده ياشار و مسلمانلرك اوموزلرى ثقلت ذل وسفالتدن آزاده قاله » [۱] .

[۱] سورة الانعامده كى ( فن بردالله ان يهديه يشرح صدره للاسلام ) آيه كريمه سنه اشارت .

[۱] تاريخ و صافك فون هامهر طرفندن آلمانجه ايديلن ترجمه سندن .



مغوللرک تاریخی تتبع ایدن برکیمسه ایچون تعریف بولنه میه جق درجه ده مدھش ، منفور ، سورکلی اولان خونریز لیکارک و تحریباتک حکایه لرندن سوکره بر مغول پرئسی طرفدن انسانیتکارانه یازیلان و حسیات خیر خواهانه بی محتوی بولنان بویله برورقه یه تصادف ایتک جدأ غریب کورینور .

رئیس لرینک اھتداسی و خرستیانلر حقننده کی تعدیاتی - خرستیان بولنما مقله برابر آنلرله صیقی تماسه آیشمش اولان - مغوللری زیاده سیله مغبر ایتمش ایدی . مغوللر رئیس لرینی اثر اجدادی براقش اولمق له اتهام ایدرک قوبیلای خنه شکایتده بولنمش لردی ؛ عاینده برده عصیان وقوعه کلدی و حتی کندی یکنی آرغون ، حیاته قارشو سوء قصد ترتیب ایدرک عاقبت تاج و تختی انه کچوردی . آرغونک زمان حکومتنده ( میلادی ۹۱ - ۱۲۸۴ هجری ۹۰ - ۶۸۳ ) خرستیانلر ینه کسب مقبولیت ایدیلر ؛ مسلمانلر ایسه بالعکس تعدیاته دوچار اولدیلر و حکومتک مقامات اداریه سنک کافه سندن احراج ایدیلر . طاقو داریک خلفلری تاملیه مجوسی ایدیلر ؛ فقط ایلخانلرک یدنجیسی واک مهمی اولان غازان ۱۲۹۵ ( هجری ۶۹۵ ) ده تخته کیچد کدن سوکره اھتدای ایتمش و اسلامیتی ایرانک مذهب حاکمی حاله قومیشیدی . آندن اول کلن اوچ حکمدارک دور سلطنتلرنده ایرانده حاکم اولان عالئدک تنصر ایده جکی حقننده خرستیانلر طرفدن امیدلر بسلیوردی ، چونکه بو حکمدارلر خرستیانلردن بر چوقلرینی ممتاز مقاملره تعیین ایلش لردی . غازان خانک صوک سلفی بولنان و پک آز برمدت ایچون تختی اشغال ایتس اولان بایدو خان مغوللر آرسنده اسلامیتک انتشارینی منع ایتمکه خرستیانلرک کندی دینلرینک قبول ایدیله جکی حقننده کی امیدلرینی جانلاندیرمشیدی .

اھتداسندن مقدم غازان خان صیقی بر بودا مذهبی سالیکی اوله رق یتشمش و خراسانده متعدد بودا معبدلری انشا ایتدیرمش ایدی و ایرانده مغول حاکمیتک تأسسندن سوکره او مملکتک کلیتی مقدارده هجرت ایدن بودا راهب لری ایله اختلاطدن بویوک برذوق آلوردی . طبعأ دیندار برخلقت صاحبی ایدی ؛ بواجلدن مختلف مذاھبک احکامنی تتبع ایدر و هر مذهب و هر دینک علماسیله عقائد اوزرینه مباحثاده بولنوردی . وزرای فاضله سندن بولنان و کندی دورینک

تاریخی یازان رشیدالدین آنک اهدا سنده کی صمیمیتی و مدت باقیه سلطنتده طاعات متقیانه به دوام ایلدیکنی تأیید ایدر؛ فقط معاصریندن و متأخریندن بعض محرر لر، آنک بعض شیخ لک و امیر لک نیاز مندانه نصیحت لری اوزرینه دیندار کورنمش اولدیغی ادعا سنده بولمشلردر. [۱] کن دیسنک مدافع اولان مؤرخ رشیدالدین ایسه «غازان کبی عظیم القدره بر حکمداری تبدیل دینه اجبار ایده بیله جک باشقه نه مقصد تصور ایده بیلور؟ همده او یله بر حکمدار که اجدادی دنیانک نصفی استیلا ایتشدی» یولو سؤال اعتراض ده بولمشلردر. هر نه حال ایسه غازانک اهداسی شبهه سز ایران خلقی کن دیسنه ایصنیدر مشدی. بایدو خان آنکه تاج و تخت غوغا سنه کیریشدیکی زمان اوردوسنده کی مسلمان نفرات قاچوب دیندا شلری بولان غازانک خدمته کیرمشلردی. امرای اسلامیه دن نوروز اسمنده بر ذات بوملاحظاته بناء آکا بعض اقناع آده بولنمش واسلامک مدافعه سی وشوکت اولیه سنه ارجاعی حقنده اوزمانلر ایده لکلن تفأل لک مراد ایلدکلری «حکمدار خلاصکار» ک غازاندن باشقه بر کیسه اوله میه جغنی ادعا ایشیدی. بوتفأل لره نظراً اسلامیتی قبول ایدن بر پرنس ایرانه حکمدار اوله جق، مسلمانلری مجوسی مغول لک عذابی بویوندیر یغندن قورتاره جق، آنلرده کن دیسنک مقصدینه خدمت ایده جکلر و حق دینک احما ته لکه سندن وقایه سنه چالیشمندن طولانی جناب حق آنک سلاحنی مظهر ظفر ایده جک ایدی. غازان خان، وقوعه کلن اقناعات اوزرینه بر از اثر تردد کوسترد کدن صوکره علی صورتده شهادت کتورمش وضباط ایله عساکر افرادی آنک اثر اهدا سنه اقتفا ایشلرایدی. بعده ارباب زهد و اصحاب علمه جائز لر طاغیتدی. جامع لری و اولیا تر به لرینی زیارت ایتدی و هر صورتله کن دیسنی خلقه شایان امثال بر حکمدار مسلم صفتده کوستردی. میلادک ۱۳۰۴ ( ۷۰۴ هـ ) سنه سنده محمد خدا بنده اسمی آلتنده کن دیسنی استخلاف ایتمش اولان برادری آجلیتو خرستیان بولنان والده سنک دیننده یتشدیرلش و حتی نیقولا اسمی آلتنده و افتیز دخی ایدلشیدی؛ فقط والده سنک وفاتندن صوکره داها کنج بریاشده ایکن زوجه سنک اقناعاتی

[۱] بوصوک روایتلر (دوسون) نام مؤلفک Histoire des Mongoles

عنوانی مغول تاریخندن.

اوزرینه اسلامه کلدی . [۱] ابن بطوطه یه کوره محمد خدا بنده نك کوستردیکی مثال مغوللر آره سنده زیاده سیله اجرای تأثیر ایتمش و او زماندن اعتباراً ایله خانلیلر مالکنده اسلامیت آرتق بر دین غالب اوله رق تقرر ایلشدی .

چغتای ایله خلیفرینک حصه سنه دوشن ممالک متوسطه ده اسلامیتک توسعنه کلنجه :

بو باده معلومات ضریحه ومعینه الده ای دیله مدی . بو نسل حکمدارلرینک خدمت لرنده برر مسلمان وزیر بولندیغی و فقط کندیلرینک اسلامیت حقتنده هیچ ده حسیات محبه پرورده ایتدکلری مرویدر . چغتای بالذات مسلمانلری تصدیق ایتمش و آنلرک اکل ایچون قربان کسملرینی ویا لوازم دینه دن اولمق اوزره تغسل ایتمک کبی مراسم اعتقادیه لرینک اجراسنی منع ایتمش ایدی . الجزجانی یه کوره مغول حکمدارلری ایچنده بو آدم اهل اسلامک اک شدتلی بردشمنی ایدی و ( مسلمان ) کلمه سنک مقصد تلعیندن باشقه هیچ بر وسیله ایله حضورنده تلفظ ایدلمسنی ایستمزدی . حقیدی و خلیفی اولان قاره هلاکونی والده سی اورغانا خاتون بر مسلمان صفتنده بو یوتمش ایدی . بو ذات - استخلافی موجب منازعه اولان چغتای خانلغک طالب لرندن بری صفتیه - ۱۲۶۴ ( ۶۶۳ هـ ) سنه سنده مبارک شاه نامی آلتنده میدانه آتیشیدی ؛ لکن عموجه زاده سی بوراق خان طرفندن تختدن آتیش ایدی . هر حالده قاره هلاکو ، انتساب ایتمش اولدیغی دین اوغورنده هیچ برشی یامقدن ماعدا - اسملرینک دلالتندن دخی آکلاشیله چیفی اوزره - اوغللرندن هیچ بریسی بابالرینک منسوب بولندیغی دینه سالک اولما مشیدی . بوراق خانک ۱۲۷۰ ( ۶۶۹ هـ ) سنه سنده وقوعه کلن وفاتندن بر قاق کون اول « نور ایمان ایله نائل غفران » اولدیغی و غیاث الدین نامنی آلدیغی روایت ایدیلور . بونک دور حاکمیتنده اسلامه کلش اولان مغوللردن بر چوغنی وفاتی متعاقب بتپرستلکه رجوع

[۱] مغوللر نزدینه سفارته کیتمش اولان بالاده مذکور ( دوروب رهق ) نام سیاح ، قادینلرک مغوللر آره سنده اسلامیتک نشرینه فوق العاده همتلر ایتدکلرینی و کندیسنک خرستیانلق لهنده کی پروپاگاندا سنه اکثریتله غیرت دینه صاحبه لری قادینلرک مانع اولدقلرینی ذکر ایلر .

ایلمشردی . آندن بر عصر سوکره یه کلنجه یه قدر، یعنی ۱۳۲۶ تاریخنده طارمه شیرین خانک اهداسی آنه قدر اسلامیت چغتای مغوللاری آردسنده ینه عمومیت اوزره قبول اولنماشیدی . بو مغوللر آندن سوکره رئیس لرینک مذهبه سالک اولدیلر و دائماً مؤمن اوله رق قالدیلر . مع مافیه اسلامیتک تفوق نفوذی ینه تمامیله امین دکلدی ؛ چونکه بر بطن سوکره - که تاریخ معینی مقید دکلدر - خانلق مقامنه کیچن بوزان خان طارمه شیرینی تختدن سوروب آندی و مسلمانلاری تعذیبه قوبولدی . آنجق بوندن بر خیلی سنه لر سوکرا کاشغرده بر مسلمانک موقع حاکمته کلدیکی ایلك دفعه اوله رق کورلمشیدی که بوده چغتای خاندانک زوالی اوزرینه آریجه بر دولت حالنده تشکل ایلمشیدی . طوقلوق تیمور خان اسمنده اولان بوامیر ۶۳ - ۱۳۴۷ ( ۷۶۵ هـ - ۷۴۸ ) سنه لری آره سنده حکم سورمشیدی . بونک اهداسنک ، اهل تقوادن بخارالی شیخ جمال الدین نامنده بر ذاتک دلالتیله وقوعه کش اولدیغی روایت ایدیلور . بوشیخ بعض یوجیلرله بر لیکده سیاحت اوزره ایکن بیلیمه رک طوقلق تیموره عائد اولان صید و شکار اراضیسنت ایچنه کیمر . طوقلق ایسه بوکا جرأت ایدن کیمسه نک اللری ، آیقلری باغلنهرق حضورینه کتورلمسنی امر ایدر . محل صیدینه دخوله نصل جرأت ایده بیلدیکنی حدتله صورددینی آنده شیخ جمال الدین معصومیتنی ادعا ایدر و ممنوع بر زمینه آباق باصمش اولدیغنک فرقنده بولندیغنی جواباً سویلر . خان بونلرک ایرانلی اولدقلرینی آکلانجه « برکوپک بر ایرانلیدن داها قیمتیدر . » دیمش . شیخ ایسه « اوت ، اکر مسلمان اولسه ایدک کوپکدن آشاغی بولنوردق . » جوابی ویرمش . بو جواب خانک موجب تعجبی اولدیغندن آودن کلدکدن سوکره شیخک حضورینه جلبنی امر ایدر . شیخ کلدیکی زمان خان آتی بر گوشه یه چکه رک او سوزلریله نه مراد ایتدیکنی صورار و « حق دینی » دیدیکی شیکت نه اولدیغنی تصریح ایلسنی ایستر . بونک اوزرینه شیخ جمال الدین احکام اسلامیه یی اوپله بر شوق وجدانی ایله ، اوپله بر جهد ایله تشریح ایلرکه خانک اولجه طاش کبی اولان یوره کی آرتق بلومی کبی اریمکه باشلار ورفق و ملایتمتله حرکت ایلر . شیخ ایسه ایمانسزلغک سیاتی اوپله بر طرز مخوفده تصویر ایدرکه



خان او آنه قدر نصل کوری کورینه خطاده بولمش اولدیغنی بعد الملاحظه « شیمدی دین اسلامه شهادت کتورمش اولسه م خلقی طریق حقه سوجه امکان بوله مام ؛ بنم ایچون براز صبر ایت ؛ اجدادمک بر اقدیغنی حکومته تامامله مالک اولدیغ زمان ینه بورایه کل . » دیر . واقعا او صره لرده چغتای ایمپراطورلنی طاغلمش وارفاق امارتله آیرلمشیدی . طوقلاق تیمورک بو اوافق حکومتلری کندی اداره سی آلتنه آلبده اسکیمی کبی معظم بر دولت حالنده جمع ایده بیلمسی ایچون خیلی سنه لر کچمش ایدی . بو میانده مملکتنه عودت ایتمش اولان شیخ جمال الدین تهله کلی صورتده خسته دوشمش ایدی . حالت نزعه دایکن اوغلی راشدالدینه « بر کون کله جک که طوقلاق تیمور خان بویوک بر حکمدار اوله جق ؛ قورقمده آنک زردینه کیت و بنم نامه کندیسنی سلاملا و ایتمش اولدیغنی وعدی خاطر لات . » دیدی . بر قاچ سنه سوکره طوقلاق ، اجدادینک ایمپراطورلغنی کاملاً استرداد ایلد کدن سوکره راشدالدین ، پدرینک صوک دقیقه حیاتنده کی وصیتنی برای ایفا آنک مقر حاکمیتنه کیتدی و تشبث ایتدی بی هر دورلو و سائطه رغماً خانک حضورینه قبول ایدلمکه موفق اوله مدی . اک سوکره شو چاره به توسل ایتدی : خان قرار کاهده بر چادیر آلتنه اقامت اوزره ایدی . راشدالدین بر صباح ایرکنجه اوسمته کیتدی و صباح نمازی اذانی او قومغه باشلادی . صباح او یقوسنک بو وجهله اخلا لندن پک فنا صورتده حد تلنن خان بو ترغه جرات ایدن کیمسه نک طوتیلوب حضورینه کتورلمسنی امر ایتدی . فرصتی بو صورتله الهه ایدنجه راشدالدین پدرینک وصیتنی تشریح ایلدی . طوقلاق تیمور وعدینی خاطر دن چیقار مامش ایدی و « تحتہ چیقدیغ کوندن بری بویله بروعدده بولندیغمی دائماً خاطر ده بولندیر یورم ؛ فقط بکله مش اولدیغ ذات ظهور ایتمه مش ایدی . آرتق سکا بیان خوش آمدی ایلم » دیدی . کله شهادت کتوره رک اعلان اهتدا ایلدی . « اوصبحک شمس عنایتی مشرق الطاف قدسیدن طلوع ایدنجه شب مظلم بی ایمانی بی چاک ایلدی .... آندن سوکره اسلامیتک نشری خصوصنده امراسی ایله برر برر مشاوره ده بولندی . قبول دیانت ایدنلر حقنده حسن معامله به و مجوسی قالانلر حقنده تجربه قرار ویرلدی . » ایلك

مخاکمه‌یه چکینن کیمسه طولیق اسمنده اشرفدن بری ایدی . بو آدمه « اسلامیتی قبول ایدم جکمیسک ؟ » دیه صوردی . اوده کوز لرندن یاشلر دو کولدیکی حالده « بوندن اوچ سنه مقدم کاشغرده بولنان اولیادن برذات بنی هدایتیه سوق ایتدی ؛ فقط سندن قورقدیغم ایچون اسلامه اولان ایمانی اظهار ایدمه مهشدم » دیدی . بونک اوزرینه طوقلاق خان یردن قالموب اوداتی دراغوش ایلدی وبعده اوچی بر آرایه کلدیلر و امرانی برر بر امتحانه چکدیلر . سؤال و جواب ختام بولنجه - بر کشیدن ماعداسنک - اسلامیتک دین حق اولدیغنی قبول ایتدکلری آ کلاشلدی . استنک کافده بولنان جراس اسمنده بر کیمسه ایدی . بو آدم اسلامه ایماندن اول کفاردن بولنان خدمتکاری ایله شیخ راشدالدین آره سنده بر مصارعۀ بدنیه اجراسنی تکلیف ایلدی . بو خدمتکار بر انسان ایچون طبیعی اولان جثه نك مافوقنده بر قوته مالکدی وایکی یاشنده برده وهی اللریله قولایجه قالدیره بیلوردی . مع هذا شیخ بوقوت ده نمسی تکلیفنی قبول ایتدی و « خدمتکار کزی آتماز سهم البته اهتدا کزی طلب ایتیم ؛ فقط اکر مغوللرک اسلامیتله مشرفیلری مراد ربانی ایسه البته جناب قادر مطلق شو آدمی ده ویرمک ایچون بکا قوه کافیه ویرر . » دیدی . بویوک بر تماشاجی جماعتی طوپولاندی ؛ کافر خدمتچی میدان تجربه یه چاغیرلدی ؛ شیخ ده دیگر طرفدن کلدی ؛ بر برینه تقرب ایلدیلر . قوتنه کووه ن کافر بر ادای تعظم ایله ایلری کلدی ؛ شیخ ایسه آنک مواجهه سنده پک اوافق و ضعیف قالیوردی ؛ مضاربه باشلار باشلاماز شیخ بر حمله ده کافرک کوکسنه بر ضربه ایندیردی و آنی حساسیتدن مجرد صورته ده دوشوردی . قالدیلر و بر کره داها طوتشدیلر ؛ شیخ آنی بر کره داها یره دوشوردی و جماعت ، شیخی بلند آواز ایله آلقیشلادی . او کون اهالیدن یوز آلتمش بیک قدر نفوس اهتدا ایشیدی . او کوندن اعتباراً اسلامیت چغتای احفادینک ملکنده تأسس ایلدی [ ۱ ] مع مافیه ینه بر چوق مغوللر اون بشنچی قرنک قسم اولنه قدر دائرۀ اسلامیتدن خارج قالمشلردی . بو ده میلادک ۱۴۱۶ ( هجری ۸۱۹ ) سنه سنده مغولستان [ ۲ ] حاکمی بولنان محمد خانک آنخاد ایلدیکی طرز شدتن

[ ۱ ] بروایت ابو الغازیکنک اولجه عنوانی ویریلن تاریخندن .

[ ۲ ] زمانزده مغولستان قدیمه ترکستان چینی دنیلور .

ایلری کلمشیدی . محمد خان پک زنکین بر امیر و پک صیقی بر مسلمان ایدی . طریق حق و عدلک تعقیبنده نابتقدم قالمش و بویولدرکی اعمال و حرکاتدن قطعاً انحراف ایلمدیکندن آنک مسعود دورنده مغول عشرت لرنندن چونغی ایمانه کلمشیدی . واقعا آنلری دینه سوق ایچون بعضاً وسائط شدیدیه توسل ایتمش اولدیغی محققدر . مثلاً صاریق صارمق ایستمین بر آدمک باشنه آت نعلی چاقیدردیغی واقع اولمشیدی . خدا تقصیراتی عفو ایتسون . [۱]

بومقوله تدابیر قاهره اورالرده دخی حکمنی عمومیت اوزره اجرا ایدمه . مشدی ؛ چونکه آندن بر قرن صوکرده قدر ، یعنی هجرتک ۹۸۲ سنه سندن ۱۰۰۳ تاریخنه قدر کاشغر خانی بولنمش اولان عبدالکریمک دورنده کاشغر ، سمرقند ، خوتان کبی یرلرده اسحق ولی اسمنده بر درویش حالا بعض ناسی اهتدایه سوق ایچون مواظ تبشیریه ایله اون ایکی سنه قدر مشغول اولمشیدی . بودرویش قیرغیز و قازاقلر آره سنده تبشیر دین ایله مشغول اولدیغی زمان یوز سکسان قازاغی اسلامه کتورمشدی و اون سکرز معبد اصنام بیقیدر مشدی . [۲]

بوندن اولکی صحایفده نیجه مراکز عرفانیه اسلامییه تیخریب ایتمش اولان وحشی سورولرینی مسلمانلرک عاقبت نه کبی تدابیر ایله اسلامه جلب ایتمش اولدقلرینی ایضاحه چالیشمش ایدک . اسلامیت اسکی مواقع تعالیسنک خرابه لرنندن آهسته کورینن درجات ایله ارتقایه و بر قرن قدر یاس و ذلت دورده سندن صوکره اسکی حاله عودته باشلادی . مغوللری کندی طرفلرینه جلب ایچون رقابت ایدن دینلرک سالکلری آره سنده وقوع بولان اوغراشمه لرده شهه سز ایجابات سیاسیه ملاحظاتی طرف مسلمین لهنه اجرای عمل ایلدی . غرب خرستیان عالمک دسائی اورالرده کی خرستیانلر حقنده دول اجنبیه نک آلتلری بولنق کبی شهه لر او یانیدردی . حال بوکه نسطوری مذهبه کیرمش اولان مغوللر داها او تبشیرات متعارضه نک بدایتلرنده بر فرقه ملیه اوله رق اورته یه

[۱] میرزا محمد حیدر نامنده آسیای وسطالی بر مؤلفک (ده نسون روص) طرفندن انکلیزجه یه مترجم ( تاریخ راشدی ) عنوانی ائرنندن .

[۲] مارتن هارتمان نام آلمان مستشرقنک Der Islamische Orient عنوانی کتابندن .

آلتق ایچون مسلمانلردن زیاده قابلیته مالکدیلر و مسلمانلره بر اجنبی دینک طرفدارلری اولمق اوزره هجوم ایده بیلورلردی . احمد طاقدار ، آرغون طرفندن - قوانین اجداده قارشو اهانته بولمق واسلا فندن هیچ برینه معلوم اولمیان عربلرک یوله صامق ایله - اتهام ایلمشیدی [۱] ابن بطوطه نك روايته نظراً ظارمه شیرینک طرد و تبعیدینی موجب اولان عصیان ، بو حکمدارک «یساق» تسمیه ایملن و مغول مؤسسائندن بولنان اسکی بر قانونی بر طرف ایتمسندن ایلمی کمشدر . مع مافیه مجادلات رقیبانه و خصمانه نك نتیجه سی اوزون بر مدت مشکوک قالدقن صو کره اسلامیت - کندیسنی قوتدن تجرید ایتمش اولان بر خلقک ممالکنده - تدریجاً زمین تفوقی قازانغه موفق اولدی . بو باده کی موفقیتی استحصال ایچون قوللانیلان وسائط پکده معلوم دکلدر . غیر مطرد صورته ویریلن و بالاده مندرج بولنان تفصیلاتدن حکایه نك داها نقل ایلمه مش جهتلری قالدینی آکلاشیلور . مع مافیه اشخاص منفردنک اهتدالری وجوده کتورن وسائط تبشیره نك ماهیتی ارئه ایده جک قیودات موجوددر . ( آنندا ) سود آناسندن اسلامیت سودی امشیدی . مؤمنلرک بقیه سی و خصوصاً مسلمان تورکارک اسکی عائله لری کندی آره لرینه کلوبده تمکن ایدن مغوللر اوزرنده - ظاهراً حس اولنه ماز صورته - بر نفوذ اهتدائی اجرا ایده کمشلردی ؛ فقط حال فعالیتده کی وسائط تبشیره نك خاصه مهم اولان عضولری « پیر » ایله آنک روحانی شاگردلری ایدیلمر . مسلمانلر ، اوزر لرینه آقوب ککش اولان مغول طغیان استیلا سندن طولایی درین بریأس و خوفه دوشمش بولندقلری بر زمانده مسلك صوفیونی بر التجاکاه روحانی تلقی ایلمشلردی . « پیر » دینیلن رهبر روحانی و اون دور دنجی قرنده یکی بر دوره انکشاف اوزره فعالیتده بولنان - نقشبنديه کی - بر طریقت مذهبه ، جماعت مسلمین ایچنه یکی بر حیات نفخته سبب اولمشلر و او جماعتی تازه بر شوق ایله ملهم ایلمشلردی . آسیا مسلمانی ، پیر ایله مریدانک اللرنده - ابتدالری غیر متعددی و غیر حساس بر طورده - اوله بر فرقه طرفدارلرینک واسطه سی

[۱] واتیقان کتبخانه سنک Bibliotheca Orientalis Clementino عنوانی

مجموعه شرقیه سنده داخل آسمانی نام محررک اثرندن .



کسیلمشدی که بو مذهب ملی فرقه‌سی هم یابانچی و باربار ، هم ده مادیاتپرست اولان مغوللرک مخالفی وضعیتنده قالیوردی . [۱]

شیمی آلتون اوردو خلقنک صور اهدائیه‌سنه نقل کلام ایدلم :  
مغوللرک بو شعبه‌سنک تمکن ایتمدیکی زمین وولغا نهرینک صولادینی  
چنزار اووالرده کائندی . بلده مرکزیه‌سی ایسه سرای نام قصبه ایدی .  
روس پرنسلی خراجلرینی اوراده مقیم اولان خانه کوندرلردی . برکه  
خانک بالاده ذکر ایدیلن اهداسی وبالاخره مصر سلطانغلیه حصوله کلن  
تقرب دوستانه‌سی اسلامیتک توسعنه خیلی خادم اولمش وآنک مثال اهداسی  
آلتون اوردونک - مغول نسلدن بولنان - اصلزادکانی ایله اشرافی طرفدن تعقیب  
ایدلمشیدی . مع‌مافیله آلتون اوردونک برچوق طوائفی اسلامیتک کندی  
آرلرینه ادخالته معارض بولنمش و برکه خانک اهداسی علناً اعلان ایدلدیکی  
زمان آنی آرتق خانغله لایق کورمین بومعارضلر کندیسنک رقیبی بولنان  
قاره هلاکویه تحت بیعت تقدیمی تکلیف ایچون ساعیر کوندرمشلردی .  
فی‌الحقیقه بو مخالفت او درجه‌ده کسب شدت ایلشدی که نوغایلرک آلتون اوردو  
جماعتدن آریله‌رق مستقل بردولت تشکیل ایلرینی موجب اولدی . بو افتراقیلر  
برکه خان قوای عسکریه‌سی آره‌سنده کی مغول افرادینک قوماندانی بولنان (نوغای) نام  
کیمسه‌یه نسبتله تقلب ایدیلر . لکن نوغایک شامانی مذهبنده بولنان برکیمسه‌یه  
ترویج ایدلمش اولان کریمه‌سی ازدواجندن برمدت صوکره اسلامه کش  
وبنابرین قوجه‌سنک تزییف وسؤ معامله‌سنه معروض قالمشدی [۲] .

بولر ۴۰ - ۱۳۱۳ ( ۴۱۵ - ۷۱۳ ) سنه‌لری آره‌سنده آلتون اوردو  
رئیشی بولنمش و ترویج اسلامیتده بویوک برغیرت کوسترمش اولان اوزبک  
خانه خطاباً « سکا اطاعتمز کافیدر ؛ مذهبمزه نیچون قاریشییورسک ؛ عربلرک  
دینی ایچون جنکیزخانک مذهبنی نیچون براقلم ؟ » دیمشلردی . مع‌مافیله اوزبک  
خان بوشدتلی مخالفتلره باقیه‌رق عشق و شوق ایله تابع اولدینی واداره‌سی

[۱] له‌تون قانونک بالاده عنوان اصلیمی ویریلن آسیا تاریخی مدخلندن .

[۲] هووه‌رت نام انکلیر مؤلفنک History of the Mongoles عنوانلی مغول  
تاریخندن .

آئندہ کی ملکہ کندی ہمتیہ قویاً تأسسنی کوردیکی دین ایچون پک چوق مہتدیلقازانہ کلدی . نامہ نسبتہ اوزبکلر دینیلن و آسیای وسطادہ ساکن بولمان عشائر آرسندہ دخی نفوذینک علائمی کورلمش و بونلر ایچندہ نیجہ کیمسہ لر اسلامہ کلمشردی . بعض آوروپالی مؤرخلر اوزبک خانک دین اسلامی روسیہ نیک ہر طرفندہ نشرایتمک آرزوسندہ بوللمش اولدیغی روایت ایدرلر ؛ فقط حقیقتدہ مغوللر روسیہ دہ ایکی یوز سنہ قدر حاکم مطلق صورتندہ بوللمش اولدقلری حالہ او مملکتک اہالی اصلہ سی اوزرندہ - و ہر حالہ دیانت مادہ سندہ - پک آرز نفوذ اجرا ایشلردی . بوندن ماعدا شایان دقت مواددن بولندیی اوزرہ اوزبک خان منسوب اولدیغی دینک انتشاری امرندہ کی غیرتہ رغماً خرستیان تبعہ سی مواجہہ سندہ صوک درجہ دہ حریت پرور و مساعدہ کار بولنور و آنلرک آیین دینیلرینک اجراسنہ ہیچ مداخلہ اتمز و حتی حدود حاکمیتی داخلندہ خرستیان میسیونہرلرینک فعالیت ارشادیدہ بوللملرینہ بیلہ مانع اولمازدی . مسلمانلرک حریت مذہبیہ اولان رعایتلرینی کویسترن شایان دقت و ثناءدن بریسی دہ اوزبک خانک ۱۳۱۳ ( ۷۱۳ ) سنہ سندہ متروپولید ( پترو ) یہ ویرمش اولدیغی فرماندرکہ برروس تاریخندن [ ۱ ] بروجہ زیر نقل ایدیلور :

« بن کہ اللہ تعالینک ارادہ سی ، قدرتی و عظمتی سایہ سندہ اوزبک خانم . بویوک ، کوچوک امرامزہ شویلہ جہ خطاب ایلرم کہ پترونک رئیس بولندیغی کنیسایہ و آنک خدام و سالکلرینہ ہیچ برکیمسہ حقارتدہ بولنیہ ؛ ہیچ برکیمسہ اوکنیسانک اموال و املاکنہ و یا افرادینہ ید تجاوز اوزاتمہ ؛ چونکہ بونلر مقدس صاییلورلر . او یولدہ مداخلہ دہ بولنان و فرمائزده معین حکمہ تجاوز ایدن برکیمسہ حضور الہی دہ مجرم اولور و غضب ربانی حس ایلر و ظر فرزدن اعدام جزاسنہ محکوم قالور . مترہ پولید سلامت و سعادت اوزرہ بولنسون ، کنیسی و مرخصلری عادل و مستقیم برقلب ایلہ کافہ امور کنیسائیہ بی تنظیم ایلسون و قرارلر ویرسون . شوراسنی دہ قطعیت رسمیہ ایلہ بیان ایدرم کہ نہ بن ، نہ دہ اولاد و احفادمز و نہ دہ دولتمزک امراسی ، ممالکمزک ولاتی مترہ پولیدلکک و کنیسانک

[ ۱ ] قارامزین نام مؤرخک فرانسزجہ اولہرق نشر ایتدیکی Histoire de

l'Empire de Russie عنوانی کتابندن

ایشلرینه ویا آکا عاند اولان نواحی یه، کویلره، قاره و صوصید کاهلرینه، آری قووا-  
 نلقلرینه، اراضی یه، چایلره، اورمانلره و کندی بکچی و محافظلری آلتنده بولنان یلره،  
 باغلره، دکرمنلره، ماندره و آغیلاره، خلاصه کنیسانک ماملدکنه مداخله ایتیه جکزر.  
 متره پولیدهر آن مستریح القلب بولنسون واستقامت وجدانیه ایله بزم ایچون و اولادمن  
 و ملتتمز ایچون جناب حقه دعالر ایتسون. خراجلر، کهرک عائداتی، ترلا  
 سورومی و یوللر خرجی، منزل حیواناتی اعطاسی کبی تکلیفات وضع ایدلیدی  
 وتبعه من آره سنده عسکر طوبلانق اقتضا ایدیدی و قتلرده بویوک کلیساردن  
 و متره پولید پترو ایله آنک رهبانی طرفلرندن هیچ برشی آلمیه. رهباندن غضب  
 ایدیلن هرشی اوچ مثلیله اعاده ایتدیریه جکدر. قانونلری، کلیسالری و مناسترلری  
 تعرضدن مصون قالسون. هر کیم آنلرک دینی ذم و تقییح ایلرسه هیچ بروجهله  
 کندیسنی معذور کوسترهمز؛ ایوله بر کیمسه اعدام ایله تجزیه ایدیلور. رهبان  
 ایله برلکده ساکن اولان و بر سفرده طعام ایدن اولادلری و قارداشلری دخی  
 اشبو امتیازاته نائل اوله جقلردر. «

بونلرک بیهوده سوزلر اولمدینی و وعد ایدیلن مساعدات حریتپروراننک  
 کسب حقیقت ایدیدی، اوز بک خانه پاپا یکر می ایکنجی (ژان) طرفندن ۱۳۱۸  
 تاریخ میلادیسنده کوندرلش اولان بر مکتوب مألپله اثبات ایدیه بیلور. پاپا،  
 اومسلمان امیرینه اولان مکتوبنده تبعه خرستیانیه سی حقنده کوستردیکی الطافدن  
 و آنلر حقنده کی معاملات حسنه سندن طولانی بیان شکرانیت ایلشیدی.

آکلاشیلدیغنه کوره اوز بک خانک احفادی نه کندیسنی قدر اسلامک  
 انتشاری خصوصنده هوسکار ایدیلر، نه ده آنک مقتدر اولمدینی احوال تبشیریه ده  
 کسب موفقیت ایده بیله جک درجه ده بر قابلیته مالکدیلر. روسلر ویر کولرینی  
 تأدییه ایتدکلری مدتجه کندی آرزولری و جهله آیین دینی اجراسنده تمامیه  
 حر بر اقلمشلردی. هم ده روسلری جدلرینک مذهبندن چویرمه که غیرت ایدلمش  
 اولدینی فرض ایدلسه بیله خرستیانلق آرتق آنلرک حیاته غیر قابل انفکاک  
 بر صورتده حلول ایلشیدی و چونکه خرستیانلق - داها مغوللر روس حدود  
 ممالکی داخنده یلشمزدن اوچ یوزسنه قدر مقدم - روس خلقی ایچون بر مذهب  
 ملی سکنلی ایلشیدی.

آندن دها برخیلی سنلر مقدم روسلری اسلامیت ایچون قازانمغه چالیشمش دیگر برقوم دها واردرکه بونلر دخی عین وجهله موفقیت استحصالندن محروم قالمشردی . بو قوم اونجی قرن میلادی ده وولغا سواحلنده ساکن اوئمش بولنان و بولغار جنسندن اولان اهل اسلامدی . بو بولغار مسلمانلری دها اولجه کورک و سائر شمال حوالیسی اشیاسی اخذ واعطاسیله مشغول اولان مسلمان تاجرلری واسطه سیله اهتدا ایشلردی ؛ اهتدالری ۹۲۱ ( ۳۰۹ هـ ) سنه سندن اول وقوع بولمش اولسه کر کدر . اوتاریخده خلیفه (المقتدر) بونلرک اهتدالری تصدیق ایتمک ، احکام و اوامر اسلامیه حقهده ارشاد اتده بولمق مقصدیه نزدلرینه بر هیئت مرخصه کوندرمشدی . بومهددی بولغارلر او زمان روسیه حکمداری بولنان ولادیمیری اهتدایه سووقه چالیشمشلردی . بروس وقعه نویسنک افاده سنه نظراً ولادیمیر سالک اولدیغی مذهبندن دها عالی بر دین اتخابنه لزوم حس ایتمش ایدی . مسلمان بولغارلر تشبثات اهتدائییه ده موفق اوله مدیلر ؛ زیرا ولادیمیر ، ختان اصولنک تطبیقنه موافقت ایتمکدن باشقه روس خلقی ایچون حیاتک باشلیجه بر ذوقی عد اولنان شرب خمرک منع ایدیله بیله جکنه امکان کورمه مشیدی . کذلک کرک ولادیمیری ، کرک روس خلقی موسویته ادخال ایچون بحر حزر جوازنده کی حزرلر مملکتندن کلن بریهودی هیئتی دخی مقصدینی استحصال ایدمه مشدی . [۱] ولادیمیر بونلرک تبدیل دین ماده سنده کی دلائل قناعتجویانه لرینی دیکلد کدن سو کوره وطنلرینک زهسی اولدیغنی صوردی ؛ آنلرده « قدسدر ؛ فقط غضب الهی بزى بوتون دنیا اوزرینه طاغیتدی . » دیدیلر . ولادیمیر « اویله ایسه سز اللهمک لعنته دوچار اولمشسکز دیمکدر ، حال بویله ایکن باشقه لرینه طریق حقی نصل کورسته بیلور . سکز ؛ دفع اولک بورادن ؛ بزده سزک کبی وطنسز اولمق ایسته میز » دیه یهودی هیئت تبشیریه سنی تزدندن چیقاردی . ولادیمیرک اوزرنده ک ای تاثیر اجرا ایدن بروم پاپاسی ایدی . بو پاپاس آنک حضورنده دیگر مذهبلی ایجه تنقید ایتد کدن سو کوره خلقت عالمندن ، نزول نبی آدمندن باشلیه رق روم [۱] ابو عبیدالبکری نام مؤلفک قفقاسیا و شمالی روسیه خلقی حقهده کی ملاحظاتنک ( دوفره مهری ) نام ذات طرفندن ایدیلن فرانسزجه ترجمه سندن



کینسیاسنک یدی ( او کومانیک ) مجالس عالیة نصرانی احکامنک قبوله قدر خرسیانلغه عائد موادی آکا شرح ایلدی و صوکره اهل ثوابک جتته دخولنی واصحاب ضلالتک جهنمه القاسنی کوسترن بریوم محشر تصویری عرض ایتدی . و افتیز ایدلمکه موافقتده بولندیغنی تقدیرده کندیسنه مقام جنت توارثنی وعد ایلدی . مع مافیله ولادمیر سالک اولدیغنی مذهب مجوسانه یرنده بردیگرینی انتخابده استعجال کوسترمک ایستمدیکندن اشراف دولتن مرکب بر مجلس عقد ایتدی . بوجاسده زردینه کلن هیئت مذهبیله مرخصلری ایله اولان مکالمه سنی نقل ایتدکن صوکره اعضانک زایلرینی صوردی . بولرده جواباً « افدمز ، هرکس کندی مذهبنی مدح ایدر . اکر او مذاهدن بریسنی انتخاب ایتک آرزوسنده ایسه کز عاقل کیمسه لردن مرکب بر هیئت تشکیلی ایله مختلف مملکتلره کوندررسکزر . بویله بر هیئت ملتر آره سنده هانکیسنک اللهه لایق و جهله احترام کوستردیکنی او کرنسون » دیدیلر . روس حکمداری عقل وادرا کیله ممتاز اون کشتی بی بالانتخاب یوله چیقاردی . بوهیئت اعضاسی بولغار مسلمانلرینک بولندقلری یرلرده سفلی کورونیشلی عبادتخانه لر ، قسوتلی عبادتله و دونوق یوزلر کوردی . آلمان قاتولیکلری آره سنده کی آیین مذهبی مراسمنی عظمت وودبده دن عاری بولدیله . عاقبت قسطنطنیه شهرینه کیتدیله . اوراده کی ایمراطور وصولرندن خبردار اولنجه « کلسونلر ، بزم اللهمزک شانی کورسونلر . » دیدی . روس هیئت سفارتی آیاصوفیه یه کوتورلدی . اوراده بطریق کویا - مثل عیسی ایمش کبی - بویوک رهبانیت قفتانی لابس اولدیغنی حالده آیین مذهبی اجرا ایتدی . بنانک حشمت و لطافتی ، رهبانک قیمتدار کسوه لری ، منبرلرک تزیناتی ، بخوردانلردن چیقان روایح طیبه ، جماعتک سکوت و سکونت احترامکا - ریبی و اسرار انکیز آیین مراسمی یابانی روسلری حیران ایتدی و فکرلرینی حیرتله طولدیردی . بو معبد آنلره جناب حقک مکانی ایمشده اوراده عظمت الهیه سنی فانی انسانلره کوسترمک ایستورمش کبی کلدی . مرخصلر مملکتلرینه دوندیله و کییه شهرینه وصولری عقبنده حکمدارلرینه وظیفه لرینک تفصیلاتی ویردیله و بومیانده اسلامیت حقنده محقرانه بیاناتده بولندیله و قاتولیک مذهبندن

بحث بيله ايتمك ايستمديلر ؛ آنجق اورتودوقس كنيساسنك مدايخنده پك خواهشلى كورنديلر و علاوه كلام اوله رق : « دؤداقلىنه طاتلى طوقونان بر كيمسه آجى بر شيئك تجر به سنى ايتمك ايستمز . مادامكه اورتودوقس كنيساسنك مذهبنه واقف اولدق . باشقه بر مذهب ايسته ميز » ديديلر . بونك اوزرينه ولادمير اشرف و اعيان مملكتى ايله بر كره داها مشاوره ده بولندى ؛ آلردم « اكر اورتودوقسلىق بوتون مذهبلك اكي ايسى بولنماش اولسه ايدى بزم كبي فانيرك اكي عقلىسى اولان والده كز اولغا اومذهبي قبول ايتمش اولمازدى » ديديلر . بونك اوزرينه ولادمير داها زياده تردد ايتكسز ين ۹۶۶ تاريخ ميلاديسنده كندى خرسيتيانلغنى اعلان ايتدى و رسم تعميدنىك اجراسى كونى اجدادينك تعبد ايدم كلدىكى اصنامى يره آتيردى و اصدار ايلدىكى بر اراده ايله ولى ويا اسير ، غنى ويا فقير بوتون روسلك خرسيتيان دىنى وجهله واقفتر ياپديرملرىنى امر ايلدى [۱] .

بويهجه خرسيتيانلق روس خلقنك مذهب مليسى اولمشيدى . مغول استيلا- سندن زمانمزه قدر روسلرله تاتارلرى ايران بر چوق مى اوصاف مابينه بولنه كمشدر . بو افتراق ، تاتار بويونديرىنى روسلر نظر نده پك منفور طومش ، روسلرى مذهب متخذلىنه شدتله ربط ايتمش ، تاتارلرده ايسه ترويج دين غيرتى مفقود بولنديغندن تابع اولان روس قومى فاتح اولان تاتارلك ديننى قبولدن استنكاف ايدم كمشدى . بالخاصه مسكراتك شرعاً ممنوعيت استعمالى اسلاميتك روس ماتى طرفندن قبولنه بر عارضه مهمه تشكيل ايتمش اولديغى فرض ايديلور .

آكلاشيلديغنه كوره روسيه ده (۱۹۰۵) سنه سنده حریت مذهبيه بياننامه سى نشر اولنوبده مسلمان پروپاگاندا سى بر فرصت فعاليت بولنجه يه قدر روسلر آره سنده اسلامه كلك ايستينلر كورلمه مشدر . آندن سوكره وقوعه كلدىكى ظن ايديلن اهتدالر ايسه تاتارلك مهتديلره كوستردكلرى معاونت ماديه نك

[۱] قارامزىنك اولجه عنوانى ويريلن روس تاريخندن .

جاذبه‌سنه و مسلمانلرده کی قوهٔ اخلاقیه‌نک نفوذینه عطف ایدلمشدر [۱].

مع مافیه روسیه‌ده کی تاتارلرک اعصار سالفه‌ده انتشار اسلامیتی ترویجده تمامیه غیر فعال طاوراندقلری طوغری برادعا دکلدز . کندیلرینه تاتار دینلن قریم مسلمانلری آره‌سنده ( نه‌لینوز ) اشکال وجهیه‌سنی آ کدیرر یوزلر کورنمی قریم شبه جزیره‌سنده اسکی زمانلرده توطن ایتمس اولان ایتالیان وروم‌اهالینک هیئت‌اجتماعیهٔ مسلمینه قلب و مزج اولوب کیتدکلری فکرینی میدانه کتورمشدر . قریم خلقی آره‌سنده ، اسلامه کلش اولان اهالی اصلیه ایله جنویز مستملکه‌جیلری احفادینک علائمی کوریلور [۲]. اون یدنجی قرن سیاحلرندن بری قریم تاتارلرینک اللرینه دوشن اسیرلری اهتدا شرطیه آزاد ایلمکی تعهدده بولنه کلدکلرندن طولایی برچوق اسیرلرک اسلامه سالک اولدقلرینی یازمشدر [۳]. حریت دینه‌یه دائر ۱۹۰۵ سنه‌سنده نشر اولنان مذکور روس ایمپراطورلنی بیاننامه‌سی اوزرینه قریمک غیر مسلم تاتارلری آره‌سنده اهتدالر وقوعه کلشدر .

لیتوانیا مملکتنده کی تاتارلردن ده برنبده بحث ایدلمک مناسبدر ؛ شویله که : تاتارلردن برطائنهٔ صغیره افرادی اون بشنجی قرن میلادینک مبادیسنده او مملکته کیتمشدر و توطن ایلمشدری . بومسلمان مهاجرلری کاملاً خرستیان برخلق اورتیه‌سنده ساکن اولدقلری حالده اسکی مذهبلرینی محافظه ایلمشدرر ؛ لکن - احتمالکه اسباب سیاسیه‌دن طولایی - قومشولری آره‌سنده ترویج اهتدا تشبثاتنده بولنمامشدری . بونلرک لیتوانیالی ولهستانی قادینلرله ازدواج ایدنلری کوردیکی مختلط ازدواجلردن طوغان چوققلرک مسلمان اوله‌رق یتشدرلدیکی حالده هیچ برمسلمان قادینک خرستیان ارکک ایله زوجی وقوع بولمامشدر . اون بشنجی قرنده لیتوانیا غران دوققلری عسکرلری آره‌سنده بولنان تاتارلرک خرستیان قادینلریله تزوجلرینی ترویج ایدرلر ، آنلره اراضی دخی اعطا ایدرلر و امتیازات ساآرده بولنورلردی .

[۱] لوندرده چیقان The Moslem World عنوانی انکلیز میسیونره‌رایکی رساله‌سنه ( بوب رونیقوف ) نام محررینک یازدینی بر مقاله‌دن .

[۲] فرانسز عالمی ( نه‌لیزه‌ره‌قلو ) طرفندن مترتب Nouvelle Géographie Universelle عنوانی اثردن

[۳] ژان دولوقا نام محررک Relations des Tartares عنوانی کتابندن

اسلامده کی میسیونه رلک تاریخنک حیرته شایان وقایعندن بریسی ده آسیای وسطاده کی قیرغیزلرک تاتار ملالری طرفندن هدایته سوق اولمغزیدر . اون سکزنجی قرن میلادی ده بومالار روسیه حکومتک آدلری صفتیه قیرغیزلر آره سنده اسلامیه دائر وعظلم ویرمشلردی . قیرغیز مملکتی ۱۷۳۱ (۱۱۴۴هـ) سنه سنده روسیه حاکمیتی آلتنه دوشمش ایدی . آندن یوز الی سنه صوکرده قدر قیرغیزلرله وقوعه کلن مخبرات تاتار دیلنده اجرا ایدلمش وقیرغیزلرک وولغا حوالیسی تاتارلریله همعرق بولندقلری ذهابی جاری اولمشیدی . روس حکومتنده بومناسبتله کوریلن خطای تفهمدن بریسی ده قیرغیزلرک مسلمان فرض اولنسی ایدی . حال بوکه بونلرک اکثریسی اون سکزنجی قرنه وحقی اون طوقوزنجی قرن اواسطنه قدر شامانی مذهب محوسیتنده ایدیلر . مملکتلری روس ایمپراطورلغنه الحاق ایدلیکی زمان قیرغیز خانلرندن یالکز برقچی مسلمانلق حقنده برنبده - اوده مههم صورتده - وقوفه مالکدی . واسع قیرغیز اووالرینک هیچ برجهتنده تک برمسجد ومذهب محمدی اوزره تعلیمه قادر تک برخواجه بیله بولمغوردی . قیرغیزلرک اهداسنه روسیه حکومتک آنلری مسلمان صائمی وبناء علیه حقلرنده مسلمان معامله سی اجرا ایتمی سبب اولمشدی . بومقصدله قیرغیزلر آره سنده روس حکومتک امریله مسجدلر یایدیرلمش وقیرغیزلر چوققلری تعلیم ایچون مکتبلر آچمق اوزره ملالر ارسال اولمشیدی . قیرغیزلر آره سنده اسلامیت پروپاگاندا سنک روس حکومتی طرفندن یایدیرلمش اولدیغنک غیر قابل اعتراض دلیلارندن بریسی ده آوروپای روسیه بیتیشک اولان قیرغیز ممالکنده کی خلقک داها اولجه مسلمانلغه گمش بولملری وحال بوکه خیوه ، بخارا وخوقند کی عصرلردن بری مسلمانلغه مرکز اولان یرلرده طولاشان قیرغیز افرادندن برچوققلرینک داها نیجه سنه لر صوکرده قدر شامانی محوسلغنده قالمغزیدر [۱] .

برخریستان حکومتک ترویج اسلامیت خصوصیتنده کی اشتراکی امثالسز

[۱] پروفسور غریغوریوف نام روس محررینک روسیه نک آسیای وسطی مسلک

حقنده انکلیزجه اوله رق نشر ایدلیکی Russian policy regarding Central Asia

عنوانی اثرندن



برخادر . علی‌الخصوص بوسیاستک التزام ایدلایکی دورلرده روسیه حکومتی  
 اروپا قطعه‌سنده متوطن بولان مسلمان تبعه‌سنه خرسیتیانخی قبول ایتدیرمه  
 چالیشمش ایدی که اصل ماده‌نک شایان حیرت اولان نقطه‌سی بوراسیدر .

اون طوقوزنجی قرن ابتدالرنده (توبولسق) حوالیسی ایله ترکستان  
 آره‌سنده امتداد ایدن بویوک اووالرده ساکن برچوق قیرغیز افرادی بتپرست  
 بولنیوردی . بونلرک تنصری ایچون میسیونه‌رلک مرکزی تاسیسی حقیقده  
 روس حکومتنه واقع اولان مراجعت حسن‌تلقی ایدلمه‌مشیدی [۱] . بوامتاعک  
 سببی اوله‌رق اوجه‌تدر خلقنک انجیلک دائره‌ عالیه‌سنه هنوز قبول ایدیلیمه‌جک  
 درجه‌ده ابتدائی و وحشی بولندیغنی سویلشیدی . مع مافیہ «باشقه بر دینک  
 مبشرلری برآز صوکرده اورالره کیتمه‌که مساعده‌ آلدیلر و داها زیاده غیرت  
 و طبیعت ناسی تفهمه قدرت کوستردکلرندن بوتون قیرغیز عشیرتی اسلامه  
 کیشدر» [۲] .

قازانک اون آلتنجی قرن میلادی‌ده روسلر طرفندن ضبطندن صوکرده  
 خرسیتیان میسیونه‌رلکی او مملکتده فعالیتیه باشلامش ایدی . بو خانلق داخلنده  
 ساکن بعض بتپرستلره وافتیز یاپدیرلدی و یاپاسلرک او بابده کی مساعیسی حکومت  
 پولیسی و ملکیه مأمورلری جانبندن فعلاً التزام ایدلدی . شوو قدرکه روس  
 یاپاسلری ، مذهبلرینه کتورمه‌که چالیشدقلری خلقک لسانی بیلمدکلری و برمدت  
 صوکرده وظیفه‌لرینی اهل ایتدکلری ایچون ایش بردرجه‌یه واردی که - او بابده  
 وقوعه کلن بیانات رسمیه نظرأ - «تبدیل مذهب ایتدیریلن کیمسه‌لر  
 منفور تاتار عادت‌لرینی ینه محافظه‌دن حیا اتمه‌مشلر و خرسیتیان دینی طوتمق دکل ،  
 بیلمک بیله ایستمه‌مشلردی . وصایای روحانیه حکمنی اجرا ایتدینجه طرف  
 حکومتدن محلی مأمورلرینه بوآدملری تسکین و حبس ایتک و زنجیربند ایتک

[۱] روس چارلی اوتهدن بری کندی حدود مالیکی داخلنده نفاق دینی و فساد

سیاسی‌یه آلت اوله‌جق غرب میسیونه‌رلرینه یوز ویرمزدی . مترجم

[۲] قوسین آره‌سنده کی عباره ۱۹۱۱ سنه‌سنده لاقتاوشهرنده عقد ایدیلن

انکلیز میسیونه‌رلری قونقره‌سنگ برلایحه‌سندن آلتیشدر .

واورتودوقس متره پولیدینک اخطاراتنه اطاعت ایتمیلری قورقیدوب کندیلرینه تاتار مذهبنی اونوتدیرمق « ایچون امرلر ویرلمشیدی .

اون سکزنجی قرنده روس حکومتی محوسی عشایری و تاتارلرک دینلرندن صامش اولانلرینی خرستیانلغه سوق ایچون مساعی جدیده صرف ایتمش و بونلرک وافتیزلرینی وجوده کتورمک اوزره بر چوق مواعید اقلعهده بولمشیدی . ایکنجی قاترین ۱۷۷۸ سنه سنده اصدار ایلدیکی . براخطار نامه ایله یکیدن دینه کلنلرک بر تعهد نامه امضا ایلملرینی و بونده « ضلالتکارانه اولان اعتقادات اصلیه لیرینی تامیله براقدلرینی ، و خرستیان اولیانلرله اختلاطن اجتناب ایلدکلرینی ، مذهب نصرانیت ایله آنک قواعد عقائده سنه غیر متزلزل صورتهده مربوط قاله جقلرینی صراحة بیلدیرملرینی » امر ایتمشیدی . بوتون بوتداییره رغماً کویا « وافتیز ایلمش تاتارلر » دینلن کیمسه لر یالکز اسماً خرستیان اولمشلر و آره سی چوق کچمکسزین اورتودوقس پروپاگاندا جیلنی فعالیتدن قورتمق ایچون چالیشمشلر و مسلمانلق اوغورنده خرستیانلغی ترک ایتمک ایستمشلردی .

شبهه سز بو قبیل اشخاص سجلات رسمیهده خرستیان اولمق اوزره قید ایلمشلردی ؛ آنجق بونلرده کندیلرینی خرستیان ایتمک ایچون وقوع بولان هر دورلو تشبثاته قارشو بویوک بر عزم ایله طیانه کمشلردی . نیم رسمی صورتهده یازدیریلوب ۱۸۷۲ سنه سنده نشر ایتمیش اولان بر مقاله مخصوصهده شو سوزلر مندرجدی :

« شایان دقت بر حقیقتدرکه خرستیانلغه کتوریلنلرک تصدیق ایمانلری حقیقهده کی تشبثلر بر طاقم ارتداد علنیلرله بر لکده واقع اولمقدهدر . بناءً علیه تامیله عکسی امید ایلدیکی بر صرهده بو یولده کی ارتداد حادثاتی وجوده کتورن بعض اسباب ماثله بولنسه کر کدر . »

حقیقت حال شووجهلهدرکه بونجه زماندن بری قلباً مسلمان قالمش اولان بوتاتارلر ظاهری اولهرق اتخاذهنه مجبور قالدقلری خرستیانلغک تصدیق رسمی ایله بر حقیقت شکننه وضعی ایچون وقوعه کلن تداییره مقاومت کوسترمک ایستمشلردر [۱] . مع مافیه اون طوقوزنجی قرنک قسم اخیرنده مذکور محوسی

[۱] ما که نزی وولاس نام انکایز محررینک Russia عنوانی کتابندن .

ومسلمان طائفه لر آره سنده مکتبلر تأسیس ایلمک طریقیله استحصال تنصر لرینه کثبث اولمش و بنابرین نسل جدیدک اورتودوقسلق ایچون قازانلیسی امید ایلمشدی ؛ چونکه باشقه وجهله نصرانیت ایچون تاتارلغک قلبکانه برمدخل الده ایتک ممکن اوله مامشیدی . بو مناسبتله بر روس عالمی شو سوزلری ایراد ایتمشدر : « قازان خلقنی قازانمق پک زوردر ؛ فقط اووالرده کی کویلر ایچنده بر قافله نوزاد بولور و آنره محافه اللهی تعلیم ایده بیلورز . آنلر بر کره بزمله قاریشقدن صوکره هیچ بروقت رجوع ایله مزملر . » [۱] البته رجوع ایده مزملر لردی ؛ چونکه روس قانون جزاسی اورتودوقس کینساسندن افتراق ایدنلر حقنده شدتلی احکام تجریمیه نی حاوی ایدی . بوقانون موجبنجه خرستیانلقدن اسلامیه کیره بیلیمک برشخصک حقوق مدنیه دن اسقاطنی وسکزدن اون سنه یه قدر خدمات شاقه ایله حبسنی امر ایدیوردی . بو مناسبتله بر فرانسز مؤلفی دیرکه : « آوزوف کوینک تاتارلری اورتودوقسلیغی بر اقدقلرندن طولانی قازان محکمه سی حضورنده محاکمه ایلمشلردی . کویلر دایما مسلمان قالدقلرینی اعتراف ایدرلر . بونلردن یدیسلی مرتد صفتیه خدمات شاقه ده استخدام کبی آغیر بر جزا ایله وبر چونغی سبریا به نفی ایلمک اوزره محکوم اولورلر . » [۲] روس حکومتک اوباده کی مقررانه رغماً اسلام پروپاغانداسی برچوق کویلرک خلقنی - وخاصة روسیه نک شمال شرقی حوالیسنده کی کویلر اهالیسنی - قازانمغه موفق اولدی .

قازان شهری بو تبشیر فعالیتک باشلیجه بر مرکزیدر . هر سنه اوراده اسلامیه متعلق برچوق نشریات وقوع بولور و مدرسه دن چیقان ملالرمه تدی قازانمق ایچون بتپرست کویلرینه کیدرلر و کندیلرینه و افتیز ایتدیرمش اولان تاتارلری اسلامیه عودت ایتدیرمه چالیشورلر . صف اسلامیه کچوب کیدن بوخرستیانلاشدیرمش تاتارلرک چوقجه کورنمسی اورتودوقس ره باننی تلاشه دوشورمشدی ؛ فقط ملالرک موفقیت اهتدائیه لرینه قارشو وقوع بولان تشبثات ره بانیه مشمر

[۱] هه پ وهرث نام انکلیر محررینک Free Russia عنوانلی کتایندن .

[۲] فرانسز عالمی (لهروا بولیو) نک L' Empire des Tsars et des Russes

عنوانلی چارلق وروسلا حقنده کی اثرندن .

اوله‌مدی. بالخاصه ۱۹۰۵ سنه‌سنده وضع ایدیلن مساعدات دینه قرارنامه‌سندن  
 صوکرده کومه‌لرله مهتدیلر ظهوره کنگه باشلادی؛ مثلا ۱۹۰۹ سنه‌سنده  
 (آتوموا) قصبه‌سنده طوقسان عائله افرادینک اسلامه کچدیکی ذکر ایدیلور.  
 ۱۹۰۶ ایله ۱۹۱۰ سنه‌لری آره‌سنده اوتوز بش بیک کشینک اهتدایتمش  
 اولدینی مرویدر. روسیه‌ده کوریلن بو پروپاگاندا فعالیتک موفقیتی، اکثریت  
 اوزره مسلمانلرک سویه اخلاقه‌لرنده کی تفوقه عطف ایدیلور. بوندن ماعدا  
 «خرستیان تاتارلر» اسمی ویریلن کیمسه‌لری داها زیاده اورتودوقسالاشدیرمق  
 ایچون روس ره‌باننک چارلق حکومتی مظاهرتیله چالیشماری تاتارلر آره‌سنده  
 دین نصرانیتی داها زیاده اعتباردن دوشورمشدی. دیگر طرفدن دخی مسلمان  
 پروپاگاندا سی بویوک برهمنه مقصدینه دوام ایدیوردی. «سادهدل و جاهل  
 برمسلمان بیله کندی دیننک بر میسیونه‌ری در. بوکی مبشرلرک قوتنه قارشو  
 طورمغه فقر و ظلمت جهل ایچنده بولنان مجوسی ونیم مجوسی طائفه‌لرده قدرت  
 بولنه‌ماز. بر چوق کویلرک وافتیز ایدلمش اهالی اصلیه‌سندن بعضلری قیش  
 کلنجه تریلیک ایچون قرای مسلمیه کیدرلر. بونلر اورالرده اسلامیه جلب  
 ایدیلورلر و یوردلرینه عودت‌لرنده عائله‌لری اوزرنده اجرای تأثیر ایده‌بیله‌جک  
 افکار اسلامیه‌بی متعصبانه صورتده ترویج ایلرلر.» [۱]

بومسلمان تبشیری فعالیتک نفوذی آلتنه دوشن طائفه‌لر (ووتیاق) لردرکه  
 بونلرک قسم اعظمی وافتیز ایدلمش خرستیانلردر. مع‌ماقیه بعضلری اون سکرنجی  
 قرنده واون طوقوزنجینک بدایت‌لرنده اسلامه جلب ایدیله‌بیلمشلردی. نفوذ  
 اسلام کرک بونلرک وافتیز ایدیلنلری کرک حالاً مجوسی قالان بقیه صغیره‌سی  
 آره‌سنده اجرای تأثیرده بر دوامدر.

شرمیس طائفه‌سی‌ده ووتیاقلر کی فلاندالی خلقتک منسوب بولندینی  
 عشاردندر. بونلر آره‌سنده بر چوق کیمسه‌لر اسلامه کلدکلری کی داها بر  
 خیلینک بودینی اتخاذا ایلرلی محتملدر. شرمیس‌لر ظاهراً خرستیان بولندقلری

[۱] روونیقوف اسمنده بر روس باباسنک انکلیز میسیونه‌ریکی رساله‌سنه یازدینی

مقاله‌دن مستخرجدر.



حاله آره لرنده اسلامیه طوغری کوریلن حرکت اون طوقوزنجی قرن ظرفنده باشلامشدی . اورتودوقس مذهبندن ماعداسنه دخولک ممنوعیتی حقنده کی قانونه رغماً شرمیس کویلیری ایچنده سبکنه سی تمامیه اهتدا ایتمش اولانلری کورلمشدر . بونلر - عائله عاداتجه و اصول اجتماعیه ده کندیلرینه بکزه یین - تاتارلر و باشقیرلرله یقیندن تماس ایدرک مسلمان اولمشدردی . بو حرکت اهتدائییه بعضاً مسلمانلرله عقد ایدیلن ازدواج مختلطدن نشئت ایئر . کویک برنده شرمیس عائله لرندن برینک افرادی باشقیرلرله ازدواجده بولمشلر و آنلرک دیننه کیرمشدردی . بو مهتدییر خرستیانلر ظرفندن « سنت ایدلمش کویکلر » تعبیری آلتنده یادایدیلرک تعدیاته دوچار اولدقلرندن بولندقلری کویدن چیقوب خیلی اوزاق بر مسافه ده بولنان بر محله ده بعض زنکین باشقیرلر ظرفندن ویریلن اعانه ایله کندیلرینه بریکی قرازگاه یا مشدردی ؛ فقط رسماً بتپرست اولمق اوزره مقید بولندقلرندن تمکن ایتدکلری یکی یرده بر مسجد انشاسنه رخصت چیقا - ردمیورلردی . بونک اوزرینه جوارده ساکن بعض باشقیر عائله لری او یکی کویه کیدرک اقامت ایتمشلر و بووجهله بر مسجد انشاسی رخصتنامه سی ایچون لازم کلن عدد نظامی یی تولدیر مشلردر . بو حال باشقه کویلر دده واقع اولمشدر . [۱]

اورالره دخی مسلمان افراد کیدر و شرمیسلرله تأهل ایدردی . دیگر احوالده دخی عاداتا مرتب و معین صورتده میسیونه رلک حرکاتی اجرا ایدلمشدر . شویله که : اون طوقوزنجی قرن بدایتنده قاره قول دینیلن کویده تمامیه خرستیان شرمیسلر ساکن اولیورلردی ؛ فقط اللی سنه قدر صوکره - اصلاً شرمیس اولان و دین اسلامه سلوک ایتمش بولنان بر کیمسه ظرفندن - بونلرک بر قسمی اسلامه سوق ایدلدی . بر مدت صوکره اوراده کی مهتدییر تاتار و باشقیر کویلرینه برر برر چکیلوب یرلشمشلر و بوش براقدقلری محللر تاتارلر ظرفندن اشغال اولنهرق تمامیه تاتارلاشدیرلمش و بعض کنجلردن ماعدا شرمیس لساننه واقف کیمسه قالمامشدر . ازدواجلرده آنجق تاتارلرله وقوع بولور . تاتار دینک شیوع استعمالی بونلر آره سنده اسلامیتک دینی و اخلاقی ذهابلرینک انتشارینی موجب

[۱] ار آرسلانوف اسمنده بر محررک موسقواده نشر ایتدیردیکی روسجه بر کتابدن مأخوذ .

اولشدر . تاتارلر کبی تلبس ایتمک ، داها یوکسک بر تربیه اجتماعیه کورلدیکنه علامت صایلدیغندن بویلهجه تلبس ایتمن بر شرمیس سواقده بر تاتاره راست کلنجه ضحک مستهزیانهیه معروض قالور . شرمیسلر اهتدادن صو کره پک غیور مسلمان پروباغانداجیسی حالتی آلمشلر و فعالیت تبشیریده تاتار زنکینلرندن یاردم دخی کورمشلردر . حال بوکه روسلر شرمیسلری اقوام عادیهدن تلقی ایله ذلیل طوتارلر وحتی بونلرک خرستیان قالانلری حقتده بیله الفاظ مستهجنه قوللانورلر . شرمیسلرک ربی حالاجوسی ایسهده بونکده اکثریت اوزره مرور زمانه اسلامه کلهجکی ملحوظدر .

عدد نفوسی بر میلیونه بالغ اولان جوواشلر کاملاً وافتیز ایدلمشلردی . بونلر آرهسنده مجوسی قالان یکریمی بیک کشیک برطائفه افراندن بعضلرینک اسلامه کلدکلری کورلدیکی کبی خرستیان جوواشلر آرهسنده دخی نفوذ اسلامیت تدریجاً حکمنی اجرایه باشلامشدر . جوواشلردن اولان مهتدیلرک درجه غیرت دینهلرینه شونکلهده حکم ایدیه بیلورکه برجوواش کونک پاپسی کلیساسنک تعمیرینه مقتضی اولان پاره ایچون برچوق سنه لر اوغراشهرق آنجق اوچ یوز روبیه طولایه بیلدیکی حالده اسلامه کلن سکز جوواش عائلهسی ایچون برقاچ آی ظرفنده ایکی بیک روبیه اعانه جمع ایدیلویورمشیدی . بوکبی فعالیت خیریهیه مهیا بولنق اورالرک عشائر اصلیهسی آرهسنده اجرا ایدیلن مسلمان پروباغانداسنک اوصافنددر . اهتدا ایدن هرعائله یا تقدماً ویا عیناً معاونت کورر ؛ مثلاً برعائله ایچون او یاپدیریلور ، دیکری ایچون ترلا و موواشی ویریلور ، اکر برکویده متعدد عائلهلرک اهتدالری وقوعه کلورسه آنلر ایچون برجامع وچوجقلری ایچون برمکتب یاپدیردیگی کوریلور .

سبریادهکی تاتارلر آرهسنده اسلامیتک صورت انتشارینه کلنجه : —  
 بوبابده پک آز تفصیلات بوله بیلدک . اسلامیت آنجق اون آلتنجی قرن صوکلرنده او مملکته برپای دخول آتیه بیلمشیدی . مع هذا آندن مقدم دخی مسلمان مبشرلری مجوسیلر آرهسنده مهتدی قازانه بیلیمک امیدیه زماندن زمانه سبریایه کیرمشلردی . قوجام خان دورنده سبریا قطعیهسی حاکمیت اسلامیهیه

کیچنجه بخارالی اختیار بر شیخ، دین اوغورنده شهید کیدن مبشرین قدیمه دن. یدی کشینک قبرلرینی تحری ایتدیرمش و خاطره لرینی فعلاً احیا ایلک ایستمشیدی. بویدی کشینک اختیار شیخ طرفندن ویرلمش اولان اسملری زمانمزه قدر سبریا مسلمانلری جانبدنن تکریم ایله یاد ایدیله کلشدر. جنکیزک بویوک اوغلی جوجی خانک احفادنن بولنان بو (قوجام) خان تقریباً ۱۵۷۰ (۹۸۷۵) سنه سنده یاقق فتحدن ویا رئیس لرینک وارثسز اوله رق وفاتندن طولای یرلی خلقک طلبنه بناء سبریا به حاک اولدینی وقت یکی تبعه سنی اهتدایه سووقه چالیشمش و بو دیندارانه حرکته معاونتلرینی کورمک ایستدیکی مبشرلری بخارادن ایستمشیدی. [۱] اورادن کلن میسیونه لرلر دن بریسی بر آرقداشیله ایرتیش نه ری ساحلرلر نده بولنان قوجام خانک مرکز حکومتنه اولان سیاحتی حقنده بر آز معلومات بر اقلشدر. شوپله که : آرقداشی اورایه وصولدن ایکی سنه سوکره وفات ایتمش و کندیبسی معلوم اولمان اسابدن طولای مملکتنه دوئمش ایسه ده او وقت قوجام خان بخارادن بر کره ده معاونت روحانیه ایستدیکندن آز بر مدت سوکره موقع فعالیتنه باشقه بر معاون ایله بر لکده تکرار کلمش ایدی. [۲] سبریا به قازاندن ده مبشر کلشیدی. لکن قوجام خانک امر اهتداده بویوک موفقیتلره نائلیتندن اول روس استیلا سنک سیلرلی سبریا یی باصمش و آنک فعالیتنه ده خاتمه چکامشیدی.

مع مافیله او مملکتده اسلامیتک توسعی ینه انقطاع کلی یه اوغرادیله مدی . بخارادن کیدن ملالر ، قازاندن کیدن تاجرلر سبریا ده اسلامیتک مبشرلکی خدمتی ایفایه فرصت بوله کلشدردی . ایرتیش ایله اوب صولری آره سنده کائن حوالی ده کی باربارا تاتارلری ایچنه طوغری ۱۷۴۵ ( ۱۱۵۸ هـ ) سنه سنده برمدخل اسلامیت بولنه بیلمش ایدی . فی الواقع بونلرک برچوغی اون طوقوزنجی قرن ابتدالرنده حالا مجوسی ایدیلر ؛ فقط الیوم کاملاً مسلماندرلر . سبریا ده کی

[۱] موله ر نام آلمان مؤلفنک Sammlung Russischer Geschichte عنوانلی روس تاریخندن

[۲] رادلوف نام آلمان محررینک Aus Siberien عنوانلی سبریا به سیاحتی حقنده کی

قيرغيزلرک صورت اهدالرندن اوجّه بحث ايدلمشدى . دىگر سبريا اقوامى آرهسنده كى اهدالرك تاريخلىرى پك مظلوم ومهمدر ؛ آنحق او اهدالرك تاريخ اعتباريله يكي وقايعدن بولملىرى دخى محتملدر . شاين دقت مواددن اولمق اوزره اسلاميت پروباغانداسنده قيرغيزلرک مى شرفيلرينك دخى برواسطه اتخاذايدلدىكى ذكر اولنور . اسلاميتك حقايق اساسيهسنه عائد اولان شيلر قصص وروايات ايله قاريشديرئش برصورتده عوام ناسك قىلارنده ير بولمشدر .

---



### هندستانده انتشار اسلامیت

هندستانك مسلمانلر طرفندن استیلاسی و او مملكتده قوای حاكمه اسلامیه نك تأسس و تعالیسی حقتده كرك اسكى زمانلرده كرك ادوار اخیرده تاریخ یازان برچوق كیمسه لر بولمشدر؛ فقط بو آنه دكین - اسلامیت سالككرینك موفقیات عسكریه و اجراءات اداریه لرندن آری اوله رق - بو دینك صورت انتشارینی یازمغه تشبث ایدن هیچ بر كیمسه كورولمه مشدر. فی الحقیقه بویه بروظیفه نك درعهده ایدلمسی يك چوق كیمسه لر ایچون امکان خارجنده در؛ چونكه هندستان، اسلامیتك تأسسنه و دوام موجودیتنه - اجنبی دن بولنان و اوراده یرلشن - فاتح ملترك خدمت ایتمش اولدقلى باشلیجه بر یر صورتیه كوستریلور و بو ائم فاتحه نك دینلرینی كندی محافل مخصوصه لرینك خارجنده و یالكز تعدیات اجباریه و ساططیه نشره موفق اوله بیلدكاری ذكر ایدیور. بویه جه اسلامده كی روح تبشیرك شكل حقیقیسی یالكز محمود غزنوینك بر اهنملری غدارانه صورتده قتل ایتدیرمسنده ویا اورنك زیبك مظالمنده یاخود حیدر علی ایله تیپو سلطانك غیر مسلم هندیلری اجرای ختانه اجبار ایلمسنده تبین ایتمش فرض اولنور.

هندستانده كی آتمش آلی میلیون [۱] اهل اسلام آره سنده بولنان مهتدیلك و مهتدی احفادینك عددی بك واسعدر. بونلك اسلامه كیلرنده جبرك هیچ بردخلی بولنماش و حال فعالیتده اولان نفوذ اهتدا آنجق حلیم و ساكن مبشرلك تعلیمات و اجرای اقناعاتدن انبعث ایلمشدر. بوقیل مهتدیله برحزب مخصوص تشكیل ایدرلر و هندستان خلقنی تشكیل ایلین عناصر مختلفه و منفك آره سنده جبراً اسلامه كتورلمش اولانلرله سائر مهتدیله ردن قولایلقله تمیز ایدیله بیلورلر.

[۱] مؤلف زیر صحیفه ده بو عددی ۱۸۹۱ سنه سی تحریر نفوس قیوداتندن آلدیغنی سویلیور. ایوم عدد مسلمین هم تزايد تولد، هم ده دائمی اهتدالردن طولانی یتمش ایکی میلیونه بالغ بولنیور. مترجم

بوتون مسلمان جماعتی - کنڈیلریلہ برلکدہ دینلرییہ دہ ہندستانہ کتورن - اجنبی عرقی ایلہ اوٹملکندہ اسکیدن بری موجود اولان وتاریخک مختلف ادوارندہ مختلف اشکال اقناعیہ آئندہ اہتدا ایدن کیمسہ لردن مرکب اولمق اوزرہ ایکیہ تقسیم ایدیلہ بیلور .

اجنبدن اولان متوظئر باشلیجہ اوچ صنفدن عبارتدر . برنجیسی - وعدد اعتباریلہ اک مهمی - شمال غربی حدودی طریقہ کلش اولان مهاجر لردر کہ بونلردہ اک زیادہ سیند ونجاب حوالیسندہ بونلور لر . سوکرہ متعدد مسلمان خاندانلرینک سرای واوردولری ارکاننک احفادی کلور کہ بونلردہ بالخاصہ ہند بالادہ و - بعض مرتبہ کثرتہ - دقکان دیارندہ ساکندر لر . آریجہ برحزب مسلمین داہا واردر کہ اودہ غرب سواحلی بویندہ بونلور واصلأ عرب عرقندن منشعب اولسی محتملدر . بونلرک اجدادی ہندستانہ بحرآ کچمشلردی . یابانچی عرقندن اولان مسلمان عائلہ لری پنجاب ایلہ جواری حوالیسندن باشقہ یرلردہ کثرتہ کورولمز . ہندستان مسلمانلرینک همان یاریدن زیادہ سی شیخ ، خان ، یغ (بک) وحی سیدکی صراحتہ اجنبی عرقلرہ مخصوص اولان القاب ایلہ توسیم ایدمش ایسہ لردہ بونلرک اکثریت عظیمہ سی یرلی مہتدی لردن ویارلی مہتدی احفادنن اولوب کنڈیلریی اسلامہ سوق ایدنلری وانتساب ایلدکلری مسلمان اصیلزادہ لکنک یوکسک عنوانلریی - حتی پکدہ مسلم اولیان اسبابدن طولای - کنڈیلرییہ مال ایدمشلردر . مملکتک یرلی مہتدی لردن بولنان بو صوک صنفک برقمسی لاجرم اجبار وتضیق رسمیدن ناشی تبدیل دین ایش بولندیی حالہ قسم اعظمی اختیار ذاتی و آرزوی وجدانی ایلہ دائرہ اسلامیتہ کیرمشدی . حرکات تبشیریہ نک تاریخی وبونلرک اہتدالریی وجودہ کتورن نفوذ اجتماعی شیمدی یہ قدر پک آز بردر جہدہ نظر دقتی جلب ایش وعمومک ایدی قرائتہ موضوع اولان تواریخک - کرک آوروپالیر کرک یرلیر طرفلریندن یازمش اولسون - اکثریسی صرف محاربه لرک ، سفر لرک وموفقیات امرانک قیدینہ انحصار ایلدیکندن بونلر درونندہ زمانک حیات دینہ سی - اکر تعصب وعدم مساعدات شکندہ دکلسہ - پک آز جای ذکر بولمشدر . مع هذا اولیانک تراجم احوالندن

وموضعی عنغاندن - مملکتک حیات سیاسیه سندن تمامیه آیری اوله رق - وقوعه ککش اولان فعالیت تبشیریه حقنده بعض شیر اوکره نیله بیلور . شو قدر که بو جهتک ذکرینه کیریشمزدن اول رسماً وقوعه کلن اسلامیت پروپاگاندا سی ایله امرای اسلامیه نک دینلرینی نشر خصوصنده کی فعالیتلری حقنده بر مطالعه سردی مناسب صاییلور .

هندستانک سیند حطه سنه بر عرب هیئت سفریه سی ارسالی تاریخندن - یعنی ارتحال نبوی دن اون بش سنه سوکره کی تاریخندن - اون سکزنجی قرن میلادی به قدر - بعضیسی بویوک امپراطور لقلر بانسی اولان ذواتی و بعضیسی صرف سرگذشتجو اشخاصی محتوی - برطاقم مسلمان هیأت استیلائییه سی شمال غربی حدودی اوزرندن هندستانه داخل اوله ککشدی . بو مستولیلردن بعضلری یالکز یغما کرلک ایتمک و بوله بیلدکلری غنیمتلری یوکلنرک دونمک ایچون هندستانه کیرمش اولدقلری حالده دیکرلری - زمانمزه قدر نفوذلری باقی قالان حاکمیتلری تأسیس ایچون - او مملکتده یرلشمشلردی . بونلردن هیچ برینه مبشرین دینکده رفاقت ایلمش اولدیغنه دائر معلومات الده ایدیله مه مشدر . بوا یسه فاتحلرک کندی دینلری خصوصنده قیدسز بولندقلرینه دلالت ایده مز . بونلردن برچوققلری ایچون هندستانک استیلاسی برجهاد مقدس شکلنده تظاهر ایلمشدی . غالباً محمود غزنوی ایله تیمورلنکک افکارینی اشغال ایدن مقصد بو ایدی . تیمورلنک کندی ترجمه حالی یازارکن دهلینک ضبطندن سوکره کی حسیاتی بروجه آتی ذکر ایدر : « اون بش کوندن بری دهلی ده بولنیورم . بو مدتی ذوق و مسرت ایچنده ویا شاهانه مراسم اجراسیله ویا خود بویوک ضیافتلر اعطاسیله کچوردم . بعده هندستانه ، کافرله قارشو حرب ایتمک ایچون کلدی کمی دوشوندم . تشبئاتم اودرجه موجب موفقیت اولدی که نه طرفه توجه ایتسه م مظفراً عودت ایلدم . اغیارمه غالب کلدیم ، بیکرله کافر و بتپرست تلف ایتدم و المده کی سیف اهتدایی دشمنک قانیله ملمع ایلدم . آرتق بو عظیم تشبث موفقیتله تتوج ایتمشدر . شیمدی ایسه ایسی آسان صورتده تاقی ایتمک شویله طورسون بالعکس هندستانک غیر مسلملریله اوغراشمق مجبوریتنی حس

ایلیورم . « ۱۱۱ - فی الواقع تیمورلنک « سیف اهتدا » سندن چوچقه بحث ایش ایدی ؛ فقط او قلیچ ، غیر مؤمنلری جهنمه کوندرمکدن باشقه بر مقصده خادم اونامشدی . مسلمان مسئولیلرندن اکثریسنک عین وجهه حرکت ایش اولدقلری آکلاشیلیور . نام خدایه اوله رق بتلر قیریلوب آتیلدی ، راهلر قلیجندن چورلدی ، معبدلر یققدیرلدی ویرلرینه مسجدلر یاپدیرلدی . واقعا هجومدن اول غیر مؤمن هندلیلره قبول اسلامیت تکلیفی وقوع بولوردی و فورقو بعضاً او قبیل تکلیفلرک آن وقوعنده قبوللرینی مستلزم اولور و بناء علیه اهتدای تولید ایلردی ؛ فقط بوکبی اهتدارک مدت دواملری - اکثریت اوزره - قیصه اولور و مسئولینک عودت ویا رجعتندن سوکره حکملری قالمزدی . بونقظه یی مصور برحاده ( بلند ) شهری رؤساسندن ( هارداتتا ) نام کیمسه نک محمود غزنوی یه اولان بیعتنده کورلمشدی که بوده اونامدار فاتحک - کندی کاتبی طرفندن یازیلان - تاریخنده حکایه ایدیلیور ؛ شویله که : « حکمدار مشارالیه عاقبت ۱۰۱۹ ( هجری ۴۱۰ ) سنه سنده هارداتتانک مملکتی اولان باربا قلعه سنه ( بلند شهرینک اسم قدیمی ) واصل اولدی . هارداتتا هندستانیلرک لساننده قرالردن بری اولمق اوزره یاد ایدیلیوردی . صحابت ربانییه مظهر وهر طرفدن ملانکه ایله محاط بولان و دکز دالغله لری کبی ایلر یلین جنکاورلرک و رودلرینی ایشیدنجه هاردات زیاده سیله متهیج اولدی ، دیزلری تیرده دی وقانون الهی موجبنجه دوام حق زائل اولان حیاتی خصوصنده قورقوبه دوشدی . بناء علیه سلامتک دین اسلامه متابعتله احسن صورتده تأمین اولنه بیله جکنی تأمل ایتدی ؛ چونکه سیف ربانی قلیفندن چقمش و تأدیب قیرباجی هوایه قالدیرلش برحاله بولنیوردی . بوندن طولایی اون بیک کشیلک توابعیه برلکده قالقوب کلدی که بونلرک جمله سی ده اصنامک ردینه حاضر و اهتدایه خواهشلی کورینیوردی . »

بو یکی مهتدیلر فاتحلرک رجوعندن درحال استفاده ایله ارتدار ایشلر - دی که بو حال ارتدادک تکررندن طولایی هندستانک مؤرخین قدیمه اسلامیه سنک چوچقه شکایت ایتدکلری کوریلور . قطب الدین ۱۱۹۳ ( هجری ۵۸۹ ) تاریخنده

[ ۱ ] تهلیوت نام انکلیزمؤلفنک History of India ; Muhammedan Period

عنوانلی هندستان تاریخنک دور اسلام قسمندن .



بلند شهره هجوم ایتدیگی زمان ( جاندراسن ) طرفدن پک شدتلی صورتده ایدیلن بر مقاومتہ معروض قالمشدی . جاندراسن اوزمان راجه بولنیوردی . هارداتانک طوغریدن طوغری یه احفاندن ایدی واسمنک دلاتندن ده آکلاشدیغی اوزره هندو مذهبہ سالکدی واداره حکومتی آلتنده مسلمانلردن کیمسه قالدیغنه دائر برشی ده ایشیدلمه بشدی .

بالاده مذکور مسلمان فاتحلی ، حقیقی بر مبشر دینه شوق ویرن واولجه اسلامک فعالیت تبشیریہ سنه بونجه ظفر لر بخش ایدن « جان قازانمق محبتہ » پک آز مالک ایدیلر . حکملری ۱۲۹۰ دن ۱۲۱۰ ( هجری ۶۸۹ - ۸۱۳ ) سنه سنه قدر سورن خیاجیسلر ، ۱۳۲۰ دن ۱۴۱۲ ( ۷۲۰ - ۸۱۵ ) سنه سنه قدر سورن توغلاقلر ، ۱۴۵۱ دن ۱۵۲۶ ( هجری ۹۵۵ - ۹۳۳ ) سنه سنه قدر دوام ایدن لودیسلر علی الاکثر دیانتک منافع و مقتضیاتنه اہتمام کوسترہ میہ جک درجہ ده محاربه لرله مشغول اولمشلر ویا اهدا فعالیتندن زیاده خراج جرینہ قویولمشلردی . بونلرک غیرت دینہ دن تامیلہ مجرد بولندقلری ادعا ایدیہ مز . مثلاً ( غقار ) دینیلن و پنجابک شمال طرفلرنده کی حوالی جبالہ ده ساکن اولان باربار طائفہ نک اہتداسی اون ایکنجی قرنک صوکلرنده محمود غزنوینک نفوذیہ وجوده کئس اولدیغی مرویدر . طائفہ نک رئیس او مسلمان حکمداری طرفدن اسیر آلمش واسلامه کلک ایچون اقناع ایدلمش وعشیرتی اوزرنده کی حق ریاستی تصدیق ایدلکدن صوکرہ طائفہ سی خلقی ہدایتہ سوق ایچون مملکتہ عودتنہ رخصت ویرلمش ایدی . طائفہ سی منسوبلری اساساً کندی مذهبلی حقندہ پک آز بروقوفہ مالک اولدقلرندن آنلرہ اسلامیتی قبول ایتدیرمک ایچون پکده زحمت چکلہ مشدی [۱] . ابن بطوطہ یہ نظراً خلیجیسلر ، مہتدیلری برای تشویق سلطانلرینہ تقدیم ایتمک عادتتی وضع ایلشلردی ؛ سلطان ایسہ او مہتدیلرہ مقاملرینک درجاتی نسبتندہ ممتازیت قفتانلری کیدیرر و آلتوندن معمول بیلہ زیک ویا قیمتدار کردانلق احسان ایلردی . مع مافیہ داها اسکی مسلمان خاندانلرینک

[۱] محمد فرشته نام مؤرخک هندستانده حاکمیت اسلامیہ نک ظہوری حقندہ کی فارسی العبارة کتابنک انگلیزجه یہ ترجمہ سندن .

حکمدارانی بر معتاد پک آز غیرت تبشیریه کو ستر مشلردی . فیروز شاه توغلاقلک، ترجمه حالده یازدینی فقره آتیه به مائل فقراتی او حکمدار لک تاریخنلرنده بولمق محال کییدر . فیروز شاه بونده دیرکه : « غیر مسلم تبعه می مذهب پیغمبری بی قبول ایچون تشویق ایده کلدیم و بونلردن هانکی بر فرد کله شهادتی تکرار ایله اظهار ایمان ایلدیکی تقدیرده جزیه دن معاف طوته جعمی اعلان ایلدیم . بوندن خبردار اولان هندولردن پک چوق کیمسلر کلورلر و شرف اسلامه نائل اولورلردی . »

اسلامک قوای حاکمه سی - بالخاصه مغول خاندانی آلتنده - تأیید ایلدیکه، نفوذ روحانیسی ده بالطبع داها معین و ثابت بر شکل آلیوردی . بونفوذ اون بشنجی و اون آلتنجی قرنلرده هندولر آرسنده ظهور ایدن اثبات واجب حرکاتنده شهسز مشاهددر . انکلیز نه پستقپوسلرندن (لی فروی) ، پان ته یستیق طرزنده کی مفیلکدن و ابهامدن ممنون قالمایان اصحاب تفکری ، تبلیغات اسلامیه شکل ثابتک کندیسنه (یعنی مسلمانلغه) طوغری جذب ایلمس اولدینی فرض ایدر و علاوه دیرکه : « اسلامیت وجود قدسی حقیقتی و - بوندن منبعث اولمق اوزره - حقل قطعیته معین و مثبت شکلی قویاً مدرک بولندینی حالده مهم و مظلم اولان (پان ته یستیق) ذهانی ایله و آکا ایمانده کی سرفرولق ایله تصادم اینجه - نتیجه ضروریه دن اوله رق - یالکز مصادمه دن مظفر حقیقته قالمادی ؛ برده یوقاری هندستان خلقنک حیات و اعتقادی ایچون بر مقوی کبی تجلی ایتدی . و بر چوق کیمسلرک افکارینی تازه و داها جوال بر حیاته طوغری سوقه ایلدی . » [۱]

مختلف اصنام پرستلکلردن بریسنه منسوب بولنق حکمداران اسلامیه سرایلرنده ترقی رتبه یه و ترغ مقامه مانع اولوردی . بوسبیدن طولایی اهتدا ایچون بر محرک موجود ایدی . واقعا ممتاز بر حکمدار اولان اکبرک زمان سلطنتنده درجه غاییه واران روح حریتپرورانه و مساعده کارانه چوق کره هندومذهبی

[۱] نه پستقپوس (لی فروی) ک Mankind and the Church عنوانیه انسانیت و کنیسا حقنده کی کتایندن .

حقننده دخی کوستریلوردی ؛ بو مذهبه عائد اولان اوقاف رسمیه مداخه دن  
مصون قالوردی . فی الواقع مبعوض و منقور اولق قورقوسی و استاله آرزوسی  
عدم مداخه سیاستک موجبی بولمش و استیلادن سوکره مظفريتلك ايلك  
دورلرنده کورلمش اولان معاملات تجاوزیه و تهیجات تعصیه کبی حاللری مقبوح  
کوسترمشدی . مع مافیه منفعت شخصی قیدی دخی هندو مذهبندن دین  
اسلام ایچون بر چوق مهتدی قازاندردی . راجپوت طائفه سی افراندن  
بر چوقلری بو طریق منفعتجویانه ایله اسلامه گلشردی که ایوم اصحاب املاکن  
اولان اشرف آره سنده بونلرک احفادی چوق بولنور . بویوک باجغوتی قبیله سنک  
رئیس ( عوده ) ایالتک اک بویوک مسلمان اصلزاده سیدر . قصص مرویه دن  
برینه کوره بونلرک ( تیلوق جاند ) اسمنده کی جدلری بابر شاه طرفدن اسیر  
ایدلمشدی ؛ حریتی استحصال ایچون اسلامیتی قبول ایلدی . دیگر برقصه دخی  
بوذاتک اهتداسنی ایمپراطور هایون دورنده وقوع بولمش اولق اوزره نقل ایدر .  
بو حکمدار تیلوق جاندک خارق العاده دینه جک قدر کوزل اولان زوجه سنک شهرت  
حسنی ایشیدنجه قادینی برپناری زیارتی اشناسنده قاندردوب قاجیرتمش و فقط قادین ،  
حضورینه کتوریلور کتورلمز وجدانی یادیغی شیئه قارشو عصیان اتمش وهان زوجنی  
جلب ایچون آدملر کوندرمش . تیلوق جاند قاریسنی بر کره داها کوره بیلکم  
امیدینی هان ، هان کسمشدی . او باده کی مرحمته مقابل شکرانیت ابرازی ایچون  
قاری و قوجه « صافیت علوجنابی تعالیم ایدن دینه » یعنی اسلامیه گلشردی . [۱]  
راجپوت مهتدیلری دینلریله عمل ایتمکده پک صیقی طاورانقلری حالد کنیدیلرنده  
هندولق اصلیتک علائمی دخی شایان دقت بر درجده کوریلور . مثلاً بلند  
شهر حوالیسنده ( لالخان پاتان ) لری نامیله معروف بر مسلمان عائله سی  
واردر که بونک افرادی اسکی هندو عنوانی وهندو مراسم ازدواجیه سنی حالا  
محافظه ایتمکده درلر . عین طائفه نک هندولقده قالمش اولان شعبه سی افرادی  
مسلمان اولان قسمک یانی باشنده ساکن اولورلر . میرزاپور حوالیسنده ساکن  
اولان ( غاهار وار ) راجپوتلری ایوم دین اسلامه سالک ایشه لرده امور

بیتہ لرنده حالا هندو عادات و ارکانی محافظه ایدر لر و مسلمان اسمارینک اوکلرینہ هندولق القاب شرفنی وضع ایلر لر .

هندولر اوزرنده تضيقات رسمیه اجراسی هیچ بروقت اورنک زیب دورنده اولدینی قدر مصرانه وقوع بولمادی . پنجابک شرق حوالیسندہ کی کویلی جماعتلردن مسلمان قسمنک اجدادی - مفرط صورتده دیندار بولنان - بو حکمدار دورنده تبدیل دیانت ایتشلردی . دهلی جوارنده (غورغانون) نام محله برهندو عائہسی واردرکه وقیلہ هندولردن اهتدا ایدنرک برمعتاد اتخاذا ایش اولدقلمری « شیخ » عنوانی حالا طاشیمقده در ؛ چونکه بو عائہ اعضاسندن ذریقی قالمیان برکیمسه املاکنک مصادرده دن سیاتی ایچون اهتدا ایلشدی . قونپور جوارنده برچوق راجپوت اصحاب املاکی عین سبیدن طولانی اسلامیتی قبولده مضطر فاشلردی . بو هندولرک اجدادی بعض احوالده رهن اوله رق یاقه لائمش ویا اسیردیہ قالمش ودهلی یه کتورلد کدن صوکره جبراً سنت ایدیلهرک اسلامه صوقولمشدی . [۱] شو نقطه یی نظر دفته آلمق اقتضا ایدرکه بو جبری اهتدالرحقنده کی معلوماتک مأخذی عائہ عنعناتی ایله محلی روایاتدر . ہم اوکرده بیلدیگمه کوره اورنک زیبک دور سلطنته عائد بیانات تاریخیده بوکی روایات مندرج دکلدر . محمد قاسم فرشته نام مؤرخ - هندستانده مسلمان حاکمیتک ظهوری حقنده کی تاریخنده - اورنک زیبی مدافعه دیرکه : « مذهب محمدی خصوصنده کی شوق غیرتنه رغماً عقائد سائرہ اصحابی هیچده تجریم ایتک ایستمه مشدی ؛ یالکز اهتدا ایتک ایستینلره برید سخاوت ایله مکافاتلر ویرردی . » مع مافیہ شہدن عاری اولدینی اوزره مسلمان امراسی طرفدن اهتدای جبری وسائطنه مراجعت واقع اولمشدر . اورنک زیبک اسلامیت خصوصنده کی مساعی معلومه سندن طولانی شمالی هندستان عائہ لرندن برچوقلمرینک تبدیل دیانت ایلمنی اجباره حمل ایتک قولایجه بولنان اسبابنددر . کذلک دقکان خطه سنده کی اھالینک بر قسمی ایله برچوق طاغنیق عائہ لرک جبراً اسلامه کتورلملری مسئله سنده اورنک زیب - اک معروف مسلمان حکمدارلرندن بولنان - حیدر علی ایله تیپو سلطانک [۱] بوسوک روایتلر ( ایبتسون ) نام انکلیز محررینک کلایسا بمجوعه لرندن برینه یازمش اولدینی مقاله دن مقتبس .



هم مسلكى وشريك فعاليتى كېي كوستريليور ؛ حال بوكه بو عا ئه لرك اهتدالرى  
داها خيلى اسكى بردورده وقوعه كلىدى .

هندولرى برقاعده مطرده آلتنده قبول اسلاميته مضطر قيلمق مسلكى  
متمايداً تعقيب ايدن مسلمان حكمدارى يالكز تپو سلطاندر . بو حكمدار  $\frac{۱۲۰۳۵}{۱۷۸۸م}$   
سنه سنده مالابار حواليسى خلقنه خطاباً شو بياننامه يى اصدار اتمشيدى : « دور  
فتحدن بوكونه قدر كيچن يكرمى دورت سنه ظرفنده عربده جو ونظامشكن  
برخاق كېي حركت ايلديكز . محاربه دوام ايتديكى زمان فرصت دوشدجه  
مجاهدلمزدن بر چوغنك باده شهادتى نوش ايلرينه سبب اولديكز . هر  
نه ايسه ؛ مضى ماضى . بونك ضدى برطرزده حركت ايتلى ، ساكن او زورملى  
ومقبول تبعه صفتيه ويركولريكزى ويرمليسكرز . مادامكه برقادينك اون ارلك  
ايه مقارنتى احوال جاريه كزندنر ؛ مادامكه والده لريكزى ، همشيره لريكزى  
چيركين معاملاتدن منع ايتزسكرز و بناء عليه هيكزده زانان تولد ايتزسكرز  
ومعاملاتكزده بابانك حيواناتندن داها يحييا بولنيورسكرز . ايمدى بو حركات  
آتمه يى بر اقوب ديكر افراد بشر كېي حركت ايتكزى ايتترم . اكر بو او امره  
مطيع اولماز ايسه كز جمله كزى اسلاميت ايله مشرف ايتمكه و بللى باشلى نطق  
آدمليكز وارسه مركز حكومهته سووقه تكرر على التكرار عهد ايدرم . »  
بو بياننامه مالابار حواليسنده عمومى بر عصيان حدرشنه سبب اولمشيدى . تپو  
سلطان  $\frac{۱۲۰۴۵}{۱۷۸۹م}$  سنه سى مباديسنده يكرمى بيك كشيلاك بر اوردو ايله بياننامه سنك  
احكامنى انفاذه حاضر لشمشيدى . بناء عليه آتى ده كى بياننامه عمومى يى ده اصدار  
ايلدى : « بو حوالى ده ساكن هر فرد بشر بلا تفریق اسلاميت ايله مشرف اولملى ،  
بو شرفدن استنكاف ايچون فرار ايدنلرك خانه لرى ياقلملى ، ايزلرى محل  
احتفالرينه قدر تعقيب اولملى و جهانه اهتدالرى ايچون حقلى ويا خدعه لى ،  
جبرى ويا جعلى هر دورلو وسايله مراجعت ايدالميدر . » بو وجهله بيكارجه  
هندولر ختان اجراسنه و هندو مذهبنده مقدس صاييلان حيوان ( صيغير ) اتى  
اكلنه مجبور طوتلمشردى . حال بو مركززده ايكن ۱۷۹۰ - سنه سى صوكارنده  
برانكليز اوردوسى تپو سلطانك مالابارده كى صوك قوتلرني احمايش و بو

حکمدار ۱۷۹۹ سنه سنده (سرین غاباتام) ک ضبطی صره سنده تلف اولمش  
ایدی . جبراً اهتدا ایتدیریلن براهمنلر و نایارلردن برچوغی بونک اوزرینه یکی  
دینی براقشردی [۱]

نشر اسلامیت ایچون بعض مسلمان حکمدارلری طرفدن اجرا ایتدیرلمش  
اولان جبر و تضییق نه قدر آز برتأثیری موجب اولدیغنه شونکله ده حکم  
ایدیله بیلور که دهلی ، آغرا کبی قدرت اسلامیه مرکز لرنده بیله مسلمانلرک  
عددی محدود بولمقده در . زمانزده دهلی حوالیسنده کی اهلینک اوندی بری  
و آغرا خلقنک دورته بری مسلماندر . جبری اهتدانک هیچ برقیمتی خائر  
بولمدیغنه (غوراقپور) حوالیسنده کی مجهولی نواحیسی راجه سی (بوده مال) ک  
مسلمانغی شایان دقت بر مثال عرض ایدر . مذکور راجه ویرکوسنی تأدییه ده  
تعلل کوستردیکندن طولای ایمراتور اکبرک امریله توقیف ایدیلوب دهلی به  
کتورلمش و اوراده مسلمان ایدیلورک اسمی محمد سلیم قونمشیدی ؛ فقط مملکتنه  
عودتدن صوکره زوجیه سی آنی اجدادندن قاله قلعه داخلنه قبول ایتدیرمه مش  
و غالباً اهلینک مظاهرته نائل اولدیغی حالده اوغلنک سن رشدینه قدر نائبه حکومت  
صفیله مملکتی کنیدیسی اداره ایلمش ایدی . بویله جه اوراده کی مقام حکمداری بی  
ینه هندو مذهبنده بولنان برکیمسه نک استخلاف ایلمسه مانع قالمش ایدی . بومثلو  
جعلی اهتدالرک دوامی یقین و قتلره قدر کوریه کلمشدر . (بیشویس) دینیلن  
هندو طریقتی اهلنک باشلیجه احکام مذهبییه سی ایچنده (ویسنو) دن ماعدا بوتون  
هندو آهلرینک ردی دخی واردر . بوطائفه یقین و قتلره قدر دیگر هندولر کبی  
موتالرینی یاقه جق یرده دفن ایدرلر و (غلام) مثللو برطاق مسلمان اسملری طاقورلر  
و مسلمانلر کبی سلام و یررلردی . بو عادات اسلامیه بی نه وجهله اتخاذا ایلمش  
اولدقلرینی ایضاح ایچون دینیلور که : طول قالمش برقادینک دیری دیری احراق  
ایدلمسنی منع ایتدیرن قاضی بی قتل ایلمک کبی جرملرندن طولای بوطائفه افرادی  
اسلامه کلمش و فقط بو عاداته مراعات کوسترمه مکله کیت کیده هندولغه رجوع  
ایلمشدر .

واقعا امرای اسلامیه دن بعضیلری دینلرینی هندو تبعه دن بعضلرینه جبراً قبول ایتدیرمکه - شو ذکر ایدیلن احوال دن داها زیاده - موفق اولمش بولنه بیلورلر . « هندستانده کی وضعیت اسلامیه نك جهت سیاسیه سنی اول امرده نظر مطالعه یه آمدقجه دینی اولان جهتی آکلایه بیلمك محالدر » قولنده ده نه قدر اثر حقیقت بولنورسه بولنسون ینه بزاسلامیتك اك بویوك مظفریت تبشیریه سنی قوای سیاسیه سنك اك ضعیف بولندیغی زمان و مکانلرده قازانمش اولدیغنه قانعز ؛ نته کیم بو حال جنوبی هندستانده وبنغالک شرق حوالیسنده کورلمشدر . ایشته بزبوراده جبر و شدتک غیری اولان حرکات تبشیریه دن بحث ایتمک ایستر و جنوبی هندستان ایله دقکان قطعه سندن بحثه کیریشور و سیند ، قووج ، کجرات دیارلرینک اوبابده کی تاریخلرینی کوزدن کچوردکن صوکره بنغال خطه سنه نقل کلام ایلرز . اك صوکره ده بو جغرافی حدودک حارجنده قالان یزلرده کی مبشرلرک افعالنه عطف نظر ایدهرز . سعیلرینه اشارت ایده جکمز متعدد میسیونه لرلر حقیقده - اسملریله مناطق فعالیتلرندن ماعدا - پک آز تفصیلات مقیددر . بناء علیه سجلات تبشیریه ده عمومیتله کوریلن نقصانی معلومات سببیه قابل تلقی اولان دیکر تفصیلاتی دخی نظر مطالعه یه آلورز .

اسلامیتك جنوبی هندستانه ایلك حلولى سکرنجی قرن میلای کی اسکی بر زماندن باشلار . مایپپلا قومنک اصلی نسبت ایلدیکی برملتجی طاقی اورایه عراقدن کلشیدی . مدارس حوالیسنک سالنامه و قایعنی یازان ( اینهس ) نام محرره کوره ( پانتالایینی - کوللام ) نام محله ده کی مسلمان قبرستانده بولنان برتره ۱۶۶ تاریخ هجریسی ایله برکتبه نی حاویدر . هندستان ایله آوروپا آره سنده بهارات ، فیل دیشی و جواهر تجارتلری بوندن داها یوزلرجه سنه لر مقدم عربلر و ایرانلیلر طرفلرندن اجرا ایدلمش واسلامیتك سیلاب نفوذ دینیسنک جنوبی هندستان سواحل غربیه سنه طوغری جریاتی موجب اولمشیدی . بو انصباپ اجانبک نتایجندن اوله رق سواحل مذکورده کی تجارت مرکز لرنده هندو ایله عرب و ایرانیدن مرکب مختلط بر خلق وجوده کلشیدی . بو مسلمان تاجرلره امرای هندیه آره سنده ده پک دوستانه مناسبات تأسس ایلشیدی . مذکور امرای

فعالیت کسبیه نك و بناءً عليه مملكتلرنده کی رفاه حاك - بوتاجرلرك موجودیتلری سببیه - آرتسندن طولایی آنلر حقنده ابراز معاونت و اجرای حمایتدن کری طورمدیلر و اسلامیتک تبشیری خصوصنده کی تبشیرینه قارشو هیچ بر مانعه حدوشنه میدان ویرمدیلر ؛ حتی قبول اسلامدن اول کندی آردلرنده الك عادی طبقه ناس منسوبلرندن بولنان کسانه اهتدالرنندن صوکره اجنبی تجار مسامه سی ایتمش کبی معامله حسنه ده بولندیلر [۱] .

اون آلتنجی قرنده یاشایان بر مسلمان مؤرخ ، اسلامیتک مالابار حوالیسنه صورت دخولی حقنده ویردیکی عنعنوی معلوماتده ایلك مبشرلری ، حضرت آدمک آیاق ایزینی کورمک ایچون سرندیب آطه سنه کیدن بر قافله زوار اولمق اوزره تعریف ایدر . یوللری اوزرنده بولنان ( قرانغانور ) نام محله واصل اولدقلری زمان ، محل مذکور راجه سی قافله اعضاسنی نزدینه جلب ایتدیرر . قافله نك رئیس شیخ شرف بن مالک اسمنده بر ذات ایدی و رفاقتنده برادری مالک بن دینار ایله حفیدی مالک بن حیب بولنیوردی . بو ذات ، فرصت ملاقاتدن بالاستفاده راجه یه دین اسلام و رسالت محمدیه حقنده ایضاحات ویرمشیدی . مذکور مؤرخک قولنج « جناب حق بو حکمدارک قلبنه تبلیغات نبویه ده کی حقایقک دخولنی مراد بویوردی . ایمانه کلسی اوزرینه قلبی حضرت پیغمبر حقنده بر شوق محبتله طولدی و شیخ شرف بن مالکدن ، سرندیب زیارتندن عودتده تکرار نزدینه کللرینی ایستدی . قافله عودت ایتدیکی زمان راجه ، مملکتک اداره سنی بعضی نئاب سلطنتلر اللرنده براقه رق حقیاً بر کی یه بینمش و شیخ شرف و رفقاسیله برلکده عربستان ساحلنه کیچمش ایدی . بر مدت اوراده قالدقندن صوکره مملکتنه عودتله اوراده مسجدلر یاپدیرمق و اسلامک نشرینه چالیشمق تصورنده بولندیغی صره ده خسته دوشدی . اولوم دوشکنده ایکن مالابار مملکتنه مصمم اولان سیاحت تبشیری یه نی ترک ایتمه مرینی رفقاسنه اهتمامله وصیت ایلمش و بو باده کی مساعی ده کندیلرینه یاردمی طوقونور دیه مملکتنده کی وکیللرینه توصیه نامه لر یازدیرمش و عین زمانده وفاتنک و قوعنده کیفیتک مملکتی خلقندن کیزلی طوئلسنی [۱] زین الدین نام مسلمان مؤلفنک پورتکیزجه یه مترجم تحفة المجاهدین عنوانلی اثرندن .



تنبیه ایشیدی . بومکتوبرله مجهز بولندقلری حالدہ شرف بن مالک ایله رفیققری ( قرانغاور ) جانبه متوجهاً بادبانکشای سفر اولدیلر . وصولارنده ، مملکت حکمدارینک توصیه نامهسی کندیلری حقنده بر استقبال تلطفکارانه تأمین ایلدی . کندیلرینه ویریلن اراضی اوزرینه برمسجد یاپدیردیلر . مالک بن دینار اوراده قلمغه قرار ویردی . مالک بن حیب ایسه بر تبشیر جولانی اجرایی و مالابارک بعض طرفلرنده مسجدر انشاسی مقصدیه اورادن قالقوب قاریسی و چوجققری ایله برابر ( کویلون ) جهتنه کیتدی و اوراده برمسجد بنا ایتدی . عائلهسی اوراده بر اقدقدن سوکره ( میلی ماراوی ) یه کیتدی و اورادهده بر جامع وجوده کتوردی . « راوی اخبار آنفه ، حکایهسی تفصیلاتنه دوام صرهسنده بو مسلمان مبشرینک یدی محلهده داها مسجدر یاپدیردقن سوکره قرانغاوره دوندیکنی یازار . بالاخره بر کره داها او محملری زیارت و یاپدیرمش اولدینی جامعلرک هپسندهده بر کره داها عبادتدن سوکره عودتنده « کافر لرله طولو اولان بر مملکتده دین اسلامی اظهار ایلدیکندن طولایی جناب قادر مطلقه حمدوشاده بولمشدر . »

حادثاته مطابقت خصوصنده کی اوصافنه رغماً بو قصه نک تاریخی قیمتی بولندیغه دائره چیچ بر برهان یوقدر . ذهاب عوام ، بوبابده مقید بولنان حادثاتی حضرت پیغمبرک بر حیات بولندیغی بر زمانه قدر نسبت ایدر . مؤرخ زین الدین - بر شک معتدل ایله - بو حاللرک او چنچی قرن هجریدن اول وقوع بولماش اوله جققری فکر نده بولنور ؛ فقط بو ایکی تاریخدن برنجیسی کی ایکنجیسنک صحتنه - و یا خود عربستان ساحلنده ظفر نام محلهده بر هندی حکمداری تر بهسی بولندیغی و بونک کتابهسنده « عبدالرحمن السامری ؛ هجرتک ۲۱۹ سنهسنده وفات ایتمشدر » کلهقری مقید اولدینی حقنده اورا خلقی آرهسنده زبازرد اولان قصه عوام ایله ( میلی ماراوی ) ده مالک بن دینار طرفندن تأسیس ایدیلن و ۱۱۲۴ تاریخی بر کتابه بی حاوی بولنان مسجده حقنده کی روایتک موثوقیتنه - دائر بر اهین مقتضیه موجود دکلدرد .

مع مافیله قصص عنعنویه نک ، عصر لردن بری مالاباز سواحلنده اجرا ایدلمش

اولان نفوذ اهدائیه‌ده کی صفت مسالمتکارانه‌یه شاهد اولدیغنده شبهه یوقدر .  
 بوبابده کی فعالیتیه واسطه اولانلر اکثریتله عرب تاجرلری ایدیسه لرده ابن بطوطه ،  
 عربستان ایله دیگر بعض مملکتلردن کیدن و فقهادن صاییلان کیمسه لردده  
 اوخصوصده خدمتلی سبق ایلمش اولدیغنی ومالاباز قصبه لرینه ایتدیکی سیاحتلر  
 صرہ سنده بو علمادن بعضیلرینه تصادف ایلدیکنی یازار . عرب تجارتک انک  
 نفوذلی حاملرندن بولنان قالیکات حاکمک - تزید قوت ایچون استاد ایلدیکی  
 سفائنه - عرب کیجیلری تدارک ایده بیلیمک مقصدیه اهدالری تشویق ایلدیکی  
 ودائرہ حاکمیتده بولنان بالقجی عائله لرندن هر برینک ازکک اعضاسی آردسندہ  
 برنفرک مسلمان اوله رق یثشیرلمسنہ امر ایتدیکی مرویدر . طرف اسلامیانہ  
 کچن مایپیلارک عددی اون آلتنجی قرن بدایتده مالاباز مملکتی خلقنک بشده  
 یری اولمق اوزره تخمین ایدلمشیدی . بونلر ، اورا هندولرینک لساننده تکلم  
 ایدرلردی ؛ آنجق اوزون صقاللری وعجیب الشکل سرپوشلری ایله آنلردن  
 خرقلی کورینورلردی . اکر پورتکیزلر تام وقتنده واصل اولماش بولنسه لردی  
 بسواحل خلقی تمامیلہ اسلامه کش اوله جقلردی ؛ زیرا ، اهدا وقعه لر ی چوق  
 تکرر ایدیور و کجرات ، دقکان کبی هندستانک دیگر اقسامیلہ عربستان و ایران کبی  
 مملکتلردن کلن مسلمان تاجرلرینک اجرا ایلدکلری نفوذ اهدائیه پک قوتلی  
 بولنیوردی . [۱] کذلک پورتکیزلر کلمه مش اولسه لردی سرندیب آطه سنک  
 دخی برمسلمان دولتی حاله کیرمش اوله جفی تخمین ایدیلور ؛ چونکه پورتکیز  
 قوای مسلحه سنک هندستان د کزلرنده ظهور دن مقدم عرب تاجرلری بو آطه نک -  
 وضعیتلری طانمش - امراسی کبی برطور آملشردی . حتی عربلر ، ولادت  
 نبویه دن نیجه عصرلر مقدم بیلہ بو آطه ده مؤسسات تجاریه وجوده کتورمشلردی .  
 آطه نک هر قصبه سنده وهر لیماننده بولنورلر ، اوتده بروده یرلی قادینلرله  
 ازدواج ایدرلر وسواحل بویجه اسلامیتی توسیعه چالیشورلردی . [۲]

[۱] پورتکیز مؤلفی (باربوزا) نام کیمسه نک شرقده کی پورتکیز مستملکاتی حقندہ

۱۵۱۶ سنه سنده یازدینی اثر دن .

[۲] ۱۵۱۶ سنه رسون تهنت نام انکلیز محررینک Ceylon عنوانی سرندیبه دائر اثر اثرندن .

قالیكات حاكمی مقرینه وقوعه كلن سباحت تبشیره سنده كی عدم موفقیتی  
ینه كندیسی قید ایدن مؤرخ عبدالرزاق مستثنا اولمق اوزره ، پروباغاندا مساعیسنه  
خادم اولانلر حقنده قیودات یوقدر . بومؤرخنی اورایه - بالذات قالیكات حاكمی  
طرفندن مرسل بر ایاجینك طلبی اوزرینه - تیمورلنك احفادنندن شاه روح بهادر  
كوندرمشدی . قالیكاتدن كلن ایلمچی مسلمان دینده ایدی و حكمداری نزدینه  
برهیئت ارسالنك نه قدر خیرلی برایش اوله جغنی و « ادع الی سبیل ربك  
بالحكمة والموعظة الحسنة » امر قرآنیسی وجهله قالیكات حاكمی اسلامه دعوتك  
مصیب بولنه جغنی شاه روح بهادره آكلاشم ایدی . بووظیفه ایچون انتخاب  
ایدیلن عبدالرزاق سرگذشتلی برسفردن صوكره قالیكاته ایریشه بیلمشدی ؛  
فقط - اغلب احتمال - باردانه بر صورتده قبول ایدلی . اوراده آتی آی قدر  
قالدقن صوكره مقاصد اولیه سنی ترك ایله خراسانه طوغری عودته تشبث  
ایتدی و اوچ سنه غیوبتدن صوكره اورایه واصل اولدی . [۱]

جنوبی هندستانك دیگر برجماعت اسلامیه سی اولان ( راواطان ) لركندی  
اهتدالرینی - زمانمزه قدر تره لرینی حرمتله زیارت ایله كلكلرلری - مبشرلك  
موعظه لرینه عطف ابدرلر . بومبشرلك اك مشهوری ۹۶۹ ایله ۱۰۳۹ ( هجری  
۳۵۹ ایله ۴۳۱ ) سنلری آره سنده یاشامش اولان سید نذر شاهر . بوذات  
عربستانده ، ایرانده و شمالی هندستانده بر خیلی جولان اجراسندن صوكره  
( تریحینو پولی ) ده تمکن ایتمش و عمرینك صوك سنه لرینی اجرای حیرات  
و عبادات ایله كچورمشدی . هندولردن بك چوق كیمسه لری اهتدایه سوق  
ایدلی . تریحینو پولی ده كی تره سی بر محل طواف اولمش و مسلمانلر طرفندن  
مذكور شهره ( نذر نكار ) اسمی ویرلمشدر . دیگر بر مبشر نامدار اولان  
سید ابراهیم شاهدایسه تخمیناً اون ایكنجی قرن میلادی ده عالم حیاته آیق آتمش  
ایدی . بونك تره سی ده ( اروادی ) ده كاشدر . بوذات ، مجاهده جی بر قهرمان  
اولدیغندن ( پاندیان ) دولتی حدودی داخلنه طوغری آچدینی برسفر حربییه  
قوماندا ایتمش و او مملکتی اون ایکی سنه اشغالدن صوكره قتل ایدلمشدی .

[۱] عبدالرزاقك ( مطلع السعدین ) عنوانلی كتابندن مأخوذ .

کندیسنک حسن اداره سی حقنדה کی خاطر دہ حرمهٔ اوغلنک حیاتنه طوقونامش وبالعکس آکا اراضی بخش ایدلمشدی که احفادی بو اراضی به زمانمزه قدر متصرف قلمشدر . بوقیل اعزّه نك صوکنجیسی ۱۵۳۲ ایله ۱۶۰۰ ( هجری ۹۳۹ ایله ۱۰۰۹ ) سنه لری آره سنده یاشامش اولان شاه الحمید نام ذات ایدی . بونک محل ولادتی شمالی هندستانده کائن ( مانیکپوز ) قصبه سیدر . حیاتی ، جنوبی هندستانده بولنان مسلمان مقامات مبارکه سنی زیارتله و تبشیر جولانلری اجراییله کچورمشدی . آخر ایامنه طوغری ناغور شهرنده ساکن اولمشدی . ولد معنوی اتخاذ ایلدیکی کیمسه نك احفادی حالا تر به سنک متولی و محافظی بولمقده درلر [۱] .

جنوبی هندستانه منسوب دیگر بر حزب مسلمین ده ( دوده قولاس ) لردر که اسملرینک دلائندن آکلاشیله جنی اوزره بونلری یکی پاموقلری آیقلامق و پاموقدن ابتدائی حالده بزله طوقومق ایله اشتغال ایدرلر . بونلر ، اهتدالرینه خدمتی ( پنوقوندا ) ده کی تر به سنه حالا زیارت تکریمده بولنه کلدکلری بابا فخرالدینه عطف ایدرلر . دوران ایدن بر قصه به کوره بو ذات اصلاً ایرانک سیستان طرفلرنده بر حکمدار ایش ؛ حق استخلافندن برادری لهنده استعفا ایلدکن صوکره درویشلکه اورمش ؛ مکه و مدینه بی زیارتدن صوکره بر کیجه رؤیاسنده حضرت پیغمبردن هندستانه کیتمک ایچون امر آلمش ؛ اورایه وارنجه تریحینو پولی ده اولیادن نذر شاهه مرید اولمش و آنک طرفندن ایکی یوز قدر فقیر مریدان ایله برلکده تبشیر دین سفرلری اجراسنه مأمور ایدلمش ؛ عاقبت پنوقوندا کائن بر هندو معبدی قربنده تمکن ایش . محل مذکور راجه سی آنک موجودیتی خوش کورم دیکندن کندی سرایی راهی ایله بو مسلمان ولیسندن هانکیسنک معبد مذکور رؤیاسلکنه مستحق درجه ده قوهٔ قدسه به مالکیتی وسائط شدیده ایله دهنه مک ایستمش . اک صوکه مراجعت ایدیلن واسطه شو وجهله ایش : بو ایکی روحانی ذات ایچلری کیرجه ملو ایکی بویوک چووال ایچنه کیرمشلر ؛

[۱] قادر حسین نام هندلی محرک انکلیزجه اوله رق South Indian Mussulmans

عنوانیله جنوبی هندستان مسلمانلری حقنדה کی اثرندن .



چوواللرک آغز لری صیقيجه باغلاندىقن صوکره ايکيسي ده بر آنده بويوک بر حوض ايچنه آتيلمش . بعده ، راجه سرائنک راهبي دنيا ده بر کره داهه موجوديتنى کوستره مه مش . حال بوکه بابا فيخرالدين شهرک خارچنده کاشن بر تپه ده صاغ وسالم بولمئش . بويله جه تبشير ايتمک ايستديکي مذهبه تفوق کرامت بولنه جغني اثبات ايتش . بونک اوزرينه راجه اسلامه کلور ، جوارده کي اهاليدن بر چوقلری ده بوکا امثال ايدرلر ومعبد مذکور مسجده تحویل ايديلور .

تاريخ اسلاميتک هندستان جنوبي به عايد اولان صحايفي دائمي صورتده مسانتمکارانه اهتدالر وقوعني قيد ايتمز . مع مافيه حيدر علي و تيو سلطان دور حکومتلرنده هندولرک وسائرلرينک جبراً اسلامه کتورلمسي خصوصنده ارتکاب ايديلن احواله معادل مثاللری ده احتوا ايتمز . شههدن بری بولنديغي اوزره طبقات عادي به منسوب هندولردن بر چوقلرينک وسائط مصلحانه ايله اسلامه کتورلديکي دائماً کوريله کلشدر . آتی ده ذکر ايديلن ومادون طبقات آره سنده وقوعه کلن اهتدالر بوکا مثال تشکيل ايدرلر: ( طيان ) دينلن وهندستانک ترقی به خيلي استعدادلی بر طائفه سي صاييلان جماعت ، ( موقووان ) تسميه ايديلن بالقجي صنفی ، ( جرومان ) اطلاق اولنان زراعت ایرغادلری وسائر حال اسارتده قالان صنوف ناس - هندو اصول اجتماعيه سنک خارج محافل ايتديکي وضعیت مادونه نك محروميتلردن - اسلامه کلکله قورتيلورلر . کدلاک ( نیار ) کبي مادون صاييلمیان بر طائفه ايله خرستيانلاشدیرلش يريلر آره سنده دخي اهتدالر وقوعه کلور . مالابارده مسلمان اکثریتنک رئیس روحانيسنک مقری بولنان ( پونناني ) قصبه سنده مهتديلره يکي دينک ارکان و احکامني تعليم ايتمک و تعليم کورنلره معاونت ماده ده بولمق ايله مشغول بر جمعیت اسلاميه واردر . اون ظقوزنجي قرنک ايلک اوچ سنه سي ظرفنده بو مؤسسۀ خيريه به قبول ايديلن مهتديلرک عددی - بر حساب متوسطه کوره - يدي يوز اللی به بالغ اولمشدی [۱] . هندو مذهبندن کلن مهتديلرک عددی او قدر چوغالمشدی که جنوی هندستان

[۱] اينه سن نام انکلیز مأمورينک ۱۹۱۱ سنه سي هندستان تحريز نفوسی حقنده کي

سواحل شرقیه و غربیه سی مسلمانلری فعالیتلرینی تامایله مملکتک یرلی خلقنه حصره مائل اولمشلردر. بعض اصیل عائله لر افرادی مستثنا اولمق اوزره شیمدی آرتق مهتدی لری هیچ ده طمر لر نده بابانخی قانی بولمیان اهالی اصدیه منسوب کیمسه لر تمثیل ایتمکده درلر [۱] غرب ساحلی نواحی سنده هندولرک تحالف صنوف ماده سنده کوستردکلری مستبدانه عدم مساعدات بالخاصه مضیقدر . بو حاله بر مثال اوله رق ذکر ایدلم که ( تراوانقور ) ده مادون صنفه منسوب بر کیمسه بر اهنلردن برینه یتش درت آدیم مسافه دن داها یقین بر یره یاناشه ماز بو بولده بر تقریبه میدان قالماق ایچون اخطار مقامنده ککیزدن بر صدا چیقارمغه مجبوردر . بوکا مشابه امثال متضاعفاً ذکر ایدیه بیلور . او حالده مادون طبقه لر آره سندن کلن و اهتدا سببیه بو مقوله مضیق و مزعج تذلیلردن قورتیلن کیمسه لر ایله مسلمان اهلینک تکثر ایلمسینه ایچون متعجب اولمی ؟ فی الحقیقه غرب ساحلنده ساکن مایپیلار هندولرک مادون طبقه اتندن کیش اشخاص ایله « اودرجه ده کسب تکثر ایلورلرکه اورالرک صنوف منکوبه سنک بر قاچ سنه یه قدر تامایله اسلامه کلری ممکندر . » [۲]

شیمدی هند دکلر نده بولنان ( لاققادیو ) و ( مالدیو ) آطه لر نده کی انتشار اسلامه نقل کلام ایدلم :

اسلامیتک بو آطه لره مالاباز سواحلندن کیچوب کیتمش اولسی محتملدر . بو آطه لرک سکنه سی ایوم تامایله مسلمان بولمقده در . اسلامیت، اورالره عرب و ایرانی تاجر لر طرفلر ندن ادخال ایدلمشدر . بو تاجر لرک بر چوغی اورالرده یرلشمش لر و یرلی قادینلرله تاهل ایتمش لر و بویله جه فعلاً تبشیرات اجراسی ایچون کیدیه جک طریق تسویه ایلمشدر .

مالدیو آطه لری حکمدار لر ندن ایلك اهتدا ایدن ذاتک اسمی سلطان احمد

[۱] قورتیس نام انکلیز مأمورینک ۱۸۷۱ سنه سی مدارس ایالتی تحریر نفوس

راپورندن .

[۲] قوسین آره سنده کی تلاشلی ورقیبانه سوزلری مؤلف ۱۸۸۳ سنه سنده کلکته

شهرنده انعقاد ایدن پروتستان میسیونه رلیکی قونفره سنک بر راپورندن آلمشدر . مترجم

(شان اوراذه) در واهتداسنك تخمیناً ۱۲۰۰ (۵۹۷۵) سنه سنده وقوعه كلديكي ذكر ايديلور ؛ فقط او تاريخدن اوچ يوز سنه قدر اول مسلمان تاجرلرينك دينلريني بورالره ادخال ايتش اولدقلى دهها محتملدر. بوباده تفصيلات بولنماقده برابر اهتدا ماده سنك تدريجي صورتده تحث ايده كلديكي مظنوندر . [۱] ابن بطوطه ۱۳۴۴ ( ۷۴۵ هـ ) سنه سي ايچنده مالديووده بولنديغني واحمد شان اوراذه نك حفيدى سلطان داودك وزراسندن برينك قيزيله تاهل ايدليكني اثرينك دوردنچي جلدنده يازار . مركز حكومت اولان ( ماله ) ده عن اصل ايرانك تبريز شهرينه منسوب شيخ يوسف شمس الدينك تربه سي كشف ايدلمشدر . بو ذاتك ، مذكور اظه لرده الك موفقيتلى مبشرلردن بريسي اوله رق چاليشمش اولديغني روايت ايدرلر . تربه سي حالاً نائل احترام عامه اولمقده وحسن حالده بولندير . لمقده در . ينه ماله ده شيخ شمس الدينك وطنداشلردن اولوب كنديسني تحرى ايچون كمش واوراده يرلشمش بولنان كيمسه لرك قبرلى دخى موجوددر . اسلاميتك مالديو قربنده بولنان لاققادييو اظه لرينه ادخالى عرب تاجرلردن اولوب يرلر آره سنده ( منبه ماليقه ) اسميله ياد ايدلن كيمسه نك ( آندروث ) نام محله كي قبرى زواره كوستريلور و محل مذكورك قاضى حاضرى آنك يكرمى آلتى بطنلق احفادنن بولنمسي ادعا ايتسنه نظراً اسلاميتك لاققادييو جزايرينه اون ايكنجى قرن ميلادى ده دخول ايتش اولسى محتملدر .

هندستانك دقكان خطه سي دخى مسلمان مبشرلى ايچون متبج موفقيت بشير فعاليتلرينه صحه اولمشدى . اولجده بيان ايدليكي اوزره عرب تاجرلرى ازمه قديمه دن برى غرب سواحلنده كي شهرلى زيارت ايدرلردى و آكلاشيلديغنه كوره عربلر اونجى قرن ميلادى ده كثرته كلوب قونكان حواليسنده وطن ايشلر و وطن متخذلرينك رلى قادينلريله ازدواجده بولنمشلر و كندى دين و قانونلرينه تبعاً بر صورت مستقلا ده ياشامشلردى . تاجرلر و قسمت قووالاييحي محاربلره برلكده مبشرلرده كلشلر و بونلر اسلاميت اوغورنده يالكز فتوحات

[۱] ( بهل ) نام انكليز محرينك The Maldive Island عنوانيله مالديو

اظه لرى حقنده كي اثرندن .

روحانیه الیه اتمکه اوغراشمشردی . بونلر کفاردن بولنان اهالی مملکتی آنجق کوستردکلری حسن مثالر و ویردکلری موعظه لرایه قازانغه چالیشمشردی؛ چونکه دقکاک اسکی خاندانلری اداره سی آلتنده اهتدای جبری وقوعنه دأر هیچ بر قیده تصادف ایدمز . بونلرک صورت حاکمیتلری اویله نظر دفته چار- په جق درجه ده مساعدات حریت پرورانه ایله ده اتصاف اتمه مشدی .

مسلمان واعظ مبشر لردن پیر حمدایات اسمنده بر ذت میلادک ۱۳۰۴ ( هجری ۷۰۴ ) سنه سی کبی قدیم بر زمانده دقکان طرفلرینه کلش و ( بجاپور ) ک جهین دینیلن مذهبی سالک لرینک و زراع صنفدن بولنان کیمسه لرک اجدادی بو ذات طرفندن اسلامه جلب اولمشدی . ینه او قرنک ختامنه طوغری کل برکه قصبه سنک مشهور ولیسی سید محمد کیزوداراز ( پونا ) حوالیسی هندو- لردن بعضلرینی هدایته سوق ایتش و آندن یکرمی سنه قدر بر مدت صوکره همت تبشیریسی ( بلغوم ) ده دخی عین موفقیتنه تنوج ایشدی . اسلامک ایووک اولیاسندن بولنان بغدادلی عبدالقادر کیلانینک اقرباسندن برینسک احفادی حالا ( داهانو ) ده ساکندرلر . اوزات ، اون بشنجی قرن ایچنده هندستانه کیتمش وقونکان حوالیسندہ بر چوق کیمسه لری اهتدا ایتدیردکن صوکره وفات ایش و داهانوده دفع اولمشدی . ( داهاروار ) حوالیسندہ کی طوقویحیلردن بر چوغنک اجدادی بجاپور حاکمی ایکنجی عادل شاهه تدریسات دینیه ده بولنش اولان هاشم پیر کجراتی طرفندن اسلامه سوق ایدلشردی . بو مسلمانلر ، اولیادن عد اولنان او ذاتی حالا تکریمات مخصوصه ایله یاد اتمکده درلر و آنک احفادینه رعایت کوستریبورلر . شاه صادق سرمستی حسینی نامنده دیکر برولینک احفادی ده ( ناسق ) حوالیسندہ بولنور . بو ذات مسلمان مبشر لرینک ای موفقیتلیردن صاییلور . مدینه دن قالقوب ۱۵۶۸ ( هجری ۹۷۶ ) سنه سنده هندستانه کیتمش و غرب طرفلرینی خلیجه طولاشدقدن صوکره ناسق شهرنده قرار قیلمش ایدی . آندن الی سنه قدر مقدم ینه ناسق حوالیسندہ بیووک موفقیتاته مظهر اولمش مبشر لردن خواجه خونمیر حسینی نام ذات دخی بر چوق جان قازانمشدی . بلغوم حوالیسندہ چالیشمش اولان عرب مبشر لردن سید محمد بن سید علی وسید عمربک غیرتلی دخی شایان ذکر کوریلور .



دیگر بر قوه تبشیریه دخی ( مالتان ) شهری اطرافنده تحشد ایشدی .  
 یومحل ، عرب فتوحاتنک ایام اولیه سنده محمد بن قاسمک سیند حوالیسی اوزرینه  
 حاکمیت اسلامیه وضع ایلدیکی صروده  $\frac{۹۶۵}{۷۱۴}$  حدودا سه لامیه نك ایلری قره غولارندن  
 بری بولنیوردی . اوچ یوز سنه قدر دوام ایدن مذکور حاکمیت دورنده بالطبع  
 فاتح لک دینه ترفع ایدن برچوق کیمسه لر بولنیوردی . سیند خطه سی امراسندن  
 بر خیلی کیمسه لر خلیفه عمر ابن عبدالعزیزک دعوتی اوزرینه اسلامیتی قبول  
 ایلدی لر . محمد بن قاسمه تسلیم اولان ( ساوانداری ) اهالیسی - مسلمانلره مسافر  
 پرورلک کوسترمک و آنلره رهبر لر تدارک ایتک شرط لیه - نائل صلح اولدی لر .  
 اووقعه دن یوز سنه قدر سوکره کلن مؤرخ ( البلاذری ) اوخلقک اسلامیته معتقد  
 بولندیغی ذکر ایشدر . قاسمک تحریراتی دخی اهتدال و قوعندن مکرراً  
 بحث ایلر .

مذکور اهتدالک اختیاری بولنش اولدقلرینه شونکله ده حکم ایدیله بیلورکه  
 عرب لر - هجوملرینک ایلک شدتی کچدکن سوکره - بتپرست تبعه لرینه قارشو  
 نك مساعده کارانه برمسلك اتخاذا ایشلردی ؛ مثلاً قصبه لری هجومه ضبط ایدیلن  
 ( براهمن آباد ) اهالیسی - براهمنلره واسطه تعیش تأمین ایدن - معبدلرینک  
 تعمیرنده سر بست بر اقلمشلردی . اهالیدن هیچ بر فرد کندی مذهبی تعقیدن  
 هیچ بر سبله آلیقونماشدی . بلا مقاومت تسلیم اولان لرله آمان و یریه لرک  
 خلق کندی مذهب و قانونلری وجهله حرکته مآذون ایدیلر .

طوقوزنجی قرنک قسم اخیرنده خلافتک دوچار اولدیغی مشکلات صره لرنده  
 سیند خطه سی مرکز حاکمیت طرفندن اهاله اوغرامش و متعدد اوفاق امارتلره  
 انقسام ایشدی که بونلرک قوتلیجه لری مالتان ایله منصوره امیرلکلری ایدی .  
 داها اوجه صارصلمغه باشلامش اولان مسلمان قوتی بو افتراق لر بالطبع نك  
 ضعیف دوشورمشدی . المعتصم دورنده ( م ۸۳۳ - ۸۵۲ ۲۱۸۵ - ۲۲۸ )  
 سندان نواحیسنده کی هندولر اعلان استقلال ایشلر و فقط مسجدلره تعرضه  
 بولنماشلر و مسلمانلری اجرای عبادتده ازعاج ایتک ایسته مه مشلردی . مالتان  
 مسلمانلری ایسه استقلال سیاسی لرینی محافظه ایله بیلمشلر و دوچار تعرض

اولدقلری تقدیرده - اوراده بولنان و هندولرجه بغایت تقدیس ایدیلن وزیرتته هر طرفدن مجوسیلر کن - برصنی قیره جقلری تهدیدیه هندو پرنسلیینه تسلیم اولمقدن قورتلشلردی . [۱] اسلامیت بوراده کی قوای ماده سنک دور انقراضده دخی موفقیات تبشیریه مظهر اولمشدر . مملکتی کاشمیر ، مالتان و کابل آرهلرنده کی حوالی ده بولنان ( عصیقان ) قرالک اهداسنی مؤرخ البلاذری بروجه آتی نقل ایدر : « بومملکت خلقی طابندقلری برت ایچون معبد انشا ایتدیرمشلردی . مذکورقرال ، معبدک پاپاسلرندن خسته دوشن اولغلك قورتلسی ایچون اوصنمک مواجهه سنده دعا اجراسنی طلب ایلدی . راهلر آز برمدت مشاوره ایچون چکلدکن صوکره عودت ایلدیلر و دیدیلر که ( دعا ایتدک و دعامز قبول ایلدی . ) لکن آرهدن پک آز مدت مرورندن صوکره کنج شهزاده وفات ایلدی . بونک اوزرینه قرال حدتله معبده هجوم ایتدی ، صنمی قیردی ، معبدی بیتدیردی و پاپاسلری قتل ایتدیردی . برمدت صوکره مقدا کندیسنه وحدایت خدادن بحث ایلمش اولان مسلمان هیئت تجاریه سنی حضورینه جلب ایلدی واللهمک برلکنه شهادت کتوره رک مسلمان اولدی . »

بوکا مائل نفوذ تبشیر - تجارتلریله برلکده دینلری ده هندستانک مشرک بولنان بلده لرینه نقل ایدن - متعدد مسلمان تجارتلری طرفندن اجرا ایدیلوردی . اونجی و اون ایکنجی قرنلده یتیشن عرب جغرافیونی ساحلده و داخلمده بولنان بومثللو شهرلردن برخیلسنک اسامیسنی قید ایتمشدر . اورالده مسلمانلر مسجدر انشا ایتدیرمشلر ، یلی پرنسلرک حمایه سی سایه سنده امین یاشامشلر و حتی او پرنسلردن کندی شریعتلرینه تابع بولمق امتیازینی بیله آلمشلردی . [۲] مسلمان تاجرلری سیند ایله هندستانک آکا مجاور اولان حوالیسی وممالک خارجه آرهنده کی معاملاتک واسطه لری ایدیلر . بونلر چینک و سرندیپ اطه سنک محصولاتی سیند سواحلنه جلب ایدرلر و اورادن مالتان طریقله ترکستانه وخراسانه نقل ایلرلردی .

[۱] اصطخرینک کتاب المسالک و الممالک نام اثرینک هولاندالی مستشرق ده هویه طرفندن ایدیلن لاتینجه ترجمه سندن .

[۲] ادربسینک ( ژوبهر ) نام ذات طرفندن فرانسزجه یه مترجم جغرافیاسندن

مشرک مملکتلرینک شهرلرینه داغلامش اولان بوتاجرلر باشقه یرلره کیدن تجارت مسلمه طرفدن کوستریلن غیرت تبشیریه به مائل برهمت ابراز اتمه مش اولسه لر دی موجب تعجب بولنوردی . سیند خطه سنده ۱۳۵۱ دن ۱۵۲۱ سنه سنه قدر (سمما) لرك اهتداسنك بوكي جماعات تجاریه طرفدن اجرا ایدیلن نفوذدن ایلری کیش اولدیغی محتملدر . دیگر طرفدن دخی بوخاندانن ناندان باینه دوری « صلح وامنیت زمانی بولمسندن و بو حکمدارک محاربهه کیتمک ایچون هیچ بروقت آه بینمکه مجبور قالماسندن و هیچ بردشمنک کندیسنه قارشو میدان جداله آتاماسندن » طولایی بالخاصه یاد ایدیلور . [۱] اودور عین زمانده « عدالتی و اسلامده کوریان تراید عدد » جهتلیله وصف ایدیلور . بوتراید عدد آنجق ساکنانه وقوعه کان اصول تبشیر ایله وجوده کتورلمشدی . بومبشیر لرك اک معروفی عبدالقادر کیلانی احفادنن سید یوسف ایدی که برکیجه رؤیاسنده بغدادن چیقمق و هندستانه کیدرک خلقی دین اسلامه سوق ایتمکه ملهم اولمشدی . بوذات ۱۴۲۲ ( ۸۲۶ هـ ) تاریخده سینده واصل و اون سنه قدر اوغراشهرق (لوهانا) طبقه سنندن یدی یوز عائله یی اسلامه کتورمکه موفق اولدی . بو عائله لر ، ایچلرندن سانداراج و هانسرائاج اسمنده ایکی کشینک اثر اهتداسنی تعقیب ایتمشلردی . بوایکی کیمسه مسلمان ائزده سنندن برذاتک ابراز ایلدیکی کرامتی کوردرک اسلامه کیش و بریسی آدجی دیگر ی تاج محمد اسمنی آلمشدی . مذکور طائفه مهتدیه آدجینک حفیدینک ریاستی آئنده ، کووچ حوالیسنه هجرت ایتمشلر و کووچ لوهانالری آره سنده اهتدا ایدن کیمسه لاله عددلرینی آرتیرمشلردی .

سیند خطه سی اسماعیلیه مذهبنک میسیونه ری بولنان پیر صدرالدینک فعالیتنه ده صحنه اولمشدی . صدرالدین ۱۴۳۰ سنه سنده - هندستانده خوجه دینلن - اسماعیلیه طائفه سنک رئیس بولنوردی . بو طریقت اصحابنک کوستره کلدیکی « اویصاللق » مسلکی موجبنجه صدرالدین برهندو اسمی طاقیندی و هندولردن کندی طریقتنه صوقق ایستدیکی کیمسه لرك اعتقادات مذهبییه اصلیه لری خصوصنده بعض مساعداتده بولندی و آنلر آره سنده ( داساوادار ) عنوانلی بر کتاب نشر

[۱] البوت نام مؤلفک اولجه عنوانی ویریلن هندستان تاریخندن .

ایتدی که بو کتابده حضرت علی اوچنجی ( آاتار ) اولمق ویا ( وینسو ) ک تناسخی بولمق اوزره کوسترلدی . بو اثر ، داها بدایتده هندستانده کی اسماعیلیه لر طرفدن کتاب مقدس اوله رق قبول ایدلمکه حالت نزعده بولنان برکیمسه نك یاتاخی یاننده برچوق آیین مراسمده اوقوتدیریلوردی . بونده وینسو تناسخدن طوقوزینک ممکن مرتبه حقیقی بولندیغی و فقط حقیقت کامله بولمقدن بعید اولدیغی دعواسی ایلری سوزیلور . بو کتاب غیر کامل ( وه یینسو ) اصولی اسماعیلیه احکام مذهبییه سنک زکن اساسی ایه یعنی علینک تناسخی ووصولک تبلیغی ایه اکل ایتمک ایستر . صدرالدین ( براها ) یی محمد و ( وینسو ) یی علی یایمق ایستمشدر . پیر صدرالدین کوچ طرفلرنده ده موعظه لر ویرمش ایدی . طریقتنک احکامی بورالردن کجرات حوالیسنه واورادن بومبای شهرینه حلول ایتدی . الحاله هده بو ( خوجه ) ویا اسماعیلیه جماعتی افرادی غربی هندستانک تجارت مرکزی اولان شهرلرنده و بحر محیط هندی سواحلنده بولنورلر .

مع مافییه پیر صدرالدین هندستانه کیدن اسماعیلیه میسیونه رلرینک برنجیسی دکلدی . یمندن ۱۰۶۷ سنه میلادیه سنده کوندرلمش اولان عبدالله نام اسماعیلیه میسیونه ری هندستانده داها اول ایشه باشلامش ایدی . بو عبدالله پک عالم بر آدم اولمق اوزره ذکر ایدیلور . برچوق کرامت لر کوسترمش و بویله جه کندی مذهبک حق بولندیغنه دائر هندولردن بعض اشخاصه قناعت ویرمش ایدی . دیگر بر اسماعیلیه میسیونه ری ده بومذهبک موقع رصینی و شیخ الشیوخنک مرکزی اولان العموتدن کوندرلمشدی . اسمی نورالدین ایکن هندولرجه کسب تعارف مقصدیه ( نورستاغر ) نامی آلمشدی . بونک کجراته وصولی هندو مذهبده بولنان قرال ( سیدها راج ) دورینه ( ۱۰۹۴ - ۱۱۴۳ ) تصادف ایلدی . بر هندو اسمی اتخاذهه برابر مسلمانلرده اسم حقیقیسنک سید سعادت اولدیغی سویلردی . بونک ( قانیس ) ، ( خارواس ) و ( قوریس ) کبی طبقات مادونه دن بولنان کجراتیلر آره سنده خیلی سالک قازاندیغی روایت ایدرلر . نورالدین ویا نور ستاغر اسماعیلیه مبشری صفیله سالکلری طرفدن مظهر



تکریم اولدیغی کبی عبدالله دخی بعض کیمسه لر طرفندن بورا (بهره) مذهبیک مؤسسسی اولوق اوزره قبول ایدلمشدی . بورالر اصلاً هندو اولوب بر نوع شیعی طریقتنه سالک اولمشلر و اکثریتنه بومبای ایالتنک مراکز تجاریه سنده ساکن بولمشلردر . لکن اقوال آخره کوره بونلر کنیدیلرینک برنجی مبشری اولوق شرفنی ملا علی به عطف ایدرلر . ملا علینک تعقیب ایتمش اولدیغی میسیونرلک حقنده شیعه مذهبندن بر مؤرخ بیانات آیه ده بولمشدر : « اوزمانلرده کجرات خلقی مجوسی بولندیغندن و بر چوقلری اختیار بر آدمی رئیس دینی طانیه رق آنک تبلیغاتی وجهه کوری کورینه حرکت ایلدکارندن ملا علی بو اختیار زردینه کیدوب کنیدینه مرید یازلمغی بر تدبیر مصیب بولمشدی . بو وسیله دن بالاستفاده دلائل مقنعه سنی آنک مواجهه سنده شرح ایدرک دینه کتورلمسی تصورنده بولنیور و آنک واسطه سیله سالکلرینی ده جلب ایتک ایستیوردی . بناء علیه اختیار هندونک معیتنده بر قاچ سنه قالدی ، مملکت اهالیسنک لسانی او کردی و آنلر آرد سنده موجود علومه کسب و قوف ایلدی . قدمه قدمه اسلامیتک دین حق بولندیغی دلائلی اختیار ذاتک منور فیکرینه طوغری سوردی و آتی ایمانه کلکه اقناع ایتدی . فی الحقیقه اختیارک سالکلرندن بعضلری بو مذهبده دخی آنک کوستردیکی مثالی تعقیب ایتدیلر . مملکت حکمدارینک باش و کیلی تبدیل دیانت ایلدیگی شایع اولان اختیارک زردینه کیتدی و آکا تبعیت ایتدی . کرک باش و کیل کرک اختیار ایله سالکلری تبدیل دیانت ماده سنی خیلی زمان کیزلی طوتدیلر وزیر اعدم احتیاط ایله کیفیتک قراله معلوم اوله بیله جکندن قورقدیلر . مع مافیه قرال باش و کیلنک تبدیل مذهب ایلدیکنی بر مدت صو کره خبر آلدی و او باده تحقیقاته کیریشدی . قرال ، بر کون هیچ کیمسه به خبر ویرمکسزین باش و کیلنک اوینه کیتدی و آتی برای عبادت اتکا خالنده کورده رک حیره دوشدی . وکیل ایسه حکمدارینک مقصد زیارتی و کوستردیکی علائم ناخشنودینک رکوع و سجود کبی اشکال عبادتی طولانیسیله حصوله کلن اشتباه ایله متهیح اولدیغی آکلادی . جناب حقک لطف قدسیمی او مقامه پک مناسب دوشدیکندن وکیل در حال « اوطهنک او بر گوشه سندن باش کوسترن برییلانی

ترصد ایچون او حرکات عضویده بولندیغتی « سویلدی . قرال اوطنک ارانہ ایدیلن گوشه سنه طوغری یورویجه ینه لطف ربانی ایله اوراده حقیقی بریلان کوردی ووکیلنک معذرتی قبولدن بر مدت صوکره کندیسیدی ده آنک دینه کیردی ؛ سو قدرکه اسباب دولدن طولای تبديل مذهب ایلدیکنی خفی طوتدی . لکن اجلی تقرب ایتدیکی زمان جسدینک هندو عادتی وجهله احراق ایدلیوب دفن اولمسنی وصیت ایلدی . آنک وفاتی متعاقب دهلی ده حکمفرما اولان فیروز شاهک اک زیاده اعتماد کوستردیکی اشرافدن سلطان ظفر کجرات مملکتی ضبط ایتشدی . معیتده کیدن سنی المذهب بعض اصیلزادکان اورا خلقنک اهل سنته التحاقلری ایچون امر اصدارینی توصیه ایلدیله . بو جهته ( بورا ) لره بعضی سنی اولدی و باقیسی مذهب متخذلرنده ثبات ایلدی . [۱]

کووچ و کجرات جهتلرنده ساکن برطاقم مسلمان حزبلری دخی اهتدالرینی - اون بشنجی قرنک نصف اخیرنده تبشیر دینی ایله مشغول بولمسن اولان ( پیرانا ) لی امام شاهک - همتنه عطف ایدرله . بربری آرقه سنه ایکی زراعت موسمی دوام ایدن قوراقلق اوزرینه امام شاهک یاغمور دعاسنه چیقمسو و دعاسی برکاتیه رحمت دوشمسو برچوق هندولری اهتدایه سوق ایتدی دیه روایت ایلرله . باشقه بر زمانده دخی ( بنارس ) شهری زیارتکاهنه کیدن هندو حجاجنک ( پیرانا ) یه اوغرادقلری صروده امام شاه کندولرینه رهبرلک ایتک تکلیفنده بولور، هندولرده تکلیفی قبول ایدرله و کندیلرینی درعقب بنارس بلده محترمه سنه بوله رق غانج نهرنده تغسل مذهبی یی اجرا و نذرلرینی ادا ایلرله ؛ حاصلی هندو حجی معتاد وجهله ایفا ایدیلور . بردن بره کندیلرینه کلوبده حالا پیرانا شهرنده بولندقلرینی آکلایجه کرامته حیران قالدقلری امام شاهک تابع اولدیغی دینه ایمان ایدرله . [۱] اولیادن اولان بوذات ۱۵۱۲ ( ۹۱۸ هـ ) سنه سنده وفات ایتشدر . پیراناده کی تره سنی مسلمانلر کی هندولر دخی تبرکاً زیارت ایدرله .

[۱] لوندیره نک هندستان نظارتی کتبخانه سنده ال یازیسی ایله محفوظ و نوراله ششتری طرفندن محرر ( مجالس المؤمنین ) نام کتابدن .  
[۱] احمد آباد قربنده بولنان پیرانا ایله بنارس آره سنده کی مسافه نک بعد عظیمی بوراده تعیینه حاجت یوقدر .

کوچ مسلمانلردن اولوب نسللاً هندو بولنان برچوق کیمسه لر داوول شاه پیری رهبر روحانیلری ، صفتیه تقدیس ایدرلر . بوذاتک حقیقی اسمی ملک عبداللطيفدر . کجراتک مسلمان خانداننک اک معروف حکمداری بولنان محمود بیغاره نك ( م ۱۴۵۹ - ۱۵۱۱ هـ ۸۶۴ - ۹۱۸ ) اعیان حکومتندن برینک اوغلی ایدی . لسان عامه ده زبازرد اولان حکایاته کوره هندولرک اهتدارلی محمود بیغاره دورنده باشلامشدر .

اگر اهتدارک عددینه کوره محاکمه یوروتمک لازم کلورسه هندستانده کی مسلمان مبشرلرینک اک زیاده موفقیتیه نائل اولمش بولندقلری جهتک بنغال خطه سی اولدیعی محقق صورتده ذکر ایدیله بیلور . بنغالده اون ایکنجی قرن میلادینک صوکلرنده ایلك دفعه اولمق اوزره بر مسلمان حاکمیتی تأسیس ایدن محمد مختیار خیلجی نام ذات بنغال و بهار حوالیسینی فتح ایتدکن صوکره بنغالک ( غور ) شهرینی مرکز حکومت یامشیدی . حاکمیت اسلامیه نك اوزون مدت دوامنک انتشار اسلامه یاردم ایتسی طبیعی ایدی . واقعا هندو حاکمیتی تکرار تاسس ایتمش و کندیسینی مسلمان تبعه یه بيله سودیرمش اولان راجه ( قانس ) ک اداره حریتکارانه سی آتنده اون سنه قدر دوام ایتس ایدی ؛ فقط اوغلی ( جامال ) هندولکی ترک ایله اهتدا ایلدی . پدینک ۱۴۱۴ ده وقوعه کلن وفاتی اوزرینه دولتک امرا و ضباطنی بر اجتماعه دعوتله آنلرک حضورنده مسلمانلغنی اعلان ایتدی و شاید امرا ، رؤسا و معتبران مملکت کندیسینک تختده بولنسنی ایستیمورلرسه مقامنی برادرینه براقغه مهیا اولدیغنی سویلیدی . حاضر بالجلس بولنانلرده هانکی دینه انتساب ایدرسه ایتسون حکمدارلغنی قبول ایله جکلرینی کندیسینه بیلدیردیلر . بونک اوزرینه راجه نك هندولغنی رد ایله اسلامیه کیرمسی مراسمنه شاهد اولمق اوزره برچوق مسلمان علماسی دعوت ایدلدی . راجه ارتق جلال الدین محمد شاه اسمنی اتخاذا ایلدی . بونک دورنده پک چوق اهتدارل وقوعه کلدیکی روایت ایدیلور . مع مافیه بو اهتداردن بعضیسی جبر وقوعه اسناد ایدیلور ؛ زیرا آنک دوری ، بنغالده بش یوزاللی سنه قدر دوام ایتمش اولوب حاکمیت اسلامیه تاریخنده هندولر حقنده روا کوریلن تعدیيات

ایله تفرد ایتمش بولمقله مقیددر . [۱]

مع مافیہ باشقه دورلرده دخی ادارهٔ اسلامیه نك تضییقی ایله اهتدالر وقوعه کتورلمش اولدیغی ده ادعا ایدرلر . اصلاً هندو ایکن اسلامه کلن (خاراغپور) راجه لری ایمپراطور اکبرک قوماندانلردن بری طرفدن مغلوب ایدلملردن طولایی عائله لری املاکنه تصرفدن آلیقونمشلر و آنجق اسلامه کللری شرطیله مذکور املاک کندیلمرینه اعاده ایدلمش ایدی . جیتاغونغ شهرنده کی اشرف علی خان عائله سنک هندو بولنان جدینه تضییق واجبار ایله صغیر اتی قوقلاتدیرلمش و بو حال ایسه آنک منسوب اولدیغی هندو طبقه سندن طردینی ایجاب ایلشیدی . اوده دوشمش اولدیغی وضعیت ذلیلله مطرووده دن قورتمق ایچون اسلامه کلکده مضطر قالشیدی . بوکا ممائل دهاها بر چوق وقعهر التقاط و درمیان ایدیله بیلور . [۲]

براهمن مهتدیلردن برینک اوغلی اولوب اون سکرنجی قرن ابتدالرده ایمپراطور اورنک زیب طرفدن بنغال والیلکنه تعیین ایدلمش اولان مرشدقولی خان ، دولت مأموریتده بولنان ویا صاحب املاک اشرفدن اولان برکیمسه شاید وقتی حلول ایدنجه ویرکوسنی ویرمز و بونک بر وجهله تضمیننده بولنمازسه کندیسنی و قاریسی ایله چوجقلمی اهدایه مجبور ایلک حقنده وضع اولنان قانونی تطبیق ایتدیرمشدی . بوندن ماعدا منسوب اولدیغی مذهب احکامنه وجهاً من الوجوه مغایر بر حرکتی ظهور ایدرک طبقه سندن طرد و اخراج ایدیلن هندولرک تکرار طبقه لرینه دخول ایده بیلملری حکومت اسلامیه نك امریله ممکن اوله . بیله جی حقنده ده بر قانون وضع ایدلمشدی . بویله جه حکومت - مداخله دن استنکاف ایلدیکی تقدیرده - مطروودک هندو اصول اجتماعیه سنده کی وضعیت سابقه سنی تکرار قازانسی ایچون باشقه هیچ بر واسطه قالمیوردی . او یله بر وضعیته دوشن هندو ایسه مسلمان اولمقدن باشقه برامکان خلاص بوله مازدی .

[۱] وایز نام انکلیر بحرینک Muhammedans of Eastern Bengal عنوانیله

شرق بنغال مسلمانلرینه دائر کتابندن .

[۲] هندستانک ۱۹۰۱ سنه سنده کی تحریر نفوس راپورندن .



بنغال حواليسنده بعض سرگذشتجو افغان مهاجريني يرلشمسدى. بونلرك ترويج اهتدا خصوصنده برخيلي يارارلقلر كوسترمش اولدقلى آكلاشيلور. بو افغانلير تروج ايلدكلى هندو قادينلردن متولد چوجقلمه علاوه قحظ زمانلرنده محتاج دوشن هندو عائله لرندن آج وچيلاق بولدقلى صياني صاتون آلورلر و مسلمان اركاني اوزره تربيه ايدرلردى. [۱] مع هذا بنغال مسلمانلرينك اك كترتلى كورندكلى يرلر اسكى حكومات اسلاميه مه مركز بولمش اولان حوالى داخلنده كائن دكلدرلر؛ بالعكس بو مسلمانلر كترله حوالى قراده، غربدن كملى ملحوظ اولان مهاجرلردن هيچده نشانه بولميا نواحيده وهندولرك طبقات مادونهسى ايله منسوب بولندقلى يو كسك طبقاتدن مستخرج و مطرود بولنلرك ياشادقلى محللرده سا كندرلر. بو مادون طبقات هندولريه افراد اسلاميه آرسنده كوريلن مشابهت اجسام و اطوار شبهه سز اصليلرنده كى وحدته دلالت ايدر. وقتيله هندستانك شمال غربيسنده بودا مذهبي قوتى ايله مظفرانه اوغراشدقن صوكره برده - تازه حيات و مترايد برشوق ايله مملو - براهمن قوتلريه تصادم ايتمش اولان قواى اسلاميه بنغال جهتنده او كى مانع لره تصادف ايله مش ايدى. دين اسلام دخى بوجهته كى راه ترقيسنده حائل تشكيل ايدى. بيله جك بر اصول مذهبي بولماش ايدى. شمال غربى ده - تعديت واقعيه رغماً - هندولرك كوسترمش اولدقلى حرکات مقاومتكارانده هندو مذهبك نفوذى برقوه الهاميه تشكيل ايتمش و سالكلى اوزرنده كى حكمنى آنلرك ساعات ادبار و مدلترنده بيله محافظه ايله بيلمش ايدى. لکن بنغال جهتنده ارضك يرلىسى ايله هندولرك اك كيريدى بولنان طبقات ناسى مسلمان مبشرلرينى - قوللرينى آچهرق - استقبال ايلشردى. « اسلاميت بوقيرانسانلره - يعنى بالقجى، كيجى، صياد و آشاغى درجده زراع كجى كيمسه لره - جهت علويدن منزل بروحى كجى كوروندى. بونلر ايجون اسلاميت، بر عرق حاكمك دىنى ايدى؛ آنك ميسونه لرلى ايسه - وحدانيت الهيه و مساوات انسانيه ي مواجهده بولنديران -

[۱] چارلس ايستيوهرت نام انگليز محرينك History of Bengal عنوانلى بنغال

پر کتاب مقدسی۔ تذلِيل ايدئمش ومهمل براقلمش برخلقه۔ ايصال ايدن شوقلي وغيرتلي كيمسه لردى . اسلاميتك مبدأ عقيدہ سى بيله كنديسندن رجوعى محال قيلار و مهتدى ايله احفادىنى ابدى مؤمنلر حالنه قويار . بو وجهله اسلاميت هندستانك فيضلى طوپراقلردن اك زنكين اولاننك اوستنده يرلشدى ؛ اويله حوالى طوپراغى كه اك سريع و اك صيقى صورتده نفوسى آرتان بر خلقى رفاه ايله اعاشيه قابليتيدر . بعض جبرى اهتدالرك وقوعى ده مقيددر ؛ فقط اسلاميت ، آشاغى بنغالده كى موفقيت دائمه سى اچون قوه اجباريه به محتاج قالماشيدى . طوغريدن طوغرى به ناسك مواجهه سنه كلدى و مهتديلرينك جماعت كبراسنى فقراى ناسدن طوپلادى . الوهيت حقنده داها على بر ذهاب و اخوت بشريه خصوصنده داها نجيب بر فكر كتوردى . بنغال خطه سنك قارنجبه كى كترتلى اولان وعصر لردن برى هئت اجتماعيه سنك اك كيريده كى صفنده محقر بروضعيته قالان طائفه مادونه سنه يكي بر مؤسسۀ اجتماعيه دخول حرىتى بخش ايلدى » [۱]

ميسيونه رلك تشبثاتنك بنغالده معين بر صورتده موجودى اشخاص منفرده نك ديتلرى اوغورنده كى غيرتلىنه دائر اولان بعض قصه و حكايله ر ايله ده اشهاد ايدلمشدر . شيخ جلال الدين تبريزى بو اشخاص منفرده نك اك قديم لردن بريدر . كنديسى ، اولياى كرامدن شهاب الدين سهرور دينك تلاميذدن ايدى . اجراى تبشير ضمننده اجرا ايديلن سياحتلرى صره سنده بنغال حواليسنى زيارت ايتش ايدى . شيخ جلال الدين تبريزى ۱۲۴۴ (۶۴۲ھ) سنه سنده وفات ايتدى . قبرينك موقعى صحى و جهله بيلنه مديكندن آنك تكريم نامى اچون بنغالده قيمتلى اوقافى شامل بر تر به انشا ايتديرلدى . بوذاته برچوق كرامتلىر عطف ايديلور . بركون كنديسنه تصادف ايدن برهندو سودجيسنى برباقيشده اهتدايه سوق ايتمشدر . بنغالده اون طوقوزنجى قرن ظرفنده اسلاميتك شايان دقت برتيقظى كورلمشدر . وهابيلك نفوذيه ميدانه كلش اولان بعض طريقتلر بنغالك كافه

[۱] قوسين اچنده كى محاكات سيرويليام هانته نام انكليز مؤلفنك The Religions Of India عنوانى هندستانده كى مذاهب حقنده كى اثرندن مأخوذ .

ملحقانته مبشر لر کوندر مشلر ، هندولقدن توارث ایدیلن اعتقادات باطه نك .  
بقیه سنی بین المسلمین تطهیردهه چالیشمشلر ، غیرت دینه یی تزئیده وغیر مساملر  
آره سنده دینلرینک توسع نفوذینه همت ایشلردر .

هندستانک - بالاده مذکور اقسام ممالکدن خارج قالان جهتلرنده - چالیشمش  
اولان مسلمان مرشدلری حقنده سرد ایدیله جک بعض بیانات داها واردر :  
بومبشر لرك الك قدیملرندن بری ده بخارا سیدلرینک مشهورلرندن بولنان  
شیخ اسماعیلدر . بوذات علوم دینه ومادیه ده ممتاز الامثال ایدی . اسلامیتی برنجی  
دفعه اوله رق لاهور شهرنده تبلیغه چالیشان کیمسه نك بوشیخ اسماعیل اولدیفی  
مرویدر . او شهرده ، ۱۰۰۵ (۳۹۶۵) تاریخنده واصل اولمشدی . موعظه لری  
کلیتی جماعتلر طرفندن دیکلنیور واهتا ایتدیردیکی کیمسه لرك عددی کوندن  
کونه آرتیور ایدی . روایت ایدلدیکنه کوره کندیسيله شخصاً تماسده بولنان  
غیر مؤمنلردن هیچ بریسی دین اسلامه ایمان ایتمکسزین یانندن آیرلماشدر . [۱]  
نچاب الکاسنک غرب جهتی اووالری سکنه سنک اهتداسی ، مالتان شهرینه منسوب  
بهاء الحق و ( پاکاتان ) دن کلن بابا فرید الدین نام ذاتلرك موعظه لریله حصول  
بولمشدی . بهاء الحق اون اوچنجی قرن نهایتلرنده یاشامشدر . اون دور دنجی  
قرن مبادیسنده کلن فریدالدینک ترجمه حالی یازان ذات ، آنک موعظه لری  
تأثیراتیله اهتدا ایتمش اولان اون آلتی مختلف عشیرتک لیسته سنی درج ایلر  
وقفت افعال بشیریه سی حقنده تفصیلات ویرمز . [۲]

هندستانک مشهور اعززه سندن بولنان و ( راجپوتانا ) مملکتنده اسلامته  
کشافلق ایتمش اولان خواجه معین الدین جیشتی ۱۲۳۴ ( ۶۳۲۵ ) سنه سنده عجمیرده  
وفات ایتمشدر . بوذات ایرانک شرقنده بولنان ساجستان قصبه سی اها لیسندن  
ایدی . برای حج مدینه یه متوجها کیتدیکی صره ده هندستانک غیر مسلملرینه  
تبلیغ اسلامیت ایچون مظهر دعوت اولمشدی . رؤیاسنده کندیسنی حضور  
پیغمبری ده بولمش وشو خطابی استماع ایشمشدی : « هند مملکتی جناب حق

[۱] غلام سرور نام هندی محرک لاهورده مطبوع حزینه الاصفیاء نام کتابندن .

[۲] هندی اصغر علی نام مؤلفک لاهورده مطبوع جواهر فریدی عنوانی کتابندن .

طرفدن سکاده برودیعہ در ؛ سن اورایہ کیت و عجمیرہ تمکن ایت ؛ اللهم عنایتلہ و سنک و سکا پیرو اولانلرک دیندارانہ غیرتلیلہ دین اسلام او طوپراقده . انتشار ایدہ جکدر . « معین الدین جیشتی بودعوتہ در حال مطاوعتہ بولندی . اوزمان ہندو حاکمیتی آلتندہ بولنان عجمیرک اطرافندہ کی حوالی کاملاً پتپرستلرہ مسکون بولنیوردی . اورادہ ایلک ہدایتہ سبق ایتدیکی کیمسہلر ارہسندہ بالذات راجہیہ معلم دینی بولنان بر (بوغی) بیلہ موجوددی . مواعظ تبشیریہ سی ایلہ صف کفردن صدر ہدایتہ کلش کیمسہلردن مرکب برحزب مریدان ایلہ کندیسنی تدریجاً احاطہ ایتدی . بر معلم روحانی صفتیلہ صیتی ، ہر طرفہ یاییلدی و بوسیلہ عجمیرہ منجذب اولان برچوق ہندولرہ اسلامی قبول ایتدیردی . عجمیرہ کیدرکن دہلی شہرینہ اوغرادینی صرہدہ اورا مجوسلرندن یدی یوز کشی بی اہتدایہ سوق ایتدیکی مرویدر .

ہند مسلمان عالمی تاریخچہ بغایت اہمیتی حائر اولان برشیہ ۱۱۹۹ ( ۵۹۶ ھ ) سنہندہ بخارادہ تولد ایتدیکی روایت ایدیلن سید جلال الدینک ہندستانہ وصولیدر . بوذات ۱۲۴۴ ( ۶۴۰ ھ ) سنہندہ الیوم ( بہاولپور ) حدودی داخلندہ بولنان ( عیج ) قصبہ سندنہ تمکن ایتشدی . جوار خلقندن متعدد اشخاصی اسلامہ سوقہ باشلادی . وصولندن قرق یدی سنہ صوکرہ وقوعہ کلن وفاتی زمانندن شیمدی بہ قدر تربہسنہ محافظ اولانلر - کندیسنی کی احترام ناسہ مظهر اولان - احفادیدر . بونلرک بولندقلری محل پک واسع برنفوذ دینک منبعی حالہ کلشدر . اوغلنک اوغلی اولوب مخدوم جہانیان دیہ کسب تعارف ایلن احمد کیرہ ، پنجاب عشیرت لرندن برخیلیسنی اہتدایہ سوق ایتک شرفی ویریلور . ( عیج ) دن ایکی کیلومتری قدر برمسافندہ بولنان بر محلہ حسن کیرالدینک تربہسی موجوددر . بوذات جلال الدینہ معاصر اولان سید صدرالدینک مخدومی ایدی . بابا واوغل پک چوق مہندی قازانمشلردی . حسن کیرالدین ، ہرہانکی برہندونک اوزرینہ توجیہ نظر ایش اولسہ او آدمک درحال قبول اسلام آرزوسنہ دوشدیکی بین الناس نقل ایدیلن شیلردندر .

وینہ او قرندہ - فقط داہا برمدت صوکرہ - عراق عجم اہالیسندن



ابوعلى قلندر نام کیمسه هندستانه کیتش و (پانڀاټ) ده اقامت ایتش ایدی . یوز یاشنه بالغ اولدینی حالده ۱۳۲۴ ( ۷۲۵ هـ ) سنه سنده او قصبه ده وفات ایدی . بوشهرک راجپوت طائفه سندن بولنان - وعدد رجالی اوج یوزه بالغ اولان - مسلمانلری ، ابوعلى قلندر طرفدن هدایته سوق ایدیلن امیر (سینغ) ک احفادندرلر . بومرشدک تربه سنه زیارت تکریم اجراسی ایچون شمیدیلر ده بینه اطرافدن برچوق کیمسه لر کلور .

ینه بوقیل مرشدلردن شیخ جلال الدین اون دوردنچی قرنک نصف نایسنده وطن اصلیمی اولان ایراندن قالقوب هندستانه کیتش و آشانچی (آصام) حوالیسنگ (سیلهات) قصبه سنده تمکن اتمشدی . نیتی ، بوجهت لر خلقنی هدایته سوقه چالیشمقدی . اولیدان بر ذات صفتیه آز وقت ایچنده بویوک بر شهرت قازاندی وابن بطوطه نك شهادتیه کوره تشبثات ارشادیه سنده موفقیت کامله یه مظهر اولدی .

سین متأخره ده هندستانده اسلامیتک انتشارینه - هم ده بویوک موفقیتله انتشارینه - شاهد برچوق مواد کورلمشدر . اون طوقوزنجی قرنک قسم اخیری ، تبشیر اسلام فعالیتک تازه حیات اکتساب ایلدیکنه خاصه شاهد اولمشدر . او مدت ظرفنده سنوی وقوعه کلن اهتدالر اوز ، اللی ، یوز ، آلتی یوز و بیک کبی مختلف عددلرله تخمین ایدیلور . آنجق اسلام میسیونه رلکنک شخصی ومنفرد اولان وصف خاصندن طولایی مقدار صحیح حقدده معلومات آلق پک مشکلدن . تشکیلات مرکزیه ویا میسیونه رلک راپورلرینه مشابه منابع وقوف بولنامسی سببیه مسلمان مبشرلری خدماتنک موجب اولدینی موفقیت بعضاً افراطله مبالغه ایدیلور ؛ مثلاً نجابده حاجی محمد نام بر واعظک ایکی یوز بیک قدر هندویي اسلامه سوق ایتدیکی سویلنور . [۱] کذلک بانغالورده ساکن بر ملانک بش سنه ظرفنده کرک شهر مذکورده کرک جوارنده بیک قدر هندویي اسلامیه جلب ایتدیکندن تفاخرله بحث اولنور . معافیله فعلاً

[۱] غارسن دو تاسی نام فرانسز محررینک La Langue et la Littérature

و موفقیتی صورتده پروباغاندا ایله اوغراشان خلی مسلمان مبشرلری بولدیغی شههدن وارسته در . آتی ده کی بیانات مذکور مدت ظرفده کی فعالیتیه مجسم مثالر عرض ایدر :

مولوی (ملا) بقا حسین خان نام ذات سیار بر مرشد صفتیه ویردیگی موعظه لک تاثیراتیه بر قاج سنه ایچنده بومبای ، قونپور ، عجمیر شهرلری هندولردن ایکی یوز یکر می سکز کشی پی اهتدایه سوق ایتمشدر . مولوی حسین علی دخی اون ایکسی پوناده و باقیسی حیدر آباد ایله دیگر هندستان شهرلرنده اولق اوزره یکر می بش کشی پی اسلامه جلب ایتمشدر . بومبای ایالتک خاندش نواچیسنده کائن نصیر آباد شهری قاضیسی سید صفدر علی - چاقجیلق ودمیرجیلکه متعلق اشیا و آلات تجارتنده مستخدم عمله آره سنده - اسلام ایچون بو یوک بر مهتدی صنفی تأمین ایتمشدر . عین صنف ارباب شغلدن ایکی یوز کشینک ۱۸۷۰ ( ۱۲۸۷ هـ ) سنه سنده ناسیق شهرنده عجیب بر صورتده اهتداسی وقوع بولمشدر ؛ شو یله که : ناستق شهرینه مأمور ایدیلن ( پردسیتاریهن ) پروتستانلنک میسیونر لری بو ایکی یوز کشی پی بر خلی زماندن بری کندی مذهبلری ایچون هندولقدن چیقارمغه چالیشیور لردی . بو هندولک خرستیانلغی قبول ایدوب اتمه مک خصوصده متردد قالدق لری بر صر دهده کندیلرینک عادات و طرز تفکر اته واقف بر مسلمان درویشی بومبایدن ناسیقه کیدر و آنره احکام اسلامیه پی واضحاً بیلدیرر . آنلرده اسلامه کلکی ترجیح ایلر لر . [۱]

براهمنلکدن کله بر مهتدی بولنان و علمای بنامدن اولان مولوی عبیدالله (پایتیالا) ده ایکن نه قدر غیور بر مسلمان مرشدی اولدیغی اثبات ایتمشدر . مبادیده اقرباسی طرفندن طریق فعالیتده احداث ایدیلن موانعه رغماً اودر جهده مظهر موفقیت اولمشدی که شهرک بر محله سی آنک اهتدا ایتدیردیگی کیمسه لر له همان کاملاً دینه جک قدر طولمشدی . هندو و خرستیان مذهبلرینه قارشو یازمش اولدیغی مناظرت کتابلری دفعاتله طبع ایتدیرلشمشدر . ملا عبیدالله بو اثرلردن بریسنده کندی اهتداسندن شو یولده بحث ایدر : « بن که عبیداللهم ؛ پایتیالا

ملکتنده کائن (په بیال) شهری اها لیسندن منشی (کوتامال) ک اوغلی یم . شوراسنی عرض ایتمک ایسترم که بوقفیر چوجقلمده و پدرمک زمان حیاتنده بپرسستلکک بند اسارتی آلتنده طوتیلوردم ؛ لکن الله تعالینک رحیمه بنی برقوت المدن طوتدی واسلامه طوغری چکدی . هندولغک تقصیراتی واسلامیتک معالسنی ادراک درجه سنه واردم ومسلمانلی جان وکوکلدن قبول ایدرک کنیدی رسول اللهک (صلعم) خدام دیانتندن بری صایدم . عطیه سبحانیه اولان ادراک بکا شوراسنی تفهیم ایتدی که برکیمسه نک علی العمیا اجدادینک عاداتی تعقیب ایدوب کیتمی ، آنلرک خطالی دالالتلرینه تابع قالسی ، سلامت ویا سفالت ابدیه مزک موقوف عالی اولان دیانت وایمان ماده لرلی حقنده تدقیقاتده بولنامسی عطالت وعاتنا جنتدر . بویولده کی تفکرات ایله مذاهب جاریه نک تحصیلنه وبونلردن هر برینک بیطرفانه تحقیقنه باشلادم . هندو مذهبنی عمقنه قدر کشفه چالیشدم ، عالم پانديتر ایله مکالمه و مباحثه لرده بولندم ، خرستیان دینی حقنده معلومات ایدیندم ، مسلمان کتابلری او قودم و علمای مسلمین ایله مباحثاته کیریشدم . بونلرک - علوتی نظرمدده منکشف اولان - اسلامیتدن ماعداسنده خطالر وسنسطه لر بولدم . بو دیانت اصحابنک پیشواسی اولان محمدالنبی (صلعم) او درجه ده خواص معنویه مالکدر که هیچ برلسان آنلری وصفه کافی کلز . بو حقایقه آنحق اسلامیتک عقادینی ، ارکان عبادتی ، تبلیغات روحانیه سنی واحکامنک اجراسنی بیلن کیمسه لر واصل اوله بیلورلر . بو دین او قدر علویدر که آنده هرشی روح انسانی جناب حقه توجیه ایدر . الحمدلله ؛ خلاصه نیم ایچون حق وباطل آرهنده کی فرق کیجه ایله کوندوز ، نور ایله ظلمت آرهنده کی فرق قدر - بلطفه تعالی - واضح اولمشدر . لکن اسلامیتک شعشعه سیله قلم داها اولجه تنور ایتمش واسلام ایچون شهادت کتورمکه دماغم طاتلامش اولدیغی حالده هوسات باطلهم واغواي ابلیس بنی بودنیای فانینک بند راحت وآلایشنه یینه باغلامقده ایدی وظاهراً بپرسست کبی حرکت ایتدی کمدن طولای باطل بروضعیتده قالیوردم . عاقبت ، جناب حق روحی شووجهله منه ایتمک لطفنده بولندی : (داها نه زمانه قدر بو بیها ایچوی صدقده ، بومفرح مسکی شیشه سنده

قابلی طوته جقسک؟ بوايخويي کردنکده طاشملي و بورايحه طيه دن متفع اولمليسک!) بوندن ماعدا اسلامه اولان ايمانی کيزلک و عين زمانده کفارک البسه سنی حامل اوله رق عاداتی وجهله حرکت ايلک انسانی جهنمه سور وکليه جکني عالم کيمسه لر بکا اخطار ايلمشردی . ايشته حمد اولسون ۶۶۳ سنه هجريه سي عيدالفطری اولان بوکون شمس هدايتم برده سحابدن چيقوب کلدی و اخوان اسلاميه مک جماعته ده اجرای عبادت ايلدم [۱] .

صوک زمانلرده هندستانده برچوق مسلمان مبشرلی سوقاق باشلرند . وعظله ويرمک مارين و عابرينه اوراق و رسائل دينيه طاعتمق کي خريستان ميسيونه لرلينک قوللانديقري و سائطي اتخاذا ايلمشردر . برچوق هند شهرلرينک باشليجه جاده لرند هر کون مسلمان و اعظله رينک احکام و قواعد اسلاميه بي عمومه خطاباً ايضاح ايلدکاري کوريلور . بو اصول بالخاصه بانغالورده پک جاريدر . بو واعظلردن بريسي ۱۸۹۰ سنه سنده مذکور شهرک جامعنه اماملق ايديبوردی ؛ ناسه کنديسنی او قدر سوديرمش ایدی که بعضاً آني هندولر - مسلمانلرک توسطی بولتمقسزين - صرف کندولکلرندن وعظ ويرمکه دعوت ايدرلردی . جناب امام، اکثریت اوزره چارشوده و بازار يرلرنده وعظ ايدردي . قيصه برمدت ظرفنده قرق ايکي مهتدی قازانمشدر . بومبايده ساکن بر مسلمان مبشری هان هر کون اوشهرک بازار محلنده آچيقده وعظ ويرر . کلکته شهرينک مختلف يرلرنده مخصوصاً ياپديريلان موعظه محللرنده کي کرسيلر هيچ بوش بر اقلمازلر . يرلی حالته کيرمش اولان آورو پاليلرک احفادينه دخي بعضاً بوموعظه محللرنده تصادف ايديلور ؛ فقط مهتديلرک اکثریت کليه سنی خالص يريلر تشکیل ايدر . [۱]

هندستانک حيات اسلاميه سنه باشليجه مرکز اولان يرلرنده برقاچ بطندن رر تشکل ايتمکده بولنان انجمنلردن بعضيلری مقاصد فعاليتلری آره سنه بازار يرلرنده و ميادين عامه ده موعظه لر ويردیرمک ايشنی ده ادخال ايلمشردر .

[۱] تحفة الهند عنوانيه ۱۳۰۹ تاريخ هجريسنده دهلی ده منتشر برکتابدن .

[۱] صوک فقره قسماً Indian Evangelical Review عنوانی هندستانده کي

انکلیز ميسيونه لرلينک رساله موقوته سندن .



لاهورده کی انجمن حمایت اسلام ، عجمیرده کی انجمن حامی اسلام و بوشکل مخصوصه بولنان سائر انجمنلر وظیفه تبلیغی ایفا ایچون اجرتله مقتدر آدملر طوته رق اجرای خطابه کوندر لرلر ایسه ده بو وظیفه اکثریا ساعات اشتغاله ایش و کوچلریله مشغول اولان اصحاب تجارت و صنعتک اقشامه طوغری بوش قالدجه اجرا ایده کلدکلری خدمت خیرپورانه صورتنده تظاهر ایلر . [۱]

هند مسلمانلرینک بوقیل تبشیر فعالیتلری اکثریتله هندستانه کوندریلن خریستان میسیونرلرینه ویریلن تعلیمات موجبجه اسلامیت علیهنده یاپیلان پروپاگاندرلی رد مقصدیله وقوع بولور . بناء علیه اوبابده کی مساعی برامل تعرضی دکل برماهیت مدافعه کارانه یی خاژدر . دیکر بعض واعظلرده نظر دقتلرینی بیی اهتدالرك تمللرینی تقویه ایتمکة مجبور و بعض جاهل دینداشلرینی حالا محافظه ایلدکلری اسکی هندو ذهاب باطللرندن قورتارارق ذهنلرینه دینک شکل حقیقیسنی نقش ایلمکة عطف ایدرلر . فی الواقع افعال اهتدائیهنک برچوغی کامل صورتده وقوعه کلمه مشدر . اصولاً مسلمان اولمش کیمسه لردن برخیلیسنه یاری هندو و یاری مسلمان اطلاق ایدلسه مناسبدر . بونلر آره سنده هندولرك طبقاته انقسام عاداتنه حالا رعایت ایدنلر و هندولرك بایراملرنده کی اصنامپرستانه آیینلرینه اشتراك ایدنلرده کورلمشدر . بوکا مماثل حالاته مسلمانلرك کومه لی

[۱] چارشو و بازار محللری و کوی میدانلری کبی یرلرده ویریلن موعظه دینه لره ایجابی تقدیرنده امور خیره نك تشویق مسئله سی ده قاریشدریلور . نته کیم ازمنه اخیرده نورکلرك هلال احمری ، ایتم و مهاجرینی و سائر محتاجینی ایچون هندستانده طوبلاشم اولان اعاناتک مهم برقسیمی واعظلرك تشویقاتی اوزرینه ویرلمشدر . هندک پک اسکی مؤسسه اسلامیه سنی حاوی اولان ( ده ثوباند ) شهری مدارسی بالقان محاربه سی اثناسنده ایکی آی تدریساتی تعطیل ایتمش و معلمینی ایله ایلری صنف طلابینی هندک هر طرفنه کوندره رك کوی کوی ، بازار بازار و عظلمش و یردیرمش و خلقی اعانات جمعنه تشویق ایلمشدی . ( ده ثوباند ) معلملرندن برذات اخیراً استانبولک برکوشه سنده فقیرانه صورتده یاشایوردی . ایوم صاحب نفوذ و نفوذ بولنان تورکلردن هیچ بریسی اوداقی اوینه دعوتله بریمک بیله ویرمه مش ظن ایدرم . ای غربجیلرك سوزلرینی دیکلمک ایستین عزیز وطنداش ! شوراسنی اینی بیل که مادیا تپرستلکک ، خودکاملنگ بودرجه سی غریبه دخی مک منفوردر . تعاون متقابل هم شرقده هم غریبه برلازمه انسانیه ومدنییه صایله کلشدر . مترجم

بولندقلري يرلردن اوزاق اولان كويلر ايله صحرا وترا لرده كي مهتديلر و اولاد واحفاد مهتديه آردسندده تصادف ايديلور . علمانك ، ملارك و ديندار اهل قلمك بومقوله افراد ناس آردسندده ظهوري نسيان و اهمال سائقه لريبه هندولوق زماندن قاله ذهاب باظلمارك دفع مضراته و صاف ، معقول حيات دينيه اشكالنك تايدينه خدمت ايدر . مع هذا سنين اخيره ده مسلمانلر آردسندده علي العموم بر حركت تيقظيه كورلمشدر . في الحقيقه عموميت اوزره تحصيل علومك آرتسي احكام اسلاميه نك داها معقول صورتده تفهمني و مختلف حوالی ده حل اهمالده قالان افراد و قوافل مسلمه آردسندده تدریسات دينيه معلملرينك دخي ترايدیی انتاج ايشدر . اصلاحات خصوصنده كي بو حركت ارشاديه هندستانك متعدد جهتلرنده كوريلور . ۱۸۵۷ اختلالندن سوكره امور دينيه ده يكي بر اثر حيات ظهوره كلشدي . واعظلم مملكتك عرضنه ، طولنه طوغري اجراي سياحت ايديلورلر ، مؤمنلره اصنامپرستلكه مخصوص اولان عاداتك تركني نصيحت ايلورلر و دياتك احكام صحيحه سني ايضاحده بولنورلردی . بونك نتايجندن اولوق اوزره اليوم اهل اسلامك بر جزؤ مهم تشكيل ايلديكي كويلرك چوغنده برر مسجد بولمقده در . ديكر طرفدن دخي زياده سيله شايع اولان مجوسي ذهابلردن آرتق اثر كورلمه مكه باشلامشدر . كذلك راجپوتانا مملكتك حوالی زراعيه سنده زماندن زمانه اسلامه كلش اولان هندو عشيرتلري شمديلرده داها طوغري بر طريق اسلاميت طوتبورلر ، وظائف دينيه بي داها معين صورتده اجرا ايديلورلر ، يقين و قتلره كلنجيه قدر مجوسي قومشولري ايله برلكده محافظه ايدو كلش اولدقلري عادات صنمپرستانه يه متابعت ايلورلر . مثلاً مه راتلر ازدواجده هندو مراسمني بر اقوب صيقي مسلمانلق قواعديني تطبيق ايتكمده درلر . ياباني طوموز اتی اكلدن دخي قطعياً اجتاب ايلورلر . بو قبيل اصلاحات دينيه واجتماعيه نك احیاسي خصوصی بنغال حواليسنده ده تحت تذكرة آلمشدر . مع مافيه كرك تشكيلاته مستند اولان بو تدابير اصلاحيه كرك منفرداً چالیشان مبشرلك مساعيسي هند مسلمانلري عددینك سرعتله ترايد ايلسني ايضاحه كافي كلز . بناء عليه اهالينك على العاده تكثر نفوسي خارجنده وقوعه

کلن بوغیر معتاد تزايدک اسبابی آراشدیرمق طبیعتیه خاطره کلور . بوکبی برسؤالک جوانی هندولرک حیاتنده کی حالات اجتماعیهده بولنور . یوکسک طبقاتدن اولان هندولرک مادون طبقهه منسوب مذهبداشلی اوستنه ییغدقلری تحقیرلر وتذلیللر وبو مادونلرک اصلاح موقع اجتماعی آرزولرینه قارشى وضع ایدیلن ناقابل مرور عارضه ایله ذلتده طوتمش هیچ برطبقهه مالک اولمیان وهر رامل مشروعک استحصالی ایچون پک سربست برساحه حرکت بخش ایدن بردینک منافعی آرهسندده شایان حیرت برفرق اولدیغی کوزه چارپار . ایمدی مثلاً بنغالک پاموق اشیا طوقویجیغی ایشلرنده خدمت ایدن ومذهبداشلی طرفندن مستکره صاییلان هندولر دایما محکوم قالدجقلری سفلی وضعیتدن قورتمق ایچون کثرتلی مقدارده اسلامه کلیورلر [۱]. بو قبیل ماللرک غریبلرندن بری ده یینه بوالکانتک شمال شرقی طرفلرنده وقوعه کیشدی ؛ شویله که : اهالی اصلیهدن ( قوقج ) عشرتی ۱۵۵۰ ( ۹۵۷ هـ ) سنهسندده او حوالی ده رئیس اعظملری ( هاجو ) نک حکمی آلتنده برخاندان تأسیس ایشلردی . بوذاتک حفیدینک دور ادارهسندده یوکسک طبقات منسوبلرینک دولتجه هندولوق جماعتنه قبول ایدلکلری وقت عوام ناس سفلی صنف صفتیه هیئت اجتماعیه خارجنده بر اولدقلرینی کوره رک مغیر اولشلر ومجتمعا اسلامه کلیورمشلردی .

یوکسک طبقهه منسوب مذهبداشلرینک مظالم محقرانهسندن قاچان هندولره اسلامیتک بخش ایتدیکی ساحهالتجا اون طوقوزنجی قرنک صوکلرنده (ینه وهلالی) ده دخی مشهود اولمشدی ؛ شویله که : پک آشانغی بر طبقهه ناس صاییلان شانارلر صوکلر ده زنگین اولشلر و ایچلرندن بر چوقلری مزین خانلر ، کاشانهلر یاپدیرمشلردی . بعده او آنه قدر دخولدن منع ایدلکلری معبدده اجرای آیین ایتک حقهه مالکیتی ادعاده بولنورلر ، بو طلب عربده بی تولید ایدر . شانارلر یوکسک طبقات هندولرندن فنا معاملاته معروض قالمغه آرتق تحمل ایدمه مدکلرندن دائره اخوت اسلامیهده مأم بولورلر . ایمدی بر کون ایچنده

[۱] دالتون نام انکلیز محررینک descriptive Ethnology عنوانیه بنغالده کی

جناس بشرک توصیفنه دائر اثر ائردن

یالکز بر کویده اهدا ایدن شانارلرک عددی آلتی یوزه بالغ اولمشدر ؛ دیگر محللرده دخی بوکا مائل مجتمعا اهدالر وقوعه کلشدر .

بوناره مشابه حادثات هندستانک دیگر طرفلری احوالنده دخی کوریله بیلور . طبقه سنده کی موقعی - طرد اولنمق سببیه - غائب ایدن و بنا برین برلکده یاشامغه آیشدینی عالیه سی جانبدن رد اولنان هندلی بر آدم - هر مذهباشی داخل دائره سی ایلین و مطرود هندویه رد ایدلمش اولدینی هیئت اجتماعیه ده کی وضعیته مساوی موقع ویرن - بر دینه البته منجذب اولور . بو یولده دین دکیشدیرمک دخی بر اعتقاد صمیمی یه مبتنی اوله بیلور ؛ فقط طایفه مجبور اولدقلری بر سوری آللهلرک عددیه اسامیسنه هیچده اهمیت ویرمین کیمسه لرک دخی منسوب بولندقلری طبقه لر دن مطرودیتلری سببیه اوغرایه بیله جکلری اجتماعی آفاروزدن متأثراً - حسیات دینه یه مالک بولنمق سزین - مسلمانلغه کیرملری ده ملحوظدر . کذلک آثار وادبیات اسلامیه تبعی و مسلمان جماعتیه تماس معتاد دخی چوق کره تأثیرات اهدائیهنه سنی اجرا ایلش اولسه کر کدر . اون طوقوزنجی قرنک راجپوتانا و بندلخاند پرنسلی آره سنده اسلامه طوغری بو مثللو میللر مشهود اولمشدر ؛ اوله میللرکه اگر مغول ایمپراطورلنی بقا بوله بیلمش اولسه ایدی آنلری کاملاً اهدایه قدر کوروردی . بو پرنسلیر یالکز اولیای اسلامیه یه قارشی حسیات حرمت بسله مکله قالمالز ؛ برده اوغللرینک تعلیمی ایچون مسلمان استادلر استخدام ایدرلر ، ییدکلری اُتلری عادات اسلامیه وجهله کسینلن حیوانلردن انتخاب ایتدیرلر ، درویشلر کی تلبس ایلهرک بایراملری مسلمانلرک دعوتلرینه کیدرلر و مسلمانلر کی دعا ایتدکلری ده اولور . روش حاله نظراً مذاهب ماده لرنده تمامیه بیطرف بولنان هندستان حکومتی اداره سی آلتنده امر اهدانک مسلمان حاکمیتی دورلرنده کندن زیاده مظهر ترویج اوله جنی ظن ایدلمکده در . بعض یرلرده مسلمان اولیاسنک روحلری ایچون ایام مخصوصه ده اجرا ایدیلن آیین مراسمنده هندولر دخی اولیا تر به سنه طولارلر و دنیاده هیچ اولادی اولیان زوجین - مراجعت اولنمق براله بر اقیان مشر کینه خاص بر حس ایله - چوجق طلبنده کی تضرع لرینی مسلمانلرک



اللهمه خطاباً اجرا ايدرلر . بويه بر دعادن صوكره دنيايه چوجق كتوريلورسه  
 بوتون اوائله افرادي اهتدا ايدر . بو حالك مثللري آز كورلمه مشدر .  
 بر مسلمان قادينه عشق باعلامق بعضاً بر هندونك اهتداسنه بادي اولور ؟  
 چونكه شريعت اسلاميه مرئه مؤمنه نك رجل مشرك ايله ازدواجني قطعياً منع  
 ايدر . اولادي اولميان مسلمان ابوين هندولردن معنوي اولاد اتخاذا ايلدكلري  
 تقديرده او چوجققر بالطبع مسلمان صورتنده تعليم وتربيه كوررلر . بر هندو  
 قادين بر مسلمان ارلك ايله ازدواج ايتديكي تقديرده قوجه سنك ديننه كير .  
 شو ويا بوسيدن طولايي طبقه منسوبه لرندن چيقاريلوب آتيلان هندولر ، مسلمان  
 حيراتندن مستفيد اولان غير مسلم فقيرلر و - قحظ زمانلرنده خيلي واقع اولديني  
 اوزره - پدرلري ومعينلري آجلقندن فرار ايتدكدن ويا قيرلدقندن صوكره بيكس  
 دوشهرك مسلمان مرهمته صيغيان چوجققر - آز مقدارده اولسه بيله - هر حالده  
 دائمي صورتده هندولقندن گله مهتديلرينك تزويد عددينه سبب اولمقده درلر . [۱]  
 جماعت مسلمينك آرتسي ايچون بعض موضعي احوال دخي ياردم ايدنيور ؛ مثلاً :  
 مسلمان و هندو اهالي سي مساوي صورتده توازن ايدن (تهره ي) كويلرنده مسلمان  
 نفوسنك وجهاً من الوجوه آرتسي و بناء عليه مسلمانلرك تفوق قوت اكتساب  
 ايللري اوزرينه صغير كسمك ويا هندولره تجاوزكارانه كورينه جك بر حال وقوع  
 بولمق وسيله سيه مطلقا منازعه چيقار . بومقوله منازعه يه صحنه اولان كوي هندولر  
 تدريجي صورتده ترك ايدرلر ويا لكز مسلمان زراعتك ترلاريني سورن فقير  
 شانارلر كيريده قالورلر . بونلرده بالاخره افنديلرينك ديننه كيررلر كه بونوع  
 اهتدارل سوق ايمانندن زياده متفرق قالمقنك انتاج ايلديكي مشكلاتدن طولايي  
 وقوع بولور .

(عوده) حواليسنك نواحي زراعيه سنده كي مادون طبقات هندولري  
 آره سنده نجيپ صورتده اهتدارل وقوعه كلور . واقعا بورالرك مسلمانلري  
 مجموع اهالينك اونده بريني تشكيل ايدرلر ؛ فقط اصحاب زراعتدن اولان اوافق  
 مسلمان حزبلري « كندی مذهبيلرينك چاره سز صورتده معروض محقرت

[۱] بو تفصيلات مختلف هند اياالتنك تحرير نفوس راپورلرندن مستخرجدر .

بر اقدینی مذکور طبقات مادونه هندولری حقنده کی مظالمه قارشو کلمک ایچون مرحمة مراکز مخالفت « تشکیل ایدرلر [۱] هندو هیئت اجتماعیه سی طبقات ممتازه سنک اشیکنه بیله باصه میان قوریس وشامار کبی اک آشاغی طبقه هندولرینه اسلامیتک منفعتلر عرض ایتدیکی ، اهتدانک ایسه انلره چاره خلاص کتوردیکی آتی ده مندرج فقره دن پک ابی آکلاشیله بیلور : « قوریسلر وشامارلرایله دستگاه دو قویجیلری ، سختیان ایشجیلری وسائر ذلت وسفالتک درکه اسفلنه وارمشلردر . بونلرک پک چوغنی شمال طرفلرنده عادتا اسپردرلر ؛ چونکه کندیلرنده محکمه لرمزک - ( انکلیزلرک تشکیل ایتدیگی محکمه لرک ) - عرض ایده بیله چیکی معاملات عادلانه دن استفادیه یی حس ایلیمه بیله جک روح قالماش کیدر . بونلر زمان قدیمده وقوع بولمش براشترانک محصولی صورتده چوجقلریله برابر بظندن بظنه افندیلرینه انتقال ایدر کیدرلر و براهن افندیلرک صاپانلرندن اللرینی آیره مازلر ؛ او افندیلر که فحر غرورندن ناشی او صاپانلری کندی اللریله طوته مازلر . او زوالیلر کویلرک خارچنده آری یرلرده کندیلرندن داها ملوث کورنمین طوموزلرله برلکده یاشارلر . دائماً آجلقدن اوله جک کبی برحالده بولندقلرندن ایجه ، سیاه وچارپیق وجودلریله شاشغین یوزلری وملوث عادتلری بی نوعلری بولنان دیکر انسانلر نظرینه - حیواندن داها آشاغی بولنان - طالع ناساز حیاتلرینی عرض ایدر . حال بویله ایکن صلاح حال ایده بیلمک قدرتی بو آدملرده بوسبوتون مفقود دکلدر . بو قابلیت آنلر آره سندن یتیشن سالیس خدمتجیلرینک فعلاً ونافع صورتده ایشلملری وایی اجرت آلملری و آوروپالی افندیلرک اداره سی آلتنده پک اعلا یاشایه بیلملری ایله ثابتدر . تبدیل دیانت بونلر ایچون آچیق بولنان تک بر طریق خلاصدر . » [۲]

تفاوت صنوف ویا طبقات سو ظنلرینک اسلامیتده کی مفقودیتی بودینک هندستانده کی قوه حقیقه سنی وجوده کتیرمش و بناء علیه هندولردن بونجه مهتدی قازالمسنی موجب اولمشدر .

[۱] قوسین آره سنده کی عباره انکلیز مأمورلرینک رسمی راپورلرندن مستخرج .

[۲] عوده نواحیسی رسمی تقوم وقایمندن مستخرج .

اسلاميتك هندستانه تعلق ايدن وضعيتك ملاحظه سنى اكمال ايجون بودينك كاشمير ايله حدود هنديه نك ايلريسنده بولنان تپت مملكتنده كي انتشارى حقدنه ويريله جك بعض تفصيلات واردر . كاشمير - سيند حواليسى مستنا اولمق اوزره - هندستان حكومات و ايالاتى آره سنده اك چوق مسلمان اهالى يى حاوى اولان بر مملكتدر ؛ يعنى كاشمير ليلرك يوزده يتمش بشنى اهل اسلام تشكيل ايدر . كاشمير حكومتى اداره سنده بو قدر كثر تلى مسلمان بولمسنك سببى ايضاح ايدم بيله جك اولان تاريخى مواد مع الاسف همان كليت اوزره هندو و تپت منابعدن مأخوذدر و بومواد ايسه يك آزدر . مع مافيه كافه دلائل ، اسلاميتك اوراده كي انتشارينك باشليجه درويش لر و « فقير » لرك اوزون مدت سورن فعاليتلردن ايلرى كلديكى كوسترر . بوميسيونه لرلر آره سنده سوريه دن كيمه اسماعيله واعظلىرى دنخى بولمشددر .

اسلاميتك كاشميرده كي نفوذ اهتدائيه سنك نه زمان باشلامش اولديغنى تعيين مشكلدر . او مملكتك برنجى مسلمان حكمدارى اولان صدرالدينك اهتداسى اون دوردو نجي قرن ظرفنده (درويش بلب شاه) نامنده بريسك دلائيله وقوع بولمش ظن ايديليور . صدرالدين ، تابع بولميش اولديغى هندو مذهبندن ممنون قالميره ق داها زياده شايان قبول برشكل عقائد آرامش و دين حق خصوصنده كي شوق درويشنى ارضا ايدم بيله جك يكانه واعظ دينى اولمق اوزره درويش بلب شاهى بولمشدى . ينه او قرنك صوكلرنده يعنى ۱۳۸۸ ( ۷۹۰ هـ ) سنه سى اثناسنده سيد على همدانى نام ذاتك ظهوريله كاشميرده اسلاميتك نشرى داها ايلرى كيتمشدر . سيدعلى ، منسوب اولديغى همدان شهرنده تيمورلنكك غضبنه دوچار اولديغندن كاشميره التجا ايلمشدى . كنديسنه يدى يوز قدر سيد و سائر رفافت ايلمشدى . بوسيدلر كاشمير ديارينك هر طرفنده ازوا خانه لر تاسيس ايتمشلر و نفوذلى تأثيراتيله يكي دينك وجه قبولنى تأمين ايلمشلردى . مع هذا بونلرك كاشميرده ظهورى يرلى اهالى آره سنده خيلى شدتلى درجه ده غليان تعصبى موجب اولمش بولمديغى آكلاشيليور ؛ چونكه ۱۳۹۳ و ۱۴۱۷ ( ۷۹۶ هـ - ۸۲۰ ) سنه لرى آره سنده حكم سورن و معبدلرده كي اصنامى تخريبندن طولايى « بتشكن »

دیه تلقیب ایدیلن سلطان سکندر و آنک هندولقدن دونمه باش و کیلی ، اسکی مذهبلیرنیک سالکیرینه قارشو شدتلی تعدیایده بولمشلردی ؛ لیکن بو حکمدارک وفاتندن سوکره مساعدات مذهبییه او مملکتده جاری بر نظام حاله کیردی . اون بشنجی قرنک ختامنه طوغری عراقدن میر شمس الدین نامنده شیعی المذهب بر مرشد کلدی و مریدلرینیک یاردیمیه کاشمیرده پک چوق مهتدی قازاندی . اکبرک زمان سلطنتنده کاشمیر دیاری هندستانده کی مغول ایمپراطورلغنیک بر ایالتی حاله کیردیکی ائنده نفوذ اسلامیت بالطبع آرتمش و او مملکتده ارباب علم کیرمشدی . اورنیک زیبک دور حاکمیتنده ( کیشتوار ) ک راجپوت عرقندن بولنان مجوسی راجه سی سید شاه فریدالدین نام ذاتک کراماتی بر کتیه اهتدا ایتمشدی . آنک اهتداسی تبعه سندن بر چوقلرینیک دخی اسلامه کلرینی موجب اولدی . مغول ایمپراطورلرینیک کاشمیره کیتدکلری بویوک یول اوزرنده حالا او مهتدی راجپوتلرک احفادندن بولنان راجه لر سا کندرلر .

کاشمیرک شمال و شمال شرقیسنده بولنان بالتستان ولاداخ حوالیسی اصلاً تبتلی مختلط طوائف ایله مسکوندر . اسلامیت بونلر آره سنده عصرلردن بری قوی صورتده تأسس ایتمش بولمغله تاریخ و صورت دخولی مجهولدر . بالتستان مسلمانلری مبشرین صقیله خراساندن کله دورت برادردن و بونلرک فعالیت دینه پی احیا ایللرندن بختده بولنورلر ایسه ده مملکتلرینه داها اسکیدن کیتمش اولان مبشرلر حقیقده هیچ برعنه لری بولمغدینی ظاهردر . مع مافییه اون طوقوزنجی قرن او اسطنه طوغری اسلامیتک حال توسعده بولمش اولدیغی آشکاردر ؛ فقط بو میل توسع ، ماها راجه ( رامیر سینغ ) ک بودا مذهبی سالکیرینه کوستره کلدیکی تسهیلات و تشویقات ایله عارضه رقابته مصادف اولمشدر . لاداخ حوالیسنده بولنان و ( آرغون ) دینلن مخلوط طائفه او حوالییه تجارت مقصدیه کیدن مسلمان پدرلرله تبتلی مادرلردن تحصیل ایتمشدر . هر مسلمان زوجه سنی اهتدایه تشویق ایدردی . آرغونلر کاملاً مسلماندرلر و اسلاف کبی تبتلی قادینلرله ازدواجلری چوق وقوع بولور . بونلرک صاف قانلی تبتیلردن زیاده نفوساً آرتدقلری مرویدر .



اسلامیت ، اصل تیبته یعنی نفس مملکتک داخلنه کاشمیرلی تاجرلر طرفندن ادخال ایدلمشدی . [۱] تیبتهک باشلیجه قصبه لرنده بوکبی تاجرلردن مرکب برر اوافق جماعت بولنور . بولنورده چوق کره تیبتهلی قادیلرله ازدواج ایدرلر و زوجه لر دائماً اسلامه کلورلر . زمانم زده تیبتهک مرکز اداره سی اولان (لهاسا) دم ایکی بیک قدر مسلمان عائله سی بولندیغی روایت ایدیلور . [۲] اسلامیت تیبته مملکتنه چینک ( یون نان ) نواحیسی ایله ( سوجینغ ) طرفندن دخی نفوذ ایلشدی . ترکستان طریقیه دخی نفوذ اسلامیتک حلولندن بحث ایدرلر . الحاله هده تیبته خلق آره سینده اهتدا نادر اوله رق کورولمه مکده در .

[۱] اهاالینک یوزده یتیمش بشی مسلمان بولنان کاشمیر مملکتنده الیوم نیچون غیر مسلم برراچه بولندیرلدیغی هندستانده کی انکلیز حکومتی مأمورلرنجه داها ای آکلشیلان معمالی تدابیردندر . غایت کوزل و مهارتلی معمولات صناعیه استحصال ایدن کاشمیر مسلمانلری هندستانک اکثر جهاتی اهاالینسه نسبتله شکلاً کوزل انسانلردر . آسیا جبال شاهقه سنک اتکلرنده بولنان بو مملکت لطافت طبیعیه اعتباریله ایسویچره به بکزه دیایر . جیده هوا ، مفرح منظره لر ، اکنجه لی آولر ، استحمامه صالح کولرلیله یازین هندستاندن بر چوق انکلیزلی جذب ایدر . بر قسم مسلمانلرینک اخلاقاً پک دوشکون اولدقلری و بولنرک قادیلرینک انکلیز مأمورین و ضباطندن بعضیلری طرفندن مستفرشه اوله رق قوللانیلدقلری موجب اسف روایاتدندر . مترجم .

[۲] احمد شاه نام هندلینک انکلیزجه اوله رق بناوس شهرنده طبع ایتدیردیکی Four years in Tibet عنوانی تیبته سیاحتنامه سندن .

### چینه انشار اسلامیت

« علم آرامق ایچون چینهده اولسه کیدیکز! » کلامی مسلمانلر آره‌سنده رح‌حدیث نبوی اولمق اوزره زبازددر . [۱] واقعا بویه برکلامک بالذات قم نبویدن صادر اولمش بولندیغنه دائر شهادت تاریخیه یوقدر ؛ شو قدرکه چین مملکتی نام و شانک حضرت پیغمبره مجهول قالمی‌ده ممکن دکدر . داها ولادت بویه‌دن نیجه زمان مقدم عربستان ایله چین آره‌سنده مناسبات تجاریه جریان ایدیوردی . سوریه ایله شرقی بحر سفید لیمانلری ، مشرق اقصانک محصولاتی عربستان طریقله آلورلردی . آلتنجی قرن میلادی ظرفنده چین ایله عربستان بینده سرندیب آطه‌سی طریقله خیلی تجارت ایشلری یاپیلوردی . یدنجی قرن بدایتنده چین ، ایران و عربستان آره‌سنده کی تجارت اودرجه داها ایلری کیتدی که بصره کورفزی اوزرنده بولنان سیراف شهری بوتجارته آلیش ویریش مرکزی اولمشدی . ایشته اوزمانلرده یعنی ( ت آغ ) خاندانی ادوارینک ( م ۶۱۸ - ۹۵۷ ) بدایتنده ایدی که چینک سجالات وقایعنده عربلردن بحث ایدلمشدی . [۲] بوسجالاتده مدینه‌ده قوه اسلامیه ظهوری مقیداولوب بویکی مذهبک آیین عبادتی‌ده خلاصه تعریف ایدلمشدر .

(ق و انغ تونغ) سجالاتی مسلمانلرک چینه وصولرینی شو وجهله قید ایلمشدر :  
 « ت و انغ خاندانک ابتداکی دورنده قانتون شهرینه آنام ، قامبوج ، مدینه و سائر دیارلردن بعض اجنیلر ککشلردی . بونلر سماواته عابد ایدیلر . معبدلرنده نه هیکل ، نه صنم ، نه ده تصویر بولنوردی . مدینه دیاری هندستانه یقیندر و ایشته  
 [۱] مؤلفک مقصدی ( اطلبوا العلم ولوکان بالین ) کلام مشهوری بولندی  
 آشکاردر . مترجم .

[۲] شنایدر نام مؤلفک Mediaeval resaerches from East Asiatic sources

عنوانلی آسیای شرقی تدقیقات تاریخیه‌سندن .

بو مدینه حاکمیتده درکه بواجبیلرک - بودا مذهبنه بکزه مین - دینلری تأسس ایشدر. بونلر لحم خنزیر میزلر، شراب ایچمزلر و کندیلرندن باشقه سی طرفندن اولدیرلش حیوانک آئی مکروه صایازلر. شیمدی بواجبیلره (هوئی، هوئی) تسمیه اولمقده در. قانتون شهرنده اقامت ایچون ایمپراطوردن مساعده آلدقن صوکره بزم طرز معماریمزدن بوسوتون باشقه اشکالده - فقط پک کوزل - اولر یابدیر بیورلر. بونلر پک زنکین آدملردر و ایچلرندن اتخاب ایلدکلری رئیسه پک مطیع بولمشلردر. « [۱]

معین صورتده شهادت تاریخیه نك مفقودیتیه برابر اسلامیتک چینه اتخاب تجارت طرفندن ادخال ایدلش اولسی پک محتمل کورینور. بوتاجرلر، ابتدالری طریق بحر اوزرنده کی قصبه لده یرلشمشردی. مع مافیه شایان اعتماد عد ایده بیله جکمزداها اسکی قیودات، قاره طریقیه و ایران اوستندن مناسبات سیاسیه دم بولنیه کلدیکنه دائر اشارتلی حاویدر. ساسانیانک صوگ حکمداری اولان یزدجرد فوت اولدیغی زمان اوغلی فیروز، عرب استیلاسنه قارشو طور مق امیدیه چیندن معاونت نیاز ایشدی. [۲] ایمپراطور بوکا ویردیکی جوایده ایرانک کندی مملکتندن پک اوزاق دوشمه سندن طولانی ایستیلن عسکری کوندرمک ممکن اولدیغی بیلدیرمشدی؛ شو قدرکه عرب حکومتی نزدیکه مخصوص برایلچی کوندرک فراری ایران پرنسک مطالبه توسط دوستانه ده بولمق ایستمشدی. ایمپراطورک ایلچیسنه ویردیکی تعلیماتده غرب طرفندن ظهور ایدن او یکی حاکمیتک وسعت و قدرتی تحقیق ایتمک ماده سی ده داخل بولمق محتملدر. خلیفه حضرت عثمانک ۶۵۱ (۳۱۵) سنه سنده امرای عسکر یه سندن بریسی بوایلچی رفاقتده چینه کوندرمش اولدیغی وایلك مسلمان مرخصنک چین ففجوری طرفندن احترامله قبول اولدیغی روایت ایدیلور. و لیدک دورنده (۷۰۵ - ۷۱۵،

۸۶ - ۹۷) مشهور عرب رئیس الجیشی قتیبه بن مسلم خراسان والیسی ایکن

[۱] شاوان نام محررک پترسبورغده مطبوع و (طو-کی-او) نام تورک

طاشه سنه عائد Documents sur les Tou-Kieu عنوانلی اثرندن.

[۲] دوتیه رسان نام فرانسز مؤلفنک Mahometisme en Chine عنوانیه

چین مسلمانلری حقنده کی کتابندن.

ام در یابی کچهرک بعض موفقیتی اسفار حربیه ده بولمش ، بربری آرقه سنه بخارا و سمرقند کبی بعض بلده لری ضبط ایتس و حتی چین ایمپراطور لغنک شرق حدودینه طوغری ایلیشیدی . قتیبه ۷۱۳ (۹۵۵) سنه سنده چین ایمپراطوری نزدینه بر هیئت سفارت بیه کوندرمش و عرب منابعی روایتته کوره بو هیئت ایمپراطور طرفدن کرانها هدیه لر آلدقن صوکره عودت ایشیدی . چین سجلات وقایعی آندن بر قاق سنه صوکره خلیفه الهاشمک ایمپراطور (ه سوان - ت سانغ ) نزدینه سلیمان اسمنده بر ایلیچی کوندرمش اولدیغنی قید ایدر . بو ایمپراطورک اواخر حکومتنه طوغری چین و عرب دولتری آره سنده کی مناسبات سیاسیه یکی براهیت آمشدی . بو ایمپراطور بر غاصب سلطنت طرفدن تختندن آتیلدیغندن اوغلی ( سو - ت - سانغ ) نفعنه فراغ حکومت ایشیدی . بو کنج ایمپراطور مذکور غاصبه قارشو حرکت ایچون خلفای عباسیه دن المنصوره مراجعت ایتس ، اوده جواباً بر طاقم مسلمان عسکری کوندرمش و بوقوتک معاونتیه ایمپراطور چیفته پایتخت اولان ( سی - نغان - فو ) و ( حو - نان - فو ) شهرلینی زور بالردن استرداد ایش ایدی . حربک ختامندن صوکره بو عساکر معاونه مملکتلرینه دونمک ایستمه مشر و چینده یرلشمشر ایدی . عسکرک بو طرز حرکته مختلف سببلر اسناد ایدیلور : بر روایتته کوره بونلر عودت ایتشر ایسه ده طوموز آتی اکل ایدیلن بردیارده اوزون مدت قالدقنندن طولانی مملکتلرنده اقامت لرینه مساعده صادر اولمامشیدی . دیگر بر روایتته نظراً بونلر عربستان جانبته کیتمک اوزره کمی یه بینه جکلری صرده قانتون شهرنده - محاربه زماننده طوموز آتی بیدکلرندن طولانی - دوچار طعن و توبیخ اولدقنندن و بناء علیه مملکتلرینه عودتده وطنداشلری طرفدن دخی دوچار عتاب و تادیب اوله بیه جکلرینی ملاحظه ایلدکلرندن کندیلرینی تهلکیه آتامق ایچون حرکتن امتناع ایتش لردی . بونک اوزرینه قانتون والیسی کندیلرینی زورله کمی یه بندیرمک ایستینجه بونلر اوراده ساکن بعض عرب و ایرانی تاجر لرله برلکده شهرک باشلیجه تجارخانه لرینی یغما یه قویولششر ؛ والی بالذات شهرک قلعه سنه قاپانه رق بونلرک اللرندن قورتیله بیلمش ؛ اورادن فرار ایتدکن



صوکره آنجق ایمپراطوردن بو مسلمان عسکرلرینک چینده قالمیرینه مساعده استحصال ایلمک شرطیه مقامنه دونه بیلمشدی . بالاخره بونلره شهرک مختلف برلرنده مسکنلر تخصیص اولتمش و بعضیلرینه اراضی دخی اعطا ایدلمش ایدی . جمله سی ده چینده متوطن قالدیلر ویرلی قادینلرله تأهل ایدیلر .

چین مسلمانلری آره سنده جاری بر حکایه یه نظراً اسلامیت چینده ابتدا حضرت پیغمبرک دایسی طرفندن تبشیر ایدلمشدر . بو مبشرک قانتون شهرنده مشهور اولان تره مفروضه سنی زیارت ایدنلرک چوقدر ؛ فقط بو حکایه ولوکه پک ضعیف اولسون هیچ بر اساس تاریخی یه مستند دکلدرد و صوکره دن میدانه کتیرلدیکی آشکاردر . بو روایت شهه سز چین مسلمانلرینک دینلرینک کندی مملکتلرنده کی تاریخی ممکن اولدینی قدر زمان پیغمبری یه یاقلاشدیرمق آرزو - سندن ایلری گلشدر ؛ بویله بر آرزو ایسه تاریخ اسلامک مراکزندن اوزاق اولان یرلرده کی قصه لر ایچون فیضلی بر منبعدر . شو قدرکه ( ت - آنغ ) خاندانی زماننده چینده مسلمانلرک و خاصه چینک لیمانلی شهرلرنده کی مسلمان تاجرلرک موجودیتی حقنده شهادت صریحه موجوددر . او دورک ( میلادی ۷۱۳ - ۷۴۲ ، هجری ۹۵ - ۱۲۵ ) چینلی وقعه نویسلی دیرلرکه : « غربک باربارلری لاقلا ایکی بیک فرسحلق مسافاندن بورالره طوفان کبی کومه کومه آقوب کلدیلر . برابر کتیردکلری کتب مقدسه لری کویا خراج تأدیه اولنیورمش کبی اخذ ایدلی و ایمپراطور سراینده کتب معبده و مذهبه نک ترجمه لرینه مخصوص اولان دائره یه قونولدی . او زماندن اعتباراً مختلف مملکتلرک احکام مذهبه لری بو صورتله شیوع بولغه باشلادی و ایمپراطورلق داخلنده علناً احکامیه عمل ایدیلور اولدی . »

مسلمانلر طرفندن حقیقتاً اوزمانلر چینده بر فعالیت اهتدائییه اجرا ایدلیکنه دائر بر اهین ثابت یوقدر ؛ حتی اؤن او چنجی قرنده وقوعه کلن مغول فتوحاتنه قدر چینده بولتمش اولان مسلمانلر حقنده پک آز معلومات وارددر . بو فتو - حاتک نتایجندن اولمق اوزره عرب ، تورک و ایرانی کبی مختلف اقوامه منسوب مسلمانلردن پک چوق کیمسه لر چین ایمپراطورلنی داخلنه هجرت ایلشردی .

بونلردن بعضیسی تاجر ، اهل صنعت ، عسکر ، مستعمره جی صفتلریله کیش اولدقلری کبی بر خلیسی ده اسرای حربیه دن ایدی . بونلردن بر قسم واسع اومملکتده دائمی صورته یرلشمشیر و مترقی و متزاید برجماعت حاله کیشلردی که بو جماعت افرادی عرق اصلیلرینه مختص اولان اوصافی چینلیرله ازدواج مختلطده بوندقلردن طولایی ، غائب ایلمشلردر . مغول حاکمیتی زماننده برخیلی افراد مسلمه یوکسک مقامات رسمیه اشغال ایلمشلردی . مثلاً ۱۲۴۴ ( ۶۴۲۵ ) سنه سنده مالیه ناظرلتی ایدن و مغوللارک چین اوزرینه وضع ایلدکلری ویرکولری التزامده سربست قلمش اولان عبدالرحمن بونلردن بریسیدر . [ ۱ ] قوبلای خان ۱۲۵۹ ( ۶۵۸۵ ) سنه سنده موقع حکمداری یه کلدیکی زمان بو آدمه ایپرا-طورلغک امورمالیه سنک اداره سنی تودیع ایتمشدی ؛ برمدت صوکره ( یونان ) حوالیسنک چین ایپراطورلغنه الحاقی اوزرینه اورایه والی تعیین اولندی . سید عجول ( عجال ؟ ) دخی حین وفاتنده مستقل و منور بر رجل اداره اولمق اوزره شهرت بر اقدی . بو ذات مسلمانلر ایچون مسجدرلر یاپدیردیگی کبی قونفسیوسلاره مخصوص اولمق اوزره معبدلرده تأسیس ایتمشلردی . بو ذاتک احفادی اسلامیتک چینده کی تأسسنده بویوک بر فعالیت کوسترمشلردر . « اسلامیتک حق و خالص بر دین » صفتیه طائمی حقنده ایپراطوره امرنامه اصدار ایتمشیرن ذات ایسه کندیسنک اوز حفیدی ایدی . اسلامیه ویریلن بو وصف زمانمزه قدر استعمال ایدیه کیشدر . آنک احفادندن بری دخی ۱۴۲۰ ( ۸۲۳۵ ) سنه سنده ( سی - ت - آنغ - فو ) و ( نان کینغ ) مرکز حکومتلرنده جامعلر انشاسنه مأذونیت آلمشدی . [ ۲ ]

قوبلای خان دوری مؤرخلری مذکور حکمدارک چینلیررنده تورک و ایرانلی مأمورلر استخدام ایلمشی تنقیده لایق احوال دن صایمشلردر . سید عجالک بویوک بر مقام اشغال ایتمشی و مغول فتوحاتیه غرب و چین آره سنده مخبرات و مناقلاتک کسب سهولت ایلمشی بو کبی اشخاصی شمالی چینه طوغری جذب ایتمش

[ ۱ ] هووارث نام انکلیمؤلنک History of Mongols عنوانلی مغول تاریخندن .

[ ۲ ] دولون نام فرانسه زک ریاستنده چینده تدقیقات فیهده بولشان هیئتک

Recherches sur les Musulmans Chinois عنوانلی راپورندن .

واحتمالکه بومهاجر تترك نتایجندن اولمق اوزره اوتدهه بری ده طاعنیق بر صورتده بولنان مسلمان جماعتلری تشکل ایلمکه باشلامشدی . بو جماعتلر چینک بعض حوالیسنده پک واسع برر قسم ناسی احتوا ایدرلر . میلادک ۱۲۷۵ دن ۱۲۹۲ سنه سنه قدر چینده یاشامش وقوبلای خاندن حسن قبول کورمش اولان وندی کلی سیاح مارقوپولو (یون نان) حوالیسنک بعض جهتلرنده مسلمانلرک موجودیتلرینه واقف اولدیغنی سیاحتنامه سنده قید ایتمشدر . اون دردیجی قرن ابتدالرنده یون نان ایالتنک مرکزی بولونان (تالی فو) شهری اهاالیسنک کاملاً مسلمان بولنش اولدقلرینی معاصریندن بر مؤرخ یازار [۱] وقرن مذکور اواسطنده چینک بلاد ساحلیه سنی کزمش اولان ابن بطوطه دینداشلی طرفندن کوردیکی صمیمی حسن قبولی ذکر ایلدیکی صردهه هر قصبهده صرف مسلمانلره مسکون وجامعلری حاوی برجهت بولندیغنی وچینلیرک بومسجدلره حرمت کوستردکلرینی قید ایدر .

اوزمانلره قدر چینده مسلمانلره اجنبی نظریه باقیلوردی . لکن اون دردیجی قرنک نصف تالیسنده مغول خاندانک طردندن صوکره - چین حکومتک اووقندن اعتباراً اتخاذ ایلدیکی مسک انفرادک نتایجندن اولمق اوزره - بومسلمانلر خارجدن عددلرینه منضم اوله جق افرادی آرتق آلهماز اولمشردی . باشقه مملکتلرده کی همدهبلریله تماسدن بووجهله منقطع قالنجه چین ایمپراطور - لغنک اکثر جهتلرنده یرلی قادینلره تأهلدن وچینی عادات واطوارینی لتخاژدن طولایی تدریجاً یرلی خلق آره سنده مزج اولمغه باشلادیلر . یکی (مینغ) خاندانک مؤسسسی اولان ایمپراطور (هانغ - وو) بونلره امتیازات مخصوصه بخش ایتدی . بوخاندانک دوام ایتدیکی مدتیجه (م ۱۳۶۸ - ۱۶۴۴ هـ ۷۷۰ - ۱۰۵۴) بونلرک بولنش اولدقلری حال صلاح ورفاه انشا ایتدیرمش بولندقلری جامعلرک کثرت عدیله تبین ایدر .

بوخاندانک ایمپراطورلری مملکتلری حدودی قریبنده بولنان مسلمان امراسیله مناسبات دوستانه تأییدینه چالیشیرلردی . بونلر ایله تیمورلنک خاندانی پرنسپلری راشدالین (جامع التواریخ) نام اثرنده .

آرندسندہ هیأت سفارات تعاطیسی چوق وقوع بولوردی . بسفارت هیئتلرندن بریسی اسلامده کی میسیونه رلك تاریخنده ذکره لایقدر : شاهرخ بهادر ۱۴۱۲ ( ۸۱۵۵ ) سنه سنده سمرقندده کی سراینه چیندن بر هیئت سفارت کلدیکی زمان آنلریدنن آلدیغی نامه یه ویره چکی جوابده اهتدایه دعوت ایچون برفرصت کورمشدی . چین هیئتنه عودتی صردسندہ ترفیق ایلدیکی مرخص یدیله ایمراطوره ایکی نامه کوندردی . بونلردن بری عربی لسانی دیکری فارسی زبانی ایله یازلمشدی . فارسی نسخه عربجهده کی تزینات بلاغتنن عاری ایدی و مطلوب اولان شی داها معین صورتده افاده ایدلمشدی . مأل مکتوب شو وجهله در : « جناب حق عمق حکمتنده قدرت بالغه سیله آدم علیه السلامی یاراتدی . آنک اولادندن بعضیلرینی پیغمبر ، رسول یادی و انسانلر آره سنه کوندردی ؛ تا که اولنری حق یولنه دعوت ایدلر . بو پیغمبرلردن بعضیسنه بر کتاب ویردی و بر قانون اوکرتدی و زمانلرینک انسانلردن هر برینه کوندردیکی قانونه ، دیانتہ تابع اولملرینی اراده ایلدی . بو پیغمبرلر متحداً انسانلری دینه کلککه ، الله تعالی یه عبادت ایلککه دعوت و کونشه ، آیه ، بیلدیزه ، صنملره ، قرالره تعبددن منع ایتدیلر . واقعا بو رسوللردن هر بری آری بر شریعتہ مالکدی ؛ فقط جمله سی ده حق تعالینک وحدانیتنده متفق ایدیلر . عاقبت مقام رسالت ونبوت محمد مصطفی صلی الله علیه وسلمه توجیه اولندی ؛ دیکر اصول شرایع منفسخ قالدی . کندیسکی آخر زمان پیغمبری ایدی . بوتون دنیایه - امیراوسون ، رئیس اولسون ، وزیر اولسون ، غنی ویا فقیر بولنسون - آکا ملهم اولان دینه تابع اولمق و شرایع ومذاهب سائرہ یی براقق اقتضا ایدر . بو بر دین حق و کاملدر و اسلام تسمیه ایدیلور . سنه لرجه مقدم جنمکیز خان سلاحه صارلمشدی و اوغلارینی مختلف دولتلر و مملکتلره قارشو کوندردی . شویله که جوچی خانی سرای ، قریم ، دشت قیچاق ایچلرینه کوندردی . حال بوکه بورالرده اوز بک خان ، شانی خان و عروس خان کبی حکمدارلر اسلامه کلشدر و شریعت محمدیه یه تابع اولمشلردر . هلاکو خان خراسان ، عراق وجواری مملکتلر اوزرینه یوکلنمشدی . کندیسکی استخلاف ایدن اوغللری



دين اسلامك نوريني قبلرينه آديلر و ينه او وجهله اهتدا ايتديلر و اسلامه مشرف اولدوقدن صوكره عالم عقبايه كوجديلر ؛ نته كيم حقهكو و حقهشناس غازانه ، الحيتو سلطانه و بختيار حكمدار سعيد بهادرده بويه واقع اولمشدى .

پدر محترم امير تيمور، شريعت محمديه احكامنه رعيت ايتدى و بوتون مدت حاكميتده اسلامه سالك بولنانلر سعادت كامله يه مظهر اولديلر . شيمدى جناب حقهك لطف و عنايتي ايله خراسان ، ماوراءالنهر ، عراق و ساثره يي حاوي اولان بودوات نيمه كچدى . دولتك باشدن باشه اداره سي شريعت پيغمبرى و وجهله اجرا اولنور ، طوغريلق امر و باطل نهي ايديلور . جنكيز خانك احداث ايلديكي شيلر الغا ايدلمشدر . مادامكه يوم قيامتده نجات و سلامت و بودنياده سعادت، دين حقه ايمانه توقف ايدر، او حالده تبعه مزه نصفت و عدالت ايله معامله ايتمك اوزرمزه فرض اولور . اميد ايدر مكه الله تعالينك عنايت و كرميله سز دخي شريعت محمد رسول الله عليه الصلاه و السلامي اجرا ايدرسكز و دين اسلامه قوت ويررسكز و بويه جه دنيانك فاني سلطنتي عالم عقبانك سلطنتيله مبادله ايلرسكز.» [۱]

چين امپراطورلردن برينك اسلامه كلديكي حقهده صوكره دن ميدانه كلن بر قصه يه بو مكتوبك سبب حدوث اولسي احتمالي بعيد كورونمز . اون بشنجي قرنك صوكلرنده و اون آلتنجينك ايتدلرنده بر خيلي سنه لر پكين شهرنده او طور مش اولان سيد على اكبر نامنده بر مسلمان تاجرى دخي بو قصه دن بحث ايتمشدر . بو ذات چينده كثير العدد بر بظايفه اسلاميه نك تمكنا ايتديكني بيلديرر . ( كدن - جان - فو ) شهرنده اوتوز بيك قدر مسلمان عائله سي وار ايدى . بونلر و يركى و يرملر و امپراطورك توجهنه نائل اولورلردى . چينلر نظرنده مستحسن اولان وظائف دينه لر ينك اجرا سنده مساعدات كامله يه مالكديلر . اهتدالردخي سربست بر ايلوردى . نفس پايختده درت و چينك سائر حواليسنده طوقسان مسجد واردى و جمله سي امپراطورك حسابنه انشا ايتدريلمشدى . [۲]

[۱] عبدالرزاق اسحق سمرقندى نام مؤرخك ( مطلع السعدين ) اسملى كتابندن .

[۲] ره نكهت نام مستشرقك Mélanges Orientaux عنواني شرقه عائد مباحث

میلادك ۱۶۴۴ ( ۱۰۵۴ هـ ) سنه سنده مانچو خاندانك تأسسنه قدر چین مسلمانلری طرفندن هیچ بر علامت اختلال کوسترلمه مشدی . اسلامك سالکری ده کندیلرینه ویرلمش اولان حریت مذهبه دن طولانی خشنود بولنیورلردی . یکی قوه حاکمه نك موقع اقتداره وصولنی متعاقب مشکلات ظهور ایتمهک باشلادی و ۱۶۴۸ ده ( قان - سو ) جوالیسنده حادث اولان اختلال مسلمانلر آرسنده چین حکومتنه قارشو سلاح بدست قیام اولانلر بولمنسك ایلک وسیله سی ایدی . مع هذا اون طوقوزنجی قرنه کلنجیه قدر چین مسلمانلری ایله آنلره حاکم اولانلر آرسنده بدایتدن بری جاری اوله کلن دوستانه روابطی اخلال ایده جك ویا فلاکتلی عواقبی موجب اوله جق بر حال کوره ونه مشدی . روابط مذکوره حفته کی رأی رسمی ۱۷۳۱ ( ۱۱۴۴ هـ ) سنه سنده ایمپراطور ( یونغ - جهن ) طرفندن نشر ایدیلن آتی ده کی امرنامه ایله تأکید ایدلمشدی ؛ شویله که :

« ایمپراطور لغك هر جهنده عصر لردنبری یرلشمش کثرتلی اهل اسلام واردر که بونلری تمامیه دیگر تبعه من کبی اولاد عد ایدرم . بونلر ایله منسوب اولدقلری دینه تابع بولمنانلر آرسنده هیچ بر فرق کورم . دینلری دیگر چینلیرک مذهبندن باشقه اولدیغی ، دیگر چینلیردن آیری صورتده برلسان تکلم ایتدکری و دیگر اهالیدن فرقلی صورتده تلبس ایلدکری حفته بعض مأمورلر طرفندن کیزلیجه مسلمانلر علیه شکیاتنامه لر کوندرلشدز . بونلرده مسلمانلر ، فضوللق ایله اتهام وعاصی حیاتیلی ، غیر مطیع تصویر ایدلمشدر . آنلره قارشو تدابیر شدیده اتخاذا ایتمکلکم ایستیلیور . بوشکیات و اتهاماتی تدقیق ایلدیکم وقت هیچ بر اساسه مبتنی اولدقلرینی آکلادم . فی الحقیقه مسلمانلرک سالک اولدقلری مذهب آنلره اجداددن قالمشدر و واقعا لسانلری دیگر چینلیرک قولاندقلری لسانک عینی دکلدز ؛ لیکن چینده داها بر چوق لسانلر تکلم ایدیلور . آنلرک عبادتگاهلرینه ، لباسلرینه و شکل تحریرلرینه کلنجه بونلر هیچ دهه اهتمامه تلقی ایدیله جك شیلر دکلدز و صرف اعتیاد ماده لریدر . مسلمانلر دخی دیگر تبعه قدر اوصاف حسنیه مالکدرلر . آنلرک عصیان یتنده

بولندقلرينى كوسترميدانده هيچ برشى يوقدر . بئز عليه ذلك - مقصدى انسانلره حيات اخلاقيه اوكرتمك ، وظائف اجتماعيه وملكيه اجرا ايتديرمك اولان - دينلرى وجهله تعلمده سربست قالملىرى آرزو ايدهرم . دين اسلام ، ماهيت اساسيه حكومه حرمت تفهيم ايدر ؛ بوندن فضله داها نه بكنيله بيلور ؛ ايمدى مسلمانلر صادق وسوكيلى تبعهم كى حركت ايلدكلرى تقديرده ديكر اولادم حقنده كى توجهات آنلره تشميل ايديله جكدر . مسلمانلر آره سنده بويوك مقاماته ارتقا اتمش برخيلي مأمور وضباط ظهور ايتمشدر ؛ بوايسه آنلر عادات واطوار - مزى اتخاذايش اولدقلرينك وقوانين مقدسه من موجدنجه تطبيق نفس ايلدكلرينك برهان احسنيدر . آنلرده ديكرلى كى ادبيات عموميه دن امتحان ويررلر وقانونك طلب ايلديكى فداكارلقده بولنورلر . خلاصه كلام آنلر دخى بويوك چين عالمه سنك اعضاسنددرلر . دينلرى كى ملكى و سياسى وظيفه لرينك دخى اجراسنه چاليشيورلر . حاكملر مواجهه لرينه كتوريلن ملكى وادارى بردعواده طرفينك منسوب بولندقلرى دينلره مشغول اولمامليدرلر . بوتون تبعهم ايچون تك براقون واردر . ايلك ياپانلر مكافات كوره جكدر و فئالقمده بولانلر مجازات چك جكلردر . » [۱]

آندن اوتوز سنه صوكره مذكور ايمپراطورك خلفى ( كى - يهن - لانغ ) شمال غربى وكاشغر طرفلرئنده ظهور ايتمش اولان بر عصيانك باصديرلمسئنده ماده كوستردكلرى ياردمدن طولايى ايبي تورك بغنى ( بكنى ) چين اصيلزاده - لكئنه ترفيع ايلمكله مسلمانلر حقنده كى توجهات ممتازه سنك آثارينى كوسترمشدى . بو بكلر ايچون پكين شهرئنده قوناقلر دخى انشا ايتديرمشدى . كذلك بو ايمپراطور مذكور بكلر ايله كاشگردن كتورلمش اولان مسلمان اسراى حربيه نك عبادتلىرى ايچون برده جامع ياپديرمشدى . اسرا ميانئنده برده غايت كوزل ير قيز كتورلمشدى كه بو قيز كيت كيده ايمپراطورك پك سويديكى جيچيسى اولمشدى . ناقلان اخبارك روايته كوره ايمپراطور بو قيزه اولان محبتدن طولايى مذكور جامعى سرايى قارشوسئنده ياپديرمش وسراي داخئلئنده اوفاق

برکوشک انشا ایتدیرمش ایدی که سوکیلیسی بعضاً اورایه کیدر واسیر  
 و طنداشلرینک برای عبادت جامعه کیروب چیقمالرینی تماشا ایدردی . بومسجد  
 ۱۷۶۴ ( ۱۱۷۸ هـ ) سنه سنده انشا ایدلمشدی ؛ دروننده دورت لسان اوزره  
 محرر کتابه لک چینجه سی بالذات ایمپراطور طرفندن یازلمشدی .

ینه بو ایمپراطور زونغاریه اختلالنی باصیدردقندن سوکره ۱۷۷۰ سنه سنده  
 اوحوالیه اون بیک عسکری عائله لری نقل ایتدیرمش و بونلرک اسکانیه بوش  
 قالان یرلری طولدیرتمشدی . بو مستملکه چی سکنه نک اطرافنده کی مملکتلرک  
 اهالیسی تمامیه مسلمان بولندقلرندن آنلرده کیت کیده اسلامه کیشلردی .  
 بو مثللو کومه لی اهتدالرک ایمپراطورلغک باشقه جهتلرنده دخی وقوعه کلوب  
 کمدیکنی بیان ایچون المزده دلائل یوقدر . واقعا مسلمان مهاجرلرک توطن  
 ایتدکلری حوالیده عدد مسلمین یوکسلمشدر ؛ آنجق چینک هر جهتنده چینلی  
 مسلمان اهایلی بولنسی ، صرف اجنبی مهاجرتی وقوعه کلسنه ویا خلقک طبیعی  
 صورتده تراید نفوسنه حمل ایدلمکه ایضاح کیفیت اولنه ماز . بومسلمانلرک قرون  
 عدیده ظرفنده چینده اوطورمش اولدقلری ، حریت مذهبییه مالک بولندقلری  
 و برچوق ایمپراطورلر طرفندن توجه کوردکلری حالده - زمانمز اجنبی مترصد  
 لرینک بونلرک احفاندنده مشاهده ایلدکلری - غیرت اهتداپرورانده دن محروم  
 بولنمش اولملری ممکن دکل کیدر . وقتیه چین یهودیلرینک اسلامه کملری  
 طوغریدن طوغرییه وقوعه ککش اولان فعالیت تبشیریه ایله ایدی . چینده  
 تقررلری پک اسکی اولان یهودیلر دوائر حکومتده مهم مقاملری حائز و برچوغی  
 واسع اراضیه مالک ایدیلر . مع مافیه بونلرک بویوک برقسیمی اون یدنجی  
 قرنک ختامنه طوغری اسلامه کمشدر . [۱] اهتدا باندنه کی مسلمان پروپاغانداسی  
 بغایت ساکنانه و نیم مجتنبانه وقوع بولیوردی ؛ نته کیم ( خ - وانغ - سی )  
 حوالیسی والیرندن برینک ۱۷۸۳ سنه سنده ایمپراطور ( کیئی - یه نغ - لانغ ) ه  
 تقدیم ایتمش اولدینگی بررپور بوسبیله شایان دقت کوریلور ؛ راپورمائی شویله در :

[۱] قلاقر آبهل نام انکلیر محررینک Narrative of a Journey into the

Interior of China عنوانیه چین داخلنده بر جولان حقنده کی اثرندن .



« بو حوالی ده (هان فو - یون) نامیله بر سر کدشتجینک سرسریلک  
 تهمتیله توقیف ایدلدیکنی حضور هایونکزه عرضه کسب فخر ایلم . بو آد مه  
 نه ایله اشتغال ایدیلدیکی صورولدقده کندی دینی حقنده معلومات خوبلامق  
 وزره اون سنه دنبری ایمر اطور لنگ مختلف حوالیسنده جولانلرده بولندیغنی  
 اعتراف ایشدر . صدقلرینک بریسنده بعضیسی کندی طرفدن یازلمش و بعضیسی  
 کندیسندن باشقه بوراده کیمسه ننگ آکلایه میه جنی برلسانده محرر او توز کتاب  
 بولمشدر . بو کتابلر (محمد) دینلن غربلی بر حکمدارک عجیب صورته و اطرا  
 ایله مدایحنی حاویدرلر . بو آدم اشکنجه به معروض قالنجه بوجولانلردن مقصد  
 حقیقسننگ بو کتابلرده بیان ایدیلن باطل عقائدی نثر دن عبارت بولندیغنی  
 و (شهن - سی) حوالیسنده دیگر یرلردن زیاده او طور دیغنی اعتراف ایتدی .  
 کتابلری بالذات معاینه ایتدم . بعضیلری حقیقتاً راجنی دیننده یازلمش اولمیدر -  
 لرکه مألرندن برشی آکلایه مدم . چین لسانده یازیلان دیگر کتابلر پک فنا  
 شیردر ؛ حتی دیه بیلورمکه حقیقتاً لایق اولیان کیمسه لرک مدحده کی مبالغه لرندن  
 طولانی هزیاندن عبارت بولنیورلر ؛ بو اشخاصه دائر شیمدی به قدر هیچ برشی  
 ایشتمدم . بو آدمک (قان - سو) طرفدن کله بر عاصی اولمسی محتملدز .  
 حرکاتی جداً داعی شهدر ؛ زیرا بونجه حوالیده اون سنه دن بری نیچون  
 طولاشوب طور مشدر . مسئله حقنده داها اهماملی صورته تحقیقات اجرا  
 ایتدیرمک نیتندیم . عین زمانده بو آدمک عائله سی نزدنده بولنان حروفات  
 فالبرینک یا قیدرلمسنی و حکاک و مؤلفلرینک توقیف ایتدیرلمسنی ذات حشتماً بیلرندن  
 تضرع ایدر و او بابده کی اراده سنیه لرینی اخذ ایلک امنیه سیله کتابلری تقدیم  
 پیشگاه هایونلری ایلم . » [۱]

بوراپور اون سکرنجی قرنده وقوعه کلش اولان مسلمان فعالیت تبشیریه سندن  
 هیچ دکلسه بریسننگ موجودیتنه شهادت ایدر . او قرن ایچنده ژدزوئیت میسیو -  
 نهرلرینک اسلامده مشاهده ایتمس اولدقلری تراید عدد - آنلردن بعضیلرینک

[۱] دو هالده نام مؤلفک Description Géographique, Historique etc.

de l'Empire de La Chine عنوانلی کتابندن .

فرض ایلدکلری کبی - قطعی صورتده وقوع بولان فعالیت تبشیریه لر ایله علاقه دار اولسه کر کدر . دو هالد نام محرر ۱۷۳۵ سنه سی پارسده طبع ایدلمش اولان براز یوقاریده اسمی مذکور کتابنده مسلمانلره تخصیص ایلدیکی فقره لرده او ترایدک سببی قحط زمانلرنده مسلمان عائله لرینک آلبده کندی دینلرنده تربیه ایتدکلری چوجقلره عطف ایدرده دیرکه : « چینه توطن ایدن مسلمانلر آلتی یوز سنهدن بری مختلف حوالی ده ساکن اولمقده درلر . بونلر احکام دینه لرینی نشر اتمک ومهتدی قازانمق ایچون اوغراشا زلر . کچمش زمانلرده ده آجق ازدواج مختلط طولایسیله نفوسلری تراید اتمشدی . مع مافیه قازاندقلری ثروتلر واسطه سیله بر خیلی زماندن بری اجرای ترقیعده دوام ایلکده درلر . بونلر هر یرده بوله بیلدکلری مجوسی چوجقلرینی صتون آلورلر ؛ ابون ایسه چوجقلرینی اعاشیه مقدر اوله مدقلرندن آنلری صاتمقندن چکینمز لر . ( شان - تونغ ) حوالیسنده برمه لک قتلوق وقوعه کلدیکی زمان بونلر اون بیکدن زیاده چوجق اشترا ایشلردی . بو چوجقلری بالاخره اولندیرلرر وانلر ایچون شهرلرده یایکیدن اولر انشا ویا کویلر تأسیس ایدرلر . »

ینه بو قیل حاللردن اولمق اوزره ۱۷۹۰ سنه سنده ( ق - وان - تونغ ) حوالیسی قحط یوزندن خراب اولدیغی وقت مسلمانلر - اولاده باقمیه جق قدر عاجز وفقیر دوشن و آنلردن مفارقه بيله راضی اولان - مجوسی عائله لرندن اون بیک قدر صبیان اشترا ایشلردی . [۱] بو اطفال هپ اسلام دیننده تعلیم ایدیلورلردی . یون نان حوالیسنه منسوب سید سلیمان اسمنده چینلی برمسلمان ۱۸۹۴ سنه سنده قاهره یی زیارت ایتدیکی صرده - بیروته انتشار ایدن - ثمره الفنون جریده سنک مصر مخبریه وقوعه کلن ملاقاتنده هر سنه بو واسطه ایله اسلامیه داخل اولانلرک عددی صایله میه جق قدر کثرتلی بولندیغی سولشدر . کذلک فرانسز ترقیقات فیه سی هیئت ریسی بولان وبالاده راپورندن التقاط ایدیلن موسیو ( دولون ) قحط سنه لرنده بو مثللو چوجق اشتراسی

[۱] اسکی فرانسز مؤفلرندن غروسیه نام ذاتک *de la chine, ou Description*

Générale de cet Empire عنوانلی چین تعریفاتندن .

معامله سنگ بوتون چین مملکتنده مسلمانن طرفدن اجرا ایدلدیکنی ذکر ایدر .  
( بوکسر ) لر دینلن و ۱۹۰۰ سنه سنده چینلر طرفدن خرسیتانلرک قتلنی  
موجب اولان قیام صره سنده دخی مسلمانلر یتیم قالان یرلی خرسیتان چوجق لرندن  
برخیلیسی بعدالاشترا مسلمان اوله رق یتشدیرمشلردر .

چینده کی مسلمانلر آیری قصبه و کویلرده ویا بر قصبه نك آیری بر جهته ده  
کندی کندیلرینه یاشامغه مائلدرلر . جامعه کیتمین بر کیمسه نك کندی آره لرنده  
یاشامسنه موافقت ایتمزلر . [۱] مسلمانلر ، ممکن اولدیغی قدر بو آیریلنی ترجیح  
ایتمکه برابر عبادت لرینک اشکال مخصوصه سی ایله غیر مسلم چینلیری مغیر ایلمه مک  
مقصدیله آیین روحانیلرینی تشهیردن اجتنابده بولورلر . غیر مسلم وطنداش لرینک  
عادات و اطوارینه تمایله موافق صورتده حرکت ایدرلر و آنجق جامعه کیردکلری  
زمان قاعده صاریق صارارلر . ینه مجوسی چینلرک سوء ظن لرینی تحریک  
ایتمه مک مقصدیله جامع یاپدیردقلری ویا پیلان جامعه مناره علاوه سنه لزوم  
کوردکلری تقدیرده مناره یی ممکن مرتبه قیسه انشا ایتدیرلر . [۲] جامع لری  
اکثر احوالده چین اصول معماریسنه تطبیقاً حتی بعضاً چین معبدلرندن فرقلی  
کورومیه جک شکله یاپدیرلر . هر مسجد ویا جامع قانوناً امپراطور ایچون  
برلوحه تعلیقنه مجبورایدی که بولوحه ده شوسوزلر بولنوردی : « دائما یاشاسون ،  
لایموت امپراطور . » مسلمانلر بولوحه یه تقریدن اول چین ارکان معتاده سی  
وجهله اتکا ایلرلردی ؛ شو قدر که بونی اجراده وجدانلرینی ارضا ایچون لازم  
اولان احتیاطی خاطرلارلر وبتپرستک حاله مشابه اوله بیله جک شکل اتکادن  
صاقینورلردی . دیگر طرفدن دخی کندی دینلرینک مذهب رسمی دولته  
مخالف کورومیه سی ایچون مقتضی اولان احتیاطی الدن براقازلر . بویله جه  
موسویت وعیسویت کبی ادیان اجانبه قارشو چین مجوسیلری طرفدن کوستریلن  
آثار نرفتدن آزاده قالورلر . حتی مجوسی وطنداش لرینه کندی احکام مذهبه  
لرینک قونفسیوس مذهبی قواعدیله توافقی ارائه چالیشورلر ؛ شو فرقله که

[۱] برومهال نام انکلیمحررینک Islam in China عنوانیه چین مسلمانلری حقنده کی

اثرندن .

[۲] واسیلیف اسمنده برححرک روسجه چین حقنده کی کتابندن .

کنديفرى ازدواج و جنازه مراسمده و شرب حمر ، اکل خنزير ، قار او ينامق کي مناهيدن اجتنابده و طعامدن اول و صوکره اللرى ييقامق کي او امر مذهبهده کندی جدلرينک عنغوى مثاللرينى دقتله تعقيب ايدرلر . کذلک مسلمان محرراتنده قونفوسيوس آتارندن وسائر قديم چين کتابلردن حرمتله بحث اولتور و مباحثات مقتضيهده بونلرک تعليمات مذهبيه لرى ايله احکام اسلاميه آره سنده آهنگدارلق کوستريلور .

چين حکومتى دخى کنديسنه عائد اولان خصوصاتده تبعه مسلميه به - حال اختلال مستنا اولمق اوزره - دائما ديگر قسم ناسک امتيازات و منافعتک عينى تأمين ايله کلشدر . هيچ بر مقام آندرله قارشو قابلى طوتماز . طشره واليسى ، جنرال ، حاکم ، ناظر صفتلريله کرک خلقک ، کرک امرانک اعتماد و حرمتى قازانان مسلمانلر کوريله کلشدر . مسلمان اساميسى يالکز چين تاريخلرنده مشهور رجال ملکيه و عسکريه دن بولمق اوزره يازلمقله قالموب برده ما کنه صنعتلرنده ، رياضياتده ، علم هياتده وسائرده تميز و کسب شهرت ايدن مسلمان کورلمشدر . چين مسلمانلرى بحريکللى ايتس آدملى و اهماملى و اعتمادلى تجارت صاحبلى بولمقله معروفدرلر . صغیرآئى قصابلى عادتاً مسلمان اصنافک تحت انحصارنده کيدر و ديگر اصنافقلردهده موفقيته چاليشورلر . بويه جه حيات مليه نك هر قسميله مناسبدار بولندقلرندن پروپاغاندا اجراسى ايچون برچوق فرصتلره مالکدرلر . شوقدرکه - بوکي دینی پروپاغاندا ايشلرنده علاقه دارلق کوسترن خريستان ميسونه رلرينک رايلىرنجه - بومسلمانلر پروپاغاندا حسياتيله پکده متحرک دکلددرلر . مع مافيه هر وقت يکي اهتدا ايتش کيمسه لره تصادف ايديلور و چينلى مسلمانلردن برچوقلرى اسلامى ايلک قبول ايتش اولان اجداد ذاتيه لرینک اسملرينى خير ايله ياد ايتمک اعتيادنده بولندقلرندن بو حال دواملى صورتده اهتدا حرکتک موجوديته دلالت ايدر . آ کلاشلديغنه کوره مسلمان مبشرلى ، پروستان ميسونه رلرينک سواقلرده دینی وعظلم و يرمک خصوصنده کي صلاحيتلرينه مالک دکلددرلر ؛ فقط اللرينه کيچن فرصتلردن بالاستفاده نفوسلرينه يکي عددلر علاوه سنده پکده قصور ايتملر . بونلرک ۱۶۶۸ ( ۱۰۷۹ هـ ) سنه سنده قاتون



شهرنده باصلمش ديني كتابلردن « دين حقك اركانه رهبر » عنواني بر اثر، خدمت ارشاد اوزرينه مطالعاتي و مجوسيلر آره سندن كلن صوك مهتديلر حقنده اشاراتي حاويدر . اسلامك احكام اساسيه سي يكي مهتديلره منظوم دروس ابتدائي رساله لري ايله اوقوتديريلور . [۱] بالاده بالمناسبه ذكر اولنان ملاقات صاحبي سيد سليمان صوك زمانلرده وقوعه كلن اهتدالردن برچوغني ديني كتب و رسائلك نفوذينه حمل ايشدر . ( قان - سو ) ملحقانندن ( هو - جاو ) شهرنده كي مدرسه ده هر سنه برچوق علم عقائد ظالبلري تدريس ايدلديكي و بونلرك اكمال تحصيلدن صوكره مختلف حواله يه كيدر ك دينلريني ايلري سور دكلري و اون قدر ولا ياتده - مسلمانلق پروباغاندا جيسي اولمق اوزره - ملالرك تعليمنه مخصوص هر كز لر بولنديغي دخي مرويدر . چين اوردوسي مسلمان ضابطلري دخي قوماندلري آلتنده كي مجوسي عسكزلردن برچوغني اهتداه سوق ايدر لر طوغربدن طوغري يه پروباغاندا جيلق نتايجيله تحدث ايدن افعال اهتدائي دخي آره صره كوريلور ؛ مثلاً ۱۸۹۵ سنه سنده پكين شهريني زيارت ايتمش اولان برتورك سياحي اوراده اوتوز مسجد كورديكيني و بونلردن بريسك معبددن منقلب اولديغني بيان ايشدي . بوده زنكين برچينلي يه عائد عالمه معبدي ايتمش ؛ براختلال صره سنده حياتي تهلكيه دوشديكي آنده عبدالرحمن اسمنده برمفتي آني تولومدن قورتارمش ؛ اوده شكرانيتي اسلامه كلكه ادا ايشدر .

شوصوك سنلرده تورك و سائر مسلمان ميسونه لرلي چينده طولاشه رق اورا مسلمانلري آره سنده دينلرينك داهالايقلي بر صورتده تفهيمي ايجون منفرداً اوغراشمقده و آنلرك شوق دينلريني تحريك ايلكده ايديسه لرده بو فعاليتدن شيمدي يه قدر پك آز ثمره حاصل اولمشدر . [۲]

چينده كي اسلاميت حقنده ۱۸۶۷ تاريخنده فوق العاده بر كتاب نشر ايتمش اولان ( واسيلف ) نام روس محرري اسلاميتك چينده دين ملي اولمق طالعه

[۱] ايسيت اسمنده برانكلير ميسونه رينك « مسلمان مسئله سنك يكي صفحاتي » عنواني رساله سندن .

[۲] انكلير ميسونه لرلرينك مروج افكار ي اولان بر رساله موقوته بوصوك ايكي روايتك ناشريدر .

مظهر بولندی و بوتقدیده عالم شرقك احوال سیاسیه سنده تامیله بر تحول وقوعه کله چکی فکری سردايشدر. [۲] بو اخطارک وقوعدن شیمدی به قدر الی بی متجاوز سنه مرور ایتدی و فقط مذکور تخمین حقیقه منقلب ایده چک هیچ بر حال ظهور ایلدی؛ بالعکس اسلامیت کچن عصر ظرفنده او مملکتده زمین قازانیموب بلکه غائب ایلدی. میلادک ۱۸۵۵ دن ۱۸۷۳ سنه سنه قدر (یونان) حوالی سنده کی قیاملره قارشو اجرا ایدیلن قتل عاملرک و ۱۸۶۴ دن ۱۸۷۷ سنه سنه ۱۸۹۵ دن ۱۸۹۶ سنه سنه قدر (شن - سی) و (قان - سو) حوالی سنده کی (تونغان) عصیانلرینک نتیجه سی اولمق اوزره مسلمانلرک عدد نفوسی میلیونلرجه تناقص ایشدر. چینده جمهوریت تأسسی، او مملکت مسلمانلرینه اسکی حکومتلر دورلرنده امثالی هیچ کورلمه مش بر حریت فعالیت ویردی؛ احوال حیاتیجه وقوعه کلن بوتحولک وجوده کتوردیکی فرصتلردن مسلمانلرک ندرجه به قدر استفادیه مقتدر اوله جقلرینی کشف ایتمک ایچون هنوز کافی زمان کچمدی. حالا دوام ایدن سوق اهتدا روحی - بر منطقه محدودده ایچنده قالمقده برابر - انتشار اسلامیت خصوصنده امیدلر بسلندیکنه دلالت ایدر. واقعا چینده سیاحت ایتمش اولان بر مسلمانک - رئیس حکومتی تعقیباً بوتون مملکت خلقنک اهتداسی امکانندن - بحث ایلدیکي زماندن شیمدی به قدر دورت قرن مرور ایلدی؛ بونکله برابر عصر حاضرک چین مسلمانلردن بریسی ایچون دینداشلرینک بوتون چین مملکتی داخلنده اسلامیتک مظهر اوله جغه انتظار ایلدکلرینی سويلسی حالا ممکندر.

[۲] عالم افرنجی و کنیسای نصرانیته مشرق اسلامه مضر صورته غلیانه کتورمک غرضیله روس چارلنی بروقتلر بوکي روایاتی چوق ایلری سورردی. شرقده امل استیلا تعقیب ایدن دیگر بعض دولتلرده بعضاً بواصول تهییجه به مراجعت ایشلدر. بوراسی معلوم اولقله برابر روس محررینک صاندینی کرامتی حسن نیتنه حمل ایدر و یقین وقتنده فعلاً تحصیلی جناب قادر مطلقدن تضرع ایلرز.

آفریقا ده انتشار اسلامیت

اسلامیتك آفریقا تاریخی تام اون اوچ قرنلق برزمان احتوا ایدر و متنوع، متعدد قبائل ایله اقوامك ساکن اولدیغی برقطعه واسعه نك اوچده ایکینسی احاطه ایلر و بوجهتله برقاعده تحتنده اوله رق تبعی ایچون مشکلات مخصوصه حدوشی موجب اولور، چونکه آفریقا قطعه سنك مختلف جهتلرنده بودینك انتشارینك تاریخ صره سیله مرتباً تفصیلات مثالهنی ویرمك محالدر . انتشار اسلام تاریخك مصر، آفریقای شمالی، نوبیه و حبشستانده کی نصرانیت کنیسالریله اولان مناسباتی فصول سابقه نك برنده ملاحظه ایدلشدی . بوفصلده ایسه مذکور تاریخ انتشارك اول امرده آفریقای شمالینك صرف مجوسی بولنان اهالیسی آره سنده وبعده بوتون سودان مملکتنده و غرب ساحلی بوینده ونهایت شرق سواحلیله امد بورنی مستملکه سنده ایزنی تعقیب ایتك متصوردر .

شمالی آفریقانك مجوسی خلقی آره سنده مسلمانلغك انتشارینه دائر مالک اولدیغمز معلومات کنیسای نصرانیتك اورادن نصل غائب اولور کیتدیکی حقدده اولجه ویرمش اولدیغمز برقاچ وقعه دن آشغی قالیه جق درجه ده ناقصدره عرب قوای مسلحه سنك ایلریلسنه بربر طائفه سی طرفندن پك جانلی مقاومتلر کوسترلش و بو طائفه نك اهتداسنده اقناعدن زیاده قوه جبریه نك نفوذی بولنشدی . بونلر هر فرصت دوشن محله ده فاتحلرک حاکمیتی کی دینلرینه قارشو دخی عصیان ایتشلر و بالذات عرب مؤرخلرینك بیاناتندن آکلاشیلدیغی اوزره اون ایکی دفعه ارتداده صایمشلردی . اوزون مدت سورن بو مجادلاتی حاوی سجاتنده اهتداره دائر بعض نامام اشارات بولنور . اهتدارک بعض احوالده سلاح عربیه قارشو فصله مقاومتك بیهوده لکی آکلاشیلقدن صوکره التزام ایدلش بولندقلری کوریلور . بربرلرک ۷۰۳ ( ۸۴ هـ ) سنه سنده مستولیره قارشو صوگ مقاومتی

کوستردکری صروده ییلماز و اوصانماز بر شخصیت اولان و «الکاهنه» دیه تلقیب ایدلش بولنان رئیسهرلی - طالع حربک کندی طرفی علیهنه قطعته دوندیکنی کورنجه - اوغللرینی مسلمان قوماندانک قرارکاهنه کوندرمش و اسلامی بالقبول دشمن ایله توحید آمالده بولملرینی امر ایتمش ایدی . قادین کندیسسی - بربر قوتلرینی تارومار ایدن و شمالی آفریقانک ایدی عربه دوشمنسینی موجب اولان صوکه معارکده - یانندهکی وطنداشلی ایله برابر اولمکی اختیار ایلدی . صوکره مصالحه عقدی قبول ایدلدی ؛ شوشرطله که بربرلر عرب عساکری صفوفنده خدمت ایچون اون ایکی بیک کشیک برقوه محاربه ویره لر . بو افراددن ایکی قول اوردو تشکیل ایدلدی و هربری الکاهنهک اوغللرندن برینک اداره سنه ویرلدی . [۱] عرب امرای عسکریه سی بو بربرلی اوردولرنده استخدام ایله آنلره غنائم حربیه قازانمق امیدینی ویره رک جذب ایلک ایستمشلردی . میلادک ۷۱۱ ( ۹۳۵ ) سنه سنده یدی بیک کشیک بر اوردو - کندیسسی ده بربر طائفه سندن بولنان - طارقک قومانداسی آلتنده اسپانیانک فتحی ایچون آفریقادن کیلره بیدیرلدی . یکی مهتدی لردن مرکب اولان بو عسکرلرک اسلامه ایمانده کی صفت و صمیمیتلری بالخاصه تذکار ایدیلور . بونلره قرآن کریمک کلمات قدسیه سنی آکلاتمق و یکی دینلرینک تعیین ایتدیکی وظائفده کی احکامی او کرتمک ایچون عرب علما و فقها سندن معلملر نصب ایدلدی . آفریقا فاتحی موسی ، اسلامیتک ترقیسی خصوصنده بویوک برشوق کوسترمش و خلیفه عبدالملکک « اسلامه اولاد اولمغه ایق بولندقلرینی کوسترن اسرانک بالاشترا آزادیسی ایچون » کندیسسه ویردیکی کلیتی بر مبلغی ظفردن صوکره اسیرلر صائلیغه چیقارلدنجه آره لرلنده اهتدایه آرزو کوسترنلرک ، اصالتی بولنانلرک ، کنج و چویوک اولانلرک اشتراالرینه صرف ایلشدی . بو کیلره اول امرده اسلامی قبول ایلملری تکلیفنده بولنور و بعده ذهابلرینی بالتصفیه حقایق علویه نک تلقیسسه کندیلرینی استحضار ایدردی . بونلر موافق بروضعیت و استعداد کوستردکری تقدیرده

[ ۱ ] فورنهل نام فرانسزک Etude Sur la Conquête de l'Afrique par

les Arabes عنوانلی شمالی آفریقانک عربلر طرفندن فتحی حقنده کی کتابندن



در حال آزادنامه لرینی ویرر وکندی لرینی اوردوسنه آلور ودرجه مزیت لرینه کوره ترفیع ایلردی . [۱]

برر طائفه سی افرادندن بعضیلرینک اهدالرنده کی سطحیته شونکله حکم ایدیله بیلور که خلیفه زاهد عمر ابن عبدالعزیز هجرتک یوزنجی سنه سی اسماعیل بن عبداللهی آفریقای شمالی والیسی تعیین ایتدیکی زمان آنکله برلکده برر مهتدی لرینه یکی مذهبک ارکان عقائده سی تعلیم ایچون اون قدر عالم و فقیه کیمسه لرده کوندرمشدی ؛ چونکه بومقوله مهتدی لر، اوزمانه کلنجه یه قدر شرب حمرك دینلرنجه ممنوع اولدیغنک فرقنده دکلردی . بررلری اسلامه دعوت ایچون بویکی والینک بویوک همتلر صرف ایتمش اولدیغی خاصه ذکر ایدیلور ؛ شو قدر که آنک همتلری سایه سننده اسلامه کلکدک هیچ بر ( برر ) قبیله سی قلامش اولدیغی ادعا ایتمک البته طوغری اوله ماز . بررلرک عمومیت اوزره اهدالری اعصار عدیده نک آثار فعالیتی نتیجه سیدر ؛ حتی بونلرک ازمنه اخیریه قدر محافظه ایلدکلری بعض ابتدائی احوال مؤسسسه ، شهه سز شریعت اسلامیه یه مخالفدر . اسلامیت ، ملی بر دین شکنی آلوده یولی خاندانلرک تأسسیله علاقه دار اولنجه یه قدر بررلر آرسنده قوتلی برحاله کواکشمه مشدی . اولجه اسلامک قبولنه ضیاع استقلال کبی بر معنی ویرن بررلر اویرلی خاندانلرک اداره سی آلتنده داها زیاده بر میل ایله داخل دائره اسلامیت اولدی لر . بوراده وضعیت سیاسییه نک او باده کی تحولاتندن بحث ناممحل اولور ؛ شو قدر که مسلمان پروپاگاندا سنه داخل اولان بر تاریخده مسلمان جماعته بونجه بررلری جذب ایتمش اولان ( المروده ) لرک صورت ظهورلری بالخاصه ذکره شایاندر . صحرای کیرجهتی برر قبیله لرندن ( سنهاجا ) طائفه سی رؤساسندن یحی بن ابراهیم ، اون برنجی قرن بدایتلرنده بعدالحج مکهدن دوندیکی صرده آفریقای شمالی ده کی علوم دینه مراکز تدریسیه سننده عالم وزاهد بر معلم آرامش و آنی - جهل وظلمت ایچنده قالمش اولان - قبیله سی خلقی آرسنه مرشد صفتیله کواکشمک ایستمشدی .

[۱] احمد ابن محمد اسکاری نام اندلس مؤرخنک ( غه یانفوس ) نام محرر طرفندن

انکلیزجه یه مترجم اندلس خاندانلری تاریخندن

ابتدا از واکاه عرفانیندن چیقوبده ححرانك خطرناك احوالیله پهلشه بیله جك  
بر کیمسه بوله مامشدی ؛ فقط بر مدت صوکره عبدالله بن یس اسمنده - او کبی  
بر وظیفه ارشادی درعهده ایده بیله جك درجهده جرأتلی ، متقی ، حال ریاضت  
وساده کی به رعایتکار ، عقائده ، فقهه و علوم شتایه واقف - برذاته تصادف ایلدی .  
داها طوقوزنجی قرن میلادی ده مسلمان مرشدلری ححرانك بر بر قیله لری  
آره لرینه کیرمشلر و آنلر اوزرینه طریق محمدی به سلوک امرینی وضع ایلمشدردی ؛  
فقط بومذهبک اورالرده بولدینی قلوب قبول هنوز محدود ایلدی . عبدالله بن یس  
مسلمانقلریله معروف بر چوق اشخاصی ارکان دینه نك اجراسنده بک گوشك  
طاورانور و حتی بجه اعمال سیئه به انهماك ایدر بر وضعیتده بولمشدی [۱] .  
عبدالله بن یس بونلری طریق هدایتده عاده به قویولدی . آنجق اوطائفه نك سیاتی  
تقیحده و حرکات و سکناتی اصلاح باینده کوستردیکی شدت آنلری کنديسندن تبرید  
وتبعید ایلدی . موفقیاتی او کنه کلن بو عوارض ایسه عبدالله بن یس ، بومتمرد  
آداملری بر اقوب سودان خالقنك اهداسنه وقف وجود ایلك قرارینه سوق  
ایتمشدی . مواعظ ارشادیه سیله اطرافنه جذب ایلمش اولدینی مریدلریله برابر  
سنه غال نهری اوزرنده کائن بر اطمینان چکلدی . بونلر اوراده تأسیس ایلدکلری  
بر زاویهده عبادات و طاعاته حصر وقت ایلدیلر . بر برلر آره سننده حسیات  
زاهدانه صاحبی بولنانلر ایسه بومرشد محترمك آره لرندن تبعادینك موجب اولدینی  
ضلالتی بالملاحظه ندامته کلدکلرندن حضور ایله مذکور زاویه به قدر بر هیئت  
کوندروب شیخدن عفو دیلدیلر و حقایق دینه نك محافظه سی خصوصنده  
کنديسندن تعلیمات آلدیلر . شیخک اطرافنده کی جماعت مریدان کوندن کونه  
آرتیور و بومریدلر بالخاصه سنه جالرك بر شعبه سی اولان (متونه) طائفه سی آره سنندن  
کلپوردی . مریدلرك عددی بیکه بالغ اولمشدی . آرتق عبدالله بن یس واسع  
بر منطقه فعالیتیه کیرمك ایچون مساعد بر زمانك حلولنی حس ایتمدی و توابغه

[۱] ححرانك بدویسی دکل شهرلرك مدینسی و عصر یسی ده اولسه اصلاح روحانیسی  
مهمل قالان هر طائفه مسلمنه آرز زمان ظرفنده ضلالتنه دوشر ، علو جنابی غائب ایدرک  
سفلیت مادیاته دالار ، اخلاقمز اولور ، مروتلکی و حماسی یرینه اهانت کلور . آنک  
تعالی مادی و معنویسنه رهبر اولق ایچون ( لایق ) لر دکل حقیقتاً لایق انسانلر بولمیلدر . مترجم

جناب حنك احسان ايتديكى الهاماتدن طولاي لازمه شكرانيق بى ادا كيدوب او الهاماتك موجباتى باشقهلرينه تبليغ ايلملى توصيه سنده بولنه ورق ديدى كه : « افراد قبائلكر آره سنه كيديكز ، قانون آلهمى بى آنلره افهام ايديكز وعكس تقديرده عمل ايديلورسه دوچار مجازات ربانيه اوله جقلى امكانيله آنلى احافه ايليكز . نادم اولورلر ، اصلاح حال ايلرلر وحقى قبولده بولنورلر ايسه كنديلرينى راحت براقيكز . شايد امتناع ايدر و سيأت اصليه و خطايى سابقه ده دوام ايلرلرسه آنلره قارشو حركت ايچون معاونت ربانيه تضرعنده بولنورسكز . بعده كنديلرينه قارشو جهاده باشلارلر ؛ آرتق حنك ، جناب حنكدر . » بونك اوزرينه مریدلردن هر برى كندى قيله سى زرينه كيندى و ندامت و ايمان ايچون اعطاي نصايحه ايتدار ايتدى . بربر رؤسائى آرتق ويره جى موعظك استماعنه داها موافق بوله جنى اميد ايدن عبدالله بن يس بالذات اجرا ايلديكى فعاليتده موفق اولمق سزین كيرى دوندى . برمدت صوكره - ۱۰۴۲ ( ۴۳۵ هـ ) سنه سى ظرفنده - المرابطین اسمنى ویردیكى سالكلرينك باشلرينه كچه رك جوارده بولنان عشا ئر متعربه اوزرينه هجوم ايتدى و آنلره اسلاميتى قبول ايتدیردى . (مرابط) كلمه سى سنه غال نه رى اوزرينه كائن و بالاده مذکور اظه نك اسمى اولان (رباط) كې عين اصلدن مشتقدر . تحريف ايديله رك اجنيلر آره سنده (المرأید) ديه شایع اولمشدر . بوسفر حرینك موفقیق - صحرا قائلنه - عبدالله بن یسك موعظه لرندن داها مقنع بربرهان كې كوروندى . بونلر آره سى چوق كچمكسزین كلديلر و سالكلرينه بويه پارلاق موفقیات تأمین ایده - بیلن ردینده كرامت بولنديغى فكريله آكا اظهار ايمان ايتديلر . آز برمدت صوكره عبدالله بن يس وفات ايتمشدى ؛ فقط وجوده كتورمش اولديغى حركت ، بقا بولدى . بربرلردن بر چوق طوائف افرادى كليور و عرفداسلرى بولنان مسلمانلرك تزید صفوفنه خدمت ايديبوردى . بونلر هم عرفداسلرينك دينه كيرمشلر هم ده آنلرك تعقيب ايلدكلرى غايه بى مروج بولمشلردى . ايشته صحرادن طاشوب لشكر عمر مرم كې شمالى آفریقا اوزرينه كلن بو طوائف بالآخره اسپانيا يده حاكم اولديلر . [۱]

[۱] ابن ابى ذر اسمنده بر مؤرخ قديمك (روض القرطاس) عنوانيله مغرب حكمدارلى تاريخنك فرانسجه ترجمه سندن .

اون ایکنجی قرن بدایتلرنده (المحاد) لرك ظهوری کبی بربر قبائلی آره - سنده حدوئه کن حرکات ملیه نك دخی - اوزمانه قدر بیطرف قلمش اولان - قبیلهری جماعت اسلامیه جلب ایتمش اولسی محتمل دکلدیر . المحاد مذهبنك مؤسسسی ابن طومرت بو طریقتك پك صیقی اولان وحدانیت احکامنی بربر لساننده یازیلان آثار ایله عمومك تفهمنه عرض ایتمش واسلامك احکام آسیا - سیه سنی کندی نقطه نئیردن تشریح ایتمش وداها ایلری کیدوب بربر لرك حسیات ملیه لینه مقابل بر امتیاز اولمق اوزره نماز و قتلری اذانك بربر لساننده اوقوتدیرلمسینه قرار ویرمشدی .

مع مافیة بعض بربر طائفه لری اون بشنجی قرن نهایته قدر یینه محوسی قالمشردی ؛ آنجق مجتنب قالان بو احزاب صغیره نك میلان عمومی وجهه جماعت کبرای مسلمین طرفدن جذب و بلع ایدیه چکی طبیعی ایدی .

اون آلتنجی قرن - مغرب اقتصاده - فعال بر تبشیر تشبثك حدوئه شاهد اولمشیدی . بو حرکت موجبی ، اسپانیاده و شمالی آفریقانك بعض بر لرنده خرستیان دولتلری طرفدن احراز ایدیلن موفقیتله تمهیج بر عکس العملدر . بو حرکت (مازابوت) - (مرا بطن محرف) - مؤسسسه سنی طغیانه کتوردی . مرا بطردن پك چوق کیمسه لر مرا کشك جنوب حوالیسنده کی زاویه لرندن قالدقهرق مغربده باشدن باشه بر تبشیر مجاهده سی اجراسیچون اطرافه طاغیدیلر واسلامك قیدسزلغه ولا ابالیلکه صاپان سالکترینك تقویه ایمانلرینه چالیشدیلر و جوار مملکتلرده قالان مجوسیلری ده اهتدایه سوق ایتدیلر . [۱] اسپانیادن قاچوب قورتیلان مسلمان ملتجیلرینك بو حرکت تبشیریه ده بویوک بر حصه فعالیتلری بولمشدر . بونلر وهارون الرشیدك غضبندن قاچوبده مرا کشده برلشمش اولان ادریس بن عبداللهك « شرفا » دینلن احفادینه خیلی یاردمده بولندیلر .

سودان زنجیلری آره سنده اسلامیت حقنده شایع اولان ایلك معلومات صحرا جهندن گلشدی . اوراده کی انتشارك تاریخ قدیمی ظلمت ایچنده قالمشدر ؛

[۱] دووئه نام فرانسوز محورینك مغربی مسلمانلری حقنده Revue de l'Histoire

des Religions عنوانی رساله یه یازدیغی مقاله دن .



فقط بودینک سنهغال و یجر نهرلری ایله صولانان خطه اراضی به ابتدا بربرلر طرفدن ادخال ایدلمش اولدیغنده شبهه یوقدر . بویرلرده کی بربر مسلمانلری - ازمه قدیمه دن بری بقا بولان - بعض بتپرست قرالقلرله حال تماسده بولنه کیشلردی . سهاجا طائفه سندن ( لمتونه ) و ( جداله ) قیبله لری بورالرده وقوعه کلن فعالیت اهتدائییه مجاهده سیله بالخاصه تمیز ایلمشدردر . المرابط حرکاتی سودانک مجوسی قبائلی آره سنده بونلر واسطه سیله ایشیدلدی . مراکشک مؤسسی والمرابط خاندانک ایکنجی امیری اولان یوسف بن تشفین دوری ( م ۱۰۶۲ ) ۵ ( ۴۵۴ ) پک چوق ثمرات اهتدائییه شاهد اولمشدی . آنک تحت حاکمیتده بولنان زنجیلر هر طرفدن کلیورلر واحکام اسلامیه بی او کرتمک ایستیورلردی . بر خلی زماندن بری ( غانا ) نام زنجی قرالیتده نشر اسلامیت ایتمکده بولنان بربرلر ۱۰۷۶ ( ۴۶۹ ) سنه سنده اوراده حاکم اولان خاندانی طرد ایستیلر و بوقدیم قرالیت تمامیه بر مسلمان دولتی حاله کتورلدی . لکن بودولت دخی اون اوچنجی قرن بدایتنده استقلالانی غائب ایتدی و ( ماندینغو ) لرك ایدی ضبطنه کچدی .

اسلامک ( سونغه ی ) نامنده کی قدیم قرالغه صورت ادخالنه کلنجه : بوبابده مالک اولدیغمز قید ، یالکز دخول اسلامیتدن صوکره اوراده بولنان حاکمک اسمی ( ذا - قاسی ) اولدیغنی و بونک ده ( ذا ) عائله سنک اون بشنجی حکمداری ایدوکنی بیلدیرر . هجرتک دورت یوزنجی سنه سنده اهتدایتمش اولان ذا - قاسی به یرلیرک لساننده یعنی ( سونغه ی ) دیلنده ( مسلم - دام ) دینورمش که « اسلامه کلن » معناسنی افاده ایدرمش . کندیسنی نه کی نفوذک اهتدایه سوق ایلمش اولدیغنی حقنده اشارات موجود دکلدرد . [ ۱ ]

ینه هجرتدن دورت یوز سنه قدر صوکره یجر نهرینک یوقاری حوالیسنده ایکی قصبه تأسیس ایدلمشدی ؛ بوشهرلر قرون متعاقبه ده اسلامیتک غربی سودانده کی انکشافنده پک بویوک نفوذه مرکز اولمشلردی . بونلردن بری اولان ( جنه ) قصبه سی بویوک برتجارت مرکزی اولمق قابلیتتی احراز ایلمشدی ؛ [ ۱ ] عبدالرحمن بن عمران بن امیر السعدی نام آفریقا مؤرخ قدیمک ( تاریخ السودان ) ندن .

دیگری ایسه ( تیمو قتو ) شهریدرکه - ۴۹۱ تاریخ هجریسنده بنا اولمشدی - شمال ممالکی ایله اولان کروان تجارتنک مبادلہ امتعه و آلیش ویریش مرکزیدر. جنه قرالی ( کینورو ) هجرتک آلتنجی قرنی صوکنده اسلامه کمشدی . شهرک اها لیس قرالک بو اثر اهداسنه اقتضایلدیلر . بو امیر، اهدای ذهنده قرارلاشدیردقدن صوکره مملکتک علماسنی زدینه دعوت ایلشدی . اجتماع ایدن علمانک عددنده خیلی مبالغه ایدیلهرک دورت بیک کشتی اولمق اوزره ذکر اولنور. مبالغه برطرف ؛ هر حالده علمای مملکتدن بحث ایدلمسی اوامیرک حدود ممالکی داخلنده اسلامیتک دها ریخیلی زمان مقدم انتشاره باشلامش اولدیغنه دلالت ایدر . امیر، بوجمیت علما مواجههسنده علناً شهادت کتوردی وشهرک مظهر سعادت ورفاه اولمسی ایچون دعاده بولمغیرینی علمادن ایستدی . بعده سراینی بیقیدردی ویرینه برجامع یاپدردی . حالبوکه تیمو قتو شهری دها بدایتدن بربلده اسلامیه حالتی ایلشدی و « تعبد اصنام ایله هیچ بروقت تلویث ایدلمه مشدی . آنک زمینی اوستنده هیچ برکیمه جناب غفور ورحیمدن باشقه برشیئه سجده ایتمه مشدی . » [۱]

برمدت صوکره علوم اسلامیهنک مهم برمقر تدریسی حالنه کلدی و اوراده خیلی طلبه ایله ارباب علم وتقوی بریکدی ؛ چونکه اوراده علم وزهد اصحابی صحابت کوریور و مظهر تشویق اولیوردی . اون دردنجی قرن اواسطنده او مملکتده سیاحت ایتمش اولان ابن بطوطه یرلی زنجیرک امر عبادت و تقواده و قرآن کریم تلاوتنده کی شوقلری مدح ایدر و « اکر بر آدم جمعه کونی جامعہ وقت صلاتدن خیلی زمان اول کلزسه کثرت جماعتدن هیچ بر بوله ماز . » دیه یازار . بو مؤرخ، اوصیرهده غربی سودانک اک قوتلی دولتی ( میلی ویا ملله ) بولدیغنی و بونکده یوز سنه مقدم ظهوره گلش اولدیغنی نقل ایدر . بومملکتک کسب اهمیت ایلسی آفریقا سکنه سنک اک مقبول جنس لردن بری اولان ( ماندینغو ) لر طرفدن فتحندن صوکره کورلمشدر . باشقه بر فصلده ایتالیا نجه سیاحتنامه سندن القاط ایدیلن ( لی بونی آفریقانو ) بونلری پک مدنی وصاحب اذعان اولم لردن طولایی زنجیرک کافه سنجه محترم طوتیلور دیه تعریف ایلشدر . ازمنه جدیده

سیاحلری ایچنده دخی ماندینغولری چالیشقانلقرلردن ، ذکاوتلردن و شایان اعتماد بولندقلردن طولایي مدح ایلنلر واردر . برانکلیز سیاحی بونلردن بحث ایلدیکی سرده دیورکه : « اوزون بویلی ، یاقیشقلی ، تنلری ده اچیق رنگده بر قومدر . افرادی کافه مسلماندر . ای جنس آتله و بویوک سوریلرله مواشی به مالکدرلر ؛ پاموق ، ترلا جویری و انواع حبوبات یتشدیررلر . بونلرک رحمانه و مسافر پروانه عادتلری و قادینلرینک جدی و مراسمپرستانه حاللری و کویلرینک سکونت و طهارتی زیاده سیله جالب نظر دقم اولمشدر . » [۱]

بر آلمان محرری ده بونلری : « اسلامک اک فعال میسیونرلردن اولان ماندینغولر دینلرینی جوارلرنده کی خلق آره سنده نشره خدمت ایملشدر . » دیه وصف ایلمشدر [۲]

غربی آفریقا مستملکاتندن (قانو) شهرنده منتشر (قرونیقل) غزته سنک بیانه کوره (هاوسا) خلقی آره سنه اسلامیتی ادخال ایدنلر کی اسلامیتک تاریخ دخولی ده معین دکدر ؛ چونکه اون طوقوزنجی قرنده هاوسا مملکتی استیلایه اوغرا دیغندن قیودات تاریخیه محو اولمشدر . اسلامیتک هاوسا ملتی طرفندن قبولنده کی اهمیت مبالغه سز صورتده بویوکدر . بونلرک امور تجاریه خصوصنده کی استعداد و هوسلری ، تماشه کلدکلری هر خلق آره سنده کندیلری ایچون بویوک بر نفوذ تأمین ایله مشدر . هاوسا دیلی غربی سودانک لسان تجارتی حکمنی احراز ایلمشدر . غربده (کینی) ساحلندن قاهره به قدر اولان اقطار و بلادده هاوسا تاجرلرینه تصادف ایدیلور و بوتاجرلر هر کیتدکلری یرده دین اسلامک پروباغاندا جیلغنی ده اجرا ایدرلر ؛ نته کیم صحایف آیه ده بونلرک فعالیت تبشیریه لرندن بحث ایدیه جکدر . مع مافیه هاوسالرک بالذات نصل اسلامه گلش اولدقلری و تشکیل ایلدکلری یدی مستقل حکومتک نصل وجوده گلش بولندیغی حقنده موثوق شهادات تاریخیه یوق کیدر . (کانو) و (کانسا) به کیدن

[۱] وین وود رید نام انکلیز سیاحنک African Scatch - Book عنوانی مصور سیاحتنامه سندن .

[۲] وایچ نام آلمان محزرینک Anthropologie der Naturvölke عنوانیه حال ابتدائی ده بولنان اقوام بشر حقنده کی اثرندن .

مسلمان مبشر لرندن برینک - جزایرک تلمسان شهرینه منسوب - محمد بن عبدالکریم بن محمد الماجیلی نامنده عالم و زاهد بر ذات بولنش اولدینی تاریخاً ثابتدر . بونک اک بویوک موفقیت اهدائییه سی ۱۵۰۰ ( ۹۰۶۵ ) سنه سنده کورلمشدی . بورالرده متوطن طائفه لر اون ایکنجی قرن میلادی ده مصر جهتندن جنوبه طوغری سیلان ایدن نفوذ اسلامیه طائفه لرینک تأثیرینه تابع قالمشدردی . کوردفان و عمومیتله شرقی سودان حوالیسنده بولنان تاجر لر مصرده کی فاطمیه خلافتک ۱۱۷۱ ( ۵۶۷۵ ) سنه سنده وقوعه کلن سقوطی اوزرینه مصر طرفندن مهاجرت ایدن عربلرک نسلندن بولندقلربی مقتضاً یاد ایدر لر . لکن نفوذ اسلامیتک آفریقای وسطایه شمال شرقی جهتندن داها اول کیرمش اولسی محتملدر . اسلامیت ، جاد کولنک شمال و شمال شرقی جهتلرنده بولنان ( قائم ) حاکمیتی داخلنه مصر طرفندن انتشار ایتمش و بو مملکت او دینی اتحاددن آز بر مدت صوکره زیاده سیله کسب اهمیت ایلمش و شرقی سودانک نوبیه و مصر حدودینه وارنجیه قدر اولان یرلرنده کی قبائل اوزرینه حاکمیتی تشمیله موفق اولمشدی . قائم حاکمیتی برنجی مسلمان امیرینک اون برنجی قرن صوکلرنده اجرای سلطنت ایلدیکی مقید ایسه ده اسلامیتک اورایه شمال شرقی جهتندن نفوذ ایلدیکی حقنده ایدیلن روایت داها آز مقنعدر . امرانک اهداسی تاریخلری و مسلمان خا ندانلرینک تأسسی او بابه لازم کلن تنور وقایعه یک آز مدار اولور؛ شو قدرکه بوتون بو نقصان و قاریشیق قیود و معلوماتدن بر حقیقت چیقارکه اوده فعل انتشارک یک بطی صورتده وقوعیدر . عصر لردن بری حاکمیت اسلامیه آلتنده بولنش اولان حدود ممالکک اوزته سنده باطل شیلره طاینان افرادک کثرتله موجودیتندن استدلال ایدیله بیله چی اوزره اسلامیت اوزون مدت شهرلره انحصار ایلمش و یالکز تدریجی درجات ایله بتپرست ناس آره سنه کیرمکه یول بولمشدر .

یکرمنجی قرنک بدایتنده مارابوتلر ( مرابطلر ) دن عمرو قبا اسمنده برکیمسه طرفندن ( بامبارا ) طائفه سنک اهداسی باینده وقوعه کلن تشبث منتج موفقیت اوله ماشدی . بو ذات ، قادریه ایله مناسبتدار اولوق اوزره یکی بر



طریقہ مذہبیہ تاسیس ایٹس ایدی ایسہدہ بو طریقہ کندی ہم مذہبیری جنبہ موفق اولہ مدیغندن نظر دقتی مجوسی بولنان بامبارالہ طوغری چویرمش و بونلری اسلامہ کتورد کدن صو کرہ تاسیس ایلدیکی طریقہدہ کتورمک ایستمشدی . بعض مرتبہ موفقیت الہ ایلدیکی ویا برمجوسی کوبی اهدایہ سوق ایتدیکی حالہ مجوسی طائفہ نک رئیس بو مبشری حدود ادارہ سی خارجه آتدیرمش وبامبا۔ رالردن اهدا ایدن کوی خلقی تکرار اسکی اعتقادلرینه ارجاع ایلمشدر [۱]

ریلرک عربلر و بربرلر ایله عقد ازدواج ایدہ بیلدکلری محللردہ اسلامیت تدریجی و فقط ثابت صورتدہ نفوذ ایتمش کیتمشدی . بو حالہ برده دینلری حقدہ کی غیرتلیله ممتاز اولان ( فولب ) و ( هاوسا ) و ( ماندینغو ) کبی قوملرک امر تبشیردہ کی فعالیتلری انضمام ایدنجہ نفوس اسلامیه نک داها سرعتی صورتدہ تزیادی ممکن ایدی ؛ فقط مسلمان حکومتلری آرہسندہ جاری اولان مدہش بر عداوت متقابلہ و برمسلمان حاکمیتک دیکرینی تخریب و احما ایدیجی محارباتہ سوق ایدہ کلمسی بوکا مانع اولدی . مللی ویا مللہ حاکمیتی اون اوچنچی قرنہدہ عینا حاکمیتک خرابہ سی اوزرینہ تاسیس ایدلمش ایدیسہدہ اودہ اون آلتینچی قرن ایچندہ ( سونغہی ) طرفندن احما ایدلمش و سونغہ یلردہ مراکشلیلر طرفندن زوالہ اوغرا دلمشدر . سودان محارباتک بر وصف مخصوصی و لازم غیرمفارق اولان قتل عاملر سببیلہ بومسلمان مملکتلری زوال بولوب کیتدیکندن اسیاہ طایفق اعتقادات باطلہ سی غائب ایتمش اولدیغی زمینک برچوغنی ینہ قازاندی ؛ و عالم اسلام ایچون اولہ زمانلر کچدی کہ ارشاد و تبشیر غیرتلی غائب اولمش دینہ جک بردرکہ سفلیہ ایندی و سودانک بعض جہتلرندہ مسلمانلر کندیلرینی احاطہ ایدن مجوسی اہالی پی - ہیچ بروجهلہ اهدایہ سوق تشبشندہ بولمیرق - کندی حالہ براقدیلر .

تجار عربلری اون دوردنچی قرنہ تونسندن قالدقوب ( بورنو ) و ( وادی ) طریقہ دارفورہ ہجرت ایتمشلردی ؛ بالاخرہ دیکرلری دہ شرق طرفندن اورایہ

[۱] موريس ودولافوس نام فرانسز محررينك Les Confreries Musulmanes Dans les Pays du Sénégal عنوانیله سنه غالدہ کی طریقہ تکرار فعالیت حقدہ کی ائرنن

واصل اولدیله . بونلر میانده احمد اسمنده برکیمسه دارفورک مجوسی قرالی طرفندن قبول ایدلمشدی . قرال کندیسندن پک ممنون قالدیغندن امور بیتیهسی مدیری تعیین ایتمش و برچوق احوالده کندیسيله مشاوره بی اعتیاد ایدلمشدی . احمدک نسه دها مدنی صاییلان اصول حقنده وقوفی بولمشی کرک قرالک اداره بیتیه سنک تدابیر اقتصادیه سنجه کرک امور حکومتجه بعض مرتبه اصلاحات اجرا ایدلمسینه یارادی . تمکینلی صورتده تسویه اختلافه کفایت کوسترمسندن طولایی بعض رؤسای باغیه بی طریق اطاعته دخی ارجاع ایلدی . اراضی فقرای ناسه بر نسبت منصفه وجهله تقسیم ایتدیردیکندن باصقین ویره رک ضبط اراضی ایلک حادثه لرینک اوکنی آلدی و بناءً علیه اولجه مثلی کورولمه مش صورتده امنیت و ممنونیت حسیاتی تولیدینه موفق اولدی . قرالک ارکک چوجنی بولمدیغندن قیزی احمده تزویج ایله آنی کندیسینه ولیعهد یادی . قرالک بو انتخابی اهلینک آلفیشلریله تصویب ایدلمش اولدیغندن بو صورتله تأسس ایدن مسلمان خاندانی زمانمزه قدر دوام ایتدی . کرک حکمدار کرک اخلاقی طرفندن تمدنه خادم اوله جق صورتده اجرا ایدیلن نفوذ میانده شهه سز بعض تشبثات اهدائییه دخی بولمشدی ؛ فقط مذکور عرب مهاجرلری قومشولری بولنان مجوسیلر آره سنده اسلامیتک نشری ایچون شایان ذکر هیچ برشی یا امامشلردی . دارفور آنجق ۱۵۹۶ ( ۱۰۰۵ هـ ) سنه سنده سلیمان نامنده برامیرک مساعیسیله قطعی صورتده بر مسلمان شهری اولدی . اسلامیت وادای و ( باغیرمی ) کبی جاد کولی ایله کوردفان آره سنده کی قرالقلارده اون آلتنجی قرنه کلنجهیه قدر بر زمین بقا قازانه مامشدی . باغیرمی مملکتک برنجی مسلمان حاکی سلطان عبدالله اسمنده بر ذات اولوب ۱۵۶۷ دن ۱۶۰۸ ( ۹۷۶ هـ دن ۱۰۱۷ ) سنه سنه قدر حکومت ایلشدی . مع مافیه اوزمانلر نفوذ اسلامیتک باشلیجه مرکزی وادای امارتی ایدی که ۱۶۱۲ ( ۱۰۲۱ هـ ) سنه سنده عبدالکریم طرفندن تأسس ایدلدی . باغیرمی اهلینک عمومیت اوزره اهداسی ایسه اون سکزنجی قردن مقدم مینسر اوله مدی .

اون یدنجی و اون سکزنجی قرنلر ظرفنده آفریقاده اجرا ایدلمش اولان

مسلمان پروباغانداسی تاریخی پک اهمیتسز اولدقن باشقه سنین اخیرده وقوعه کلن شایان حیرت تبشیر فعالیتلرینه قیاس ایدیلنجه هیچ براهیتی بیله حائز اولمدیغی تظاهر ایلر . اون سکزنجی قرنده کی اطواری ، دینی برقدسزلق کبی کورینن آفریقا مسلماننک نائم اولان جهدینی او یاندر مق ایچون مکر بعض نفوذ قوی به احتیاج وارمش . آفریقا مسلمانلرینک تیقظ روحانیلرینی موجب اولان حال اون سکزنجی قرنک ختامنده ظهوره کلدی ، بوده وهابی اصلاحات مذهبه سی ایدی . ایسته بو وهابی حرکاتنک تأثیراتندن طولایی ازمئه اخیرده زنجیر آرسنده تشبثات اهدائییه وقوعه تصادف ایدیلور . بوتشبثات حقنده کی معلومات ایسه - بالاده ذکر اولنان اهتدا طور غولغنی کبی - التقاطی منع ایده جک صورتده آرزومهم اولق شوپله طورسون . بالعکس برخیلی مهم میسیونه رلاک حرکاتنک ظهور و ترقیسی حقنده تفصیلات بالغه عرض ایدر .

اون سکزنجی قرن ختامنده فولب ( نام دیگر فلانی ) طائفه سی آرسنده (عثمان دانفودیو) اسمنده برکیمسه ظهور ایشدی . هم اصلاحات مذهبه ده ، هم محاربلکده ، همده مبشرلکده فوق العاده دینک لایق اولان بو شخصیت سوداندن قالقوب مکده کیمش و ایفای مجدن صوکرده یورده کی غیرت و شوق ایمان ایله مملو بولندیغی حالده اصلاحات مذهبه و تبشیر اسلام ایچون چالیشمق اوزره مملکتنه عودت ایشدی . مکده بولندیغی زمان قوتلرینک ترقی ده اولدیغی آکلادیغی وهابیلرک عقائدیله متبیح برحاله امواته دعایی وارواح اولیایه تکریمی اتمام ایتدی و حتی حضرت محمد حقنده فضله تقدیسات اجراسنی غیر جائز صایدی . عین زمانده سودانده جاری اولان ایکی بویوک کناهاک علمینده شدتله هجوم ایلدی که بولرده سرخوشلق و فحشدر . اوزمانه قدر فولب و یا فلانی طائفه سی اوافق قبیله لره منقسم بولندیغی حالده یایلا حیاتی سوریوردی . بونلر اسلامی داها اولدن قبول ایشلردی و اوزمانه قدر سودانک مختلف جهتلرند زراع و چوبان مستملکه جیلزی کبی یاشامقدن مسروریت کافیه استحصالیلیورلردی . بونلر حقنده اون سکزنجی قرنه کلنجه به قدر موجود اولان معلومات ، چالیشقان وساکن بر خلق بولندقلرینی کوسترر . بونلرک ۱۷۳۰

سنة سنده عامبیا نهري اوزرنده کی قرارگاهلرینی زیارت ایدن برانکیز سیاحی دیورکه : « بونهرک ایکی جهتنده کائن مملکتلر ایله اورانک حکومتلری ( فولانی ) دینلن آچیق سیاه رنگلی برخلقه عائددرلر . فولانیلر عربلره بکزرلر و برجویی عربجهده قونوشور ؛ چونکه بولسانی مدرسه لرنده تدریس ایدرلر و قرآنلری ده اولسانده یازیلیدر . بونلر آوروپالیلرک بیلدکلری لاتینجه درجه سندن دهها زیاده عربجهیه واقفدرلر . طویلی صورتده ، عشریت حالنده یاشارلر ، قصبه رده ایشا ایدرلر . اوواسع مملکتده کی قراللرک حدود حاکمیتلری داخلنده یاشامقله برابر بونلردن هیچ برینه تبعه اولمازلر . هر طائفه نك کندی رئیس ی واردر و هر رئیسک اداره سی اوقدر معتدلانهدر که اجراءت حکومتدن هربری بر شخصک اراده سندن زیاده بوتون خلقلک قراری کیدر . بوشکل حکومت قولایقله اداره ایدیلور ؛ چونکه ناس بوراده حسن حاله وساکن وضعیتیه مالکدر . عدل و ظلمه اودرجه دقت ایدرلر که فئالق ایتمک ایستین بر کیمسه عمومک تلغیننه دوچار اولور . فولانیلر پک چالیشقان و حسابیدرلر . کندیلرینه لازم اولان مقداردن زیاده ذخیره و پاموق یتیشدیردک معتدل فیاتلرله ساتارلر . اوقدر مسافر پروردلر که آفریقا یزایلرندن بری کندیسینی بر فولانی قصبه سی ویا کوی جوارنده بولورسه اویله بر غریبک وصولنی بر غنیمت صایارلر . بوندن ماعدا حرکات ممدوحه لرندن ناشی حسن صیته مالک اولان بو آدملر حقنده نالایق صورتده معامله ایدنلر نقرته مستحق اولورلر . انسانیتکارلقلری عمومه شامل ایسه ده کندی جنسلرندن بولنانلره قارشی مرحمتلری پک زیاده در . ایچلرندن برینک باشقه بر طائفه یه اسیر دوشدیکی ایشیدیلور ایسه بوتون فولانیلر آتی قورنارمق ایچون اتحاد ایدرلر . نزدلرنده کی ما کولات دائما مبذول اولدیغندن کندی طائفه لرندن هیچ بر شخص احتیاج ایچنده بر اقلماز . اختیار ، کور ، طویال کی کیمسه لردهده معاونتدن کیری قالمازلر . نادراً حدته قایلورلر . بن بونلرک یکدیگری نی ذم و قدح ایلدکلرینی هیچ ایشتمه دم . مع هذا بو حلم و سکونت فقدان جسارتدن منبعث دکلدر ؛ چونکه بونلر شجاعتهده آفریقانک هیچ بر قومندن آشاغی دکلدرلر و قارغی ، قما ، اوق کی اساحه نك استعمالنده ماهردرلر . مسلمانلقلری غایت صیقی در . هیچ بریسی



مسکرات قوللانماز وحتى صودن داها قوتلی برمایع ایچمک بیلہ ایستہ مز . « [۱] عثمان دافودیو مختلف هاوسا حکومتلری ارسننده طاعیلمش اولان بو جماعتلری قوتلی تشکیلات داخلنده توحید ایلدی . حالا مجوسی قالان ( غور ) نام حکومت داخلنده ۱۸۰۲ سنهسنده بر قیام وقوعه کشیدی . بو حکومت تدریجاً قومشو حکومتلر اوزرینه بر نوع آمریت وضعی استحصاله چالیشیورلردی . ( غور ) قرالی کندی ملکنده کی فلانیلرک نفوذینی قیرمق ایستدیکندن بوقیبله نیک رئیس بولنان عثمان دافودیو لوی احتلالی قالدیردی و سریع صورتده کنیدیسی قوتلی بر اوردونک باشنده بولدی . یالکز مجوسی بولنان قیبله لره هجوم و آنلری قبون اسلامه مجبور ایتمکله قالدی ؛ برده هاوسا طائفه سنک مسلمان بولنان حاکیتلرینه ده تعرض ایتدی و آنلری برر برر مغلوب ایلدکن صوکره ۱۸۱۶ سنهسنده وقوعه کلن وفاتی آننده بوتون هاوسا خطه سی کندی اداره سی آتته کچمش بولنیوردی . سو قوطو شهرنده کی قبری [۲] حالا خلق طرفدن احترامله زیارت ایدیلور . عثمان دافودیو وفاتندن آز بر زمان مقدم اداره سی آتته کچوردیکی مملکتی ایکی اوغلی ارسننده تقسیم ایشدی . بولدرده پدرلری کی فلانی مملکتک حدودینی توسیعه خیلی چالیشدیلر . بو خطه ده فلانیلر بعض مرتبه تحول طالعله برابرینه بر حکومت متفوقه محافظه ایده بیلدیلر . نشر اسلامیت ایچون پروپاگاندا اجراسنده فلانیلرک متعصبانه و جبارانه بر مسلک التزام ایدرلردی . بحریا الکاسی ۱۹۰۰ سنهسنده انکلیز حاکمیتی آتته وضع ایدلیدی صرهدده فلانی حاکمیتنه خاتمه چکلدی .

[۱] مووثر نام انکلیز محررینک Travels in the Inland Parts of Africa

عنوانیه آفریقا داخلنده کی مشاهداتی حاوی اثر دن .

[۲] انکلیز امپریالیزی عسکرلری هاوسالرک مملکتلرینی مستملکاته علاوه ایتدکلی صرهدده سو قوطوبی طوپه طومشلردی . اسلحه جدیده ایله مدافعه دن محروم بولنان مذکور قصبه نیک مبانی مهمه سی خراب ایدلیدی ، استیلا زمانی انکلیز مطبوعاته کلن حوادثن آکلاشیلوردی . عثمان دافودیونک تر به سی اوزمان تخریب ایدلمش اولدینی آکلاشیلور . خلق حالا آنک قبری زیارت ایدیورمش . سودان مصری ددهدده بوجال واقع اولدی . لورد کچیزن تمهدینک - برنوع رئیس روحانی و حکمداری اولان بومسلمانک - ام درمانده کی تر به سی طوپه طوندیرمشدی . ناسینه آنک قبری محلی زیارت ایتمکده در . مترجم

مع مافیہ جنوبی بحریا مملکتہ بوسیله قانون ونظام دخولی مسلمان پروبا۔  
 غانداسنه مانع دکل مدار اولدی . ر قسمی تجانیہ طریقت مذہبیہ سنہ منسوب  
 بولنان هاوسا مسلمانتری آرتق او دیارک هر جهتنه کیده بیلورلر وحتى اوزمانه  
 قدر مسلمان نفوذینی ردایتمس اولان مجوسی قبیله لری آرسنه دخوله بیله فرصت  
 بولیورلردی . اسلامیت بالخاصه ( یوروبا ) دیارنده سرعتله زمین قزاندی .  
 او مملکتده جاری اولان بر حکایه به نظراً اون برنجی ویا اون ایکنجی قرنده  
 مسلمان مبشرلرندن بری تشبثات ارشاده ده بولنمش ایدیسده موفقیته الده  
 ایدمه مش . بو مبشر اصلاً هاوسا طائفه سیندن ایتمس . مجوسی ( یوروبا )  
 مملکتک مرکز حکومتی بولنان ( ایفه ) قصبه سنه کیدر وخلق بر اجتماعه دعوتله  
 کندیلرینه بعض آیات قرآنیه اوقور ؛ فقط یری دینلی پک آز بیلدیکندن بابانجی  
 تلفظیه خاقه شو سوزلری سونیک ایستر : « اللهه عبادت ایدلم . ضاعلرک ،  
 صحرالرک خالق اودر ، هر شیئک حاکی اودر ، بزیده او خلق ایتدی . »  
 بونی زماندن زمانه تکرار ایلدیجی حالده هیچ بر کیمسه بی ایمانه کتوره مه مش  
 واوراده وفات ایتمس . مجوسیلر بونک اوزرینه مبشرک اوطوردینی محلمده بولنان  
 شیرلی تدقیق صرهنده دیوارده بر محفظه ایچنده اصلی برقرآن کریم نسخه سی  
 بولورلر . بعض یکی اشیا به طابق معادلری اولدیغندن اورانک بتهرستلری  
 بونسخه بی دخی طایفه جق برشی اتخاذ ایلرلر . [۱]

اعزّه قدیمه دن معدود بولنان بوذاتک موفق اوله مدینی یرده آنک زمان  
 حاضرده کی دینداشاری فوق العاده مظهر موفقیته اولدیله . مستعلکه مامورلرینک  
 تنظیم ایلدکلری یری عسا کر آرسنده مسلمان نفرلرینکده موجودیتی اسلامک  
 توسع انتشاری ایچون الویریشلی بر واسطه تشکیل ایلدیجی کورلمشدر . مجوسی  
 نفرلر - عجیب آیین وعقیده لرندن طولای - چوق کره مسخره به بکزه دکلرینک  
 فرقنه وارمشلر وبو حاللردن قورتلقی و دیکرلری کبی حرمت قزانمق ایچون  
 قبول اسلام ایشلردر . نجر نهرینک آشغی حوالیسنده کائن ( ایجه بو ) مملکتده

[۱] به نعت نام انکلیز محررینک Nigerian Studies عنوانیه نجر مملکتی تدقیقاته

دائر کتابندن .

یہی پروپاگاندا حرکتی ظہور ایتھس در . اسلامیت او مملکتہ آنجق ۱۸۹۳ دە ادخال اولمشدی . حال بوک ۱۹۰۸ دە ینہ او مملکتک بر شہرنده یکر می ، دیگر بر بلده سنده اون ایکی مسجد کورلمشدر [۱] ینہ نجر نهرینک آشغی حوالی سنده اسلامیتک سرعت انتشاری مناسبتیلہ بر خرسیتان میسیونہری شو سوزلری یازمشدر : « ایدداه شہرندن آشغی اولان یرلرده - بن اورایہ یکی کیتدیکم زمان - آنجق بر قچ مسلمان بولنیوردی ؛ لکن بونلر شیمدی ہر جہتہ کورنمکدہ درلر و شیمدیکی صورت تزايدی معیار طوتارسہق ۱۹۱۰ سہ سنده نہر سواحلی اوزرنده محوسی اولہرق ہیچ بر کوی قالمہ جغنہ قناعت کتورمکلکمز اقتضا ایدر . ۲۰ » [۲]

ایشته آفریقانک بو جہتہ ترویج دیانت ایچون ہیچدہ قلیج استعمال ایتہمش اولان مسلمانلر طرفدن مجوسیلری اہتدایہ سوق بانده موفیتیلہ خیلی تبشیر غیرتی صرف ایدلمشدر . شمالی آفریقادہ حیات دینہنک باشدیجہ مقتضیاتندن بولان مسلمان طریقت مذہبیہ لرینک مریدلری ایشته بوقیل مبشرلر دندرلر واو موفیتلر مذکور طرق مذہبیہ منسوبلرینک ہمتلری سایہ سنده استحصال ایدلمشدر . اون طوقوزنجی قرندہ بونلرک مساعیسی بویوک نتیجہلر حصولی موجب اولدی . بونلرک فعالیتلرندن بر چوغنک قیود تاریخیہ میانہ کچمہمش اولدیغندہ شہبہ بولمامقلہ برابر تثبت ایتمش اولدقلری حرکات حقندہ ینہ بعض تفصیلات الہ ایدلمشدر .

بو طریقتلرک ایلک ظہور ایدنلرندن بریسی سید احمد ادريس نام ذاتک ہمتیلہ تأسس ایشدی [۳] سید ادريس ہجرتک ۱۲۱۲ سہ سندن ۱۲۴۹ سہ سہ [۱] موجت ممنونیت بر خبر ایسہدہ انکلز کینسایسی میسیونہرلکی مجموعہ سندن اقتباس ایدلدیکی ایچون تہییج غیرت نصرانیہ مقصدیلہ براز مبالغلی یازلدیغندن شہبہ ایتکہ محل واردر .

[۲] بوسوزلر Church Missionary Intelligencer عنوانلی انکلز میسیونہرلکی رسالہ موقوتہ سندن آلمشدر .

[۳] لوتی رهن نام فرانسز محررینک جزایردہ مطبوع Marabouts et Khouans عنوانلی اخوان و مہیدان طرق حقندہ کی اثرندن .

قدر مکه ده اقامت ایش و علوم دینه مدرسی صفتیله بویوک بر شهرت قازانمشدی .  
 کندیسى حضرتیه طریقتک شیخی ایدی . وفاتندن آز بر زمان اول - یعنی ۱۲۵۰  
 سنه سنده - مریدلرندن محمد عثمان الامیر غنی نامنده کی ذاتی سفر تبشیر اجراسی  
 ایچون آفریقا داخلنه کوندردی . بو ذات بحر احمری کچدی وقصیر نام محله  
 وصولندن سوکوره صحرا ایچندن نیل وادیسنه ایریشدی . بورالرده صرف مسلمان  
 خلق آره سنده یاشادایغندن امر تبشیره دکل آنجق منسوب اولدینی طریقته  
 سالکله بونغه حصر مساعی ایلدی ؛ آنجق نیل بوی اوزرنده سیاحت ایدرکن  
 اصوانه وارنجهیه قدر طریقته انتساب ایدجک پک آز مرید بوله بیلدی .  
 اصواندن حرکتله دونغولایه کیدرکن سفری ، عادتا مظفرانه بر شکل آلدی .  
 نوبیه دیارینک بر بریلری - مواجهه لرینه وضع ایلدیکی طریقته انتسابه - عادتا شتابان  
 اولیورلردی . اورادن شاهانه بر دبدبه ایله حرکتی یرلی خلق اوزرنده درین  
 بر تاثیر حصل ایلدی وکوستردیکی کرامتله کندیسنه بر خیلی سالک جلب  
 ایدیوردی . محمد عثمان الامیر غنی دونغولاده نیل ساحلندن آریلوب کوردفان  
 جنبه توجیه عزیمت ایلدی . کوردفانده بر خیلی زمان او طوردی واصل خدمت  
 تبشیریه سی بو جهتله بولنان قبائل آره سنده باشلادی . کوردفان حوالیسی  
 ایله ستار طرفلرنده ساکن اولان قبائلک بر قسم عظیمی هنوز محوسی ایدی .  
 ایشته محمد عثمان بونلر آره سنده خیل موفقیت تبشیریه استحصال ایتدی .  
 بورالرده کی نفوذینی ادامه ایچون بر قاچ یرلی قادینه تأهلده ایلدی . هجرتک  
 ۱۲۷۰ سنه سنده وفات ایلدیکی وقت اسمنه نسبتله تأسیس ایش اولدینی ( امیر  
 غنیه ) طریقتک وظائفی ، اولادی طرفندن اجرا ایلدی .

محمد عثمانک سفر تبشیرندن بر قاچ سنه مقدم مصر خدیوتی خاندانک  
 مؤسسسی بولنان محمد علینک عسکرلری ترقی سودانه طوغری توسیع فتوحات  
 ایلورلردی . مصر حکومتی ایسه نفوذ روحانیلرینک او مملکتی تکینه مدار  
 اوله جغنی امید ایلدیکی بعض طرق مذهبه اربابی اورایه کیمک ایچون تشویق  
 ایتمشدی . بونلریکی ضبط ایدیلن بلادده او قدر بویوک بر موفقیتله چالیشمشردی که  
 سوکره دن سودانده وقوعه کن مهدی قیامی بونلرک موعظه لرله حصوله کن



دینی جوشغونلغہ حمل ایدیلور . [۱]

اسلامیتک غربی آفریقادہ کی انتشارینہ کلنجہ : بو انتشارہ خاصہ ایسی ضریقت مذہبیہ واسطہ اولمشدی ؛ بونلردن برنجیسی اسلامدہ اک زیادہ توسیع نفوذ ایدن بر طریققدرکہ اون ایکنجی قرن ایچندہ عبدالقادر کیلانی طرفندن تأسیس ایدمشدی . عبدالقادر ، اعزہ اسلامیک اک محترم ومقبولی بولمقلہ یاد ایدیلور . قدریہ طریقتی غربی آفریقایہ اون بشنجی قرن میلادی ایچندہ - صحرای کبیرک نصف غربیسیندہ کائن ( توات ) نام واحہ طریقیلہ - کلن مهاجرلر طرفندن ادخل ایدمشدی . قدریہ اصحابی ( والاتا ) نام محلی اجرا ایلمکدہ اولدقلری تشکیلاتہ برنجی مرکز اتخاذ ایتشلردی ؛ فقط صوکرہ لری بونلرک احفادی اورانی ترکیه مجبور ایدلر کلرندن - داها شرقی برسمتدہ بولنان - تیموقتو بلدہ سنہ التجادہ بولندیلر . اون طوقوزنجی قرن بدایتندہ عالم اسلامدہ بویوک برتأثیر حاصل ایدن تیقط روحانی صحرای کبیردہ وغربی سوداندہ بولنان قدریہ اصحابی دہ یکی برأحیات ویکی بر جہد ایچون تحریک ایتمشدی . آرسسی چوق حکمکسزین برچوق علمای فقہ وعقائد وقادریہ طریقتنہ منسوب افراددن مرکب حزبلر سودانک سنہ غالدن یجر وادیسنہ قدر اولان یرلرینہ سرپیلمش برحالدہ کوزمکہ باشلادیلر . قانقا ، تیموایہ ماندیغو مملکتندہ کائن موساردو کی قصبات بونلر ایچون مراکز فعالیت خانہ کلشدی . بومشبت کیمسہلر مجوسی اہالی آرسندہ نفوذ اسلامیت مرکز لری وجودہ کتورمشلر ومجوسیلر طرفندن کاتب ، قانونشناس ، ناسخ حائل ومکتب خواجہ بی کی صفتلرلہ حسن قبول کورمشلردی . بونلرک یکی محیطلری اوزرندہ تدریجاً نفوذ قازانہ جقلری ومنفرداً وقوعہ کلن اہتدالرک کیت کیدہ اوافق کتلہلر صورتندہ تظاهر ایلیہ جکی طبیعی ایدی . مہتدیلر آرسندہ اقتدار واستعدادلرندن ایلیسی ایچون امید ویرنلر فاسدہ ، تونسدہ ، طرابلس غربدہ کی مدرسہ لردہ وحقی قاہرہ نک الازہرندہ تعلیم ایدنک اوزرہ کوندرلمک ایستلدی ؛ تاکہ اورالردہ سنہ لرجہ فقہ وعقائد

[۱] لوشاولیہ نام فرانسز مؤلفنک Les confréries Musulmanes du Hédjaz

عنوانیہ حازدہ کی طرق اسلامیہ دہ دائر کتابندن .

کبی علوم لازمہ میں بالتحصیل و طنداشاری آرد سندہ نشر دیانت ایچون حاضر لائش بر حالده عودت ایلہ لر . بویلہ جه اصنام و اشیا پرستک ایچنه مایہ ایمان آتلق ایستلدی و بوایسه تدریجی و امین بر صورتده و فقط حس ایدلمز بر شکده انتشار اسلامی موجب اولدی . اون طوقوزنجی قرنک اواسطنه کلنجہ یه قدر سودانده کی مکتبلرک هان کافه سی ده قادریه طریقتی اهلنک استحضار ایلدیکی معلملر طرفلرندن تأسیس و اداره ایدلمشدر . بونلرک تشکیلاتی محوسی قبائل آرد سندہ منتظم و دواملی بر پروپاگاندا وجوده کتورمشدر . سکونت و مسالمت نامہ ایچنده ایشلمک بو طریقت مبشر لکنک باشلیجه اوصافنددی ؛ موفقیتی ایسه مثال و فضیلت شخصیہ یه ، معلمک شا کرد اوزرنده کی نفوذینہ و تحصیلک توسعه توقف ایدیوردی . سودانده کی قادریه مبشر لری بو باده طریقتلری مؤسسنگ وضع ایش اولدیغی قواعد و طریقتک عنعنات عمومیہ سنہ صادق چقد قرینی کوسترمشدر ؛ چونکه عبدالقادرک حیاتنه رهبر اولان قواعددن بریسی ده قومشویہ محبت کوسترمک و باشقلری حقنده مساعده کارانه معامله ایتمک ایدی . فی الحقیقه زماننک امراسی و احباب غناسی عبدالقادر اوزرینه احسانلر ، هدیه لر یاغیر لر ایدی ؛ فقط کندیسی نهایتمز خیرلرده بولندیغندن یه دائماً فقیر قالوردی . هیچ بر تبلیغنده ، هیچ بر کتابنده خرسیانلره قارشو سو امل ویا عداوت اثری کورلمز . بومثلواهل کتابدن بحث ایتدیکی صردهه یالکز آنلرک ذهوللرینه تأسف ایلر و جناب حقدن تنویرلینی دیلردی . بووضعیت حریت پروانه و مساعده کارانه کندیسندن مریدان استقبالیه سنہ موروث قالمش و بطون متعاقبهه قادریه طریقتی سالککلرینک اوصاف متمایزه سنندن بولمشدر .

تجانیه کلنجہ : بوده اون سکزنجی قرنک نهایتلرنده جزایر ده تأسیس ایدلمش اولان بر طریقتدن منشعبدر . بونک اصحابی اون طوقوزنجی قرن اواسطنده سودانده تقرر ایلدکلری زماندن بری قادریه منسوبیننک مسلک تبشیرینه امثال ایشلر و کشاد ایتدکلری مکتبلرله دین اسلامک انتشارینه خیلی خدمتلرده بولمشلردی ؛ شو قدر که بونلر - قادریه مسلکنک خلافه اوله رق تشبثات اهداتیبه ده - بعضاً قلیجک یار دیمنه مراجعت ایتمشلردر . غربی آفریقاده کی انتشار

اسلامیتک تخمین حقیقہ سنہ کیریشلنجه ، بونلر طرفندن اجرا ایدیلن جهادلرک حلیانہ وسا کنانہ حرکت ایدن پروپاغاندا مرشدلرینک موفقیتلرینی مع الاسف کولکده برامش اولدینی تظاهر ایدر . حال بوکه او مثللو مرشدلر اوفاق و سریع الزوال خاندانلرک حدوشه دکل اسلامیتک انتشارینه خادم اولمشلردی . مدکور جهادلر حقندہ یازیلان مواد - بالخاصه بیاض رنگلینرک فتوحات تصورلرینه ضد دوشونجه - منزوی وسا کن مسلمان واعظ ومعلمنک فعالیتندن زیاده آوروپالیرک نظر دقنه چارپدی . مع مافیہ بوکی حرکاتک تاریخی شو اہمیتی حائردرکہ آوروپالیر طرفندن اجرا ایدیلن فتوحات - خرستیان میسیونہرلکی حقندہ دخی چوق کرہ واقع اولدینی وجہلہ - مبشر فعالیتلری ایچون یکی میدانلر آچمش و اہالیسی ہنوز ہدایتہ کتورلین اراضی واسعیہی حوی یکی مملکتلرک موجودیتی حقندہ مؤمنلرک افکاری اوزرنده برتائیر قوی اجرا ایتمشدر .

تجانیہ طریقتی اہلنک جهاد صورتیہ اجرا ایلدکلری تبشیر حرکاتنک برنجیسی الجاج عمر نامندہ برکیمسہنک تلقیاتندن تولد ایتمشدی . بو حاجی عمر ، تجانیہ مشایخندن مکدہ طانیدینی برذات واسطہ سیلہ داخل طریقت اولمشدی . اشاعی سنہ غالب ( پودور ) نام محلندہ ۱۷۹۲ سنہ سنندہ تولد ایدن حاجی عمرک خلی موبہبہ مالک و کندیسہ نفوذ بخش اولہ حق بروضیت امرہ ارانہ سنہ قادر بولمش اولدینی آکلاشیبور . کندیسی مرابطلردن رینک اوغلی ایدی و علوم دینہدہ خلی تحصیل کورمشدی . داہا ۱۸۲۰ سنہ سنندہ برای حج مکہ یہ کتدیکی زماندہ بیلہ علم و اتقاسیہ شہرت کسب ایتمشدی . آلتی سنہ غیوبتدن سوکرہ مملکتہ دونجه تجانیہ طریقتی اصحابی التزاماً فعال بر پروپاغاندا اجرا سنہ کیریشدی . عین زماندہ - جہالت و نقصانی جہدلری وسیلہ سیلہ - کندی دینداشلرینہ هجومہ باشلادی . مسلك مساعده کارانہ لرندن پک مغبر اولدینی قادریہ طریقتی اربابی علیہندہ کی مهاجماتی خاصہ شدتلی ایدی . سودان مرکزیدن کیجدیکی صرہدہ برچوق مرید قازاندی ویکی برمہدی کی احتراملہ استقبال ایدلدی . ( فتاح - جالون ) موقعنہ واصل اولدینی زمان طرفدارلرینی

بعدالتسلیح ۱۸۴۱ سنه سنده یوقاری سنهغال و یجر طرفلرنده هنوز مجوسی بولنان قبائله قارشو برطاقم اسفار اهتدائیهه کیریشدی . بو اسفار حربیه دن برنده وفاتی وقوعه کلنجه برینه کچن اوغلی ( احمدو شیخو ) پدرینک الده ایتمس اولدینی حوالی بی آنحق برقاچ سنه محافظه ایده بیلدی واختلافات داخله ایله اوغراشدینی صروده اوحوالی ده فرانسز استیلاسی باشلادی . فرانسز لر تجانیه قوتی قیردقدن صوکره آنک حاکم بولنمش اولدینی حوالی بی ضمیمه مستملکات ایلدیلر [۱]

آفریقانک بو جهتترینه اسلامیتک صورت دخولی حقنده اولجه بیانانده بولنمشدق . عبدالله بن یسی ورفقاسی طرفندن بورالرده اکیلمش اولان تحم اهتدا - مسلمان تاجر و معلملریله و واحه لرنک عربلری ایله وقوعه کلن تماس دائمیدن ناشی - ثمره سنی ویرمشدی . اون بشنچی قرن سیاحلرندن بری عربلرنک زنجی رؤساسنه سیریت اسلامیه احکامی اوکرتمک مقصدیله : « رئیس بولندقلری حالد اللهک شرایعندن برینه مالک اولماملرنک و افراد بشرک آنک آلچقلمی کبی هیچ برقانونه تابع اولمقزمین حرکت ایللملرنک کندیلرینه شبهه کتوره جکنی » سویله کلدکلرندن بحث ایتمشدر . بوندن آ کلاشیه جنی اوزرد ادوار قدیمه بمشرلری مذکور غیر منور وحشیلرنک افکاری اوزرنده اجرایی تاثیرات ایچون دین وقوانین اسلامیه نک اوصاف نافذه سندن استفادده بولنمشلردر .

ینه بوقیل حرکت اهتدائیه نک داها یکی برتمونه سی حقنده تفصیلات کافیه موجوددر . بوده ماندینغو طائفه سی افرادندن ( صمدو ) یاخود - نام عامیانه سی ایله - صاموری دینیلن سرگذشتجو برمجوسی عسکرینک ( سنه غامیا ) نک جنوب طرفلرنده کوسترمش اولدینی حرکتی متعلقدر . ۱۸۴۶ سنه سنده تولد ایدن صمدو، خدمت عسکریه سی زماننده اسلامه کیش و سناغامیانک جنوبنده بولنان یجرایله و آکا منصب انهار ایله صولانان حوالی ده بر دولت تشکیل ایلمشدی . صمدونک مسلکی حقنده ریلردن بر محرر طرفندن یازیلان عربجه تفصیلات

[۱] اوپهل نام محررک براین رسائل موقوته سندن برینه یازدینی Die religiose Verhältnisse Von Afrika عنوانلی آفریقا حادثات مذهبییه سی حقنده کی مقاله دن .



عمومی الهک موفقیتانه دائر شایان دقت تقاضی حاویدر . تفصیلات مذکورہ شو  
وجہہ باشلار :

« . . . . . بورسالہ امام صمدونک جہادی تفصیلاتی حاویدر . دکز ایلہ  
( واصلو ) مملکتی آرسندہ ساکن اولان بتپرستلرہ دین حق بولنان اسلامیتی  
قبول ایتدیرمک ایچون زیارت ایلدیکی زمانلرہہ جناب حق کندیسنه دائماً مدد  
ربایسینی توجیہ ایلدی . بورسالہیی او قویانلرک بیلملری لازم کلورکہ امام  
صمدونک ایلک وجہہ فعالیت ( فلندیہ ) شہری اولمشدی . کتاب اللہہ ، شریعت  
واحدیثہ تبعاً او شہردہ ساکن ( سیندیو ) نام قرالی کندی حکومتک  
اوامرینہ مضاعفہ وبتلرہ تعبدی براقوب کرک کندیسینی کرک کندیسینہ تابع  
اہالی ایچون ہم بو دنیادہ ہمہدہ اوتہ کندہ فائدهسی بولنان تک ، یوجہ  
وحقیقی اللہہ عبادتہ دعوت ایلدی ؛ فقط او اہالی مطاوعتدن امتناع کوستردی .  
بناء علیہ قرآن کریمک رعیہ حقندہ وضعنی امر ایلدیکی وجہہ آنلر اوزرینہ  
ویرکو ضرح اولندی . معافیہ او خلق ینہ کورمہ مزلک وایشتمہ مزلکدہ  
مصرقالدیلر . آرتق بونک اوزرینہ امام صمدو ، جہاد اجراسی ایچون شجاعتی  
وحاستلی کیمسہ لردن مرکب بش یوز کشیلک برقوت جمع ایلدی واولدہ  
اوزرینہ حرب آجدی . اللہ تعالی کندیسینہ معین اولدی و آنلر اوزرینہ غلبہ یہ  
مظہر ایتدی و تسلیم اولنجہ یہ قدر کندیلرینی آتی اوزرندہ تعقیب ایلدی .  
شیمدی آرتق بتپرستلکلرینہ رجوع ایدہ مزلر ؛ چونکہ چوجقلرینہ مکتبلرہ  
قرآن کریم او قوتدیریلدور ، دیانت و مدنیت حقندہ معلومات ویریلدور » [۱]

صمدونک قتل عاملر و تخریبات ایلہ لککلن فتوحاتک آلمش اولدیغی جریانی  
بورادہ تعقیب ایلک ممکن دکلدیر . قدرت آمرہ سنک اوج بلاسنہ واصل اولدیغی  
۱۸۸۶ سنہ سندن سوکرہ فرانسزلرلہ مصادمہ لری باشلامشدی . فرانسزلر  
برجوق تضیق و مصادمہ دن سوکرہ ۱۸۹۸ دہ کندیسینی اسیر آلدیلر . واقعا  
صمدونک ایتدار ایتمش اولدیغی فتوحاتک تأثیری - واوردوسنک غدارانہ صورتدہ

[۱] بلایدن نام انگلیز محررینک Christianity, Islam And the Negro

race عنوانیہ زنجیلر آرسندہ خرسیتیانلق و مسلمانلق رقابتہ دائر کتابدن

اجرا ایتدیکی قتل عاملر - برچوق مجوسیلرک امحاسنی و بعضسنگده قورقو ایله  
 ظاهرأ اسلامه کلمسنی موجب اولدی ؛ لکن آنک حرکاتنده الحاج عمرک  
 صرف دینی اولان املندن اثر یوغیدی . وفاتندن سوکرا پروپاغاندایا  
 وظیفه سی تمامیله قادریه مرابطلرینه قالمشدی . قادریه لرک - مسلمک معتاد  
 استمالتیکارانلری وجهه - آنک حرکاتندن تولد ایتمش اولان وحشتلرک آلامنی  
 تحضیفه چالیشمش اولدقلری ذکر ایدیلور . قادریه مرابطلری آنک استیلاسنه  
 اوغرایان قصبه لرده مکتبلر آچامشدر ، اورالرده طریققلرینک تشکیلاتی اجرا  
 ایتمشدر ، هم اسکی مهتدیبلری تعلیم ایتمک همده یکیلرینی قازانمق وسائلطنه  
 مراجعت ایتشلردر .

مسلمان پروپاغانداسنگ او جنسکجویانه حرکتی مناسبتیله نظر اهتمامه آلمق  
 کرکدرکه اسلامیتک او جهتلرده توسع انتشارینه مدار اولان شی ، موفقیت  
 عسکریه ویا فتح ممالک دکلدردر ؛ زیرا - اولجدهه ایضاح ایدلدیکی وجهه - الحاج  
 عمرک اخلافی طرفندن توارث ایدیلن اقسام دولتک حدودی خارچنده آنک  
 حصوله کتیرمش اولدینی جبری اهتدالر سرعتله مهمل قالمش ، نسیانه اوغرامش  
 وموفقیاتسنگ آنی اولان عظمتنه و عساکرینک شوق وجهدینه رغماً مذکور  
 تبشیرات مسلمه دن بک آز آثار قالمشدر . غربی آفریقانک تبشیر اسلامیت  
 تاریخنده کی حرکاتک حقیقتاً مهم اولان جهتی او حرکاتک تمهیج ایتدیکی شوق  
 دینی درکه بوده مجوسی بولنان طائفه لرآرده سنده صرف مسالمتکارانه اولان واسع  
 بر فعالیت تبشیریده تظاهر ایدردر . طوغریجه تدقیق ایدلدکلری تقدیرده بوجهادلرک  
 تیقف حاضر اسلام تاریخنده وفاق حادثاتدن عبارت قالدقلری ، اسلامیتک آفریقا -  
 ده کی انکشافنه حقیقتاً یاریان قوت و فعالیتلری هیچ بر وجهه تمیل ایدلدکلری  
 آکلاشلور . فی الواقع او جهاد دینلر - معین وواضح صورته مساعی تبشیریه  
 ایله تعقیب ایدلدکجه - حقیقی بر جماعت اسلامیه وجوده کتورمک ماده سنده  
 همان هیچ بر تأثیری حائر بولمازلر ؛ وفی الحقیقه سنغال ونیجر نهر لرله صولانان  
 مملکتلرده کی مجوسی قبائل سودانیه نک دین اسلامه قارشو عداوت کوسترمسنی  
 موجب اولان شی الحاج عمر ، صمدو ، وبالخاصه تجانیه طریققی نمثللری کی

مستولیرك مجاهدات تخریبکارانه لری و شدت ظالمانه لریدر . اسلامه خصومت ، بوظائفه لری چون عادتاً برملی حرکت شکنی آلمشدر . بونکجه برابر مسلمان پروپاگاندا سی دین اسلامی کینی و سنهغامییا حوالیسندنه نشره واسطه اولمشدر . فلانیدر وهوسا مملکتی تاجر لری بورالره ایتدکاری اسفار کار و کسب صرله لرنده دینلرینی یرلی خلقه بیلدیرمشدر و قرن سابق ایله حاضرده پک چوق مهتدی قازانمشدردر . مملکتک فرانسزلر طرفندن اشغالی و بناء علیه سکونتک تأمین ایدلمسی اوزرینه یکیدن مهتدی قازانمش اولان قادریه طریقتی واعظلریله مسلمان تاجر لرینک فعالیتلری خاصه قیده شایاندرلر . سودانک فرانسز استملا کنه کچن بومملکتنه وقوعه کلن اوحلول غیرمتجاوزانه — همان کافه سی ده مسلمان بولنان — صنوف منورهیه فرانسز مأمور لری جانبندن کوستریلن حسن معامله دن و برده اشیایه طاینان یرلیرك ظنون باطله و عادات ذلیلهلرینک انتاج ایدیلکی نفرت علنیه دن طولانی کسب سهولت ایلشدر .

شیمدی باشقه بر طریقتک توصیفنه کاهلم :

بوظریقت هیچ بروقت جبر و شدت ویا حرب وحشیت افعالیه علاقه دار اولمق ایستمه مش و دین خدمتنده آنجق هنر استمالت واقناع استعمال ایلشدر . هجرتک ۱۲۵۳ تاریخنده فقهدان جزایرلی محمد بن علی السنوسی نام ذات طرفندن مقصدی « اسلامده اصلاحات و دین اسلامک نشری » اولمق اوزره بر جمعیت دینیه تشکیل ایدلمشیدی . بوذاتک ۱۲۷۶ سنه سنده وقوعه کلن وفاتندن آز برمدت اول صرف دهاسی قوتیله و هیچ قان دو کمکسزین تأسیسنه موفق اولدیغی حاکمیت روحانییه مرید و سالک لری خواهشله بیعت ایلشدردی . بو حاکمیتک حدودی کندیسنک اخلاقی طرفندن دائماً توسیع ایدیله کمشدی [۱] بوظریقتک اعضاسی قرآن کریمک احکامنی اک صیقی وحدانیت عقیده سی مقتضیاتنه کوره ایغایه بر قاعده قومیه تحتنده اوله رق مجبوردرلر . بو جهته آنرجه عبادات و طاعات آنجق الله تعالی ایچوندر . بونلر ایچون اولیا و اعزیه تعبد ویا آنلرک قبر

[۱] محمد بن عثمان الحشیشی نام ذاتک سنوسی دیارینه سیاحت نام اثرینک فرانسزجه

ترجمه سندن .

و تربه لرینه مقصد تعبدایله اجرای زیارت ، قطعاً ممنوعدر ؛ قهوه و توتون ایچمه -  
 ملیدر ؛ خرستیان و یا یهودی ایله تماسه کلکدن مجتنب بولمیلیدر ؛ تام بر غیرت  
 ایله اسلامک تعالی و توسعنه چالشمیلیدر ؛ عین زمانده آوروپالیلره هر نوع امتیاز  
 اعطاسنه قارشو مقاومت کوسترمیلیدر . بو طریقت منسوبلری مصردن مراکشه  
 و حتی سحرای کبیر و سودان واحه لرینه وارنجه یه قدر زوایا و مساکنه مالک  
 اولدقلرندن آفریقانک بوتون شمال قسمنه یاییلمش برحاله بولنورئر . بروقت  
 بو طریقتک تشکیلات مرکزی - مصر ایله طرابلس غرب آره سنده کی لیبیا سحر اسنده  
 کائن - جعبوب واحه سنده ایدی . اوراده هر سنه یوزلرجه مبشر نامزدتری تعلیم  
 ایدیلور و دین اسلام اوزرینه اجرای مواعظ مقصدیه شمالی آفریقانک کافه  
 اقسامنه کوندریلور ایدی . طریقتک بالجه شعباتی - که عددینک یوزیکرمی بی  
 متجاوز اولدینی مرویدر - شایان حیرت اولان تشکیلاتنده منافع دنیویه جه  
 و وضعیت جغرافیه جه بر بردن آری بولان نیجه ملت و عرقلره منسوب  
 بیکلرجه اشخاصی محتوی او حاکمیت روحانیه نک اداره سنه و توسعنه متعلق  
 موادده تعلیمات و وصایا آلمق ایچون جعبوب کویتمده کی مرکزده مراجعت  
 ایدرلر .

زیرا بو طریقتک جهد و اقدام صاحبی اولان مثللری طرفدن استحصال ایدیلن  
 موفقیات نهایتسنر دینه جک قدر چوقدر . طریقت سنوسیه نک آفریقای شمالینک  
 مذکور اقسامنده کی زاویه لرندن ماعدا عربستانده ، عراقده ، صومالرا و جوا  
 کبی یرلرده اعضاسی واردر . فی الواقع سنوسیه طریقتی هرشیدن اول اسلامیتک  
 داخل دائره سنده اصلاحات اجراسنه خادم بر مؤسسسه ایسه ده امر تبشیر ایله ده  
 فعلاً مشغول اولمشدر ؛ و اولجه مجوسی ویا صرف ظاهر حالده مسلمان بولنان  
 بر چوق آفریقا قبیله لری بو طریقت مرخص و مثلرینک کندی آره لرنده کورنمکه  
 باشلادقلری زماندن اعتباراً دین اسلامک مقید و مقدم سالکلری حالنه کشلدر .  
 مثلاً سنوسی مثللری حالا مجوسی بولنمقده اولان و (الندی) حوالی جبالیه سنده  
 متوطن بولنان (بائل) طائفه سنک بر قسمنی اسلامه کتور مشلر و شوق دینلری بی  
 مذکور قبیله نک - بالکزر لفظاً مسلمان بولنان و اسلامیت حقنده کی وقوفلری



بک محدود اولان - دیگر اقسامی آرسنہدہ القا ایتشلدر [۱] فیزانک جنوبندہ و سحرای کبیرک (تیبہستی) جہتلرندہ یاشایان (تدا) قبیلہسی دخی یالکیز ظاہراً و اسماً مسلمان بولندقلری خالدہ صو کرہدن جدی و متقی مسلمان وصفی آنلری دخی سنوسیلرک مساعی اصلاحیہ لرینک ثمراتہ نشانہدر [۲] ینہ بو طریقتک بمشرلری (غالا) مملکتندہدہ خدمات اہتدائیہہ چالیشمشاردرہ. بورایہ سنوسیہنک بمرکز مستحصنی کبی بولنایان (ہاراز) دن ہر سنہ خدام تبشیر کوندریلور. بوسنوسی بمشرلری غیرت تبشیریہ لرینی ایلری کوتورمک مقصدیہ مکتبدر آچارلور۔ بالخاصہ وادای طرفلرندہ اولدیغی کبی - سحرانک واحہلرندہ مسکن و ملجائز تائیس ایدرلر. بو بمشرلر صانون الدقلری اسیرلری جعبودہ تربیہ و تعلیم ایتدیر۔ دکن و ارکان طریقتی کافی درجہدہ احاطہ ایلیہ بیلدکلرینی آکلادقلر صو کرہ ازادایلرلر و ہمجنسلرینی اہتدایہ سوق ایٹک امنیہ سیلہ مملکتلرینہ کیری کوندرلرلر. بو حالات ایلہ برابر سنوسیہ طریقتی نفوذینک الیوم حال تدنی دہ بولندیغی آکلانمقصدہدر. ہرنہقدر سودانک قبائل مجوسیہسی آرسنہدہ اجرا ایتیش اولان افعال ارشادیہنک بالادہ ذکر ایلدیکمز قیوداتی غیر کافی ایسہدہ انتشار اسلامتہ داتر باشقہجہ معلوماتک مفقودیتدن طولای ینہ اہمیتدن عاری دکدر؛ شو قدرکہ دلائل مکتوبہنک معدومیتلہ برابر عابد اصنام و یا اباطیاپرست اولان افراد بشر اورتہ سنبدہ - برمدیتک و علوی برینک مثللری صفتیلہ - جماعات اسلامیہ موجود اولسی مسلمان بمشرلرینک اہتدا امرندہ کی مشکور سعیلرینک شاہد مجسمی حکمندہ اولوب بو جماعتک احوال و ادابی آوروپالیرک مسکرات تجارتیہ بوسوتون بوزلمش اولان مجوسی قبائلنک احوال حیاتیہسی قارشوسندہ شایان حیرت برمقایسہ عرض ایدر. ازمنہ اخیرہ محررلرندن بریسی بحر نهرینک حوالی سفلاسنندہ ساکن مجوسی قبیلہ لرینک بولندقلری ذلیل حیاتدن بحث ایلدیغی صرہدہ مذکور تضادی کوسترک دیمشدرکہ:

[۱] دووہریہ نام فرانسزک - La Confrérie Musulmane de Sidi Ali Es  
 Senoussi عنوانیہ سنوسی احوالی حقندہ کی اثرندن .  
 [۲] ناخفیقال نام آلمان محررینک Sahara Und Sudan عنوانی سودان  
 و سحرای کبیرہ داتر کتابندن ،

« واپورمز یخچر نهزینک یوقاریسینه طوغری کیدرکن ایچی یوز میل قدر قطع ایدیلن مسافه نك احاطه ایلدیکی حوالی ده فکرمی دکیشدیره جک برحاله شاهد اولدم ؛ چونکه یالکز اباطیلپرستک ، مرد مخوارلق وجین ایچکسی احد واعطاسی پک او یغون صورتده اجتماع ایدرک بورالری شنلدریوردی . لکن حوالی ساحلیه نك آشغی دوشن قسمنی بر اقوبده وسطی سودان دینان جهتک جنوب حدودینه تقرب ایلدیکم زمان یریلرک ظواهر و شمائلنده کیتدجه آرتان علائم صلاح کورمکه باشلادم . یام یاملق غائب اولمش ، سخیف شیلره تعبد دخی آنک قدم غیوبتنی تعقیب ایتمش ، جین تجارتنی ده خیلی دوشمش ایدی . دیگر طرفدن دخی لباسلر جسم بشری اورتجه جک قدر اوزامش ده آدابه موافق اشکال آلمش وطهارت بر قاعده حاله کلکشدی . برده بورالر خلقتک کورونیشی داها وقارلی بولمسی بر تجدد اخلاقیی افهام ایدیوردی . هرشی فائق بر عنصرک مایه سنی اخذ ایتمش بولندیغنی کوستریوردی ؛ اویله بر عنصرکه زنجی خلقی اوزرنده عریض وعمیق صورتده حکمنی انفاذ ایلکنده وزنجی بی یکی بر آدم حاله صومقده در . بو عنصرک اسلامیت عنصری بولندیغنی سویلرسم بلکه حیرته قالورسکز . کیمیز ( بنوئه ) ایرماغنک یخچر نهزینه اولان منصبده کائن ( لوقوجا ) موقعنه واصل اولدیغنی زمان اسلامیت تبشیری قوتنک ایلری قره غوللرینی کچه رک سودان مرکزی یه داخل اولدم و کندیمی نسبتاً داها ای اداره ایدیلور بر دولت ملکنده بولدم . بورالری اهتماملی تاجرلره ومهارتلی قاش ، باقیر ، مشین ، سختیان ایشلری عاملرینه مالک چالیشقان بر خلق ایله مملو ایدی . بو خلق مدینه طوغری حقیقتاً خیلی ایلریشدر . [۱]

( نیغریشیا ) دینیلن وسودان ، کینی ، سنه غامیا کبی آفریقانک خالص زنجیلرینه مسکون بولنان اقسام مالکنده اسلامیتک فعالیت تبشیریسی جقنده طوغری بر حکم ویرمک ایچون شوراسنی ملاحظه ایتک لازم کلورکه سواحدله واسلام منطقه نفوذینک جنوب حدودنده مسلمان بشری کندی دینک کشافی

[۱] طومسون اسمنده برانکلیرک The Rise of British West Africa عنوانیه

مجموعه موقوتهلردن برینه یازدیغنی مقاله دن .

بولندیغی خالدہ آرقہ سندنہ براقدیغی ممالک داخلہ نیک شمال و شرقندہ اسلامیت پروباغانداسی ایچون حالا واسع بر میدان موجوددر . حال بویله اولنقله برابر بومالک داخلہده اسلامیت اسکی زمانلرده خیلی کویک صالمشدی ؛ مثلاً قوتلی بر عرق اولان سنار زنجیرندن بر قسمی مسلمانلغه کیرمش اولدیغی خالدہ دیگر بویوک بر قسمی حالا مجوسیدر لر . مع مافیہ نوبیہ قطعہ سندن سنار لور آره سنہ کیدن مسلمان تاجر لری بونلرک اهدتالری ایچون چالیشمقده در لر .

سودان و (سنهغامیا) خطه لری خلقنک اقسامندن اولوب حالا مجوسی عادات و اعتقاداتی محافظه ایدن و یا مسلمان خاق ایله محاط اولدقلری خالدہ او اعتقاداتی حقیف بر اسلامیت زاری آلتندہ طوتان طوائفی تعداد ایتمک مشکلدیر . بویوک ماندینغو طائفه سی اقسامندن (قون نوح) قبیله سی حالا مجوسیدر ؛ یالکیز صوک سنه لرده بونلر آرسندہ اسلامیت بعض مرتبه توسع انشاز علائمی کویکتر مشدر . بناء علیه بو اقسام ممالکده مسلمانلر طرفندن عصر حاضرده تبشیر اسلامیت خصوصندہ کویکتر یلین غیرتک داها ایلری ده بولنان ممالکده صرفه حاجت یوقدر . بوندن طولانی آفریقا قطعہ سنک تبشیر اسلامیت تاریخی ایچون اک مهم اولان شی بالذات حوالی اسلامیه اورته سندن حرکات اصلاحیه اجراسی و وصایای دینی نیک احیاسی در که بالاده بو خصوص حقیقده نظر دقت جلب ایدلمشدی .

آفریقانک غرب سواحلی ده اسلامیت تبشیرینه آریجه بر سخنه اولمشدر . اسلامیت (گینی) ساحلده ، (سی یهرا له تون) ده و ایوم مجوسیلردن زیاده مسلمانلرک ساکن بولندیغی (لیه ریا) مملکتندہ استحصال ایتمکده بولندیغی توسعه رغماً ینه بویوک بر کتاه مجوس ایله قارشو قارشویه کلکده در . سی یهرا له تون مملکتندہ کی تبشیر اسلامیت فعالیتنه دائر اک اسکی معلوماتدن بری اولمق اوزره عوام قارده سنہ تقدیم ایدیلن بر استدعانک مالی بوراده ذکر ایدیلور . بو استدعا ایله مذکور مملکتندہ اداره حکومت ایدن بر انکلیز تجارت شرکتنک لغوی طلب ایدلمشیدی . عوام قارده سنک ۲۵ مایس ۱۸۰۲ تاریخندہ طبع ونشر ایتدیرمش اولدیغی بو استدعا ده دینیلور که : « تقریباً یتمش سنہ مقدم عددی

کثیر اولیان بر طاقم مسلمانان ، سی به راه تونک قرق میل قدر شمالنده بولان و ماندینغو دینلین مملکتده یراشمشلردی . بودین اصحابنک معلمری عادتلری وجهله بعض مکتبر آچمشلر بونلرده عرب لسانی اوزره احکام محمدیه تدریسنه باشلامشلردی . مسلمانلرک عادتلرندن اولدیغی اوزره کندی دینلرینه منسوب هیچ براسیرک آتوب صایلمامسی بورادده اتخاذایدلدی . قرآنه مبتنی قانونلر وضع اولندی . بوسواحل خلقنک تناقص وزوالنه باشلیجه سبب اولان عادتلر اورتدن قالدیرلدی . قیام و مجادلات متقابلهه رغماً نسبی بر درجه مدنیت ، بر ائتلاف و بر سکونت ادخال ایدلمشدر . بو حاللرک نتایجندن اولمق اوزره اهاالینک عددی سرعتله آرتمغه باشلامش و آنلرک توطن ایتدکلری اقسام بلادده اداره قوتی اللرینه کچمشدر . بونلرک مکتبلرنده اوقویان کیمسه لر جوار مملکتلره کیدوب اورالرده دخی قوت و ثروت الده ایتمکده و کبردکلری برلره دین وقانونلرینک ادخالنه چالیشمقده درلر . داها زیاده احترامله تلقی ایدلدیکی ایچون مسلمان اسملری دیگر اهاالی رؤسای طرفندن اتخاذایدلمکده در . بومستملکه نک بولندیغی حوالینک هر طرفه دین اسلامک سبا کن بر صورتده نفوذ ایده جکی وزنجی عقائد باطله سی اوزرینه امنیته غلبه چالاجنی محتملدر . « [۱]

سی به راه تونک یوزمیل قدر جنوبنده بولان ( مندی ) مملکتده اسلامیتک ظهوری آنجق عصر حاضرده واقع اولدی ؛ فقط آرتق ثابت صورتده توسع ایلکده در . مسائل اسلامیه ایله اوغراشان برخرستیان میسیونرلکی رساله سنده یازلدیغی اوزره « اسلامیتک پروپاگاندا جیلغی بالخاصه تفریق و تعیین ایدلمش بر هیئت رهبان طرفندن اداره اولتماز ؛ بلکه هر فرد مسلم کندی باشنه فعال بر میسیونه دردر . بونلردن بش ویا اون کشی - ساکن اولمق نیتنده بولندقلری - برقبه ده اجتماع ایدرلر ، آره سی چوق کچمکسزین برمسجد وجوده کتوررلر وایشه باشلارلر . قصبه نک باشلیجه آدمی کیم ایسه آکا تقرب ایدرک نیتلرینک اجراسنه وبلکه کندیسنکده التحاقنه مساعده سی استحصالیلرلر . آکا قرآندن

[۱] فلود جورج نام محررک The Rise of British West Africa عنوانیه غربی آفریقاده انگلیز مستملکاتنک انکشافی حقیقده کی اثرندن .



پارچہ لردہ او قورلر و مقتدر اولہ بیلدیکی ویا آرزو ایلدیکی قدر آنلری حافظہ سنہ  
یرلشدیرمه که اوغرا شورلر ، عبادتده مستعمل ارکان و مراسم کوسترلر ،  
مشروبات مسکره دن آنی امتناعه سوق ایدرلر؛ فقط ایستر بومنوعیته اتباع ایتسون  
ایستر ایتسون او آدمی مسلمان صایازلر»

گینی ساحلنده نفوذ اسلامیت باشلیجه هاوسا تاجرلری طرفندن نشر  
ایدیلورکه بو تاجرلر ساحلک کافه مراکز تجاریه سنده بولنورلر . برجماعت  
مسکونه شکلی آنجه همان برمسجد یایدیرلر و معاملات دیندارانه لری و عرفان  
متفوقلری ایله مجوسی خلق اوزرنده اجرای تاثیر ایلرلر . بعضاً بوتون برقیله  
افرادی ، کندی حاللرندن داها یوکسک اولدیغنی اعتراف ایلدکلری مسلمان  
جماعت متمدنه سنه - اقعاعه هیچ ده لزوم بولمقسزین - مجتمعاً کیرلرلر . [۱]

آشاتی مملکتی داها ۱۷۵۰ ( ۱۱۶۴ هـ ) سنه سنده جماعت اسلامیه بر مرکز  
تلاقی اولمشیدی . او وقتدن بری ارشاد اسلام آهسته - فقط امین - بر صورتده  
منتج موفقیت اوله لکشدر ؛ چونکه مسلمان مبشرلری او مملکتده کندیلری  
ایچون مهیا برحسن قبول کورمشلر وناسک اک بویوک رئیس نزدیکه خیلی  
نفوذ پیداسنه مظهر اولمشلردر . بولر آچدقلری مکتبلر واسطه سیله نسل جدیدک  
افکارنده مقبول بر موقع قازانورلر . آشاتی مملکتده اسلامیتک بر دین غالب  
وحاکم اوله جفی حقنده معنیدار علائم بولندیغی ده روایت ایدیلور . داها شمیدین  
برخیلی رؤسا بودینی قبول ایشلردر . داهومی ده و آفریقای غربینک ( آلتون  
ساحلی ) دینلین حوالیسنده اسلامیت هر کون یکی مهتدیلر قازانور ؛ حتی بعضاً  
یرلی رؤسا ، بودینی بالذات اتخاذا ایلک ایستمسه لر بیله مسلمان مرشدلرینک  
نفوذینه کندیلرینی مجلوب بولدقلرندن بومبشرلر اوله جه قازانداقلری موقعدن  
بالاستفاده عوام ناس آره سنده نهوجه ایله چالیشه بیله جکلرینک یولنی سهولتله  
بولورلر [۲] داهومی ایله آشاتی آفریقا قطعه سنک بو جهتلرنده کی مملکتلرک  
اک مهملرندن صاییلورلر .

[ ۱ ] بیهه بوش نام فرانسزک La côte des Esclaves et le Dahomey  
عنوانی اسیرلر ساحلی و داهومی حقنده کی اثرندن .

[ ۲ ] لی پهرت نام آلمان محررینک Die bedeutung der Hausanation Für  
unserer Colonie عنوانی هاوسا خلقی و آلمان مستملکاتنه اهمیتی حقنده کی کتابندن .

بورالوده کی اهل مجوس رؤسائک اهدامی آز بر زمانک مرورینه توقف ایله کی ذکر ای دیلور. (لاغوس) مملکتده اون بیکه یقین مسلمان اهالی سا کندر و غرب ساحلی مراحل تجاریه سی اهالیسی آره سنده هاوسا ، فولانی ، ماندینغو کبی یوکسک عرقدن زنجیره منسوب بر جوق مسلمانلر اقامت ایدرلر . بو افراد مسلمه - یا کسب و کار مقصدیه ویا آوروپا مستملکاتجیلرینک خدماتنده مستخدم نفرات عسکریه صفتیه - سواحلده کی قصبه لره ایندک لری زمان طور جراتکارانه لری و اوضاع مستقلانه لری ایله سواحلک اهالی زنجیه سی اوزرنده حسن تاثیر اجراسندن خلی قالمالزلر . سواحل سکنه سی ، قرآن کریمه معتقد اولانلرک آوروپالی مأمورین و تجار نظرنده داها یوکسک بر موقع تلقی به مالکیتارینی کوررلر و بونلرک عرق ، کورونیش ، تلبس و اوضاع جهتلریله کندیلرندن بکده بعید اولدقلرینی و بو حالاتک کندیلرینی آنلرک دائره اخوتنه کیرمک امکانندن منع اتمیه چکنی درک ایلرلر؛ حقیقتاً آنلر طرفندن ده کندیرینه - دینلرینی قبول شرطیه - امتیازات اخوتدن بر حصه عرض اولنور . نه قدر محقر و کتر بر وضعیتده بولنورسه بولنسون مجوسی بر زنجی تبلیغات نبویه نی قبوله آرزو کونستردیکی کبی همان آنلرک جماعته - دیکر لره مساوی بر درجه ایله - قبول ای دیلور و اخوت اسلامییه دائره سنه اولان بویه بر قبول ، دیندار مرشدلر طرفندن استغنا ایله دکل خواهشله وقوع بولور . بناء علی ذلک سنه غال نهرینک منصبندن لاغوسه وارنجه یه قدر ایکی بیك میل مسافه امتداد ایدن حوالی ده کی قصبه لرک اهمیتیلری آره سنده هیچ دکله تک بر جامعه مالک اولیان بر بلده بوق کیدر . اورالوده کی مرا کیزدینه یه منسوب اولان فعال پروپاغاندا جیلرک دخی خریستیان میسیونه رلریله قارشو قارشویه چالیشدقلری کوریلور [۱]

شیمدی آفریقا قطعه سنک اوته کی طرفنه عائد انتشار اسلام تاریخنه کله م :  
 بو جهتلر سکنه سی دین اسلامک محل ظهوری اولان ارضه داها یقین بولمقده در . عربلرک شرقی آفریقا ساحلنده ایلك بقررلری ماده سی حقه ده کی

[۱] وهسته رهن نام انکلیز محرینک Islam in the West And Central

Sudan عنوانی غربی و مرکزی سودانده کی وضعیت اسلامییه دائر کتابندن .

قیودات پک نقصاندر . (کی اولاً) بلده سی ۱۵۰۵ (۹۱۱ھ) سنہ سنہ (دون فرانسیسکو دالمیدا) طرفندن غارت ایدلیدیکی زمان الہ کچوریلین بر عرب سجلنه نظراً بولدهده کی عرب مهاجرلری - پیغمبرک نسلندن بولندیغی روایت ایدیلین - زیداسمنده بر کیمسه نک مذهب الحادینه سلوکلرندن طولای نفی ایدلمش بر طاقم کیمسه لردی . پوررتکیزلر بو اوافق عرب قافلہ سنہ زیدک نامنه نسبتله (امو زیدیچ) دیمش لردی که امت زیدیہ دن غلط اولسه کر کدر . بوراده اشارت ایدیلین زیددن مراد، حضرت حسینک حنفیدی اولان و حضرت علیک احفادنندن بولنان ذات اولمق محتملدر . بو ذات خلیفه هشام دورنده امام مهدی بولندیغی ادعاسنه قالمش وشیعہ طرفدارلرینی عصیانہ تحریک ایتمش بولندیغندن کندیسنه قارشو وقوعه کلن جدالده مغلوب دوشه رک ۷۴۰ (۱۳۳۵) سنہ سنہ قتل ایدلمشدی .

بوراده کی اوافق جماعت عربیه افرادی مملکتک اہالی اصلیه سندن بولنان مجوسیلرندن بغایت متحاشی بر صورتده یاشامقده ایدیلر . بو حاله رغماً ساکن اولدقلری اراضی بی ساحل بویجه تدریجی صورتده توسیعه موفق اولمش بولندقلری آکلاشیلور . بر مدت صوکره دیکر بر ملتجی قافلہ سی جزیرہ العربک بصره کورفری اوزرنده کائن و بحرینه یقین بر جهندن حرکتله بورایه اصل اولمشدی؛ چونکہ بونلر، ساکن اولدقلری پکده اوزاقده بولنیمان (لسا) یا خود الحسا نام محل خلقنک تعدیات و تجاوزاتندن قورتلوق ایستمشلردی . یکی مهاجرلرک تأسیس ایلدکلری قصبه (مغادا کسو) یا خود (مغدیشو) تسمیه اولمشدی . بوراسی کیت کیده اوقدر اهمیت وقوت کسب ایتمشدی که عاقبت سواحلده کی عربلرک بر مرجعی وضعیتی آلدی . فقط زیدیہ دینلین اسکی مهاجرلر آریجه بر طائفه عربیه منسوب بولندقلرندن وشعی المذهب اولدقلرندن سنی المذهب مغدیشو عربلرینک نفوذلرینه تابع قالمق ایستمه مشلردی . بوندن ناشی داخل مملکتہ چکلدیلر و کیتدکلری حوالی ده کی یرلی اہالی ایله اختلاط و عقد ازدواج ایلدکلرندن آنلرک عادات و اطوارینی آلدیلر .

اونجی قرنک اواسطنده تأسیس ایدلمش اولان مغدیشو، تمش سنہ قدر او

سواحلک اکثر معظم بر قصبه سی صایلمشدی . او صره لرده بصره کورفرزی جانبدن کلن دیگر بر قافله داها جنوبه بوقصبه رقیب اولق اوزره یکی بر قرارگاه احداث ایدیلر . بوقافله جدیدنک رئیس علی اسمنده ایدی که شیرازده حکمدارلق ایدن سلطان حسن نامنده بر ذاتک یدی اوغاندن بری ایدی . والده سنک حبشلی بر قالدین بولمسندن طولانی دیگر قارداش لری علی یه قارشو معامله تذلیمه آتاری کوستردکلرندن اوده مملکتی بر اقوب باشقه بر دیارده توطنی قرارلشدیردی . بناءً علیه قاریسی و چو جقاری و اوافق بر طاقم اتباعی ایله بر لکده هر مز آطه سندن بادبانکشای حرکت اولدی . اها لیسنک باشقه بر طریقت مذهبییه منسوب اولدیغی مغدیشو لیمانه اوغرامتدن بالاجتناب آلتون معدنی بولندیغی ایشندیکی زنگبار ساحلنه کیتمک اوزره رجهه عزیمتی جنوبه چویردی و عاقبت (قولا) قصبه سنی بولدی . اوراده بر موقع مستقل محافظه سنه نائل اولدی و داها شمالده ساکن بولنان و بو قطعه یه کندیسندن اول هجرت ایش بولنان عربلرک مداخله سندن مصون قالدی . ایشه بو یولده کی مهاجر تلرله آفریقای شرقی سواحلنده و عدن کورفرزندن اقالیم حاره محیطنه ویا - قرن وسطی عرب جغرافیونک تعبیرنجه - زنجی ممالکی خط حدودینه قدر اولان یرلرده بر چوق عرب قصبه لری وجوده کلدی . بورالرک زنجیلرینی اهدایه سوق ایچون هر نه تشبث واقع اولدیه آنک هیچ بر قیدی باقی قالماشدر . اونجی قرننده یازلدقلری محتمل اولان سیاحتنامه لری حاوی بر مجموعه آثارده عجیب بر حکایه محفوظ قالمشدر . بو حکایه زنجی قبیله لرندن برینک کندی قرالری واسطه سیله اسلامه نصل سوق ایدلدکلرینی ناقلدر ؛ شویله که :

« بر عرب تجارت کیسی هجرتک ۳۱۰ سنه سنده فورطنه یه طوتیه لرق طریق مقصودندن باشقه بر جهته سوروکلنمش ایدی . روزکار معکوس ، عاقبت آتی مردمخوار زنجیلرله مسکون بر سمت ساحله آتدی . طائفه سفینه آرتق بر موت محققه انتظار ایدیورلر و زنجیلرک دندان اشهارلنده لقمه ایدیلوب چکنه جکلرندن خوف و حزن ایله بحث ایدیورلردی ؛ لکن قضیه برعکس چیقدی . او محک زنجی قرالی کندیلرینی بر روی رحمانه ایله قارشیلادی و بر قاچ آی حقلرنده



آثار مهمانوازی کوستردی . بومدت اقامت ظرفنده مسافر عربلر کمیده کی امتعه بی شرائط معینه تحتنده صاَدیلر و فقط کورمش اولدقلری معاملهٔ حسنه نك قیمتی منفور برهانت ایله تأدیه یه صاَدیلر ؛ شویله که : زمان حرکتاری حلول ایدنجه کندیلرینی تشییع ایچون - اتباعندن برقاچیه - کمی یه قدر کلن زنجی قرالی اسپر صفیله طوتدیلر و دکزه آچیلوب عمان ساحلنه کوتوردیلر . برخیلی سنلر صوکره شدتلی برروزکار ، عین سفینه بی عین مرسایه تصادفاً آتیورمشدی . یریلر کیجیلری طانیدیلر و صندالریله کیمیک اطرافنی صاردیلر . کیجیلر ایچون آرتق اولومدن خلاص امید یه تمامیه زائل اولدیغندن اودقیقه دن اعتباراً بربرینه رحمت اوقودیلر . جمله سی ده قرالک حضورینه کوتورلمشدی . بونجه اهانت و ملعتله حقتده معامله ایتمش اولدقلری آدمک ینه قراللق مقامنده بولندیغنی عیون حیرت و وحشیت ایله کوردیلر . لکن اهانت ملعتکارانه لرندن طولانی دوچار انتقام اوله جق یرده قرال آنره حیاتلرینی بخش ایتدی و امتعهٔ محموله لرینی صاتمغه مأذون براقدی ؛ آنجق آنرک تقدیم ایتمک ایستدکلری هدیه لری نفرته رد ایلدی . حضوردن چیقمازدن اول ایچلرندن بریسی قراله نه وجهه قورتیلوب یرینه تکرار کلدیکنک حکایه سنی صورمغه جرأت ایتدی . قرالده اسپر صفیله بصریه و اورادن ده بغداده سوق اولندیغنی ، اسلامه نصل کلدیکنی و اودینده نصل تعلیم کوردیکنی تعریفه باشلادی و حکایه سنه دوام ایله شو تفصیلاتی و یردی : ولیسندن قاچار و برحجاج کروانسه قاتیلهرق مکیه کیدر . فریضهٔ حجی بعدالایفا قاهریه عزیمت ایدر و نیل بونی تعقیماً مملکتی جهتنه طوغری حرکت ایلر . یجه محاطردلره مصادف اولدقدن و برقاچ دفعه اسپر دوشمکه معروض قالدقدن صوکره نهایت مملکتنه واصل اولور . قراللق کندیسنه اعاده ایدلادکن صوکره تبعه سنه دین اسلامک ماهیتنی اوکره دیر . قرال ، خاتمهٔ کلاننده شو سوزلری ده علاوه ایلر : « شیمدی پک مسعودم ؛ جناب حق بکا و بنم اهالیه اسلام . میتک دین حق اولدیغنی بیلدیردی . بومرحمت ربانیه زنجی مملکتلرندن باشقه برینه هنوز نصیب اولمامشدر . مادامکه سز طولایسیله اهتداهه واسطه اولدیکز ؛ بناءً علیه سز ی عفو ایدیورم . کیدیکز مسلمانلره اخبار ایدیکز بو مملکته

کلسونلر ؛ زیرا آنلره اخوان دین معامله سی ایده جکز . « [۱]

عین منبعدن او کرندیکمزه کورده ینه اواسکی زمانلرده آفریقانک بو اراضی ساحیه سی یجه عرب تاجرلری طرفدن زیارت ایدلش و افراد اسلامیه ایله عصرلرجه وقوعه کلن تماسلره رغماً بوسواحلک سکنه اصلیه سی - صومالی خانق مستئنا اولوق اوزره - اسلامیتله شایان تعجب بر درجه قلیله ده متنفذ اولمشدر ؛ حتی اون آلتنجی قرنده وقوعه کلن پورتکیز فتوحاتندن اول بیله یک آز مقدارده موجود اولان نفوس مسلمه تامیله دکر قیلرنده محصور قالمش کبی بحالده یاشایوردی . کذلک آفریقانک بو طرفلرنده پورتکیز قوتنک زوالندن سوکره عمان سیندلری اداره سی آلتنده تأسس ایدن عرب حاکمیتی دورندن یکرمنجی قرنه قدر داخلک قبائلی آراسنده اسلامیت حقنده نشر وقوف ایچون اساسلی تشبثلر وقوعه کله مشدر . بومناسبتله ازمه اخیره سیاحلرندن بری [۲] دیورکه : « آفریقای وسطانک شرق جهتلرنده اوچ دفعه اداره ایلدیکم هیأت سفریه زمانلرنده مسلمانلغک بر قوه تمدن تشکیل ایلدیکنه دائر هیچ برشی کورمدم . بو دینده کی قوه حیاتیه نه قدر بویوک اولورسه اولسون هر حالده بورالرده غیر منکشف قالمشدر . عربلر وانلرک احقادی بورالرده بویوغاندا جلیق ایتمه مشلردر . اسلامیت حقنده وعظ و یرمک ایچون مبشرلر بولنمامشدر و مسقط حاکمیری بورالرده طوتیلان اسیرلرک احکام اسلامیه یه بعض مرتبه رعایت کوسترملریله اکتفا ایتمشلر و شرقی آفریقا قبائلی کندی حالدرینه بر اقمشدر و فی الواقع بوقبائل دخی - ظلمت کشفه لری ایچنده - مسعودانه رحال جهالتده بولتمقدن ممنون قالمشلردر . »

عربلر ، شرقی آفریقاده یا کار و کسبلرینه ویا اسیر آویلیغنه حصر مساعی ایلرندن طولانی دینلرینک منافعنی ترویج خصوصنده بویوک بر اهتماسزلق کوسترملردرکه بوده آفریقانک سائر اقسامنده کی دینداشلرینک ابراز ایتش اولدقلری شوق و غیره شایان دقت بر تضاد تشکیل ایدر .

[۱] کتاب عجائب هند نام اثرک هولاندالی وان درلیت طرفندن Livre des Merveilles de L'Inde عنوانیه فرانسزجه یه ترجمه سندن .

[۲] جوزمف طومسون نام ذاتک Mahometanism In Central Africa عنوانیه آفریقای وسطاده کی اسلامیته دائر کتابنده .

اون طوقوزنجی قرنك نصف اولنده ( اوغاندا ) یه کیرملرینه مساعده ایدیلن عرب تاجرلرینک فعالیت ارشادیه لری اوابیده قیده لایق بر استنا تشکیل ایدر . غالباً بو مملکتده کی عربلر ، متین بر استقلاله مالک اولان یرلی ( باغاندا ) طائفه سنک اسیر تجارتنه میدان امکان براقیه جغنی آکلادقلرندن هیچ دکلسه دینلری ایچون قازانمق صورتیه او طائفه نك اعتمادینی جلبه چالیشمشرلردر . باغاندلردن برچوق کیمسه لر قراللری ( موتاسا ) دورنده اسلامه کیشلردی ؛ فقط ۱۸۷۵ تاریخنده انکلیز سیاحی ( ایستنه ) نك بو حکمداری زیارتی برسنه صوکره خرستیان میسیونره لیکنک آنک مملکتنه دخولتی انتاج ایلدی ومذکور مملکت داخلنده کی مسامانلق نفوذ و قوتی - خرستیانلغه دونلرک سرعت ترایدی و مملکت اوزرنده انکلیز مراقبه سنک وضعی سبیلریه - تدنی یه یوز طوتدی . [۱]

مع مافیله اوغاندا مملکتنده یه بر خیلی مسلمان ، مقامات اداریه خدماتنده قالمشدی ؛ حتی مملکتک شرق حوالیسی اهلینک عاقبت کافه اسلامه کله بیه جکلری احتمالندن بحث ایدیلور . اوغاندانک شالنده کائن و منابع انهاری مشتمل اولان زنکین ( بوصوغا ) مملکتنده ۱۹۰۶ سنه سنده خدمات اداریه ده قولانیلان کیمسه لردن اکثرینک مسلمان بولندقلری ذکر ایدیلور . [۲] آنجق بو بر استنادر . خط استوانک شرقده قالان ممالک واقطارده اسلامیت اون طوقوزنجی قرنک صوکنه قدر اراضی ساحلیه یه و آکا ملصق بولنان حوالی قریبه

[۱] شرقی آفریقانک بعض یرلرنده و خاصه اوغانداده خرستیان میسیونره لری بعض متعصب فرنک مستملکه جیلرینک الزاملریله اسلامیته قارشو خیلی عداوت رقیبانه آثاری کوسترمشرلردی . مسلمانلغی قانوناً منع ایچون مجوسی رؤسای تشویقه قدر کیدن مستملکه جیلر بولندی . مدنی مسئولیر ایجاب ایدنجه یکدیگریک سوء صنعه لرینی تشریدن کیری قالمالزلر . حرب عمومی صرهنده انکلیزلر آفریقای شرقیده کی آلمان مستملکاتی اله کچوردکلری زمان آلمان مستملکات مأمورلرینک منع اسلامیت حقنده اولجه ویرمش اولدقلری امرنامه نك صورتی بولشدر و نشر ایتدیرمشرلردی و ترکیه یی جهاد اعلانه تشویق ایتمش اولان آلمانیا ایمپراطورنک حقیقتده مسلمانلره دوست اوله میه جغنی بو طریقله اعلان ایتمک ایستمشلردی . مترجم [۲] پروتستان میسیونره لرندن ( سیوه مهر ) نام کیمسه نك نیویورقده مطبوع

Islam; A Challenge to Faith عنوانی مسلمانلق علیهنده کی کتابندن .

داخلیه منحصر قلمشدی . بو حالی برای ایضاح سرد ایدیلن مطالعاته کوره مظلوملرینی بورالرددی کی قبائل آرسنده آولایان اسیر تاجرلری اسلامتک قبائل مجوسیه آرسنده لشرینی منفعتلرینه موافق بولماشلرددی ؛ چونکه یرلی برقیله منسوبلری بر کره اهتدا ایدنجه کندیلرینی دین اسلامک دائره اخوتنده بولورلردی و مسلمان اولمش بر طائفه اوزرینه ایسه باصقین و یریلوبده اسیر قالدیریله مازدی .

خطاستوانک شرقه دوشن مالکده آوروپا دولتلاری حاکمیتلرینک تأسسی اوزرینه اسیر تجارتک منعی متعاقب مسلمانلق تبشیری فعالیتده فوق العاده تراید وقوعه کلدی . داخلده مسالمت وانتظام تقرر ایتمش ، تیمور یوللری یاپیلمش ، آنا یوللری ایله طرق منشعبه عادیه آچیلمش و صرف تجارت مشروعهلریله مشغول بولنان تجار ساکنه مسلمه اوآنه قدر کندیلرینه قیالی قالمش اولان حوالییه کیده بیلیمکه باشلامش ایدی . مستملکاتک امور اداریه سی مأمورلری معتلرنده کی مأمورین تالیهینی اکثریتله افکاری تنور ایتمش مسلمانلردن انتخاب ایدرلردی . مستملکات اداره سنک تأسیس ایلدیکی مکتبلرده چوق کره مسلمان خواجهلر استخدام اولنوردی . اسواهیلی - (سواحلی دن غلط) - دینلن طائفه منسوب معاملر (بوندهئی) و (وادیغو) کی داخلک یقین یرلرنده کی مجوسیلر آرسنده متشبثانه صورتده فعالیت تبشیره لر اجرا ایده گلشلردی . حرکت تبشیره نیک توسعی - بالخاصه داخلده خطوط حدیدیه ایله تجارت ایچون آچیلان شهراهلرک بویجه - غرب حدودنده (تاقانیقا) کوانه و جنوب جهتده (نی یانزا) کوانه طوغری وقوع بولیوردی . مسلمان پروپاگاندا سنه چالیشانلر اکثریتله تجار واصناف صنفی ایله اسواهیلی افرادی و مستملکات حکومتلرینده استخدام ایلدکاری یرلی مأمورین و عساکر ایدی . [۱] اسلامی قبول ایتک مجوسیلر ایچون یوکسک برمدیته ارتقانک واصلاح موقع اجتماعینک علامتی کی تاقی اولنغه باشلادی . مجوسی بولنانلرک مواجهه مسلمینده معروض قالدقلری حال عجیب بالطبع کولنیچ تلقی ایدلمش و بوا یسه آنلر آرسنده اهتدانک ترایدینه

[۱] قلام روت نام آلمان محررینک Der Islam In Deutschostafrika عنوانی



مدار اولان عواملن بولمشدر . بو حسیاتده کی تأثیرک بر مثالی ۱۸۹۱ سنه سنه قدر مسلمانلرک دخولنه قارشو مسدود طوتمش اولان ( اوزامبارا ) نام محلده کورولمشدر . بو حوالی ده کی مجوسی رؤسا ایلر آنلره تابع اولان خلق اسیرجی نظریله باقدقلری مسلمانلردن خوف وحذر ایلدکلرندن آنلره قارشو عداوت حسلری بسرلردی؛ فقط اسارتک قانوناً ممنوعیتی وضع اولندقدن و او مملکتده براداره متظمه تأسس ایلد کدن صوکره خدمات اداریه ایچون یریلردن آنان مأمورین همان عمومیت اوزره مسلمان ایدی . بو مأمورلر مجوسی رؤسا و اشرافیلر حسب - الوظیفه تماسه کلنجه آنلره مقامات رسمیه کیره بیلن کیمسه لر ایچون مسلمان بولمق مناسب دوشه چکی فکرینی تلقین ایتدیلر . بو یوک رؤسانک اهتداسی و سائلی بو وجهله تأمین ایلد کدن صوکره آنلرده کیت کیده درجه تالیه ده بولنان اشراف اوزرنده عین وجهله اجرای نفوذ ایشلردی . طرق مذهبی صحابی ویا سائرلری ظرفندن تشکیلاته مستند میسیونرلرک فعالیتی وقوعه کلدیکنه دائر امارات کورولمز؛ فقط اصول وقاعده تحتنده مبشر لیکه فرداً چالیشیمش اولدیغنه دائر علائم واردر . ( کیلی مانجارو ) حوالیسنی سنه تک بش آینده هفتده بر کره زیارت ایدن بر مسلمان معلمک حالی بوکا بر مثالدر؛ شو یوله که : بو ذاتک وعظ و نصیحتی اهالیجه پک مقبوله کچیوردی؛ اوده افراد ناسی طعام ایچون ویا سائر محبانه اجتماعلره دعوت ایلیوردی . بو یولده کی پروپاگاندا فعالیتلرنده مسلمان مرشدلرک نظر دقتی یالکز مجوسیلره انحصار ایتیب یریلردن خرسیتیانلغه کیرمش اولانلر آره سنده دخی مهتدی قازانمغه چالیشملری قیده شایان بر حالدر .

اسلامیت ( نی یانزا ) کولی حوالیسنه آفریقای شرقی سواحلی طریقیه کیرمشدی؛ بورایه عرب تاجرلری - و مقدمات شرق جهندن بورالره کلوبده یرلشمش اولان ( یائوس ) نام عرب قبیله سنک بو تاجرلره عقد روابط ایدن افرادی - طرفندن ادخال ایدلمشدی . زمانمزدده نی یانزا کولی حوالیسنده تک بر عربیه بیله تصادف ایدلمدیکی ذکر اولنور؛ حال بوکه اصلاً عرب اولان یائوسلر او مملکتده بولنان اک قوتلی قبیله لردن برینی تشکیل ایدر و اسلامیه دین ملی نظریله باقارلر . واقعا بورالرده دخی تشکیلاته باغلی پروپاگاندا آثاری کورولمز . مع هذا یکرمنجی قرنک

ایلك سنه لرنده اسلامیت بورالرده سرعتلی صورتده انتشار ایتمش و مملکتک بالنسبه الک ذکی سکنه سندن صاییلان بعض طوائف بودینی قبول ایلشدر .

اسلامیت صومالی ایله ( غالباً ) طائفه لری آره سنده دخی بوکا مشابه موققیاته مظهر اولمشدر . غالباً لریک حبشستانده متوطن بولندقلری معلومدر . اورایه مهاجرت طریقله کیدن بو طائفه یدی متفرق قبیله یه انقسام ایتمش و عرق مشترک نامی اولمق اوزره ( وولو - غالباً ) دیه طائمشدر . بونلرک او مملکته آقین ایتزدن اول کافه محوسی بولمش اولدقلری محتملدر . بونلرک بر قسم عظیمی حالاده محوسیدر . حبشستانده توطن ایلدکن صوکره حبش ملیتی اتخاذا ایتشلر و برچوق حوالی ده مملکتک اهالی اصلیه سنک لسان ، عادات و اطوارینی اخذ و اتخاذا ایلشدر . [۱] غالباً لریک حکایه اهدالری پکده واضح دکلدر . بونلردن بعضیسنک جبراً و افتیز ایتدیریلوب خرستیانلغه سوق اولندقلری روایت ایدیلور . حبشستانده قوای سیاسیهنک مسلمانلرک النده بولنما سندن طولایی بونلردن بعضیسنک ده عین وجهله اسلامیه صوقدیرلمش اولملری احتمالی موجود دکلدر . بونلردن جنوبده ساکن اولانلرک اکثریت اوزره اون سکرنجی قرنده اسلامه کلمش اولملری ملحوظدر . شرق و غرب جهتلرنده اقامت ایدنلری ایسه همان کلیت اوزره محوسی بولنیورلردی . الک صووک وقوعه کلن تحقیقات ، غالباً لری آره سنده دین اسلامک داها زیاده توسع ایلدیکنی کوسترر . ( مونجینغه ) نام آلمان محررینک تخمینه کوره آز بر زمان مرورندن صوکره غالباً قبیله لرینک کاملاً اسلامه کلملری محقق کیدر . غالباً مسلمانلرینک « پک متعصب » دیه توصیف اولنلردن استدلال ایدیله بیله چکی اوزره بونلرک دین اسلامه یاری کوکالی اوله رق و یا شوقسز بر آرزو ایله صارلماش اولدقلری بدیدر . عربستانی کاملاً طولاشمش اولان ( داوتی ) نک خیرده تصادف ایلدیکی آزادلی برغالانک دینی اوغورنده کوسترمش اولدیغی شوق مربوطیت شایان دقت بر درجه ده در . بو آدم چوجقلغنده اسیر اولمق اوزره مملکتندن قاپیلوب بحر احمر اوزرندن آشیرلمش وجده ده صایلمشدی . داوتی آندن « کندیسینی چالوب قاجیران و دنیانک باشقه برکوشه سنده خدمت ایچون حیاتی صاتان

[۱] هانری سوک نام انگلیز محررینک عنوانی حبشستان سیاحتنامه سندن .

کیمسه لر قارشو قلمبنده کین ونفرت بولنوب بولمندیغنی « صورنجه اوده « آنجق بر حال نیم کو کلی ارضا ایتدی ؛ اهل مجوس ایچنده ضالانده قلوب کیده جکدم . آه ، الله تعالینک عنایتی نه قدر خیرت بخشدیر ! آنک عنایتله رسول اکرمک مملکتنه دوشدم و دینته واقف اولدم » دیه جواب ویرمشدر . [۱]

اصل غالا مملکتنده او طوران غالا قبیله لری قسماً مجموعی وقسماً مسلمان در لر که بولردن بعضیسنک اهداسی ۱۵۰۰ سنه سی کبی اسکی بر زمانده وقوعه کلشدی . [۲] بولرک یالکز حبشستان حدودی اوزرنده متوطن بولنان بعض قافله لری اون طوقوزنجی قرنده مملکتک قرالی طرفندن جبراً خرستیانلغه سوق ایدلمشردی . حوالی جبالیه ده مسلمانلر اقلیتده قالورلر ؛ فقط اووالرده مسلمان مبشر لری جدی موفقیتلر الده ایشلردر . اوافق برقراللق اولان ( لیمو ) ده ۱۸۷۸ سنه - سنده سیاحت ایش اولان بر ایتالیان اورانک رئیس لاحقنک پدری ( آبا باغیو ) نک - تجارت وسیله سیله بر مدتر او مملکتده نشر دین ایتکده بولنان - مسلمانلر طرفندن اهدایه اقناع ایدلیکنی یازار . بورئیسک اهداسی کرک قومشو بولنان غالا رؤساسنه ، کرک او مملکتک سراینده مستخدم مأمورلره نمونه اولمشدر . عوام ناسدن بر قسمی دخی اسلام ایچون مسلمان مبشر لری طرفندن قازانلشدی . مسلمان تاجرلر غالا رؤساسنک خانهلرنده حسن قبول کوزمشلردی ؛ چونکه بولر محصولات تجارتی ایچون بازارلر کشاد ایدیبورلر ومبادله اجنبی معمولاتندن امتعه کورتوریورلردی . سنه ده وبعضاً ایکی سنه ده بر کره سواحله ایندکلرندن اوزون مدت غالا دیارنده او طورملری سببیه حسن استعمالنی بک اعلا بیلدکلری فرصتلر اوزرینه اسلامیتک نشرینی ترویج ایتکده ایدیلر . اسلامیت ، بومملکتده دخی غربدن کلن خرستیان میسیونهلرکی ایله تصادم ایلدی . فرنک میسیونهلرلرینک مساعیسیله بعض یریلر خرستیانلغه کتورولش ایسه لرده بوبابده کی مساعی بویوک موفقیتلرله هیچ بروقت نتوج ایتمه مشدر . حتی قاردینال ( ماساجا ) طرفندن خرستیانلغه جلب ایدلش اولان کیمسه لر بیله آنک او

[۱] انکلز محرری داوتینک Arabia Deserta عنوانی عربستان سیاحتنامه سندن .

[۲] موری به نام فرانسز محررینک Histoire de L'Ethiopie عنوانی حبش

مملکتدن طردی اوزرینه یا اسلامه کیشلر ویا هیچ بر دینه تابع اولمقسزین قالمشردی . حال بویه ایکن مسلمان مبشرلری دائماً موفقیانه نائل اولورلردی . غالا مملکتک غرب جهتلرنده بولنان قبیله لک بر چوغی اون طوقوزنجی قرنک صوکلرینه قدر مجوسی بولنیورلردی . بونلردن ماعدا ( لهعا ) دینلن قافله ایسه اسکین دن قاله « تعبد طبیعت » ده دوام ایلمکده ایدی . لکن بونوع تعبد زواله یوز طومش و مسلمان مرشدلرینک تراید ایده کلن نفوذی بو ( لهعا ) طائفه سنی همان عمومیت اوزره دائره اسلامیه سوق ایلمکده بولمشدر .

حال حاضرده آفریقانک شمال شرقی جهتی غیور مسلمان مبشرلرینک فعالیتلرندن فوق العاده بر منظره عرض ایتمکده در . هر سنه عربستاندن بورایه یوزلرجه مرشدلر کلورلر و بوراده غالا مملکتدن زیاده موفقیت تبشیریه وقوع بولور . صومالی مملکتک بالنسبه عربستانه قریبی بولنسی اوملاکتی داها اسکیدن مسلمان مبشرلرینک فعالیتلرینه بر صحنه حاله کتورمشدی . سیاح مؤرخ ابن حوقلک قولنجه ذیلا خلقی طوقوزنجی قرن میلادینک نصف اخیرنده خرسیتان ایدی ؛ فقط ابوالفدا بونلرک اون اوچنجی قرنک قسم اولنده مسلمان بولندقلرندن بحث ایدر . یکی دین بودیاره دکزک او بر طرفندن کلن عرب تاجر و ملتجیلری طرفلرندن کتورمش اولسه کر کدر . شمالده کی صومالیلر آره سنده موجود اولان عنعنیه نظراً کندی مملکتدن فراره مجبور قالان اصیلزاده بر عرب ، بحر احمری مرور ایدرک عادل نام محله واصل اولور و اوراده صومالیلره اسلامیت حقهده موعظه لر ویرر . اون بشنجی قرنده قرق دورت کشیک بر عرب قافله سی مبشرلک اجراسی مقصدیه حضر موتدن حرکت و بحر احمرک آفریقا جهتنده بولنان برره موقعنه واصل اولور . قافله افرادی بر مدت صوکره برای وعظ و تبشیر صومالی مملکتی داخلنده بر طرفه طاغیلور . بونلردن شیخ ابراهیم ابو ذربی نام ذات ۱۴۳۰ ( ۸۳۴ هـ ) تاریخنده هراره کیدر و بوراده بر چوق کیمسه لری اهتدایه سوق ایدر . بوشیخک تر به سی حالا بر چوق کیمسه لر طرفندن تکریمله زیارت ایلمکده در . برره جوارنده بولنان بر تپه بونلرک فعالیت ارشادیه لرینه خاطره اولمق اوزره ( جبل الاولیاء ) تسمیه اولمشدر . بومرشدلر



امر تبشیرہ مبادرت ایچون بر طرفہ حرکتدن اول بوتپہدہ طوبلانورلر  
وشورای خاص عقد ایدرلردی . [۱]

اسلامیتک آفریقادہ کی صور انتشاریہ سنہ داثر اولان تدقیقاتی بتورمک ایچون  
بر شی داها قالورکه اوده بودینک قطعہ مذکورہ نک اک جنوبی بر نقطہ سنہ یعنی  
امید بورنی مستملکہ سنہ دخولی حقدہ نظر دقتی جلب ایتمکدر . امید بورنی  
حوالیسنده کی مسلمانلر اصلا (مالہایا) یاخود مالا قہ شبہ جزیرہ سی اہالیسنده ندرلر .  
بونلرک اجدادی اون یدنجی وقسماً اون سکننجی قرنلرده فلمنکلیلر طرفندن  
بورایہ نقل ایدلمشدی . بومسلمانلر فلمنک لساننک بوزوق بر شیوہ سی ایلہ  
تکلم ایدرلر و آکا برچوقدہ عربیدن ، پک آز انکلیرجہ دن و برازدہ مالا قہدہ  
قولانیلان یرلی لسانندن کلمات علاوه ایلرلر . بو مختلط لساندہ و عربجہدہ یازنش  
اوافق و عجیب بر کتاب ۱۸۷۷ سنہ سنده ترکیہ معارف نظارتی طرفندن استانبولده  
طبع ایتدیرلمشدی . بوده بر نوع علمحال کتابی در . [۲] امید بورننده توطن  
ایتمش اولان بومسلمانلردن بعضیسنک هولاندالی اسامیسی قوللانمسندن و بر  
جوغندہ کوریلن اشکال وجہیدن استدلال ایدیلہ بیلہ جکی اوزرہ بونلرک ایچلرینہ  
بر زمانلر فلمنک نسلندن کیمسہ لر قاریشمش اولدیغی والحاصل ظامارلرندہ خیلی  
هولاندالی قانی مخلوط بولندینی امکان داخلندہ کوریلور . بومسلمانلر جنوبی  
آفریقا زنجیلرندن ( هوتتو ) لر آرزہ سنده بعض کیمسہ لرہ دین اسلامی تلقین  
ایتمشدرلر . یقین وقته قدر کرک آوروپالیر طرفندن و کرک سائر مملکتلرده کی  
دینداشلری جانبندن بونلرہ پک آز دقت عطف ایدلمشدی . امید بورنی مستملکہ  
سنده مأموریتلہ بولنش اولان ( قول برووق ) نام ذات طرفندن ۱۸۱۹  
سنہ سنده یازیلان تحریرانده مذکور مستملکہ داخلندہ اسلامیتک صورت توسعہ  
داثر بعض شایان دقت نقطہ لر قید اولمشدر ؛ شویلہ کہ : « اسلامیتک کرک اسیرلر  
آرزہ سنده و کرک اسیر اولیان رنگلی اشخاص ایچندہ مہتدی قازاندیغندن بحث

[۱] بورتون نام انکلیر محررینک First Footprints in East Africa عنوانی

کتابندن .

[۲] بوروایت هولاندا مستشرقلرندن ( دہ ہویہ ) نک مسلمان پروپاگاندا سی دیہ

یازدینی فلمنکجہ بر کتابندن مأخوذ .

ایدیلور . بونک افهام ایتمکی معنی ، دیندار میسیونه رلریمژک - ( انکلیمیسو - نه رلرینک ) - غیرتیرینه رغماً کرک زنجی کرک باشقه دورلو رنگلی مجوسیلر خرستیانلقدن زیاده مسلمانلغه دونیورلر دیمکدر . بو معکوس حالک اسابندن بریسی اولمق اوزره اسرایه مالک اولان خرستیانلرک اسیرلرینه وافتیز یابدیرمق ایستمدکلری ذکر ایدیلور . بو استنکاف ایسه وافتیز ایدلمش براسیرک استحصال ایده جکی حقوقدن تحاشی کوسترلمسندن ویا حقوق مذکوره حقدده یا کلتش ذهابده بولولمسندن ایلری کلیور .

اسیرلر ولیرینک او بابده کی امتناعلرنده بویه بر سبب بولمسندن طولانی البته متأثردرلر . اهتدا ایتمش بر اسیره مسلمانلغی قبولدن مقصدی نه اولدیغی صورلدقده « انسانه بر دین ایله تمسک لازم کلدیکی و فقط خرستیانلغه دخول ایچون مساعده ایدلمدیککی » یولنده جواب آلمسی نادر وقوعه کلن شیلردن دکلدر . بو خصوصده کی سوء ظنلر زائل اولمقده واسرآنک خرستیانلغه دخول ایتک هوسی اولکندن داها آز قیرلمقده در . خرستیان میسیونه رلری بالخاصه اسیرلر تلقیقات دینه ده بولمغه حصر فعالیت ایتمکده درلرکه بونلرک مساعیسنک ثمره ویرمکدن خالی قالیه جنی امید ایدیلور . آنجق مسلمان واعظی آز غیرت صرف ایلدیککی حالده داها بویوک بر جماعت مهتدیان بولوب کیتمکده در .

امید بوزنی مستملکه سی مسلمانلرینی شوکچن اللی سنه ظرفنده باشقه ملکتلردن کله بعض دیندار مسلمانلر زیارت ایتمکده بولمشلردی . بو یولده وقعه کلن تماسلردن سوکره او مستملکه مسلمانلری معارفک ترقیسنه داها زیاده عطف اهمیت ایتمکده درلر . بونلر داها اساسلی بر حیات دینه تعقیبی آرزوسیه متحرک بولمقده درلر . بعض دینی پروپاگاندا بیله اجرا ایتمکده اولدقلری وبالخاصه مستملکه نك سیاه رنگلی سکنه سی آره سنده موفقیتله مساعی تبشیریه ده بولندقلری ده مرویدر . دیگر بروایته کوره ( قاپ ) شهری جوازنده ( قلیه ر مونت ) نام محله نشر اسلامیت ایچون پروپاگاندا مرکز ی اولمق اوزره بر مدرسه تأسیس ایدلمک ایچون بعض تشبثات وقوع بولمشدر . الیوم اتخاذا ایدلمکده بولنان اصول تبشیریه دن بریسی ده اطفال متروکه و مهمله یی

بعدالاتفاق مسلمان اولہرق تعایم و تربیہ الیکدر . بو مستملکہدن ہر سہ مکہ یہ خلی حجج کیدر و بورا حاجیرینہ دلیل اولق اوزرہ مخصوصاً بر شیخ تعین ایدیور . جنوبی آفریقانک الماس معدنلرندہ چالیشمق ایچون کلن ہندلی عملہ آرسندہ کی مسلمانلرکدخی بو مستملکہدہ اسلامیت ایچون پروپاگانداہ بولندقلری مرویدر .

ماداگاسقارده انتشار اسلامیتہ کلنجہ :

آفریقا ساحلندن ایکی یوز یکرمی میل بحری بر مسافہ ایلہ آیرلمسندن طولای ماداگاسقار اٹھسی داخلنی آریجہ ملاحظہ ایتمک لازم کلور . جنوب شرقی سواحلی اشغال ایدن (آنتہ مورونا) طاٹھسی بو اٹھنک مسلمان اولان تک بر جماعتی در . بولرک اہتدالرینک عربستان جانبندن کلہ مبشر لر وساطتیلہ وقوع بولمش اولدیغندہ شہہ یوقدر ؛ فقط تبدیل دیانتک ہانکی تاریخندہ وقوعہ کلدیکی قطعاً مجھولدر . عنعات مرویہ یہ باقیلورسہ تاریخ اہتدا نازمان رسالٹہ قدر چیقار ؛ لکن بو اٹھنک مسلمانلری حقندہ آنجق اون آلتنجی قرنہ بعض ایتالیان واسپانیول جغرافیونی موثوقیتلہ مجتدہ بولمشلردر . [۱]

شیمدی یہ قدر مواجہہ یہ عرض اولنان فقرات تاریخیندن آکلاشیلدیغی اوزرہ آفریقادہ بشیر اسلامک ماہیتنی تعینہ الکزیادہ مدار اولان شی آنک مسالمتکارانہ صورتدہ وقوعیدر . واقعا مسلمانلر چوق کرہ دینک فتوحات روحانیہ سنی توسیع ایچون قلیجی بر آلت آنخاڈ ایلمشردی . مع ہذا مبشرک مساعی مسالمتکارانہ سنی شدت استعمالٹہ وسفک دمایہ تقدم ایده کلدی . ہر حالدہ فاتحلری - غیر کامل اولان فعالیت اہتدائیہ لرنندہ - واعظلر تعقیب ایلمشلردر . فی الحقیقہ آفریقانک جہات مختلفہ سندہ مسلمان سرگذشتجولرینک مادی ودنیوی اولان موفقیتلری اسلامک موفقیت روحانیہ سنی خلی تسہیل ایتمشدی . مجوسی قرالقلرینک خرابہ لری اوسندہ اسلام دولتلری انشاسی املی وآتس سلاح ایلہ خونریزک - کفارک احسانہ معطوف اولان - جہادک چوق کرہ مجراسنی تعین ایلمشیدی . انکلز

[۱] فراند نام فرانسز محررینک Les Musulmans à Madagascar ماداگاسقار

مسلمانلری حقندہ کی کتابندن

سیاحی (بورتون) ك (بورتون) ده بر عرب كنجك لساندن ایشتیکی سوزلر بر چوق آفریقا مسلمانلرینك آمالنی تشریحه مداردر؛ بو كنج عرب: «شو سلاحله باروتی بزه ویریکزده بو كوك مجوسلری اسلام ایدهلم» دیمشدر. بوسوزك برطینی ده مسلمان امیری فتاح طورونك قومشوسی اولان مجوسی قرالنه كوندردییی خبرده محسوس بولنور. مسلمان امیری: «اكر (دامل) اسلامی قبول ایدرسه عبدالقادر بو یچاق ایله آنك باشنی تراش ایده جك؛ اكر (دامل) اسلامی قبول ایتمز ایسه عبدالقادر آنك قفاسنی شو یچاق ایله كسه جك» دیه خبر كوندرمشدی. [۱]

بو مقوله متعصبلك جرات جنكاورانه لرندن اسلامیت مستفید اولمش بولنه بیلور؛ شو قدر كه مبشرلك مسالمتكارانه وعظلمینه دائر واسلامیتك - ازمنه جدیدهده آفریقاده کی سرعت انتشارینك - تدابیر زجریه دن داها مفید بولنان ثباتلی و سكونتلی ارشاد فعالیتلری طولایسیله وقوعه كلدیکی حقهده دخی كرك سیاحلر كرك سائرلری جانبندن شهادت بالغه اجرا ایدلشدر. شدت استعمالی اسلامیتك معارضلرندن بر چوغنك احساسنی موجب اولمش بولنه بیلور؛ فقط بودین، غربی آفریقانك كرك ساحلنده كرك داخلنده هر وسیله دن زیاده واسطه صلح ولینت ایله مهتدیله قازانمشدر [۲]. مسلمانلغك توسع ایلدییکی هر نقطهده آنك علویت احكامنه شهادت ایچون یا بر تاجر و یا بر عرب، برفولانی، برماندیغو صفترلرله مسلمان مبشرلری بولنمشدر. نوع مشغولیتلری، مسلمان تاجرلرینی اهداسنی حصوله كتورمك مراد ایتدكلری اشخاص ایله تماسه سوق ایتمش و نیات مضرهده بولنه بیله جكلری شههسنی قوتدن تجرید ایلمشدر. بو قیل کیمسه لردن بریسی بر مجوسی کوبنه کیرر کیرمز دفعاتله آبدست آلق و - نامرئی بروجودعلوی ایله مكالهده بولینورمش کبی کوروندیکی - نماز و قتلرینك ركوع و سجودینی منتظماً اجرا ایلمك صورتلرله در حال نظر تفحصی جلب ایدر. عرفان و اخلاجه تفوقه مالکیتنی ارئه ایذن طوریه دخی مجوسی خلقك اعتبار

[۱] مانغوبارق نام انکلیر محررینك Travels in the Interior of Africa عنوانی آفریقا سیاحتنامه سندن.

[۲] ایست نام انکلیر محررینك Western Africa عنوانی غربی آفریقایه دائر کتابندن.



واعتمادی تأمین ایلر وعین زمانده مالک اولدیغی امتیازات ومعلومات متفوقه یی تبلیغه مهیا وخواهشلی اولدیغی کوسترر . نشری اوغورنده بوتون غیرتی حصر ایتدیکی دین ایچون قلبی شوق ایله مشحون بولدیغی حالدده مکهدن دونن برحاجی - مجوسی قومشولری مواجهه سنده حق وحقیقه شاهد اولان - مؤمنلرک صدقه سیله وسائر یاردیمه منزل منزل طولاشور . اسلامیتک شریعت والہیاتنه وقوفدن طولای صاحب عرفان صفتیله مظهر اعتبار اولان بوکبی بر مبشر بعضاً تداوی امراضده چالیشمق و حتی پک مقبوله کچن وسختیانه صارلدقن صوکره بویونه ویا قوله باغلانان - آیات قرآنیہی حاوی - نسخہ لری یازمق کبی شیری ، اهدا ایتدیرمک ایتدیکی کیمسه لرک تزید عددینه مدار اولان وسائطدن تلقی ایلر . مثلاً هیچ چوجنی اولیان ویا طوغوبده بدایت طفولیتده افول ایدن برقادین برچوجغه مالک اولق آروسیله اوکبی برنسخه استحصالی ایچون مراجعت ایدنجه آرزوسنک حصول موفقیتی آنجق کله جک چوجنک مسلمان صفتیله یتشدیرلمسی شرطنه متوقف بولدیغی کندیسہ افہام ایدیور [۱] .

بو معلمین دین ، بو مرابطلر و - بعض یرلرده تسمیہ ایدلیدیکی وجہنه - بو (الوفلر) خیلی مظهر حرمت اولورلر . غربی آفریقادہ همان هر کویده بونلرک اقامتیرنه تخصیص ایدلمش مسافر حجره لری واردر . دارفور جهتلرنده بونلر حکومتک بویوک آدملرندن صوکره کلن موقع اجتماعیہ مالک بولنورلردی . ماندنیغوملکننده بونلره ویریلن مرتبه داها یوکسکدر ؛ اوراده رئیس اکبردن صوکره کلورلر و شرف اجتماعیجه رؤسای تالیہ بونلرک مادوننده صاییلور . اموراداریہ لرنده بعض قرآن کریم آیاتنک حکم طوتلدیغی امارتلرده - تفسیر آیت ماده سی سیبله - بونلرک خدمتیرنه کوستریلن احتیاج بویوکدر . بو قیل مرشدلرک شخصیتلری او قدر محترم و مصون طوتیلورکه بربرینه معارض اولان و حتی فعلاً حال حربده بولنان رؤسانک مملکتلرندن مرور ایتدکلری زمان کندیلیرنه کیمسه طوقونماز ؛ همده بورعایتلر کندیلیرنه یالکز مسلمان اراضیسی داخلنده کو-

[۱] انکلیز نپسپوسلرندن (قراوئر) نام ذاتک برکلیسا مجموعہ سنہ یازدیغی

سترتر؛ مکتب تأسیس ایدہ کلدکاری مجوسی کویلرندہ دخی اہالینک آنلرہ چوجقورینک مریبیری ویا بر حاجتک حصولی و بر تہلکدنک ازالہسی ایچون عالم علوی ایلہ کندی آرہلرندہ متوسط نظریلہ باقلمندن طولایی اعتبارلری واردر . بو معلم مبشرلردن بر چوغی تونسک قیروان بلدہ تدریسیہ سندنہ ، فاسدہ ، طرابلس غربیدہ و خاصہ قاهرہنک جامع ازہرندہ تحصیل کورمش کیمسہ لردر . عالم اسلامک ہر طرفندن جامع ازہرہ طلبہ کلور . بو طلبہ دن بعضیلری آفریقانک زنجی اقوامی ایلہ مسکون اولان اقسامندن - دارفور ، وادی ، بونوکی برلردن - حتی سواحل غربیہ سندن ماشیاً کلورلر . فقہ و عقائدہ مدت تحصیلہ یی اکیال ایدنلری اکثریتلہ مملکتلرینک مجوسی بولنان صنوف ناسی آرہ سندنہ مبشرلک ایتمکہ چالیشورلر . بو مبشرلرک قصبہ لردہ آچدقوری مکتبلرہ ہم مسلمان ہمہ مدہ مجوسی چوجقوری دوام ایدرلر . بو مسلمان مرشدلری وقوف و مکتسبات متفوقہ لری ایلہ بر کرہ بر یرہ آیاق باصینجہ - ارتق آرہ سندنہ یاشامغہ کلدکاری خلق اوزرندہ - اجرای نفوذ ایچون تائی ایلہ حرکت ایتمک ایستمز لر . اومقولہ مرشدلردن برینک کندیسیلہ خلق آرہ سندنہ عادات و طرز حیات مشابہتی بولنسی آنک خدماتنہ یاردم ایدر و مختلط ازدواج سبیلہ خلقک اصول اجتماعیہ سی داخلنہ دہ کیرہ بیلدیکندن اورادہ نفوذی رلشور قالیر و بنا برین اسلامیت و قوفنی غایت طبیعی بر حالده اوخلق آرہ سندنہ تدریجاً اشاعہ ایلر .

مسلمانلردن برینک بر مجوسی مملکتنہ وصولی اورادہ داھا کنیش بر اخذ واعظا قاپوسی آچیلمنسک زمان حلولی دیمکدر . بناء علیہ جنہ ، کانو ، سہغو کبی بویوک مسلمان تجارت مرکز لریلہ مناقلات و سائطی تأمین ایدیلور و بو مدنیت مادیه فوائدندن بر حصہ - دین اسلام منافعی ایلہ بر لکدہ - بترسترہ عرض اولنور . « ایمدی بر مبشر ، غیر متمدن زنجی قبیلہ لری آرہ سنہ کیدنجہ اورادہ دائماً کندیسیلچون مستحضر بر حسن قبولدن امین بولنہ بیلور . یالکر جناب حق و نبی بشر حقندہ آنلرک قبلرینہ یول بولان وادرا کلرینی اویاندیران حقایق تبلیغ ایلہ قالماز ؛ بردہ سیاسی و اجتماعی وحدتہ قبولک معیارینی کندیلرینہ بیلدرر و بویاسہ بحر محیط اطلاسی کنارندن سور چینہ قدر بر پساپورط حکمنده

بولور . ہر زردہ بر مسلمان اوی بولنورسہ - احکام دینہ سندن بش ویا اون  
 کله ذکرینہ قادر اولان - بر زنجی اورادہ کندینسہ صیغینہ جق بر التجاکاہ ،  
 کفاف نفس ایدہ جک قدر بر رزق ، رہبر حرکات اولہ جق بر توصیه بولور .  
 کندی مملکتندہ ایسہ شخصی - بر صنف حاکمک اولسہ بیلہ - ہر حالہ  
 بر جماعت متفدہ نک اعضایی صفتندہ بولور . بوحال، غربی آفریقادہ کی مسلمان  
 مبشر لرینک موفقیتلرینی موجب اولان اسرار دندر . بوموفقیات ، عدد جہتیلہ  
 بویوک و ہمدمہ سر یعدر . بونک سببی ایسہ بسیطدر ؛ شویلہ کہ : مسلمان مبشری  
 مہتدینک شہادت ایمان کتوردیکی آندن اعتباراً اسلامیک سالنکری حقتندہ  
 اتحاد ایلمش اولدینگی اخوت و مساوات قواعدی موجبینجہ حرکت ایدر و بو  
 حرکتندہ بر معتاد خرسیتیان میسیونہرندن داہا قراری و داہا سریع صورتندہ  
 ظاورانور . خرسیتیان میسیونہری ایسہ نصرانیت یولداشلغنک ید مخادتنی  
 اوزاتمازدن اول دینہ کتوردیکی کیمسہ نک قلبی ویا وجدانی حقتندہ حسن شہادت  
 بکمر و اویلہ تک بر بطندہ زائل اولہ جغہ بکزمہ مین عرق سوء ظنلرینی دخی  
 ملاحظہ اتمک مجبوریتندہ در ؛ عصر لردن بری بیاض رنگلی خرسیتیانلر ولی ،  
 سیاہ تنلی مجوسیلر ایسہ اسیر اولمق اوزدہ کسب تعارف ایلمش لردر « [۱]

کذلک قیدی مهم اولان مواددن بولندینگی اوزرہ زنجینک نہ زنگی نہدہ  
 عرقی یکی دینداشلیری اوزرندہ سوء ظن حاصل ایتمز . سیاہیلر حقتندہ اویلہ  
 بر تیکسینمک حسنک مفقودیتی اسلامیک بلاد زنجیہدہ توسعی مادہ مروج  
 بولندیغندہ شہہ یوقدر ؛ فی الواقع اسلامیتدہ بر زنجیہ - محضاً زنجی بولندیغندن  
 طولایی - اصلا مادون معاملہ سی ایدلمہ مشدر ؛ بوایسہ اویلہ بر حالدر کہ مع الاسف  
 عالم نصرانیتدہ پک کورولمز . لوندردہ نک علم اجناس بشر جمعیتندہ - وحشیلر  
 آرزہ سندہ کی نصرانیت میسیونہر لکی مساعینسہ دائر وقوعہ کلن بر مباحثہ صرہ -  
 سندہ - شو حادثہ ذکر ایدلمشدی : آفریقادہ بر خرسیتیان میسیونہری بر زنجیہ  
 ایلہ تاهل ایتدیکندن طولایی و طنداشانی بولنان مستملکہ جیلرک حسیات حدتی

[۱] بارتلہت فرہیہر نام انکلیز مؤلفنک Eastern Africa as a Field for  
 Missionary Labour عنوانلی آفریقادہ کی خرسیتیان میسیونہر لری مساعینسہ دائر کتابندن

غلیانه کتورمش و بوسبیلہ مستملکہ دن قاجغہ مجبور قالمشدی . [۱]

بوملاحظات - زنجی قوتلری آره سنده خرسیتان میسیونہ لرلینہ نسبتاً - مسلمان مبشرلرینک الدہ ایتدکلری موفقیت متفوقہ اهدائیہی قسماً ایضاح ایدر . کراراً نظر دقتہ عرض ایدلدیکی اوزرہ خرسیتانلغہ سوق ایدلش برزنجی - آوروپالی ہمدھلرینک - کندیسینک عادات حیاتیہ سنہ یابانجی بولنان بر شکل مدیتہ منسوب بولندقلرینہ قناعت کتورمشدر ؛ حال بوکہ مسلمان ہیئت اجتما - عیسی ایچندہ عادتاً کندی محیطندہ بولندیغنی حس ایدر . زمانمز مترصدین سیاسیہ سندن بری بو حالی سطور آتیہ ایلہ پک کوزل تعریف ایلشدر :

« زنجی نقطہ نظرندن باقیلنجہ اسلامیت - اهدانک لازم غیر مفارقی اولمق اوزرہ - رنجیدن بر عرف اتخاری بکلہ مز . مسلمانلق - كذلك زنجیلکک حال حاضرده کی درجہ انکشافنجہ محال بولندیغنی اوزرہ - حیات اجتماعیہدہ تحولات احتلالکارانہ شرطنی دخی قویماز ؛ عائله ویا جماعت حکم و قدرتینک اساسنی دہ صارصماز . مرشد ایلہ مہتدی آره سنده اوچوروم یوقدر . حضور ربانی دہ ایکسی دہ - یالکز نظری دکل ہمده عملی بر صورتدہ - مساویدر ؛ ایکسی دہ آفریقایدر . اخوت بشریہ قاعدہ سی بالفعل جاری اولور . مہتدی ایچون اهدا ، ہیچ دہ عائله سندن و حیات اجتماعیہ سندن و کندی رؤسای طبیعیہ سی حقندہ کی حرمتندن تباعدی متضمن دکلدر . زنجی مسلمانک - و حقیقتدہ غربی آفریقالی مسلمانک - جسارت ووقارینک اجرا ایلدیکی تأییدن کیمسہ آزادہ قالہ ماز ؛ آنک بوتون طور ی ، حقوق و طنداشی یہ مالکیتندن و عرق افتخارندن آگاہ اولدیغنی - یعنی سن و بن آری یز و فقط ایکیمزده افراد بشر دتزد دیمک ایستدیکنی - کوسترر .

[۱] اقطار عالمک نیجہ لرلہ مناسبات تجاریہ دہ بولنسندن طولای مختلف اجناس افرادی حاوی اولان لیوہ رپول شہرندہ چند سنہ مقدم سیاہلر و بیاضلر آره سنده خیلی مضاربه و مجارحہ وقوعہ کلشدی . بو بابدہ تظلم ایچون تا عیس غزتہ سنہ مکتوب یازان بر زنجی محرری آفریقادہ ساکن اولان آوروپالیرک حسابسز زنجی قاریلرینی ازالہ شہوتہ واسطہ یاپہرق خرابیلرینہ سبب اولدقلرینی و لا اقل آلتی یوز بیک اولاد زنا بر اقدقلرینی سوزشلی صورتدہ حکایہ ایلدی . آکلاشلیدیفنہ کورہ مدیت غربیہ پیشدارلرندن بر چوقلرنجہ جائز اولیان شی زنجیہ ایلہ اجرای زنا ایتک دکل آنجق عقد ازدواج ایلکدر . مترجم



اسلامیتک الیوم (یحریا) ده شاهد اولدیغمز انتشاری۔ صورت جریانی اعتباریله۔ اجتماعی بر شکلده در۔ بودین ، تماس ایتدیکی کیمسه لره بر وضعیت تعالی ویرر ؛ انسانک اطرافنده کی کائاتده کندی موقعی داهایوکسک صورتده ادراک ایتسی بیک دورلو اعتقادات باطله دن متولد قورقولرک نجه سندن کنیدیسی تخلص ایلر . [۱]

مسلمان عنعانه کوره حضرت موسی سیاه بر آدم ایدی . نته کیم آتی ده کی آیت کریمه لردن استدراک ایدیور :

واضم یدک الی جناجک تخرج بیضاء من غیر سوء آیه آخری .  
(سورة طه)

وزرع یده فاذا هی بیضاء للناظرین ، قال الملاء من قوم فرعون ان هذا لساحر علم .

(سورة الاعراف)

ایمدی اهتدا ایتس بر زنجی مؤمنلرک دائرة اخوتلرنده دیکرلرینه مساوی بر موقع طوتار؛ آنک نه رنکی ، نه عرقی ، نه ده ماضی ایله مناسباتی راه استقبلنده بر مانعه تشکیل ایدر . لاجرم ، بولدقلری حسن قبولدرکه مجوسی زنجیلرینی بر جماعت مذهبییه دخول ایچون هوسکار ایدر و او جماعتک یوکسک اولان مدینتی ایسه آنلرک اسکی باربار عادت و اخلاقلرینک ترکیفی موجب اولور . عین زمانده مادامکه اسلامی قبول ایتک مدینتده بر ترقی دیمکدر و بر زنجی قبیله سنک فکری ، اخلاقی و مادی ترقیلرنده قطعی بر خطوه در ، ایشته بو حقیقت دین اسلامک موفقیتینی ایضاحه خیلیدن خیلیه مدار اولور . اسلامیت جهه سنده تحشد ایدن قوت او قدر قاهر ، او قدر متفوقدرکه باربارلق ، جهالت و اعتقادات باطله آنک قارشوسنده اوزون مدت طوره بیلیمک ایچون پک آفرسته مالکدرلر . مسلمان آفریقاسی مدینتک زنجی مهتدییه نه افهام ایلدیکی سطور آتیله پک کوزل توضیح اولمشدر :

« بر زمانلر بوتون آفریقادہ والیوم آنک بعض جهتلرنده و حتی آتون

[۱] انگلیز محررین سیاسی سندن (مورهل) ک Nigeria, its People And

Problems عنوانیله یحریا مسائلی حقنده کی اثرندن .

ساحل دینیلن حوالیدن اوزاق بولنیمان و مستملکه مز داخلنده اولان یرلرده بیله جاری اولدیغنه اینانمق ایچون اسباب کافیه بولنان پک شنع فالقنر - (یعنی یام یاملق ، انسان قربان ایتمک ، جانلی جانلی چوجقنر دفن ایتمک) - سرعتنه زائل اولمقده و ابدی صورتده زوال بولمقده در . شیمدی به قدر یا تماماً و یا تام دینه جک قدر چپلاق کزن یرلیر آرتق تلبسه - همده بیجملی اوله رق تلبسه - باشلادیلر . اولجه هیچ ییقانیمان یرلیر شیمدی تغسله - همده صیقی صیقی تغسله - اهتمام ایدیورلر ؛ چونکه شرع شریفده وضوء و غسل امر ایدیور ؛ اولیه بر امرکه میلان طبعینک پکده تضحیقی موجب اولماز . عشرت شکنک یرنی ، اساسی داها واسع اولان باشقه برشی طوتار . تعیردیگرله قیلهر ، ملتله حاله کیرمک اوزره آفاق ایدرلر ؛ ملتله غیرت و کیاست متزایده ایله ایمراطورلقنر شکلنه کیررلر . سودانک و ممالک متجاوره سنک کچن یوز سنه لک تاریخندن بو باده بر چوق مثاللر کتوریله بیلور . اکر روح جنکجویانه بو وجهله تفویه ایدلمش اولورسه هر حالده حربک نبعان ایلدیکی مرکزله عددآ آز و بر بزدن متفرق بولنمش اولور ؛ محاربه تشکیلاتی داها انی یاپیلور و محاربه وقوعنک اوکنه - بر صورت تسویه تختنده - کچیله بیلور ؛ محادلات دخی بهوده یرد احداث ایدلمز ؛ بلا تفریق یغما کرلک آز وقوع بولور ؛ جان و مال امنیتی ده داها بو یوک بولنور ؛ ابتدائی مکتبلر پیدا اولور و حتی بونلرک یالکزر قرآن کریم تلاوتی تعلیمه منحصر اولدیغی فرض ایدلسه بیله هر حالده بر قیمتلی و ازدر و داها زیاده توسیع تعلیم ایچون بر قدمه آتلمش دیمکدر . کوزل یاپلمش و پاک طوتلمش مسجد - کونده بش دفعه عبادته دعوتی ، مکبه متوجه محرابی ، امامی ، صلاة جمعه سی ایله - مجوسی اعتقاد باطل و منفورینک معبدینه بدل کویک مرکزی حاله کلور . قادر مطلق ، هر یرده حاضر ، اعلم ، ارحم اولان و شریکی بولنیمان حق تعالی به عبادت ایتمک یرلینک - اهتدا وقتنه قدر - تعبدی بیلدیکی برشی ایله اولجیله - میه جک درجه ده بو یوک برترقیدر . مسلمان کتب دینه سنک بر معتاد محرر بولندیغی عربجه ، فوق العاده وسعتلی و کوزل برلساندر ؛ او بر کره تعلیم ایدیلنجه آرتق آفریقا قطعه سنک نصفنده بین القبائل برلسان مشترک حالی الور و ادبیاته بر مدخل اولور ؛

داها طوغریسی کنیدیسی ادبیاتدر . اعمالات و معاملات تجاریه تحصیله باشلار ؛  
 اویله اعمالات که خیلی مهارت صنعتشناسی بی مقتضیدر و اویله بر تجارت که اهتمام  
 و أمکله تشکیل ایدلمشدر . بوتجارت ایله صنعتک و اسلامیتک دأما پیشنده کتوردیکی  
 ثابت بر حکومتک نفوذلری آلتنده اوله رق زنجیلر ممالکنده بویوک قصبه لر وجوده  
 کلشدر . بالنسبه بر سعادت اولان بوحالک سبب یکانه سی دین اولدیغنی ادعادن پک  
 اوزاق بولنورم و یالکز شونی دیمک ایسترم که دین آنکه توافق ایدر و آنی تشجیع  
 ایلر . شرائط اقلیمیه و سائر نفوذ متنوعه دخی نتیجه یه طوغری وصوله مشترکاً  
 خادم اولورلر . آراق مجوسی آفریقانک بوکا نسبتله حکمی نه در که ؛ اشخاصده کی  
 تحوله کلنجه : هر جهتن اعتراف و قوعی کورلدیکی اوزره اسلامیت - اهتدا ایدن  
 زنجیلره - اویله بر غیرت ، اویله بروقار ، اویله بر اعتماد نفس بخش ایدر که بونلر آنلرک  
 مجوسی قالان و یاخرستانلغی قبول ایدن و طنداشرنده اندر اوله رق کوریلور ، [۱]  
 بالاده کی سطرلر آفریقانک قسم کلیسنگ هنوز انکلتره ، فرانسه و آلمانیا کی  
 آوروپانک خرستان حکومتلری بپنده تقسیمدن اول یازلمشدی ؛ فقط وقوعه  
 کلن تقسیمه رغماً مدنیت اسلامیه نك ماهیت غالبه سی زنجیلرک افکاری اوزرنده  
 اجرای تأییردن و - اباطیلپرست آفریقایلرک تبدیل دیانت ایلترینه الویریشلی نفوذدن  
 بری صفتیله - اجرای فعالیتدن کبری قلامشدر . بوزنجیلر آوروپا حرث عرفانیسیله  
 بردن ره تماسه کلنجه طریق مدنیتده یورومک ایچون برسوق درونی حس ایشلر  
 ولکن کنیدیلریله آوروپالی حاکم لری آیران کورفر اوزرنده بر کورری یاپه مدقلرندن  
 اسلامیتده کنندی احتیاجلرینه موافق ، آمال و حاجات عرفیه لرینی تفهمه قادر  
 بر حرث بولمشلردر [۲] بناء علیه آوروپالی حاکمیتک وضع و توسعی شیمدی یه قدر  
 مسلمان پروپاغاندا جیلرینک فعالیتلرینه مانعه تشکیل اتمک شویله طورسون اسلامک  
 انتشارینه شایان حیرت بر صورتده میدان ویرمشدر .

اولجه محاربات احماشیه ایله ویا اسیر آوجیلرینک آقینلریله تضیق وازعاج

[۱] بوس ودرت - ایسمیت نام انکلیز محررینک اون طوقوزنجی عصر عنوانی مشهور

جموعه موقوتیه یازدیغنی بر مقاله دن مستخرج .

[۲] فرانسز مؤلفی شآتولیه نك L'Islam Dans L'Afrique Occidentale

عنوانیله آفریقای غربیده کی اسلامیه دائر کتاندن .

ایدلش اولان مملکتلره سکونت کلمی ، اصول منتظمه یه مالک حکومت و اداره لر  
تأسس ایلمی ، یوللر ودمیریوللر انشاسیله و سائط سهیله مناقلاتک ازدیادی هپ  
تجارتک رواجی مشوق بولمیش و فعال مسلمان پروپاغاندا جیلرینه یعنی مسلمان  
تاجرلرینه جهات مختلفه یی داها زیاده امنیتله زیارت امرده و اولجه آباق باصیله میان  
وحشی محللره قدر نفوذلرینی ایصال خصوصنده خادم اولمشدر . بوندن ماعدا  
آوروپالی آمرلر طرفلرندن اسیر تجارتک الغاسی آفریقانک مجوسی قسمنده  
انتشار اسلامک اک بویوک مانعلرندن برینک زوالنی انتاج ایتمشدر . مجوسیلرک  
اخوت اسلامیه دائره سنه کیرملریله اسیر قاپیله جق یرلرک طارلاشمی عرب  
وسائر اسیرجیلرک منفعتلرینه مغایر دوشیوردی . اسیر تجارتک منعندن مقدمکی  
زمانلرده مساعی مبشرینک یتیشمه مش اولدنی یرلرده آرتق مجوسی قبیله لرندن  
مهتدی قازانلغه باشلانمشدر . آز چوق تحصیل کورنلر یالکز مسلمانلر آره سنده  
بولنه کلدیکندن آروپا مستملکاتی حکومتلری کندی اداره لرینک مقامات  
تالیه سنه مسلمان مأمورلر تعیین ایتمکله بونتیجه نک تحصیل یاردمده بولمشلردر .  
بوتون مجوسی خلقی حاوی اولان حوالیده کی مأموریتلرده و حکومت افرنجیه نک  
آچدیردینی مکتبلرک خواجه لقزنده و قوای عسکریده مسلمانلر استخدام  
ایدلشدر . بوسیلرله آفریقا مجوسیلری نظرنده اسلامک شرفی آرمشدر .  
مسلمانلر ایسه بو حالاتی دینلرینک منافعه یارار صورتده استعمالده کیچ  
طاوراناماشلردر .



## اون ايكنجى فصل

### مالهيا جزاير مجتمعه سنده انتشار اسلاميت

مالهيا جزاير مجتمعه سنك كچن آلتى يوز سنه لك تاريخى - اسلاميتك مبشرلك وساطتيله انتشارى حكايه سنده - بزه بغايت شايان دقت بر فصل عرض ايلر . بوتون بو مدت ايجنده - هند شرقى آطه لرى تسميه اولنان بو جزاير مجتمعه نك شو ويا بو جهتلرنده - مسلمان مبشرلرينك متمادى صورته ابراز فعاليت ايتمش اولدق لرينك براهينى كوريرز . مبادى ده بو مبشرلك هر وقعه اهتدا صره سنده كى فعاليتلى او مملكتلك امرا و رؤسالى جانبلردن بر حمايه ويا معاونت كوررك دكل آنجق صرف قوه اقناعيه ايله و بر نيجه احوالده - خاصه اسپانيوللر طرفندن - ارايه اولنان شدت مخالفت قارشوسنده اجرا ايدلمشيدى ؛ فقط بو مبشرلك كافه مشكلاته رغما اثرليني يورولمق بيلمز بر جهد ايله و موفقيات متفاوته استحصال ايدرك اجرا ايله كمشلر و امور ارشاديه لرينى - يارم وغير كافي كورينن يرلرده - اكلال ايتلمش لردى . اسلاميتك مالهيا جزاير مجتمعه سنه ويا هند شرقى آطه لرينه ايلك تاريخ دخولنى تعيين ايتك محالدر . هجرتك قرون اوليه سنده عربلر طرفندن اورالره كوتورلمش بولمى و بو ايصالك - او بابه اجرا ايدلمش اولان نفوذ حقدنه معلومات تاريخيه آلفه باشلا ديمز زماندن داها چوق اول - وقوعه كمش اولمى محتملدر . حتى ميلاددن ايكي يوز سنه قدر مقدم بيله سرنديب آطه سنك خارجه اولان تجارتي تماميله عربلرك اللرنده ايدى . يدنجى قرن ميلادى بدايتنده چينك سرنديب آطه سى طريقيله اجرا ايديلن معاملات تجاريه سنه بويوك برواج كمشيدى . بوسيدن طولايى سكرنجى قرنك اواسطنده چينك قانتون شهرنده

پک چوق عرب تاجر لری بولمقده ای دیلر . دیکر طرفدن دخی طوقوزنجی قرن دن اون بشنجی یه قدر یعنی پورتکیزلرک اورالرده ظهوری تاریخلرینه دکن عربلر شرق ایله ای دیلن تجارتک رقیسز اهلی ای دیلر [ ۱ ] بناءً علیہ شوراسنی کافی درجه ده قطعیتله تخمین ایده بیلورز که عربلر باشقه یرلرده اولدینی کبی مالہ یا جزایر مجتمعه سنک بعض آطه لرندہ دخی پک اسکی زمانلرده مراکز تجاریه تأسیس ای دیلر . واقعا طوقوزنجی قرن میلادین اول کلن عرب جغرافیوننک آثارندہ بو آطه لر حقدہ برشی ذکر ای دلمه مشدر ؛ بونکله برابر ۶۷۷ سنہ میلادیه سنه مصادف دوشن چین سالنامه وقایعندہ بر عرب رئیسندن بحث ای دلمشدر که بونک صوماطرا آطه سی ساحل غریبسندہ توطن ایتمش اولان بر عرب قافلہ سنک رئیس بولمش اولسی قیودات متاخره دن استدلال ای دلمشدر [ ۲ ]

مع مافیہ آطه لیلر طرفدن متحد اولان عقائد اسلامیه نک اشکال مخصوصه نظر ای دلد کده ، بو جزایر مجتمعه یه جنوبی هندستاندن دخی مبشر لر کلش اولدیغه حکم ای دیله بیلور . جزایر مجتمعه مسلمانلرینک اکثریسی شافعی المذهبدر لر و بومذہبه ایسه هندستانک (قوروماندل) و (مالابار) ساحلاری سکنه اسلامیه سنک قسم کلیسی - اون دوردننجی قرن ده ابن بطوطه نک اورالرده سیاحت ایتدیکی زمانده اولدینی کبی - ایوم دخی سالکدر . بناءً علیہ ممالک متجاوره مسلمانلرینک حنفی المذهب اولدقلرینی نظر مطالعه یه آلورسه ق مذهب شافعی نک اورایه مالابار ساحلی طرفندن کتورلمش اولسنه حکم ایده بیلورز . مالابار ساحلی لیمانلرینک دخی یمن ، ایران و چین کبی جاوا و صوماطرا تاجر لری طرفندن صیق صیق زیارت ای دلدیکی ایسه معلومدر . ایوم جاوا و صوماطرا ده آثار باقیه سی موجود اولان تیعه مذہبنک دخی مالاباردن ویا مالابار طریقہ ایراندن کتورلمش اولسی ده محتملدر . ابن بطوطه نک بیاناته نظراً ( سامودرا ) شهرینک مسلمان حاکمی دهلی ده کی مغول سرای ای مپراطوریسی ایله مناسبات دوستانه یه کیریشمش ای دی ؛

[ ۱ ] نیمان نام مؤلفک Notes on the Malay Archipelago عنوانی اثرندن .

[ ۲ ] غرون و هلند نام هولاندالی مؤلفک Inleiding Tot de Kennis Van den Islam عنوانیله مالہ یا آطه لری حقدہ کی اثرندن .

و بوديندار وزاهد سلطانك معيتمده كي علما آره سنده بري شيرازدن و ديكرى اصفهان دن كله ايبي ايراني واردى . لکن اوتاربخدن خيلى زمان مقدم هندستانك مسلمان خطه لرى ايله مالهيا جزاير مجتمعه سى آره سنده كي معاملات تجاريه نك واسطه سى بولنان دقكان حوالى هنديه سى تاجر لرى مذکور آطه لرك ليانلرنده تجارت اولرى تأسيس ايتمشلر و بونلر دخى اورالرده اسلاميتك تخم انتشاريني اكمشلردى . [۱]

اسلاميتك بو طرفلره متعلق اك اسى قیودات تاريخيه سنده ذكريني كورديكمز « برلى مسلمانلرينك اهتدالرى » عرب و هندلى تاجر لرك سعي لرندن ايلرى كمشدر . بو تاجر لر مراکز تجاريه ده توطن ايتمشلر و بولندقلرى برلرك قادينلريه اولند . كلرندن كرك بو قادينلر و كرك عائله لرى طرفلرندن استخدام ايديلن اسرانيك اوزرينه جماعت اسلاميه نك اساسى تشكيل اولمش و بو جماعتك منسوبلرى قدرتلرينك كفايتى درجه سنده عنصر اسلامى تزئيد چالشمشلردى . فيليين آطه لرنده كي تاجر مبشر لر طرفلرندن اتخاذ ايديلن اصولك آتده كي تعريفى - شه سز ادوار متقدمه ده بك چوق مسلمان ارباب كسب و كارينك معتادى بولنان مساعى اهتدائيه حقه ده - برلوجه تشكيل ايدر :

« مسلمانلر مملكته ( فيليين آطه لرينه ) دينلرينى ايجه يرلشدير مكن مقصديه يرليرك لسانى او كرنديلر ، عادتلرينى آلديلر ، قادينلريه عقد ازدواج ايتديلر و اهميت شخصيه لرينى تزئيد ايچون اسير لر صاتون آلديلر و عاقبت مملكتك اك يوكسك مراتبنده بولنان رؤسا آره سنه قارشمغه موفق اولديلر . يرليردن زياده بر اقتدار و آهنگ ايله چالشمغى بيلدكارلرندن كسب ايتمش اولدقلرى قوتى ندرىچا آرتيرديلر . نزلرنده بر چوق اسير بولنديردقلرندن آرتق جمله سنندن مركب اولمق اوزره عادتاً جاهير متحده وجوده كلدى . واقعا بو حكومت متحده كندى كنديسنه بر قدرت عظيمه بخش ايلدى ايسه ده بونلر ينه مملكتك اسى اصيلاذكاني ايله حسن مناسباتده بولمق و معاوتلرندن صرف نظر ايدى .

[۱] ايشنوق - هورغونيه نام هولاندالى مستشرقك هند شرقى آطه لرنده كي اسلاميه دائر اثر نندن .

مدكلى صونف خادمه نك حريتلىرى تامين ايتك لزومنى حس ايلدiler . « [۱] ايشته بوكا مشابه طريقرله اولمق كركدر كه ماله يا جزاير مجتمعه سنده متوطن مختلف مسلمان حزبلىرى مساعى تبشيره لرنده تامين موفقيت اچون قوى صورتنده اجتماعى وسياسى اساسلر وضع ايلشردى . بونلر اوملكته فاتح صقيله كيمه مشلر و قلىجى واسطه اهدا اولمق اوزره قوللانما مشلردى . اهالى اصليه يى تدليل و تضيق صدندنه برملت غالبه نك حائر اوله بيله جكي امتيازاتى كنديلرينه مال ايدمك دخى ايستمه مشلردى . اهل تجارث شكنده اورايه كيدرك مالك اولدقلىرى ذكاوت و مدنيت متوفقه يى اعتلاى شخص و يا ادخار ثروتدن زياده دينلرينك ترويجى مقصديه قوللانما مشلردى [۲] بونلر ظرفدن اتخاذايدلمش اولان وسائط التزاميه نك بووجهله عمومى صورتنده سردندن صوكره مختلف آطه لرنده كى مساعى اهدا ائيه نك صره سيله تفصيلاتى تعقيب ايدلم :

عنعات متداوله ، اسلاميتك صوماطرا آطه سنه عربستاندن كلديكنى بيلديرر ؛ فقط بويله برزهابك صحتنى تايد ايدمك بر اساس تاريخى بولنمىوب بر اهين موجوده نك كافه سى ده صوماطرا خلقنك يكي دين حقنده كى معلوماتى هند منابعدن آلمش اولدقلىرى اثبات ايدر . هندستان ايله بو جزاير مجتمعه آره سنده كى مناسبات تجاريه عصر لردن برى حال فعاليتده ايدى . صوماطرا يه كيدن ايلك مسلمان مبشرلرينك هندلى تجاردين بولنمش اولملىرى محتملدر ؛ فقط بونلرك مساعيسى حقنده قيود تاريخيه بولنمىوب ماله يايه دائر اولان سجلات ، صوماطرانك شمال غريب سنده كاآن ( آتجه ) نام محله كى ايلك مسلمان تبشيرينك شرفى عبدالله عارف اسمنده برعربه عطف ايدر . بوذات اون ايكنجى قرن ميلادى اواسطنده مذكور آطه يى زيارت ايتمشدى . بونك مرديدلرندن برهان الدين نام ذات غرب ساحلنده كاآن ( پريامان ) نام محله قدر كيدرك اسلاميت حقنده

[۱] زهمپه نام آلمان محررينك Die Phillipinen Und Ihrer Bewohnen عنوانيله فيليپين آطه لرى و خلقى حقنده كى كتابندن .

[۲] اسكى انگليز محررلرندن ( قروفورد ) نام ذاتك History of the Indian Archipelago عنوانى جزاير مجتمعه هنديه تاريخندن



ايصال وقوف ايلمشدر. [۱] بوقیودات شایان اعتماد کورو نمه مکله برابر اوصرد لرده بعض مرتبه فعالیت تبشیریه وقوع بولسنه دلالت ایتسه کر کدر. آتجه ننگ برلی خلقنک کنندی قیودات تاریخیه سی ۱۲۰۵ (۶۰۲ هـ) سنه سنی - مسلمان خاندانلنگک عنعنوی مؤسسی اولان - جهان شاه نام ذاتک زمان جلوسی بولنلق اوزره ذکر ایلر. بو ذاتک موعظه اسلامیه تبلیغی ایچون غرب طرفندن کلش اولدینی روایت ایدیلور؛ غرب طرفندن مقصد دخی عربستان ویا ایران اولق ممکن ایسه ده آنک هندستانده کائن مالابار مملکتی ساحلندن کلش اولسی داها محتملدر. یریلردن برقادین تزوج ایلیدی، برچوق اشخاصی اسلامه سوق ایتدیکی ویاری عربجه، یاری سانسقریت لسانده برسوز اولان (سری پادوقا سلطان) عنوانی آلتنده بر حکمدار صفتیه اهالی طرفندن آلقیشلان دینی روایت ایدلمشدر. اغلب احتمال یکی دین بر خیلی زمان مسلمان تاجر لرینک بولندقلری و اوغرادقلری لیمانلره انحصار ایتش وداخلده کی خطوات انتشاریه سی پک آهسته کیتمش اولسه کر کدر؛ زیراداخلده (مه نافع قابو) قرالیتنک مرکزنده هندو مذهبی نفوذینک مقاومت قویه سنه مصادف اولمشدی.

۱۲۹۲ (۶۹۲ هـ) سنه سنده صوماظرانک شمال ساحلنده بش آی او طور مش اولان سیاح شمیر (مارقوپولو) شمال شرقیده کائن (پارلاک) نام اوافق برقرالیت متشا اولق اوزره اهالینک کافه بتپرست بولندیغی و بوقرالیتده دخی یالکز شهر خلقنک مسلمان دیننده اولدقلرینی یازدیغی صره ده « چونکه معلوم اولق لازم کله جکی اوزره بوقرالیت، مسلمان تاجر لری طرفلرندن صیق صیق زیارت ایدیلور؛ بونلر یریلری محمدیلکه سوق ایتمشلردر؛ لکن طاغلق یرلرده ساکن اولان خلق بتپرست و مردمخواردرلر. » دیمشدر. دیگر بریری سجل تاریخینسه کوره ۱۵۰۷ و ۱۵۲۲ (۹۱۳ هـ و ۹۲۹) سنه لری آره سنده آتجه ده حکم سورن (سلطان علی مغایت شاه) اسلامیتی قبول ایدن ایلك حکمدار اولوب تبعه سی آنک اهداسنه امتالده بولنمشلردی. مع مافیہ دولتک ایلك مسلمان رئیس بولنلق

[۱] دو هولندهر نام فلمنک بحرینک مالهیا جزايرنده کی هولاندا اداره سنه متعلق

شرفك آنچهك شوكت و عظمتك مؤسسی اولان و آنك حدود و ممالكنی توسیع ایدن بو حکمداره - محضا علاوه شان قیلندن اوله رق - عطف ایدلمش اولسی ده غیر محتمل دکلدیر . تبعه سنه مذهب محمدی حقه ده اعطای وقوف ایتمسی دکل بلکه آنلر آره سنده حیات دینه شوقی او یاندیرمش اولسی دها محتملدیر ؛ چونکه اسلامیت صوماطرا آطه سنده کندی زمانندن خیلی مقدم یرلشمشیدی . (سما درا) شهرنده دوران ایدن عنعنا دن بریسنه نظراً مکه شریفی ، صوما ترا آطه سنک خلقنی اسلامه دعوت ایچون شیخ اسماعیل اسمنده برذاتک ریاستی آلتنده بر هیئت ارشادیه کوندرمشدی . جزیره یه وصولده هیئت ارکاننک ایلك چیق دقلری یر ، غرب ساحلنده کائن ( پاسوری ) نام قصبه درکه بورانک اها لیبسی آنلر طرفندن ایدیلن وعظ ونصیحتر ایله اسلامه کیشلردی . اورادن حرکتله آطه نك، دیگر طرفنه کچمشلر ویلکنلرینک استقامتنی مالاقلنک قارشوسنده کائن ( آرو ) جهتنه چویرمشلر و بوراده کی یرلرده دخی موفقیت ممائله ایله اسلامیتی نشر ایتمشلردی . ( آرو ) ده بولندقلری صروده ( سما درا ) شهرینک هانکی طرفده بولندیغنی صورمشلر و حال بوکه آطه نك شمالنده کائن اولان بوشهری کچوب کیریده بر اقدقلرینی او کرمشلردی . سما درایه او غرامق مقاصد اولیه سیاحتلرندن بولندیغنی ایچون دونوب اورایه کیتدی لر . ایمدی یوللری اوزرنده بولنان و آندن چند سنه مقدم مارقوپولو طرفندن مسلمان اوله رق کوریلن ( پارلاک ) شهرینه او غرادیلر و اوراده دخی بر چوق یکی مهتدی قاراندقدن صوکره سما درایه واصل اولدی لر . کرک بوشهر کرک ینه اونامله مسمی اولان دولت اوتاریغندن آز بر زمان اول ( ماراسیلو ) اسمنده بر کیمسه طرفندن تأسیس ایدلمشدی که بو ذاتی شیخ اسماعیل اسلامه کتورمش و آکا عبدالملک صالح نام نام اسلامیسنی و یرمشدی . عبدالملک صالح ( پارلاک ) قرالنک قیزیله ازدواج ایتمش و آندن اولان ایکی اوغلندن هربری ایچون بر ریالت مستقله تشکیلی مقصدیه ینه شمال ساحلنده کائن ( په دهی ) شهر و دولت اسلامیه سنی تأسیس ایلمشدی .

ابن بطوطه نك ۱۳۴۵ ( ۷۴۶ هـ ) سنه سنده بو آطه نی زیارت ایتدیگی صروده سما دراده حکمران اولان الملك الظاهرک بو ایکی قارداش دن بو یوکی بولنمش اولسی

محملمدر . بواير بر مسلمان سلطنتك بوتون دبده ليرني احيا ايتمش و ملكني ساحل بونجه كونلرجه سورن مسافر لره قدر توسيع ايلشيدى . بك صيقى برزاهد ايدى وفقه و عقائد علماسيله مباحثانده بولمغنى يك سوردى . سراينده علما ، ادبا ، شعرا كهي ارباب عرفان ا كسيك اولمازدى . ابن بطوطه ايراندن اورايه كيدن ايكي فقيهك و دهلى دهكى پادشاه زرينه كوندريلن اصيلزاده نك اسمليرني قيد ايدر . بوندن آكلاشيدلغى اوزره صوماطرا جزيره سى اوزمانلر عالم اسلامك برخيلي جهاتيله مناسبانده بولمقده ايدى . عبدالملك ظاهر ابي بر قوماندان ايدى مملكتي اطرافنده بولان طوائف مجوسيه اوزرينه حربلر آچهرق آنلرى تسليم اولمغه و حراج و يرمكه مجبور ايلدى .

ايسته بويهجه اسلاميتك صوماطرا جزيره سنده بويوك ترقياته مظهر اولمش بولنديغنده شبهه يوقدر . بو دين سوا حلالده قويآ تأسس ايلد كدن صوكره داخله طوغرى طريق نفوذ بولمغه باشلادى . شيخ اسماعيل هيئت ارشاديه سى فعاليتك نمره سى بولجه بولدى . صوماطرا جزيره سنى ۱۴۱۳ ( ۸۱۶ ھ ) سنه سنده زيارت ايتمش اولان چينلى برسايح ( لامبرى ) شهرنده كافه سى ده مسلمان اولمق اوزره بيك عالمه بولنديغندن و بونلر ك بك ابي بر خلق اولديغندن و ( آرو ) حاكميتي اهاليسنگ ده عيني ديني قبول ايلدكلرندن بحث ايتمشدر . حدود ممالكي آطه نك بر طرفندن او بر طرفنه قدر امتدار ايدن ( مه نافع قابو ) قرالتي داخلنده دخي دين اسلام اون بشنجي قرن ظرفنده سالكلر بولمغه باشلامشدى . واقعا او دور لرده بو قرالتيك قدرتي زواله يوزطومتش ايدى ؛ فقط هندو مذهبك اسكي بر تخصصكاهي بولمغندن طولاني بيكي دينك راه توسعنده خيلي مانع لر ظهور ايدى بوردى . بوكا رغماً اسلاميت ، مذكور قراليت داخلنده آطه نك ا كتر حواليسندن زياده كوك صانغه باشلامشدى . [ ۱ ] شايان حيرت مواددن اولديغى اوزره آطه نك اك مركزي بريرى اولان بوملكت اهالسى اجنبى نفوذنيك خلولنه داها مستعد اولان ديكر بونجه حوالى خالقندن زياده بر شوق ايله بيكي مذهبي قبول ايلدى .

[ ۱ ] مارسدهن نام انكليز محررينك History of Sumatra عنواني صوماطرا

جزيره سى تاريخندن .

(باتاک) مملکتک اھالیسی اکثریت اوزره شمعی یه قدر مجوسی قلمشدی . مع هذا دین اسلام اوراده دخی زمین قازانمشدر . باتاکلرک (آتجه) مملکتی حدودی جوارنده ساکن اولانتری مسلمان قومشوری طرفلرندن اھتدایه سوق ابدلش و خط استوا اوسته دوشن (رو) مملکت جبالیه سی اھالیسی دخی اسلامه کلشدی . کذلک شرق سواحلنده متمکن اولان باتاکلر مالاقاشبه جزیره سی اھالیسیله یقیناً تماسده بولنه کلدکلرندن بونلر آره سنده اھتدا وقعه لری نادراً کورلمه مشدر .

متعصب (پدری) طائفه سی اسلامیتی قلیج قوتیله باتاک خلقه قبول ایتدیرمک ایچون کرات ایله اجبار تشبثنده بولنش ایدی ؛ فقط او یولده کی مساعیسی مشر اوله مدی و یالکز باتاکلرک مملکتی ایچون خیلی تخریباتی تولید ایلدی . مع مافیہ هولاندا حکومتی اورالری تحت اداره سنه آلدقن صوکره پدریلرک قیاملرینی باصدیردی و مملکتلرینی باتاک حوالیسنک جنوب طرفه الحاق ایتدیردی . ایشته آندن برمدت صوکره اسلامیت - وسائط لینه و سالمه ایله - تدریجاً انتشار ایدر اولدی ؛ بوده باشلیجه هولاندا حکومتک یرلی مسلمانلردن تعیین ایتدیکی کوچوک مأمورلرک دلائلرله وقعه کلدی و بونلرک فعالیت اھتدائیہ لرینه بالاخره حاجیلر و معروف خواجهلر طرفندن امثال ایدلدی . شایان دقت مواددندرک باتاک خلقی ایکی متعصب مسلمان طائفه سی آره سنده - یعنی شمالده آجینلر و جنوبده مالاقالیلر بینده - قالدقلری و اسلامیتک کندی ایچلرینه کیرمه سی ایچون عصرلرجه متمرذانه اوغراشدقلری حالده ارمه اخیرده وسائط لینه ایله وقعه کن تکلیف اھتدایی هوسله قبول ایلشدر . بوتحولک ایضاحی مملکتلرینک هولاندا عسکری طرفندن اشغال اولنمی سببیله اوصاف ملیہ لرینک وقوع تزلزلده و استیلانک مملکتی نفوذ اجانبہ آچمندن طولایی بین الناس انکشافات ذهنیه حصولده و دین اسلام مبشرلرینک بو حاللردن بالاستفاده تبلیغلرینی باتاک افرادینک ذھنیت جدیدہ سنہ ماھرانہ صورتده تطبیقلرنده بولندیکی کورلمشدر [۱] . باتاک طائفه سی آره سنده ۱۸۹۷ سنہ سی تأسیس ایدیلن خرستیان

[۱] آلمان میسیونہرلکی مجموعہ سنده سیمون نام محررک Die Propaganda des

Halbmonds عنوانیله هلال اسلامیت پروپاگاندا سی مقاله سنندن .



ميسيونه رلكرى مناسبتيه مسلمان پروباغاندا جيلرى خيلى متهيج اولمشلردى .  
 بوميسيونه رلكرك احداثى عادتاً مذكور پروباغاندا اربانك غيرت رقيانه سنى  
 اويانديرمش وموفقيته زمين حاضر لامشدى . خرستيان ميسيونه لرلى معرفت ليله  
 واقفيز ايدلمش ايكي باتاك كوينك آز بر مدت صوكره اسلامه كلديكي ذكر  
 ايديلور .

وسطى صوماطرا ده اهاينك اكثريسى مسلماندر ؛ يالكز بر قسم قىلى  
 هنوز مجوسى بولمقده در ؛ لكن بعض حاجيلر ومللر استنا ايديلور سه بومسلمان  
 اهالى صوك درجه ده بر جهالت ايچنده بولمقده ودينلرينك ماهيته كسب وقوف  
 ايدمه مكده درلر وحتى ( قورينتجى ) دينلن وعلى الاكثر دينلرينه مربوطيتمده  
 بويوك بر شوق كوسترن مسلمانلر حالا بتپرست جدلرينك آهليلرينى ده تقديس  
 ايتكمده درلر . مع مافيه بونلر آره سنده اصلاح ايمان ايچون چالشمقده در .  
 مسلمان مرشدلرى غيرت لرينى داها ايلرى كوتوروب غرب سواحلنده بولنان  
 مجوسيلرك امر اهدالرينه ده تشميل ايتكمده درلر . ( سپيروق ) شهرى جامعده  
 امامت ومعلمك ايدن بر ذات ، ينه بونامله اولان حوالى ده كى اهاينك كافه سنى  
 يكرمى بش سنه لك مساعيسى نتيجه سيلاه اسلامه كتورمشدى . يكرمنجى قرنك  
 ايلك سنه لرى ظرفنده ينه بوحوالده وقوعه كلن حركات تبشيره سبيله - حتى  
 آوروپا ميسيونه لرلى مناطق نفوذنده ياشايان يرلى خرستيانلر آره سنده بيله -  
 برچوق كيمسه لر دين اسلامى قبول ايتمشلردر .

عنعات متداوله يه نظراً اسلاميت ( پاله مبانغ ) طرفلرينه فعاليت ارشاده سى  
 سبيله زيده ذكرى سبق ايدمده جك اولان ( رادن رحمت ) نام ذات طرفندن  
 ۱۴۴۰ ( ۸۴۴ هـ ) تاريخنده ادخال ايدلمشدى . آنجق بوحوالى ده هندو  
 مذهبك نفوذى قوياً مؤسس بولنديغندن اسلاميتك انتشارى ده بك ياواش برصورتده  
 وقوع بولدى ؛ حتى اون طوقوزنجى قرنه كلنجيه قدر ( پاله مبانغ ) اهاليسى  
 - عربلرله چوقجه تماسه كلن پاتخت خلقى مستنا اولمق اوزره - يالكز ظاهرأ  
 مسلمان طائمشلر فقط دينلرى حقنده كافى بروقوف ايدنمه مشلردى . مع مافيه  
 يكرمنجى قرنك ايلك اون سنه سى ظرفنده تيقظ دينى آتارى كورلمشدر ؛

نیتہ کیم هولاندا حکومتک مستملکات حقندہ کی راپورلری (پالہ مبانغ) حوالیسنت مختلف جہتلرنده کی مجوسی اہالی آرسندہ دواملی صورتدہ نشر اسلامیت وقوع بولدیفنہ دائر نظر دقتی جالب نقاطی شاملدرلر .

اسلامیت صوماطرا جزیرہسنت اقصای جنوبیسندہ کائن (لامبونغ) حوالیسنتہ رلی رؤساسندن (میناق کالہ بومی) نام ذات طرفندن - جاوا جزیرہسی طریقہ - ادخال ایدلمشدی . شویہ کہ : بورئیس اون بشنجی قرن صوکلرنده (ساندا) بوغازینی کچہرک جاوانک شرق ساحندہ بولنان واسلامیتک ادخالی تاریخندن یالکز برقاچ سنہ مقدم مسلمان مبشرلری دلائلریہ احکام اسلامیتہ قبول ایدن (باتمام) قرالیتی داخلہ کیتمشدی . اورادہ اهدا ایتدی و بعدہ برای حج مکہیہ متوجہاً اجرای سفر ایلدی . عودتندہ اتخاذا ایلمش اولدیغی یکی دین حقندہ کی معلوماتی وطنداشتری آرسندہ نشرہ قویولدی . بودیانت کیت کیدہ (لامبونغ) خلقی آرسندہ خیلی آرتدی و کویلرک اکثریسندہ مسجدر یابیلدی ؛ شوقدرکہ داخلک بعض یرلرنده اسکی عقائد باطلہیہ مربوط قالانلرہ ینہ تصادف ایدیلور .

اون طوقوزنجی قرنک بدایتندہ صوماطرا جزیرہسندہ برانتباہ دینی علائمی کورنمشدی کہ بودہ اسلامیت پروپاگانداستک داها ایلری کوتورلمسی خصوصندہ اجرای نفوذدن خالی قالمدی ؛ شویہ کہ : ۱۸۰۳ سنہسندہ مملکتلرینہ دون صوماطرا حجاجی آرسندہ اوچ کشتی واردی کہ بونلر ارض مقدسدہ بولندقلری زمان اسلامدہ اصلاحات اجرایی مقصدیلہ ظہور ایدن وہابی حرکاتندہ زیادہسیلہ علاقہ دار اولمشردی . مملکتلرینہ وصولرندہ وہابی احکام اصلاحاتی وطنداشتری آرسندہ تطبیق و آنلری داها سادہ و داها متقیانہ بر حیات دینہ اتخاذاینہ تشویق ایتمکہ باشلادیلر . بناء علیہ بونلر وهایلرک « وحدانیت محضہ ویا مطلقہ » اعتقادینی تعلیم ایلہ شرب مسکری ، قاری و احکام قرآنیہ مغایر دوشن سائر اعمال و افعالی منع ایتدیرمک ایتدیلر . بونلر یکی طریقته کرک دینداشتری و کرک مجوسیلر آرسندن طرفدار قازاندیلر . بعدہ باتاک طائفہسی علیہندہ جہاد دخی اعلان ایتدیلر . بو حرکت مذہبیہ - طول امل صاحبی - مفسدر

يڏنده وصف اصليسي غائب ايتديڪندن وحشيانه وخونريزانه برفوتوحات حربي  
شڪنه منقلب اولمشدي. عاقبت بوحرڪتڪ مروحي اولان (پدري) لرهولاندا  
حڪومتي قواي عسڪريه سيله چايشديلر. بومصادمه لره ۱۸۲۱ دن ۱۸۲۸ سنه سنه  
قدر تڪرر ايدوب ڪندي. نهايت هولاندا عساڪري آنلرڪ تحصنڪاهلريني  
ضبط ايتدي وقوه مقاومتلريني قيردي. [۱]

مالاقا شبه جزيره سنڪ متمدن خلقي اصليتلريني زمان قديمده صوماطرا  
جزيره سندن - وعلى الخصوص بوآپه نڪ بروقتلر اڪ قوي دولتي بولنديني  
روايت ايديلن بالاده مذڪور (منافع قابو) مملڪتندن - ڪلش اولان مهاجرينه  
نسبت ايدرلر. مالاقا شبه جزيره سي داخنده ڪي حڪومات صغيره دن بعضيرينڪ  
امراسي مراسم توجهه اجر اسنده حاله محل مذڪوردن ايديلن تنسب عنغوي يه  
عرض احتياج ايلرلر. بومستملڪه خلقنڪ صوماطرانڪ وسطندن هانڪي تاريخده  
قالقوب شبه جزيره مذڪوره يه ڪلش اولدقلري قطعيته معلوم دڪلدر. فقط  
سينغاپور شهري ايله شبه جزيره نڪ اقسام جنوبيسنه اون ايڪنجي قرن اواسطنده  
متوطنلر ڪلديڪي وبومهاجرلر لڪ احفادينڪ يوزسنه قدر برمدت صوڪره مالاقاي  
تأسيس ايتمش اولدقلري آڪلاشيور. [۲] مالاقا بلده سي شرقڪ شهراه تجارتي  
اوزرنده مالڪ اولديني وضعيت فائده دن طولايي آز زمانده بويوك ومعمور  
برشهر حاله ڪلشدر. بورايه اسلاميتڪ ادخالي حارجدن ڪلوبده توطن ايلن  
تجار اسلاميه طرفدن اجرا ايدلمش اولديغندن شبهه يوقدر. مالهيا سجلاٽنڪ  
مالاقا شهري حقنده ڪي قيوداتنه باقيلورسه بوراده تأسس ايدن قراليتڪ اهتداسي  
۱۲۷۶ (۶۷۵ هـ) سنه سنده تخته چيقان سلطان محمد شاه نام ذات دورنده وقوع

[۱] مؤلف محترم بوقبيل تفصيلاتي قسم هولاندا مستملڪاتي مسائله مشغول اولان  
هولاندا ايلرڪ آثار ومحرراتندن اقتباس ايتمش وفقط هولاندا مستملڪاتنجيلرينڪ سياستلرخي  
تفيددن اجتناب ايلشدر؛ چونڪه ڪنديسي ده لوندره نڪ هندستان دائره سي مأمورلرندن  
بولديغندن او باده ديپلوماسي ارڪاني وجهله احتياطه رعايت ايتمش ڪورينور. حقيقتده  
ايسه مدني هولاندا نڪ اسلحه جديده دن ڪليا مجرد اولان صوماطرا و جاوا اهالي اسلاميه سنه  
قارشو تطبيق ايتديڪي امپرياليزم سياسي سزاي تقبيحدر.

مترجم

[۲] مووئر نام انڪليرڪ هند جزاير مجتمعه سنه دائر Notices of the Indian Archipelago عنواني اثرندن.

بولمشدر. بونک بدایت حاکمیتدن برقاچ سنه صوکره سیدی عبدالعزیز نام رئیس اداره سنده بولنان برکمی جده دن مالا قایه واصل اولمشدی . بویولجیلر حکمدار مذکورى تبدیل دین ایلمکه و مالهایلی نامی بر اقوب تبرکاً نام پیغمبری به نسبتله محمد تسمیه اولمغه اقناع ایتمدیلر. [۱] لکن غیرمعین صورته یازلمش بر ماهیتی حائز اولان مذکور سجلائک صحت تاریخیه سی شهلی کورینور . پورتکیز محرر لرندن بری بووقایی داها چوق صوکره کلن بر تاریخه عطف ایچور دیرکه : « ۱۳۸۴ ( ۷۸۶ هـ ) سنه سنده عربستاندن بر قاضی کلمشدی . بو آدم قرالی مسلمانغه کتوردکن صوکره اسمنی پیغمبره نسبتله محمد قویدی و بوکا برده شاه علمی علاوه ایتمدی [۲] .

مالایا حکومتی حدودینک اک شمالی بر نقطه سنده کائن ( قوه دا ) نک سجلائنده اسلامیتک بوقراللق داخلنه صورت خلولی حقنده غریب تفصیلات کوریلور ؛ شویله که : ۱۵۰۱ ( ۹۰۷ هـ ) سنه سنده اورایه شیخ عبدالله اسمنده بر عرب واصل اولور . مقصد زیارتی مملکتک راجه سنی کورمک اولدیغنی آ کلا تدیغندن کندیسنی راجه نزدینه ایصال ایدرلر . مملکتی خلقک هانکی دینه منسوب بولندیغنی صورنجه راجه ده « بنم و تبعه مک دینی اسلاف قدیمه نک بزه بر ائمش اولدق لری دیندر ، همزده اصنامه طاپارز . « شیخ عبدالله : « او حالده ذات فحیمانه کز جناب حقک حضرت محمد انزال بیوردیغنی قرآن کریمدن و اسلامیتک دین حق بولنمسیله مذاهب سائره نک ابلیسه بر اقلدیغندن خبردار دکلسکز ، اوله می ؟ « دیه صورار . راجه : « بونک حقیقتی بکا آ کلا تمکزی و او دینی تعلیم ایله جمله مزى تنویر ایتمکزی رجا ایدرم « دیه جواب ویرر . بورجا اوزرینه حال وجده کلن شیخ عبدالله راجه بی در آغوش ایدر . و آکا دین اسلام احکامنی ایضاحه باشلار . آنک تبلیغاتی اوزرینه قناعت کتورن راجه بویوک بر ایمان ایله مربوط بولنمقده اولدیغنی ارواح قاوانوسلرینی نزدینه کتورتدیرر و کندی ایله بونلرک ایچلرنده کی اشیاى تعبدیه بی یره آتار . بعده

[۱] اریستیدامار نام فرانسزک غربجه - لاله السلاطین عنوانی ائردن اقتباساً یازدیغنی

Histoire des Rois Malays de Malàka عنوانی کتابندن

[۲] دوبارروص نام پورتکیز مؤرخنک Da Asia عنوانی کتابندن



سرايك آلتوندن ، كموشدن وسائر معدنلردن و آغاجدن معمول اولان كافه اصنامنك كتورلمسنى امر ايدر ؛ بونلرك جمله سنى بربرى اوسته ييغديرر .  
 شيخ عبدالله بونلرى قسماً قيليجه و قسماً بالطه ايله قيرار و پارچه لرني يا قديرر .  
 آندن سوكره شيخ عبدالله قلعده و بالنفس سرايده نه قدر قادين وار ايسه جمع و جلبنى راجه دن طلب ايدر . آنلرك مواجهه سنده احكام اسلاميه نى شرح و تلقينه باشلار . طورنده تمكينلى و نازك ، قولنده ملايم و مقنع اولان شيخ بوتون سراي خلقنك محبت قليه سنى جلب ايدر . آندن سوكره راجه اك اعتمادلى و كلاسندن دورت اختيار ذاتى حضورينه دعوت ايلر . بونلر ديوانخانه يه كيردكلرى زمان راجه نك ياننده برشيخ او طور مقده اولديغنى حس حيرتله كوررلر . راجه شيخك سبب و رودينى آنلره آكلادير . بونك اوزرينه او دورت سالدیده ناظر راجه نك اثرينه اقتايه حاضر اولدقلىنى عرض ايدرلر و « اميد ايدرزكه شيخ عبدالله بزى ده ارشاد ايلر » ديرلر . بو صوك سوزى ايشدير ايشتمز شيخ عبدالله ناظرلره طوغرى يورور و جمله سيله معاقه ايدر و آنلردن شهرده نه قدر اركك وار ايسه جلب ايتديرلملرني و صميميتلرني اثبات ايچون افراد بلده نك ابا عن جد تبعد ايتدكلرى بتلردن زدلرنده نه قدر وار ايسه حضور ديوانه برلكده كتورلمرينك امر اولمسنى ايستر . رجاسى قبول ايديلور ، افراد ناس و بتلره پكلور ، مواجهه عامده بتلر تخريب ايتديريلور . هيچ برفرده بوندن طولايى حسيات الم و كدر علائمى كورولمز و حاضر ونك جمله سى ده حوزة اسلامه دخوللرندن طولايى مستريح القلب و ممنون اولورلر .  
 شيخ عبدالله او دورت وزيره توجه خطابه : « اميركزك اسمى ندر ؟ » ديه صورار . فحامتبا بك اسمى ( پرا - اونغ - مهاوان - غسا ) اولديغنى او كرنجه « اويله ايسه بونى مسلمان ديلنده براسمه تحويل ايدلم » دير و قرآن كريمده كچن بركله يه اشارتاً ( سلطان مزلف شاه ) تسميه ايتديرر ؛ مزلف ايسه زاهد معناسنده ترجمه ايديله بيلور . [۱]

[۱] سورة الشعرا ده كى « وازلفت الجنة للمتقين » آيت كريمه سنه اشارت اولسه .

كر كدر . جنت اعلا ارباب زهد و تقوانك قربنده بولنديريله جقدر ، مألنده در .

بواهدالرئ متعاقب اهلینک کومہلی اولہرق ساکن اولدینی یرلردہ مسجدلر  
انشاسی راجہ طرفندن امر ایدلدی . جماعتک کثرتی دیناً ممدوح صایلدیغندن  
وقت صلاة کلنجہ ہر مسجدہ لاقبل قرق درت کشتی بولنسی توصیه ایدلدی .  
جامعلر یایدیرلدقندن صوکرہ ہر بر جامع جوارندہ صلاة جمعہدن اول طبل  
چالدیرلمسی قاعدہسی قونیلدی . شیخ عبداللہ خلقہ احکام و ارکان اسلامیہی  
تعلیمدہ بر خلی زمان دوام ایتدی . (قوئہدا) جوارندن و حتی سواحک  
اوزاق یرلرندن مراق ایدوب کلن افراد ناسہ ارکان طاعات و مراسم عبادات  
اوکرتدی .

قوئہدا خلقنک شیخ عبداللہ معرفتیلہ ہدایتہ کلسی خبری (آنجہ) یہ  
واصل اولنجہ او مملکت سلطانی و مکہدن کلش بر عرب مبشری اولان شیخ  
نورالدین آنلرہ کتب دینہ کوندرمشلر بر مکتوب یازمشلردی کہ خلاصہمآلی  
شو یولددر : « اشبو شقہ آنجہ امیری ایلہ شیخ نورالدین طرفلرندن دین  
قارداشلری قوئہدا سلطانیلہ الیوم اورادہ بولنان شیخ عبداللہ خطاباً ترقیم  
ایدلدی . سزہ دینی کتابلر کوندریوروز ؛ تا کہ بونلرک دلالتیلہ دین اسلام  
بر اساس قویم اوزرہ تأسس ایدہ و ناس ارکان و وظائف مذہبیہلرندہ لایقیلہ  
تعلیم اولنہ . » راجہ و شیخ عبداللہ بو ہدیہدن طولای بیان شکرانی حاوی  
بر جواب مشترک یازدیلر . شیخ عبداللہ مساعینسی تضعیف ایلور و عمومک  
تسهیل عبادتی ایچون کویلردہ دخی مسجدلر انشا ایتدیریور و افراد ناسہ  
لوازم اتقا و ارکان عبادت حقندہ تبلیغاتدہ بولنیوردی . راجہ ایلہ زوجہسی  
ہر کون شیخدن قرآن کریم تفسیری دیکلرلردی . شیخ ایچون خاندان مملکتہ  
قرباتی اولان اشراف عائللری آردہسندہ زوجہ اولہبیلہجک برقادین آرادیلر ؛  
شیخ محترمک نیتی بغدادہ کیتمک اولدیغندن و آنجق یرینہ برینسی بولنجہیہ  
قدر اورادہ قالمق ایستدیکندن طولای ازدواجہ طالب کیمسہ چیقمدی .  
شیخ بوصرہدہ راجہنک اوچ اوغلنہ قرآن کریم کلماتندن تفألاً اوچ اسم بولدی کہ  
بونلردہ راجہ معظم شاه ، راجہ محمد شاه ، راجہ سلیمان شاہدر . شیخ عبداللہ  
بو امیر زادہلرہ دائما صبرلی بولملرینی ، اسرادن ویا صنوف تالیہدن بولنان

کيمسه لرله معاملانده حدت وشدته نفسلريني قاپدير ماملريني ، دوشگون و فقيرده اولسهر عباداللهه رحم ايله نظر ايللريني نصيحتده بولنوردی .

شيخ عبداللهك بوراده كي مساعيسي موفقيت كامله ايله تئوج ايتمش فرض اولنه ماز ؛ زيرا آتجه مملكتي سالنامه واقيعندن آكلاشلديني اوزره او دولتك حكمداري ۱۶۴۹ ( ۱۰۵۹ هـ ) سنه سنده قوئه دايي فتح ايتديكي زمان « ايشي عزم ايله اله آتمش ، دين حقي داها قوي صورتده تأسيس ايتمش وبيت كاذبين اولان معابد اصنامي بيقيدر مشيدي » [۱] بناء عليه قوئه دا مملكتنده اصنام پرستلكك تماميله ازاله سي ايچون يوز اللى سنه لك بزمان داها مرور ايتمش ديمكدر .

ماله قاشبه جزيره سي خلقنك صور اهتدائيه سي حقنده بوندن زياده تفصيلاته دسترس اوله مدق ؛ آتجق اسلاميت حقنده موعظه لرده بولمش اولان عرب مبشرلرينك برچوق يرلرده كوريلن قبرلرينك بو خلق افرادي طرفندن تكرر ياتاه زيارت ايدلمكده اولديغني بيلوروز . [۲] عربلر ايله و هندستانك شرق سواحلي مسلمانلريله اولان مناسبات ميديه سي سبيله بو خلق دين اسلام اركانه رعائتده بك صيقي طاورانور و اعماليله بوتون مالهيا جزاير مجتمعه سي مسلمانلرينك شايان امثال نمونه سي اوله رق تليقي ايديلور . عين زمانده كندی وطنداش لرندن بولنان هندو و بودا مذهبلي سالنكلريله و خريستيانلرله اولان مناسبات و معاملات دائمه سي حسيله بغايت مساعده كار و حریت پروردر . اوروج طومتق و ايفاي حج ايتمك خصوصلر نده غايتله اهماملی وصيقي اولوب سعادت مادييه ي افرادينك فوايد دينه سي ايله برلكده ملاحظه ايدر . بو خلقك كويلرندن برينك نفوسي قرق خانه يه بالغ اولديغني ثبوت بولنجه آرتق اوراسنك تشكيلاته حاجت كوستر . ديكي درپيش ايديلور و اورايه - كوي خواجه سي و امامي داخل اولمق اوزره - برطاقم مأمورلر نصب ايديلور و برجامع انشا ايديله رك مراسمه آچيلور .

شبه جزيره حكوماتي حدودينك سيام خطه سنه التصاق ايتديكي نقاط شماليه ده

[۱] كددا طائفه سي سجلاتنك ( جيمس ) نام انكليز ضابطي طرفندن انكليزجه يه ايديلن ترجمه سندين .

[۲] نيوبولد نام انكليز محررينك British Settlements in the Straits of Malacca عنوانيله مالاقا شبه جزيره سي بوغازلرنده انكليز اداره سنه دائر اثرندن .

ساکن بوده مذهبی سالکری اوزرنده اسلامیت خیلی نفوذ اجرا ایشدر .  
 بونلردن اسلامه کلنره (سامصام) تعبیر ایدیلور . صامصاملر ایکی مختلف  
 قومک لسانلرینک اختلاصندن حاصل اولمش قبا بریدله تکلم ایدرلر . شبه  
 جزیردنک حالا وحشی قلان بر قاقچ عشیرتی آرهسنده بیله اسلام ایچون  
 مهتدیله قازانیلشدر .

اسلامیتک هندچینه دخولی تاریخی پک مظلمدر . عربستان و ایرانه منسوب  
 تاجرلرک اونجی قرن میلادیدن صوکره دینلرینی بوملکتک لیمانلی شهرلرینه  
 ادخال ایش بولملری محتملدر . اصل توسع مهم اسلامی اون دردنجی قرن  
 صوکلرنده مالاقالیرک او مملکته هجرت ایلرله باشلادی .

جاوا آطهسنک تاریخ اهداسنی تذکر ایچون بر قاقچ یوز سنه کیری به ارجاع  
 نظر ایلک لازم کلور . اسلامیت حقنده بو آطهده موعظله اعطاسی وبالاخره  
 بودینک ظهوری صرف اشخاص تاجرهنک و اخزاب صغیره مهاجره رؤساسنک  
 اوزون مدتله سورن همماتی نتایجندن بولندیغنده شبهه یوقدر ؛ چونکه جاوا  
 آطهسنده یکی دینک ترویجی امرنده نفوذینی استعمال ایده جک ویا آنک قبولنی  
 وسائط جهادیه ایله التزام ایله بیله جک بر قوه مرکزیه اسلامییه موجود دکلدی .  
 بالعکس بو آطهده مسلمان مبشرلری - حیات مملکته درین کوک صالمش و جاوالیری  
 بر درجه مرتفعهده ترقیه و حراثت عرفانییه ایصال ایش اولان - هندومدنیتی  
 ایله قارشو قارشویه کلشردی ؛ اوله برمدنیت که تمیل ایلدیکی قانونلر ومؤسسله  
 جزیره العربیده متحصل قوانین و مؤسسایندن بوسبوتون فرقلی ایدی ؛ حتی  
 زمانمزده - اسلام حکمنک علی العموم فائق بولدیغنی نقطه لرده بیله - قوانین  
 اسلامییه قطعی صورتده تأسسدن محروم قالمقدهدر . احکام دینهنک صیقی صورتده  
 تطبیق ایتدیلمسی غیرتیله مکدن دون حاجیلر ایله اسکی مالها یا عادات و ارکانی  
 طرفدارلری آرهسنده دائمی صورتده معارضله وقوعه کلور . بو حالک نتایجندن  
 اولمق اوزره آثار اهتدا پک بطی صورتده جریان ایش اولسه کر کدر .  
 شوراسنی کافی درجهده قطعیتله ذکر ایده ییلورز که حرکات تبشیریهنک تاریخی  
 قسماً عنعنات و قصصدن تمیز ایدیه بیلمکه برابرینه آنک بویوک برقسیمی بزلره



مجهول قالمشدر . شهبه سز انسال متابعه نك اثری بولنان ووجوده كلمسی ایچون عصر لر مروری اقتضا ایدن ماله یا سجالات وقایع نك جاواده کی ایلک مسلمان مبشر لینه دائر بزه معلومات ویرمسی منظر ایدی ؛ لکن او باده کی تفصیلات آجق چند سنه لك بدوره ایچنه صیقیشدی رلمشدر . بوندن ماعدا او مبشر لردن بر چوقلرینك ساکنانه و محویتکارانه اولان آناری - بالطبع نظر دقتلری قرال لرك ، امرانك و بونلره قرین بولنانلرك اوزر لینه دیکلمش قالمش اولان - وقعه نویسلرك پکده نظر اهتماملرینی جلب ایده مه مشدر . ایمدی معلومات واسعه آله مامقلمزدن طولایی ماضیدن بزه نه قدر مواد قاله بیلدی ایسه آنکله اکتفایه مجبورز .

بناءً علی ذلك صحایف آتیه ده اسلامیتك جاواده کی تأسسی مختصر برشکلده - ویرلی سجالات تاریخیه سنده کوستر لیدیکی وجهله - تصویر ایدیله جکدر . واقعا بوسجالات تضاد لر ومصال لر ایله مملودر ؛ فقط ینه بر اساس تاریخی اوزرینه ابنا ایلر ؛ چونکه بوسجالات چوق کره احتوا ایلدیکی اشخاص معروفه نك قبر لری اوزرنده کی کتابه لرایله وقصبات قدیمه نك خرابه لری ایله استشهاد مندرجات ایدر . ایمدی تفصیلات آتیه - باشقه مأخذ لر بولنه مامسندن طولایی - ماهیت اعتباریله طوغری اولق و اشخاص منفرده نك مساعی تبشیریه سنه افراطله عطف اهمیت اولونمسی علیهنده بالاده کی اخطار نظر تلقیه آلمق شرطیله قبول ایدیلور . اسلامیتی جاوايه ایلک ادخال تشبثی - اون ایکنجی قرنك صوکلرنده - او اظه نك یرلیرندن بولنان برکیمسه طرفندن وقوع بولمشدی . جزیره نك غرب طرفنده کائن (پاجاجاران) دولتی حکمداری حین وفاتنده ایکی اوغل براقدی . بویوک برادر قرالغنی کوچوکنه ترك ایله تجارت مسلکی تعقیبنی اختیار اتمش و برای کسب وکار هندستانه کیمشدی . کوچوک برادری ایسه (پرابو ماندینگ صاری) عنوانیله ۱۱۹۰ (۵۸۶۵) سنه سنده تحت جلوس ایلدی . بویوک قارداش اثنای سیر و سفرنده معارفه پیدا ایلدیکی بعض عرب تاجر لری طرفلرندن اهتدایه اقناع ایلدی واسمی حاجی پروا قونلدی . مملکتنه عودتنده بر عرب مبشرینك یاردیمیله برادرینی و آنک افراد خاندانی اسلامه کتورمکه چالیشمش ایدیسده

موفق اوله مدیغندن حیانتک تهلکده بولدیغی قورقوسنه طوتیلهرق قاچش،  
 واورمانقلره چکلمشدی. بعده حیات و مماتی حقنده معلومات الده ایدیلهمدی. [۱]  
 اون دوردنچی قرنک نصف ثانیسنده بویوک موفقیتی موجب اولان برتیشیر  
 حرکتی وقوعه کیش و بوده بعض دینداشلییه برلکده جاوانک شرق ساحلنه  
 بالوصول (مادورا) جزیره سی قارشیسنده (غره سیق) نام بلده یه یرلشمش  
 اولان مولانا ملک ابراهیم نامنده بزات جانبندن ایلری سورلمشدی. بوذاتک  
 کندی نسلنی حضرت پیغمبرک احفادنن زین العابدینه نسبت ایلدیکی و (جرمن)  
 راجه سنک خاله زاده سنک اوغلی ایدوکی مرویدر. [۲] بوذات غره سیق ده  
 اهتدا ایشلرییه موفقیتلی صورتده مشغول اولمغه باشلامش و آز زمان ظرفنده  
 اطرافنه خیلی مؤمن طوپلامشدی. بالاخره خاله زاده سی بولنان جرمن راجه سی  
 کندیسنه بالالتحاق هندو مذهبه سالک برقراللق اولان (ماجاپاهیت) راجه سنی  
 اهتدایه تشویق ایلک ایستمش و قیزی آکا تزویجه براتفاق حصوله کتورمک امیدنه  
 بولمش ایدی. وصولی متعاقب اوغلی صادق محمدی بر ملاقات ترتیبی خدمتیه  
 ماجاپاهیته کوندردی و کندیسنی بر جامع انشاسیله و خلقی اهتدایه دعوتله  
 مشغول اولدی. بونک اوزرینه بویکی پرنس آره سنده ملاقات وقوعه کلمشدی؛  
 فقط تعاطی افکاردن حصوله کلن تأثیرات حسنه تام ثمره سنی ویره جکی صرهدد  
 (جرمن) راجه سنک طائفه سی آراسنده ساری برخستلق پیدا اولدی. کندیسنه  
 رفاقت ایدن قیزیله ایکی یکنی و معیتی خلقندن بر چوقلری ساری خستلق ایله  
 وفات ایتدیلر. کندیسیده آرتق مملکتنه عودت ایلدی. بوفلاکت ماجاپاهیت  
 راجه سنک ذهنتده یکی مذهب حقنده برسؤ ظن حصولنی موجب اولدی؛  
 زیرا یکی مذهبک کندیسنه عائد اولانلری وقایه ایتمی لازم کله جکی ذهانبند  
 بولنیوردی. هیئت ارشادیه مقصدنده موفق اوله مامقله برابر مولانا ملک ابراهیم  
 اقربا و دینداشلرینک تره لرینه باقق اوزره - کیری ده قالدی. بوذات یکریمی برسنه  
 قدر اوراده قالدقندن سوکره ۱۴۱۹ (۸۲۲ هـ) سنه سنده وفات ایتدی. جاوا

[۱] رافیلص نام انکلیز محررینک History of java عنوانی جاوا تاریخندن .

[۲] جرمن راجه لفتک موقی زمانزده معین دکلدیر . بعضلری آنک هندستانده

بولدیغی ذکر ایدرلر سه ده هولاندالی محررلر ایزینی صوماطراده بولنور ظن ایلرلر .

جزیره سنده اسلامیتک ایلك مرشدی اولق اوزره قبری اهالی اسلامیه طرفدن دائماً تکریم ایدیلور .

چین ایمپراطوری طرفدن ۱۴۱۳ ( ۸۱۶ هـ ) سنه سنده حاوایه کوندرلش اولان هیئت سفارته ترجمان صفیله رفاقت ایدن چینی بر مسلمان « بحر محیط سواحلی حقنده بیانات عمومیه » نام اثرنده بوآطهده بولنان دینداشلرندن بحث ایلدیکی صروده دیرکه : « بومملکتده اوچ دورلو خلق واردر : برنجیسی اهل اسلامدرکه بونک منسوبلری غربدن گلشدر بوراده یرلشمشدر . بومسلمان صنفک البسه سی پاك و ما کولاتی خالصدر . ایکنجی قسم بورایه فرارله توطن ایدن چینلردن مرکبدرکه بونلرک ییدکلری شیر دخی نفیصدر و برجونغی دین اسلامی بالقبول احکامنه اعتنا ایله اتباع ایتمکده درلر . اوچنجیسی اهالی اصلیه درکه چیرکین وقابا مخلوقاتدن درلر . بونلر صاحب لری طاعینق ، آیقلری چیللق کزلر و کمال شوق ایله شیاطینه تعبد ایدرلر . بوندن طولانی مملکتلری بودا مذهبی حقنده کی کتابلرده « ابلیس مملکتلردن بری » دیه تعریف ایدلشدر . [۱]

شیمدی مسلمان حاکمیتک جاوا جزیره سنده کسب تفوق ایلمش اولدیغی دوره یعنی اورایه اسلامیتک دخواندن تقریباً یوز سنه صوکره کی زمانه نقل کلام ایدم : قازانیلان تفوقک عربلر طرفدن تهییج ایدلمش بر حرکت متعصبانه دن دکل آنجق مملکتک بالذات یرلیلری جانبدن حصوله کتوریلن بر انقلابدن منبع بوللمش اولدیغی ارئه ایچون بوراده برآز داها تفصیلات تاریخیه یه کیریشمک لازم کلیور . فی الواقع یرلیلر دین مشترکک بخش ایلمش اولدیغی رابطه دن اقتباس قوت ایتدیلر ؛ شوقدرکه بونلرک اتحاد اوغورنده هیجانه کللری مجوسی بولنان وطنداشلیرنک اللردن قوه جا کمه نی ضبط ایچون ایدی ؛ بونی ده بر جهاد اعلان و اجرایی صورتیه دکل آنجق انتقام آرقه سنده قوشان طول امل صاحبی بر آدمک تحته حقیقه بیلیمک غرضیه اجرا ایلمش اولدیغی تحریکات و تشویقات سابقه سیله ایستورلردی .

[۱] غرون وهدلت نام مؤلفک چین منابع تاریخیه سندن التقاطاً یازدیغی Note on the Malay Archipelago and Malacca عنوانی کتابندن .

آهنك اوزمانلرده کی وضعیت سیاسی شو و جهله تعریف ایدیه بیلور :  
 زنکین ، اهالیسی اک چوق و مدینتجه داها ایلری ده بولنان شرقی و وسطی  
 حوالیسی (ماجپاهیت) نام هندو قراللغنگ تحت حاکمیتده ایدی . داها براز  
 ایلری ده غربه طوغری امتداد ایدن یرلرده اوفاق و مستقل بعض امارتلك  
 حدود ممالکی کاشندی . اک غربی برنقطه ده کائن اولان حوالی داخل اولوق  
 اوزره جزیره نك اقسام باقیه سی (پاجاجاران) قرالغنه تابع ایدی .

ماجپاهیت قرالی سیام کورفرینک شرقده بولنان (قامبودیا) دولت  
 صغیره سنک حاکمی پرنس (جامپا) نك قیزیله ازدواج ایلشدی . بو قادین قرالک  
 اوطه لقلرندن اک کوزده سنی زیاده سیله قیصقاندینندن قرال مستفرشہ مرقومه بی  
 اوغلی و صوماطرا ده کائن (پاله مبانغ) والیسی (آریادامار) زدینه کوندرمکه  
 مجبور قالشدی . اوطه لوق - اورایه وصولی عقبنده - دنیایه برچوق کتوردی .  
 اسمی (رادن پاتا) اولان بونوزاد (آریادامار) کندی چوققلرندن بری ایمش  
 کبی یتشدیرلدی . بو اولد نامشروع والده سی حقنده وقوعه کلش اولان سؤ  
 معامله نك نیجه سنه لر صوکره مدهش بر صورتده انتقامنی آلدی . (جامپا)  
 پرنسک دیکر بر قیزی ده محل مذکوره نشر هدايت مقصدیله کیتمش اولان  
 بر عرب ایله تاهل ایتشدی . بو ازدواج دن تولد ایدن رادن رحمت جاوالیر  
 طرفدن بر اهتام مخصوصه ایله مسلمان دیننده یتشدیرلدی . جاوالیر بو (رادن  
 رحمتی) مملکتلرنده کی اسلام مبشر لرینک اک بویوکلرندن و اولیادن بولنوق صفیله  
 حالا احترام ایله یاد ایتمکده درلر .

رادن رحمت یکر می یاشنه بالغ اولدینی زمان ابونبی کندیسنی بر توصیه نامه  
 ایله دایمینی بولنان ماجپاهیت قرالی زدینه کوندر مشلردی . اثنای سفرنده  
 پاله مبانغ ده آریا دامارک مسافری اوله رق آیلرجه قالدی و داماری اسلامه کتورمکه  
 چالیشدی ؛ فقط دامار اسکی اعتقادات باطله سنه پک مربوط اولان خلقنک  
 اغبرارندن قورقورق علی صورتده اسلامه شهادت کتورده مدی . رادن رحمت  
 سیاحتی دوامله (غره سیق) بلده سنه واصل اولدی و اوراده شیخ مولانا  
 جاد الکبری نامنده بر عرب مبشری کندیسنی - جاواده آتی ایچون مقدر بر



مرشد اسلام اولمق اوزره - حسن استقبال ايتدی و آکا مجوسلغك سقوطی قریب الوقوع اولدیغنی و مساعیسنك برچوق کیمسه لری ایمانه کتورمك موفقیاتيله تنوج ایده جکئی کندینه بیلدیردی . رادن رحمت ماجاباهيته واصل اولدیغنی زمان قرال طرفدن زیاده سیله مظر توجه اولمشیدی . قرال بالذات اسلامه کلک ایستمه مكله برابر رادن رحمته او قدر التفات و آثار محبت کوسترمشدی که آنی ( آمپل ) ده کی اوچ بیک عائلهك بر خلق اوزرینه والی نصب ایتدی و حق کندی مذهبی وجهله عبادتدن ماعدا باشقه لری نه اهتدایه سوق ایده بیلیمکده سربست براقدی . رادن رحمت آزر زمان مروریله بولندیغنی حوالی خلقتدن قسم کلینی اسلامه کتوردی .

بوندن سوکره ( آمپل ) جاوا مسلمانلغنك اک بویوک بر مرکزی حالی آتش و منسوب اولدیغنی دینك ترویجی ایچون بر جهد ایمانی ایله چالیشمش اولان والینك حسن صیتی هر طرفه شایع اولمش ایدی . مولانا اسحق نامنده بر ذات - مساعی تبشیریه ده کندینه باردم ایتمك اوزره - آمپل شهرینه کلدی . مولانا اسحق اظهنگ متهای شرفیسنده کائن ( بالامانغان ) قرالیتی داخلنه برای نشر دین کوندرلمشیدی . اوراده قرالک وخیم صورتده خسته بولنان کریمه سنی بالتداوی حال صحته اعاده ایلدی . بوندن متدار قالان پدر او قیزی مولانا اسحقه تزویج ایتدی . بو قادین ده بویوک بر شوق ایله اسلامه کلدی . قرال آرتق اسلامیت حقنده موعظه لر ویرلمسنه مساعده ده بولنمشیدی ؛ فقط مولانا اسحق قرال دن قیزیله ازدواجدن میهم ایتمش اولدیغنی وعد وجهله علناً اسلامه کلینی ایستیججه قرال حدتانبو آنی مملکتدن طرد ایتدی و آنک کندی قیزندن اولان چوجغنك قتلنه امر ویردی . آنجق والده می چوجنی غره سیق ده مقیمه زنکین بر مسلمان قادینك نزدیکه قاچیردی . چوجنی اخفا و اعاشه ایتمش اولان بوقادینك نامنی جاوالیرحالا خیرایله یاد ایدرلر و قبرینه زیارتده بوانورلر . بو طول قادین چوجنی حقیقی بر والده رقتیله تعلیم و تربیه ایتدیردی . چوجق اون ایکی یاشنه کیرنججه رادن رحمته و دیمه تسلیم ایلمشیدی . رادن رحمت چوجغك سرگذشتی اوکره نجه اسمنی رادن پا کو قویدی و بالاخره کندیسنه داماد

یادی . رادن پا کو غره سیکک جنوب غره بسنده کائن ( جری ) نام بلده ده  
 برجامع پایدردی و بیکلرجه خلقی اسلامه جلب ایتدی . بوذاتک حکم و نفوذی  
 او قدر آرتمشیدی که ماجا پاهیت قرالی بالاخره کندیسنی آمل و غره سیک  
 حوالیسی اوزرینه والی تعیین ایتدی . بو مأموریتی اثناسنده رادن پا کو  
 غره سیکده بر جوق هیأت تبشیریه تشکیل ایلدی . رادن رحمتک ایچی اوغلی  
 شمال شرقی ساحلنک مختلف یرلرنده اقامت ایتشلر و بولندقلری یرلر اها ایلسندن  
 بیکلرجه کیمسه لری اهتدایه سوق ایلشردی . رادن رحمت دخی شیخ خلیفه  
 حسین نامنده برذاتی جوار آطه لردن ( مادورا ) جزیره سنه خدمت تبشیر ایله  
 کوندرمشدی . شیخ حسین اوراده برجامع انشا ایتدیردی و برحیلی مهتدی  
 قازاندی .

شیمدی نظریمزی بر کره داها پاله مبانغ والیسی بولنان آریا دامار بختنه  
 چورهم : بوذات چوجقلرینه کندیسنک علناً ایمان ایده مدییکی یکی دینده تریبه  
 و تعلیم و یردیردی . پدرینک او طه لقدن تولد ایدن چوجنی یعنی رادن پاتاه  
 اسمی و یریلن قارداشنی یکرمی یاشنه کیرمی اوزرینه سود قارداشی رادن حسین  
 ایله برلکده جاویه کوندرمشیدی . بونلر غره سیک ساحلنه چیقیدیلر . رادن  
 پاتاه صورت تولدنن خبردار اولدیغندن و والده سنک معروض بر اقلدینی معامله  
 غدارانه بی خاطر لدیغندن سود قارداشی رادن حسین ایله برلکده ماجا پاهیته  
 کیتمکدن واز کچدی و آملده رادن رحمت نرذنده قالدی . سود قارداشی تک  
 باشنه پایتخته یعنی ماجا پاهیته کیتدی و اوراده حسن قبول کوردی . بالاخره  
 مهم مأموریتلرده بولندی و نهایت اوردو قوماندانلغنه تعیین اولندی .

بو صروده رادن رحمتک قیزیله اولنن رادن پاتاه غره سیکته غره بسنده واسع  
 بطاقلق اراضی اورته سنده رصانت طبیعیه یه مالک ( بئنتارا ) نام محله چکیلوب  
 یرلشمشیدی . ماجا پاهیت قرالی بو تحصن ماده سنندن خبردار اولنجه رادن  
 پاتاه سود برادری رادن حسینی کوندردی و پایتخته کلوب بیعت ایتمه کندیسنی  
 اقناعه چالشمسینی تنیه ایتدی . رادن حسین بو مأموریتنده موفق اوله رق آتی  
 آلوب پایتخته کتوردی . سرایده ایکن کندیسنک قراله اولان مشاهت تامه سنک

هر کس فرقه واردی. بعده قرال آئی اولجه تحصن ایلمش اولدینی (بیتارا) موقعی حاوی حوالی اوزرینه والی نصب ایتدی. مع مافیہ آتس انتقام حالا رادن پاتاھک یوره کنی یاقیوردی. کندیسینی غیر مشروع صورتده دنیایه کتورن قرالک حاکمیتنی تخریبه عزم ایلدی. تکرار آمیل شهرینه کیتدی و او باده کی ترتیباتی رادن رحمتہ آچدی. رادن رحمت آنک غرض و کیننی تسکین ایچون «ماجاپاهیت قرالندن- یعنی پدرندن- ایلیکدن ماعدا بر معامله کورم دیکنی و حکمدار مذکورک محبوب القلوب بر آدم اولدیننی و بویله برذاته فالقده بولنق دیناً ممنوع ایدوکنی» سویلدی. بو نصایح ایله اقتاع ایدیله مین رادن پاتاه بیتارایه عودت ایلدی. بوراسی آرتق خیلی اهمیت کسب ایتمش و اهالیسی چوغالمش ایدی. اطراف نواحیده اهتدا ایدنلرک عددی آرتمشیدی. رادن پاتاه بویوک بر جامع انشا ایتدیردیکي « صرده رادن رحمتک آغیر صورتده خسته لندینی خبرینی آلدی و در حال آمیله یتشیدی و خسته بی- اطرافنده اعضای عائله سیله محاط بر صورتده- حالت نزعده بولدی. آنک وفاتی اوزرینه آرتق انتقامنه مانع اوله جق کیمسه قالماش ایدی. بیتارایه عودتنده جامعک رسم افتتاحنده حاضر بولندی. بوجامع زمانمزه قدر باقی قالمشدر و جاوالیر طرفندن الک مقدس مبانیدن بری اولمق اوزره تلقی ایدیلور. معیتندکی رؤسا ماجا پاهیت قرالی عايننده وقوعه کله جک تدایرندک کندیسینه یاردیمده بولنه جققرینی تعهد ایتدیلر؛ مسلمان اشرافیده کندیسيله اتفاق عقد ایدیلر؛ یالکز سود قارداشی رادن حسین اتباعيله برابر قراله صادق قالدی و بوعاصی دینداشک حرکتنه مخالفتده بولندی.

تفصیلاتنه بوراده لزوم کورونمین اوزون محاربه لردن (سنه ۱۴۷۸) ویدی کون نومیدانه صورتده دوام ایدن بر معارکه دن سوکره ماجا پاهیت سقوط ایتدی و شرقی جاواده هندولق تفوقی یرنده بر قوه اسلامیه تأسس ایلدی. هندو مذهبنه صادق قالان اهالیک قسم اعظمی ۱۴۸۱ سنه سنده هندولغک آلہلرندن، (سیوا) یه تعبدک حالا محکم صورتده جاری بولدیننی (بالی) آطه سنه التجا ایلدی. دیگر قسمی ایسه ماجا پاهیت قرالیتی خاندانی اعضاسندن بعض پرنسیرک امارتیری آلتنده اوافق قرالیتلر تشکیل ایتدیلر و بویوک هندو پایتختک سقوطندن برمدت سوکره لره قدر مجوسی قالدیلر.

وسطی جاوا خلقی مسلمان رؤسانک اداره سی آئندہ دخی برمدت میدہ  
 مجوسی قالدیلر . اسلامیتک، شمال ساحلندہ کی ایلک تبشیر مرکز لرندن جنوبہ  
 طوغری توسی عصر لر مرورینہ احتیاج کوستردی ؛ حتی وسطی جاوا اہالی  
 اسلامہ سنک افکار دینہ سندنہ اسکی ہندو مذہبی نفوذی حالاً نظر دقتی جلب  
 ایدہ جک قدر بویو کدر . جاوانک او طرف لرندہ کی اہالینک اذہانندہ ہندولق  
 افکارینک کوکشمش اولسنہ فوق العادہ ر مثال دہ ۱۷۶۸ سنہ سنہ قدر ہندو  
 قانون کتابلرینک وبالخاصہ (مانو) قانونی احکامنک جاری اولسیدر . الیوم  
 شریعت اسلامہ ایلہ داہا مشاہداز قانونلر اسکی ہندو قانونلرینک برلرینہ  
 قائم اولمقدہ درلر .

اسلامیت چند سنہ صوکرہ جاوا جزیرہ سنک قسم شرفینسہ (چہریبون) لی  
 شیخ نورالدین نام ذانک فعالیت تبشیریہ سی ایلہ کیرمشیدی . بوذات ، جذام  
 علتہ طوبیلان بر قادینی نائل شفا ایتکلہ بویوک بر شہرت روحانیہ قازانمش  
 ایدی کہ بونک نتیجہ سندن اولہرق بیکلر جہ کیمسہ لر کنڈینسہ مراجعت ایدرلر  
 ویکی دینک احکامی حقندہ معلومات آلورلردی . ابتداری جواردہ کی مالک رؤسانی  
 بوحرکت تبشیریہ نک علمیندہ بولنمشلر ایدیسہ دہ مخالفتلرینک بیہودہ لکنی آکلا-  
 دقدن صوکرہ میلان ناسک جریانہ کنڈیلری دہ قائلشلردی ؛ بعضیلری اسلامہ  
 کلکدہ ہیچ دہ تأخر کوسترمدیلر . شیخ نورالدین ، اوغلی مولانا حسن الدینی -  
 برای تبلیغ اسلامیت - اظہنک اک غربی حوالینسی تشکیل ایدن ومجوسی ( پاجا  
 جارام) قرالینہ تابع بولنان (باننام) ملحقانہ کوندرمشیدی . بونک مساعیسی دہ  
 موفقیت کاملہ انتاج ایتش و ہدایتہ کتوردیکی کیمسہ لر میانندہ سکزیوز قدر -  
 ماسوادن تجرد ایتش اولان مجوسی چلہ کشلری بولنمشیدی . مملکتک بوجہتہ عائد  
 سجلات وقایع دہ بالخاصہ ذکر ایدلدیکنہ کورہ بوکنج امیر حسن الدین ، مہتدی لری  
 صرف اقناعانندہ کی اصول ملایمت ومخالصت ایلہ قازانمش وواسطہ سیفہ مراجعتی  
 قطعاً مجویز ایتہ مش ایدی . [۱] مولانا حسن الدین بالاخرہ پدربلہ برابر ایفای حیچ  
 ایچون مکبہ کیتدی وعودتی متعاقب نفوذ و قدرتی صوماطرانک ایقین اولان

[۱] رافیلص نام محررک History of Java عنوانی جاوا تاریخندن .



سواحلنه قدر - هيچده استعمال سيف ايمكسزین - توسيع ايتدی و وسائط  
اينه ايله نيجه کيمسه لری اسلامه کتوردی .

مع مافيه انتشار اسلام آطه نك غرب جهته ده ، شرق جهته دن داها بطی صورتده  
وقوعه کلدی . او جهته ده هندو مذهبنك ( سیوا ) تابع لری ايله طریق محمدی  
سالکلری آره سنده نيجه زمانلر مجادلات دوام ایلدی . غالبا بوجادلات ، جاوا  
تاریخنك بر دوره سنده آطه نك اقسام غربیه سنده کی اوافق بکلکلردن برچوغنه  
آمر و حامی بولنان و هندو مذهبنده اولان ( پاچا جارام ) قرالغنك اون آلتنجی  
قرنده وقوعه کلن وقت اقراضنه قدر دوام ایتدی . بونکله برابر دیگر  
بعض اوافق مجوسی جماعتی بر خیلی زمان داها بقا بولدی . بو جماعتدن  
برینك تاریخچه سی شایان تذکاردر . بونك افرادی اسکی مذهب سالکلرینك  
احفادننددرلر . بونلر ، پاچا جارام حاکمیتك سقوطی اوزرینه اورمانلره و طاعلرک قابل  
تحصن بولنان موافقنه قاجمشلردی ؛ زیرا مذهب اجداده بلا انقطاع سالک اولمق  
ایستورلردی . برمدت صوکره ( بانام ) سلطاننك حاکمیتنه تبعیت ایدنجه مذهب  
قدیملرنده دوام لری ایچون کندیلرینه مساعدتده بولنمشیدی ؛ شو شرطله که  
اصنامپرستلکه سالک فالانلرک تزاید عدینه چالیشمه لر . ذکر ی غریب برحال  
اولمق اوزره آطه ده بونجه زماندن بری هولاندا حاکمیتی موجود اولدیغی حالده  
جماعت مجوسیه آلآن بو شرط قدیمه رعایت ایتمکده در . بناء علیه شیمدی به قدر  
عدد نفوسلرینی قرق خانه اولمق اوزره تحدید ایتمکده و تزاید ظهورنده جماعتدن  
شو ویا بو عائله بولندینی محلی بر اقوب جوارده کی مسلمان کویلرندن برنده یرلشه  
کلکده در .

فی الواقع انتشار اسلامیت - جاوانك غربنده - اقسام سائر سندن داها یاواش  
کیتدی ؛ شو قدر که هندولق ذهابنك بین الناس پك قوی صورتده کوك صالماسی  
ماده سندن طولایي اسلامیتك مجوسیلک اوزرینه اولان غلبه سی غرب جهته ده ماجا -  
پاهیت راجه لری حاکمیتی آلتنده بولنان حوالیدن داها تام صورتده وقوعه کلدی .  
غرب طرفنده شریعت اسلامیه بر قوه مجسمه اولوب عربستاندن کتوریلن مدنیت  
دخی بورا حکومتك و خلقنك حیاتیله منسوج اولدی . جاوا حقنده تدقیقانه

بولان هولاندا محرر لرینه نظراً حال حاضرده جزیره نك غربنده کی مسلمانلرک قوانین اسلامیه تحصیل ایدنلری ویا حجازه کیدنلری اهلینک اک ذکی واک مسعود قسمی تشکیل ایدرلر .

اولجدهه ذکر ایتدیگمز اوزره جاواده مسلمان حاکمیتلرینک تأسسلرندن عصر لرجه سوکره بیله مجوسی خلق کثرتله موجود ایدی . حال بوکه وقت حاضرده آطه لیلر - اهمیتسز بعض استثنالرله - کاملاً مسلماندرلر . واقعا بو مسلمانلر آره سنده مجوسی اجدادک بعض ذهاب و عاداتی حالا محافظه حکم ایتکدهدر ؛ آنجق میلان عمومی دائماً حرکات و حسیاته تبلیغات اسلامیه نك رهبر اولسی مرکزندهدر . بوراده کی خدمات میدیده اهدائییه تدریجی و مسالمتکارانه صورتده اجرا ایدلمس و بوآطهده مسلمان حکومتلرینک ظهوره کللری تاریخ دیانته دکل تاریخ سیاسته عائد بولنمشدر ؛ چونکه دائره دیانک توسعی امرانک اللریله دکل مبشرلرک همترلرله حصوله کلشدر .

جاوا مسلمانلرینک هندو حکومتی علمبنده ترتیبانده بولندقلری و آطه نك حاکمیتنی اللرینه آلمغه چالیشدقلری بر سردهه ماله یا جزایر مجتمعه سنک دیکر آطه لرنده مسلمان مبشرلرینک موعظه لرله بوسبوتون مسالمتکارانه بر انقلاب وقوعه کلپوردی . بو باده کی پروباغاندا حرکاتنک تاریخی مناسبتیله نظر تحریمی ایتدا (مولاقاس) آطه لرینه چویردلم :

قرنفل تجارتی مولاقاس آطه لری سکنه سنی جزایر مجتمعه نك نصف غربیسی اهالیسی ایله پک اسکی زمانلردن بری تماسه کتورمکده ایدی : مولاقاس آطه لرینه برای تجارت کیدن جاوالی و سائره لی مهتدیلمی یکی دینی بو آطه لرک سواحلنده نشرده تأخر کو سترمدیلر . بو قبیل مهتدیلمی یکی دینلرینک احکامنی مولوقاسینر آره سنه نصل ادخال ایتدکلری حقنده او وقتک سیاحلری شو عجیب حکایه بی نقل ایتمشدردر : « بو آطه لیلرک حکمدارلری کندی دکزلرنده اسپانیالیلرک ظهورندن مقدم روحک لایموتلغنه قانع اولمغه باشلامشدردی . بوکایسه بر دلیل منطق ایله دکل آنجق کورمش اولدقلری غایت کوزل بر قوشک هیچ بروقت ارضه - ویا ارضه مربوط هیچ برشی اوزرینه - قومدیغنه ذهابلرندن طولایب قناعت

کتور مشلردی . تجارت مقصدیله آطه لرنده طولاشان مسلمانلر آنلره کور مکده اولدقلری کوزل قوشک جتده طوتلديغنی وجنت ایسه ارواح امواتک محفوط بولديغنی بر مقام اولديغنی سويلر لر ؛ بونک اوزرينه اوراده کی امرا ، مذهب محمدي به دخوله باشلار ؛ چونکه بومذهب مکان ارواح اولان جنت حقنده خارقی العاده محسنات وعد ایلر . [۱]

اسلامیتک بو آطه لرده انتشاری اون بشنجی قرنک بدایتنده باشلامش کبی آکلاشیلور . ( تیدور ) قرالردن بری شیخ منصور اسمنده بر عرب مبشری طرفدن اهتدایه اقناع ایدلمش اولديغندن تبعه سندن بر چوقلریله بر لکده اسلامه کلشدی . بو قرالک مجوسی اسمی اولان ( چیرلی لیجاتو ) جمال الدینه تحویل ایدلمش واک بویوک اوغلتک آدی ده عرب معلمک ذاته حرمة منصور قونمشیدی . ایشته بو کینچ مهتدی امیرک دورنده ایدی که اسپانیا هیئت سفریه سی ( تیدور ) آطه سنه واصل اولمش و بو ذاتک مسافر پرورلکنی کورمش ایدی . هیئت سفریه نک تاریخی قیده مأمور اولان ( پیغاقه تا ) نک روایتنه کوره سلطان منصور اووقت اللی بش باشی متجاوز ایدی و مسلمانلق ایسه بو آطه لرده آنجق اللی سنه دن بری مؤسس ایدی .

اسلامیتک مولوقا آطه لرینه جوار اولان ( تهرنات ) جزیره سنده آندن براز داها اول انتشاری وقوعه کلشدی . اسپانیالیلرک تیدوره وصوللری صره سنده تهرناته کیدن پورتکیزلرک یریلردن آکلایه بیلمش اولدقلرینه کوره اسلامیت او آطه یه تاریخ مذکوردن سکسان سنه مقدم ادخال ایدلدی . بینه پورتکیزلرک روایتلرنجه ایلك اهتدا ایدن ، بالذات تهرنات حکمداری ایدی . بوراده کی صورت حلول حقنده زبازرد اولان بر قصیه کوره داتو ملاحسین اسمنده بر تاجر مواجهه ناسده جهراً قرآن کریم تلاوت ایلدیکندن خلقک مراقنی او یاندرمش ؛ مصحفنک محرر اولدینی حروفاتی تقلید ایتمک ایستمشلر فقط شکل مستسخی بالطبع او قویه مدقلردن مسلمان تاجرندن بونلرک صورت قرائتلینی صور مشلر ؛

[۱] راموزیونام ایتالیان محررینک *Navigationi et Viaggi* عنوانیله (۱۰۰۹) ده

وندیکده مطبوع سیاحتنامه سندن .

اوده آنی او قومق ایچون اول امرده جناب حقه ورسوله ایمان ایتمک لازم کله جکنی سویئش ؛ بونک اوزرینه خلق کندیلرینه ایتدیگی تکلیف تعلیمی تلقی بالقبول ایئش . بالاخره جمله سی ده اسلامه کئش . [۱] بو اظه لر آره سنده اکز یازده بر موقع استقلاله مالک بولئش اولان تهرانات جزیره سی سلطانک ۱۴۹۵ ( ۹۰۱ ۵ ) سنه سنده جاواده کائن غره سیق شهرینه کیده رک اهتدا ایئش اولدیغنی روایت ایدر لر .

مع مافیه اسلامیتک ابتداری بین الناس سرعت کافیه ایله انتشار ایلیدی ، اعتقادات ضاله قدیمیه و اساطیر مدوره یه صار یلوب قالان آطه خلقی طرفندن او انتشارک خیلی مخالفته معروض قالمش اولدیغنی آکلا شلمقده در . بو وجهه خیلی وقتلر - اصنامپرستلک قرآن کریمک تبلیغاته قاریشدر لئش بر شکلده بولندیغنی خالد - اذهان ناس دائمی بر قرار سزلق ایچنده بولنیوردی . پورتکیز فتوحاتی ایسه اسلامیتی حائر بولندیغنی استعداد توسعدن خیلی زمان آلیقویمئشدی . پورتکیزلر احکام محمدیه حقنده ناسه تعلیمده بولنان قاضی بی طرد ایشلر و مجوسی ریلر آره سنده خرستیان دینی خیلی بویوک - و فقط حکمی قیسه - موفقیتلره نشر ایئشدردی . [۲] موفقیتک حکمی قیسه اولدی دینلیدی ؛ چونکه اون آلتنجی قرنک نصف اخیرنده پورتکیزلرک نظر اهتماملری تامیله احوال داخله لرنده کی مشکلاته منحصر قالدیغنی صردلرده مولوقالیر آنلرک وضعیتلرندن بالاستفاده حاکمیتلرینی ازاله یه تشبث ایتدیلر و آطه لرنده کی خرستیانلره قارشو شدتلی صورتده معامله تعذیبه ده بولدیلر . بو خرستیانلردن بعضیسی دین اوغورنده فدای جانی ترجیح ایلدیکندن و بعضیسی بودیندن و از کچدیکندن قازانئش اولان زمین نصرانیت تامیله غائب ایدلدی و او آندن اعتباراً خرستیانلرک تحکم سیاسیلرینه مخالفت ایدلمسی غرب جهتدن کثرتلی صورتده کلمکه باشلایان مسلمان مبشرلرینک

[۱] سیمون نام آلمان مؤلفنک Islam Und Christentum Im Kamp Um die Eroberung Animistischen Heidenwelt عنوانیه عالم مجوسده اسلامیت و نصرانیت مجادلات رقیبانه سنه دائر اثرندن .

[۲] آرژون زولانام قدیم اسپانیالی محررک Conquista de las Islas Malucas عنوانیه مولوقا آطه لرینک فتحه دائر اثرندن .



حسن استقبال سر یعلرینی تأمینہ مدار اولدی . هولاندالیرک بو آطه لری تملک ایچون اسپانیالیلرله یورتکیزلری طرفدایلیری ، اورالرده کی خرسیتیانلغک تمامیله زوالنی وجوده کتوردی . ژه زوئیت پاپاسلری ده ( تهرنات ) ده قالمش اولان خرسیتیان اهلینک بقیه سنی فیلیپین آطه لرینه نقل ایلدیلر .

اسلامیت ابعده مولوقا آطه لرینک اقسام باقیه سنده ده انتشاره باشلادی ؛ آنجق برخیلی زمان بو انتشار کیفیتنی یالکز سواحل سکنه سی آرسته منحصر قالدی . سواحله کی اهالی اکثریتله ماله یا خلقنک احفادنن مرکب ایدی . داخلده کی ( الفور ) نام سکنه آرسته برمدت صوکره اهدالر باش کوستردی . حتی ( هال ماهه را ) آطه سنک عربنده کی ( جیلولو ) ده ۱۵۲۱ ( ۹۲۸ هـ ) سنه سی کبی اسکی برتاریخده بیله برمسلمان حاکمیتی تشکل ایلشدی . ازمنه اخیرده بیله دین حاکمک نفعنه اوله رق احداث ایدیلن بعض مواد نظامیه ناک موجودیتی داخلده کی الفور خلقی آرسته اسلامیتک اسباب انتشاریه سنی تسهیله مدار اولمشدر . شویله که : اکر الفور خلقی افرادندن برینک برمسلمان قادینیه معامله نامشروعده بولندیغی ثابت اولورسه او آدم مسلمان اولمق اووقادینی نکاح ایله آلمق مجبورتی آلتنده قالور . الفور قادینلرندن مسلمانلرایله ازدواج ایدنلر قوجه لرینک منسوب اولدیغی دینه انتساب مجبورتنده بولورلر . قانونه قارشو ارتکاب ایدیلن برجرم - اهداده بولمق شرطیله - معفو طوتیه بیلور . رؤسا مقاماتی آرسته منحل وقوعنده نامزدک حق صریحی بولمسی ماده سندن زیاده اسلامه کلکه آرزوسی بولوب بولمدیغی اومقامه تعیینده نظر دفته آلتور .

هرنه قدر ( بورنه ئو ) جزیره سنده ظهور اسلامیت اون آلتنجی قرن مبادیسی کبی قدیم برزمانده واقع اولمش ایسه ده مسلمانلق بو آطه ده دخی اکثریتله مواضع ساحلیه منحصر قالمشدی . اوزمانلر جنوب جهته کائن ( بانجار ماسین ) دینیلن وهندو مذهبنده کی ماجاپاهیت قراللغک خراجگذارلرندن بولنان مملکت خلقی طرفدن اتخا ایدلدی . ماجاپاهیت قراللغک ۱۴۷۸ ( ۸۸۳ هـ ) سنه سنده وقوع انقراضی اوزرینه میدانه کلن مسلمان حاکمیتلرندن برینک دلالتیله او خلقک اهدامی حصوله کلدی .

حکایه اهتدا شو وجهله در : بانجار ماسین خلقی براختلالی باصدیرمق ایچون یاردم دیله دینی زمان بومعاونت اوخلقه یکی دینی قبول ایتمک شرطیله وعدایدلمشدی . بونک اوزرینک بعض مسلمانلر جاوادن بورنه ئویه کیدرک اختلالی باصدیردیلر واهتدای تأمین ایتدیلر . ۱۵۲۱ ( ۹۲۸ هـ ) اسپانیالیر بوشمال شرقی سواخلنه واردقلری صرهده ( برونه ی ) دینلین محله بر مسلمان حکومتی بولمشلردی . اوتاریمخدن آزمدت صوکره اسلامیت آطه نك قسم غریبسنده کائن ( سوقاطانا ) قرالغی داخلنه صوماطرادن کلن عربلر طرفدن صوقولمشدی . بونملکتک قرالی دین اجدادی ترکدن امتناع ایتدی ایسهده وفاتندن اول مرور ایدن قرقسنه ظرفنده یکی دینک بین الناس خیلی ترق ایتمش اولدیغنی کوردی . مع مافیه کندیسنه خلف اولان حکمدار اهتدا ایلدی وداها اول مسلمانلغک دخول ایلمش بولندیغنی جوار آطه لردن برینک امیرینک قیزیله اولندی . بو حکمدار زماننده ( م ۱۶۰۰ ۱۰۰۹ هـ ) بورنه ئو آطه سنی زیارت ایتمش اولان برسایح اسلامیت بوتون سواحل بویجه مذهب عمومی شکلنی آلمش اولدیغنی ذکر ایدر . [ ۲ ] بوسایح داخلده کی خلقک اکثریت کلیه سنک اصنامپرست اولدیغنی بازار که بو حال زمانمزه قدر دوام ایلمشدر . اسلامیتک ( سوقاطانا ) قرالیتی داخلنده توسع ایلمشی مراکز اسلامیتک بو اوزاق نقطه یه طوغری نظر دقتی جلب ایتمش وشیخ سمش الدین اسمنده هکهدن کله بر ذات محل مذکور حاکمه بر نسخه مصحف شریف ایله بویوک برکوک یاقوت یوزوکی تقدیم ایلمش و برده مکتوب کتورمشدی که بونکله امیر مذکورده سلطان محمد صفی الدین نامی ویرلمشدی . شمالی بورنه ئونک حوالی داخلیه سنده متمکن عشیرتلردن ( ایدان ) طاقه سی اون سکزنجی قرن میلادی نهایترینه طوغری اسلامیت حقتده بعض معلومات کسب ایلمشیدی . بو عشیرت خلقی سواخلده بولنان مسلمانلره کندیلرنده بولمیان بر دینه مالکیتلرندن طولای زیاده سیله حرمت کوسترلردی . [ ۱ ] دالریمل نام

[ ۱ ] اولوییه دونورت نام هولاندالی محررک Histoire générale des Voyages

عنوانلی تاریخ اسفار کلیاتنده کی سیاحتنامه سندن .

[ ۲ ] طوماس فورست نام انکلیز محررینک A Voyage Into New Guinea

عنوانلی سیاحتنامه سندن .

سیاح ۱۷۶۴ ( ۱۱۷۸۵ ) سنه‌سنده بو طرفلره دأر ویردیکی معلومات میاننده بورنه‌تولی ( ویدان ) لر حقنده دیرکه : « بو خلق کندی جهالتلرینی آکلارلر و آندن طولایی پک متأسف کورینورلر و بولندقلری موقعک ذلتنی ملاحظه ایله مسلمان اولرینه کیتدکلری ویا مسلمان کیلرینه بینه‌کلری زمانلرده - خالقلرینی مدرك مخلوقات مؤمنه دیه- اهل اسلامی توقیرایرلر . مسلمانلرک یاندقلری یرلرده قائماً طوررلر . غیرمرئی برره مقابل خضوع و خشوع کوسترلر و اورب متعاله وقولری بولانلره ( یعنی مسلمانلره ) آناز احترام کوسترلر . « ایشته بو حالت دخی اسلامیتک معیار مدنیتده آشاغی قالان عشائر و طوائف اوززنده حصوله کتوردیکی تأثیرات قویه‌نک متعدد مثاللرندن بریدر . اوتارینخردن بری ( ایدان ) عشرتی خنقی تامایله اسلامه کلشدر . چیندن ، ماله‌یادن ، عربستاندن وسائر یرلردن کلن متوطنلره زماندن زمانه بر جوق مهتدی التحاق ایلدیکندن الحاله‌هده بورنه‌تو مسلمانلری پک مختلط بر جماعت تشکیل ایدرلر . یابانچی متوطنلرک بر جوغی‌ده محوسی قالمشیدی . بونلر آطه‌نک اهالی اصلیه‌سندن اولان ودرجه مدینتجه کنیدیلرینک مادوننده بولنان ( دیباق ) لری داخله طوغری سوروب قاجیرمشلردی . بو دیباقلرک آطه‌نک غرب طرفنه التجا ایتمش اولانلرندن بعضلری زماندن زمانه اسلامه کلکده‌درلر . محوسی دیباقلر دین دکیشدیرنجه اکثریا خرستیان میسیونه‌رلرندن زیاده مسلمان مبشرلرینک اقاعاتی قبوله میل کوسترلر و حتی بعضاً نصرانیه کیردکدن سوکره دونوب مسلمان اولانلری دخی کورلمشدر . مسلمان مبشرلری ایسه فعالیت تبشیره‌لرینی یالکز محوسی دیباقلره دکل بونلرک ایچنده خرستیانلغی قبول ایتمش بولانلره بیه تشمیل ایلرلر .

( سه‌له‌بس ) آطه‌لرینه دخی دخول اسلامیت عین صورت تدریجیه‌ده وقوعه کلشیدی . بدایتده اهتدالر هپ ساحل اهالیسی آره‌سنده ظهور ایتمش ویاواش یاواش داخله یول بولمشدر . شو قدرکه قبول اسلامیت کیفیتکی آطه‌نک نسبة مدنی صاییلان صنف ناسی آره‌سنده کورلمشدر . بومتفوق صنف‌ده باشلیجه ایکی طاقه‌دن عبارتدر : ماقاسارلر و بوجیلر . بونلر جنوب غربی شبه جزیره‌سنده ساکن اولورلر سه‌ده بوجیلرک بر قسمی‌ده دیکر شبه جزیره سواحلنده متمکندرلر

و اورا خلقك بر قسم کثیرینی تشکیل ایدرلر . اها لسی همان عمومیتله مسلمان اولان جنوب غربی مستنا اولمق اوزره داخل جزیره ده کی خلق همان کاملاً مجوسی در . بوجوسیله ( الفور ) لر اطلاق ایدیلور و معیار مدنیتده پک آشاغی بر مرتبه ده بولنورلر . ( میناها سا ) نام محله بونلردن بر خلیسی آروپا میسیو - ندرلی طرفدن خرستیانلغه سوق ایدلمشدر . پورتکیزلرک آطه نك بو طرفلرینه یرلشدکلری زمانه قدر مسلمانلر ایاق باصمه مشلردی . پورتکیزلر بوراده کی ( الفور ) طائفه سنی قاتولیک مذهبنه ادخال ایئش اولدقلری حالده هولاندالیرر کلدکن صوکره بویرلی خرستیانلر هولاندالی میسیونه لرلرک التزاملرله پروتستانلغه سوق ایدلمشدر . مع مافیه آطه نك نقاط متخالفه سنده بولنان و طوغریدن طوغری به هولاندا حاکمیتی آلتنده قالان ویا رؤسای محلیه طرفدن اداره ایدیلن یرلرده ساکن مجوسی الفورعشیرتلری آره سنده دخی اسلامیت ، تدریجی صورتده بعض آثار انتشار کوسترمشدر .

پورتکیزلر ( سه له بس ) آطه سنه ایلك وصولرنده - یعنی ۱۵۴۰ سنه سی طرفنده - ( ماقاسار ) قرالغک پایتختی اولان ( غووا ) شهرنده یالکز بر قاچ مسلمان بولمشلردی و بونلرده خارجدن کله کیمسه لردی ؛ چونکه اون یدنجی قرن اوائلنه قدر یرلردن عمومیت وجهله اهتدا ایدنلر کورولمه مشدی . اسلامیتک بوراده کی طرز اتخا ذی تاریخی خاصه شایان دقتدر ؛ زیرا مجوسیه خلق دینه کتورمک خصوصنده نصرانیت ایله اسلامیت آره سنده وقوعه کئن سابقه لره بر مثال عرض ایلر . قدیم برجامع وقایع اوبابده کی مجادله حادثه لرندن برینی شو وجهله حکایه ایلمشدر : « پورتکیزلر بویله واسع بر ملکک کشفی نتایج عظیمه بی موجب احوال دن تاق ایتمشدر و فتوحات و سائطیه تسلیم اولسنی قولای بولمدقلری یرلی خلقک تأمین مخادتی ایچون بعض وسائط مخصوصه اتخا ذ ایلمشدر . حسن معامله ایله آنلری مجبور شکران ایتمک ویا متفق صورتیه خدمتلرندن استفاده ده بولمق ایستمشلردی . بوراده کی خلق دیگر هند شرقی آطه - لرینک اها لیسندن زیاده جسارته و داها زیاده حسیات سلیمه به مالکدی . مناء علیه آروپا لیرله تماس نتیجه سندن اولمق اوزره سالک بولندقلری مذهبده



هيچ بر معنی ، هيچ بر اثر معقول بولمديغنی تفهيمه باشلاديلر . بونلردن بعضيلری مولوقاس والیسی (دون آتونيو قالوانو) نك اهتماميله خرستيانلغه كتورلمشلردی . مع مافیه بوحالندنده خشنود قالمدقلرندن مالاقيه و آچینه آدملر کوندره رك برندن پاپاس وديکرندن ملالر جلب ايلك ایستمشلر و ايلك کلهجک معلمین دیانتک دلاتی وجهله بر مذهب اتخاذهينه قرار ویرمشلردی . پورتکیزلر اوزمانه قدر دینلرنده پک غيور و کینسالیینه پک مربوط بولنه کلدکلری حالده مالاقه والیسی بولنان (دون روئیس بهر را) نك بو باده کوسترمش اولدیغی لاقیدی سبيله ایستلمش اولان پاپاسلرک ارسالنده لزومسز اهلال وقوعه کلشدی ؛ حال بوکه آچین حاکمه سی بویوک بر خواهش دینی صاحبه مسلمه سی بولندیغندن سه له بس آطه سی خلقک او باده کی آرزوسنی او کرده نور او کر نمز بر کمی درونته برچوق ملا و امام طولدیره زق خدمات روحانیه لیرنی ایفا ایللری ایچون همان ارسال ایتدی . بو مسلمان مبشرلری ایسه آز زمان ظرفنده آطه خلقی آره سنده دینلیرنی مؤثر بر صورتده تأسیسه قویولدیلر . آندن بر مدت صوکره پاپاسلرده یتشدی . بونلر همان حضرت محمد واحکام اسلامیه علیهنده سب و شتم یاغدی بر مغه باشلاديلر سه ده بوندن نتیجه مطلوبه حاصل اوله مدی . سه له بس خلقی آرتق کندی اتخانی اجرا ایلشیدی . آرتق آنلری اختیار ایلدکلری شیدن چویرمک امکافی قالمشدی . آتجق آطه نك قرالردن بری اولجه خرستیانلغه كتورلمش اولدیغندن او دیندن فراغت ایلدیکی کبی تبعه سندن برچوقلری دخی خرستیان قالمشلردی . مع مافیه سه له بس اهاالیسنک بر کتله کیره سی مسلمانلغه کیرمش و بو کونه قدر مسلمان صفتنده ثابت بولنمشلردر .

بووقایع اهتدایه نك ۱۶۰۳ ( ۱۰۱۲ هـ ) سنه سنده وقوعه کلدیکی مر ویدر . مؤلفات معاصره ده بوندن صیقجه بحث ایدلمش اولسی ، روایتک صحتی حقدنه شبهه امکانه محل براقاز . ( غووا ) نك شمالنده وداثما آکا ملحق اولان اوفاق ( طاللو ) اداره مختاره سی داخلنده اوزمانک اک مشهور مبشرلردن بری بولمش اولان خطیب طانغال نام ذاتک تر به سی حالا باقیدر . بو حکومت مختاره نك امیری هدایته کلدکدن صوکره یکی مذهبک اک غيور و دیندار بر مروجی کسلمش

وحائز اولدینی نفوذک اجراسی طولایسیله ماقاسار لسانده متکلم عشرتلدن برچوغی اسلامه کلشدی . حرکت اهتدائیه نك انجای پکده مسالمتکارانه چقمقدی . شویله که : ماقاسار لر آنخا ایلدکلی یکی دینی فرط شوقله قومشولری بولنان بوجیلره جبراً قبول ایتدیرمک تشبثده بولنشاردی . غووا حاکمی ( بونی ) قرالنه کوندرمش اولدینی تبلیغنامه ده شریک و نظیری بولنمان واجب الوجوده ایمان ایلدیکی تقدیرده کندیسنه هر وجهه مساوی معامله سی اجرا ایدیله چی تکلیفنده بولنمشدی . تکلیف واقع اوزرینه مذکور قرال برای مشاوره رؤسای طائفه یی نزدینه چاغیردی . بولنرده « بز هنوز حربه کیریشمدک ؛ بناء علیه مغلوب صایبله میز . » یولنده جواب ویرنجه مسئله نك حلی غوغایه قالمشدی . مجوسیلر طالعلرینی دهنه دیلر و مغلوب دوشنجه قرال لری ایمانه کلدی وبعده اسلامیتی تبعه سیله همجوار بولنان اوافق حکومتلره جبراً قبول ایتدیرمک قلیشمشدی . غرائب حادثادن اولمق اوزره آنک زورله اسلامه کتورمک ایستدیکی خلق ماقاسار حاکمندن استمداد ایلدی و بو حاکمده آنک نزدینه بر ایلیچی کوندره رک شو سؤالی ایراد ایتدی : ( بونی ) امیری بوتعدیائنده خاصه وقوع بولمش بر الهام پیغمبری موجبنجه می حرکت ایدیور ؟ یوقسه اسکی بر عاده مطاوعتدن طولای می بوتشبنده بولنیور ؟ یا خود بر آرزوی شخصی تعقی می آنی بو حرکته سوق ایلور ؟ برنجی سیدن طولای ایسه ( غووا ) حاکمی کندیسندن اوابده معلوت اعطاسنی رجا ایدر ؛ ایکنجی سیدن ناشی ایسه غووا حاکمی وقوعه کلن استمدادی بالقبول تشریک مساعی ایتک ایستر ؛ شاید او چنجی سبب بونک محرکی ایسه ( بونی ) حاکمک اولیله بر تشبثدن و از چکمی اقتضا ایلر ؛ چونکه آنک تعدیائده بولنمق ایستدیکی کیمسه لر غووا الیرک دوستیدر لر .

( بونی ) امیری هیچ بر جوابده بولنمیدینندن ماقاسار لر آنک مملکتنه قوتلی بر اوردو سوق ایتدیلر و بر برینی متعاقب وقوعه کلن اوچ معرکه ده قوای مدافعه سنی هزیمته اوغرا تددن باشقه کندیسنی ده فراره مجبور ایلدیلر و مملکتنی حوالی ملحقه دن صایدیلر . ( بونی ) خلقی او توز سنه قدر بر تابعتدن سوکره میدان حاکمیتده ظهور ایدن هولاند الیرک معاونتلیله ماقاسار لره قارشو قیام ایتدیلر و بوتون عشرت لیرک

ریاستنی اللریئہ کچوردیلر . اسلامیت شہسز (بوجی) طائفہسی آرسندہده بطی و تدریجی صورتده انتشار ایلدی . مع هذا بونلر آرسندہ اسلامیتی بر کره قبول ایتمش اولانلر آرتق بوسوتون باشقه دورلو انسانلر صفتنده کورنمکه و باشقه بر حال فعالیت ایله متحرک اولغه باشلادیلر . بونلر حالاده جزایر مجتمعه سکنه سنک اک جسوری، کیمجیلکده و تجارتده اگفتشبت و غیوری بولنمقده درلر . کیمیلرله جزایر مجتمعه نك هان هر لیمانه و حتی سینغاپور لیمانه قدر کیدرلر . هر طرفده اصلاً بوجی اولان متوطنلر کوریلور . بونلر، سکنهسی مجوسی بولان برچوق آطه لره اسلامیتی ادخال ایشلردر . بعضیلری اسلامیتی توطن صورتیه کیتدکلری (فلورہس) آطه سنه قدر ایصاله موفق اولمشلردر و بورانک یرلی اھالیسی - کہ اولجه قسماً قاتولیک مذہبنه سوق ایدلشدی - ایله ازدواجلرده بولندقلرندن کیت کیده اورانک بوتون خلقنی اسلامه کتورمشلردر .

(بوجی) خلقی افرادی کندی آنا طوپراقلرنده یعنی (سہلہ بس) آطه سنده دخی فعالیت تبشیریہی تشبثات تجاریہ لرینہ ترفیق ایدرلر . بو آطه نك شمالی شبه جزیرہ سنی (یعنی بورنونی) تشکیل ایدن اراضی ده کی (بولآنغ - مونغوندوو) قرالیئده اون یدنجی قرن اواخرنندن بری خرستیان دینده بولنان بر طائفہی عصر حاضرده بوجیلر طرف اسلامه جلبه موفق اولمشلردر . (بولآنغ - مونغوندوو) نك برنجی خرستیان قرالی (جاقوبوس مانوپو) زماننده - یعنی ۱۶۸۹ و ۱۷۰۹ (۱۱۰۱ھ - ۱۱۲۱) سنه لری آرسندہ - هولاندا دولتی نامنه اجرای آمریت ایدن (هندشرقی فلمنک) شرکتک نفوذی سایه سنده خرستیانلق بورالرده سرعته انتشار ایتشیدی . هولاندا لی پاپاسلر بلا آرام بورالرده دینی موعظہ لر و یرلردی . بوقرالک ۱۸۴۴ سنه سنه کلنجہ یہ قدر بوتون خلفلری خرستیان مذہبنده بولنیورلردی . ایشته اوسنه راجه لق ایدن (مانوئل مانوپو) اسلامی قبول ایلدی . بونک اھتداسی قرن مذکور بدایتدن بری حال و وقوعده بولنان اھتدالرک عاداتا تاجی مقامنده کوروندی . ایشته تام اووقت بوجی وسائر مسلمانلردن مرکب برطاقم تاجرلرک مساعی تبشیریہ لری ثمرہ سیلہ جنوبده کی مونغوندوو قرالیئتک بلاد ساحلیہ سنک برنده برچوق کیمسه لر اسلامه کشلردر .

حکیم باغوس و امام تووه قو ناملرنده ایکی مسلمان تاجری بوشهردن حرکتله مذکور قرالیتک قصبات سائرهنده دخی نشر دیانتیه تشبث ایملشدی . ابتدا اسیرلر آرههنده مهتدیلر قازاندیلر و صوکره اسلامه کتوردکلری قادینلرله عقد ازدواج ایلدیلر و تدریجی صورته اقربا و احبابی میل اسلامیت خصوصنده اقتاعه - سعی ایلدیلر . فعالیت اسلامیه ( مونغوندوو ) دن شمال قرالغنه یعنی ( بولا آنغ ) ه سرایت ایلدی . بوراده اهلینک کافهسی ۱۸۳۰ سنهسنه قدر اصللری وجهله مجوسی قالمشیر و قسماً تنصر ایملشدی ؛ فقط اسلامک بوجی افرادی کبی بعض دیندار مروجلریله آنلره معین اولان عربلر آز زمان طرفنده بر موقیت انتشار الدهه ایلدیلر . مذهبلری احکامی حقنده کی نقصانی و قوفلرینی واعتقادلرنده کی ضعفلری ایله معروف اولان یرلی خریستیانلر قریب بولنان دینک اربابی طرفندن وقوعه کلن مهاجمات دلائلیه یری رد ایده جک اسلحه مباحثه دن محروم ایلدیلر . دیگر طرفدن دخی هولاندا مأمورلری کندیلرینه مساوی نظریله باقیموب مادون و سفلی معامله سی ایتمک لرندن بو یرلی خریستیانلرده - اجنبی بولمقله برابر کندی آره لرنده توطن ایتمش و کندی قادینلریله تزوج ایتمش اولان - مسلمانلرک هذاتلرنده دوستلق و وفا کارلق بولدیلر . اهتدالر آرتدجه مقدا بورالری نادراً زیارت ایدن بوجی تاجرلرینک و عرب مبشرلرینک سیاحتلری ده تکرر ایتمک و نفوذلری آرتمه باشلادی ؛ اودرجه ده کی عربلردن بری خریستیان دیننده بولنان قرال ( قورنلیوس مانوپو ) نک قیزیله ازدواج بیله ایتمدی . اک قوتلی رؤسای طوائفدن بعضلری خریستیانلغی بر اقوب جنب اسلامیه کچدیلر . بناء علیه بو قرالیتک حوزه حکومتنده اسلامیت آرتق قویاً ثابتقدم اولدی . ایرتسی سنه حادث اولان مدهش بر حرکت ارض اوزرینه اوراده کی عربلردن بریسی « اکر افراد ناس سریعاً اسلامیتی قبول ایتمزلرسه کله جک سنه داها شدید بر فلاکت ایله بوتون ( مولآنغ - مونغوندوو ) قرالیتک خراب و تراب » اوله جغنی کرامت طرزنده خلقه اعلام ایلمشیدی . پک چوق کیمسه لر خوف و تلاشه دوشوب انک وصایاسنی تلقی بالقبول ایتمدیلر و راجه ایله اصیلر ادا کاندن بر چوقلری مسلمان مبشرلرینه یاردیمه شتابان اولدیلر . بونلر ایسه اهتداده تعلل کوسترنلر



حقنده معامله ملایمانه کوسترمدکری حالده اهلینک نصفی ینه اصنامپرست قالدی .  
مع مافیہ بلخی اولقله برابر دین اسلام ینه بونلر آره سنده امین بر حالده انتشارده  
دوام ایتمکده در .

جوار آطهلردن (سام باوا) جزیره سنک سه له بس طریقہ و ۱۵۴۰ ایله  
۱۵۵۰ (۹۴۷۵ - ۹۵۷) سنلر آره سنده ماقاساردن کیدن مبشر لروساطیلہ  
اسلامیت حقنده معلومات آئمش اولسی محتملدر . بو آطهنک نسبتہ داها متمدن  
اولان قسم ناسنک کاملاً مؤمن حقیقی بولندینی واجرای عبادت امرنده داها  
متقی اولدینی روایت ایدیلور . بو حال زهدک سببی اولمق اوزره ۱۸۱۵ سنه سنده  
طامبورا طاغنک بر حرکت ارضدن طولایی صارصیلہ رق تولید ائمش اولدینی  
فلاکت طولایبسیله حاجی علی نامنده بر ذاتک وجوده کتوردیکی اقباه دیندارانه  
ذکر ایدیلور . بو آفت طبیعیهنک نتایجندن اولہ رق خلقک چکمش اولدینی  
اضطرابات کنیدیرینی داها زیاده محافظه احکام ایمانیہ به واجرای عبادتہ سوقک  
وسیلہ سی اولمشدر . الحاله هذه اسلامیت بو آطهده یکی مهتدیلر قازانمقده  
بردوامدر .

ینه جزایر متجاورہ دن (لومبوک) آطه سی سکنه سندن (ساساق) طاقه سی  
بوجیلرک دلاتلریله اهتدا ائمشلردی . بوجیلردن بر قافله یا (سام باوا) بوغازینی  
کچهرک و یا طوغریدن طوغری به (سه له بس دن) بادبانکشای حرکت اولہ رق  
لومبوک آطه سنده یرلشمشلردی . هر حالده ساساقلرک اسلامه کلگری بر صورت  
ساکتانده وقوع بولدی . لومبوک آطه سی اهلایسی مختلف ایکی قسم ناسدن  
ترکب ایلر ؛ بونلرده ساساقلر و بالینلردر . ساساقلر برخیلی افراد اسلامیه نی ده  
احتوا ائتمک اوزره دیگر سکنه جزیره ده عدداً چوق فائقدرلر . حل بویله  
ایکن اون سکرنجی قرن میلادی اواسطنده ساساقلر بالینلرک حاکمیتی آلتنه  
دوشمشلر و برمدت صوکره هندو مذهبنده بولنان جزایر متجاورہ افرادینک  
بر نوع استیلاسنه معروض قالمشلردی . بالینلر امور اداریه ده ظالمانه حرکت  
ایلدکن ماعدا مسلمانتری هندو مذهبنه سوق ایچون خیلی اوغراشمشلردی .  
ساساقلر بوتعدیاتی دفعاتله دفعه چالشمشلر و حتی هولاندا حکومتندن استمدادده

دخی بولمشردی . ۱۸۹۴ ده هولاندا حکومتک سوق ایلدیکی برقوه سفریه ایله آطهده کی شورش تسکین ایدلش وهولاندا حاکمیتده براداره منتظمه وجوده گلشدی . یکی حکومت دها اولجه تحت حاکمیته کیرمش اولان جزایر سائرده دن بر چوق مسلمان مأمورلرینی بورایه کوندردی . بو مأمورلر حائر اولدقلری نفوذی دینداشلیقی نفعنه استعمال ایلدیلر . بناء علیه لومبوك آطهسنده هولاندا حاکمیتک تأسسی دین اسلامک غیر منتظر صورته تزیید انتشارینی موجب اولدی . سه له بس آطهسنده اولدینی کبی فیلین جزایرنده دخی اسلامیت ونصرانیت آرهسنده بر مجادله رقیبانه جریان ایده کلدیکی کورلمشدر . شو قدر که هرا یکی طرفک فیلین اهالیسنی کندیسی ایچون قازانق خصوصنده کی جهدی دها خوشونتلی و دها سورکلی صورته وقوع بولمش و مذکور آطه لره او زمانلر حاکم اولان اسپانیولر ایله سکنه اسلامیه آرهسنده حدوث ایدن قانلی معارضات اون طوقوزنجی قرن میلادی یه قدر دوام ایلمشدی . بو آطه لره اسلامیتک هانکی تاریخده نفوذ ایلمش اولدینی معین دکلدر . ( مینداناو ) سجلات عنعنویه سی اسلامیتی ملاقه شبه جزیره سنده کائن جوهور حاکمیتدن کن ( قابونع ساوان ) نام بر شریف واسطه سیله کتورلمش اولق اوزره ذکر ایلر . بو شریف ومعینی افرادی مذکور آطهده توطن و یرلی قادینلره تزوج ایلمشردی . بو ذات وصولی عقینده کندیسی کمی یه قدر استقباله کن کیمسه لر قبول اسلامیت ایده جکلیری حقدنه بر وعده بولمدقجه قارایه آیق باصمقندن امتناع ایلمشیدی . اشبو قیود قدیمه نک دلالتندن آکلاشیه سیله جکی اوزره شریف ( قابونع ساوان ) ک قارایه چیقیمی ومینداناو خلقی آرهسنده اهتدالر جاری اولسی کمال صلح و سکونت ایله وقوعه گلشدر . مع مافیله بو شریف اوراده نفوذ و قدرت اکتسابندن سوکره جوارنده کی عشائرک ورؤسانک مملکتلرینی فتحه باشلامش وبونلرده آنک اداره سنه تابع بولندقلری صره لرده دین اسلامی قبول ایلمشردی . اسپانیوللر ۱۵۲۱ ( ۹۲۸ ه ) سنه سنده فیلین آطه لرینی کشف ایلدکلری زمان مذکور آطه لری قابا وبسیط اطوارلی طوائف مجوسیه ایله مسکون وحال بوکه مینداناو و ( صولو ) آطه لرینی دها مدنی بر مسلمان خلق طرفندن مشغول بر حالده

بولمشردی . خرسیتانلغک قبولنه قیاس ایدیلنجه : اسلامیتک کوسترمش اولدیغی موفقیت انتشار هر سیدن زیاده بو ایکی مذهبک یرلی اهالی به صورت تبلیغندن ایبری گلشدر . نصرانیتک قبولی حریت سیاسیه تک و استقلال عریقک ضیاعی و بناء علیه انارتک اماره سی دیمک کبی کلیوردی ؛ چونکه اسپانیالیرک کندی دینلرینی ترویج خصوصنده اتخاذ ایلمش اولدقلری اصول داها مبادیدن عدم مقبولیت حسیاتی حصوله کتورمکده ایدی . بونلرک طار فکری ، حریتشکن ، خوشونتلی معاملهری ، مسلمان مبشرلرینک اطوار استمالتکارانه لری مقابلنده قوتلی برقیاس وجوده کتیریوردی . مسلمانلر خلقک دینلی اوکره نیورلر ، عاداتی اتخاذ ایلدورلر و آنلره ازدواجلر عقد ایدیورلر و خلاصه آنلره مزج اولوب کیدیورلردی . اسپانیوللرک یابدقلری کبی ممتاز بر عرقک حقوق مخصوصه سنی کندیلرینه حصر ایلمک ایستیورلر و یرلی به ذلته محکوم بر صنف ناس نظریه باقیورلردی . حال بوکه اسپانیوللر یرلی خلقک لسانندن ، عادات و تمایلاتندن هیچ برشی اوکرتمک ایستیورلردی . عدم اعتدالری ، حرص و طمع لری ایله ترویججه چالهندقلری دینه دخی نفرت جلب ایدیورلردی و اودینی ، فوق سیاسی لری خصوصنده بر آلت اوله رق قوللانیورلردی . بناء علیه یرلیرک ادخل نصرانیته قارشو اراده ایلدکلری آثار مخالفتک اسبابی آکلامق مشکل دکلدرد . خرسیتاناق یالکز اسپانیوللرک تحکم تامنه مقاومت ایتمه جک درجه ده اهالیسی ضعیف اولان یرلره اوافق آطه لرده دین ناس اولمشدر . خرسیتانلغه سوق ایدیلن یرلیر بودین اوزره عبادتی آنجق اسپانیوللردن جزا کورمه مک خوفله اجرا ایدرلردی . نصر ایدن بومقوله یرلیره عاداتا مکتب چوجقلری معامله سی ایدیلوردی . فیلین آطه لرینک آمریقایلر طرفدن اشغالی تاریخجه قدر (میدانانو) ده کی مستقل مسلمان حاکمیتی نفرت عامه بی قازانمش اولان خرسیتان حکومتندن قاجانلر ایچون عاداتا برالتجا کاه اولمشیدی . فی الواقع ۱۸۷۸ سنه سندن بری بر اسپانیا مستملیکه سی حالنده بولنقله برابر (صولو) آطه سی خرسیتانلغه قارشو اسلامیتک بر مرکز مخالفتی حالی ایلمش وحقی اسپانیولجه متکلم و خرسیتانلقدن دوئمه اشخاص بیله اورایه التجا ایده گلشیدی .

صولو آطه لری خلقنک اسپانیوللرک ورودندن نه قدر زمان مقدم اسلامه  
 کلش اولدقلرینه دائر براهین تاریخیه موجود دکلدن . بو آطه لر سجلاستده  
 شریف کریم المخدمک نامی برنجی مسلمان مبشری اولمق اوزره مقیددر .  
 بو ذانک نسللاً عرب ایدوکی و اون دردنجی قرن اواسطنده مالاقایه کیدرک  
 سلطان محمد شاه ایله برابر مالاقا خلقنیده اهتدایه سوق ایلدیکی مرویدر .  
 مالاقادن صوکره شرقه طوغری سیاحتنده دوام ایلمش و ۱۳۸۰ ( ۷۷۲ هـ )  
 سنه سنده صولو جزایرینه واصل اوله رق او مملکتک اسکی مرکز حاکمیتی بولنان  
 ( بوانسا ) ده تمکن ایتمیشدی . ( بوانسا ) ایسه شیمدیکی مرکز حاکمیت اولان  
 ( جولو ) قصبه سنک بش کیلومتر و قدر غربنده کائندر . اوراده اهالی بلده  
 آنک نامنه بر مسجد یاپدیرمش و کندیسنک تلقینات دینه سنی تلقی بالقبول ایتشدی .  
 شریف کریم المخدمک جزایر مجتمعه نکه هان هپسنده ده سیاحت ایتدیکی و هر  
 اوغرادینی یرده برچوق کیمسه لری اسلامه جلب ایلدیکی ذکر اولنور . قبرینک  
 ( سیوتو ) اطمه سنده بولندیغی مرویدر [ ۱ ] آندن صوکره صولو آطه لرینه کلن  
 مسلمان مبشر لرینک ده ابوبکر اسمنده بر عرب اولدینی ، ایلك فعالیت بشیری ه سنه  
 مالاقاده مبادرت ایلدیکی ، ( باله مبانغ ) و ( برونه ) طرفلرینی زیارتدن صوکره  
 ۱۴۵۰ ( ۸۵۴ هـ ) سنه سنده صولویه واردینی و اوراده بر مسجد انشاسندن  
 صوکره موفقیتلی صورتده دینی پروپاگاندا لر یاپدیغی ذکر ایدیلور . روایات  
 جاریه نظرأ ابوبکر ( بوانسا ) حاکمی راجه ( باجیندا ) نک قیزیله ازدواج  
 ایتمش و راجه طرفندن وارث حاکمیت ( ولیعهد ) تعیین ایدلمش و امراداره یی  
 بعدالتنظیم - عادات محلیه نک مساعد اولدینی درجه ده - نظامات مملکتی شریعت  
 اسلامیه نک سبق احکامنه تطبیقاً وضع ایلمش ایدی . مع مافیه صولو خلقی  
 اسکی بر زمانده اسلامه کلش اولدینی حالدده قوی الاعتقاد مؤمنلردن دکلدی .  
 حتی آقینجیلیق ایده بیلدکلری دورلرده فیلین آطه لرندن قاپوب کورتور دکلری  
 خرسیتان اسیرلرک بونلر اوزرنده کیت کیده اجرا ایلدکلری نفوذ او درجه یه  
 وارمشیدی که « بونلرک خرسیتانلغه سالک اولملری بیله ملحوظ ایدی ؛ آنحق



بویله بر تبدلک بر قوه فائقه رهبانیت واسطه سیله وجوده کتوریله بیله جگنی بو حالک کندی قدرت اداریه لرینی صارصه جغنی وحق حا کمیتلرینک اسپانیالیله انتقاله سبب اوله جغنی و ممالک متجاورهدن بلا تأمل خرستیان اولانلرک کچوردیکی تجارت الیمه نك عبرت بخش بر درجه ده اولدیغنی « ملاحظه ایله تنصردن واز کچمشلردر [۱] بوندن ماعدا صولوده بر میسیونه رلک مؤسسسه سی تشکیل ایتمش اولان اسپانیالی پاپاسلرک حرکات متجاورانه لری خرستیانلق کبی اورا خلقنجه اجنبی دینی صابیلان بر مذهب علیهنده ناسک بغضنی دعوت ایلشیدی .

فیلین آطه لرینک آمریقایلر جانبدن ضبطدن بری اسلامیتک نفوذی خیلی تحدید ایدلمش والیوم (پالاوان) آطه سنه ، مینداناونک جنوب طرفه و صولو مجموعه جزایرینه منحصر قالمشدر . مع هذا مسلمان مبشرلری شمالی آطه لره طوغری پروپاگاندا اجرایی اسپانی تحری ایتکده وحتی (مانیلا) شهرنده بیله فعالیت ارشادیده بولنمقده درلر . بعض احوال وحادثاتک بو فعالیت بشیرییه مساعد ظهور ایلدیکی ده مرویدر . فیلین آطه لیلری اسپانیا مناستر نشینلرینه قارشو سلاح مدافعه یه صارلغه کندیلرینی مجبور ایدر سوء استعمالدن طولانی خرستیانلق علیهنده بالخاصه سوؤظنده بولنمقده درلر [۲]

اولجده بیان ایلدیکی اوزره دخول اسلامیت مالایا جزایر مجتمعه سنک نسبتاً متمدن بولنان طائفه لری طرفلرندن خواهشه استقبال ایدلمشدی ؛ فقط بو آطه لرک وجزایر آتیه نك اجناس مادونه سی آرهنده پک آز کوك صالدی . مثلاً : وه یغ بو، میصول، وه یغاما ، سالواتی کبی یکی گینینک شمال غربیسنده کی آطه لر خلقندن (پاپوان) لر آرهنده تأثیری پک آز ایدی . بو آطه لر ویکی گینینک شمال غربیسنده کائن (اونین) شبه جزیره سی اون آلتنجی قرنده مولوقا حکمدارلرندن باتحجان سلطاننه تابع ایدیلر . باتحجان امرای اسلامیه سنک نفوذی

[۱] مووهر نام انگلیز محررینک سینغاپورده مطبوع Notices of the Indian Archipelago عنوانیه هند شرقی آطه لری خاطر اتندن .

[۲] نیویورقده منتشر Missionary Review of the World عنوانی جهان میسیونه لرکی مجموعه موقوته سندن .

سبیلہ (پاپوان) طائفہ سی رؤسائندن بعضری اسلامی دین مملکت اتحادا تمش اولدقلى حالدہ طائفہ مذکورہ نك داخلہ متمکن کتله عظیمہ سی زمانہ قدر مجوسی قالمشدر . سواحلدہ کی اہالینک بویوک برقسی ایسہ - شہہ سزخارجدن کلن متوطنلرک اعمال نفوذ ایملردن طولای - اسلامہ کلمشدر . بالفیس یکی گینی دہ ایسہ پاپوانلردن پک آزی ہدیتہ کتوریہ بیلمشدر . غرب ساحلہ واحتمالکہ (اونین) شبہ جزیرہ سنہ کلن مسلمان تاجرلری (۱۶۰۶ ۱۰۱۵۵) سنہ سندن صوکرہ خلق آرسندہ دینلرینک پروپاگاندا سی اجرایہ باشلامشدری ؛ فقط بویلردہ انتشار اسلامیت پک آز آناز کوسترہ بیلدی وپاپوانلر ۱۸۵۵ سنہ سندن بزی مملکتلرنده تأسس ایتمش اولان خریستان میسیونہ رلکترینک مساعینہ رغماً اسلامیت کی نصرانیق قبولہ دخی خواہشلی بولنامشلردر . جزایر متجاورہ سکنہ سندن اولان مسلمانلر پاپوان طوائفی تلقین اسلامیتہ لایق اولمہ حق درجہ دہ حقیر بولمقلہ اتہام ایتمشلردر . مع مافیہ امام دقیر (ذکر) نامندہ بر مسلمان مبشرینک ۱۸۵۶ سنہ سندہ (سہرام) آطہ سندن کلہرک کوچوک (آدی) آطہ سندہ فعالیت ارشادیہ دہ بولندیفی مرویدر . یکرمنجی قرنک بعض اولندہ (سہرام) و (غورام) دن کلن مسلمان تاجرلرینک بعض مجوسیلری دینہ کتوردکلری روایت ایدیلور . ینہ جوار آطہ لردن (کھی) جزایری پاپوانلری آرسندہ دخی تشبثات متشابهہ وقوعہ کلمشدر . اون طوقوزنجی قرن اواسطندہ بو آطہ لردہ مسلمان افراد ہان یوق کی ایدی دینیلور . آندن برمدت مقدم سہرام دن کلن مبشرلر بعض کیمسہلری اہتدایہ سوق ایتمشلرسدہ احکام قرآنیہہ مراعات تأمین اولنہ مامشدی . لم ممنوع اکل ایدنلر ، مشروبات مسکرہ طادانلر اکیسک دکلدی . مع مافیہ نسوان مہتدیہ ارککلردن زیادہ مثقیہ قالدقنلردن لم خنزیر بیک ایستین ارککلر قادینلرینک قورقوسندن آکا آنجق خارج بیتدہ حقیاً ال سورلردی . شو قدرکہ ۱۸۸۷ سنہ سندن بزی (کھی) جزایری سکنہ سی آرسندہ بر تیقظ دینی حرکتی کورلمش و مسلمانلرک عددی کوندن کونہ آرتقمده بولمشدر . مادورا ، جاوا و بالی کی یرلردن اورایہ کیدن عرب تاجرلری کندیلرینی پک غیور اسلامیت پروپاگاندا سی مرشدلری وضعیتہ قومیشلر

و مہتدی جلی ایچون مراجعت اولمدق واسطہ بر اقامشردر ؛ حتی بو خصوص ایچون حین اقتضاده جبر و شدت اجراسنی و ایجاب ایدنجه تخصیصات نقدیه اعطاسنی بیله مناسب کورمشردر [۱] اون طوقوزنجی قرن ختامندہ یکرمی اوج بیک نفوسدن مرکب اولان کھی آطه لری اھالیسنگ سکز بیکی مسلمان بولمق اوزره قید ایدلشدر .

ماله یا جزایر مجتمعه‌سنگ غربندن شرقه قدر انتشار اسلامک بالاده کوستریلن تصویری او آطه لردہ کی تبشیرات اسلامیہ تاریخک آنجق بر جزوئی تشکیل ایدر . بوتاریخہ عائد وقایعک اکثریسی ہیچده قید صحایف قلنامشدر . سجلات موقعه دن و آوروپالی سیاح ، مأمور و میسیونر لرک آثارندن اقتباس ایدیلہ بیلن مواد ایسه هم ناتمام همده پراکنده بر حالده در . مع مافیہ کچن آلتی یوز سنہ ظرفندہ دین اسلامک نشری ایچون مساعی مسالمتکارانه و متمادیه وقوعه ککش اولدیغنی مبین بر چوق براھین موجوددر . فی الواقع توسیع حدود دیانت ایشنی التزام صدندہ بعضاً سل سیف ایدلیکی کورلشدر ؛ لکن جبر و شدتن زیاده نصح واقناع بو حرکت تبشیریه نک وصف حقیقیسی بولنہ کلمشدر . الہ ایدیلن موفقیات خارق العاده ایسه اک زیاده تجار مسلمہ نک آثار همتایدرد [۲] بوتاجر لر کیتدکلری بر لر خلقنک قلبرینه - لسانلری او کرئمک ، عادات و اطوار ناسی اتخاذ ایلک صورتلریله - طریق حلول بولشدر وابتدا تاهل ایدکلری قادینلره و مناسبات تجاریه و صناعیہ بولندقلری ارککلره کندی دیندی حقدہ احسن صورتلہ تبلیغاندہ بولنہ رق ساکنانه و تدریجاً اسلامیت و قوفنی بین الناس تعمیمه چالیشمشردر . متظامانه بر طور افراد ایله ناسدن آبری طور میهرق درجه درجه او جماعتلہ امتزاج ایتشلر ، مالک اولدقلری افکار تمدنیہ پی و عرفان

[۱] بارون هووہل نام هولاندالی محررک De Kei Eilanden عنوانیله کھی آطه لرینه دائر کتابندن .

[۲] مملکتیز تجار اسلامیہ سنگده دائماً وظائف معنویہ و خیریہ اجراسیله ملهم بولملری و مادیاتپرستکی هوسات حیوانیه درکسئہ ایندیرن بر طاقم دینسز رهبرلرک نفوذ اضلاله لرندن مصون قالملری جناب حقدن تضرع ایدیلور .  
مترجم

متفوقی امر اهدا اوغورنده قوللانمشلر و دینلرینک ارکان و احکامنی جذب و جلب ایتک ایستدکلری طوائفک احتیاجاتنه ماهرانه صورتده توفیقک یولنی بولمشلردر . نته کیم محررین متفکره دن باقل « مسلمان مبشرلری غایتله مدبر و او ایصال آدملردر » دیمشدی . [۱]

اسلامده کسب و تجارت اصحابندن ماعدا مسلك حسیله مبشرک ایدنلر دخی يك چوق کورلمشدرکه بو قیل اهل تبشیر علمای دین ، واعظلر ، فقها و حاجدن مر کبدر . بو مثللو مبشرلر ازمئه اخیرده کرک اعمال ارشاده ده ، کرک دینداش و وطنداشلیری بینده داها عزیمکار و داها مضبوط حیات دینه حسیاتی او یاندر مقده و کرک محوسی عادات و اعتقادات قدیمه سندن هر نه باقی قالدی ایسه آنی قلع و ازاله ایتدکه خاصه یارارلقلر کوسترمشلردر . جزایر مجتمعه نك کافه اقسامندن برای حج مکه و مدینه یه کیدنلرک عددی سنه دن سنه یه آرتقمده و بنا برین افکار و نفوذ اسلامیه دخی اون سبتده شیوع بولمده در . هولاندا حکومتی اون طوقوزنجی قرن او اسطنه قدر جزایر مجتمعه اهالیسندن اولان کیمسه لرک طریق حجلیری اوزرنده موانع احداث ایتدکه ایدی . او خصوصه وضع ایدیلکی نظامنامه ایله پساپورطسز اوله رق کیمسه نك ارض مقدسه کیده میه جکنی و هر پساپورط باشه یوز اون فلورین خرج اعطاسی لازم کله جکنی و بلا تأدییه حضرتک یولنی بولانلردن بو اجر تک ایکی قاتی جزا صورتیله تحصیل ایدیله جکنی تعیین ایتمشدی . بو تداییردن ناشی - تعجب ایتمه مک لازم کله جکی اوزره - ۱۸۵۲ سنه سنده ماله یا جزایر مجتمعه سندن حجازه کیدنلرک عددی یتمش کشی یه ایتمشدی . صوکره دن بو نظامنامه نك الغاسنه لزوم کوریلنجه عدد حجاج ده آرتدی . اون طوقوزنجی قرن میلادینک صوکنده حجاجک عدد متوسط سنویسی یدی بیک قدر ایدی . هولاندا نك هند شرقی مستملکاتندن حجازه کیدنلرک عددی کیتدکجه آرتدی و ۱۹۱۰ سنه سنده بو عدد اون دورت بیک آشدی .

لاجرم ، عدد حجاجک بو تزایدی باشلیجه حجاز و جزایر مجتمعه لیمانلری

[۱] انکلیز متفکرکی ( باقل ) ک اوراق و رسائل متروکه سنی حاوی miscellaneous

And Posthumous عنوانل کتابدن .



آه سنده حصوله كلن وسائط نقلیه نك ترايدینه اسناد ايدیلور ؛ فقط بومستله يي  
 دقله تعقيب ایدن خرستيان میسیونه لرلرندن برینک دیدیکی کبی «بو حال مسئله نك  
 اهمیتی تنقیصه هیچده مدار اوله ماز . علی الخصوص حجاج عددینک بو قدر  
 ترایدیله برابر کمتده قازانیلان شی کیفیتجه قطعاً ضیاعه اوغرامامشدر ؛ بالعکس  
 بو حاجیلر آه سنده شیمدیله ده احکام اسلامیه به تمامیه واقف کیمسه لر بولندی  
 کبی کافه سی ده تعصب ایله مجبولدر واسکیسندن زیاده کفار حقتده عداوت  
 بسلر لر .» [۱] مصلح و مرشد صفتری اکتساب ایله حجازدن عودت ایدن  
 بو حاجیلرک غیرت اهتدائیله رینه واحرا ایده بیلدکلری نفوذک قوتنه کرک هولاندا  
 حکومتی مأمورلرینک ، کرک اورالرده بولتان خرستیان میسیونه لرلرینک ویره کلد .  
 کلری راپورلر متحداً شهادت ایدر لر . صرف فریضه حجی ایفا ایچون حجازه  
 کیدوب کلن ویا بعدالحج برمدت علوم دینه تحصیل ایچون حجازده قالان  
 کیمسه لر دن ما عدا جزاير مجتمعه حجاجندن برچوغي دخی دائمی صورتده  
 مکده اقامت ایدر لر . ایشته بو مجاورلر مملکتلرنده کی دینداشلریله دائماً مخارمه  
 بولور لر . بولر اسکی زماندن بری مالایا جزاير مجتمعه سی مسلمانلرینک  
 ذهنلرینی اضلال ایده کلن مجوسی اعتیاد و اعتقادی بقایاسنک تطهیر و ازاله سنه  
 اک چوق خدمت ایدن کیمسه لر در . ماله یا مسلمانلرینک قوللاندکلری لسانلرده  
 مطبوع برچوق کتب دینه حجازده باصلمش و جزاير مجتمعه نك مختلف اقسامنه  
 سوق ایدلمشدر . مکهنک بو اطرلر اوزرنده شیمدی به قدر اجرا ایلمش اولدی  
 نفوذک مثلاً ترکیه ، هندستان و بخاراده اجرا ایده بیلدیکی نفوذ روحانیدن داها  
 قوتلی بولندی بولنده کی سوزده برخاصه حقیقت واردر .

بو موادک ملاحظه سندن استدلال ایدیله بیله چکی اوزره صو ک سنه لرده ماله یا  
 جزاير مجتمعه سنده فعالیت تبشیریه باینده بویوک بر اثر تیقظ کورلمشدر . عودت  
 ایدن حاجیلر کرک تاجر ، کرک معلم صفتیله مجوسیلرله تماسه کلدکلری مواقعده  
 مبشر اسلام وظائفی لایقوله ایفا ایلمکده در لر . بوندن ما عدا اسلامده کی طریقتلردن  
 [۱] پروستان میسیونه لر کی تشکیلانک یوزنجی سنه دوریه سی مناسبته انکلیز  
 یاپاسلرندن بر متعصبک میسیونه لر قوتلرهنه ویردیکی لایحه دن . مترجم

بعضرى - (قادريه ، نقشبنديه ، سامانيه كې) - زاويه تشكيلاتى جزاير  
مجمعه بيه قدر تشميل ايشلردر ؛ حتى بو طريقتلر كك يكيى اولان سنوسيه  
طريقتى جزاير مجموعه نك ك اوزاغه دوشن بعض اطه لر نده بيله مریدلر بولشدر .  
مكه بيه كلنجه : عربى الالفاظ اسملر اتخاذا ايلن مالها يالى كيمسه لردن بعضرى  
اسملىنه (سنوسى) كلمه سنى علاوه بيله ايشلردر .

خرستيان ميسونه لرلى هولاندا حكومتى - انتشار اسلام مواجهه سنده  
مساعده كارطاورا نمله - اتها م ايدرلر . حقيقت بويه اولش بولنسه بيله هر حالده  
يالكرز مسلمانلر ك تكلم ايتدكلرى مالها لسانى - جاوادن ماعدا - كافه جزاير ده  
هولاندا حكومتى طرفدن لسان رسمى اتخاذا ايدلش وبوحال ايسه مسلمان  
ارشادى نك اجراسنى تسيله مدار اولشدر . هولاندى مامورين ملكيه نك هر  
مر كزده معتلر نده آزان ، كاتب ، ترجمان كې برطاقم مامورين تاليه مسلمه  
بولنديفدن ايشته بومسلمان مامورلر هر كيتدكلرى يره اسلاميتى ادخاله چاليشورلر .  
هولاندا حكومتيله معامله سنى بولنان يرلى اشخاصك كافه سنك ده مسلمان لسانى  
اولان مالها لهجه سنى اوكر نكه محتاج بولندقلرى دركاردر وبولسانى اوكره ن  
هر فردك عىنى زمانده اسلاميتى ده آكلايه رق اهتدا ايتسى نادرا وقوع بولان  
حالندن دكلدر . بو وجهه بر محل افرادى نك اكثريت اوزره معتبرانى اسلامه  
كلنجه ديكرلرى آنلر ك اثر اهتدالرينه اقتفا ايدرلر . ايمدى اسلاميت حال  
حاضرده محوسيلكى مالها جزاير مجموعه سنده ازاله ايلكده در .

اون اوچنچى نصل

### مروضات افشاميه

عالم نصرانيتك زهاب حاضر نجه « ميسونه رلك فعاليتى » ديمك ميسونه ر جمعياتى ، ميسونه ر مثل و مرخصلى ، ميسونه رلك ايچون اعانات ، ميسونه ر راپورلى و جرائدى و رسائلى معالرينى افاده ايدر ؛ منتظم و ثابت صورته وجوده كلس تشكىلاته مالك اوليان ميسونه رلك تشبثاتى ايسه لفظ بيمعنى حكمنده در . نصرانيت كنيسانك قانون اساسى رهبانيتى - غير مؤمن سايديني افراد بشر آره سنده خريستيانلق و قوفك نشرى ايچون - داها تاريخ وضعك بدايتدن اعتباراً استحضاراتده بولميشدى . كنيسانك ميسونه رلك ايچون نصب ايتديكى كيمسهر - اكثر احوالده - منتظم صورته چاليدشوب اجازت آلمش رهبان و مناستر نشيناندى انتخاب ايديله كلدى . مناستر حياتنه مالك اولان خريستيان طريقتلى - ( بنه ديكين و سائره كبي ) - ونسبه او قدر اسكى اوليان ميسونه رلك جمعيتلى اعمال نصرانيتدن اويله بر قسمك ترويجى ايچون دقت مخصوصه و منحصره ايله وقف وجود ايلمشردى كه ايشته بوقسم فعاليت داها بدايت احداثدن اعتباراً كنيسانك وظائف عاليه و متقدمه سندن برى اولمق اوزره قبول ايدلميشدى . لکن اسلاميته رهبانيت بولمامسندن ويا تشكىلات كنيسانه دن هيچ برشكك آنده موجود اولمامسندن طولايى مسلمانلرك غيرت تبشيره لرى خريستيان ميسونه رلكى تاريخنده كوريلن مساعيدن تاميله باشقه صورته ده تجلى ايلشدر . اسلامده مبشرين جمعياتى بولمدينى كبي مخصوصاً تعليم ايدلمش ارشاد مثللرى دخى يوقدر . اوبابده كى مساعى شخصيه متفرقه ده ايسه فعاليتك مداومتى نادراً كوريلور . بو حالك بر ايتشاسى وارسه اوده خريستيانلقده كى مناستر نشينلر كه





فعالہ نیک اسامیہ سنی دہ محتویدر . لاهور شہرینک دینی و فلسفی جمعیتی طرفندن  
 نشر ایندیلن مجموعہ موقوتہ دہ ہندی مبشر لک اسامیہ مندرجہ دی . بوجدولہ  
 مکتب خواجہ لری ، حکومتک قانال و آفیون ادارہ لرنده مستخدم کاتبہر ،  
 ہر صنف اہل کسب و صنعت ، غزتہ مدیرانی و باش محرر لری ، مجلد ، مطبعہ  
 ایشجیلری کپی کیمسہ لک اسملری کورلشدر . بو آدمہر اشتغالات یومیہ دن  
 باقی قالان ساعات خالیہ بی ہندستان شہر لری نیک بازار یرلرنده و چار شولرنده دینلری  
 حقندہ موعظہ اعطاسنہ دہ تخصیص ایتشلر و - مذہب لری داعی تنقید کورد کلری -  
 ہندولرلہ خرستیانلر آرسندہ مہتدی قازانمغہ چالیشمشلردر .

شایان قید مواددن بولندیغی اوزرہ اسلامیتک نشری خصوصی بالکز  
 ارککلرک اشتغالاتدن دکلدہر ؛ بووظیفہ دیندارانہ بیہ برچوق قادینلرنہ اشتراک  
 ایتشلردر . معول برنسلرندن برچوقلری تامل ایتشلر اولدقلری مسلمان قادینلری نیک  
 تلقیناتی اوزرینہ ہدایتہ کلشلر و برخیلی محوسی تورکلر دخی مسلمان مملکتلرینہ  
 آقین ایتدکلری زمانلردہ آلدقلری قادینلرک دلائلریلہ اسلامہ کتورنشلردی .  
 سنوسی طریقہ مبشر لری ( جاد ) کولنک شالندہ متمکن ( توبو ) طائفہ سی  
 آرسنہ کیدوب نشر اسلامیتہ چالیشدقلری وقت اوتہ دہ برودہ قیز مکتبلری  
 آچشلر و قبائل آرسندہ قادینلرک اعمال ایتدکلری نفوذدن بالاستفادہ اسلام  
 ایچون مہتدی قازانمغہ سعی ایتشلردر . آفریقای شرقیدہ مقدا المانیایہ عائد  
 اولان مستملکہ نیک یرلی محوسیلرندن اولوب تیمور یوللرنده و نباتات تارالرنده  
 ایشلمک اوزرہ سنہ آلی ای کویلرندن تباعد ایدن برچوق کیمسہ لری کیتدکلری  
 یرلردہ کی مسلمان قادینلریلہ تماسہ کلہرک ازدواجہ طالب اولشلر و بناء علیہ قبول  
 اسلامیت ایتشلردر ؛ چونکہ بو قادینلر ختانی اجرا ایدلمہ مش « کافر » نام  
 قومک افرادینہ تقریبہ قطعاً راضی اولدقلرندن طالب اولان ارککلر دہ ختانی  
 اجرا ایتدیررک جماعت مسلمینہ التحاق ایتشلردر [۱] کچن قرن میلادینک  
 نصف اولندہ حبشستاندہ وقوعہ کلش اولان توسع اسلامیتک اک زیادہ مسلمان

[۱] قلام روت نام آلمان محررینک Der Islam in Deutchostafrika عنوانیہ

شرقی آفریقا مستملکہ سنہ دائر اثر نلرن .

قادیئرنیک مساعیدن منبث اولدینی ذکر ایدیلور؛ علی الخصوص حبش امرا ورؤسای ایلہ ازدواجلری اوزرینه خرستیانلغه کیردکلرینی ادعا ایتمس اولان مسلمان قادیئلری امرا ورؤسای مذکورہ دن برچوغنه ارکان واحکام اسلامیه تلقین ایتمشله وهروجهله اسلامیتک تعالیٰ اعتبارینه چالیشمشلردی. حبشستانک غرب حدودنده متمکن برمجوسی طائفه سی واردرکه (بوران) اطلاق ایدیلور؛ بونک افراندن برخیلیسی انکلیز ومصر نامنه سودانده حکومت ایدن اداره نیک تشکیل ایلدیکی زنجی آلاینه کوکللی نفر یازیلوردی؛ اوآلای خرطوم شهرنده بولندی صرہده مسلمان زنجی نفراتک زوجه لری مذکور کوکللی زنجیلری اهدایه سوق ایتمشلردر. قازان تاتارلرینک قادیئلری مسلمانلق پروپاگاندا سنده کی فعالیتلری حسیله بالخاصه ذکر ایدیلور. اقایه حصر حیات ایدن بو قادیئلر - محضا طائفه نسان بولملرن دن طولای - مسلمان مبشرلریله رفاقت فعالیتدن آلیقونامشلردر. حضرت علینک انسالندن اولوب کربلادن لاهور شهرینه قدر طیران ایتدکلری راویان قصص طرفندن ذکر ایدیلن قادیئلرک اجرای صلات وصیام کی حیات زاهدانده بولنه کللری هندولر اوزرنده اجرای تاثیردن حالی قالمش و هندولردن ایلک اسلامه کلنلر بو قادیئلرک نفوذلرن دن طولای اهدایه میل ایتمشلردی. قاهرده اعزہ تربهلرینک اک زیاده تکریم ایدیلنلرن دن بریسی ده صالحات اسلامیه دن نفیسه نیک تربه سیدر. بوصالحه محترمه نیک علم فقهده کی مکتبانی کندیسيله معاصر اولان امام شافینک مدح وثناسنی دعوت ایلمشدی؛ انقاسی و حیات منزویانه سی ایسه کندیسینی اعزہ اسلامیه مرتبه سنه چیقارمشدی. بروایت کوره بوزاهده مصرده توطن ایلدیکی صرہده کندیسنه اک یقین قومشو اوله رق برذمی عائله سی بولنیوردی. بو عائله نیک معلول برقیزی واردی که آیقلری طوتمدیغندن دائما ارقه اوستی یاتمغه مجبور ایدی. بیچاره نیک ابوی برکون برای مصلحت اودن آیرلمغه مجبور قالمشلردی. غیابلرنده کریمه لرینه باقسنی زاهده مذکورہ دن رجا ایلدیله. قلبی رحم وشفقتله مملو اولان نفیسه خاتون بو خدمتی درعهده ایتدی وقیزک ابوی قابودن طیشاری چیقار چیقماز روحنی درکاه کبریاه توجیه ایلہ بیچاره قیز ایچون شفا تضرع ایلدی. دعا سندن

صوکره معلول قیزک با جاقلرینه قوت رجوع ایتمش . ابونبی عودتلی آئنده آنک سالم و صاعلام یوروپه ریک قابودن استقبال ایتدیکنی کورنجه متدارقلرینی بو کرامتی کوسترمش اولان صالحه مسلمنه نک دینی قبول ایله اظهار ایلشلردی . [۱]

مسلمان اسرای حربیه سی آره سنده بیله بعض مبشر لر ظهور ایتمش و بونلر یا کندیلرینی یا قالا یانلرک و یا غیر مسلم رفقای اسارتک اهتدالرینه چالیشمشلردی . اسلامیتک آوروپای شرقیه ایلك دخولی بر مسلمان فقیهی طرفندن وقوع بولمشیدی که بو ذات غالباً بیزانس ایمپراطورانی ایله قومشوسی بولنان حکومات اسلامیه دن بری آره سنده وقوعه کلن محاربه ده اسیر دوشمش ایدی . بو ذات اون برنجی قرن میلادیده آشاغی طونه ایله (دون) نه ری آره لرنده ساکن بولمش اولان (په چه نک) لرک مملکتنه کوندرلشیدی . بو فقیه آنلردن بر چوغنک مواجهه سنده تبلیغات دینییه ایضاح ایلدیکندن آنلرده اسلامه کلشیر ومنسوب اولدقلری خلقه دخی تلقینات اسلامیه ده بولتمشلردی . مع مافیه په چه نک لرک بر طائفه سی اسلامیتی قبول ایتدیکندن و همجنس کیمسه لرک اهتدالرندن منفعل اولدیغندن آرده غوغا ظهور ایتش ایدی . عددلری اون ایکی بیك قدر اولان مسلمان په چه نک لر کندیلرندن ایکی قاب زیاده بولنان قسمه موفقیته هجوم ایلشیر و مغلوب ایتدکلری طاقلری کندی دینلرینه کتورمشلردی . اون برنجی قرنتک ختامندن اول بو طائفه نک کایه افرادی اسلامیتله متدین ایدیلر . بونلر آره سنده برنجه علما و فقهها دخی ظهور ایتمشدی . هندستانده ایمپراطور جهانگیر دورنده (م ۱۶۰۵ - ۱۶۲۸ هـ ۱۰۱۴ - ۱۰۳۸) شیخ احمد مجدد اسمنده برستی فقیهی واردی که شیعه مذهبنه قارشو اولان مجادلاتی ایله کسب تعارف ایلشیدنی ؛ حال بوکه اوزمانلر شیعیلر سرای حکمداری ده بر موقع نافذ اشغال ایلدکلرندن عادی بروسیله احداثیله بوفقیهک توقیفی ایچون ایمپراطور جهانگیری فرمان اصدارینه سوق ایلشلردی . بوفقیه ذات ، ایکی سه قدر سورن مدت موقوفیتده رفقای محبوسین آره سنده بر قاج یوز محبوسی بی اسلامه کتورمه که

[۱] مجار مستشرقلرندن غولده جیهه ریک Muhammedanische Studien عنوانی

تبعات علوم اسلامیه ده دایر کتابدن .

موفق اولمشیدی [۱] اوزماندن داها چوق صوکره کلن هندلی بر ملا ۱۸۶۴ سنه سنده ظهور ایدن وهابیلک جمعیت خفیه سنده مدخلدار بولمق اوزره انکلیزئر طرفندن توقیف ونفی ابدی ایله (آندامان) آطه لرندن برینه تغریب ایدلمشیدی . وفاتی زمانته قدر اوراده کندیسی کبی موقوف بولنان مجوسیلردن بر چوغنی اسلامه کتورمشیدی . آفریقای وسطاده بلجیقالیر طرفلردن اعدامه محکوم ایدلمش اولان مظنونین سیاسیه دن بر عرب ، کندیسنه تسلیت دینه ویرمک اوزره کوندریلن خرسیتان میسیونه ریی صوک دقیقه حیاته قدر اسلامه کتورمکه چالیشمشر [۲]

ایشته مسلمانلرک بو تبشیر جاهدانه لرندن طولاییدرکه سیاح داوتی شو ملاحظآده بولمشییدی : « مسلمانلر دأتما - وبلاریا - دیانتدن بحث ایدرلر ؛ بو حال ایسه آنلر ایچون دیندارانه بر خاطرۀ مدوحه در » [۳]

شیمدی مسلمانلرک مهتدی قازانمقده کی موفقیتلرینک اسابندن بعضی نظر مطالعه یه آله م :

بواسابک باشلیجه لرندن بریسی ده عقائد اسلامیه نک ساده لکیدر . لااله الاالله ، محمد رسول الله . تفهمی غایت بسیط اولان بویکی حکم ایمانه موافقت ایتک مهتدین بکنیلن شینک باشلیجه سیدر . مغلق و مرتب تعیرانه افاده ایدیلن هیچ بر اشارت و ایهامک هیچ بر مجلس روحانی طرفندن عامه مؤمنینه قبول ایتدیرمک ایستلدیکنه دائر عقائد مسلمه تاریخی هیچ بر مثالی حاوی دکدر . بوساده مذهب بر آدمک ایمانی دهنه مک ایسته مز و علی الاطلاق عسرت مخصوصه ادراکیه دخی احداث ایله مز واک مادون بر عرفانک بیله خوصله تفهمنه صیغار . آلهیات وقایع مصنعه سی ایله مقید بولنمدیغندن هر کس طرفندن - وحی آلهیات اصطلاحاتدن بهره مند اولیان بر کیسه جانبدن بیله - تشریح ایدیله بیلور .

[۱] غلام سرور اسمنده هندلی بر محررک خزینة الاصبیا عنوانی کتابندن .

[۲] قروفورد نام آنکلیز محررینک Thinking Black عنوانیه زنجیرک فکرآ نرقی ایدنلری حفته کی اثرندن .

[۳] داوتینک Travels in Arabia Deserta عنوانی عربستان سیاحتنامه سندن .



بومذهبك قسم اولی همان كافه ناس طرفدن شرط واجب اولمق اوزره قبول ایدیلن برحکم عقیده‌ی مبلغدی . قسم نانیسی ایسه افراد بشرک جناب حق ایله اولان مناسباتی نظریه‌سی اوزرینه ابتدا ایلرکه بوده همان عمومیت اوزره مقبولیتی حائردر ؛ یعنی تاریخ بشده زماندن زمانه جناب واجب الوجود - پیغمبران ملهمه‌نک وساطت تبلیغیه‌سی ایله - انسانلره موجودیت علویه‌سنی وحی ایدر . مذهب مسلمینک معقولانه مستند اولان بووصفی ومساعی تبشیریه‌سنده بوندن اقتباس ایلدیکی فواید پروفوسور (مونه) نك آتی‌یه نقل ایلدیكمز جمله لر ایله يك كوزل شرح ایدلمشدر :

« تاریخی صورتده واشتقاق نقطه نظرندن تدقیق اولندوقده اسلامیتك - معنای تامیله - بر دین عقلی اولدیغی آ کلاسیلور . « معقول » تعیری - ایمان - دینی عقلک استحضار ایلدیکی احکام اوزرینه وضع ایدن اصول صفتیله - اسلامیه يك مطابق کلور . حضرت محمد - که شوق ایمانه ، آتشین اعتقادده مالک ایدی وبوقیمتلی اوصاف جاهدانه‌ی اصحاب کرامنه دور ایلمش ایدی - فی الحقیقه دین حقیقه‌کی اصلاحاتی الهام صورتیله وجوده کتورمشدی . شو قدرکه بوقیل بر الهام برنوع تشریح ویا توضیحدر وکندیسنک دینی ایسه قیاس عقلی اوزرینه مؤسس اولان احکامک بر مجموعه‌سی شکلی حائردر . مؤمنلره کوره مسلمانلق ، وحدانیت ربانیه ورسالت محمدیه‌نک برزبدسیدر وآنک احکامی برعلاقه معنویه‌نک حسیات حاره‌سندن آزاده اوله‌رق تحلیل ایدن بزله کوره ایسه اللهه و آخرته اینانمق معناسی افاده ایدر . ایمان دینیک اصغریتی اولان بوایکی چشید عقیده - و دیندار برآدمه کوره عقلک اساس قویسنه مستند اولان بویانات - قرآن کریمک كافه احکام تبلیغیه‌سنی خلاصه ایدر . بو تبلیغک وضوحی وساده لکی لاجرم اسلامیتک اوامر دینه‌سنه وفعالیت تبشیریه‌سنه خادم اولان قوای مشهوده‌دندر . انکاری قابل اولمادینی اوزره برچوق الیهیات قواعد واحکامی - واولیایه تعبد ایله تسبیح وحائل استعمالی کی برطاقم اعتقادات غیر فطریه - دین اسلامک جسمنه آشیلامشدر . مع مافیه تبلیغات نبویه‌نک - هر دورلو معناسیله - انکشاف غنیسنه رغماً قرآن کریم

برقظه اساسیه حرکت اولوق اوزره موقعی غیر متبدل صورتده محافظه ایتمش و آنده کی وحدانیت ربانیه عقیده سی - عظمت و حشمتیه ، لایتغیر بر صافیتله و حدود اسلامیتک خارجنده داهامکملنی بولوق مشکل اولان بر آهنگ قناعتبخشانه ایله - اعلان ایدلمکده بولمشدر . دینک عقیده اساسی سنه اولان بو صداقت و تبلیغ ایدلمش اولدیغی شکک سادکی اساسیه سی و آتی نشر ایدن مرشدلرک کرمی قناعتلرندن متحصل برهانلر مسلمان فعالیت تبشیره سنک موفقیتنی ایضاحه مدار اولان جمله اسبابندرلر . بو قدر معین و ثابت و انہیات منقلبتلرندن بو قدر آزاده و بنابرین علی العاده ادراکک تلقیسنه بو قدر مستعد بر مذهبک وجدان افراد بشره یول بولوق ایچون خارق العاده بر قدرته مالکیتی البتہ منتظر ایدی . [۱]

بہ سقبوس ( لیفروی ) ک مطالعاتنه کوره « اسلامیتک اک پارلاق دورلرنده ابراز ایتدیغی فتوحات و توسعک سر و حکمتی ، آنک وحدانیت ربانیه دن زیادہ موجودیت ربانیه اساسی قبول ایلمسندہ بولنور ؛ یعنی اللہ بردن زیادہ اللہ وارد و آنک اراده سی علوی ، حکمی مطلق ، قدرتی بی نہایدہر . دنیانک قارغشہ لئی ، های هویی ، هرج و مرجی آرہ سندنہ مظلم قالان اعتقادکہ علوی ، غیر قابل مقاومہ و ایدی بر ارادہ ک موجودیتی معترفدر . بشریت بو ارادہ نی وضعه و حکمنی اجرایه و حین اقتضاده - و حتی ساده و ابتدائی اولاد واسطه اطاعت ایله - بو اجرایی اجبارہ مأموردہر . ایستہ بو حال ایدی کہ مسلمان جماعتلرینی تسخیری تمتع بر فتوحات ماکنہ سی شکلندہ مزج ایتمش و بو کتله مختلطہ یه متابعت ، انقیاد و انتظام مثللو روح عسکری و یرہرک - باشقه هیچ بر دینی و یا ملی اصولده امثالی کورلمہ مش صورتده - استحقار خوف موت ایله ملہم ایلمشیدی . کذلک ینہ بو حالدرکہ - مسلمانلر آرہ سندنہ معنای حقیقیسیله حالا حکمنی اجرا ایدہ بیلدیکی قدر - اسلامیتک اک خالص سالکترینک اخلاقنک بل کیمی کیدر و آنلره عزم متین ، قدرت ارادہ ، صبر بلا اشتکا ، اک آجی فلاکت

[۱] ادوار مونته نک La propagande Chrétienne et ses Adversaires  
Nusulmans عنوانیله خرستیانلق پروباغانداسی و آنک مسلمان رقیبیری حقندنہ کی اثرندن

مواجهه‌سند تسلمیت و تحمل بخش ایدر « [۱] . بوساده مذهبی او کرده‌ن و قبول ایدن بر مهتدی آنک وظائف عملیهٔ خمسسه سی حقنده تعلیمات آلود . بوردیه : (۱) شهادت کتورمک (۲) بش وقت نماز قیلماق (۳) زکات ویرمک (۴) رمضانده اوروج طومتق (۵) حجه کیتمک .

صوک وظیفه‌نک اجراسنه - حضرت پیغمبرک وحدایت الهیه دایر اولان اصول مذهبه‌سنه مجوسیلکنک احیا ایدمش بر شکل عجیبی قاریشدیرمق کبی بر حالک ایفاسی نظریه باقیله‌رق - دفعاتاً اعتراض وقوع بولمشیدی . آنحق شوراسنی خاطر دن اوزاق طوتماق لازم کلورکه - حضرت محمد نظرأ بو حج مسئله‌سی - مذهبی احیا ایتک ایچون مرسل اولدیغنی سوبلدیکی - ابراهیم (ع . م) ایله منا-بتداردر . مع مافیه بوراده مهم بر نقطه واردر که اوده اسلامیتک تاریخ تبشیرنده هرشیدن اول ملاحظیه شایندر : حج ، جهانک اقسام مختلفه - سنده کی اجناس متباینه به منسوب والسنه متعددده ایله متکلم مؤمنلر دن بر جماعتک دیار متفرقه بعیده لرنده اوقات خمسده خصوصی عبادت صردسنده قبله اولماق اوزره یوزلرینی چوربدکلری محل مقدسده سنده بر کره مجتمأ اجرای عبادت ایللرینی موجبدر ؛ مؤمنلرک افکارنی اوزرنده بر حیات مشترکه حی و رابطه دینه دایر سنده بر اخوت تأثیری حاصل ایتک ایچون هیچ بردهای مذهبی بوندن دها ائی بر تدبیر تصور ایدمه‌زدی . ایشته اوقبله گاهه‌ده کی عبادت مشترکه‌نک اجرای علویسنده غربی آفریقا سو - لندن کلن برزنجی ، مشرق اقصادن کلن بر چینلی به تصادف ایدر ؛ تراکت و طور مهذب صاحبی بر تورک مسلمان مالیه یا دکزینک اک اوزاق بر آطه‌سنک بیابانندن کیش بر دینداش کورر . عین زمانده بوتون عالم اسلامده کی مؤمنلر کندی مملکتلرنده قربان بایرامی آیینی اجرا ایدر لکن قلبلری ارض مقدسده اجتماع ایتمش اولان اخوان متقیه حقنده بر توجه ایله متحسس بولنور . ارض مقدسی زیارت ایتک بر چوق مسلمانلرجه فی سبیل‌الله چالیشماق ایچون بر تجربه محرکه حکمنده‌در . نته کیم بوندن اولکی صحایفک بعضلرنده‌ده کراآ ذکر ایدلدیکی اوزره حجاجدن بر چوقلری فعلاً دین مبشرلی ایتشلردر .

[۱] انگلیزانه سقبوسلرندن لیفرویک Mankind and the Church عنوانی کتابندن

مؤسسه حجدن باشقه زکات دخی مؤمنارک اخوتی دأما اخطاره مدار اولان بروظیفه در . بوده بر نظریه مذهبه در که جماعت اسلامیه ده شایان دقت بر صورتده موقع تطبیقه قولفتمده در ویکی مهتدیله حقدده ابدال اولنان اعمال رحیمانه ده بونک تظاهری نادر دکدر . عرقی ، رنگی ، ماسبق وضعیتی هر نه اولورسه اولسون هر بر هدی ، اخوت مؤمنین دأرهدی داخلنه آلورومساولر آره سنده اوده بر موقع مساوی به مظهر اولور .

غیر مسلم بر اسیر مسلمان النده ایکن اهتدا ایدرسه معتق صایله جنی حقدده بعض اوروپالی محرر لر طرفه ندن سرد ایدیلن مطالعات طوغری دکدر ؛ چونکه شریعت اسلامیه احکامنجه اهتدا مادهسی اولجه موجود اولان حال رقیته تأثیر ایتمز [۱] مسلمان اسیرک وضعیتی اک زیاده ویلسنک صفت اخلاقیه سنه باغلیدر . مع مافیه اکثر احوالده آزادلق ، اهتدانک مکفاتی اوله رق تالی ایدیه کلشدر ؛ حتی بعض اذهان زاهده ، اسارتی دین حقه دخولک برواسطهسی بیله صائمشدر ؛ نیته کیم سیاح ( داوتی ) نک جزیره العربده تصادف ایلمش اولدینی نیل علیا مملکتلر ندن کله زنجی اسیرلرک ذهابلری بوکا بر مثال تشکیل ایدر . داوتی دیرکه : « بو آفریقایلر دوشمش اولدقلری حال رقیتن طولای مغبر ومشتکی دکدرلر ؛ حتی ظالم انسان خیرسزلی آنلری ابوین نزدنن قاچیردقلری حالده دخی . . . . . اسیر صفتیه کندیلرینی اشترا ایدن ویلر ایسه آنلری افراد عائله ایچریسنه ادخال ایلمش و ارکک بولنانلرینی سنت ایتدیرمشدر . بو حال آنلرک - داء الصله حرارتیه یاندقلری اوزون زمانلرده بیله - روحلرینه حریت بخش اولمشدر . آن فلا کتله جناب حقک عنایتی امدادلرینه یتیشمش ؛ اللهمک لطفیه نجات دیننه داخل اولمش بولندقلرینی سویلرلر . بناء علیه بوراسی ( یعنی عربستان داخلی ) آنلرک ظننجه داها ای بر مملکتدر ؛ چونکه بوراده اللهمک حر انسانلری یاشایورلر و داها متمدن صورتده عمر سوریلن و حرمین محترمی حاوی اولان بر مملکتده بولنورلر . روحلرینه حکم ایدن بوایمان ایله جسملرینک

[۱] ماق نوتهن نام ذاتک هندستانده مطبوع واحکام فقهیه دن باحت Principles

and Precedents of Moohammadan Law عنوانی کتابندن .



بعضاً بوجهه اسیر اوله رق صائمندن طولانی جناب حقه حمد ایدر لر [۱] هر کون اوقات خمسه ده عبادت ایلمک دخی مهتدی قازانق و قازانیلان مهتدی لری محافظه ایلمک خصوصاً بکنده بک مؤثر بولنور . مونسکیو شوسوز لری بک حقی اوله رق سویلمشیدی : « اجرای احکامیه عمل اولمنسی زیاده جه امر ایدن بر دین ، او عملی آز امر ایلین دیگر ادیان دن زیاده کنیسنه مربوطیت حاصل ایدر . دواملی صورتده اشتغال ایدیلن شیلره دها صیقی صورتده مربوط قانور » [۲] حقیقی بر مسلمان کندی دینی همان هر وقت پیشکاهنده معروض بولور ؛ دیانت دخی آنک یومی عباداتنده مؤثرانه و وقورانه آینلره کنیسنی عرض ایلر که بو حال دن بالکتر عبادت ایدن دکل آتی تماشاده بولنان کیمسه دخی بر تأثیر حسن حس ایلر . میلادک ۱۲۹۸ ( ۶۹۸ هـ ) تاریخنده اهتدا ایتش اولان وسعید بن حسن اسمنی آلان اسکندریه لی بریهودی جمعه نمازی تماشاسنک کندی اهتداسنده عامل معین اولدیغنی ذکر ایدر . شدتلی برخستلق زماننده تخیلاته طوتلدیغنی بر آنده مسلمانلغنی اعلان ایلمنی غائبدن بر صدا بویهودی یه تفهیم ایتشدر . بومناسبتله سعید بن حسن شوسوز لری ایراد ایتشدر : « جامعه کیردیکم زمان جماعت مؤمنینک ملککر کبی صف ، صف طور دقارینی کوردم و درونمدن بر صدا ایشتم که ( پیغمبران قدیمه ظرفندن کله جکی خبر ویرمش اولان جماعت ایشه بودر ) دیمک ایستوردی . وعظ وامامت ایدن کشتی سیاه فقتانیله ایلیله دیکی و جماعتله عبادتی ( ان الله یأمر بالعدل والاحسان وایئذ ذی القربی وینهی عن الفحشاء والمنکر والبغی یعظکم لعنکم تذکرون ) کلام مبینله ختامه ایردیردیکی آنده وجودمی بر حس حشیت قاپلادی . عبادت باشلانجه بنی بر قوت تحریک ایلمشیدی ؛ چونکه صفوف مسلمین انسانلرک دکل ملککرک صره لری کبی کوروندی . او مؤمنلرک حضوع ایله ایدیلن سجود و رکوعلرنده جناب حق موجودیت علویه سندن نشانه اظهار ایلیوردی . درونمدن صدور ایدن صدا ( اکر الله تعالی بنی اسرائیله اعصار عدیده ایچنده ایکی دفعه خطابده بولندی

[۱] داوتینک بالاده عنواتی مذکور عربستان سیاحتنامه سندن .

[۲] مونسکیونک De L'Esprit des Lois عنوانلی روح الفوائین حقنده کی کتابندن .

ایسه هیچ شبهه یوقدر که بوخلقهده هر وقت عبادتده خطاب ایلور ( دیوردی .  
 ذهناً قناعت کتوردم که خدا بی مسلمان اولمق ایچون یاراتمشدر . » [۱]  
 حتی (ده نان) بینه (اسلامیت و فن) عنوانی رساله سنده شو یولده بر اعترافده  
 بولمشدر : « جاندن متأرا اولمق سزین و - حتی دیمه ییلورم که - مسلمان بولمادیغمه  
 تأسف ایتمکسزین بر مسجدده کیردیکم واقع اولماتمشدر . » بر مسلمان تاجرینک  
 غیر مرئی بر معبود مواججه سنده کرات ایله سجده یه وارمنک ، ساکن و ساکت  
 بر صورتده عبادتده ظالمسنت - مادون بر مرتبه مدینه بولان انسانلرک اکثریتله  
 حس ایلدکلری وجهه - هر شیده بر سر و حکمت بولمق حسیله قویاً متحسس  
 اولان آفریقا مجوسیسی اوزرنده نه قدر دین بر تأثیر حاصل ایده چکی قولایلقله  
 آکلاشیور . فکر تجسس ایسه بالطبع فکر تحری بی متحر کدر : ایسته  
 اسلامیت حقنده بو وجهه اظهار ایدیلن ارزوی وقوف ، بعضاً اویله اختیاری  
 مهتدیلر جلب ایده ییلور که اگر بو دین بونلرک طلبلری وقوع بولمق سزین  
 قبوللرینه عرض ایدمش اولسه احتمالک بدن یوزلرخی چویر لر دی . رمضانده کی  
 اوروج مناسبتله ده یالکز شونقده ایضاحه متاجدر که اسلامیتک هوسات نسانیه یه  
 مساعد بولمسیله انسانلری جذب ایلدیکی حقنده کی نظریه علیهند امر صیام  
 بدلیل قوی و بنام تشکیل ایدر . متفکریندن (قارایل) بو مناسبتله بیانات  
 آتیده بولمشدر : « صیقی بر صیام ، نفسلر و تقابلر ، مغلق ارکان عبادات ،  
 کونده بش وقت نمان ، مسکراتدن اجتناب لازم . بناء علیه اسلامیتک قولایلقلندن  
 طولایی مظهر موفقیت اولمدیغی ظاهر در . »

تبشیرات اسلامیه نك موفقیتده مدار اولان و معین زمانلر و مکانلره مخصوص  
 بولان دیگر برخیلی احوال دخی کوستریله ییلور . بونلر میاننده مسلمان ارشادی  
 فعالیتک - خاصه آفریقا خلقلک و دیگر غیر تمدن مملکتلر سکنه سنک اجنبیلردن بالطبع  
 متحاشی بولندیغی یلرده - اکثریتله تاجرلر طرفلرندن اجرا ایلمسی حقیقتندن  
 متولد فوآند ذکر اولنه ییلور ؛ چونکه مضرتدن سالم اولان مشغولیت معتادسی

[۱] بحار مستشرقی (غولده جیبار) ک پارسده منتشر Revue des Etudes

Juives عنوانی رساله موقوته موسوبه یه یازدیغی مقاله دن .

بر تاجری او کی حسیات استباهدن آزاده قیلار ؛ برده اشخاص و عادات محلیه  
حقنه کی وقوفی ، اخذ و اعطا ایشنده کی مزاج آشنالغی او مثلاًو بر تاجری  
سرعتله حسن قبوله مظهر ایدر و بر بابانجینک مواجهه سنده طبیعتله تحصیل ایدن  
حسن مضیق بر طرف ایلر . مسلمان تاجر مبشری - صنعتی میسیونه رلک اولان  
غربلینک مصادف اوله بیله چی - مواعدن عاری اوله رق چالینور ؛ حال بوکه  
غربلی میسیونه رلک حالی ، دائرة تجریه سی و افق ذهنیتی محدود اولان و  
بر آدمک - اوزون سیاحتلرک مخاطره لرینه کوکس کره رلک - دینه سالک  
قازانمق امل یکنه سیله هر دورلو اشتغالات دنیوییه بی بر طرف ایتسنی حوصله  
تفکرینه صیغدره میان اشخاص ایچون غیر قابل تفهم اولمق قالماز ؛ برده دنیانک  
داها مدنی پولان افرادی بیله معاشلی و تخصیصاتلی غرب میسیونه رینک صمیمیت  
فعالیتدن شبه لئمکه مائلدر .

لکن اسلامیتک بابانجی بر ملکتده مهتدی قازانمق ایچون استرحام ایدر جه سنه  
بر وضعیتده کورونمیوب آتجق بر ملت حاکمه نک دینی اوله رق مفتخرانه صورتده  
عرض موجودیت ایلدیکی زمانده احوال باشقه لشور . صحایف مقدمه ده ذکر  
سبق ایتدیکی اوزره - مسلمان دینک نظریاتجه - ادیان سائره سالکلرندن  
بولنوبده مظهر اولدقنری حمایه مقابلنده خراج و یرن کیمسه لره مساوات و حیات  
دینه حریتی بخش ایدیلور . فی الواقع تاریخ اسلامک بر چوق صحیفه لری تجریمات  
دینه دن طولایی آقان قانلرله ملمع ایدلشلردی ؛ بونکله برابر حاکمیت اسلامیه  
آلنده کی غیر مؤمنلر اکثر احوالده ازمئه جدیدیه کلنجه یه قدر آوروپاده امثالی  
کورلشمس صورتده تدابیر حمایتکارانه یه مظهر اولدیلر . احکام قرآنیه جبراً  
دینه کتورمک ماده سنی منع ایدر ؛ نیته کیم بومنونیت شو آیتلردن آکلاشیلور :

لا اکراه فی الدین

(سورة البقره)

افانت تکره الناس حتی یکنونوا مؤمنین . و ماکانه لنفس ان تؤمن الا  
باذن الله .

(سورة یونس)

عصر لرن بری حاکمیت اسلامیہ آئندہ بولنش اولان مملکتلرده بونجه خرسیتیان جماعت و طریقتلرینک بقای موجودیتلری ، نائل بولنش اولدقلری مساعداک براہین مجتمعه سندنر ؛ بو خرسیتیان قافلہ لرینک بعض اوقاآده متعصبلر و حقیقی صورتده دیندار بولنمیان مسلمانلر طرفلرندن چکمش اولدقلری تعدیانک معین برعدم مساوات قاعده سندن دکل آنجق بعض موضعی و عارضی احوال دن منبعث بولدیغنی کوستر [۱] .

او مثللو تعدیات دورلرنده احوالک تضیقی برچوق غیر مسلملری - ولوکه ظاهراً اولسون - اسلامیته اذخال ایئش و بعض احوال مخصوصهده اشخاص غیر مسلمہنک دین قرآنہ متابعتده مضطر براقیدقلرینک امثالی کورولمشدر ؛ شو قدرکه بو مقوله تعرضات - کرک امور دنیویہیه ، کرک امور اخرویہیه متعلق بولنسون - شریعت اسلامیہنک تجویزینہ تمامیلہ مخالف اوله رق وقوعه گلش و او باده کی آیات قرآنیہنک حکمی بالاده ذکر ایدلمشدر . فقهای اسلامک مقرر آئی دخی عین اصول حریتکارانه یی ملتزم بولمشدر . موسی المیمون نام یہودی یکن متعصب اولان الموحدینک ادا رهنده مسلمان اولدیغنی کاذبانہ صورتده اعلانن صوکره مصره قاشیدی . مصرده یہودی اوله رق قالدیغنی اظهار ایئسی اوزرینہ اندلسدن کلن فقهای حکامدن بری موسی المیمونک مرشد بولدیغنی بیان و بناء علیہ اشد مجازات ایله تجریمی طلب ایتمشیدی ؛ فقط حکم جزا ، مشهور قاضیلردن و بویوک صلاح الدینک و کلاسندن بولنان قاضی عبدالرحیم بن علی معرفتیلہ نقض ایلدی ؛ چونکه شریعتہ مستند اولیه رق زورله ایمانه کتورلش و قلباً غیر مہتدی قالمش اولان برآدمده صفت اسلامیہ آرانہ میه جنی و بنابرین ارتداد مسئله سی موضوع بحث ایذیلہ میه چکی اعلام شرعیده تبیین

[۱] مؤلف ، حاشیه طریقیہ زیر صحیفهده « شرق خرسیتیانرینہ قارشو وقوعه گلش اولان تعدیانک محضا او خرسیتیانلرک مفولار کبی و اهل صلیب اصحابی کبی خارجی دشمنلرک استیلا ایلدکلری دورلرده کی وضعیت غیر صادقہ لرندن و کذلک ازمئہ اخیرہده ترکیهده برلی خرسیتیانلرہ ایذیان معاملاتک بو خرسیتیانلرک آوروپا دولتلرینہ آلت سیاسیہ کسپلملردن ایلری کلدیکنی و بوقسه هیچ بر دینک اسلامیت قدر باشقه دینلر سالکلرینہ مساعداآده بولندیغنی « مؤلفین قدیمہنک شہادتلر یله اثباتہ چالیشمشدر . مترجم



قیندی . ینه بو یولده کی روح حریته دال اولمق اوزره غازان خان دورنده معبدلری تخریب ایدیلن بودا مذهبی مناستر نشینلرینک حسب الضروره مسلمان کورندکلری تظالم ایتدیکی وقت مذکور حکمدار بودا مذهبی راهبیری آره - سنده تیت مملکته عودت ایتمک ایستیلره اذن ویرمشیدی . بونلرده عودت ایتدکلری زمان وطنداشلیله برابر کندی مذهب اصلیلرینی تعقیده سربست قالدیلر . انکلیز محرری ( ) اصفهان یهودیلرینک والی مملکت طرفدن غدارانه صورتده تضیق ایدلکلری برصرده بوکا مشابه بر حال وقوعه کلدیکنی حکایه ایلر [۱] شویله که : مذکور والی یا جبر ویا تضیق ایله اصفهان یهودیلرینی اسلامه سوقش ایدی ؛ فقط شاه عباس ( م ۱۶۴۲ - ۱۶۶۶ ، ه ۱۰۵۲ - ۱۰۷۷ ) بونارک دین دیکشیدیرملری - قوت استعمالی اوزرینه - قورقودن نشئت ایلمش اولدیغنی آکلایجه دین اصلیلرینه رجوعده سربست قالمیرینی و مملکته آمناً و سالملاً یا ساملیرینی امر ایلمش ایدی . ایرانده داها اسکی بر زمانده - یعنی ۱۴۷۸ سنه سی ظرفنده - سیاحت ایلمش اولان بر اوروپالینک حکایه سندن آکلایشدیغنی اوزره ایرانک بویوک فارغشه لقلر کچوردیکی بر زمانده والیلردن بری خلقک غلیان تعصبه وقوعه کنن قیامنی وسائط شدیده استعمالله باصیرمشیدی . شویله که : تبریز شهرنده ساکن بر زنکین ارمنی تاجری برکون مغازه سنک اوکنده اوطوررکن بین الناس اولیادن ایلمش کی تلقی اولنان برخواجه کندیسنه تقرب ایدر و خرسیتیانغنی بر اقوب اسلامه کلمسی ایچون اصرارده بولنور . ارمنی تاجری - کندی دیننده قالمق عنانی اظهاردن سوکره - درویش قیافتنده بولنان بو آدمه صدقه ویره رک باشندن صاومق ایستر ؛ فقط مخاطبی آنک صدقه سنی دکل اهتداسنی ایستدیکنی آکلادقدن وعاقبت تاجرک امتناع مصرانه سی ایله حال تهوره کلدکدن سوکره یانی باشنده طوران بر کیمسه نک قیلجنی آکسزین قاپار وهان تاجری باشندن مهلک صورتده یارالر و فرار ایلر . والی مملکت حاده دن خبردار اولنجه قاتلک تعقیب و توقیفنی امر ایدر . قاتل حضورینه کتورلدکده والی آنی ایله حنچرلر و جسدینک کوپکلر طرفدن ینلمه سی ایچون آچقده

[۱] تاوهرنیه نک The Six Voyages یعنی آلتی دفعه سیاحت عنوانلی کتابندن .

براقلمستی سویلر و شوسوزلری علاوه ایدر: « نهدیمک مذهب محمدی بو وجهله می نشر ایدیلور ؟ » ناسک طبقه متعصبه سی کیجه اریسی وقعه دن خبردار اوله رق درویشک جسدینی قالدیررلر و آیین معتاد وجهله دفن ایدرلر . والی ایسه امرینک انفازینه بو وجهله نمانعت کوسترلمسندن طولایی دها زیاده غضبلنه رق معینده کی عساکره محل مذکورک یغما و غارتی ایچون اوچ کون اذن ویرر و اهالی دن آغیر جرمه لر تحصیل ایتدیرر و مقتول تاجرک اوغلنی نزدینه جلبه تسلیت و تلافیده بولنور . میلادک ۹۹۶ و ۱۰۲۰ سنه لری آره سنده حکمران اولان دهلی الحاکم بیله تعدی و جبر ایله اسلامیه صوقش اولدیغی برچوق خرستیان و یهودینک - بالاخره تعدیات واقعه سنندن طولایی ندامت کتوره رک - دین اصلیرینه رجوعلری ایچون مأذونیت و یرمش و بیقدیرمش اولدیغی غیر مسلم عبادتخانه لرینک تعمیرلرینی و یا مجدداً انشالرینی امر ایش ایدی . بو وقعه دن تقریباً یوز سنه قدر مقدم المقتدر دخی قدس جوارنده کائن رامله ده برشورش صره سنده بعض مسلمانلر طرفندن تخریب ایدیلن کلیسالری یکیدن بنا ایتدیرمشیدی .

سرق خرستیانلری غریبده کی اخوان مذهبه لری طرفلرندن اهمال ایدمش اولدقلرندن و برچوق یرلزده مدافعه نفس اسبابندن کلیاً محروم بولندقلرندن صاحب شوکت و قدرت هر بر مسلمان حکمداری ایچون تحت تابعیته دوشن بو خرستیانلری تمامیه احما و یا حدود مالکیه سنندن طردو تبعید ایتمک قولای برایش اولوردی ؛ نیته کیم اسپانیالیر اندلس مسلمانلرینه وانکلیزلر بوندن دورت یوز سنه مقدم انکلترده بولنان یهودیلره بوکا مثال معامله لرده بولمشلردی . کذلک ۱۵۱۴ (۹۲۰ هـ) سنه سنده سلطان سلیم اول و ۱۶۴۶ (۱۰۵۶ هـ) تاریخنده سلطان ابراهیم ایچون خرستیان تبعه نک احساسی خصوصنده کی قراری اجرا ایتمک تمامیه دائره امکانده بولنان برایش ایدی ؛ نیته کیم سلطان سلیم اوله قرق بیک شیعی بی - تبعه مسلمه سی آره سنده وحدت مذهبه بی تأمین ایچون - قتل ایتدیرمک پکده کوچ برایش اولمامشیدی . اسلامیتده کی مساعده کارلغه بناء شریعت اسلامیه نک مشر حلری حکمدار لرینک ذهنلرینی بو مقوله مقاصد ظالمانه دن

چویرمشگردی . مع مافیه اون یدنجی قرنده آلمانیاده مقبولیت کسب ایتمش اولان برقاعده ظالمانه، حکمداران اسلامیه دن هیچ بری طرفدن آنخاذایدله مشدر؛ شو قدرکه اسلامیتک دین دولت بولنه کسینک او دینه اتباع ایندئرک تزايد عددینی موجب صورتده اجرای نفوذدن خالی قلمدینی ده آشکاردر . غیر مسلملردن مذهبیرینه پکده قوتلی صورتده مربوط بولمیانلر فوآند ماده و دنیوییه مجلوب قالمشر و طول امدالیه منفعت شخصی، اهدانک مستحسن اولان مقصد صمیمینک یرینه قائم اولمشدر ؛ نیته کیم بشنجی قرن میلادی ده ( سن اوغوستن ) بعض کیمسه لرک صرف فوآند ماده استحصالی املیه کنیسه ای نصرانیته تابع اولمق ایستملردن شکایتده بولمشیدی .

کذلک عرب ایمراطورلغنک اک پارلاق ایامنده کی شان وشوکتنی کورمش اولان باربار و غیر متمدن قبیله لر نظرندده اسلامیت بغایت جاذبه لی و مؤثر کورنمش اولمق کرکدر ؛ نیته کیم شمالی آوروپا باربارلری دقایق رقیقه بی و دارات قدرتی حاوی اولان خرسیتانلی - تعبیر آخرله - قرالرده متساویاً و بعضاً آنلرک دخی فوقده اوله رق توج ایتمش اولان صدر نسیان نصرانیتی کوردکلری زمان خرسیتان نفوذیه متحرک و منجذب اولمشردی [۱] مسلمان حیات و تفکر اتیه یوماً بعد یوم وقوعه کلن تماس و ارتباطک تأثیراتی دخی بوخاللره انضمام ایتمک لازم کلور . ایشه بوکجی برتماسک تأثیریه ایدی که اون ایکنجی قرن میلادیده نسطوری محررلردن بری - یعنی ماری بن سلیمان - حضرت محمدک و خلفاسنک اسملرینی ذکر ایدرکن آنلر حقنه رحمت ربانیه ده دان اولان کلمات دخی علاوه ایدر و خلیفه عمر ابن عبدالعزیز حقنده جناب حقندن سلامت و مرحت نیاز ایلردی . زمانزک آوروپالی میسیونرلری انکار اشغالی آلتنده بولنان مصرده کی معارف عمومیه اصولندن شکایت صدنده « حکومت مکتبلرنده خرسیتان طلبه نک مسلمان چوجقلرینه قرآن و علم دین حقنده درسار ویرلیدی صره لرده - آریجه محللر بولنماسندن طولای - عین درسخانه ده قاهره او درسلی

[۱] ماری وهیل نام انکلیر مؤلفنک The Conversion of the Nothern

Nations عنوانیه شمالی آوروپا ملتلرینک نصرلری حقنده کی کتابندن .

استماع ضرورتندہ بر اقلملری « ایلری سور مشلردر . میسیونر لر بو حاکک مسلمان طلبه ایچون خرستان آرقداشلری اوزرینه بر نفوذ تفوق بخش ایدہ چکنہ ذاہب اولمشلردر . فی الواقع مصرک بویوک مفتیسی شیخ عبدونک اک عزملی سالکلرندن بریسی دە قاهرہ نیک طیبه مکتبندہ کی قبضہ خرستانلری طلبہ سندن ایدی . بو کنج خرستان ، مکتبک ساعات مخصوصہ سندنہ مسلمان طلبہ ایچون ویریلن موعظہ نیک استماعیلہ متأثر اولمش واسلامہ کلشدر .

لکن کرک اسلامیت ، کر کہہ نصرانیت ایچون اولسون تبدیل دین مانده لرینک جملہ سندنہ بو کئی مقاصدی کو سترمک پک آز بر حکمی حائر در و - نفوذی داها متاثر بر وصف دینی احتوا ایدن - اسلامیتک حیات تبشیریه سندنہ کی عوامل سائرینی نظردن دور طومقلمغمزہ سبب اولہ ماز . بونلرک باشلیجه سی اسلامیت سالکلرینک حیات متقیانہ لرنندہ کی نفوذدر . اسلامیتہ هر درلو مہاینک اجر اسنہ مساعد بر پردہ نظریلہ باقعہ آلیشمش اولان بر عنصر نصرانیتہ غریب کورنمکلہ برابرینہ بر حقیقت محضہ بولندینی اوزرہ ازمئہ قدیمہ دە مسلمان ہیئت اجتماعیلری ایلہ تماسہ کلش اولان بر چوق خرستانلر اوہیات اجتماعیه دە کوریلن فضائلک مشاہدہ سیلہ درین بر حس تأثیر اکتساب ایشلردی . اجنیلرہ و سیاحلرہ او درجہ دە مؤثر کلنجه آرتق بو فضائلک آنلرلہ ہم دم تماسہ بولنان غیر مؤمنلر اوزرندہ بر نفوذ جاذبہ دار حاصل ایلیہ چکنہ شہہ قالماز . اهل صلیب ادبیاتی او قبیل مسلمان فضائلک تقدیراتی بالغاً مابلغ احتوا ایدر ؛ دیگر طرفدن دخی عثمانلی تورکلری آوروپا طوپراغی اوستندہ کی حاکم قدیمہ لری ایچون پک چوق خرستانلری اجرای مدح و ایفای شکرانہ مجبور بر ایشلردی . عالم اسلامده کی فعالیت ارشادیہ یہ خادم الیوم باشلیجه ایکی عامل واردر : بونلردن برنجیسی اون سکزنجی قرن ختامندہ وہابی حرکات اصلاحیہ سی ایلہ ظهورہ کلن تجدد حیات دینہ در . واقعا بویکی حرکتہ ؛ نجد حدودینک خارچندہ هر درلو سیاسی معنیدار لغنی چوقدن غائب ایشم ایسہ دە تجدد دینی صفتیلہ نفوذی - حتی بو کون بیلہ - بوتون آفریقادہ ، هندستاندہ و مالایا جزایر مجتمعہ سندنہ حس ایدلمکدہ و عالم اسلامده پک قوتلی نفوذلرلہ ہمدرجہ صاییلہ -



بیله جک بر طاقم حرکات تولید ایدلکده در. مسلمانانک تشبثات حاضره بشیریه لری ایله مذکور تجدد دینی حرکاتنک نه قدر قریتله علاقه دار بولندیغنی صحایف سابقه ده ذکر ایلمش ایدلک. بونک فورانه کتوردیکی آتشین بر عزم دیندارانه ، مؤسسات موجوده دینییه القا ایدلکی حیات جدیده ، علم الهیات تحصیلنه و اعمال عبادت و تقوا تشکیلاتنه ویرمش اولدیغنی قوه محرکه اسلامیتک جبلی اولان روح اهتدا جویانه سنک متیقظ و ذی حیات طومنه خادم اولمشدر .

بو حرکت اصلاحیه نك یاننده - و فقط آکا تمامیه ضد بر وضعیتی حاضر - دیگر بر حرکت دها مشاهددر . بو ضدیت اوصافی بیان ایچون یالکز بر نقطه عرض ایدلم که برنجی حرکت آوروپا مدنیتنه شدتله مخالف اولدیغنی حالده ایکنجیسی افکار جدیدیه خیلی موافقدر و بو افکار موجبنجه عالم اسلامک حسیات آتیه سنی کوسترر ؛ یعنی اتحاد اسلام حرکتی که بوده دنیانک بوتون اقوام اسلامیه سنی بر رابطه مشترکه مخادنت ایله بر برینه باغلامق مقصدینی استحصاله ساعیدر . بو ایکنجی حرکت هیچ بر وجهله بر نیسی قدر معیدار اولماقوله برابر او باده کی میلان افکار ، افعال تبشیریه بر قوه محرکه بخش ایلر . حیاتده بالفعل بوتون مؤمنارک اخوتی مفکوره سنی میدان تحققه چیقارمغه چالیشمق دین اسلامک مفکوره متجانسه سی اوزرنده تأثیرینی کوسترر و ملتله آره سنده جاری اوله بیله جک بروحدت متوسعه و حیات مشترکه فکری مؤمنارک قلبلرینی روحلاندیرر و غیر مسلملره قارشو خطابده کندیلرینه جسارت بخش اولور .

بو ایکی حرکتک اسلامک حیات تبشیریه سی اوزرنده دها نه دورلو تقوده مالک اوله جفی آنجق استقبال آهسته صورتده کوسترر بیله جکی بر شیدر . مع هذا بونلرک حال حاضرده کی فعالیتی اسلامیتک ذی حیات اولدیغنک وزنده لیکنک برهانیدر . اسلامیتک جهد روحانیسی - اویله اکثریا ادعا ایدلدیکی کبی - قدرت سیاسی سینه باغلی دکدر ؛ بالعکس قوه سیاسی و شوکت دنیویه سنک ضیاعی بر حقوق یرلرده دها عالی اوصاف روحانیه نك تجلیسنه خادم اولمش و بو حال ایسه فعالیت ارشادیه نك اک حقیقی مشوقلرندن بری بولمشدر . اسلامیت ، تصادف ایدیلن فلاکتک نصل اداره ایدیله بیله جکی او کرمشدر . شوکت دنیویه نك سقوطی

ايسه بو ديانتك زوالنى انتاجه دلالت ايتمكدن چوق اوزاق بولندقدن باشقه  
 خريستيان حاكيتلرى آلتنده اك چوق زمان قالمش اولان مسلمان مملكتلرينك  
 اعمال اهتدائيه اوغورنده اك فعال بولملىرى بك معنيداردر . هندستان ايله ماله يا  
 مسلمانلرى دين اسلامك توسع وتعاليسنده - تور كيا ويا مرا كنده هيچده امثالى  
 كورلن - بر جهد وشوق ارايه ايلكده درلر .

ختم

## فہرست

	صفحہ
مدخل :	۵
حیات حضرت محمد :	۱۴
آسیای غریبہ کی خریستیانوں آراسندہ انتشار اسلامیت :	۴۹
آفریقادہ کی ملل نصرانیہ آراسندہ انتشار اسلام :	۱۰۵
اسپانیا خریستیانوں آراسندہ اسلامیتك انتشاری :	۱۳۵
آوروپادہ تورکلر ادارہ سندنہ کی خریستیان ملتری آرہ سندنہ انتشار اسلامیت :	۱۵۰
ایران و آسیای وسطادہ اسلامك انتشاری :	۲۱۱
مغوللر و تاتارلر آراسندہ انتشار اسلام :	۲۲۵
ہندستاندہ انتشار اسلامیت :	۲۶۳
چیندہ انتشار اسلامیت :	۳۰۸
آفریقادہ انتشار اسلامیت :	۳۲۵
مالہ یا جزائر مجتعمہ سندنہ انتشار اسلامیت :	۳۷۹
ملاحظات اختتامیہ :	۴۲۵





















